

THEATRUM ASCETICUM,
SIVE
MEDITATIONES
SACRÆ

IN THEATRO CONGREGATIONIS LATINÆ
B. V. Mariæ AB ANGELO
SALUTATÆ

EXHIBITÆ MONACHII, VERNI JEJUNII TEMPORE
Ab Anno 1739. usque ad Annum 1747.


ET NUNC

AD COMMODIOREM USUM SUÆ, ET ALIENÆ
PERFECTIONIS STUDIOSORUM

QUARTIS TYPIS EDITÆ

AB EJUSDEM SODALITATIS p. t. PRÆSIDE

P. FRANCISCO NEUMAYR S. J.



CUM LICENTIA SUPERIORUM, ET PRIVILEGIO CÆSAREO.



Ingolstadii, & Augustæ Vindel.

Sumptibus Joannis Francisci Xaxer. Crätz, Bibliopolæ Academici,
& Thomæ Summer, Bibl. August. Anno MDCCCLVIII.

32 4 3 2

FACULTAS
R. P. P R O V I N C I A L I S ,
CUM PRIVILEGIO CÆSAREO.

Cum Dominus Joannes Franciscus Xaverius Crätz, Bibliopola Academicus Ingolstadiensis, denuo & quarta vice desideret typis vulgare librum, cui titulus: Theatrum Asceticum &c. à P. Francisco Neumayr Societatis Jesu Sacerdote, Latino idiomate conscriptum; ego Georgius Herman, Societatis Jesu, per Germaniam Superiorem Præpositus Provincialis, potestate ad id mihi facta ab Adm. R. P. N. Aloysio Centuriono, universæ Societatis Præposito Generali eidem ad editionem quartam facultatem impertio, simulque Communio Privilegium Cæsareum, quo aliis Bibliopolis, atque Typographis prohibetur, ne dictum librum citra consensum superiorum recudere, aut intra fines S. R. I. inferre præsumant. In cujus rei fidem has ei manu propria subscriptas, & consueto officii Sigillo munitas dedi. Ingolstadii 14. Martii 1756.

(L. S.)

GEORGIUS HERMAN, S. J.
per Germ. Sup. Prov.



PRÆFATIO.

Meditationes, quas per aliquot annos in foliis separatis fortasse legisti, Lector benévole, nunc in unum congestas volumen offero. Causa consilii, præter multorum desiderium, fuit spes fructus amplioris, atque perennaturi ex connexione materiarum, quæ se modo oculis, Et menti integra exhibet, estque digna aspectu fixo, quia gradus componit, per quos seipsum quisque, aut suos, si aliquorum curam habet, ducere ad apicem Christianæ virtutis debet ex ordine, atque sensim, quando rarissime videmus contingere, ut aliquis repente optimus fiat. Hunc finem unice me spectasse profiteor; ideoque si quis Comiciæ Artis regulas, sive quæ ad inventionem, sive quæ ad dispositionem, sive quæ ad elocutionem pertinent, non raro neglectas esse stomachetur, meminerit, omnem Artem esse ancillam Prudentiæ, quæ illius operam sapienter repudiat, quoties ad finem intentum obesse plus, quam prodesse existimat. Discursus solidi, Instructiones practicæ, viriles motus THEATRUM ASCETICUM magis expetebat, quam ingeniosos errores, admirandas peripetias, panicos terrores, tenellas lacrymas. de quibus Terentio, aut Sophocli plaudimus. Nimirum quia hoc agebam, non ut a Spectaculo bene mecum, sed ut male contenti secum Spectatores abirent, quoties utrumque simul sperare facile non licebat. Habes finem laboris mei: Materiam, Formam, Usum sequens pagina per Synopsin exponit.

IN-



INDEX I.

Sive

Series, & connexio Materialium Directioni Animarum accommodata.

ANNUS I.

Idea Perfectæ Conversionis.

Sive

AUGUSTINUS.

Meditatio I. Conversionis Principium	Fol. 3.
II. Obstaculum, seu Procrastinatio	39.
III. Lucta	80.
IV. Victoria.	109.
V. Fructus Victoriæ.	144.

ANNUS II.

De primo gradu perfectæ Conversionis,

qui est

ORATIO,

& in specie

DEVOTIO MARIANA.

Meditatio I. Veræ Devotionis incitamenta, sive <i>S. Dionysius Areopagita.</i>	173.
II. Signa, sive <i>S. Stephanus Hungaria Rex.</i>	210.
III. Fructus, sive <i>S. Elzearius Francia Mareſchallus.</i>	243.

ANNUS III.

De secundo gradu perfectæ Conversionis,
qui est

HORROR PECCATI.

Meditatio I. Peccatum est malum summe noxium, sive *Jeroboam*

	274
II. Summe turpe, sive <i>Nabuchodonosor</i>	304.
III. Summe triste, sive <i>Saul</i>	336.
IV. Majus morte, sive <i>Ochozias</i>	366.
V. Infinitum, sive <i>Homo Deicida.</i>	393.

ANNUS IV.

De tertio gradu perfectæ Conversionis,
qui est

TIMOR DEI.

Meditatio I. Primum timoris argumentum, <i>Mors</i>	425.
II. Argumentum secundum, <i>Judicium</i>	454.
III. Argumentum tertium, <i>Jactura Cæli</i>	487.
IV. Argumentum quartum, <i>Infernus</i>	524.
V. Argumentum quintum, <i>Æternitas</i>	560.

ANNUS V.

De quarto gradu perfectæ Conversionis,
qui est

S P E S.

Meditatio I. Misericordia connivens, sive <i>Filius prodigus in regione longinqua.</i>	596.
II. Misericordia puniens, sive <i>Filius prodigus in servitute</i>	631.
III. Misericordia animans, sive <i>Filius prodigus in reditu</i>	661.
IV. Misericordia recipiens, sive <i>Filius prodigus in amplexu Paterno.</i>	691.

ANNUS

ANNUS VI.

De quinto gradu Conversionis perfectæ,

qui est

AMOR DEI.

- Meditatio I. Diliges Dominum DEUM tuum, sive *S. Franciscus Seraphicus* 721.
II. Ex toto corde tuo, sive *S. Franciscus de Paula* 753.
III. Ex tota mente tua, sive *S. Franciscus Salesius* 781.
IV. Ex tota anima tua, sive *S. Franciscus Borgia* 814.
V. Et ex tota virtute tua, sive *S. Franciscus Xavierius* 844.

INDEX II.

PROPOSITORUM

Ex harum Meditationum lectione formandorum

In Exercitiis triduanis, vel octiduanis.

DIE I. & pridie.

De Fine hominis.

1. Correctio voluntatis perversæ *per mala distamina*, quæ Animam ab ultimo fine avertunt Fol. 3.
2. Correctio voluntatis pigræ *executionem* bonarum resolutionum semper procrastinantis 37.
3. Correctio voluntatis infirmæ ab executione *propter obviam difficultatem* resilientis 71.
4. Correctio voluntatis restrictæ, & *aliqua quidem media* salutis accipientis, contra alia vero excipientis 109.

DIE II.

De Mediis ad finem.

1. Amor vitæ ad tempus *solitariae*, atque contemplativæ 142.
 2. Zelus vindicandi tot *Deicidia*, quot sunt peccata gravia, in se, & aliis 173.
 3. Spes gratiæ ex Deiparæ patrocinio 173.
 4. Promissio devotionis constantis, ac puræ 210.
 5. Executio Formulæ Marianæ. 247.
- DIE

DIE III. & IV.

De Peccato.

1. Fuga peccati, etiam cum *spes lucri* allicit, aut *metus damni* impellit. 275.
2. Fuga peccati, etiam cum *spes gloriæ*, aut *metus dedecoris* urget 304.
3. Fuga peccati, etiam cum *libido voluptatis*, aut *horror doloris* provocat 336.
4. Fuga peccati, etiam cum *spes* est peccati ope evadendi *grave malum*, aut ipsam *mortem* 366.

DIE V. & VI.

De Poenis peccati.

1. Fuga *vita peccaminosa*, qualis eorum est, qui & *facile* peccant, & *diu* in peccato persistunt 426.
2. Fuga *vita otiosa*, quippe multis peccatis obnoxia 454.
3. Fuga *vita periculosa*, qualis est eorum, qui in statu, vel officio peccandi periculis exposito versantur 487.
4. Fuga *vita deliciosa*, qualis est eorum, qui vim naturæ nullam facientes licere sibi volunt, quod libet 524.
5. Fuga *vita nimis negotiosa*, ideoque de salute incuriæ 560.

DIE VII.

De Filio prodigo.

1. Fuga *presumptionis* ex bonitate DEI conniventis 596.
2. Fuga *impatientiæ* sub verberibus DEI corrigentis 631.
3. Fuga *pusillanimitatis* in difficultatibus vitæ novæ 661.
4. Amor *penitentia*, & propositum usque ad mortem continuandæ 691

DIE VIII.

De Amore DEI.

1. Exercitium Meditationis, & *amoris affectivi* 721.
2. Exercitium contemplationis, & *amoris appetitativi* 753.
3. Decretum nihil amandi *supra DEUM* 781.
4. Desiderium nihil amandi *præter DEUM* 814.
5. Conatus DEUM amandi *sine modo* 844.



CONVERSIO S. AUGUSTINI

ARGUMENTUM
QUINQUE MEDITATIONUM,

QUAS

CONGREGATIO LATINA MAJOR
MATRIS PROPITIÆ
B. V. Mariæ ab Angelo
salutatæ

TEMPORE QUADRAGESIMÆ INSTITUIT

M O N A C H I I,

Anno Domini M. DCC. XXXIX.

MEDITATIO I.

CONVERSIONIS S. AUGUSTINI
PRINCIPIUM, ET OCCASIO.



ARGUMENTUM.



Quinque Meditationum hujus anni *unum* est Argumentum, sed multa consideratione dignissimum : *Conversio S. Augustini*. In illa contemplamur *Principium*, *Obstaculum*, *Luctam*, *Victoriam*, & *victricia Fructum*. Ita nihil negligemus, quod prodesse possit ad finem, quem nostra Sodalitas in Meditationum Scenicarum institutione intendit.

Eundem ut certius, ac suavius assequamur, in Musica tradimus pro praxi, doctrinam *de Meditiis*, quibus vera Conversio rite perficitur. Quinque numerant, qui directionis animarum peritiam habent. Primum est *Fides*, alterum *DEI timor*, Tertium *Spes*, Quartum *Charitas*, & Quintum *Experientia* per aliquem Exercitiorum Spiritualium usum comparata. Singula *aliquid*, omnia *totum* præstant.

Spectator, & Lector sui profectus amans, persuadeat sibi, in *persona Augustini se suam videre*. Etsi enim non quilibet in eodem genere cum Augustino sit reus, vix erit tamen, qui non in aliquo genere aliqua conversione indigeat, sive ex malo in bonum, sive ex bono in meliorem.

Hodie exhibemus *Augustinum in Africa*, ubi usque ad annum ætatis 30^{um} docebat Carthagine Rhetoricam. Corruptæ per

per Patris indulgentiam adolescentiæ vitia hominem, præter cætera mala, etiam in hæresin Manichæorum pertraxerant, nempe *faventem libidini*, quia docebant impii homines, *non esse nos, qui peccamus, sed pravam in nobis peccare naturam.* Ita ipse l. 5. Confess. c. 10.

Actum erat de salute maximi Viri, nisi *cupido vera Sapientiæ*, quam lectio Ciceronis ad Hortensium pepererat, impulisset, ut in suæ sectæ fundamenta altius inquireret. Reperit in arena fundari, ideoque, cum dubia sua ne ipse quidem Faustus summus Sectariorum Episcopus dissolvere posset, sine mora partes erroris deseruit, & Manichæus esse cessavit. Hoc ei *Conversionis Principium* fuit, sicut legere est l. 5. Confess. c. 7. Itaque præsentis Meditationis

Materia: Est disputatio Augustini cum Manichæis.

Puncta duo: Primum, Disputationis occasio.

Secundum, Disputationis effectus.

Fructus: Correctio voluntatis per falsa axiomata perversæ.

Propositum: Examinare se, ex quibus quisque *principiis* vixerit, & *in specie*, an non putaverimus servire excusationi posse illud ab Adamo hæreditarium: *Mulier*, hoc est, *Natura, quam dedisti mihi sociam, dedit mihi de ligno, & comedi.* Gen. 3.

Personæ.

Augustinus,

Alipius nobilis Afer,

Potitianus ex aula Arcadii Imp. Catholicus,

Romanianus Manichæus Augustini Mæcenæ.

Nebridius Augustino Familiaris,

Navigius ejusdem Frater, Catechumenus.

P R Æ L U D I U M

Præparat animos ad fructum ex his Meditationibus colligendum.

Anima meditans. Angelus explicans.

Anima.

PAuci Electi! (a)

Matt. 20.

Triste Evangelium! Angele mi!

An ergo Deus non vult omnes salvari?

Angelus.

Vult utique, & ardentissime.

Anima.

Homines igitur salvos fieri non velle,

Jubes me credere?

Angelus.

Imo etiam homines volunt omnes salvi fieri.

Anima.

Deus vult omnes salvari,

Homines volunt omnes salvi fieri!

Quomodo igitur sunt pauci electi?

Angelus.

Nempe, quia pauci (attende, & intellige me)

Pauci volunt se salvos facere.

Anima.

Portentum ignaviæ!

Non sic ego, non sic!

Ego scio, quod, qui creavit me sine me,

S. August.

Non salvabit me, sine me.

Volo, volo, ut pauci, vivere!

Quocunque labore constet, volo,

Volo me salvam facere.

Angelus.

Ita gaudes teipsam decipere.

Volo, volo, verba sunt: opera exhibe.

Aria.

Quid fecisti dignum celo? (b)

Age, narra, jacta te!

Annos

(a) Exhibetur specus, & imago accommodata pro Præludio, nempe liber conscientia. (b) Inscriptio: multa mala, parum boni, & hoc ipsum parum bene.

Annos vitæ sine velo,
Sine palpo inspice!
Quale tandem, quale tibi
Scribes Epitaphium,
Nisi, quale vides ibi, (c)
Tux sortis hominum.

2.

Garris artes, & labores,
Buccinas negotia:
Tace! curas graviores
Suscipit aranea. (d)
Ah! pro musca, non pro Deo
Sic eviscerasti te!
Et hoc sit servire Deo?
Hoc sit velle saluum se!

Anima.

Heu! lumen terribile!
Ergo inter multos me video,
Qui salvare se nunquam volunt serio?
Decretum est: inter paucos esse volo:
Doce me, mi Angele,
Quid est igitur serio velle salvare se?

Angelus.

Accipe:
Voluntas perversa,
Quæ adhibet media ad finem noxia,
Voluntas pigra,
Quæ differt, aut negligit omnia,
Voluntas debilis,
Quæ facile cessat, & resilit, cum via est ardua,
Voluntas restricta,

A 3

Quæ

(c) Crypta mortualis cum inscriptionibus ex c. 5. Gen. Vixit... genuit filios,
& filias... & mortuus est. (d) Telas aranea texuerunt. Isa. c. 59. Exhibitio.

Quæ inter media acceptat aliqua, excipit alia,
Non est voluntas *seria*.

Qualis tua sit, ut plene intelligas,

Ecce Theatrum aperio, (e)

In Augustino *te tibi* exhibeo.

Qualis fueris, qualis esse debueris,

Qualis posthac esse debebis,

In Augustino videbis.

Anima. Tuæ curæ libenter committo me,

O bone Genie! dirige! dirige!

Dixi : statutum est : *volo salvare me serio*.

Angelus. Ut aspiret cælum pio desiderio,

Compone animum, oculos erige,

Mentem eleva,

Et tua meis junge suspiria.

Duetto.

Ambo.

Scrutator cordium,

Quem nullæ fallunt latebræ,

De tuo bonus lumine,

Huc mitte radium!

Anima.

Da memet intueri,

Et vitæ ignavissimæ

In nugis male perditæ

Horrore commoveri!

Angelus.

Fac, nubila secentur!

Et ut, quæ diu credulam

Jam tenuerunt animam,

Tenebræ dissipentur,

Ambo.

Huc mitte radium,

Scrutator cordium.

ME-

(e) Augustinus inter perversæ mentis emblemata.



MEDITATIONIS

De Disputatione S. Augustini

PUNCTUM I.

Disputationis occasio.

SCENA I.

Augustinus. Nebridius. Alipius. Potitianus.

A *Lipius.* (a) Est commoda navis, & instructa ex voto. Beneficium, Potitianè, fecisti, quod me invitaveris. Inspecere penitius licet? *Potit.* Ingredere, & selige locum tibi, Alipi: hospitem gratum habeo. Et quid vos tandem? Augustine, Nebridii, nobiscum ibitis? *Al.* Quousque dubitatis? *Nebr.* Expecto amici sententiam. *Aug.* Et ego adventum Fausti. Antequam Fausto loquar, non abibo. Ille meis, ut dixi, & spero, dubiis satisfaciet: atque, nisi me Rominianus fefellit, aderit hodie. Igitur si crastinum expectare lubeat, forte utemur beneficio, & jungemus nos vobis. *Pot.* Ah forte! Ah Faustus! *Al.* Faustus ut satisfaciat tibi, desideras magis, Augustine, quam speras; puto. *Pot.* Tamen audiatur, modo hodie veniat, & ut postea nihil ultra differas. Nam ego miles sum, & urget abitum Imperium Cæsaris, ut primum tranquillius erit mare. *Aug.* Post auditum Faustum non morabor decernere, quod mihi proderit.

SCE-

(a) Exhibetur turbidum mare, cum portu Carthaginis.

SCENA II:

Augustinus. Nebridius.

N*Nebridius.* Favete cæli, ut adhuc hodie pacetur mare, & ventus afflet, qui vehat Romam. Roma mihi diu, noctuque in desiderio est. *Aug. Mihi sapientia, & veritas.* (b) Veritatem si non inveniam Romæ, Roma, sicut Carthago, molesta erit. Locus mutabitur, animus nihil. Contemplare, Nebridi, hoc Symbolum cordis mei, & miserere! ecce sic fluctuo! sic jactor! sic æstuo inter Syrtes, de fide dubius, de moribus anxius! experior verbum Domini: *impii quasi mare fervens, quod quiescere non potest, & redundans fluctus ejus in conculcationem, & lutum.* (c) Fidem facile muto, si invenero meliorem. Sed nempe si fidem muto, mutandi & mores erunt: hoc ut ego possim!... nosti me! *Nebr.* De moribus cogitemus postea: fides bona bonum consilium dabit. O fides! o veritas! ubi te reperiam? Augustine, ego in eadem sum navi, tecum ambiguus, ubi vera sit fides. Portum suspiro, sed non tenebo, scio, nisi abimus ex isto portu. Age, convasemus, decerne tandem. *Aug.* Convasare nullum negotium est, omnia sua portanti secum. Sola expectatio Fausti facit moram. *Nebr.* Mihi tu facis, Faustus nullam. Quamcunque ille doctus sit, ac disertus, nunquam tamen Augustinum dubiis exsolvet suis: quin, ne involvat magis, hoc metuo. *Aug.* Audiendus est: promissum dedi, ut hominem divinum descripserunt: cur non sperem, veritatem digito demonstraturum cupienti, & explicaturum difficiles nodos, quibus minorum gentium Manichæos disputando implicui? Scis, quod se fassi sint impares, qui responderent argumentis, quibus oppugnavi Manetis doctrinam, parem autem Faustum esse: experiar igitur. *Nebr.* Video, quod sit futurum. Ajunt, hominem naturâ facundum esse. (d) Garrulitate itaque, & elegantia

fermo-

(b) L. 3. *Confess.* c. 4. (c) *Isa.* 57. (d) L. 5. c. 3. 6. & 7. *Confess.*

sermonis malam causam defendet, quam iustis armis non potest.
Aug. De me te crucias? Sed ego scio, amice, quæ sit ratio agendi cum talibus. *Quomodo* locuturus sit Faustus, ego non attendam: *quid* sit locuturus, hoc examinabo. Si satisfecerit dubiis, habebit me sibi captivum: sin minus, accepto Potitiani beneficium, & tecum, ubi cælum faverit, ac cum Alipio, Romam abeo, modo tamen etiam consenserit Melania. (e)
Nebr. Hem! nova exceptio! putabam solum Faustum in mora esse. Illudis mihi? usque adeo imbellem te credam? non credo. Aut, non puderet te adeo sine ambagibus mancipatum tam turpem fateri?... Vah, audio muliebrem gemitum. ... Heu! vere Melania te plus, quam Faustus tenet! obsecro, Augustine, quot mariti sunt, qui per terras ac maria passim vagantur, uxore, non dico, non consulta, sed etiam merito invita: & tibi non liceat tuæ salutis causa Romam petere, nisi amica probaverit! Ignosce amico: libere loqui cogit indignitas rei. *Aug.* Condo audaciam nunquam experto, quid sit amare. Cæterum ita est: Video, me esse mancipium: sed, quid faciam? *esse cogor*, nunc maxime, postquam cum Manichæis sentire coepi, *non esse nos, qui peccamus, sed pravam in nobis peccare naturam.* (f) Non credis, quantum me istud axioma confirmarit in malo, quod malum esse scio, & tamen amo. *Nebr.* Miror, fieri posse, ut homo sapiens amet malum. *Aug.* Admiratio tua est filia ignorantix, de qua ego gratulor tibi: tu mihi condole, & de his sile. *Nebr.* *Ego non pecco, sed prava in me peccat natura:* Augustine, credis tu veram sententiam esse? falsa est: utique intelligis. *Aug.* Falsa est, patet, quia Deus me punit, cum pecco: ergo ego pecco, neque enim, qui non peccat, iuste potest puniri. Deinde, sicut experior vivere me, sic experior, me aliquid velle, aut nolle, cum pecco: sequitur, quod peccare sit voluntatis actio, non naturæ. Sed hæc argumenta forte Fau-

B

stus

(e) L. 4. Conf. c. 2. (f) l. 5. Conf. c. 10.

stus dissolvat. Experiar. *Nebr.* Opto igitur, ut hic jam nunc adsit: nam mihi certum est, nihil apte responderi posse. *Aug.* Etiam judico. Est tamen nescio quid, quod mihi blanditur intus, & dicit: nihil metue! huc te natura adigit: non offenditur, qui est auctor naturæ. Reclamat ratio, & urgens me: Augustine, inquit, non es animal brutum; homo es: hominem autem non debet appetitus regere, sed decorum, non apprehensio, & phantasia, sed discursus: tu quem consiliarium audis? en! hæc cogitationes discerpunt cor: sed pacem Faustus feret. Oro te, Nebridi, Romanianum accede, ut, cum primum Faustus advenerit, monear. Ego interim hic solitarius obambulans mari, meas pugnas contemplor, donec Alipius ex navi redeat. Fac obsequium. *Nebr.* Utinam ad solatium tibi.

SCENA III.

Augustinus. Navigius.

Augustinus. Paulatim mitescit mare: prò Superi! abibit hodie cum Potitiano Alipius meus, & sine me? fure pelagus! urgete venti! nova procella surgat, ut tempus lucrer!... nihil ago. Magis ac magis se fluctus ponunt. O ut sit hoc omen bonum, & sic animum Faustus componat meum!... ecce! hinc aliqua se navis movet!.. propinquat!.. appellit littori!.. quis hospes adest? exscendit. Quasi ex nemore prodiens obvius veniam. *Nav.* Deo sint laudes, quod salvus adsim. Hic expectate, dum redeam.... Fallor! an forte hæc ipsa est navis, cui se committet filius prodigus, iturus in regionem longinquam? o vere filius lacrymarum! sed, quis inde se movet? *Aug.* Quid me circumspicis bone juvenis? num est, quod velis? *Nav.* Nescio, cui loquar. Nisi tamen me vestis fallit, forte video ex Doctore aliquem, qui Academiam Carthaginensem regunt. *Aug.* Non errasti. *Nav.* Igitur aut es ipse, quem qua-

ro,

ro, Augustinus, Domine, aut certe tibi ignotus Augustinus non est. *Aug.* Etiam recte, nam familiariter novi hominem. Et quid cum illo est tibi? *Nav.* Fratres sumus, & habeo, quod a Matre nuntiem. *Aug.* Frater Augustini es tu? tu Navigius? Monica Filius? *Nav.* Is sum: & mirari te video? *Aug.* Miseret tui! & novi Monicam. Est fœmina notæ optimæ, dignaque, ut illi filius solatio esset! *Nav.* Ah! ut esset! *Aug.* Gemis! & ego, quod frater sis hominis obstinati in malo, condoleo tibi. *Nav.* Adorat Africa fratris ingenium: eruditionem, eloquentiam, doctrinam tota Carthago stupet: quid juvat? Mater desideraret plus virtutis, minus scientiæ. Ajunt, in fide, & moribus infamem esse: hoc dedecus omne decus pessumdat. *Aug.* Idem queruntur amici omnes, sed utique maxime Mater tua? *Nav.* Lacrymis innatat perpetuis misera, illud Rebecca millies repetens cum gemitu viscerum: *si sic mihi futurum erat, quid necesse fuit concipere?* *Aug.* Credo. Sed ætatem habet filius: si non vult sapere, ipse sibi est mali causa: quid affligit se mulier sine fructu? *Nav.* Mater est. Fierine potest, ut non acerbissime sentiat, genuisse se filium, æternis, ut apparet, ignibus destinatum? *Aug.* Desperastis, mutari posse? meliora spondeo. Novi hominem. Non est inter illos, qui, cum jam sint mortui proximi, adhuc negant, se ægros esse. Augustinus agnoscit, graviter se decumbere, periclitari, & grandi Medico habere opus. *Nav.* A Fausto expectat opem, scio, & si apud illum non inveniatur, Romam cogitat. Sed inanis fiducia est, imo medicina morbo nocivior. Mater aliam suadet, quam credit, certius saluti fore: litteras fero. Nunquid in navi reperiam? *Aug.* Paulo ante fuit. At ego gaudeo, hoc audiisse, quod spem de filio non abjecerit Monica. Oro te, dic, quid fortem adeo mulierem facit? *Nav.* Visio fecit, quæ nuper dormienti objecta est. Ita bonus est Deus, & afflictos ad se fugientes solatur.

Aug. Visio? o clementia Numinis! recreas me bono nuntio. Quin narres, an obstat aliquid? *Nav.* Augustini amico loquor, non dubito. Nomen num licet scire? *Aug.* Affectum intelligis, & scies nomen postea. Nunc hoc sufficiat, salutem hominis æque mihi curæ esse, ac est ipsimet. Hinc avidè audio, quid dicas. *Nav.* Dicam. Videbatur sibi Mater in eadem cum filio domo versari, eadem mensa uti, colloqui, convivere. Aversabatur hæreticum, blasphemias erroris detestans. Fugere conatur, increpat, abigit. Frustra. Nam dum, qua se prori-
piat, circumspicit, videt, stare se in quadam regula lignea: pò-
ne adsistere juvenem splendidum, ac hilarem, cum ipsa mœre-
ret. Ille causam tristitiæ exquirat: respondet Monica, Augu-
stinum se plangere. Et juvenis arridens: vide, ait, ubi tu stas,
ibi & ipse. Ad eam vocem ipsa se vertit, & vidit, fratrem meum
in eadem secum regula stare. *Aug.* Somnium dubium. Nam
quid? si significet, etiam Monicam fore Manichæam, & sen-
suram cum filio? *Nav.* Non ita fiet: nam ecce, cum ego nar-
ranti visionem Matri hoc ipsum objicerem, illa continuo, &
læto aspectu, non, dicebat, fili, non, ut tu interpretaris. Non
enim dictum est mihi: ubi filius, ibi & tu, sed, ubi tu, ibi & fi-
lius. (g) *Aug.* Hem! amplius me istud responsum fœminæ,
quam visum movet. *Nav.* Crevit spes ex eventu novo.
Ut cito fieret, quod viderat, Mater cupida, adiit Presbyterum,
doctum virum, ac eruditum, quem credebat sufficere, ut se
Augustino per disputationem opponeret. Rogatus noluit: di-
sputando nihil effectum iri causatus contra hominem ætate ju-
venem, hæresis novitate indocilem, scientiæ opinione inflatum.
Tolera, dicebat, & sine illum. Tantum roga pro eo Dominum:
ipse legendo reperiet, quis suus sit error, & quanta impietas. (h) *Aug.*
Profecto prudens responsum fuit. *Nav.* Addidit bonus vir, se
parvu-

(g) L. 3. Conf. c. 11. (h) L. 3. Conf. c. 12.

parvulum eadem hæresi Manichæorum corruptum esse : postea ipsa lectione, nemini contra se disputante, vidisse errorem, horruisse, fugisse. *Aug.* Prorusus belle. *Nav.* Verum instabat ulterius Mater, urgens, deprecans, fletus ubertim, ac obsecrans, ut disputaret. Tum ille subtomachans tædio, & imperiosius: *vade, inquit, fieri non potest, ut filius istarum lacrymarum pereat.*

(i) Ad hanc vocem, velut si de cælo sonuisset, absterfus est moeror, redundavit animus dulci solatio, neque dubitat de veritate oraculi : unum angitur, ne differatur eventus. *Aug.* Amice, me ipsum, dum ista narras, sentio læta spe de Augustino impleri. Quo medio cupit Monica, ut juves miserum? *Nav.* Nuptias suadet. *Aug.* Nuptias suadet! quale hoc consilium contra hæresin? *Nav.* Sperant amici, nuptias remedium contra concupiscentiam fore, atque Augustinum Catholicis se adjuncturum sine mora, ut primum cœperit caste vivere, & intra matrimonii limites continens. *Aug.* Callide quidem: nempe quia creditis hominem, non tam intellectu, quam voluntate errare? *Nav.* Sic omnino constitutum esse fratrem non dubito. Nam quod Vir tam perspicax adoret ineptias, quas Manichæi garriunt, fidemque seriam tantis stultitiis habeat, nemo adducet, ut credam. *Aug.* Tecum sentio. Hoc vero ut persuadeas, ne opponat se nuptiarum consilio, difficilis labor est. Nimis alligatum Melaniæ scio. *Nav.* Modo jam istud obtineam, ne Romam abeat. De Melania constituit modum Mater, quo eripietur ignaro. *Aug.* Profecto diligenter omnia cogitastis. Et quem tu loqueris modum? *Nav.* Alias narrabo; nunc cito perquirendus est Frater, ne fiat profectio, antequam colloquar. Ubi inveniam, doce, obsecro. *Aug.* Proxime ad portam urbis de Romano inquire: Vir est prædices, & Augustini Mœccenas. Ibi, nisi inveneris fratrem, saltem intelliges, quid agatur.

B 3

Nav.

(i) Ibidem.

Nov. Amice agis. O si quid potes, Domine, porro te Matris consiliis junge. Rem magnam facimus, nisi malè augurantur, qui norunt virum, si Augustinum Ecclesiæ Christi lucramur, & Deo.

S C E N A IV.

Augustinus solus.

Augustinus. Operam dabo, ne te pæniteat esse locutum mihi,.... Jam Faustus, Amor, Roma, Monica, simul omnes impetum faciunt in istud pectus. Navigi, Frater, quot turbas cies? Monica nuptias suadet? Melania eripietur ignaro? Faustus nihil proderit mihi, & Roma nihil? undique tædia. Hoc habeo, postquam post concupiscentias abii. Uxorem ducam? quid deinde? num ideo sanus ero?... amores deseram? Amor, amor, dedi fidem.... Faustus pacem animo feret? spes exigua.... Romæ inveniam, quid sit veritas? sit ita: forsitan reperta veritas cruciabit ferocius, quam blandus error.... O calamitas mea! divisus sum. Hinc amor Sapientiæ ingens, & fortis trahit: inde retrahit amor carnis ardens, ac pertinax: neque erit pax, intelligo satis, non erit pax, donec succubuerit alteruter, & totum occupet victor unus. Quando autem hoc erit, aut num aliquando demum? Mater sperat. Vidit in eadem secum me regula stare: igitur Catholicis jungar? fortasse. An vero cum fide mutabo mores? difficulter. Nihil ergo proderit ire Romam? omnia in dubio sunt. O fastidium! & in interitum eo, si pergo viam tam dubiam ire!... Quid timeo tamen? fieri non potest, ut filius tantarum lacrymarum pereat, quantas Monica fundit pro me. Adoro patientiam boni Numinis! utinam non fatigem! prò! quanti tumultus in hoc certamine amoris gemini! aut voluptas est deserenda, aut veritas. Quid facio?

SCE-

S C E N A V.

Augustinus. Alipius.

Alipius. Ecce! solitarium hic reperio. Amice, quid agis? quousque te ista deliberatio torquet? *Aug.* Alipi, nuptias cogito: sic suadet Mater. *Al.* Illudis? *Aug.* Qui nuntium tulit Frater, nunc primum in urbem abiit. *Al.* Res nova! & placuit muliebre consilium? *Aug.* Non a quo sit, attendo, sed quale. *Al.* Heu me! ergo jam certum est tibi, non abire ex Africa? *Aug.* Hoc certum est, consilium Matris non displicet mihi: heu! nimis grande proposui negotium. Perpetuo cælibem vitam, & castam agere, Alipi, non est cujuslibet. *Al.* Vah! etiam me, ut existimo, a suscepto cælibis vitæ consilio absterrebis? Vale! addixi me Potitiano, Romam ibo, & in cultu castitatis vitam cælibem Sapientiæ studio, ac virtuti dicabo. *Aug.* Bene facis. Ipse obsecro, ut cito discedas a me. *Al.* Quid? etiam me abigis? Ita te loqui amico decet? vix gustare cæpitæ amicitiae fructum, & spem inveniendæ per te sapientiæ capere, cum te separas? quid jam offendi, ut iratus sis mihi? forte quod firmum decretum sit mihi eundi Romam, vel si tu nolis, hoc inimicum facit? *Aug.* Fui. Nunc amo vere: ideo, ut abeas, etiam rogo. Deceptus decepi te, & prò dolor! in idem errorum barathrum mecum traxi. En! vela Potitianus explicat: perge Romam, quære, ut invenias virum, qui ex fovea trahat. *Al.* Trahat, qui trahet te: quæramus simul, quando utrique par est desiderium quærendi verum. *Aug.* O veritas! veritas! quam ardentè medullæ animi mei suspirabant te! quæsi, & non inveni, quia nempe tu, Deus, lege infatigabili spargis pænales cæcitates super illicitas cupiditates! (k) Sapere me credidi miser, & stultus factus sum. *Al.* Me istæ querelæ nihil juvant.

(k) L. I. Confess. c. 17.

juvant. Dic aperte, si Faustus non satisfecerit tuis dubiis, ibis Romam? *Aug.* Nescio. *Al.* Sapientiae studio te studiosius dabis? *Aug.* Nescio. *Al.* Quid igitur fiet? *Aug.* Nescio. *Al.* Si nescis, quid statuas, conferamus consilia saltem, ut tandem decretum fiat. *Aug.* Relinque me mihi. Ego jam neque dando consilio, neque accipiendo idoneus sum. Vitae huc usque actae imago foeda se oculis objicit: inde tædium, & amarus horror, moeror, nausea. Vah! annum vitae trigesimum ago, o cæli! qualis vita! Alipi, cessa amare me. Vereor, ne amor, qui te similem mihi non invenit, similem faciat, & eris monstrum, quo nullum tetrius tulit Africa. *Al.* Quæ intemperiae! *Aug.* Non fugis? *Al.* Neque me capio, neque te, minime, quid isti sermones velint, aut unde sint. *Aug.* Fuge, inquam, fuge a me! *Al.* Imo ut proficiscere mecum, si me, & te amas. *Aug.* Non, ajo, sed tu fuge. *Al.* Quæso, quæ turbæ te agunt! *Aug.* Ah! qui sim, ignoras. O bone!... bene habet. Solus foli annales vitae ex memoria legam, ut incipias nosse, & cesses amare. *Alip.* Hoc me consilio fugas. Nam cui bono audiam mala tua? *Aug.* Imo, si amas, manes, ne redeas postea, & rursum ames. Nocui tibi, dum Manichæum feci: prodesse volo, nec possum certius, quam si persuasero, ut me oderis. *Al.* Non intelligo te. Sed mihi turbatus videris. Omen est bonum. Vim amicam patior. *Aug.* Huc asside. *Al.* Sæpe tristibus solatium est, audiri. Audio, hac lege tamen; ut tu postea audias me. *Aug.* Nescio. *Al.* Etiam ego, quid velis, nescio: tamen loquere. *Aug.* Unde exordiar? . . . *Ubi, oro te, Deus meus, ubi Domine, ego servus tuus, ubi, aut quando innocens fui?* (1) in peccatis concepit me Mater mea, & quantum sit in me peccati imperitum, jam infans prodidi. Sæpe jam tum, quod nocebat, petebam cum multo fletu, & indignabar negantibus, feriebam, cupie-

(1) L. I. Conf. c. 7.

cupiebam nocere, nec raro, etsi nondum loqui possem, jam tumens invidia intuebar pallidus collactaneos meos amaro aspectu. Tolerabantur hæc a nutricibus, blande quidem, sed stolidè, *non quia nulla mala, vel parva, sed quia ætatis accessu peritura videbantur.* (m) *Al.* Vitium commune narras infantibus ex Adamo progenitis. *Aug.* Per stolidam indulgentiam, ut dixi, crevit mecum, & ex infantia in pueritiam transiit. Videbam tunc homines adorare Deum: hinc intellexi, Domine, ut potui, *te esse Magnum aliquem, qui posses etiam non apparens sensibus nostris exaudire nos, & subvenire nobis.* (n) Igitur, Alipi, orabam etiam ego Deum, sed quid credis, orasse me? ah! Deus magnè! *rogabam te parvus, non parvo affectu, ne in Schola vapularem,* quia, quod erat bonum mihi, unum malum putabam. Cæterum ludere, & ludendo vincere, unum gaudium fuit: bonas litteras discere tædium, obedire præpositis tormentum. *Al.* Quid facias? sensus, & cogitatio humani cordis in malum prona sunt ab adolescentia sua. *Aug.* Hinc collige, ut crescat malum, si alat Pater, ut aluit meus. *Christum non noverat* (o) miser: ideo, quod est Ethnicis proprium, nihil erat anxius, quibus moribus viverem, modo in litteris proficerem. Itaque ego, Alipi, præcepta Grammaticæ violare turpius esse credidi, quam violare Decalogum, & solocisum horrebam plus, quam quodvis flagitium. Superi! *quantillus puer, & quantus peccator!* (p) *Al.* Infelix erat patris culpa magis, quam tua. *Aug.* Atqui ego me felicem putabam, quod facultas esset vivendi licentius. Ita ingressus adolescentiam adhibebar Poësi. Legebam obscenas fabulas: nam hinc, aiebant inepti doctores mei, *hinc verba discuntur, hinc acquiritur eloquentia.* (q) Cathedra pestilentiae prostabat in foro, & turpitudinem docentibus, supra mercedem,

C

dem,

(m) *Ibidem.* (n) *L. 1. c. 9.* (o) *L. 1. c. 18. & 19.* (p) *L. 1. c. 12.*
 (q) *L. 1. c. 16.*

dem, etiam ex ærario reipublicæ decernebantur salaria. In elegantibus libris, quasi in vasis pretiosis, vinum meretricium propinabant ebrii didascalici, & nisi biberemus, cædebamur, nec licebat appellare ad aliquem iudicem sobrium. Ego vero, ut videas nequitiam pueri, talia libenter didici, eis que delectabar miser, & ob hoc bonæ spei puer appellabar. *Al.* Miseret me tui! Video fontes geminos, ex quibus toxicum in te fluxit. Ex libris bibebas scelus, ut lac, & torrens hominum, plus scientiam, quam conscientiam amantium (r) devolvisset vel reluctantem in mare mortuum. Satis est: ex his principiis intelligo consequentias. *Aug.* Adhuc audi. Sileo innumera mendacia, fraudes, furta, iras, rixas, gulam, & reliqua vitia, quibus puerilem innocentiam corrumpt: ad decimum sextum ætatis annum (s) venio. O annum infelicem! tunc, o Numen meum, computrui coram oculis tuis, placens mihi, & placere cupiens oculis hominum, æstusque concupiscentiæ abreptus totum me in hoc studium effudi, ut amarem, & amarer. *Al.* Cessa, cessa tandem. Mala te educatio malum fecit: male sit illis, qui post bonam mali fiunt! *Aug.* Annum illum miserum otiosus agebam domi, quia Pater præparabat sumptus, quibus postea in Academia me aleret. Tunc, amice, exceßerunt caput meum vepres libidinum, & nulla erat eradicans manus, imo gaudebat Pater ex inquieta adolescentia, quasi jam in nepotes gestiret. (t) *Al.* Vah! Parentem non parentem, sed peremptorem! *Aug.* Sicerat. Postea Thagasta translatus Carthaginem in Manichæos incidi. Displicuit doctrina Catholica, quia sanctorum erat, quam ut possem amare, & altior, quam ut possem capere. Placuit Manetis, quia favebat moribus meis, & doctores ejus semper veritatem, veritatem, & merissimas evidencias plenis buccis spondebant. Ergo a decimo nono anno vitæ meæ cum his comitibus iter agebam platearum Babyloniarum, &

(r) L. 1. c. 19. (s) L. 2. c. 1, & 2. (t) L. 3. c. 6.

& volutabar in coeno ejus tanquam in cinamomis, & unguentis pretiosis. *Al.* Poteras tanto tempore sine animi cruciatibus scelus amare? *Aug.* Scis, inter alias blasphemias docere Manetem: non esse nos, qui peccamus, sed pravam in nobis peccare naturam. In quanta mala unum hoc malum axioma præcipitaverit, flere magis lubet, quam dicere. Reprehendebas me sæpe, Deus mi! & audiivi vocem graviter objurgentis hic intus: Augustine quid facis? Ego impudens declinavi cor meum ad excusandas excusationes in peccatis: accusavi naturam, dixi: *Domine natura, quam dedisti mihi!*... & accusando naturam, putabam insanus defendi me! *Al.* Obtundis aures. Cessa, obsecro! erratum est utique, video, hoc te videre. *Aug.* Video, & horreo. Nam quis ad talis vitæ Historiam non horreat? Nunc a cognitione veniendum est ad correctionem. Alipi, quid possum sperare? narravi me tibi: quid putas? *Al.* Magni motus te agitant: spero bene. Non diu displicebit Deo, qui vere displicet sibi. *Aug.* Monicæ, Alipi, hos animi salutares tumultus debeo. Maternas lacrymas trahit ad se cælum, & mutatas in frugiferum rorem arido cordi depluit ad refrigerium. Sic mihi Frater narrat, & ne de me desperem, hæc Matris pietas facit: quidni igitur consilium de nuptiis audiam? *Al.* Nuptiæ forsitan uni malo medellam ferent: sed alteri, quo laborat intellectus, nisi hodie Faustus medetur, quis medebitur postea, si in Africa uxori adhæreas? Romam, Romam nos vocat veritas! ibi sapientiam sponfam habebo. & perpetuo cælebs vitam beatam vivam. *Aug.* Hoc tu potes? ego non possum! ah! quis mihi filum in hoc labyrintho?

S C E N A VI.

Alipius. Potitianus. Navigius.

A *Lipius.* Quo te abripis? relinquo sibi: Superi consilium dabunt. Mihi misratio viscera commovet! quam felix fui,

fui, cui melior educatio obtigit! adde bonum alterum Deus, ut vera fides se mihi offerat; & possideo omne bonum, quod hominem in hac vita felicem facit. *Nav.* Et quid hoc erit? Domine, non est tibi visus Augustinus in loco hoc? *Al.* Quis es? quid vis? *Nav.* Jo! nunc felix sum. Potitiane, amice optime, salve millicies! *Pot.* Navigi salve! hospes inexpectatus ades. *Nav.* Ad te, & fratrem legatus a Matre. *Al.* Hic frater Augustini est. *Nav.* Frater a fratre despectus immerito, & illusus. *Pot.* Quid enim quereris? *Nav.* Vides naviculam, quæ paulo ante Thagasta huc me advexit: exscendi, in virum incido doctoris habitu: de Augustino requiro, amicum se fingit, narro multa, denique ad Romanianum me mittit. Eo; Romanianus, postquam ei descripsi hominem, ait, jam esse locutum fratri, & jubet redire ad portum. *Al.* Non eum noveras? *Nav.* Trimulus fui, cum ille Thagasta discessit: ab eo tempore nunquam vidi. Sed tu judica, Potitiane, quæ sit ista humanitas, dissimulare se fratri, fratrem profitenti, & litteras, quas a Matre habeo, ne quidem acceptare! *Al.* Habet graves causas, cur sic: & tuum hac die male auspicatum est iter. *Nav.* Nempe iste ex Manichæis est, Potitiane, qui metuit, ne Mater Augustinum eripiat! *Pot.* Amicus Alipius est, intime familiaris: nihil metue. Ad me, quæ habeas mandata, loquere. *Nav.* Hoc rogat te Mater per nomen Catholicum, quod colis, ne filium ex Africa avehas. *Al.* Sic est: & nempe ne consilium nuptiarum impediās. *Pot.* Nuptiæ agitantur? *Nav.* Video istum jam hæc omnia tractasse cum Fratre. Ah! Alipi, cur opponere te vis salubri desiderio Matris? *Al.* Quia amicus sum: Nonne a Manichæis ut se abstrahat filius, hoc Mater cupit? *Nav.* Unice optat. *Al.* Atqui non potest huic voto pestilentius esse consilium, quam istud de nuptiis. *Pot.* Eadem est mea sententia: & credidi, me gratiam Matri facere, si Augustinum eadem opera
&

& a conversatione cum Manichæis, & ab ineptiis amorum abducerem. *Nav.* Enimvero amicos audio, quibus si est sensus diversus a Matre, acquiescet haud dubie pia fœmina, quæ unam filii salutem sitit. Sed quos tamen sensus Frater de nuptiis prodidit? *Al.* Ambiguos inter illas; & iter; cæterum mihi credite: quamdiu tenetur a Melania, neutrum fiet. *Pot.* Mihi occurrit consilium. - Fœmina, sicut Augustinus, etiam ipsa est dubia de sua fide. Suadeat ipsi aliquis, ut ipsa Augustinum ad iter urgeat, ex quo redux docturus sit veritatem, quam Romæ didicerit. *Al.* Consilium placet, præcipue si Faustus disputanti succumbet. Ego exequor.

S C E N A VII

Potitianus. Alipius. Navigius. Nebridius.

N*Nebridius.* Jo! Faustus advenit. Date Augustinum amici!
Al. Inter arbores se condidit, ut tædio, & angoribus suis vacet liberius. *Nebr.* Erit finis. Tu, quæso, Potitiane, ne solvas navem, donec disputatio finiatur. Successus determinabit consilia. *Pot.* Beatum me facitis, si itis mecum. *Nav.* Idem Frater optat. *Nebr.* Augustini? *Pot.* Ab anxia Matre sollicitus nuntius. *Nebr.* O salve! Frater igitur etiam meus es, nam & ego Augustinus sum. Requiro virum. *Nav.* Læta dies, quæ tot amicos jungit. *Al.* Nebridius est, qui abiit, & ipse Sapien-tiæ devotus imprimis. Sed ego jam negotium conficio cum Melania, ut post Faustum victum sublatus sit omnis obex. *Pot.* Mihi prurit animus hoc idolum videre, & audire, quæ spuat oracula. *Nav.* Ego hic Fratrem expecto, ut comes eam. *Al.* Imo commodius post victoriam sistes te, & litteras dabis.
Pot. Quibus ego pondus addam. Nunc veni mecum.

Nav. Pot. Al. Consilia fortunet Deus.



CHORUS.

Conversionis serię principium fit a cognitione sui ,
quam efficit Gratia , Fides , & Examen.

Anthropus, sive homo peccator. Gratia in persona Tabellarii.
Fides in persona Janitoris.

Gratia. **N**Ubila, lurida, squallida, tetrica,
Terribilis nox! ... (a)
Heu! tantis involuta tenebris
Domus infelicissima!
Est tamen, est ipsissima,
Cujus pulsare januam jubetur Gratia,
Imperii Divini nuntia....
Vah! Ostiarius dormit in atrio
Surge! surge, qui dormis!
Fero litteras ad Patrem familias.

Fides. Importune! nemo est domi:
Quid frustra me excitas?

Gratia. Fallor! an vocem fratris audio?

Fides. Fallor! an Gratia loquitur in hoc tabellario?

Gratia. Salve Fides!

Fides. Salve Gratia! Fidem adjuva.

Languore, & otio pæne emarcui :

Adeo his in ædibus evilui.

In atrio utcunque me sustinent :

Si moveo me, omnino ejicient,

Aria.

(a) Exhibetur domus tenebris involuta, & in ejus atrio dormiens
Fides, quam excitat Gratia.

Aria.

Olim erant tempora, (b)
Fides cum consilia
Omnia regebat :
Nemo, nisi Duce me,
Nisi imperante me,
Nemo se movebat. *Olim!*

^{2.}
Nunc (*O mores!*) cerebrum, (c)
Status, sanguis, commodum,
Lucrum audiuntur!
Fidei Dictamina
Sunt puerorum regula :
Vana sunt: spernuntur. *O mores!*

- Gratia.* Movet me tua afflictio.
Sed feret remedium, quod spero,
Hæc Epistola, quam ad Anthropum fero.
- Fides.* Dixi: abiit homo extra se, cum tota familia :
Nullum est pratum, quod non pertransit Luxuria: Sap. 2.
Nemo est domi.
In ipsa domo, præter externam hanc speciem,
Non est relictus lapis super lapidem.
Inimici domestici everterunt omnia :
In ferarum domicilium area transiit,
Anthropo, quia rarissime introspicit se,
Vel dissimulante, vel penitus ignorante.
- Gratia.* Inclamabo hominem, & revocabo.
Tu a me *Lumen* accipe, ut, cum redierit in se, (d)
Videat, paveat, horreat se.

Fides,

(b) *Justus ex fide vivit.* Hebr. 10. (c) *Filius hominis ventens, putas , inveniet fidem in terra?* Luc. 38. (d) *Lumen ad revelationem.* Luc. 2.

- Fides.* Divinum est consilium. Sui cognitio
Conversionis principium erit Anthrope.
Introco : Lumen infero.
- Gratia.* At Sapientia foris prædicat, Prov. 1.
In plateis dat vocem suam.
Anthrope! Ubi es? ubi es? Adam ubi es? Gen. 3.
- Anthrop.* Vocantem audio. Quis me?
- Gratia.* Anthrope! Anthrope!
- Anthrop.* Adsum! quid postulas me?
- Gratia.* Superi! an monstrum video *Africanum*? apage!
Ego hominem quæro, tu homo non es! ..
Anthrope! Ubi es?
- Anthrop.* Aut cæcus, aut nebulo es!
- Gratia.* Quis enim sum, si homo non sum?
Bellua es, homo non es.

Aria.

- Est facies plena horrore!
Quis videat sine terrore? ... (e)
In capite *Taurus* succrescit,
In oculis *Draco* livescit,
Suillum in rictum se porrigit os:
In ore sunt dentes canini,
Pro digitis ungues lupini:
Ad *sænum* te pronus inclinas, (f)
Hoc pabulo ventrem faginas:
Nec aliud cogitas cælum, quam bos!
Bellua es!
Homo non es!
- Anthrop.* Inferi! hanc ego fero impudentiam.

Gra-

(e) Ex hominibus abiectus est, & sænum, ut bos, comedit. Dan. 4.
(f) Omnis Caro sænum, Isa. 40.

- Oratia.* Laudo patientiam, & muneror etiam. (g)
Mentitus nihil sum. Ecce speculum! inspice!
Sed oculos Christianos, non Ethnicos adhibe.
- Anthrop.* Heu me! qualem me video?
- Oratia.* Ah homo non es! fuisti!
Sed, cum in bonore esses, non intellexisti!
Comparatus es jumentis insipientibus,
Et similis factus es illis. Psal. 48.
- Anthrop.* Tu vero quis es?
- Oratia.* Ex hac epistola intelliges. Tolle, lege!
- Anthrop.* Ceram Domini video .. totis artubus trepido..
Et nuntius disparuit! .. suspicor! Janitor!.... (h)
Huc Lumen admove.
- Fides.* Accensum est: ingredi! ..
- Anthrop.* Heu me! heu me! nova confusio!
Hæc domus est mea? hæc habitatio?
- Fides.* Talem fecit incuria, dissimulatio.
- Anthrop.* Bene, bene domus hæc conveniet belluæ, (i)
Qualem exhibent istæ tabulæ.
Anthrope, circumspece: ubi es? ubi, & quis?

Aria.

O mea lumina,
Ite in flumina!
Et amarissima
Fundite maria!
Mergite me!

D

Nun-

(g) Pro speculo offert tabulas Decalogi. (h) Exhibetur domus conversa in sylvam incultam, cujus consideratio fit per examen conscientie.
(i) Inspicit speculum, hoc est, se, & sylvam, hoc est, malos habitus suos, de quibus proverbium: *isur in antiquam sylvam.*

Nunquam erit lachryma
Dignior materia :
Anthrope, fle!

2

Hæc mea dignitas,
Hæc est nobilitas :
Omnes, omnes aliæ
Simplices sunt belluæ :
Nulla est composita ,
Præter me!

Monstrum es ! Anthrope, fle!

O speculum non fallax! O lumen terribile!..
Nescio tamen, quid terribilius
Minantur istæ litteræ?
Amice, prælege :
Audiam, quid exprobet Dominus.

Fides.

Domine, argue! argue!
O pretiosæ lachrymæ! .. ut fluant uberius,
Audi, *Hoc dicit Dominus :*
Quid invenisti in me iniquitatis, ut elongares a me, Jer. 2.
Et ambulares post vanitatem ?

Anthrop.

Peccavi !

Fides.

A sæculo confregisti jugum meum ,
Rupisti vincula mea, & dixisti : non serviam !

Ibid.

Anthrop.

Peccavi nimis !

Fides.

Tetendisti adversus Deum manum tuam ,
Et contra Omnipotentem roboratus es!

Anthrop.

Mea culpa!

Fides.

Cucurristi adversus me erecto collo ,
Et pingui cervice armatus es!

An-

- Anthrop.* Mea culpa!
Fides. Oblitus es mei, & projecisti me post corpus tuum! Ez. 23.
Anthrop. Mea maxima culpa!
Fides. Scito, & vide, quia malum, & amarum est, Jer. 2.
Relinquere Dominum Deum tuum!
Anthrop. Ah malum, & amarum!
Fides. Orientur in domo tua spine, & urtica: Isa. 34.
Et erit cubile Draconum,
Et pascua Struthionum,
Et occurrent demonia.
Anthrop. Video, paveo, horreo!
Fides. Dixisti: dives sum, & locupletatus, Apoc. 3.
Et nullius egeo: & nescis, quia tu es miser,
Et miserabilis, & pauper,
Et cæcus, & nudus!
Anthrop. Nescivi, erravi,
Quia me non inspexi, non examinavi.
Fides. Usque quo gravi corde, diligis vanitatem, Psalm. 4.
Et quæris mendacium?
Convertere ad Dominum Deum tuum!
Anthrop. Miserere Miserator Domine!
Conturbata sunt ossa mea,
*Et anima mea turbata est valde!.... *Psalm. 6.*
Fides. Felix turbatio! bona sunt initia:
Videt, & horret Anthropus sua flagitia.
Tanti est, se in se colligere,
Se serio inspicere.
Qui extra se semper peregrinantur,
Nunquam sanctificantur.

* Clauditer.

D 2

Aria.

*Conversionis S. Augustini**Aria.*

Quid juvat per astra vagari ?
 Quid maris profunda scrutari ?
 Quid terras peragrarè,
 Et curioso oculo,
 Quæ rerum sit conditio,
 Ubique perlustrare,
 Et se negligere ?

2.

Tu tibi sis maxima cura ;
 Non cistæ, non cellæ, non rura :
 Scis, quid in his agatur :...
 Ne minus cures, obsecro,
 Peccatum moliatur :
Te, te ingredere.

PUNCTUM II.

Disputationis Effectus.

SCENA I.

Augustinus. Nebridius. Potitianus. Romanianus.

Augustinus. Cessa, frater : nondum plenum Matri gaudium
 feres. *Nav.* Axioma, quod te perdidit, damnas, & ami-
 corum admittis consilia: bonum initium facis. *Aug.* Detestari
 falsum, bonum initium est, fateor: sed nisi inveniam verum,
 solatium leve. Et heu! prope periit spes omnis mea, quando
 & in Fausto deceptus sum. *Nebr.* Spes in Africa periit, in Eu-
 ropa quæramus. *Pot.* Ut ego libenter huic disputationi adfui!
 Augu-

Augustine, quam diversam a Catholicis doctrinam Manes habet! quanta audivi absurda! nihil simile Roma docet. Eja! recte ad mare! *Rom.* Ego hucusque contrarius, jam & ipse te urgeo: proficiscere, & meliorem tibi Doctorem quære. *Aug.* Romaniane, ego tibi magnus debitor sum: gaudeo, quod per me videas falsum, quod ego video: opto, ut sit, qui utrumque doceat melius. *Rom.* Si invenias, trahes me, ut te sequar. Sic enim existimo: in illa Secta, quam neque illius Principes contra impugnantes tueri possunt, non est prudentis, velle vivere, minus velle mori. *Nebr.* Recte judicas, & qui aliter agunt, nimirum quærunt sibi fidem conformem suis moribus, quantumvis resistat ratio, & postulet, ut, si sancta est fides, qualis utique esse debet, si est a Deo, curemus mores esse conformes fidei. *Aug.* Displicet nunc equidem Manichæorum hæresis, cum video, me a dubiis extricari a nullo posse; non tamen ideo Fides Catholica ex integro placet. Docetis multa, Potitiane, quæ æque parum mihi videntur digna fide, quam quæ in nostris carpitur. Unum ex multis profero, dicitis: Deum esse corporeum, potestne aliquid absurdius dici? *Pot.* Hem! quis hanc nobis affingit calumniam? *Aug.* Vos utique, qui dicitis, hominem factum esse ad similitudinem Dei: sequitur, plane Deum habere corpus, ut homo habet. *Pot.* Homo secundum animam, Augustine, imago Dei a nobis dicitur, non quoad corpus. Sed ego indignor loqui. Est hoc consuetum Hæreticorum stratagemata, quod, cum fidem nostram videant inexpugnabilem esse solidis argumentis, mendaciis contemptibilem faciant. Romam, Romam, Augustine, pergamus: intelliges plura, quæ te doctiores Viri docebunt. *Aug.* Sit igitur, navim paratam habe: ego valedico Melanizæ. Seduxi miseram, & mecum in hæresin traxi: dedocenda est, ne ex iisdem principiis porro vivat, & ego perditionis reus sim. *Pot.* Abire non

finet. *Aug.* Relinque hoc mihi; persuadebo, ut finat. Juvat, ut sciat, se mecum deceptam a Fausto esse. Atque, ut videas, rem sine dolo me agere, ultimæ allocutionis testem fratrem, & Nebridium volo. Vos non finetis, ut vincar. *Nebr. Nav.* Quantum possumus. *Pot.* Breves este. *Nebr.* Curabo. *Pot.* Tu vero dic jam, quo es animo post Faustum auditum, Romaniane?

SCENA II.

Potitianus. Romanianus.

Romanianus. Hoc ego nunquam putassem. Nam, quæ est hæc audacia impudens, sic palam mentiri, & Faustum istum describere omni doctrina cultissimum? Credebam Apollinem me auditurum ex tripode, aut hominem certe Salomoni non disparem: tanta expectatio fuit. *Pot.* Video te tædio turbidum. *Rom.* Nempe Potitiane, si iste Faustus Sectæ nostræ fundamentum est, video totam in arena fundari. Prò, ut miserum Augustinus exagitavit! *Pot.* Miserum vocas? Non tibi facundia, non morum urbanitas, non dulcedo verborum placuit? Meministi, ut amice salutatam Augustinum allocutus sit gravibus verbis, & grandem ægrotum vocaverit, cui proin opus esset etiam Medico grandi? *Rom.* Ipse helleboro indiget. *Pot.* Deinde quam dulce exordium fuit! *Rom.* Turbatus es, Augustine, aiebat, sed Dominus JESUS, o nomen suave! confide! Dominus JESUS per me dissipabit nubes, quibus tegitur cœlum tibi. Mihi ista verba jam lacrymas proliciebant, solatii testes, ac bonæ spei. *Pot.* Amice, omnium, quos vidi, Hæreticorum hæc lingua est. Semper Dominus JESUS in ore est, sed sono tenus est, & strepitilinguæ. (a) *Viscum conficiunt ex commixtione syllabarum dulcissimi nominis, homines superbe delirantes, carnales,*

(a) L. 3. Confess. c. 6.

les, loquaces, in quorum ore lagnei diaboli. Rom. Væ! væ! quibus gradibus deductus sum in profunda inferni! & quando me Faustus fecellit, cui jam credam? (b) Pot. Blanda verba, vultus congruus, decorum eloquium, & quodam lepore naturali jucundum, etiam me delectabat initio; sed quia attendebam ad cibos, quos apponebar, & non ad vasa, in quibus ministrabat, adverti, animam non satiari. Hinc curiositati successit fastidium, maxime cum urgente Augustino vidimus omnes, hominem, excepta Grammatica, omnium Artium liberalium imperitum esse, & præter aliquas Ciceronis Orationes, ac pauculos Senecæ Libros, prope nihil legisse. Rom. Docti viri famam garrulitas peperit: nunc patet. Sed ego, quid jam? Pot. Exemplum Augustini ante oculos habes: ducem inquit, cui tutius, quam Fausto, se credat, & inveniet apud nos. Solis Ecclesiæ Catholicæ Doctoribus dictum est: (c) *Qui vos audit, me audit.* Rom. Nisi etiam ista jactantia est. Nam hoc est, quod nostri maxime in Catholicis improbant: asseritis summa Mysteria, vultis illa simpliciter credi, & non probatis: difficile postulatum est. Pot. Imo facillimum intelligenti. Non est imprudens fides, qua credo, quæ capi non possunt: reddere possum rationem prudentem interroganti, cur credam. Rom. Quam vero? Pot. Credo, quia, quod credo, Deus locutus est, qui est Veritas. Rom. Profecto prudens ratio, si certus sis, quod locutus sit Deus. Pot. Testem habeo, qui nec falli, nec fallere potest. Rom. Nomina mihi. Pot. Ecclesia Christi est testis. Rom. Admitto, si tot inter Ecclesias ostenderis, quæ sit Christi. Pot. Prudenter dubitare non possum, quin sit Romana: neque enim est alia, quæ habeat signa certiora, ex quibus prudenter æstimem, quod præferenda sit huic. Aut age, da mihi aliquam, quæ sit aut antiquior tempore, aut doctrinæ unitate constantior, aut pro

(c) Luc. 19.

propagatione illustrior, aut denique sanctitatis laude Christo Auctori suo gloriosior, quam sit Romana: & ego deserta hac, hodie ad illam transibo. Interim hoc conficio, aut nullam esse in terris Ecclesiam Christi, aut Romanam esse. *Rom.* Non inepte concludis, sed ego, quid facturus sit Augustinus, expecto. En Alipius!

SCENA III.

Alipius. Potitianus. Romanianus.

Alpius. Potitiane, quousque trahimus moram? expande vela, navigemus. Video, vana spe fuisse illusum nobis. *Pot.* Novum narras malum. *Rom.* Quasi dicerēs, Augustinum non abiturum vobiscum. *Al.* Est, quod dicebam. Sperabat animo satisfieri per Faustum posse: prætexitus fuit Succubuit Faustus: jam patet causa, quæ hominem in Africa tenet. Heu! vicit amorem Sapientiae amor mulierculæ. *Pot.* Prô! dedecus! *Rom.* Hem! adhuc triumphat Manes: *Parva virum natura cogit!* *Al.* Blasphemiam cessâ! non est natura, quæ cogit, sed pessima consuetudo vim infert volenti, & pugnam pertaxo, in qua vim vi posset repellere. *Pot.* Credebam, effecturum te apud puellam, ut sineret non invita discedere. *Al.* Jam effeceram, cum ecce! victor Fausti ingreditur, & ut vidit Melaniam flere, (nam ita mihi Deus inflammaverat animum, & linguam direxerat, ut atrocissimis coloribus vitæ turpitudinem, animæ periculum, Deum iratum depinxerit, ac præcipue sceleris gravitatem, si Augustinum meliora cogitantem ab itinere Romano averterit, adeo ad terrorem exaggeraverim, ut tremebunda, ac lacrymans nihil se contra moturam promiserit) miseretur, intelligit causam, & mox aliam contra me disputationem orditur, & thesîn propugnat, quam piæ aures horreant: *Negat, vivi casse ab eo posse, qui velit beatus vivere.* *Pot.* A Lo-
gica

gica Augustini libera me Domine! quod est hoc novum axioma animale, nefandum, diabolicum! Superi desperate! nunquam vester Augustinus erit, si hanc sententiam tenet. *Rom.* Contrarium utique propugnaveris tu? *Al.* Humana, ac divina testimonia attuli, ratione pugnavi, meam ipsius experientiam allegavi, deridet omnia: negat beatum me esse, & castum tamen. Quin suis me paralogismis ita complicit, ut prope amem sordes, quas abominor: demum fugere malui, quam ultra contendere cum tanto periculo. Nebridius, & Navigius adhuc cum ipso declamant. Ego amicum abdicō: tædet morarum tandem; solus propero ad aram veritatis, quam Romæ quæro, ne fatigem patientiam Numinis, & poenas cum ipso luam. *Pot.* Me miseret tanti viri: divinum ingenium immersum lacunæ non emergit ad ardua, non se eriget ad divina. *Al.* Utique. Et sepulta in coeno margarita non splendet. Postquam errores Manetis agnovit, jam, ut sit Maximus, præter cultum castitatis, desideres nihil. *Rom.* Natura sane dona in hominem plurima, & maxima contulit, id quod me ad beneficiendum permovit. Amoena est indoles, facies liberalis, eloquium suave, animus magnorum facinorum & capax, & avidus, ingens cupido sciendi, intellectus lux mera, memoria ex asse fidelis, eruditio summa, vis in disputando invicta, facundia efficax, & semper triumphans. *Al.* Ex fonte tam claro, tam pleno quanta possent bona in utramque Rempublicam fluere, nisi hæc macula pollueret! *Pot.* Romaniane, ex hoc fructu cognosce arborem. Hæresis talia inspiravit axiomata: in effectum. *Rom.* Dolendum! Sed quid consilii est? *Al.* Augustinus degeneravit in animal: quid consulemus? *Rom.* Desperas? *Al.* Nihil supra verum dixi. Intellectus, & voluntas hominem ab animali distinguunt. Considera in Augustino utramque potentiam: in iudiciis suis regitur ab apprehensione, non

E

a discursu

a discursu, in desideriis ab appetitu rapitur, non a decore: con-
clude, quid differat, & spera remedium. *Pot.* Heu ! quanta
mala unum post se trahit malum axioma, si quis illud semel pro
regula suscipit ! Mihi hoc mirum videtur, fieri posse, ut vir
prudens aliquando suscipiat principium rectæ rationi tam adver-
sum, quale est hoc : *Non esse nos, qui peccamus, sed pravam in*
nobis peccare naturam. *Al.* Cum ipso Augustino hanc nuper
quæstionem habebam, & ille, ut promptus est, tres causas
assignavit, præjudicia, simplicitatem, & malitiam. Præjudicia,
ajebat, nascuntur nobiscum, vel certe educantur; unde fit, ut,
quod a teneris pro vero coluimus, vix patiamur unquam exa-
mini subijci, aut in suspensionem falsi vocari. Simplicitas facit,
ut ne dubium quidem occurrat: unde ignorantia talium mis-
eria est magis dicenda, quam culpa. Malitia illis est propria, qui
data opera errant, & studiose conquirunt argumenta, quibus
tueantur errorem, vel ne videantur errasse, quod superborum
est vitium, vel ne ex erroris cognitione urgeantur, ut vitent,
quod amant. Et in hac ultima classe Augustinum pono: dici-
te, quid potest sperari? tempus perdimus: Potitiane, jube
signum discessus dari, ut convenient comites. *Pot.* Excidi ma-
gna spe, & triste sine Augustino est iter. Tamen, quoniam
ita vult infelix, age nauta, signum ad abitum caue. *Rom.* Et
ego quid agam? prope in portu fui: in medios fluctus nova
fluctuatio retrahit. *Pot.* Te hominis tam pessumdati auctori-
tas movet, ut ames mendacium? non quis, sed quare ali-
quis exequi nolit, quod statuit, considerare in eo
debes, quem tibi imitandum proponis.*

SCE-

* *Tuba canitur.*

SCENA IV.

Accedit Nebridius.

N*Nebridius.* Eja! in tempore venio. Itane sine me? sine Augustino? *Al.* Age, mutatus es, an ibis mecum? *Nebr.* Desine querelarum: & vos audite, obsecro, rem miram valde. Foemina, quæ fere malorum omnium viris causa esse solet, hodie per accidens bonum fecit. *Pot.* Attentus sum, quid velis. *Rom.* Et ego avidus. *Al.* Nugas dices! *Nebr.* Jucundissimam veritatem. Tandem decretum est: Augustinus Romam ibit. *Pot.* Hodie? *Nebr.* Hodie. *Rom.* Sinet foemina? *Nebr.* Ipsa urget. Alipi, magnum ad resolutionem momentum tua austeritas tulit. Commota jam ante puella, ut te vidit irasci serio, & adeo amicitiam scindere, ac abire, intelligere coepit stultitiam Thesis, quam posuerat Amasius, non posse se beatum vivere, & castum simul. Cum gemitu gravi, Augustine, clamavit repente, ego contrarium experior: misera sum, quia casta non sum! *Al.* Bonum narras. *Nebr.* Vox attonuit hominem, siluit: & ego converſo in Navigium aspectu; argumentum est ad hominem, tacitus insusurro; urge, quæſo. Ille mox litteras a Matre profert, ac legendas Melaniæ tradens, potes, inquit, a miseria liberari: nam posthac tibi molestus non erit frater: uxorem ducet, sic Mater petit. *Rom.* Expavit mulier? *Nebr.* Nihil, sed oculis coelo fixis illacrymans dixit: sint laudes Deo! a promissa te fide libero. Addit, per Augustinum si stetisset, vitam se pridem aliam amplexuram fuisse. Iret Romam, aut duceret uxorem, perinde sibi fore. *Rom.* Hæc mihi puellæ audacia placet. Quid autem ad hæc ille? *Nebr.* Erubuit. Instabat ipsa, ut, quoniam putaret vivi beate non posse sine foemina, uxorem duceret. Nihil. Suspensi silentio expectabamus.

bamus, quid demum ageret, cum sonuit optata vox: Melania, aut te, aut nullam duco: hæc fides data est, hanc servabo. Nunc, quoniam non displicet consilium tibi, Romam eo: ibi, postquam invenero, quod frustra sperabam a Fausto, verum, quid concluderim, scribam. Hæc accepta conditio est. Ego inter mutuas gratulantium voces festinavi lætitiæ vos participes reddere. *Al.* Sint grates Superis! hæc resolutio magni operis principium est. *Pot.* Felix sum. Cito nautæ, signum alterum date, & explicate carbasa! *Rom.* Jam ipse adest.

S C E N A V.

Personæ omnes.

Augustinus. Salvete amici! tandem decretum est ire Romam, quanquam inter spem, & metum eo. *Pot.* Eja, tertium tuba sonet. Conscende navem victor Fausti, & quod magis gratulor, victor tui. *Rom.* Et ibis sine me? non teneo, sed si quid merui, consilium da, quid faciam deceptus a Fausto, desertus a te? *Aug.* Mæcenæ optime! Romæ consilium dabo: si mihi bene erit, suadeo, ut me sequaris. Vale. *Nebr.* Illatæ sarcinæ sunt suo loco, & expediti remiges non faciunt moram. *Al.* Conscendimus. Amice, quanto me beasti gaudio, quod mecum venias! *Nav.* Vale frater! & perge felix, dum teneas portum. *Aug.* Suspiro! vale. *Pot.* Solvatur funis! *Nav.* Quid dicam Matri? *Aug.* Ne parcat lacrymis. *Nav.* Quid ita? nondum igitur te adjunges Catholicis? *Aug.* Nondum sane. Sed jam cessavi Manichæus esse: hoc nuntia. *Nav.* Tantæ molis erat, res tantilla. *Rom.* Parum est: tamen non est nihil. *Nav.* Lætum nuntium Matri feram.

O. A. M. D. G.

MEDI.

MEDITATIO II.

CONVERSIONIS

PROCRASTINATIO.

ARGUMENTUM.

EX Africa delatus Romam Augustinus, quamvis prava axiomata, quibus cum hæresis Manichæa imbuerat, jam detestaretur, non tamen ideo statim amplexus est Fidem Catholicam, etiam postquam illum Deus gravi morbo castigaverat, ex quo, si obiisset, fatetur ipse, se recta ad inferos descensurum fuisse. Causa pertinaciæ procrastinatio, seu negligentia fuit, qua de die in diem differebat negotium indagandæ veritatis, partim, quia obstinaverat animum, ut nihil crederet, nisi demonstraretur: partim, quia vanæ gloriæ cupidine captus in agendis causis, & ostentandæ eloquentiæ curis. bonum tempus terebat, tanto utrumque animæ suæ malo, ut ad Academicos defecerit, qui *omnia esse dubia* docuerunt: & solus cum *timor futura vitæ*, cujus assertionem *saltem esse probabilem* negare non poterat, coercuerit, quo minus Epicureis se jungeret. Talis erat, cum cum Optimus Deus nihil tale cogitantem S. Ambrosii curæ commisit. Nam Mediolanenses Rhetoricæ Doctorem tunc Roma petebant, & Symmachus urbis Præfectus Augustinum huic officio destinavit, amabili Divinæ Providentiæ consilio, quod proxime adorabimus. Ita rursus ipse l. 5. Confess. c. 9. & seq. Hodiernæ ergo Meditationis erit

Materia : Augustini in negotio salutis Procrastinatio, & negligentia.

Puncta duo: Primum, unde Procrastinatio veniat,
Secundum, quo ducat.

Fructus : Correctio voluntatis pigre, quæ bona proposita differt exequi.

Propositum: Examinare se, in quo quisque piger sit circa declinationem a malo, aut operationem boni, & in specie adhuc hodie per aliquam sui victoriam vitæ emendationem incipere.

Personæ.

S. Simplicianus.

S. Augustinus.

Alipius Nobilis Afer.

Symmachus Præfectus Romæ.

Nebridius August. Familiaris.

PROLOGUS.

Reflexio in Meditationem præteritam, & Præparatio ad præsentem. (a)

Animæ meditans. Angelus explicans.

Animæ.

A Ngele, fructum habuit prima Meditatio:
Adhuc se movet, & concutit me *mei cognitio*.
Adhuc hæret memoriæ
Vitæ hucusque actæ Compendium nobile.
Multa mala feci, parum boni,
Et hoc ipsum parum bene!
Tædet! pudet! poenitet me!

Aria.

(a) *Liber conscientie exhibetur.*

Aria.

O Homines! o Cælites!
 O si me, si nossetis!
 Quid de me (o pudenda res!
 Quid de me sentiretis?
 Et ego, si nossetis me,
 Quo fugerem? quo irem?
 Ah! pudor in infernum me
 Protruderet: & irem!

2.

Nunc ecce! Tu, tu nosti me,
 Tu fibras inspexisti,
 O Deus meæ animæ!
 Et quid? ah! quid vidisti?
 Vidisti foeda scelerum
 Portenta, quæ patravi:
 Et tutum ego oculum,
 (O scelus!) non curavi!

Angelus. Optime a dolore, pudore, & tædio poenitentia incipit:
 Sed in dolore, pudore, & tædio minime desinit,
 Agnoscere morbum; & fateri,
 Nondum est morbo mederi.
 Remedium est adhibendum,
 Atque, si opus sit, igne ac ferro utendum.
 Est insuper *in mora* periculum,
 Nec curatio difficilior, quam quæ tardior.
 Memento, quod monui:
 Voluntas, quæ adhibet media ad finem *noxia*,
 Est voluntas *perversa*,
 Quæ negligit, aut differt *utilia*,
 Est voluntas *pigra*:

Per-

Perversa te potest damnare,
Pigra non potest salvare,
 Quia, qui hodie non potest se vincere,
 Cras poterit minus :
 Expertus est Augustinus.*

Aria.

Hanc ecce! hanc viro ahenam * *Praeludium.*
 Dilatio cudit catenam,
 Rumpendam facile,
 Si voluisset rumpere,
 Priusquam per flagitia,
 Ut repetita verbera,
 Coierant annuli.

Nunc dolet, nunc gemit, nunc orat:
 Nunc suam miseriam plorat :
 Nunc erit opus vi :
 Et vix ! vix homini !
 Mihi Deus per fortissimam,
 Ac triumphantem gratiam
 Adsit conatui.

Habes, quod consideres.
 Fructus, quem ferat Meditatio,
 Hæc sit conclusio :
 Quod aliquando faciendum est necessario,
 Et fieri potest hodie,
 Fiat hodie!

Anima. Promptus est spiritus, sed caro infirma,
 Et horrore laboris anxia.
 Urge me!

Angelus. A cælo opem expete.

Aria.

Aria.

O timor, sancte timor,
De cælo descende!

Anima.

O Spes salutis, timor
Te mihi impende!

Angelus.

Confige carnes stimulo!
Infige calcar asino!

Anima.

Ambo.

Excute socordiam,
Urge diligentiam,

A malo retrahe,

Angelus.

Et viam mandatorum

Anima.

Hac hora, sine mora,

Me coge currere!

MEDITATIONIS II.

De procrastinatione Augustini

PUNCTUM I.

Procrastinatio unde venerit.

SCENA I.

Alipius. Nebridius.

A *Alipius.* Dixi, Nebridi, nunc tempus non est Simpliciano loquendi. Credo, virum esse, qualem mihi describis, & gaudeo venisse in tuam notitiam. I, loquere illi de nobis etiam, *post paulum* sequar, & Augustinum mecum adducam. Nunc adeundus est Prætor, & precibus *rursum* urgendus, ut meminerit mei, cum locus vacabit in curia. *Nebr.* Atqui *post paulum* fortasse redibit Mediolanum Simplicianus, & *rursum* perit

F

occafio

occasio inquirendi verum, cujus tamen causa ex Africa adsumus. Alipi, da veniam, si sensum animi aliquanto acerbius prodo. Proditis me, & vos, vestra tam longa procrastinatione. *Al.* Vide, ne sine causa effervescaas. *Nebr.* Ecce sine causa! Amice, ut sciamus, quæ vera sit fides, & qua via ad beatitudinem eatur, salustis æternæ interest: & tu metuis, ne efferveam sine causa! valete! ego Simpliciano me jam addixi discipulum: cum ipso Mediolanum ibo, ut fruam cum otio. *Al.* Quis impetus? expecta paululum. *Nebr.* Tu expecta hic ad istas fores, quantum voles. Mihi pretiosa momenta sunt, quibus occasio se offert operandi bonum, quod animæ prodest. Ah Alipi, si vel solas horas, quas expectando perdidisti, impendisses studio Sapientiæ, cujus tantum amorem præters, quam prope abfores a summo vertice! *Al.* Quid faciam? rogari Magnates volunt, ut gratiam æstimes, quam concedunt. *Nebr.* Tanti est, Assessorem in curia fieri, ut ideo cura salutis sit habenda neglectui? *Al.* Differo paululum salutis curam, non negligo. Prior est Officii cura, non tamen major. Scio, quid deceat. *Nebr.* Quærendo *Officium pro Alipio*, negligis *Officium hominis*, hoc decet? *Al.* Non negligam, mi Nebridi, audiisti utique, non negligam: *differo paululum*, ut postea ferventius curem. *Nebr.* Vah! ita prorsus, ut Augustinus. Nuper, cum ægrota- ret ille ad mortem, monebam, ut nunc saltem angeretur pro anima, respondit: nunc vacandum est corpori: cum sanabor, cogitabo de anima. Sanatus est, redeo monitor, ait: *sine paululum*! dicenda est Imperatori panegyris: postea tibi obsequar. Oratio dicta est, & Oratori applausum: iterum adsum; & ipse, cras, ait, faciam, quod voles: hodie respirandum est *paululum* a labore, & ambulatione cum amicis animus a contentione remittendus. Adest altera dies, cras, inquit, redi, hodie discipuli urgent: habe modicam patientiam. Ah! jam istud

istud modicum non habet modum, & istud paululum non habet finem. Si hodie redeam, dicet forte : sine modo, donec uxorem ducam, tunc cogitabo : aut forte nescis tu, quod jam cælibis vitæ consilium abjecerit Augustinus? *Al.* Ah! scio, neque obiter me affligit ista levitas viri. *Nebr.* Multum erit, nisi trahat etiam te in eandem sententiam. Hi fructus procrastinati propositi sunt. Ardebat veritatis desiderio Augustinus : damnaverat axiomata prava, quibus mores corruerat : ut meliora intelligeret, festinavit Romam. Adest Romæ, dies ivit e die, negotia se cumularunt, curæ aliæ super alias mentem distraxerunt, bonus animus dissipatus est, fervor frigit, Augustinus idem est Romæ, qui fuit in Africa, neque fortasse unquam erit alius. Et tu, Alipi, istis insistis vestigiis miser, nec attendis, quo ducantur vox corvi est istud *cras, cras*, qua nescio, an homo petulantius Deo, an stolidius sibi illudat. *Al.* Vehemens oratio est. Si tamen nos amas, Nebridi, persuade Simpliciano, ut diutius Romæ se teneat. Cum vacabit, ambo adibimus. *Nebr.* Vultis, ut præter vos, & Deum, etiam sit tertius, cui possitis illudere? vana spes est: ego provideo mihi. *Al.* Sed fores crepant. *Nebr.* Hem! fallor, an video Simplicianum! Alipi, occasio est! *Al.* Gaudeo.

S C E N A I I.

Symmachus. Alipius. Simplicianus. Nebridius.

Symmachus. (a) Curabo, ut istis questibus Episcopi tui respondeatur, quod oportet. Est vir inquietus, & qui nescit, quis Symmachus sit. *Simpl.* Ambrosio Deus ante oculos est, Prætor: ab hominibus nihil cupit, nihil timet. *Symm.* Opportune hic ades, Alipi, quid petis? *Al.* Memoriam mei; Domine. *Symm.* Recordor: Sed modo Augustino loquendum est. Si vocas ad me contubernalem, obsequium facis. *Al.* Fa-

F 2

ciam,

(a) *Literas Ambrosii legens.*

ciam, ut momento adsit. *Nebr.* Amice! *Al.* Sine modo: properandum est propere. *Nebr.* Expecta paululum saltem. *Al.* Cessa, inquam. Audisti, vocandum Augustinum Prætori. *Nebr.* Omitte nunc: *cras* vocabis. *Al.* Absurde! quid diceret Symmachus? *Nebr.* O hominem industrium, qui prætori tam celeriter obedit, & Deo tam lente! *Al.* Pungor. Sed! ita postulant res meæ.

SCENA III.

Simplicianus. Nebridius.

N*Nebridius.* Et quid postulet salus tua, non attendis? *Simpl.* Video te zelo bono ardere. *Nebr.* Utinam salubri. Pater, iste est Alipius, de quo tibi heri! oro te, ut hic expectes, donec Augustinum adduxerit: juvabit, vel de facie nosse invicem, & obiter colloqui. *Simpl.* Gratulor mihi occasionem agendi cum amicis Nebridii. *Nebr.* Utriusque bona est indoles, & inveniendæ veræ fidei par desiderium in ambobus arsit. Hæc causa me illis per amorem conjunxit. *Simpl.* Sanctus amor est, & dignum Sapientiæ studiosis desiderium. *Nebr.* Sed nempe desiderium *lentum, ac somnolentum*, quale est pigri, qui vult, & non vult. Sic, qui dormit, cum inclamatur, surge! Redi post horam, respondet: sine modo! Post horam reverso, adhuc modicum, ait, nam grave est caput. Tertium repetitur clamor: surge! infertur lumen, trahitur stragulum, jamque se erigit Endymion, aperit oculos, surrecturus videtur, cum ecce! recidit, versatur in alterum latus, iterum dormit. *Simpl.* Nempe quia molesta lux est, & frigus terret, calor tenet. Forte eædem sunt causæ, quæ Alipio se, & Augustino obijciunt, quo minus celeriter obsequantur vocanti Deo. *Nebr.* Alipium, Pater, solum Augustini exemplum, Augustinum vero plura vin-

vincula adstringunt spondæ, quæ quia, nisi per magnam vim non possunt rumpi, qualem ipse nec infert sibi, nec ab aliis inferri patitur, vercor, ne somnus tam diuturnus in fatalem lethargum abeat. *Simpl.* Prudenter times, maxime si accedunt somnia jucundiora, & lepida, quibus fit, ut dormiens amet somnum, & excitari se, etiam irascatur. Quid ais? nunquam sic visus est tibi Augustinus quasi somnians loqui? *Nebr.* Ah! Pater, Punctum tangis. De nugis, de næniis, de gerris perpetuus sermo est: de seriis aut nullus, aut abruptus. Prorsus ut somniantes solent, jam plaudit, & jubilat sibi, velut qui Oratoribus cæteris palmam rapuerit: jam disputat acriter, & si quos forte, ex rudioribus, credo, Catholicis secum congregi ausos vicerit, verociter insultat, circumspiciens se, quasi orbem terrarum misisset sub jugum: jam denique de amoribus garrit, jocatur, impudenter etiam narrat, & jactat. *Simpl.* Pessima somnia! conjecto proximum lethargi periculum: actum de vita est, nisi medicina efficax properetur. *Nebr.* Plura te juvat scire. Nuper senserat cum Manichæis: *non esse nos, qui peccamus, sed pravam in nobis peccare naturam*: nunc intelligit, falsum ac impium principium esse. Quid prodest? pertinaciter tuctur alterum: voluptates, ad quas inclinat natura, esse facietias, quas homini luteo clementer indulgeat Deus, imo sine quibus vivi beate non possit. *Simpl.* Execrabilis sententia. Si quis exempla Scripturæ, & gravissimos textus contra objiciat, quid respondet? *Nebr.* Quod tu sine horrore non audies. Catholici, dicit, volunt omnia nude asserentibus credi: demonstrent, quod asserunt. *Simpl.* Cujus igitur nunc ipse est fidei? *Nebr.* Ad omnes indifferens. Cum Academicis sentit, perinde esse, quid quisque crederet: omnia enim esse incerta, ac dubia. Quin ausus jam est dubitare adeo, an non Epicurus præ aliis verum docuerit, cum hominis beatitudinem in voluptatibus

carnis constituit. *Simpl.* Hic tu, mihi Nebridi, non jam procrastinationis causas narras, sed funestos effectus. Ah! iste homo non jam differt, quod olim proposuit, bonum, sed desperavit consequi, & ipsum abiecit propositum. Cæterum ego ex hoc Sermone jam novi virum, & nisi fallor, mali pessimi originem video. Duæ radices sunt, superbia, & amor carnalis. Superbia intellectum excæcat: hinc vanæ gloriæ cupido, pertinacia iudicii, & æstimatio sui, solum se sapere super omnes credentis: amor carnis voluntatem infecit veneno, quo Spiritus projectus instar Epileptici volutatur in pulvere, amissis viribus, quibus se erigat. *Nebr.* Omnino hoc verum est Eëtypon, & exacte correspondet Prototypo. Quid iudicas autem? nunquid desperata sanatio est? *Simpl.* Difficilis utique. Sed qui triginta octo annorum paralytico dixit: *surge, tolle grabatum tuum, & ambula!* Jubet, ne desperemus de quoquam, cui vita superest. *Nebr.* Ecce ingreditur. Augustine hic vir est, cui te colloqui velim.

S C E N A IV.

Augustinus. Simplicianus. Alipius. Nebridius.

Augustinus. Veneror Legatum magni Ambrosii, cujus tanta est apud Cæsares auctoritas, tanta virtutis laus, tanta Eloquentiæ gloria, ut forte secundum Europa non habeat. *Simpl.* Magna decora memoras, Domine, sed quæ Ambrosius nihil æstimat. Ut magnus sit apud Deum, unum est decus, quod ambit. Ego vero gratulor mihi, quod Augustinum nosse de facie liceat, postquam de insignibus donis audivi, quibus eum liberale Numen ornavit. Optandum, ut bonis dotibus bonus usus accederet (amicis mutua inter se dilectione colligatis audentius loquor) optandum est, aio, ut bonis dotibus bonus

nus ufus accederet, qualis utique nullus est, nisi quem dirigit bona fides. *Al.* Nobis, Pater, jam diu bonæ fidei saltem desiderium est. *Simpl.* Sic mihi Nebridius vester, & laudo. Sed scitis, quod scriptum est: *desideria occidunt pigrum*, (b) imo etiam ipsa occiduntur per moram, & esse desinunt, cum diu nihil agunt. Opportune alendus est ignis, & cudendum ferum, dum calet. *Aug.* Exporior verum dici: calebam olim, nunc frigus medullas habet. Alia ex aliis negotia, curæ, ac tædia omne tempus rapuerunt, quod inquirendæ veritati impenderem. *Al.* Neque hæc etiam hora est huic disputationi idonea: properandum ad Præsidem: scis, vocatum Augustinum esse. Curo moneri, quod adsis. *Nebr.* Utinam iste sit æque impatiens ad seria, ut est ad nugas! *Aug.* Tamen si esset spes inveniendæ veritatis, horam unam, aut alteram rogarem te, Pater, ut impenderes dubiis, quibus angor. *Simp.* Libenter, si tamen hodie velis: nam cras redeundum est Mediolanum. *Aug.* Omnino hodie te audiam, & utar occasione, quam sibi Nebridius adeo lætam accidisse prædicavit, ut videatur sibi, post longam jactationem, jam prope a portu esse. *Simp.* Hodie tuus sum: quando me placet uti? *Aug.* Statim, cum rediero a Præsede. *Simp.* Novum laborem imperabit Præses, neque tu verbo stabis. *Aug.* Quemcunque imperet, differam. Hodie optatissimus labor est, loqui tibi. *Nebr.* Sic places, Nempe commodare negotiis nos debemus, non tradere. *Simp.* Stygii Pharaonis inventio est, opprimere laboribus mancipia sua, ne tempus habeant, quo de modo liberandi se cogitent. Sic miseri in circuitu ambulant, & præmium absoluti laboris est labor novus, mercesque finiti negotii, timor, ne aliud negotium non finiatur. Ita pereunt anni, & quid inferimus æternitati? *Aug.* Momentosa est quæstio, si quidem post hanc vitam expectanda est alia. *Simp.* Dubitat Augustinus, an im-

(b) Prov. 21.

mortalis sit anima? *Aug.* Timeo magis, quam credo. *Nebr.* Ecce redit in memoriam cogitatio, quam nuper suggerebam decumbenti ad mortem. *Aug.* Heu me! Pater! si anima vivit post mortem, & ego ex illo morbo obiissem, ubi essem? cæterum forte hæc sunt terriculamenta excogitata, ut in officio vulgum contineant, *Simpl.* Forte autem sunt veritates, quibus impunerefragari non licet. *Aug.* Nisi demonstres ad oculum, non credo. *Simpl.* Experiri mavis, quam credere? aut num existimas, quod per hoc desinant esse poenæ, quia tu esse negas? Augustine, non auctoritate, non rationibus laboriose quæsisit urgeo: tuum ingenium consule: quæro, an demonstrare possis, quod cum vita etiam anima desinat? *Aug.* Non possum. *Simpl.* Dubitas igitur? *Aug.* Fluctuo in ambas partes. *Simpl.* Satis est. Jam igitur sana ratio te obstringit, ne in dubio tanti momenti, mores formes ad normam sententiæ minus tuta. *Aug.* Stringis, & intelligo, quid velis. Si credo, animam nunquam mori, nihil hæc fides nocere potest: si non credo ista mihi infidelitas nihil potest prodesse, nocere potest æternum: nunquid hoc est, quod dicis? *Simpl.* Penetrasti præmissas: infer conclusionem. *Nebr.* Sapientis est, credere, pater hoc consequi. *Aug.* Omnino videtur. Intelligo me incidisse in virum, a quo sperare remedium possim malo, quod premit. *Al.* Præses prodit. *Aug.* Loquemur deinceps plura de his. *Simpl.* Sed hodie. *Aug.* Hodie, & ibit Alipius mecum. *Nebr.* Sic places. *Simpl.* Dona mihi has animas Deus! *Al.* Invenisse videris virum in Simpliciano, qualem descripsit Nebridius: nam incaluisse te cerno post frigus tam longum. *Aug.* Nondum, Alipi, nondum deferuit nos patiens Deus, & ego abusum patientiæ timeo. Certe periculum in mora jam video, quale hætenus nunquam: dubitare de omnibus nimis dubiam salutem facit.

S C E N A V.

Augustinus. Symmachus. Alipius.

S*ymmachus.* Augustine, scis, quanti te faciam. Memini, quæ mihi *de Discipulis tuis questus es sæpius* : (c) hodie remedium fero. *Aug.* Profecto gratiam magnam facies, optime Prætor : neque enim tolerabile est malum ultra. *Quos mores, cum studerem, meos esse nolui, perpeti cogor, cum doceo.* Carthagine juvenes erant importuni, immorigeri, impudentes, qui proinde sicut in Academiam veniebant nullius disciplinæ patientes, sic redibant ad suos sine scientia, sine conscientia, sine pecunia. Romæ, etsi modestiæ laudem aliquam mereantur, tamen in hoc peccant atrocius, quod *illis præ charitate pecuniæ, justitia vilis sit* : (d) quando enim tempus adest minerval promissum solvendi, repente dilabuntur, & perfide Doctorem destituunt. Odi serviles animas, nec fulgenti luto turpiter inhiantes dignas existimo, quibus labores meos impendam, utique nullo fructu, in solo sterili, & arenoso. *Symm.* Justa querela est : sed erit malo finis, si obsequiis, quæ præstitisti, hodie unum addideris, hodie tamen, nam cras fero facies, quod fieri velim. *Aug.* Audio, quid imperes. *Al.* Et ego sponsor sum, Domine, lentum in exequendo, quod jubes, Augustinum non fore. *Symm.* Neque facies sine fructu, si urges. Ecce geminam Epistolam. Hæc operam tuam exigit, ista præmium offert. Jam attende, quid velim. Petebam per litteras nuper ab Imperatore, ut everfam ab antecessore suo aram Deæ Victoriæ restitui siceret : sciebam ; sed ita volebant Senatores, quorum multi, ut nosti, adhuc adhærent Religioni Majorum, & colunt plures Deos. Ego ita stupidus non sum, Augustine, ut numerum inter Deos

G

admit-

(c) *L. 5. Conf. c. 8. & 12.* (d) *Ibidem.*

admittam: multo minus ita barbarus, ut cogere te velim ad propugnandam stultitiam, quam ipse damno. Quam certus sum dari Deum, qui hoc Universum gubernat: tam certus sum, esse unum, cui non detur æqualis alter. *Aug.* Sana ratio, Prætor, non finit te aliter judicare. *Symm.* Sic est: nam, si plures æquales sunt; aut perpetua sint inter Deos bella, necesse est, aut unum alteri subjici: quorum nescias, quid sit absurdius. *Al.* Sapienter, Domine, & ego gaudeo, te sic sentire. *Symm.* Interea res meæ postulant, ut sentire me similem cum Senatu, cujus exemplum hucusque adhuc pars major vulgi sequitur, antiqui erroris retinens. Itaque placere volui: ideo suscepi Patrocinium Deæ. Jam stupete audaciam Popæ unius. Contradixit precibus meis in aula nemo: non pauci etiam salubre consilium, & utile Reipublicæ judicabant, si circa Religionem cuilibet relinqueretur libertas & sentiendi, quod vellet, & profitendi, quam inter tam multas mallet. Unus Ambrosius, cui, nescio, per quem suboluerat consilium, ferream frontem opposuit, scripsit ad Cæsarem, & exemplar Epistolæ per suum Presbyterum misit ad me. Acerba est, viri tamen urbani, ac sibi moderantis. Cæterum succumbere Mediolanensi Præfuli urbis Romæ præfectum, moleste fero; ferendum erit tamen, nisi tu properes, Augustine, eloquentiam eloquentia retundere, & hominis in aula auctoritatem solida consutatione opprimere. Cape epistolam, utere ingenio, artem, quam optes, adhibe, sed hodie, nam festinatione est opus. Mandatum accipis gloriosum tibi; nempe enim adversarium clariorem unquam duces in triumphum, nisi cum Ambrosium viceris. *Al.* Profecto, Augustine, non fuit occasio alia jucunda magis, & idonea, ut ostentes, qui sis. *Symm.* Junge operam, si quid potes, Alipi, properate! mercedem uterque, quam volet, feret. *Aug.* Difficile opus imperas. Lego argumenta gravissima, & facun-

facundiam virilem, quæ rebus magis intendit, quam verbis. Cum gigante pugnandum est mihi. *Symm.* Æque giganti exaggeras difficultatem, ut gratiosorem mihi tuum laborem facias. Sed confide: erit pretium dignum operæ. Festina modo: hodie volo responsum legere.

S C E N A VI.

Augustinus. Alipius.

A *Augustinus.* Tentabo vires. Alipi, ego neque istum virum intelligo, neque istud imperium amo. *Al.* Ego vero nolo tricarî te: cito sede, stude, scribe: de meis agitur, & tuis commodis. *Aug.* Alipi, totus a te abiisti. In Africa unum veritatis, veritatis inveniendæ desiderium fuit: nunc solius commodi, commodi, ac boni privati te cura habet. Unde mutatio? *Al.* Utique a te. Nam postquam de veritate invenienda desperavi tecum. quid superest, ut quæram, nisi commodum, & bonum privatum? & tu cessas? rumpe moram, quæso, Prætor urget. *Aug.* Festinalente. Non est laudabilior mora, quam quæ trahitur in decernendo malo, in quod nos toties præcipitat impetus, quem inanis poenitentia sequitur. *Al.* Nempe malum aliquod videtur tibi latere in hoc imperio? *Aug.* Prospicio gravissimum. Symmachus ita vult *uni Deo* servire, ut non offendant diabolum, quem colit in *pluribus*: a tali viro bonum fieri imperium credis? examinare talium mandata est necesse, ne obediendo homini, offendas Deum. *Al.* Hem! a quanto jam tempore vocem tam religiosam non audiavi ex isto ore! si omnia sunt dubia, ut credis tu, quis jam de Deo te scrupulus angit? agere, quod libet, licet, quando est dubia obligatio legis. Aut, si etiam transgredimur legem, quid nocet scelus? poenas præsentis vitæ etiam probissimi ferunt, & quæ narrantur

futuræ post vitam hanc, dubiæ sunt: cur timemus? *Aug.* Lo, queris cheu! ex meo sensu. Obsecro, quem a me induistim tecum exue. An omnia sint dubia, Alipi, hoc est dubium saltem, & hoc dubium tenet me, ne ad Epicurum deficiam: timeo enim, ne sit verum, quod timeo, iudicium, infernus, æternitas. Ecce! quo sum prolapsus! in horrenda me abyssio video: ah! porrige manum Deus! *Al.* Mirum! Augustine, nunquid a Simpliciano veniunt hi motus novi? *Aug.* Sic est, amice: o bone Deus, nondum odisti me! spes nova nascitur! inveniri veritas potest! *Al.* Differamus hanc curam, cras commodius indagabimus: hodie parendum est Præsidi. *Aug.* Hodie Simplicianus adest, cras abit: arripienda est capillis occasio, toties dimissa ex manibus. Novum stimulum hæc Epistola admovet: nam qualem descripsit fama, hic Ambrosium lego. O si videre liceret virum, si colloqui! *Al.* Importuna hæc desideria sunt: sine modo! nox de his consilium dabit. Nunc Præsidi, Augustine, Præsidi est parendum: nam nisi responsum afferas, quid excusabis? *Aug.* Occurret aliquid. A nocte ut expectem consilium, non persuades. Securius a Simpliciano requiro, an parere Præsidi liceat, & contra Ambrosium scribere. Nam, si non licet, certum est, non faciam. *Al.* A Simpliciano petis consilium contra Ambrosium? quæ prudentia? *Aug.* Veritatis, Alipi, veritatis inveniendæ, uti nova spes, ita novum desiderium est. Væ mihi, si rursus differo urgentem affectum sequi. *Al.* Quo trahis, sequor te. Sed prospicio, quid sit futurum. Simplicianus utique prohibebit, & avertet a Præsidi: si Præses averfabitur ambos, spes nostræ pereunt. *Aug.* Amicus Præses, magis amica veritas. Toties, cum se obtulit, a me neglecta, ultro se offert iterum: iterum negligam? Simplicianus hodie plus, quam Præses, terret. *Al.* Si spes est, inveniri posse, utique parendum est magis veritati, quam cuius
vis

vis Principi. *Aug.* Utique, quia beatum facere nullus me Princeps potest, neque eripere veritati contemptæ, si contumacem damnabit. *Al.* Sapienter. Sit igitur, tecum audio Simplicianum.

CHORUS.

Exhibetur secundum ad seriam Conversionem
Medium, quod est *Timor Dei*, quo urge-
tur homo, ut manum operi sine *Procras-*
tinacione admoveat.

Timor in persona Operarii. Gratia. Fides.
Anthrophus. Quinque sensus in persona Aucupum.

Gratia.

Hæc est domus, in qua voluit Dominus,
Ut esses operarius.
Rem tuam age strenue:
Ut evellas, & destruas, & disperdas, & dissipes, Jer. i.
Constitutus es *hodie*. Pulso iterum.

Fides.

O Bona *Gratia*, ut ades in tempore,
Et tecum *Timorem* adducis!
Ad nugas *Anthropus* rediit,
Et *Seria*, quidquid opponat *Fides*, in crastinum rejicit.
Filii, tristem recreaturi parentem,
Instruxerunt aucupium:
Huic ille totum *hodie* addixit animum,
Et *cras*, ait, *cras* convertar ad Dominum.

Gratia. Absurdam audio vocem corvi,
Nescio stulti magis, an impii!
Vah! homo temerarie!

Aria.

Offensus Deus veniam
En! offert *hodie* :
Et dicis: *cras* accipiam,
Non placet hodie!
Ah! *cœli obstupefcite,*
Et desolamini!
Hæc vox: *non placet hodie!*
Est vox *mancipii!*

Jer. 2.

2.

Offenso reus suggerit
Horam clementiæ!...
Peccator Deo statuit
Momentum gratiæ!...
O *hominis* impietas!
O impudentia!
O *Numinis* benignitas!
O Patientia!

Sed perge, Fides, meum homini adventum nuntia,
Ad me evoca.

Fides. Si obfirmaverit januam, & nolit venire?
Timor. Vides hanc asciam? pulsabimus fortius,
Ita, ut incipiant *ambæ aures tinnire.*

Jer. 19.

Fides. Quod videbitur, facite. Ego aperio : (a)
Vos judicate, quid possit sperari,
Et num ad vos audiendos Anthropus
Sit *hodie* bene dispositus.

Timor

(a) Aperitur silva, in qua sensus suas delicias aucupantur.

Timor. Negotiosi sunt aucupes,
 Et, quibus insidiantur, garrulæ volucres.
Fides. Has Homo inanis delicias capit.
Gratia. Imo, non capit; *capitur*: ita desipit...
Visus. Io! parata sunt retia, amites, arca, Omnia.
 Trepidate gens volucrum! canimus classicum.

Cborus quinque Sensuum.

Omnes. Eia venite
 Blandæ aviculæ,
 Nostræ deliciæ!
 Venite!

Visus. Vis formæ amoena,
Auditus. Vox gratiis plena,
Gustus. Rostrum eburneum,
 Collum mellificum,
Odoratus. Plumarum balsamum,
Tactus. Et lepor saltuum,
Visus, & auditus. Et caput ad pompam cristatum,
Gust. Odorat. Tact. Et corpus amoribus natum
Omnes. Amabiles faciunt vos!
 Amamus! venite ad nos!
 Eia venite!

Odoratus. Nobis vos dedite,
Gustus. Nihil metuite!
Tactus. Adsumus aucupes,
 Non, non carnifices,
Omnes tres. Qui mactent, & jugulent vos.
Visus. Amare, vobiscum jocari,
Auditus. Vicissim a vobis amari,
Ambo. Hoc cupimus nos!
Omnes. Dedite vos!
 Venite!

Gratia.

- Gratia.* *Usquequo parvuli diligitis infantiam?* Prov. 1.
Anthrop. Fallor! an audio Gratiam?
Fides. Adest, & petit responsum ad allatam nuper Epistolam.
Anthrop. Cras redeat: cras faciam audientiam.
Gratia. Ego autem hodie mihi faciam.
Timor. Timor, inania dissipa gaudia!
Timor. Fugite! fugite! (b)
5. Sensus. Heu! heu! nostræ deliciæ! sistite!
Anthrop. Quis meis obstrepat importunus consiliis?
Timor. Tace homo indocilis!
Generatio incredula, & perversa! Matth. 17.
Quousque ero vobiscum? usquequo patiar vos?
Anthrop. Prô! quæ voces suavissimas vox excipit horrida!
Timor. *Vox Domini in virtute!* Psal. 20.
Vox Domini confringentis cedros, efficientes se in superbia!
Vox Domini intercidentis flammam ignis,
Qui exarsit in concupiscentia,
Vox Domini concutientis desertum, ubi onager luxuriat!
Vox Domini præparantis cervos ad partum,
Ne, qui parturit, semper parturiat,
Et nunquam pariat.
Hæc dicit Dominus: Hodie si vocem ejus audieritis, Psal. 94.
Nolite obdurare corda vestra! nolite hodie!

Aria.

Ecce! post navem everfam (c)
 Et scelerum fluctibus mersam,
 Cum undis pugnanti,
 Cum morte luctanti,

Tabu-

- (b) Complosione manuum aves terræ fugiunt.
 (c) *Vocavi, & renuistis: extendi manum meam, & non fuit, qui aspiceret.*
 Prov. 1. v. 24.

Tabulam *hodie*
 Porrigit gratia!...
Hodie accipe!
Hodie enata!
 Periisti, si audeſ jocari,
 Et ipſo clamare ex mari:
Porrige cras!

2.

Cras Gratia tibi illudet,
Cras aurem utramque illudet,
 A longe *cras* ſtabit,
 Et cor obdurabit.
 Flebis, & : heu me !
 Dices : o Gratia!
Hodie, hodie,
 Ubi eſt tabula?...
Ridebit, & jam jam mergendo, (d)
 Clamabit clamore horrendo:
Porrigam cras!

- Antrop.* Ah! irascere, *irascere!*
 Sed a riſu, a riſu tuo libera me, Domine!
 Totiſ artubus trepido:
 Quid ſit agendum, conſulte.
Gratia. Purganda eſt area,
 Et exciſcenda radicituſ hæc ſclerum latibula.
Hodie, hodie manum admove.
Antrop. Heu me! unde incipiam? quando finiam?
 Laborem imperatiſ difficillimum.
 Faciam tamen, faciam, ſed *modo non poſſum*.
 Sinite paululum! *paululum!*
Gratia. Homo ignaviſſime!
Fideſ. Temerarie !

H

Timor.

(d) Ego quoque in interitu veſtro ridebo, & ſubſannabo. Ibid. v. 26.

Timor.
Omnes tres.
Gratia.
Tim. & Fid.
Omnes tres.

Anthropus.

Gratia, Fides, Timor.
Anthropus.

Tres reliqui.
Anthropus.
Tres reliqui.

Anthropus.
Gratia.
Anthropus.
Fides.
Anthropus.
Timor.
Anthropus.

Omnes tres.

Gratia.
*Timor.**

Perdite!
 Si aliquando cogitas facere,
 Quare non modo?
 Quare non hac hora?
 Quare non? quare non?
Ariosa.

Assuevi huic silvæ: ...
 Radicitus excindere,
 Et hodie
 Est opus molestissimum!
 Sed opus necessarium:
 Pro tota vita, totum me
 A loco hoc avellere,
 Et hodie
 Est arduum negotium!
 Cras erit magis arduum!
 Non possum hodie!
 Cras minus poteris.

Rebellis repugnat natura!
 Cras magis repugnabit!
 Amor obstat, & sensuum cura!
 Cras fortius obstabit:
 Quid dicent homines!
 Cras magis metues!
 In re tam ardua me vincere
 Non possum hodie!
 Ah! potes hodie, & non vis:
 Cras voles, & non poteris.

Vince te! & saltem incipe!
 Cape arma, tenta te!

Anthrop.

* a sciam porrigit.

Antropus. Ah! usum non habeo.
Fides. Aliquando utendum est necessario.
Omnes tres. Quare non modo? quare non?
Gratia. Aggredere, ego adjuvo.
Antropus. Domine! in tuo nomine! ...*
Fides. Vicimus! vicit se!

1. Reg. 17.

Aria.

Prima victoria
 Nunquam est unica:
 Trahet secundam,
 Et plures post se.

2.

Semel qui vincit se,
 Posse se vincere
 Jam est convictus:
 Major fit animus,
 Repetit ictus,
 Audetque sæpius
 Aggredi se.

PUNCTUM II.

Procrastinatio quo duxerit.

SCENA. I.

Augustinus. Alipius. Nebridius.

Augustinus. Quid multa? Amici mei! erratum est, gravissime erratum! ita me convicit Ambrosius in istis litteris. Eo, & nuntio Præsidi, frustra me in confutationem incumbere: vicit Ambrosius, Veritas triumphat. *Nebr.* Et tu, Alipi, adhuc

H 2

* clauditur, dum asciam attollit.

adhuc immotus es in tanto motu? *Al.* Nescio, quid magis stupeam, Augustini timorem, an Simpliciani consilium. *Aug.* Cessabis utrumque mirari, cum istas litteras legeris. Cape, lege! veritas, veritas vultu terribili prospicit, strictoque ancipiti gladio minatur æternam mortem, si pergo tergum vertere, & dubiam viam ire. Hic metus iustus utique compulit me, ne auderem exequi imperium Præsidis, donec Simplicianus probaret. *Al.* Probasse hoc non capio. Ego prohibitorium certo credidi: præter spem evenit, ut urgeret ipse, & diceret: omnino, Augustine, obtempera Præsidi, festina, responsum ad Epistolam para. *Aug.* Idem mirabar tecum: nunc ex eventu laudo prudentiam magni Viri. *Nebr.* Providit, quod factum est, & cepit te hamo tuo. Nebridi, ajebat mihi, cum vos abiistis, & ego gemerem, novam moram a Præside injici meis spebus, Nebridi, hæc mora promovet salutis consilium. Augustinus uti tumet superba æstimatione sui, ita disputando vix patietur se vinci ab alio. Itaque disputet ipse secum, vincat se; sic victus victor erit, & veritati se lubens dedet, lubens repe-tebat, lubens dedet se; nam quo intentius se impendit, ut inveniat argumenta, quibus confutet Ambrosium, eo profundius ingreditur in adyta veritatis, & repente admirabitur constitutum se in conspectu Reginæ, quam credebatur ultra mare abesse. *Aug.* Propheta fuit. Confutandi conatus coge-bat penetrare intimius, quod legebam. Ofelix necessitas! oblata est veritas, splendida face coruscans oculis animæ: adoravi, homagium præstiti. Alipi, quod video, poteram videre pridem, & debuissim: affectata ignorantia fuit. Applicare considerationi me nolui, & serium conatum ex die in diem distuli: hæc me negligentia, hæc pigritia nunc male habet. *Al.* Corrigamus ergo hodie. Quis erit modus? *Aug.* Tangis punctum, quod nunc cruciat. Correctio ista non est opus unius diei. Hodie Simpli-

Simplicianus adest, cras abit, & deserit ægrotum, quem cœpit affligere, ut sanet. Heu! cum potui, noli applicare me studio salutari, superbia obstante, quæ Magistrum non admisit, & prohibente libidine, quæ tenebras supra lucem amavit: nunc, cum volo, forte non potero, & quid deinde, amici, quid deinde fiet mecum? Prô! in quæ me mala mea pigritia præcipitavit, & infelix procrastinatio! iterum hodie aperit mihi oculos Deus, & video plura, quam in Africa videram. Me insensatum! post fabulas Manetis abjectas currebam bene! quis me fascinauit, ut sisterem cursum, imo rursus ex via deflecerem, ita ut facta sint posteriora pejora prioribus! *Nebr.* Procrastinatio omnino, procrastinatio sufflaminauit primum, inde protrusit in devia. *Aug.* In devia utique, mi Nebridi; nam in abyssu me video, quæ profundior esse non posset. Respicio scalam, per quam descendi, & capere nequeo, quomodo descenderim sine horrore. *Al.* Nempe per gradus factum est iter a vix advertente, quo ires. *Aug.* Sic erat. Ardebat cor desideriis calidissimis ad bonum, ad veritatem: veritas ex Africa Romam traxit. Si indagassem cito, ubi lateat, jam invenissem, jam felix essem. Distulisse hanc curam, abjecisse fuit. Procrastinatio peperit frigus, ex frigore nata est desidia, ex desidia desperatio inveniendi verum, quod tædebat inquirere, ex desperatione contemptus docentium, inde confirmatio in vitæ licentia, futurorum incuria, & sensim sine sensu quidlibet audendi infelix temeritas. *Al.* Laudo lamenta tua, sed utilius negotium facimus, si consilia conferamus de reditu in viam bonam. *Aug.* Deliberate: ergo Præsidi refero meum de Epistola sensum. *Al.* Displicebis. *Nebr.* Nihil refert. Minus malum est contra Præsidem, quam contra veritatem pugnare. Nos interim intendamus oculum istis literis, ex quibus Augustino tanta spes venit, veritatem apud Ambrosium esse.

tholico, si subditis suis, etiamsi prohibere posset, cultum plurium Deorum permittat. Nam, inquit, cum inter tot sectas incertum sit, quenam vere Deum verum Auctorem habeat, Ratio postulat, ut cuique pro modo ingenii liceat veritatem inquirere, & circa Religionem sentire, quod malit. Nebr. Alipi, hoc axioma est filia principii, quod nos tenemus: omnia esse dubia. Hem: quo ducimur? cum erit commodum, etiam adorabimus idola sine scrupulo. Al. Certe, si Symmachus verum dicit. Audi, quomodo se defendat: nam denique, ait, cultus quicumque tendit in Deum tuum, & qui adorant plures, plura Nomina venerantur, non plures Dominos. Nebr. Profecto callida defensio sceleris. Quid respondet Ambrosius? Al. Avide lego. Exclamat: ecce! o magne Caesar, quam speciosis vestibus incedit ornata Impietas, ut simplices animas fallat! serione Symmachus unum esse Deum credit, aut simulat? si credit, cur aboleri nomina egre fert, quibus fovetur error, & idololatria subsistit? Si autem simulat, malus est servus Deorum, quorum cultum profiteri non audet. Nebr. Fortiter stringit. Al. Sequitur: sed ego suspicor, hominem neutrum esse. Nam cum dicat, incertum videri, quæ tot inter sectas vere Deum verum Auctorem habeat, opinor, eum se nulli addixisse, quod solent plures, non quod omnino negent, dari Deum, sed quod, quo cultu colendus sit, suspendant sententiam, & ut ajunt, isti se disceptationi nolint miscere. Inde fit, ut indifferentes ad omnia, hodie Catholici, cras Ariani, postridie Manichæi, denique Ethnici sint, prout ratio temporum tulerit. Atque hæc indifferentia, Princeps, Religio Prudentum vocatur, quod nomen superbum jam multos sefellit, ex illis maxime, qui videri volunt supra plebem non modice sapere. Nebr. Alipi, non sentis, nos iterum pugni? Al. Nisi me stupidum credis, utique sentio. Sed profundius feriat, est necesse, ut doleat vulnus. Nebr. Perge Al. Ego fateor, Auguste, prudentis esse, non cuilibet credere, & optimi suspendi assensum, quando veritas requiri non potest. Sed, quæ Religio a Deo præcepta sit, argumentis constat adeo manifestis, ut applican-

plicantibus oculos mentis ad seriam considerationem, veritas occulta esse non possit. *Nebr.* Nunc arrigo aures. *Al.* Ego visum intendo. Circumspiciat orbem Symmachus, percurrat provincias, interroget ex singulis Sectis aliquem: dic mihi, vir bone, cur tu colis Jovem? & tu, cur sequeris Arium? Tu autem cur Maneti adhaeres? respondebit alius: quia sic natus sum; alius, quia non habeo alibi, unde alar; alius, quia non decet me a fide Majorum descere; denique alius dicet: nescio, cur hoc potius credam, quam aliud, nisi, quod videatur Scriptura hoc potius loqui, quam aliud. Responsa ejusmodi quis non videt esse communia omnibus, & patrocinari cui-libet, atque adeo nulli? verum ad hominem Romano-Catholicum qui accesserit, audiet: Ego Catholice credo, quia prudenter dubitare non possum, quin ista Religio sit a Deo. *Nebr.* Quid tu sentis de hoc discursu? *Al.* Sine, ut absolvam. Quidquid enim ab adversariis objicitur, aut mendacium est, aut nullius ponderis: quæ autem tenent me in Ecclesia, Argumenta sunt, quibus alia secta nulla potest vii pro se. Quæ enim est omnium, quæ suam originem ab Apostolis probat? cui tot Prophetiæ suffragantur? quam tot Martyres firmant, & tanta Doctrinæ primum, deinde morum ad Doctrinæ Regulam formarum Sanctitas commendat? itaque ex Philosophis etiam si penitus inspexerunt rationes, propter quas credimus, nemo est, qui non fateatur, fidem nostram esse fidem prudentem: sequitur, Auguste, non esse aliam, præter Catholicam, quæ mereatur Religio Prudentum vocari. *Nebr.* Alipi, quid opponimus? *Al.* Solida videtur conclusio. Examinemus ex Dialecticæ regulis. In formam redigo: Sola fides prudens potest habere auctorem Deum. *Nebr.* Certum est; nam qui rationem homini dedit, haud dubie postulat, ut in colendo se ratione utamur. *Al.* Atqui sola fides Catholica est fides prudens. *Nebr.* Rursus certum, quia sola pro se habet rationes nulli alteri communes. *Al.* Sola igitur fides Catholica habet Deum auctorem. Conclusio est manifesta, & video corollaria sequi, quæ nos omnino jugulant. Ergo quæ docet fides Catho-
lica

lica, vera sunt; & contradicere scelus est: hoc primum. *Nebr.* Certissime, quia contradicitur auctori Deo, & summa Veritas spernitur. *Al.* Sequitur, non esse liberum amplecti fidem quamlibet. *Nebr.* Etiam patet; nam cum quævis alia in multis contraria Catholicæ sit, necesse est, contrariam etiam Deo esse. *Al.* Præterea infero, imprudenter agere, quisquis in fide contraria hæret. *Nebr.* Utique, quia temerarie pergit ire viam, de qua dubitare prudenter non potest, quin a Deo abducatur. *Al.* Denique concludo, teneri obligatione gravi ad inquirendam veritatem, cuicumque de sua fide prudens dubium incidit. *Nebr.* Et nos negleximus! & adhuc negligemus? *Al.* Finit Ambrosius: *Itaque ne Symmaci preces audias, Magne Cæsar, Conscientia obstat, & Officii ratio: una Religio Deum habet auctorem, una habeat, Cæsarem Protectorem: potestate abuteris, si uteris in favorem hominum, qui Deo injuriam faciunt, freti gratia, qua per te licet, ut faciant.* Virum invenimus, qui docere veritatem potest! *Nebr.* Virum magnum, & dignum, cujus Augustinus discipulus sit. Hæc dies, Alipi, finem tot procrastinationibus faciat: incipiamus Catechumeni esse, & nos instructioni submittere. *Al.* Opportune ingrederis, Pater, nam o quanta sunt, quæ narrabimus tibi!

S C E N A III.

Simplicianus. Alipius. Nebridius.

Simplicianus. Ego responsum a Præside postulo, quod ad Ambrosium referam. Quid Augustinus contra Episcopum scripserit, vos mihi narrate. *Nebr.* Immo evenit, quod dixeras. Vario, fortique motu concussus est pectus legentis Epistolam, & cum quocunque se verteret, occurreret nihil, quod oppo-

neret solide, erubuit confusa superbia, quæ ipsum sibi adversum quoscunque invincibilem mentita huc usque fuerat. *Al.* Illuxit radius ambulanti in tenebris, ac instar fulguris repente detexit periculum, in quod ibat infelix, jam in margine terribilis præcipitii stans. Ego cum ipso video abyssum, cui nos proxime ignari admovimus; retraho pedem: intelligo, nimis vicinum exitio esse, qui de omnibus dubitat. Potest, potest inveniri veritas, & inquiremus pariter labore novo. *Simpl.* Non erit opus magno, sed celeri. Nova dilatio novas difficultates objiciet, quas fortasse minus superabitis, quam illas, quæ hætenus tenuerunt. Hodie circumspicite Directorem, qui possit, & velit viam monstrare. *Nebr.* Qualem esse vis, & quas doctes requiris? *Simpl.* Duos oculos, Doctrinam, & Sanctitatem. Qui doctus est, & parum sanctus, sæpe fallit: qui sanctus, & parum doctus, facile fallitur. *Nebr.* Difficiles conditiones sunt, quas in multis conjunctas vix reperies: non enim passim Ambrosii, & Simpliciani occurrunt. *Al.* Si non occurrunt, qui ducant, opinor, hominem litteratum posse sibimet sufficere, si impendat se sedulo in curam salutis. *Simpl.* Bene addis, si impendat se sedulo. Nam, quotusquisque est ex Litteratis, qui impendat se sedulo, nisi sit, qui dirigat, & qui urgeat? Alipi, Christus, quem omnes colimus, Pastori bono se comparat. Qualis sit ipse, poterat per alias similitudines explicare: sed quales esse cupiat nos, vix aliud symbolum clarius explicat. Pastor & Ovis correlativa sunt: si igitur Pastor est Christus, vult, ut nos simus oves. Laudo in ovibus innocentiam, simplicitatem, patientiam, sed, quod Christus exigit, subjectio est, & patientia directionis: *Vocem meam audient.* * *Al.* Si Christus adhuc per se pasceret oves, quis se nollet ejus directioni submittere? Sed quando jam per Ministros pascit, cur non eximas Litteratos

* Joan. 10.

teratos? Rudes, quid credere, fugere, facere debeant, necesse est, doceri ab aliis, & moneri, ut agant. Qui autem ætatem triverunt in litteris, cur non ipsi Magistri esse queant, si velint? *Nebr.* Alipi, miror, te hoc disputare. Scis, quid propter negligentiam Magistri nobis, & ipsi Augustino contigerit? *Simpl.* Sic Deus castigat superbiam Doctorum, quos scientia inflat. Ecce Alipi, Doctorum pars magna meris speculationibus vacat: maxima impendit se praxibus, sed ad salutem servientibus nihil. Est Philosophus, qui intervalla stellarum metitur; quæ via ipse supra stellas se evehat, nunquam cogitat. Est Medicus, qui corporum morbis etiam desperatissimis remedium affert, animæ suæ periculum ne sentit quidem. Est Jurisperitus, qui quam eloquenter pro aliis dicit, tam misere pro se obmutesceret, si hodie citaretur ad Judicem Deum. Quod si ponas virum, qui etiam sciat utilia ad salutem, nunquid hominem ponis, quem & intellectus fallere potest, & cui saltem memoria sit labilis, & voluntas certe æque ut aliorum hominum ad malum prona, subjecta tædiis, languori, pusillanimitati, instantiæ, ac innumeris malis, quibus non per scientiam, sed per consilium adhiberi medicina debet. Unde vero consilium? tuam ipse prudentiam consule. Nisi ab omnium recte Sapientium sententia discrepas, dices, certum esse, quod nemo sibi consulat minus, quam qui in magni momenti negotio neminem consulit, præter se. *Al.* Potenter peroras. Sed, quid faciam, si Director idoneus non se offerat, etsi velim? *Simpl.* Orandus est Deus, ut prospiciat. Dei ordinatio est, volentis, ut homo dirigatur per hominem: hominis oratio facit, ut mittat idoneum, id quod Deus eo libentius faciet, quo gravior victoria est, quæ videt vinci superbiam, quæ a tali submissione abhorret.

SCENA IV.

Persona omnes.

S*ymmachus.* * Adest ipse Simplicianus. Responsum expectas ad Epistolam Episcopi tui? vivum habet. Mediolanenses Doctorem Rhetoricæ a me petierunt: Augustinum do vobis; respondebit Ambrosio præsens, quod hodie distulit. Hic vir, hic est, qui retundet superbiam viri in sua facundia se jactantis, velut parem non habeat. Alipi, sicut amici estis, ita adjungo te illis: locus in curia Mediolani vacat, occupabis. Decretum accipe. *Al.* Gratiam tibi faciat Deus pro ista gratia, Prætor: ego faciam, ut te non poeniteat datæ. *Symm.* Uterque suo munere fungatur strenue. Cogitate, quanto Cæsari serviatis, neque permittite, ut vobis Episcopus imperet. *Simpl.* Domine, etiam Ambrosius Aulæ Leges, Aulicus ipse perdidicit: distinguere scit, quid intersit inter Ecclesiasticam potestatem, atque Politicam: non est periculum, ut se immisceat negotiis vestris, nisi immisceatis vos suis. *Symm.* Audis, Augustine, ad quos te homines mittam? audaces, insolentes, gratia Cæsaris tumidos, & scientiæ opinione inflatos? sume spiritus dignos te, & tanquam leo inter catulos, imbelles latratus sperne. Mediolanum do tibi, campum gloriæ, ubi te efferas triumphator Ambrosii, quem si viceris, attigisti verticem laudis, ad quam aspiras. *Aug.* Optime Prætor, quam de me concepisti, fiducia, vereor, ne te fallat. Audivi, quantus sit vir, contra quem essendum. Non deest ad pugnam animus, spes victoriæ deest. *Nebr.* * Quid iterum audio? cum Ambrosio etiam pugnabit iste? *Symm.* Ego te, & Ambrosium novi, nihil metue: fama facit; majorem vero victorem gloria æterna manet. Vale.

SCE-

* tacite.

SCENA V.

Omnes, præter Symmachum.

S*implicianus.* Hoc agitur, ut inimicum Augustinum Ambrosio feram? hæc est, Nebridi, fides tua, hæc spes, quam fecisti? infelix! quid igitur respondere ad Epistolam potes? eja! hisce saltem! *Al** Quid est? etiam me fefellisti fiducia vana, velut apud Ambrosium inveniendæ sit veritas? *Nebr.* Pater, istos Prætor novi muneris honore sibi devinxit: ite vani, ite miseri, quiescite, gaudete in vestris gaudiis: meum gaudium est, inquirere veritatem. *Aug.* Præter spem oblata conditio est Rhetoricæ Mediolanensis: num acceptando malum feci, Pater? *Simpl.* Nullum. Sed nempe qui ante de veritate reperiendâ desperaveras, nunc etiam impugnabis repertam, hoc malum est, hoc peccatum in Spiritum sanctum! Hypocrita! sic te ista Epistola commovit? *Aug.* Tu irasceris mihi; mereor diu: sed hodie non respondeo. Divinam Providentiam adoro, quæ sic votis velificata est meis. *Nebr.* Quæ vota jactas? utique vanitatis, jactantiæ, gloriæ? tale tu tibi theatrum Mediolani gratularis! *Aug.* Etiam tu erras, ego invito vos ad Numen adorandum, quod prostat in ista Aula: venite mecum. *Al.* Quid enim postulas? ad idolum nos duces? *Aug.* Inter media Idola neglectam unam vidi Imaginem Providentiæ: hanc adoro. Ingredere, *Simpliciane*, judica, num male agam.** Ecce hic Oculus in me respexit: etiam cum tergum verterem. O Ocule misericors! Ocule clemens, unde hoc merui! *Simpl.* Nisi nos decipis, narra, quid velis. *Aug.* Alipi, Nebridi, vos estis testes, quantis desideriiis, cum legi Epistolam, exarserim ad videndum Ambrosium. Rediit spes, & cum spe cupido inveniendæ veritatis. In-

I 3


tro-

* ad Nebridium.

** exhibetur divinus Oculus.

tro ad Præsidentem, narro, quam possem invenire nihil, quod Ambrosio confutando serviret. Ille (stupete hic bonum Numen) ille tædio ex discipulis concepto, de quibus questus fueram, affici me interpretatus, ut solaretur, & animaret: nihil refert, inquit, quod Romæ non fecisti, Mediolani, ut opinor, præstabis. Simul decretum porrigit, officii proventum, & decus laudat, adversus Ambrosium concitat. *Simpl.* Et quid tu? *Aug.* Quid facerem? politice cum Politico egi: sponendi facturum, quod possem. *Nebr.* Et quid facies? *Aug.* Quod facere nisi difficillime, nunquam potuissem, nunc gaudens facio: eo Mediolanum, ut ibi Ambrosio fruam. *Simpl.* Siste modo: dic, quo animo ibis: ut disputes? ut vincas? ut jactes te? *Aug.* Ut disscam veritatem, Ambrosium Magistrum cupio. *Nebr.* Hæc vox est bona! *Al.* Hæc facit bonum! *Simpl.* Et sanctum facit, si, quod dixisti, cito facis. Eja cito!

O. A. M. D. G.



MEDI-

MEDITATIO III.

AUGUSTINI LUCTA

ANTE

CONVERSIONEM.

ARGUMENTUM.

Concionis S. Ambrosii, & frequentior conversationum Simpliciano jam id effecerant in Augustino, ut intelligeret, fidem Romanam solam ad salutem prodesse. Quo minus tamen se illi per Baptismum statim post cognitam veritatem adjungeret, difficultas obstitit, quam vitium carnis objecit, diuturna consuetudine roboratum, & ante dignam Sacramenti susceptionem utique damnandum, *verique doloris, ac serii propositi exercitio sollicitate execrandum*, id quod tunc Augustinus impossibile factu sibi esse credebat, scilicet metienti se ex viribus suis, & de viribus Gratiae adhuc diffidenti. Videatur *liber octavus Confessionum*, ex quo desumpta est hodiernae nostrae Meditationis.

Materia: Augustini difficilis lucta contra pravam consuetudinem.

Pars duo: Primum, Lucta cum Intellectu,
Secundum, Lucta cum Voluntate.

Fructus: Correctio voluntatis infirmæ, & novæ vitæ difficultates metuentis.

Propo-

Propositum. Obfirmare se contra quemcunque laborem in morum correctione subeundum, & in specie animare se per fortem Spem in Dei gratia, ejusque opem oratione seria, & fervente implorare, qua qui utitur, testatur Deo, quod, si nondum vere doleat de suis peccatis, saltem doleat, se nondum dolere, atque ita disponitur, ut recipiat gratiam, sine qua dolor est nullus.

PERSONÆ.

S. Simplicianus.

S. Augustinus.

Alipias.

Nebridius Augustino Familiaris.

Navigius, ejusdem Frater.

PROLOGUS.

Reflexio in Meditationem præteritam, & Præparatio ad præsentem. (a)

Anima meditans. Angelus explicans.

Anima.

O Miserrima miseria!
 Condite radios aurea fidera!
Pereat dies, in qua natus sum!
Et nox, in qua dictum est, conceptus est homo! Job. 3.
 Heu! homo infelicissimus,
 Destinatus æternis ignibus!

Arie.

(a) Exhibetur Cælum stellis coruscans.

Aria.

O cœlum,
 Quot stellis illustratum,
 Tot frustra desiderius
 A me desideratum!
 Actum est! perii!
 Excidi spe!
 Sperent te alii:
 Actum est de me!
 Rupes liquecite!
 Silvæ misereſcite! . . .
 Nunquam videbo te
 Patria dulciſſima,
 Terra beatiſſima!
 Heu me!

Angelus. Quæ audio lamenta? quos gemitus?

Anima. Recede, bone Angele, recede a me,
 Quia recessit a me Dominus.

Angelus. Quid ita? nunquid expugnata est *pigritia*,
 Abrupta *procrastinatio*, incepta *Conversio*?

Anima. Incepta est: quid profuit,
 Iterum tentata sum.

Angelus. *Vita est milita.* Pugnaſti?

Anima. Pugnavi, & vici ſemel, ac iterum.
 Sed rediit vexatio! . . . perdita sum!

Angelus. Anima miſera! . . . non tamen perdita.
 Erige animum *Chariſſima*!

Adhuc video Cœlum tibi propitium.
 Bonus eſt Dominus.

Anima. Bonus Ipſum diligentibus, non mihi!
 Rumpere cor, dolore rumpere!

Angelus. Moderare triſtitiā! ſuſpice!

K

Job. 7.

Aria.

Aria.

Nullus micat in Cœlo Cometa,
 Mali tibi instantis Propheta:
 Placida sidera
 Certa sunt Symbola
 Non tonantis, sed donantis
 Tua tibi scelera.

2.

Nemo pejus, & stultius errat,
 Quam qui, cum peccavit, desperat:
 Antea metue
 Deum Offendere:
 Post patratum jam peccatum
 Spes medelæ est a Spe.

Anima. Estne possibile, ut Deus in gratiam recipiat me,
 Toties relapsam, toties fœdifragam!

Angelus. *Fornicata es cum amatoribus multis,*
Tamen revertere dicit Dominus, & ego suscipiam te.

Jer 3.

Anima. O verba plena dulcedine! revertar igitur,
 O Deus, iterum revertar ad te,
 Sed quid jam jubes facere,
 Ne rursus succumbam in novo certamine?

Angelus. Vi pravæ consuetudinis
 Facta est tibi voluntas inconstans, & debilis.
 Huic malo feret remedium,
 Quod Augustino Ambrosius dedit consilium:
Tota Conversio innititur uni Principio:
Ne sis pusillanimis.

Anima. Considera, applica.
 Volentem Deus adjuva.

Aria-

Aria.

Anima.

Confusa pudore,
Et novæ malitiæ

Angelus.

Tremens horrore,
Non tamen sine Spe,

Ambo.

O Deus coram te,
En anima prosternit se!
Prostratam respice!

2.

Angelus.

Confirma labantem,
Da fortem animum!

Anima.

Metu trepidantem
Sustenta spiritum!

Ambo.

Dabis Victoriâ,

Anima.

Si des, ut pugnam strenuam
Pugnare audeam,

Ambo.

Si des, ut audeam,
Dabis victoriâ.



MEDITATIONIS II.

De Lucta Augustini

PUNCTUM I.

Lucta cum intellectu.

SCENA I.

Alipius. Augustinus.

A *Lipius.* Impatientem me facis. Nam, quæ sunt istæ aliæ ex aliis moræ? jam Pascha imminet, & cæteri Catechumeni certatim Baptismum expetunt, multisque modis ad recipiendam Sacramenti gratiam præparantur: tu, post auditum Ambrosium, post dubia de fide soluta, post detecta, quibus Romanam Ecclesiam vilem nobis Hæretici fecerant, mendacia, denique post inventam, quam terra, marique inquisivimus, post inventam cum incredibili gaudio veritatem unius fidei, cessas adhuc lentus, & novas difficultates objicis? Homo temerarie! mihi tua amicitia nocet: rumpatur! accedo Episcopum, & inter baptismi Candidatos me scribi rogo. *Aug.* Non impedio. Tibi baptismus gratiam, mihi exitium ferret, si nunc susciperem. Justa est causa moræ: culpam imputa Simpliciano. Heri aderat, & quousque progressus essem in Doctrina fidei, examinabat. Credis, aiebat, Deum unum, & trinum? Credo, inquam, etsi non capio. Credis, urget ille, Dei Filium pro te passum, ac mortuum esse? Credo, & adoro amorem. Credis, post hanc vitam superesse aliam, aut æternum felicem, aut æternum miseram? etiam hoc credo, respondi: imo postquam credo, Dei filium *animæ causa* mortem appetisse, stulta est dubitatio; an anima sit immortalis. Non potuit Mercator Sapiens
infini-

infinitum pretium expendere, ut vitam mihi emeret, *quæ habeat finem*. *Al.* Convincens ratiocinatio est. *Aug.* Perrexistis: credis, ad vitam illam beatam unam esse viam, ex Ecclesia Christi? Assentior iterum, dixi, nam verba Christi vincunt: (a) *Qui non crediderit, condemnabitur*. Instat ipse: credis, Ecclesiam Christi non esse aliam, præter Romanam? Credo, aio, neque possum prudenter dubitare, cum nulla sit alia, quæ suam a Christo probare originem possit. Quærit amplius: credis, quod, quæ semel Ecclesia Christi fuit, nunquam potuerit a doctrina Christi deficere, & errare? affirmo, & palpo manibus, dicebam, quod, si, Ecclesia Christi in sua doctrina vel in uno articulo contradicere doctrinæ Christi posset, & errare: necessario consequatur, errare eam posse in quolibet alio, atque adeo incertam esse omnem Scripturam, incertam omnem interpretationem, incertam omnem traditionem, *dubia omnia*, cessareque omnem obligationem credendi. *Al.* Haud dubie: nemo enim tenetur credere id, de quo est dubium, an Christus docuerit: & Ipse aut non potuit nos obligare ad credendum doctrinæ suæ, aut debuit interpretem suum, qui est Ecclesia, infallibilem reddere. *Aug.* Nempe sicut Prophetas, & Apostolos reddidit. Itaque, quid vis amplius, exclamo tandem: *credo omnia, quæ credit Ecclesia Romana*, quid me prohibet baptizari? *Al.* Ah! & hodie rursum a baptismo abhorres? quæ levitas! quæ inconstantia! *Aug.* Audi, quæso! callide huc me Simplicianus deduxerat. Mox ut audivit confessionem fidei tam plenam, & absolutam, protrahit Biblia de sinu, explicat, legit textum ex Epistola prima Pauli ad Corinthios capite sexto: en habes. *Al.* Nolite errare: neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque male dici, neque rapaces, regnum Dei possidebunt. *Aug.* Attonuit me ista lectio, & obmutui: videbam enim, in angustias me esse reda-

Etum, unde non foret exitus. *Al.* Et quid hic Presbyter? nam debebat premere. *Aug.* Spatium respirandi non dedit. Cre-
dis hoc, Augustine, credis hoc? ingeminabat. Ego, qui sine repu-
gnantia dixeram: *credo omnia, quæ credit Ecclesia Romana*, nunc hæsi-
tabam. Ipse vero: Epistola Pauli est, inquit, Epistola Canonica,
Verbum Dei est: ita docet Romana Ecclesia: credis? *Al.* Revo-
casti professionem? *Aug.* Haud equidem, sed cum suspirio: diffi-
cilis Articulus est! dixi. Et Simplicianus, vah, intulit, nonne mul-
to difficiliore Articulus credis? Deum in una natura Trinum, Fili-
um Dei occisum, animam immortalem: & dubitas, an rapaces,
an adulteri, an fures, an idolorum cultores excludendi sint a Regno
Dei? Respondi: de istis admitto; merentur enim excludi a Socie-
tate beatæ vitæ: de fornicariis, Pater, nimis severa videtur Pauli
sententia. Tum ille iratus: Pauli sententia, inquit, est Dei senten-
tia, & tu nempe corriges Judicium Dei? Deo fornicarii videntur
digni æterna pœna, Augustino videntur: quis errat? Terribilis
interrogatio fuit, ad quam Simplicianus responsum non expecta-
vit, sed negans me esse dispositum ad recipiendam Baptismi gra-
tiam proripuit se, postremum hoc admonens, ut *per piam af-
fectionem* inclinarem me studiose ad fidem Divino Verbo *sine ex-
ceptione* præstandam. Hoc opus nunc molior, opus arduum,
ut captivem intellectum in obsequium hujus articuli: *fornicarii
Regnum Dei non possidebunt.* *Al.* Ah! me tædet ista toties ex te
audire. Nam quousque!.. *Aug.* Cōdono hanc impatien-
tiam innocentiae tuæ! abi, ora pro me.

S C E N A II.

*Alipius.**Nebridius.*

A*lipius.* Et, quæ est demum pertinacia, si ista non est! Op-
portunus ades, Nebridi, nam ego meis quæstibus non in-
venio

venio modum. *Nebr.* Heu me! iterum vana spe nos Augustinus delusit? non ibit nobiscum ad Præfulem, ut pro Baptismi gratia supplicet? *Al.* Heri promissa, avolarunt cum verbis. Ergo nihil spero de viro tam vario, & mihi hæc amicitia quo magis protrahitur, hoc magis est noxia. *Nebr.* Inventa est veritas, quid amplius quærimus? etiam sine Augustino nos Ambrosius recipit. Eamus, petamus Baptismum soli! forte exemplum nostrum fortius, quam verba trahent: certe consulimus nobis, & a periculosa procrastinatione cavemus. *Al.* Prope absum, ut persuadear. Timeo sane, ne per moram novam incidam in malum antiquum, quod me Romæ vix non oppressit. *Nebri-* di, ingenium viri, eruditio, & Sapientiæ studium me in Africa ipsi conjunxit, quo fructu? (b) *Auctoritate sua* in hæresin Manetis me traxit. Evasi ex hoc Labyrintho ipsius opera, qui seduxerat: quid tum? idem iterum in tetriorem voraginem me præcipitem dedit. Romæ, quam magnum desiderium veritatis advenientibus fuit, tam cito per procrastinationem defecit, quam excepit desperatio inveniendæ. Inde quam ad alia omnia quærenda uterque effusi simus, tu nosti, amice, & deplorasti. Nihil minus agentes tamen, bonus Deus Mediolanum misit: subijt nova spes, novaque cupido veritatis: inventa est. Quid juvat? sentio fatale frigus, quod ex ista conversatione se propagat in me. Quæ desiderata delectabat tantopere, jam reperta vix afficit veritas. Voluptas plus agit, nempe cujus sicut experientiam nullam habeo, ita iste mihi curiositatem excitat tam vehementer, (c) *ut vix me teneam, ne experiar.* Vides, in quanto periculo sim. *Nebr.* Profecto tempus est, ut eripias te. Audiamus Simpliciani consilium. Ut ades in tempore, Pater! opera est opus tua, ut soleris Alipium.

SCE-

(b) L. 6. Conf. c. 7.

(c) L. 6. Conf. c. 12.

SCENA III.

Simplicianus. Alipius. Nebridius.

S*implicianus.* Ego adsum, ut Augustino impendam, sicut heri addixi. Postquam ille meæ se directioni submisit, ut filium diligo. & bona spe ago. Non eadem vos solatur, nunc maxime, postquam veritati porrexit herbam, se victum fassus? *Al.* Nos suscipe, quæso, istum abdica: dedecori tibi est nomen Patris de filio tali. *Simpl.* Hoc Deus, hoc Ambrosius nolit, qui animam hanc nobilem tradidit curæ meæ. *Nebr.* Scilicet ne operam perdas, & oleum, hic noster est timor. *Simpl.* De me timete, de Deo sperate. Nihil est Deo difficile. *Al.* Sed qui nolentem non cogit, tandem deserit. *Simpl.* Sic est. Non omnibus exhibet Deus longam patientiam: misericors in aliis, in aliis severus est, nunquam injurius. In Augustino, ut apparet, longanimis est: divitas suæ bonitatis si vult in ipso ostendere, cia, cooperemur alacriter, & non deficiamus. Me, de quibus narrastis mihi, lacrymæ Monicæ in fiduciam erigunt: cum Presbytero Africano judico: *ut filius tantarum lacrymarum pereat, non potest fieri.* *Al.* Credo, nisi tamen obstinate perire velit. *Simpl.* Etiam obstinatio morbus est. Expectandus est motus aquæ, & cum descenderit Angelus, mittendus in piscinam æger, ut sanus fiat. Felix, qui hominem habet juvantem se, quando *de ordinaria lege* non aliter hominem juvare, nisi per hominem statuit Deus. Amici, vos de Augustino nimis abjecte sentitis. Nondum fecit totum, quod ad conversionem requiritur, sed neque nihil fecit. Manichæos deseruit, ab Academicis discessit, fervore novo in veritatis inquisitionem incubuit, vicit superbiam, Catechumeni gradum suscepit, denique Directorem admisit, cui conscientiam credat, quem in dubiis consulat, a quo

quo solatium admittat in difficultatibus, quæ se obijcere meliora cogitantibus solent. Quid? hæc omnia qui fecit, parum, aut nihil fecisse vobis videtur? *Nebr.* Quid juvat, se submisisse tibi, si nihil obediat? *Al.* Ego, Pater, artem dirigendi animas non intelligo. Agendum tamen aiunt, quod Medici agunt, qui si plura remedia sine effectu adhibuerint ægroto, ne tempus, & famam perdant, dicunt: (d) *curavimus Babylonem, & non est sanata: derelinquamus eam!* & laborem ad alios utilius transferunt. *Simpl.* Omnino, si spes frugis est nulla, probo, quod dicis; neque enim Sapientis est littus arare. Sed hoc tu de illis loquere, qui nulli Directori se credunt, sibi solis sapientes, quod stultorum est proprium. Isti enim, vel, quod ægrotent, non sciunt, vel amant morbum, & nolunt sanari; secus de Medico quærerent. At, qui curam sui a viro idoneo suscipi cupiunt, digni sunt, ut cum cura curentur. Mihi ille Pastor non placet, qui, postquam ovis aberrans ad primos clamores non redit, mox abjicit animum, & cessat officio fungi. Si Pastor vult esse, laborem non fugiat, fugitivam persequatur, perditam per montes & valles requirat, relictis etiam nonaginta novem aliis, quibus non opus est cura tam anxia. Quod si perfecti fugientem decet, quanto diligentius occurrendum est stanti, & dubitanti de via? qui statim deferit animam, quæ directionem non sequitur, superbus est, & credit, animæ correctionem opus esse suum, non Dei: aut, si Dei esse credit, cur retrahit ab aratro manum, priusquam sciat, decrevisse Deum, nec pluvia, nec rore ultra rigare terram, hucusque frugiferam nihil? Nostrium est, quicumque animarum curam suscepimus, nostrum est removere lapidem a sepulchro: id postquam fecimus, si non continuo surrexerit mortuus, num ideo reponendum est saxum loco? abeundum a tumulo? Imo patienter expectare debemus, donec ei, qui iussit lapidem tollere, placeat inclamare.

L

cada-

(d) Jer. 51.

cadaveri voce omnipotentis: *Lazare, veni foras!* frustra Spiritui tempus determinamus: quando vult, spirat, & non est utilis animabus Director, impatiens moræ. *Nebr.* Laudo zelum, & fiduciam zeli. Sed hoc, Pater, non capimus nos, quod sperare bene de illo possis, qui de se ipso jam desperavit. *Al.* Negat Augustinus (tu scis) negat, se posse credere, quod fornicarii a regno cœlorum sint excludendi: negat, quod carnis vitium sit flagitium grave: negat denique, se posse caste vivere, nisi misere: quid sic persuaso suadebis? *Simpl.* Ecce hic ipse lapis est, quem jubet Dominus, ut removeam ab ostio monumenti: laborabo, ut ab intellectu incipiam, & convincam, quod possit. *Al.* Nihil afferes, quod non jam attulimus: disputando Augustinus non vincitur facile: propria magnis ingeniis est pertinacia, tunc minime expugnabilis, cum amant errorem. *Simpl.* Disputando non cupio vincere, rogando vincam. *Nebr.* Quid rogabis? *Simpl.* Ut hebdomadam saltem unam experiri velit, quid possit. *Al.* Hebdomadam unam caste vivere, quid hoc proffit? *Simpl.* Plurimum. Nam post hebdomadam redibo, & rogabo, ut alteram, ut tertiam, ut quartam adjiciat. *Nebr.* Etiam hoc parum est. *Simpl.* Minime. Nam, uti magnis ingeniis molestum est ab aliis de errore convinci, ita jucundum est, convinci a se; experimentum in Augustino jam a me Romæ factum meministis. Jam quid putatis? Si hebdomadam unam, si alteram, & tertiam castus vixerit Augustinus, nunquid propria convictus experientia intelliget, se errasse? *Al.* Prudenter, Pater, & ad solatium mihi: respirat spes mea, si tamen hoc saltem impetres hodie, ut hebdomadam unam promittat. *Nebr.* Lentum remedium affers. Si tamen Deus expectat patiens istam moram, decet, Alipi, ut patiamur & nos, quod corrigere modo non possumus. Pater, aggredere sanctum negotium. *Simpl.* Quid agit? *Al.* Secum disputat, an credendum sit Paulo, fornicariis cœlum claudenti. *Simpl.* Laudetur Deus

Deus! Augustinus signa bonæ indolis, & animi haud sane pernitus corrupti habet. Si abjecisset Paulum, si negasset oculos textui, si occurrentem memoriæ, instar blasphemæ cogitationis excluderet, tum vero male de viro sentirem: nunc hæc inquires, hoc studium inveniendi, quid opponat, iudico, indicium esse mentis averfantis in peccato malitiam, & tantum fragilitatem excusare contententis. Cum intellexerit, inanem etiam hanc contentionem esse, credite mihi, superabit naturam gratia, & voluntas imperiosa redibit in dominium, quod carni muliebriter cesserat. *Al.* Jucundum vaticinium est: date Superi, ut cito videamus eventum. *Simpl.* Orate! amici estis: non potestis amicum juvare potentius, quam orando. A cælo venire auxilium debet mihi, ut loquar cum fructu: Augustino, ut me audiat cum profectu. *Nebr.* Me miseret hominis! Exequamur consilium in vicino Sacello. *Al.* Socium habes.

SCENA IV.

Simplicianus. *Augustinus.*

Simplicianus. Sic estis amici boni. Invenio absorptum in Paulo. Nunquid, Augustine, an non reperias locum tibi mitiorem requiris? frustra es. Nunquam sibi contradicit Apostolus: *fornicarii regnum Dei non possidebunt!* est veritas fidei. *Aug.* Video, Pater, me reluctari non posse, nisi rursus a fide deficiam. *Simpl.* Quid igitur decretum est tibi? adhuc vitæ castæ propositum horres? *Aug.* Ah! ingens amor veritatis semper fuit, quod crederem, in ejus amplexu beatum me fore. Decepi me: miserum ipse amplexus facit! *Simpl.* Beatum Baptismus faciet, si accedis cum serio dolore de commissis peccatis, & cum vero proposito de non repetendis. *Aug.* Tu semper propositum urges. Si non servabo, quid prodest? si servabo

vabo autem, vitam tristem, ac tædio plenam vivam. *Simpl.* Ecce! vitam tristem! nondum plane desiit Epicurus exercere in te imperium, quod permisisti. Augustine, non est tibi *de beatitudine hominis* sensus bonus: & ego hoc affirmo, non solum beatitudini vitæ futuræ, sed præsentī etiam hominis felicitati nihil magis opponi, quam amores prohibitos. *Aug.* Thesin ponis, quam si probaveris, captivam cum intellectu forsitan & voluntatem trahes. *Simpl.* Gaudeo occasionem offerri de beatitudine disputandi cum viro erudito in sententiis Philosophorum. Sed altius exordium est, & paulo longior sermo habendus, si pateris moram. *Aug.* Avide audio. *Simpl.* Consideamus, & agamus pacate. *Aug.* Omnino hoc cupio, & ideo necesse erit ante omnia, ut conveniamus *in nomine*, & quid nempe hæc vox, *beatitudo*, significet. *Simpl.* Volebam hoc ipsum monere. Certum est enim, quod, sicut nemo compos rationis est, qui non intelligit, dari aliquem Deum, sic nemo unus sit, qui non appetat beatus esse: verum sic etiam nomen *beatitudinis* tributum est sæpe ipsi miseriæ, prorsus sicut nomen Dei a malefānis impositum est lapidibus ac truncis, ipsisque dæmonibus. Tanti refert ideam veram de re formare, quam vox repræsentat. *Aug.* Omnino tanti. Tu igitur quid intelligis per hanc vocem, *beatitudo*? *Simpl.* Cum Sophis loquor: *Beatitudo est omnium bonorum secūra possessio*. *Aug.* Placet descriptio. Certum est enim, Deum beatum esse, nec esse beatum aliter, quam, quod *habeat omne bonum*, & habeat *secure*, sine metu perdendi. *Simpl.* A definitione descendamus ad divisionem. Complector omne genus, si dico, unam esse beatitudinem vitæ futuræ, alteram *præsentis*, seu quod idem est, unam *in re*, alteram *in spe*. *Aug.* Quod idem est, inquis, quasi supponeres, hujus vitæ beatitudinem *in re* nullam esse, totam *in sola spe*. Loqueris contra communem hominum sensum, quorum plerique beatitudinem utramque appetunt, aliqui etiam præsen-
tem

tem solam, de futura aut nihil credentes, aut sperantes nihil. *Simpl.* Communis error sanæ rationi non prævalet. Qui putant, in hac vita se posse beatos esse, Augustine, in quibus rebus beatitudinem suam constituunt? ah! in bonis corporis, bonis animæ, bonis fortunæ, quorum aliqua non merentur nomen boni, omnia possidentur parum secure. Bona fortunæ casus dissipat, bona corporis mille morbi pessumdant, bona animæ corrumpunt curæ, timores, tædia. Denique cum vita omnia mors aufert, sæpe minime opinantem occupans. Ubi igitur in hac vita, & quando, & quamdiu, aut *omnium bonorum*, aut etiam aliquorum est *secura* possessio? *in re*, Augustine, nunquam, & nusquam esse potest, *in spe* tantum. *Aug.* Seria consideratio est. Sed mihi videris tuæ divisioni contraria dicere; nam beatitudo, quæ est *in spe*, *in præsentis* est nulla, neque adeo debebas duo genera beatitudinis ponere: quod enim spero, futurum est, non est præsens. *Simpl.* Adverte vir bone, ne confundas spem, & quod vocamus, objectum spei. Objectum spei futurum est, quis hoc negat? sed spes est præsens: *hac spe* beatus sum jam nunc, in vita hac. *Aug.* Nunc puto, me assequi sensum animi tui. *Spes futuræ beatitudinis est ipsa beatitudo vitæ præsentis*, nunquid hoc dicis? *Simpl.* Ita est. Non divitiæ, non opes, non deliciæ ullæ, sed spes, Augustine, spes vitæ futuræ constituit beatitudinem vitæ præsentis. Spe hac qui caret, beatus non est, etsi cætera bona omnia habeat: spem qui habet, beatus est, etsi cæteris bonis omnibus careat: atque adeo ut sis beatus in hac vita, spes sola sufficit, sine spe nihil. Lætus forsan esse potes sine spe, beatus non, nisi beatum vocare velis hominem, qui per maniam, vel somnium lætus est, & velut assidens convivio plaudit sibi. Sed nempe ejusmodi beatitudo evanescit ad ortum solis, nec tanti est, ut ab homine sano appetatur. *Aug.* Nova hæc mihi sententia est. *Simpl.* Nempe

pe quia Evangelica: (e) *beati pauperes, beati, qui esuriunt, beati, qui patiuntur*, & utique non solum beati futuri, nam *beati estis*, ait Christus, nempe quia *beatitudo præsens* constituitur in *spe futuræ*. Fidei suffragatur etiam ratio. Recole animo beatitudinis conceptum. *Beatitudo est bonorum omnium securæ possessio*: talis possessio non datur in hac vita, nisi in spe: non datur igitur nunc beatitudo, nisi in spe. Quid? num recte colligo? *Aug.* Recte omnino, & ego video inanes esse omnes contentiones ac labores, quibus consumimus nos, nisi huc tendant, ut obtineamus spem vitæ futuræ. Unum adhuc est, quod opponam. Si beatus est, qui habet spem, beati omnes sumus, qui vitam futuram credimus. Quis enim est, qui hoc credit, & non sperat, beatum se fore? *Simpl.* Bene opponis. Sed distinguere inter spem & spem est necesse: nam, cum beatitudo sit *securæ* possessio, patet, non a quavis spe hominem beatum fieri, sed a spe illa sola, quæ securum beatitudinis facit, & quæ non in vana opinione, sed in *Dei promissis fundatur*. Omnes sperant, beatos se fore, quo argumento sperant? Alii putant, se peccata jam expiasse, postquam obiter percusso pectore reos se esse confessi sunt; fallax persuasio est: alii credunt, nunquam fore, ut moriantur, priusquam rite dispositi sint; temeraria præsumptio est, non est spes. *Aug.* Si tu hoc exigis, ut spes *securum* beatitudinis faciat, vide, ne teipsum ferias. Conclusio enim sequitur, quod in hac vita nemo beatus sit, nemo enim, dum vivit, *securus* est de salute: sic audio etiam vos docere. *Simpl.* Augustine, hic verbo abuteris: certitudine fidei *certus* est nemo de salute, hoc docemus: at *securus* esse possum, si serio volo. Pone, filium rustici adoptari a Rege; certusne est, se regni hæredem fore? *Aug.* Non sane, nam multi possunt obitare casus. *Simpl.* At securus est tamen, & regio verbo fidens nihil anxius expectat sceptrum, spe sua felix, qua certum est. ipsi regnum, quamquam ipse de regno certus non sit.

Aug.

(e) Matt. 5.

Aug. Subtilis est disputatio, & litigamus de verbis: tu doce rem. Quæro: perire timeas, an non? *Simpl.* Timeo vehementer. *Aug.* Si securus es de salute, cur times? *Simpl.* Timeo, quia certus non sum. Cæterum per hoc ipsum securus sum, quia timeo, & timere me scio. *Aug.* Myſteria loqueris. *Simpl.* Plana sunt omnia: (f) *Beatus homo, qui semper est pavidus!* verba sunt Oris Divini, *beatus* utique, quia *securus* beatitudinis, non quia certus, nam qui certus est, non est pavidus: quid vis amplius? *Aug.* *Nescit homo, utrum odio, an amore sit dignus*, idem Oraculum loquitur: quis igitur est securus? *Simpl.* Qui propter hoc ipsum, quia nescit hoc, semper est pavidus. Hic enim pavor parit spem, & spes beatum facit; non enim est pavor anxius, qui spei dulcedinem corrumpat, sed pavor cautus, pavor qui facit, ut peccata præterita deſlere nunquam deſinam, & contra futura omni diligentia me obarmem. Breviter: quia certus non sum de ſalute, ideo timeo, quia timeo, cautus sum, & quia cautus sum, *secure* ſpero, ſecuritate, quæ in bonæ, quietæque conſcientiæ teſtimonio fundat ſe: hæc ſpes beatum facit jam nunc, in vita hac. *Aug.* Video ad lumen rationis aliam imaginem Beatitudinis, quam qualem mihi pinxerant paſſiones, & phantafia. Qui credit, ſuperſeſſe vitam aliam poſt vitam hanc, ſi vult jam nunc beatus eſſe, huc debet conſtitui totis viribus, ut perveniat *ad ſpem ſecuram* futuræ felicitatis. Cum abeſt iſta ſpes, neceſſe eſt, ut adſit aut triſtitia, aut inſania, hoc eſt, *mera miſeria*: evidenter intelligo. *Simpl.* Utique. Nam ſi quis vivit *ſine ſpe* vitæ melioris, aut non percipit, quid illa vita ſit, quod inſani eſt, aut ſi capit, fieri non poteſt, ut non ſit triſtis. Nunc reflecte animum, Auguſtine, ad noſtram theſin: aiebam, etiam *hujus vitæ beatitudini* nihil magis opponi quam amores prohibitos, ſine quibus tu miſeram vitam putas. Argumentare. *Aug.* Sentio vim: *Beatitudo hujus vitæ conſiſtit*

consistit in spe alterius: Spes nulla est, nisi ex timore, qui cautelam imperat, ne Deum offendam: & huic timori, ac cautelæ nihil magis opponitur, quam libertas amorum. Video omnia! Simpl. Et plane sequitur: ergo nihil magis opponitur præsentī etiam Beatitudini, quam!... nulla ratio huic Soriti resistet. Aug. Diutius ruminari me sine doctrinam tam solidam. Simpl. Gaudio, quod velis. Sed enī quis huc?

S C E N A V.

Accedit Navigius.

A*ugustinus. Superi! fratrem ego video! Nav. Salve Frater! cum Matre adsum. Per terras, & maria sequitur Monica Augustinum, tristitiam habens, ut mulier cum parit, donec te Christo pepererit. Aug. Navigi, hic mihi Pater in spiritu est: venerare. Nav. O Pater optime, ut Angelum salutis colo. Simpl. Lætus occursum est, & omen bonum. Cæterum tu istum titulum Ambrosio tribue: ego Præsulis interpret sum. Nav. Et quam spem mihi de fratre facis? Simpl. Saluta Matrem, Augustine: ego, si permittis, comes eo. Videre Monicam juvat, & audiet, quæ ad solatium sint. Aug. O pia Mater quousque fatigo te! sed eamus! videat lacrymas suas non esse steriles, ut lacrymetur amplius. Nav. Ut lacrymetur amplius! atqui tuum est, ut abstergas. Aug. Opto, ut possim. Simpl. Dabit Deus.*



CHO-

CHORUS.

Anthropus cum novæ vitæ difficultatibus luſtans animatur a Spe, modumque vincendi tentationes docetur.

Anthropus. Gratia. Timor. Fides. Spes *in persona Archileſti*. Quinque Sensus. Septem Vitia Capitalia *in persona Militum*. Conſuetudo prava, primum in *Oeconomî*, deinde in *Belliducis* persona

Viſus•

Tactus.

Odoratus.

Auditus.

Gustus.

Omnes.

V Ah! vita Melancholica!

Nusquam ullæ se movent aviculæ.

Quo aufugistis noſtræ deliciæ?

Quo abiistis gaudia? quo cantus, & carmina?

Ubi sunt mei *cucumeres, porrique, & cæpe, & allia*?

Disparuerunt omnia!

(b) Num. 11.

Vah! vita Melancholica!

Gratia.

Abi ſceleſte, abi peſtis! æternum iſthinc exula! (c)

Conſuetudo.

Procul non abeo. Inſulta ferox Gratia!

Non diu erit Domina. Exeo, rideo, redeo.

Viſus.

Prô! ejicitur etiam Oeconomus! quid agitur?

Gustus.

Nutritius eripitur?

Conſuetudo.

Nolite pro me dolere, chariſſimi!

Vos, vos eſtis miſeri.

Ego in exilium, vos ibitis in carcerem.

M

Gratia

(a) Sensus redeunt a deliciis, quas ex fuga retrahere frustra studuerunt.

(b) Symbola sensualium voluptatum. (c) Conſuetudo ex ædibus ejicitur, & abit cum ſarcina ſclerum.

Gratia intus dominatur:
 Timor silvam excidit,
 Fides aream designavit,
 Et in ea Spes jam arcem architectatur:
 Surrexit Templum, Armamentarium, Curia:
 Struuntur muri, turres, & propugnacula:
 Verbo: Carcer, carcer vobis paratur.

Auditus. Heu! pater in tyrannum mutatur?

Quinq. Sens. Miseri sumus, miseri filii!

Consuetudo. Quare fertis patienter, & taciti?

Aria.

Este fortes, repugnate!

Nihil juvat gemere.

Agitur de libertate;

Currite, defendite!

Arma juvat expedire,

Bella juvat gerere,

Nobiles sub jugum ire

Nunquam solent animæ.

Auditus. Consilium suggeris generosum,
 Sed quo fructu? qua spe?

Consuetudo. Audite me.

(vi: Luc. 11.)

Ego paulo post revertar in domum meam, unde exi-
 Vado, & assumo septem alios Spiritus nequiores me,

Quorum si vel uni portam unam vestrum unus ape-
 Ingreдемur, arcem vastabimus,

(ricr,

Et erunt posteriora pejora prioribus.

Visus. Placet, quod suades. Sed quid?

Si pater diffidens claves portarum nobis auferat?

Consuetudo. Ut sit mitior, & aliquid indulgeat,
 Fingite, (d)

(d) Fraus diaboli contra incipientes.

Sub novis legibus haud invitos vos vivere,
 Modo liceat interdum exire,
 Et *auræ liberioris* beneficio
 Tædia mancipatus lenire.

Odoratus.

Sapis, amice! foedus sit tecum perpetuum;

Omnes.

Foedus sit perpetuum!

Consuetudo,

Sit perpetuum! Intrate:

Ego ad socios propero, dum favet *occafio*.

Vifer,

Superi! quale ædificium! . . . *

Fingimus gaudium! . . .

Chorus.

Jo! Fratres plaudite!

Vivat Pater! vivat!

Definamus perditas

Plangere delicias!

Illæ erant ludicræ,

Istæ sunt magnificæ:

Jo! Fratres plaudite!

Vivat Pater! vivat!

Anthropus. Sic placetis filii. Laudo gravitatem Judicii:

Denique discetis sapere.

At vero cum vagari *assueveritis*,

Jam repente hos *intra limites* tenere vos num poteritis?

Omnes.

Possumus! possumus!

Gustus.

Imo paulatim jucundum fiet, quidquid triste videtur,

Quia consuetudo prava a consuetudine meliore vince-

Anthropus.

Sic erit. Venite,

(tur.

Singula lustrate mysteria, considerate.

In *Templo* habitat Gratia, fides in *Curia*,

Timor *ad portas* excubat:

Spes mecum erit in *propugnaculis*,

M 2

Arca

● Exhibetur arx cum munimentis.

Area intima adhuc vacua relicta est. Amori,
 Qui proxime veniet, hortum constituet ibi,
 Nobis, & sibi.
Omnes. Ad votum sunt omnia.
 Videamus! gaudeamus! *
Spes. Verba sunt optima.
 Tu noli fidere subdolis: vigila,
 Opera examina.
 Ne hostes sint *Domestici*, hoc metuendum maxime:
 Extra te, nihil metue.
 Nisi te ipse tradideris, arx est inexpugnabilis.
 Unicum, necesse est, ut fortiter teneas monitum.

Aria.

Contemptu ut solo
 Defendas te, volo:
 Contemptu potes vincere;
 Hæc vis divinæ Gratia,
 Hæc gloria est Christi.
 Si hostis oppugnabit,
 Si furet, si vallabit:
 Si machinis urgebit,
 Si artes adhibebit:
 Non tamen potest cogere,
 Ut arcem velis dedere:
 Dic: nolo! & vicisti.

Ansibropus. Felix est mea conditio.

Claude portas: stationem occupo.

Eja! si quis est hostis, aggredere! provoco.

Consuetudo. Audio. Puer! pulsa tympanum,

Blanditias adhibe: *Mina* sequentur. (e)

Spes.

* Absunt. (e) Duo sunt genera tentationum, non plura.

Spes. Certandum est: Ecce movet se hostis. *
Cupido. Amicus sum, velis.

Aria.

Sum Amor, pacem colo:
 Pax est, quam a te volo:
 Voluptas mea Domina
 De tua amicitia
 Desiderat gaudere,
 Hanc arcem obtinere.

Anthropus. Nolo!

2.

Cupido. Si tradis, felix eris:
 Non est, non est in terris
 Beatior conditio,
 Præ nobili servitio,
 Quod præstant Voluptati
 Fortunæ Candidati.

Anthropus. Nolo!

Cupido. Admitte me, habeo litteras,
 Ex quibus, si legeris, apertius intelligas,
 Quanta sit, quam Domina mea tibi promittit
 Futura felicitas.

Anthropus. Nolo!

Cupido. Summos honores:

Anthropus. Nolo!

Cupido. Maximas divitias:

Anthropus. Nolo!

Cupido. Omnes delicias:

Anthropus. Nolo!

Cupido. Crude, quid dicas, non intelligis.
 Ulciscetur injuriam Domina, iram non metuis?

En

M 3

* Anthropus super muros stat in excubiis.

Gratia. * In hoc Signo vincens: ſequere me!

Spes. Spes non confundit: ſequere!

Repetitur Chorus.

Circumvallabimus &c.

Conſuet. Io! caleſcit prælium: meis partibus acceſſerunt Domestici;
Jam non diu amplius abſurdum illud: *Nolo!*

Repetet Anthropus.

Circuibo: certum eſt, portam inveniam, quo introeam;

Diſcederem, ſi nemo eſſet intus, a quo juvari me crederem;

Nam abſque hoc auxilio nihil proficio,

Etiamſi totus mihi ſuccurrat inferorum exercitus.

Homo, homo contra ſe debet juvare me,

Et fruſtra auctorem ſclerum accuſat Diabolum:

Diabolus innocens eſt.

Aria.

Miſer Diabole, quanta de te

Crimina debes audire!

Non eſt flagitium, quod non a te

Homines credant venire.

Mæchus, & latro, & prædo, & fur,

Lupus vocaris, & leo:

Dicitis: *talis eſt!* dicite: cur?

Vincet, vel Judice Deo.

2.

Eja, vir bone, ingredere te,

Verum ſi cupis reſcire,

Intus eſt hoſtis, qui prodidit te:

Dæmoni licet dormire.

Tu tibi malus Diabolus ſis,

Te, homo, diſce timere:

O! a te tibi cavere ſi ſcis,

Dæmonem potes ridere.

PUN.

✠ Vexillum porrigit cruce ſignatum.

PUNCTUM II.

Lucta cum Voluntate.

SCENA. I.

Augustinus. Navigius. Alipius. Nebridius.

N*Nebridius.* Ego affluxi solatiis, & dulcissima pro Augusti no-
 oratio fuit. *Al.* Ego ut pumex arui. Credo, quia mihi
 de Augustini correptione spes minus blanditur, quam tibi. Vi-
 deamus, quid fiat. * Nemo audit. *Nebr.* Fors abiit domo. Imo
 venit. Augustine! *Aug.* Relinquitte mihi me! *Nav.* Frater,
 obsecro!.. o amici iuvate me! *Al.* Navigium Mediolani vi-
 demus? *Nav.* Cum Matre adsum! *Nebr.* Jucundus occur-
 sus est. *Al.* Quid vult ista fratris a fratre fuga? *Nav.* Ah! pu-
 det narrare. *Nebr.* Credo, quia spei, quæ huc excivit Ma-
 trem, res non respondet ad votum. *Nav.* Utique non respon-
 det. Sperabamus, inventuros nos Augustinum vel baptizatum
 jam, vel ad Baptismum in via. Neutrum egistis! igitur cui
 bono abiistis ex Africa? *Al.* Nobis succenses? in manu Dei est
 cor hominis: inclinabit, cum volet. *Nav.* Scio, sed non vult
 semper manu sua: utitur instrumentis plerumque, si non re-
 pugnant. Vos abduxistis fratrem a Matre, quasi meliorem red-
 daturi: hæc fides promissi est? novis lacrymis occiditur Moni-
 ca, hoc habemus. *Al.* Quod te, idem & nos male habet.
 Sed tu nescis, opinor, quanto facilius per conversationem cum
 malis, ex bonis mali fiant, quam ex malis boni per conversa-
 tionem cum bonis. *Nebr.* Non tamen nihil actum est: Au-
 gustinus catholice credit. *Nav.* Et ethnice vivit! magna laus!
 grande solatium! *Al.* Patientia! Ambrosius, & Simplicianus

Præsta-

* *Pulsat.*

præstabant, quod non potuimus nos: quanquam neque nos adhuc cessavimus operam jungere, quantulacunque est, suadendo, hortando, arguendo, orando. Si quid insuper desiderat Monica, ecce nos! *Nav.* Credebamus, a Melania avulsam jam penitus castitatis, sicut veritatis, amori deditum esse: deceptam se Mater dolet. *Al.* Quid? credidistis Mediolani nullam feminam dari? Amice, nec nobis, nec Matri satis comperta vis amoris carnalis fuit, quo se mulieribus Augustinus adstrinxit. Vitam cælibem sicut studiosis Sapientiae ad finem suum magis utilis est, sic suadebamus; ideo urgebamus discessum ex Africa. Nunc poenitet consilii, & forte prudentius consensissemus in nuptias, quas Monica suaserat: nam cheu! abiit ex Africa Augustinus, sed Africanus esse non desiit. *Nav.* Advertimus. Vix enim auditum est Melaniae nomen, rubor in ore, ignis in oculis arsit. *Nebr.* Quid enim narrastis de femina? *Nav.* Factum virile. (a) *Voto castitatis perpetua obstrinxit se Deo.* *Al.* Prodigium loqueris. Credo, hæc nova perturbasse amasium. *Nebr.* Et ferunt perturbationis materiam. *Nav.* Exclamavit: Melania votum fecit! nec plura: proripuit se ex Matris conspectu. Persequor: revoco: nihil ago: abdidit se. Ira, moeror, an pudor agitet; dubius sum.

SCENA II.

Accedit Simplicianus.

Simplicianus. Putabam Augustinum vobiscum esse; quo evasit? *Al.* Cubiculo se inclusit. *Simpl.* Spiritum salutis parturit: juvari debet. *Nav.* Bonum credis: malum ego. *Simpl.* Sapiens Mater pudorem utilem ab exemplo feminae excitavit in viro? non est negligenda mihi hora, qua video motum aquae huic paralytico salutaris. Solatium Monicae feci ex ista fuga,

N

mihi

(a) L. 6. Conf. 6. 15.

mihi spem. *Nebr.* Nescio, an non fallaris. *Nav.* Ego certe video, interpretationem hujus fugæ arbitrariam esse, & pro affectu. *Simpl.* Effectus dabit. Cæterum ego hoc queror, quod de Augustino non satis sincere relatum sit mihi hætenus, qualis sit. Dixistis, fuisse hæreticum, esse ambitiosum, propendere ad pertinaciam, amores amare: amoribus autem jam *ab annis pluribus* esse implicitum, non dixistis, & quia neque ipse hætenus hoc passus est mihi, quam poteram medicinam adhibere, ut morbo, quem *inveteratum esse* ignorabam, cum fructu sufficeret? hodie mihi Monica statum animæ explicavit, quam curo. Juva me Deus, & ero felicior! Arte, Amici, aggrediar virum, ut ipse fateatur mihi, quod hætenus tacuit: vos finite solum cum solo agere: nunc tempus est, quo & indiget mea opera, & utetur. Monica orat, & lacrymatur: ipse turbatus est, & luctatur: ego sentio urgeri me, ut urgeam opus perficere, quod Deus cœpit: locum cedite, quia amici estis. *Al.* Libenter. Ardere te video ardore divino. *Nav.* Matrem solatum imus. *Nebr.* Digna est. Redituros etiam tu solaberis, Pater? *Simpl.* Deo auspice, spero. Intellectus a veritate convictus subjecit se: cum voluntate facilius erit pugna in bona indole, qualem Augustinus est nactus. *Al. Nebr. Nav.* Victorem te cœlum velit! *Simpl.* Urgete Monicam, ut nunc maxime pergat orare: orate etiam, orate! sic nutantes muros oppugnabimus simul. 'Cadat Jericho, ut ædificentur muri Jerusalem' Omnes. O cadat!

S C L A III.

Augustinus. Simplicianus.

Simplicianus. Augustine! *Aug.* Insolitus me turbo agit: Sine Pater, sine obsecro! *Simpl.* De cœlo est tanquam advenientis Spiritus vehementis. Pande fores, ut impleat totam domum.

num. *Aug. Modò! ecce modo venio. Luctor cum fluctibus, velis, remisque adnavigo. Sine paululum, & in portum exiliam. Simpl.* Ut succollem, adveni. Sæpe fuisti proximus portui: quantillus ventus suffecit, ut in mare turbidum rejiceret navem, quæ per conatum non magnum jam applicita littori quiesceret secura in sicco? *Aug.* Parum absun, & jam exscenderem, nisi me bellua terreret, quæ aperto rictu in arena expectat. *Simpl.* Intelligo te: jam *velles* caste vivere, sed dubitas, an possis, & difficultas te terret. Apage cum tuo ignavo *vellem, vellem!* dic: *volo, volo!* hæc vox fugabit belluam, & disparebit omnis molestia. *Aug.* Tumultus pectoris se ingens movet, & (b) *fremit Spiritus indignans turbulentissima indignatione, quod non eam in placitum, & pactum tecum, Deus meus, in quod eundum esse omnia ossa clamant. Simpl.* Potes, potes ire, si velis. Nam istud ire nihil est aliud, *quam velle ire, sed velle fortiter, & integre, & non semi-sauciam hac, atque hac versare, & jactare voluntatem, hac parte assurgentem, cum alia parte cadente luctantem.* In hoc negotio *facultas, & voluntas* sunt idem, ipsumque *velle* jam est *facere.* Melania votum fecit: non pudet, quod te præcesserit? aut non pudet saltem, quod ne quidem audeas sequi? *Aug.* Pudet, & urgeo in sequelam. Sed nondum possum! Melania *votum* fecit: ego ne quidem *serium propositum* adhuc extorqueo a me! non possum sane, non possum modo. *Simpl.* Difficulter potes, hoc credo, *omnino non posse,* falsum est. Vince te! de vita beata agitur: *res, & spes* perit, nisi tandem sis vir. *Aug.* Nunc nondum possum! & tu tempus, ac operam perdis, nempe, quia nondum satis nosti me, neque capis, sub qua gravi tyrannide gemam. *Simpl.* Et tu nescis, quid homo possit, si velit serio. Ah! Augustine, quantum te amo, tantum saluti timeo tanto tempore resistentis tot stimulis, tantis gratiis. *Aug.* Omen cessa. Bonus & patiens Deus est: non projiciet fragile vas,

N 2

quod

(b) *L. 8. Conf. c. 8.*

quod plasmavit de gleba. *Exempla scimus. Simpl. Exempla scimus! heu! quanta jam projecit, etiam pretiosa, etiam quæ ex auro purissimo fuderat! Angelis non pepercit, & Augustinus non metuat! Bonus est Deus etiam malis, ita est, sed non omnibus malis: multis scelus primum & unicum fatale fuit. Patiens est Deus, ita est: stat, & sæpe diu stat ad ostium cordis, admitti petit, clamat, pulsat semel, iterum, rursus: sed repente cessat, & abit. Quando? id nescimus. Beatus servus, quem, cum pulsat Dominus, invenerit vigilantem! Infelix servus malus & piger, cui per somnolentiam grave est aperire pulsanti! Aug. Intelligo totum, probo omnia, & aliquando sequar. Nunc!... Simpl. Si aliquando, quæso te, cur non modo? cur non hac hora? quis ægrotus, si hodie potest sanari, differt in crastinum? Aug. Modo non possum! Simpl. Et aliquando poteris? imo crescit difficultas per moram, & fit ex funiculo funis. Aut dic, obsecro, confidenter, quare non potes modo? nunquid adhuc hæret animo illud Manetis dogma: *non sumus nos, qui peccamus, sed prava in nobis peccat natura?* Aug. Absit! pudet potuisse credere stultitias tam absurdas. Simpl. Catholica Religio displicet? Aug. Placet, sed terret, quia nimis est sancta. Simpl. Sanctitas Religionis allicere in amplexum virum prudentem debet, non abstertere. Aug. Amplectar aliquando. Catholicus mori volo: vivere, ut lubet, sine. Simpl. Augustine, Deus non irridetur. Qualis mori cupis, talis ut vivas, necesse est, & prudentia imperat, quæ tantam in tanto negotio temeritatem damnat utique! Aug. Quid disputas? corpus hominis Baptismi virtute Templum Dei fieri dicitis, quod violare per libidinem quasi sacrilegium fit: scis, opprobrium meum: non possum caste vivere! & facilius ignoscet Deus non baptizato, quam si ablutus revertar ad volutabrum. Simpl. Gravius peccabis, fateor, si repetas peccata per Baptismum remissa. Sed ego Baptismum urgeo, ut peccare desinas. Aug. Atqui hoc nego*

nego posse me! diūtius assuevi sceleri, quam tu putes. *Simpl.* Annum unum forte, aut alterum in luto hæres: diuturnus est morbus, & gravis, sed non desperatus. *Aug.* Nihil dicis: audi, Pater, quod hætenus fateri horror prohibuit mali, audi, qualem hominem curandum susceperis: (c) *jam annos omnino decem in flagitiis dego.* *Simpl.* * Nunc Superi date verba, quæ profunt!... Prò Deum immortalem, quid audio? *annos omnino decem!* *Aug.* Vides, ut sim sincerus! tu quid jam stupes? *Simpl.* Miseret tui. Vale; alio est opus Medico tibi: ego mederi morbo decennali non possū! *Aug.* Quid? confessus tibi omnem miseriam sum, & nunc me deseres? si ferre auxilium non potes, saltem solatium fer, aut iuva consilio! *Simpl.* Quid dicam! vincit omne consilium gravitas mali. Actum est: consuetudo tam longa altera natura est: prius vitam, quam vitium pones. *Aug.* Timeo sane: nam quoties prope invitus in scelus trahor! *Simpl.* Quid reponam ad istos questus, nisi lacrymas, & suspiria! o anima nobilis! ergo in te periit Sanguis Christi! *Aug.* Omni tempore, omni loco sum miser, & amare cogor, quod horreo: tanta tyrannis est! *Simpl.* O servitus infamis! mancipium miserum! *Aug.* Nulla pars corporis, nulla pars animæ est, quæ non premitur turpi iugo: servio, quantus sum, & quod teterrimum est, servire placet. Serviunt oculi, & anteambulones libidinis agunt: serviunt aures pro exploratoribus, serviunt pedes pro emissariis, pro ostiariis manus, lingua pro tabellario. Ita integram familiam sceleri alo. *Simpl.* Superi miserescite! *Aug.* Præterea memoria in gratiam Veneris diu, noctuque se occupat, intellectus in viis flagitio complanandis laborat, voluntas onusta catenis, & gemens sub pondere ante currum lascivæ Dæ propellitur, affectus omnes observant nutum. *Gaudeo*, cum ad turpe votum se offert occasio, *tristior*, si præterit: *Amo*, qui adjuvant, *odi*, qui obstant: quod promovet

N 3

ma-

(c) L. c. Conf. c. 17. • Tacito.

malum, *desidero*, quod medetur, *refugio*: sæpe *spe* erigor ad surgendum de coeno, mox *desperatione* dejicior: sæpe *audax*, clamo: *Dixi, nunc capi!* mox *timor* retrahit pedem, & cesso. Demum mihimet *irascor*, & quoties indignam servitutem vehementissime exprobro? Servio tamen. *Simpl.* Cessa, quæso! nam mihi dolore pectus rumpitur! poteris ne in inferno esse inferior? *Aug.* Certe jam & damni, & sensus poena acerbissime crucior. Foedus ignis totum perurit, tenebræ, quibus circumdor, auferunt & aspectum, & desiderium coeli, vermis nunquam moriens jecur omne crudeliter exedit: væ mihi! si his suppliciis accedet æternitas, & sicut in illo, ita & in hoc inferno nulla redemptio sit! *Simpl.* O Coelites! hæciste patitur, hæc sentit: & tamen ex hoc loco tormentorum non profilit! *Aug.* O si possem! sed clausa est janua, non possum. Ah! mi Pater! nemo est mortalium inferior me! contrariis affectionibus discerpitur cor: amo scelus, quod odi, odi, quod amo! nihil mille proposita valent: cum vel occasio, vel tentatio redit, recido: imo resilio in abyssum, unde statueram emergere. *Simpl.* Et nihil a foedo facinore præsentis, intuentis Numinis reverentia retinet? *Aug.* Non æstimo. *Simpl.* Quid? si mortis incertitudinem, judicii rigorem, jacturam coeli, æternos ignes tibi ponas ob oculos: non terroris? *Aug.* Cogito, forte nihil est horum, quæ timenda esse ajunt post vitam hæc. *Simpl.* At saltem cogitatio Dei pro te in cruce inter angores ultimos Patrem deprecantis emolliret animum efferatum? *Aug.* Lapidiloqueris. *Simpl.* Saltem occasionem fuge! *Aug.* Intus est malum: quocunque abeo, me mecum traho. (d) *Velle meum tenet inimicus: inde mihi catenam fecit, & constrinxit me. Ex voluntate perversa facta est libido, & dum servitur libidini, facta est consuetudo, & dum consuetudini non resistitur, facta est necessitas.* Desperavi! *Simpl.* Tandem sonuit optata vox, quam expectabam. Maeste animo, Augu-

stine,

(d) L. 8. Conf. c. 5.

stine, propinquus es libertati, rumpentur vincula, excuties jugum. *Desperasti de te*, hoc quærebam: nunc in Deo spera, qui neminem juvat promptius, quam desperantem de se. Quid in te stas, & non stas? projice te in Deum! noli metuere: non se subtrahet, ut cadas! projice te fucurus! excipiet te, & sanabit te! quod non est possibile tibi *per naturam*, hoc facile, hoc jucundum fiet *per gratiam*, & quod dimittere metus est, jam abjicere gaudium erit. *Aug.* Quo me circumagis Pater! ex tristitiæ barathro levas in lucem novam. Nondum ergo conclamatum est de salute? *Simpl.* Dixi, nunc maxime spes bona micat. Errasti, nesciens, (e) *quod non possis esse continens, nisi Deus det.* Difficultatem vitæ castæ comparans ad vires tuas, quid poteras aliter, quam angere, tremere, desperare? factum bene. Nunc spera in Deo: Deus solus, solus potest (f) *mundum facere de immundo conceptum semine.* *Aug.* Sic in Apostolo legi. (g) *Omnia possum in eo, qui me confortat, non ego, sed gratia Dei mecum.* Hem! quis repente radius tristes tenebras pellit? *Simpl.* A Patre luminum est ista lux: Deus adhuc te amat, Augustine, tandem & tu ama Deum! ecce hæc hora est, qua offert gratiam, extende manum, arripe cito! manus oratio est: ora, quære, pulsa: accipies, invenies, aperietur. *Aug.* At mi Simpliciane, mihi non sufficit quæcunque gratia: opus est singulari, extraordinaria, triumphatrice: tantum ego bonum a Numine offenso sperem! *Simpl.* Ah! quid disputas? qui sic dilexit te, ut Filium suum Unigenitum pro te dederit, nunquid negabit, quod minus est? quidquid petieris in Nomine JESU, dabit tibi! ora, quære, pulsa! oratio clavis est coeli: ascendit oratio, & descendit Dei miseratio. Obsequere Augustine, amico roganti. Miseriæ gravitatem agnoscis, periculi magnitudinem vides, te tibi non sufficere intelligis: ora, ut te adjuvet Deus. Relinquo solum, ut suspires liberius. *Aug.* Inter spem & metum obedio,

coope-

(e) *Sap. 8.* (f) *Job. 14.* (g) *Phil. 4.* 1. *Cor. 15.*

coopertus pudore, & confusione amarissima. *Simpl.* Sic decet. Cor contritum & humiliatum non despiciet Deus. Doles, quod obediens & contumax fueris Domino tam bono, tamdiu? *Aug.* Fidem habeo, pudorem sentio, timor urget, spes surgit: dolorem solum adhuc a me non impetro. *Simpl.* Donum Dei est bonus dolor, a Deo impetra. De hoc saltem doles, quod dolere non possis? *Aug.* Vellem dolere utique, quia vellem me corrigere, modo possem! *Simpl.* Bene est. Hæc voluntas disponit, ut ores serio. Ora! ecce si rem grandem petiissem, nihil obluſtari deberes ad eluctandum ex tantis malis: quanto magis, cum dico: ora! *Aug.* Orabo. *Simpl.* Solum sino: indulge ſuſpiriis libere: ego tecum tollam ad cœlum manus! cum volueris, in vicino cubili reperiēs. Audi preces pium Numen, & ſana animam gloriæ creatam tuæ!

SCENA IV.

Augustinus Solus.

Augustinus. Sana, Domine, ſana me! da caſtitem, & continentiam! *Sed noli modo! noli modo!*... quid obmurmuras anime? quæ eſt iſta oratio? Deus bone! lingua dicit: *da caſtitem!* animus dicit: *noli modo!* times, Auguſtine, ne cito exaudiaris, & ſtatim ſaneris a morbo concupiſcentiæ, quam expleri velles, non extingui!... Vah! etiam orare tædet! non poſſum ſerio... quid impedit, quæſo? *Nugæ nugarum*, vanitates vanitatum ſunt, quæ me tenent. Pereant omnia!... nugæ ſunt, tenent tamen!... rumpamus funem!... non poſſum modo. nempenon lubet. O animum muliebrem!... quanquam vere, egone vivere tota vita poſthac poſſim ſine conſuetis deliciis? non poſſum!... hem! ſtultitiam cordis! quam igitur diu vivam? vita hæc miſera eſt, mors incerta: ſi ſubito obrepat, quomodo
hinc

hinc exhibe?... quid? (f) ſi mors ipſa omnem ſenſum finiet? ſi anima cum corpore interit?... pro! quo rurfum relabor! credam, me nihil a bruto differre? abſit! non moritur anima, non moritur! nunquam tanta nobis *feciffet* Deus, nunquam tanta pro nobis *tuliſſet* Dei Filius, ſi morte corporis etiam vita animæ conſumeretur. Quid cunctor igitur, contemptis vitæ præſentis ineptiis, totum me conferre ad quærendum Deum, ad ſpem vitæ futuræ, in qua ſpe omnis præſens beatitudo conſiſtit?... Expecta tamen, Auguſtine, jucundæ ſunt, & habent non parvam dulcedinem etiam nugæ; non facile, non ita repente abeundum eſt: poenitebit, & turpe eſt rurfum redire. Cum ſenuero, relinquam... quid? cum ſenuero? nempe vinum adoleſcentiæ meæ pergam propinare ſcleri, foeces ſenectutis Deo offeram!... alternant venti: huc, illuc impellor. Ita tardo converti ad te Deus, & differo de die in diem vivere in te, nec differo quotidie in meipſo miſerabiliter mori. Infelix ego homo!

M U S I C A.

Ex l. 8. Conf. c. 9.

Natura. Voluptas. Nugæ nugarum.

<i>Natura, & Voluptas.</i>	A uguſtine! <i>dimittisne nos?</i>
<i>Natura.</i>	<i>Et a momento iſto</i>
	<i>Non erimus tecum ultra in æternum?</i>
<i>Voluptas.</i>	<i>Et a momento iſto</i>
	<i>Non tibi licebit hoc, & illud ultra in æternum?</i>

O

Arietta.

(f) L. 6. Conf. c. 11.

4.

Natura. Fingis iram,
Voluptas. Fingis fugam:
Amba. Non sunt minæ seriæ.
Natura. *Ite nuge!* lingua clamat,
Voluptas. Cor nos tamen adhuc amat:
Natura. Sæpe idem jam dixisti,
Voluptas. Nunquam tamen nos odisti:
Chorus. Non, non potes,
 Non, non potes
 Sine nobis vivere.

5.

Natura. Quanquam vale!
Voluptas. Vive male,
Amba. Dum sic lubet vivere.
Natura. Sed non diu sic lubebit,
Voluptas. Cras, cras rursus poenitebit:
Natura. Cras tibimet irasceris,
Voluptas. Nempe cum experieris,
Chorus. Quam non parum
 Sit amarum,
 Sine nobis vivere.

Aug. Simpliciane! Simpliciane! frustra expectas. Hodie nihil fiet.

O. A. M. D. G.

O 2

MEDI-

MEDITATIO IV.

AUGUSTINI

DE SE VICTORIA.

ARGUMENTUM.

Opportune Potitianus Mediolanum ex aula Cæsaris venit, quando Augustinus secum de vitæ ac morum correctione graviter luctabatur. Ille conversionem mirabilem duorum Aulicorum, quæ novissime, se præsentē, contigerat Treviris, amicis narravit cum effectu tam felice, ut sibi, suæque procrastinationi, ac ignaviæ vehementissime irascens Augustinus, abrupto colloquio, se in hortulum suum proripuerit, quo liberius indulgeret gemitibus, quos dolor, & pudor ciebant. Hæc agenti-allapsa est vox sive ad cor, sive ad aures etiam: *Tolle, lege!* legit textum obvium ex Epistola Pauli ad Rom. c. 13. & eodem momento lectionem excepit lux mira in intellectu; dissipatisque nebulis difficultatum, quas imaginatio finxerat, lucem secutus est motus fortissimus in voluntate, & motum heroica resolutio, resolutionem *perfecta Conversio*, de qua utiliter legi potest totus *liber octavus Confessionum*, unde desumpta est hujus quartæ Meditationis.

Materia: Augustini Heroica Resolutio ad perfectam Conversionem.

Puncta duo: Primum, Resolutionis Difficultas.
Secundum, Difficultatis Victoria.

Fructus: Correctio voluntatis restrictæ, quæ se resolvit quidem ad conversionem, sed cum exceptione contra media paullo difficiliora.

Propositum: Excitare se ad solide tenerum, & tenere solidum Amorem Dei, quippe qui multo efficacior est, quam timor, & spes ad conversionem perfectam, ac constantem efficiendam, animatque hominem in specie, ut posthac tentationibus ad relapsum non modo non consentiat, sed resistat etiam per actus contrarios, ex quibus paulatim fit habitus, vitæque mutatio cessat molesta esse, & incipit jucunda fieri, quod est certissimum remedium ad Perseverantiam, quæ sola coronatur.

PERSONÆ.

S. Simplicianus.

S. Augustinus.

Alipius.

Potitianus ex aula Arcadii.

Navigius, Augustini Frater.

PROLOGUS.

Reflexio in Meditationem præteritam, & Præparatio ad præsentem. (a)

Anima meditans. Angelus explicans.

Anima. Infelix ego Homo!

Vel semper peccare, vel semper pugnare,

Rom. 7.

Alte-

O 3

(a) Theatrum exhibet castra mystica.

Alterutrum est necessarium, utrumque miserum.

Augustiæ sunt mihi undique:

Dan. 13.

Non possum sic incedere!

1. Reg. 17.

Loquar ad Dominum, cum sim pulvis, & cinis:

Ne, queso, indigneris Domine, si loquar.

Gen. 18.

Aria.

Ah! cede, cede Domine

De summo tuo jure,

Da aliquid clementiæ,

Da fragili naturæ!

In certis circumstantiis

Si liceat peccare,

Statutum est, in aliis

Alacrius pugnare.

2.

Vim *semper* sibi facere,

Et *semper* dimicare,

In armis *semper* vivere,

Et *nunquam* respirare,

Est nimium severa lex:

Quis possit observare?

Da aliquid, o coeli Rex,

Nam potes dispensare.

Angelus. Vah! absurda postulatio, quam ego audio.

Anima! quo te abripit nova desperatio?

Anima. Ita est: arma abjicio, nisi juvas me novo consilio.

Cavo concupiscit adversus spiritum, & spiritus adversus

Nam, quamdiu oportebit sic vivere?

(*carnem!*)

Angelus. Imo, quam diu sic vixeris, dispice.

Heri cessasti peccare; hodie jam te poenitet poenitentiae!

Deli-

Delicata! nescis, quod sit arduum omne principium?
Dura! & secuturis te spiritus deliciis serva!

Anima. Quid faciam, ut possim durare?

Angelus. Debes amare.

Fides, Spes Timor urgent, ut velis melius,
Non faciunt, ut possis vivere suavius,
Debet *Amor* accedere.

Ama Deum, ama,

Et evanescent omnia difficultatum phantasmata.

Aria.

Ars est mirabilis sancti Amoris:

Spinas in rosas commutat,

Quidquid in sensu se movet horroris,

Amor delicias putat:

Jugum, & onus, & labor quid sit,

Amor non scit.

2.

Habet hoc adeo *amor scelestus*;

Quando amatae servitur,

Sæviat gelu, aut torreat æstus,

Vix ab amante sentitur:

Minor quod *sacri amoris* sit vis,

Crede, si vis!

Anima. O Deus, ego amo te! amo te,

Modo aliquid interdum indulgeas,

Et nihil arduum mihi præcipias.

Angelus. O fatua, & sine corde anima!

Qui vere diligit, nihil excipit:

Respice! *artem amandi* docebo te hodie.

Vidisti Augustinum luctantem:

Peccator erat, & magnus, & diu,

Dum

Dum carnem amavit:
 Factus est Sanctus, & Magnus, & Cito,
 Cum objectum amoris mutavit,
 Et pro carne coepit Deum diligere.
 Ecce! ad omnia resolvit se media,
 Non auditur aliquod si, aut modo,
 Non acceptat aliqua, & rejicit alia:
 Paratum cor meum, inquit, paratum est ad omnia.
 Tu tibi frustra de amore blandiris;
 Qui talis non est, amor non est.
Anima. Parce. Si amorem non habeo,
 Amoris tamen desiderium habeo.
Angelus. Ergo ora, ora!
 Et ab Amore amorem impetra.

Aria.

Anima.

Erravi,
 O Deus, erravi,
 Cum, ut alia dares, oravi:
 Alia omnia,
 Mera sunt somnia:
 Amorem mihi da,
 Et dabis omnia.

2.

Amare,
 Ah! doce amare,
 Sic demum cessabo peccare,
 Cum nihil delectabit me,
 Quam te, te solum amare,
 Et amare propter te!
 Sic, sic doce amare me!

ME-

MEDITATIONIS IV.

De Heroica Resolutione Augustini

PUNCTUM I.

Resolutionis Difficultas.

SCENA. I.

*Augustinus.**Simplicianus.*

Augustinus. Ah! quousque me torques? ferrea consuetudo stringit. Pater, non intelligis, quanta sit vis. *Simpl.* Quatuncunque sit, major est Gratia. *Aug.* Non habeo gratiam adhuc tam fortem. *Simpl.* Tandem ora, ut abeas. *Aug.* Orare non lubet; tumultus non finit: non possum! Tu pro me ora: *Simpl.* Tu pro me ora! frustra oro, experior, nisi tu ores mecum (*) Heu! Spes naufraga in portu mergitur! porrige tabulam Deus ut felix enatet! orare non lubet, o vox terrifica! nam qui non orat, quid speret? quanquam quid etiam oratio juvet, si talis sit? qualis Augustini fuit: *Domine da castitatem, sed noli modo, noli modo!* Proh! istae preces non misericordiam impetrant, sed iram provocant. Jam inops consilii, & stupidus hæreo; nam quid superest ut agam? ad Ambrosium me refero: suadebit aliquid Divinus Vir, quod Simpliciano non occurrit. *Aug.* (*) Pater, quo abis? deferis me? *Simpl.* Tu teipsum deferis, miser. Orare non lubet! Vox est nolentis sanari: nolentem non sanat Deus, quid ego faciam? *Aug.* Volo, & nolo: orabo tamen, ut Deus adhuc proroget patientiam suam, & suspendat furorem, neque puniat modo! *Simpl.* Obstupefcite cœli ingratitudeinis monstrum! decennium totum scelera sceleribus cumulavit homo audax, & impudens: neque tam longa Dei optimi patientia sufficit, ut emolliat durum cor ad redamandum Amantem! *Aug.*

P

Mane,

(*) *Augustinus abit.*(*) *Redit.*

Mane, obsecro, adhuc paullum, & miserere mei, sicut hucusque misertus est Deus. Amo Deum amantem me: amo, & desidero amare amplius! *Simpl.* Mendacium loqueris. Non amat Deum, qui non obedit præceptis Dei. Stultæ blanditiæ sunt, quibus se decipit anima, quando verba suavia ingeminat: *Bonus est Deus! amo!* dum clamant nefanda facinora: *displiceant Deo, non curo!* *Aug.* *Affectus* bonus est, & trahet aliquando effectum post se. Nunc ecce mi Pater, annos vitæ triginta numero: habitus corporis, & bonæ vires triginta & plures alios promittunt mihi: ego, ut pro tanto tempore jam nunc me abdicem, rediturus nunquam ad consuetas delicias, violentum nimis imperium est: non possum facere! *Simpl.* O tortuosas vias! quis enim est tibi sponsor vitæ tam longæ? forte cras finis est; & si hodie caste vixeris, ecce de annis triginta diem dimidium vixisti Deo; nunquid rem grandem præstas? Sed demus, venisse Angelum a Deo tibi, vitæ in extremum senium producendæ sponso-rem certum, dic, age, decretumne est, *aliquando* istos mores damnare, an nunquam? si statutum est, hanc telam ad finem prosequi, desperata est salus, & accensus jam crepat ignis, qui te æternum uret. Si vero certum est, *aliquando* reverti ad Dominum, serio tandem, quæso te, serio & aperte responde responsum prudens ad toties inculcatam quæstionem: *si aliquando, cur non modo, cur non hac hora finis turpitudinis tue?* *Aug.* Facilius forte *aliquando* me vincam, cum per ætatem frangetur vis inimici tentantis. *Simpl.* Deceptio est: ætas interdum facultatem eripit sceleri, voluntatem raro: imo consuetudo eo usque protracta faciet, ut voluntas, quod patrare tunc non poterit malum, gaudeat potuisse, & optet adhuc posse: ita tu deferis a scelere, non scelus a te. Sed ne diu vagemur, demus etiam hoc, fore certo (quanquam multo certius utique non fiet aliquando, cum tot subsidia deerunt: id quod negas posse fieri hodie, quando Ambrosius urget, Mater orat, Amici instant, Deus,

Deus ipse motibus tam turbulentis cor obstinatum agitat) demus, inquam, fore certo, ut *aliquando* convertas te serio, libere utique, & tua voluntate, cooperante cum gratia, non coacte convertes te? *Aug.* Libere omnino, nullum est dubium. *Simpl.* Convertes te igitur, quia voles tunc, quod hodie non vis? *Aug.* Sic serio statui: nam volo salvari. *Simpl.* Jam attende me diligenter. Quæro: quid *tunc* movebit te, ut *velis* convertere te ad Deum, quod non jam *nunc* movere debet? Augustine, aliquando aut Timor Dei, aut Amor faciet, ut mutes vitam; neque enim datur conversio utilis ad salutem, nisi quam aut Timor, aut Amor parit. Dic, ex quo parente nascetur tua, si nascetur tamen, & non degeneret in abortum conversio, quæ parturitur tam diu? *Aug.* Uterque, ut opinor, movebit fortius. *Simpl.* Si Timor movebit, nunquid jam *modo* æque terribilis Deus est, ac erit *aliquando*? si Amor, nunquid Deus *modo* est minus amabilis, ac erit *aliquando*? Imo *et magis terribilis modo*, & magis amabilis est, quam erit unquam. *Modo* instat, obsecrat, increpat in omni patientia, & doctrina: *timendum*, ne, si *modo* non audias, nec ipse te audiat *aliquando*. *Modo* quantis desideriis te desideret beatum facere, palam est. Vides, audis, sentis, quantum te amet: ipsa tam longanimis patientia convincit, quod amari cupiat a te, veluti sua interesset, non tua, ut ames! Qui sic amat, quando erit *amabilis* magis? vix tibi, si expectes, donec refrigescat contemptus Amor, & in furorem se mutet! *Modo, modo* tempus est, ut manum applices operi: *modo* admoveat machinas Deus, & cordis deditionem violentus exposcit sibi, quid differs dedere? male credis fore dedenti te? Recordare, quæ de beata vita disputavimus nuper: *in spe* consistit, *in spe*, cujus tu tibi dulcedinem invides, quamdiu converti differs. Ad experientiam provoco: aude vel unam hebdomadam continere te, spondeo, gustare incipies, quam sit nihil vita casta jucundius; qualem si deinde

prosequaris diutius, quantæ miseriæ una cum foedis voluptatibus desinent: infamia, curæ, fastidia, vermis, extremum animæ periculum! succedet gaudium spiritus, quod exuperat omnem sensum, pax conscientiæ, elevatio mentis, cordis mundities, sublimia desideria, admirabile lumen, & dulcissima familiaritas cum dulcissimo Deo!.. quid siles? *Aug.* Quid dicam? linguam loqueris peregrinam mihi: nihil intelligo. *Simpl.* Vel per unius hebdomadæ experientiam non parum disces. *Non jubeo te naturam exuere*, quam ad amores proniorem es nactus: *Ama, ama!* sed *objectum amoris muta: Ama Deum, & fac, quod vis!* nam facere, quod libet, licet; modo faciās nihil, quod non audeas immolare Deo, & dicere: *facio ex Dei amore.* *Aug.* In creaturis quod amo, video, Deum non video: invisibile objectum Amoris non afficit, non delectat. *Simpl.* Afficiet, delectabit, si adhibeas oculos, & contempleris, quid Deus sit. Oculis corporis non videtur; oculi mentis sunt intellectus, & fides: his inspicere Dei naturam, & videbis, quam sit amabilis Deus (a) *super amorem mulierum!* *Aug.* Sublimior est hæc Philosophia, quam ut tam subito capiam. Hoc video, *sine amore vivere non possum!* *Simpl.* Interest, Augustine, ut inter objecta seligas *amore dignissimum.* Et quis est dignior Deo?.. deliberas?.. vah! ignavum suspirium!.. etiam abis?.. o Deus, videre mihi confictus videor, quibus in isto pectore certant hodie *Amores duo:* O vincat, vincat tuus, & de amore foedo nobilem triumphum agat!

SCENA II.

Simplicianus. Alipius. Potitianus. Navigius.

Alipius.. Ecce Simplicianus. Hospitem, Pater, adducimus, etiam tibi, quod scio, charum: estne Augustino per te loquendi facultas? *Pot.* Salve Pater, audio, quæ tua sollicitu-

(a) 2. Reg. 1.

citudo sit pro amico, & delector. Ut habet Augustinus? *Simpl.* O salve Domine! ut primum lapidem per te posuit Deus, cui novam vitam inædificet Augustinus; sic, nisi me fallit animus, hodie tectum per te imponet. Non est casus, qui hac die Potitianum ad nos affert: Dei consilio fit; conferes nobiscum operam, & quibus potes, modis instabis, ut se hodie Deo subiciat homo; nam, hoc mihi credite, aut hodie se Augustinus convertet, aut nunquam. *Nav.* O nuntium bonum! nam mihi idipsum dicebat Mater, amarissimas hucusque lacrymas, quas fudit pro filio, hodie sibi dulces videri, mihi professâ. *Pot.* Nisi arctos nimis terminos ponitis: nam cur tantum opus huic diei alligas? *Simpl.* Quia hodie Gratia totis viribus urget, & solito fortius oppugnat animum contumacem. Convictus est intellectus, consumpta quibus se tuebatur, omnia argumenta; fatetur, se posse cum gratia, quod viribus naturæ non posset; fatetur, gratiam oranti non negari a Deo, sentit se ad orandum impelli: nulla superest, quam opponat, excusatio, muta trepidatio remansit, & infelix horror victoriæ tam facilis, tam præclaræ. Roditur intus, & confunditur pudore horribili vehementer, imago tetra vitæ male actæ cruciat oculos, in auribus sonat vox Domini confringens petras, imaginationem impleverunt tenebræ exteriores, fletus, & stridor dentium, quem timet, affectus omnes in rixa sunt: metuit mortem, horret Judicem, suspirat coelum, amat Deum, seipsum odit: verbo, ita æstuat agitatus a Gratia, ut cervus, qui cinctus a canibus, qua evadat, non videt. Concludite, quid futurum sit cras, si evaserit hodie. Cras & lumen languidius lucebit intellectui, & frigidius calebit voluntas, & mens pacatior lentius urgebit propositum: nihil fiet cras. *Pot.* Quid igitur vis, ut agamus? *Simpl.* Amor ingenium habet: facile quod profit, invenit. Ego accedo Ambrosium, ut de actis edoceam, & novum consilium quæram. *Nav.* Si impetres, ut Præsul fratrem admittat ad col-

loquium, fecisti, quod Mater unice optat. *Pot.* Tunc difficilem accessu Præfulem putas? *Simpl.* Omnibus omni tempore aditus patet. Imprudens verecundia fuit, quod Augustinus, sicut Ambrosii concionibus diligenter adfuit, ita colloquium fugerit. *Al.* Tanta reverentia est sanctitatis. *Nav.* Certe qui Monica colloqui gravatus non est, non excluderet Augustinum. Amici, urgeamus, ut Simplicianum sequatur. Spes est, nunc maxime, saluti congressum fore: nam verba Sanctorum medullas penetrant. *Simpl.* In Navigii sententiam eo. Si hoc persuaseritis, de Episcopo bene, optime de Augustino meruisse vos dicam. Urgete cito, cum favet hora. Non est cessandum: est quoddam genus ægrorum, quibus quiescere fatale est, & frigore rigidis non noceas pejus, quam si finas dormire. Interea fero Præfuli bonam spem.

SCENA III.

Potitianus. Alipius. Navigius.

P*otitianus.* Intellexi amici periculum, hoc satis est. Vobiscum ago, quod agitis. *Al.* Sines, ut de tuo adventu admoneam? *Pot.* Bonum facis. Tu dic, Navigi, quem, dum a vobis absum, progressum amicus fecerit; nam juvat distinctius discere, quid possim sperare. *Nav.* Simplicianus, ut Matrem perpetuis fletibus diffluentem solaretur, narravit heri, quousque juvante Deo perduxerit tanti momenti negotium. Postquam, aiebat, Manichæus esse desit filius tuus, & veritatis studio Romam petiit, cum initio non statim reperiret virum, qui satisfacere dubiis de fide posset, tædio laboris correptus est, cœpitque primum deficere ardor, deinde extingui, denique in vetera objecta, in studium vanitatis, & nugas amorum toto impetu verti. Redibat interdum motus aliquis desiderii boni, nec raro offerebat se occasio discendi, quod vellet, sed sic ut ex de-
spera-

operatione languebat desiderium, sic usus occasionis differebatur, donec ipsa dilapsa est. Atque hæc procrastinatio, Potitiane, fecit, ut miserabilis homo ex Manichæo Academicus, ac deinde prope Epicureus sit factus. *Pot.* Rem horridam audio, mihi tamen non novam; vidi plures, quos incuria salutis, & neglectæ bonæ occasionis culpa in simile barathrum præcipites egit. *Nav.* Sed alios terribilis Deus in illo profundo deserit: Augustinum protrahere per singularem bonitatem incæpit, jamque, sicut descenderat, ita ascendit per gradus. Mediolanum Roma translatus, ipso urbis Præfecto, ut Numinis Providentiam admireris, promovente, cœpit primum sermones Ambrosii *singulis Dominicis* diligenter audire: fama viri, & facundia dulcedo trahebat. Inde didicit, prudenter a Catholicis credi, quod credunt: argumenta, quæ contra ipsos pugnarent, posse solide confutari: tandem hac una via ad veritatem, atque adeo ad salutem iri. Hæc cognitio fregit superbiam: Simpliciano subjecit se, ut doceretur. *Pot.* Gaudium mihi narras; nam initium bonæ vitæ a bona fide expecto. *Nav.* Urgebat hoc fides, & secum trahebat timorem, æterna mala minitantem, nisi ad agnitæ veritatis normam mores componeret. Secuta est pugna, & ingens turbatio, quam Simplicianus frustra hætenus componere laboravit. Ex die in diem major tumultus movet se, quia, quidquid Presbyter de spe loquatur ponenda in virtute gratiæ, nihil agere se tamen Augustinus arbitratur, quoties conatur propositum vitæ castæ a se extorquere. Ecce amice, hucusque ventum est, & hæc una suspensio propositi baptismum suspendit. *Pot.* Navigi, mihi fratris sapientia placet. Possent bonis verbis decipere Præfulem, & castitatis cultum spondendo, Sacramenti administrationem impetrare; sed intelligit, sibi hanc hypocrisim, non Ambrosio, perniciosam fore apud eum, qui, cum cor inspicat, non decipitur proposito bono, quod in ore est natum, & in corde radices non habet. Sed

CUR

cur, Navigi, Ambrosius non ad se evocat vel refugientem? Saltem tollerentur prætextus, quos objicit, cur non accedat. *Nav.* Idem, ut faceret, heri Mater rogavit Episcopum, responsum tulit: sine, dum ipse volet. *Pot.* Igitur faciamus, ut velit. Quid affert Alipius? *Al.* Magnum bonum. Cum intravi, orantem reperi: turbare nolui, donec me ipse advertit. Suspirabat autem cum lacrymis sapius: *O pulchritudo tam antiqua, pulchritudo tam nova, quam sero te amavi!* Credo, Simplicianum, ut est vir prudens, cum videret, *Spem* non sufficere, ut se dederet Augustinus, *de amando Deo* intulisse sermonem; nam, cum vidit me, surgens dicebat cum fremitu: ah! Alipi, quis mihi det, ut nihil unquam amaverim præter unice amabilem Deum! nunc heu! cor abjectum *in bona nulla* quam difficulter attollit se *ad bonum unum!* Me attoruit vox tam nova! amens gaudio irruin in amplexum, & collacrymans dixi: sic places, Augustine! o fiat! quem nondum amavimus, nunc amemus! nunc tandem! Deinde de te narravi, cujus ut nomen audiit, exporrecta in lætitiâ fronte, colloquar, ait, & abiit, ut oculos fletu tumentes abluat: ingredi, subijce ligna igni, qui ardet. (b) *Nam tu, quam genèroſe Caſari, tam fideliter, & fervide Deo militas, ſcio.* En redit.

S C E N A IV.

Augustinus. Potitianus. Alipius. Navigius.

Augustinus. O Potitiane, quam est mihi jucundus aspectus tuus! *Pot.* Idem est de te gaudium mihi, tantoque majus, quod Mediolani reperim auditorem Ambrosii, discipulum Simpliciani, denique Catechumenum. *Aug.* Sic amavit me Deus. Matris lacrymis hanc gratiam debeo. *Nav.* Optandum, ut non sit vacua. *Aug.* Non erit, si Deus porro faveat!

Al.

(b) *L. 8. Conf. c. 6.*

Al. Utinam hodie cooperemur! nam cur non? *Aug.* Sine modo. Te, amice, quis tenuit locus egressum Africa? *Pot.* Scis, me Cæsari militare: varias provincias pervagatus sum; militi ubique est patria, aut rectius, ubique exilium. *Nav.* Sicut omni homini extra coelum degenti. *Aug.* Dona mihi, amice, partem horulæ, ut amoena narratione tuorum casuum leves animum depressum curis. *Pot.* Scholasticis nempe curis? ridiculus es, (da veniam verbo,) quod te molesta professione non abduces. Quamquam ecce! quid video? Paulum modo, non Tullium legis? *Aug.* Veræ Sapientiæ, & vitæ beatæ, cujus cupido tenet, hic melior Magister est. *Pot.* Dignum est studium ingenio tuo. *Aug.* Sed habet quædam difficilia intellectu Apostolus, & interdum videtur severior, quam ut possit placere. *Al.* Modo verum doceat. Veritas etiam horrida Sapienti placet, quia veritas est. *Nav.* Quæ obscura sunt, posset Ambrosius declarare. *Aug.* Huc usque Simplicianus suffecit. *Al.* Qui tamen & ipse ad alloquium Præsulis toties invitavit. *Aug.* Aliis curis est obrutus: non vacat nobis. *Pot.* Novi virum, cura animarum est ipsi prima: vacat cuilibet. *Nav.* Aliud est, quod te a Sancti colloquio absterret: juvat audere semel; facilis accessus est, & si non vacat, certe signabit horam, qua vacet. *Pot.* Puto, & juvat te conversatio cum homine beato multo plus, quam omnis tua de beatitudine lectio: nam quod tu hic legis, ille experitur. Mihi profecto cum huiusmodi viris egisse singulariter profuit. *Aug.* Ambrosium tu ergo beatum existimas? *Pot.* Iudico. *Al.* Et ais, plures novisse te beatos viros? difficilis probatio erit de vita hac. *Pot.* Nihil de magno Antonio Eremita audistis? recens memoria est, (c) & prope nostris temporibus restatissima mirabilem ejus. *Aug.* Quid de illo? *Nav.* Narra aliquid. *Al.* Nihil scimus. *Pot.* Mirabilis ignorantia, nomen toto pene Orbe decantatum vos non audisse. *Al.* Nempe in-

Q

ten-

tenti nostris studiis nihil de aliis quærebamus. Sed quid dices tu de Antonio? *Pot.* Ajo, illum ab ipso Deo doctum esse, quid beatitudo sit. Adolescens ingressus Ecclesiam audit ex Evangelio legi: (d) *Si vis perfectus esse, vade, vende, quæ habes, da pauperibus, & habebis thesaurum in cælis, & veni, sequere me!* credidit sibi dici, & perfectionis, sive sicut ipse interpretabatur, beatitudinis desiderio incensus, continuo relictis omnibus solitudini dedit se, humanis affectionibus major, & soli virtuti deditus, cui usque ad annum quintum supra centesimum invicta constantia, inter dæmonum infestationes non minus, quam inter blandimenta honorum invictus adhæsit. Exemplum traxit ad imitationem innumeros homines, ex omni ætate, conditione, ac sexu: impletæ sunt solitudines incolis, & ædificata in plurimis locis Monasteria, in quibus homines, uti in prima Ecclesia vivunt, *habentes cor unum, & animam unam, & omnia communia.* *Aug.* De Cænobiis loqueris, quale hic Mediolani extra moenia sub institutione Ambrosii viget? *Pot.* Omnino ejusmodi. *Al.* Horum tu incolas beatos prædicas? *Pot.* Credo sane, hanc esse Philosophiam, in qua hujus vitæ beatitudo consistit, si tamen isti ex suis legibus vitam instituunt. Si quis enim ex illis aliam viam eat, fateor, facile contingere, ut eum suæ beatitudinis cito poeniteat. *Aug.* Concordem cum Simpliciano sententiam tenes. Ille beatitudinem præsentem constituit *in spe future,* qualem spem vix ab alio certius obtineri, & *facilius* conservari, ac ali, quam ab homine, qui se a carnis illecebris, & peccandi periculis abstraxit, facile video. *Al.* Nos de illis aliter judicamus. *Pot.* Non ex vero. Nam nemo, Alipi, alieno iudicio aut miser, aut felix est, sed suo. *Nav.* Etiam puto. Quid enim ad meam miseriam, vel felicitatem facit aliorum iudicium? *Pot.* Jam illi, quibuscum ego locutus sum, dicunt de se, & judicant, *se nullum malum pati, & nullo bono carere:* quid deest,

(d) Matt. 19.

deest, quo minus beatos dicamus? *Al.* Quid? potentia majestatis, splendore nominis, honorum gloria, voluptatibus sensuum omnibus non fere carent? *Poti.* Mediocritate utuntur, excessu carent. Sed *ipsorum judicio* ista nulla sunt bona; unde non modo excessum non appetunt, sed defectum etiam patiuntur libenter, imo sponte ac hilariter abjiciunt prætextas, abjiciunt opes, rebus & spebus se exuunt, fugiunt nuptias, ut ita se uno ictu a mille curis, periculis, & miseriis expediant, quibus obijciunt se, qui gloriam, aut divitias, aut feminas amant. Sic expeditos nullum etiam malum premit; nam paupertatem eligunt ipsi, contemptum quærunt, afflictiones corporis tantum abest, ut horreant, ut se ipsi affligant. Brevis: nihil illi bonum putant, nisi Deo placere, nihil malum, nisi Deo displicere: quod autem Deo placeant, securam spem habent, quam nullus ipsis casus eripere, nisi volentibus potest. *Aug.* Non omnes capiunt verbum hoc. *Al.* Ex quo genere hominum sunt isti Philosophi? *Pot.* Dixi, ex omni genere hominum. Etiam rudissimi capiunt hanc sententiam, quia ad experimentalem Philosophiam pertinet, non ad Theoriam. Testis de visu adsum, nec recordari sine tenero sensu possum, quod nuperime cum duobus ex Aula nostra viris splendore generis, ætatis flore, opum magnitudine, ut putabamus, felicissimis contigit. Meretur narratio, ut attente audiat, nam est jucunda. *Aug.* Cupio, *Potitiane*, ut sedulo narres. *Pot.* Vim amoris stupebitis, si serio exardet in Deum. *Treviris*, unde huc adsum, nuper, cum Circensibus ludis Imperator adesset, nostrum aliqui ex Aula progressi in silvam, venimus ad casam, in qua, quales descripsi, *Servi Dei* habitant. Ibi divisi alii per hortulos ambulamus: duo Juniores irrumpunt in cellulam: videt alter librum (is vitam *Antonii*, de quo dicebam, continet) arripit temere, legit. Ex bono tam tenui nata est ingens felicitas. Nam dum legit, miratur primum heroicum sæculi contemptum in

juvene opulento, & nobili. Mox accenditur imitandi cupidine, meditatur, quid agat, pudore sobrio & amore sancto repletur, demum iratus sibi, & totus ardens, fixis in socium oculis, abrupta repente lectione, cum impetu spiritus, dic, quæso, amice? inquit, per omnes labores nostros quo ambimus pervenire? quid quærimus? cuius rei causa militamus? majusne aliquid sperare possumus, quam ut amici Imperatoris simus? & ibi, quid non fragile, plenumque periculis! & per quot pericula venit ad majus periculum, cui etiam anima subjacet? & quamdiu istud erit? *Nav.* Sapiens discursus fuit. *Pot.* Conclutit: Amicus autem Dei, si voluero, ecce nunc fio. *Al.* Certum est? *Aug.* Quid interrumpitis? absolve Historiam. *Pot.* Hæc locutus, & turbidus parturitione novæ vitæ, reddit oculos paginis: dum pergit legere, fluctuat, pallet, incenditur, fremit colluctans secum: denique suborto lumine clariore, quo veram felicitatem discernebat a falsa, jam totus Dei, amice, exclamat: ego abrui me a vana spe nostra, & Deo soli servire statui, & hoc ex hora hac, in hoc loco aggredior: te si piget imitari, noli adversari. *Aug.* Prodigium audio. *Pot.* Expecta totum. Dicebat hæc ille, & socium eodem igne inflammavit. Negavit se discessurum a socio tantæ mercedis, tantæque militiæ. *Nav.* Vim gratiæ, Frater stupeo. *Pot.* Audite amplius. Interea eodem ego cum socio deferor: monemus, ut redirent, quoniam declinasset dies: recusant ambo, narrant, quid contigerit: ne molesti essemus, orant. Nos non sine lacrymis gratulati sortem bonam, nihil tamen morati, redimus in palatium, trahentes cor in terra, quod illi cælo affixerant. *Aug.* Illi aulici, nobiles, divites, juvenes! quo abripior! *Pot.* Adhuc audies majus prodigium, cuius ego testis sum, ut dixi, de visu: habebant ambo sponsas, quæ, postquam hoc audiverunt, dicaverunt etiam ipsæ Virginitatem Deo. *Aug.* Alipi, quid est hoc? *Nav.* O Amor, o divine Amor, quid potes? *Al.* Video

re vehementer commotum esse: quid pateris? *Aug.* Quid audisti? (c) *Surgunt indocti, & rapiunt cælum, & nos cum doctrinis nostris sine corde, ecce volutamur in carne & sanguine!* Pro! turpe dedecus! pudet videri me! *Pot.* Infolita loquitur. *Al.* Et plus, quam lingua, loquitur frons, vultus, oculi, color, modus vocis. *Nav.* Hodie sane magna in fratre molitur Deus, & verum Simplicianus dicebat: nisi se hodie convertat Augustinus, convertet nunquam. *Pot.* Laus Deo, qui urgere non cessat pugnantem sibi! *Nav.* Urgebo Matrem, ut nunc orando pugnantem juvet: nam hæc nisi fallor, hora est peremptoria. *Pot.* Ego Simplicianum revocabo, ut juvet. *Al.* Ambo bene. Ego premo vestigia, ut observem a longe. Experiar, quid ab Augustino divinus Amor extorqueat, ut sciam, quid velit a me.

CHORUS.

Vitia nuper superata pugnam instaurant, sed ab Amore debellantur, & locus pugnae in hortum voluptatis mutatur. (a)

Personæ priores.

Consuetudo. V Ah! jacetis Socij!
 Et amici Sensus gemunt in vinculis!
 O pugna infelicissima!
 Spes periit me vindicandi,
 Et evertendi ista mœnia.

Q 3

Cupido.

(c) *L. 8. Conf. c. 1.* (a) Exhibetur arx, & in ejus fossa strages Vitiorum.

Cupido. Herum audio.* Cessa gemitus:
Mortificati sumus, mortui non sumus:
 Iterum tentanda est alea.

Consuetudo. Vivitis? Io! surgite ad nova consilia.
Chorus.

Surgimus, surgimus,
 Arma resumimus,
 Tu nostra vita, tu spiritus es,
 Tu anima pugna, tu spes.

Consuetudo. St! silentium! rem non bonam nuntio.
Gratia, quæ in persona Tabellarii hæcenus latuit,
Amor est: hodie se prodidit.
 Amat, & amari desiderat:
 Ideo hortum parat Anthrope,
 Ut accidat illi jucundior novæ vitæ conditio.
Cupido. Inferi! hæc me perimit æmulatio.
 Delicias spiritus homo si sentiet,
 Omnis ei caro desipiet.

Aria.

Fateamur libere:
 Pura sunt, plena sunt, vera & solida,
 Quibus afficitur *Spiritus*, gaudia:
Corporis deliciae
 Nihil habent simile.

2.

Spiritus cum jubilat,
 Musica Charitum strepit, ut anserum,
 Desipit massicum, displicet balsamum,
 Rosa deformis est, ipsaque Helenæ
 Forma despicitur, veluti furia:

Intus se mens recreat,
Extra se non ambulat,

Consue-

* Eripit se ex fossa.

- Consuetudo.* Verum est, quod afferis:
Propterea in tempore opponamus nos
Amoris consiliis.
- Omnes.* Cito, cito ad arma, ad arma!
- Consuetudo.* Sileant tympana. Postquam nihil actum est vi,
Adhibendi sunt cuniculi:
Sequitur me taciti.
- Anthropus.* Audivi strepitum: quæ turbæ se movent iterum?
- Amor.* Explora Fides, Timor excuba, arma te Spes!
- Anthropus.* Superi! mortua ad vitam redierunt Vitia!
O Amor! o Gratia! donec pax sit, *de horto* ne cogita.
- Amor.* Pax est hominibus bonæ voluntatis. Luc. 2.
- Anthropus.* Ah! vix adfuit:
Rursum me voluntas bona deseruit!
Non, quod volo bonum, hoc facio, Rom. 7.
Sed quod nolo malum, hoc ago.
- Amor.* Causam video.
Nondum imperas tibi satis serio.
Nam quid sibi vult istud: NOLO, * quod lego?
Defensive nimirum habuisti te hætenus:
Laudo, & sufficit, ut hostes possis superare;
Sed, nisi egeris *offensive*, nunquam pax erit,
Nunquam poteris *debellare*.
- Anthropus.* *Offensive* jubes me agere?
Nescio, quid velis dicere.
- Amor.* Explico me.
Dico: cum ad peccatum alliceris,
Non solum, *non esse consentiendum,*
Sed contrarium, contrarium agendum.
Sic pugnat: qui amat.

Aria.

* Vox scripta in porta arcis clausæ.

Aria.

Tarda molimina,
 Longa certamina
 Amor, si amor est, odit;
 Statim in aciem prodit,
 Et decretorio
 Decertat praelio.

2.

Igni est similis,
 Qui se in latebris
 Diu non potest tenere;
 Hostem vix datur videre,
 Jam victor profilit,
 Invadit, perimit.

- Anthropus.* Contrarium agendum est! hæc est doctrina heroica!
Amor. Hoc est, facere cum tentatione proventum. 1. Cor. 10.
Anthropus. O nobile Amoris inventum!
Fides. Amor, Amor, suppetias propera!
 Captivi Sensus ruperunt vincula,
Timor. Et rediviva cuniculos fodiunt Vitia,
Spes. Jamque labant propugnacula.
Omnes tres. Non sufficimus victoriæ,
 Amor, Amor adjuva!
Anthropus. Adjuva! ah! adjuva!
Amor. Noli metuere: Amor vincit omnia.
 Vos, quid post muros latetis?
 Eja! hosti occurrimus, mecum procedite!
Anthropus. Et quid, Amor, quid me vis facere?
Amor. Contrarium, contrarium!
 Ad amores vetitos volunt te vitia tua retrahere,
 Ergo odium (sic postulat Amor) odium exhibe. *
Anthropus. Odi! Amo! & ex amore in odio,
 Ex odio in amore exerceo me. Aria.
 * Prodit in aciem, cum scuto & lancea.

Act. 9.

Aria.

Amo te, Amo, amabilis Deus!
 Neque tantum Amo te,
 Quia *timor* urget me:
 Aut quia me allicit *spēs*:
 Amo te, quia es Deus,
 Quia amari te *amor vult meus*,
 Amo te, quia amabilis es.

2.

Pereat hora; qua te non amavi!
 Pereant deliciae,
 Opes, & illecebræ!
 Spes pereant omnes, & res,
 Propter quas *tibi peccavi*,
 Et te, o Amor, amare cessavi,
 Ah! te, qui *solus amabilis es*!

Psalm. 50.

Fides.

Victoria! plaude Anthrope! Victoria!
 Ad internecionem deleta sunt Vitia,
 Et subjugati Sensus faciunt imperium:
 Respice! exulta! admirare *amoris prodigium*.

Anthropus.

Timor.

Superi! ubi sum? ubi sum? (b)
 Persei fabula facta est Historia.
 In delicias Anthrope, in delicias pectus explica!
 Vitia tua in ipso æstu caloris,
 Ut obversum sibi viderunt *scutum Amoris*,
 Friguerunt, ut marmora.

Spes.

Locus pugnae in Paradisum se vertit,
 Quem, viden', ut ornant *bella*
 Quas ex *belluis* formavimus, Statuæ?

S. Sensus.

Nos etiam liberi a servitute peccati,

R

Et

(b) Aperitur hortus, ornatus Statuis septem vitiarum.

Et venia rebellionis donati,
Post præstitum Amori homagium.
Vivimus beati! beati!

Anthropus. Cor dulcissimo mihi subsilit gaudio.
O Amor! o Amor, quæ est hæc rerum mutatio?
Amor. Mutatio Dextra Excelsi! Fruere libere! Psal. 76.

Fides, Spes, Timor. Fruere, frueri!

Anthropus. Fruamur filii! bonum est, nos hic esse! Matt. 17.

5. Sensus. Bonum optimum! bonum optimum!
Amor. Quantum sit, Experientia discite! Tabernacula facite!
Gustate, & videte,
Quam suavis sit Dominus, *
Suavis utique, & amabilis super amorem mulierum.
(2. Reg. 1.)

Sed cum fame gustantibus,
Cum attentione videntibus,
Cum patientia experientibus.

Aria.

Ut cæci de colore,
Sic illi de amore
Non possunt judicare,
Qui nunquam didicerunt,
Vel certe non senserunt,
Quid Deum sit amare.

2.

Si nosse vis, si capere,
Eja! experire,
Et dies tantum aliquot,

Non

* clauditur.

Non ex spe, vel timore,
 Sed *vero ex amore*
 Servire Deo statue:
 Tunc judica, tunc loquere,
 Tunc *senties*, quid hac de re
 Oporteat *sentire*,
 Eja! experire!

PUNCTUM II.

Difficultatis Victoria.

SCENA I.

Simplicianus. Alipius. Navigius. Potitianus.

N*avigius.* Enimvero bonum est omen. Alipi, ut occurristi feliciter, audi, quæso: cum ad Monicam veni, reperi lacrymantem. Docui, quid fieret, & ipsa, bonum, exclamavit, bonum nuntias: *hæc est dies, quam fecit Dominus!* hodie filius lacrymarum nascetur in lucem novam! hodie Mater ero! dolores jam nullos, sed suavissima gaudia sentio, propinqui partus prodroma gaudia; nam istæ, quas vides lacrymæ non, ut hætenus, amaræ sunt, sed dulces, & jucundæ, iterum, ac iterum repetebat. Tu quid dicis? falliturne bona Mater, an Spiritus Propheticus agit? quo se abripuit Frater? *Al.* In hortum descendit. Mirabilis lucta est, & spectaculum, de cujus catastrophe, credo, Superos, inferosque impatienti expectatione suspendi. O bona fors, quod adsis, Pater, & tu amice, quod in tempore redeas! quid Episcopus promisit? *Simpl.* Expansis brachiis in amplexum Augustini irruet, si potest adduci. *Pot.* Aut non curret ipse obviam, etiam lubens tandem! *Al.* Amici, nihil adhuc certum spondere possum. Hoc scitote,

duello terribili congressi sunt Amores duo, Amor carnis, & Amor Dei: pugnae locus est hortus noster, area cor Augustini: arma armis, istus istibus concrepant, decretorium certamen est. *Simpl.* Vincet Amor, quem vincere Augustinus volet. *Nav.* Ah! utique ut coelestis scelestum vincat, nunc tandem volet! *Simpl.* Volet, si diffidens sibi, fidat strenue viribus gratiae: sic gratia, ut velit, faciet. *Pot.* Quin tu properas, Pater, pugnante te adjungere, ut perficias, quod coepit Deus? *Simpl.* Imo sinamus Deum, quod agit agere. Rem magnam agit, & videtur velle solus peragere. Spectator praelii si esse possum, ducite, ubi non videat nos Christi miles, & unde, si opus sit, periclitanti succurrere cito possum. *Al.* Hoc est, quod opto; nam ego explicando non sum, quantis animus solatiis innatet ex bona spe. Redundet in vos pars gaudii, quod istud spectaculum fundit. *Nav.* Me dubius eventus angit. *Al.* Deus, Navigi, adhibuit machinam: non potest infelix esse. Pater, impetu spiritus Augustinum abreptum vidi. Ut solum se vidit, coepit primum amarissime flere, deinde statione abrupta, incitatis gressibus aliquoties inter gravia suspiria hortum perambulavit: mox prostravit se sub arbore, & Pauli Epistolas volvit: rursus se erigens in genua procidit, altissimeque ingemiscens, habenis permixtis fletui clamavit cum miserabili ejulatione: *Et tu Domine usquequo! usquequo Domine, irascere in finem!* *Simpl.* Orat tandem, orat Augustinus? *Al.* Oravit: *da mihi castitatem, Et continentiam, Et modo da, da modo!* *Simpl.* O factum bene! & non audisti illud absurdum: *noli modo, noli modo!* *Al.* Nihil! sed diuturna oratio non fuit. *Simpl.* Modo fervens, & seria, & saepius repetita. *Al.* Nescio, quid postea. Postremum hoc vidi. Surgens a precibus iratus est sibi vehementer, ac pectus plangens iterato verbere ingeminavit: (a) *quamdiu cras, Et cras? quare non hac hora finis turpitudinis meae?* hic miseruit

feruit me boni viri, nec tenui lacrymas luctantis contentione commotus, dixique tacite mihi: utinam nunc Simplicianus adesset! sic abii. Nunc, quia in te incidi, oro, ut observes nobiscum, quo res evadat: deinde, quod dictaverit prudentia tibi, age, ut decet. *Simpl.* Severe agendum erit. *Nav.* Prô! quid audio? severe ages? iterum præcipitabit se Frater, unde emergit, si tu habeas male. *Simpl.* Præcipitet se, si vult: mihi certum est, cum ipso non ruere. *Al.* Deus hone! nunquam vocem similem a te audiui. Hactenus mitissimus virorum meras blanditias loquebaris, nunc tonitrua minaris, & fulmina: quis te spiritus agit? *Simpl.* Spiritus Christi, cujus legatus sum, & pacis arbiter. *Pot.* Spiritus Christi est spiritus dulcis, quia Domini *mitis*, & *humilis corde*! non utique degenerabis? *Simpl.* Sinite me, scio, quid exigit officii ratio. Dixi: *Legatione pro Christo fungor*, arbiter pacis sum. Rebellem Augustinum vult optimus Deus in gratiam recipere, hanc offert per me: sed mihi sub poena damnationis æternæ prohibuit, *exceptionem* ullam admittere. Nisi Augustinus *sine ulla conditione* se dedat, & subiciat Deo, actum est, non potest ad Baptismum admitti: hoc deo denuntiare, & si dissimulem, me cum ipso perdam. Quotquot homines infernus urit, perdidit omnes *voluntas mala*, sed aliorum mala fuit, quia *perversa*, & amans sceleris; aliorum, quia *pigra*, & semper procrastinans; aliorum, quia *infirmata*, & ex horrore difficultatis passim a bona via resiliens; longe plurimorum tamen, quia *restricta*, & extra limites non procedens, quos Deus vult omnes prorui. Quid multa? *sine conditione*, *sine exceptione* dedi cor Deo debet *unum uni*, *totum uni*: sic est necesse, & mihi ligata potestas est, non possum aliter pacem dare. *Nav.* Metus novus oppugnat conceptam spem. *Pot.* A Deo venit auxilium fratri, ut etiam rigorem ferat, quem lex Christi imperat poenitenti. *Al.* Huc intrate. * Vides

R 3

iterum

* Scorfm.

iterum sedentem sub arbore? *Simpl.* Paulum legit.... *Nav.* Flet amarissima contritione cordis sui!.. *Pot.* Tristis, turbidus, anxius frendet adversus se... *Simpl.* Credo, quia adhuc inter spem ac desperationem, inter audaciam & metum medius de sua turpitudine erubescit. *Al.* Nulla est quies. En ut oculos coelo figit cum gravi singultu!... *Nav.* Iterum dejecit.... *Pot.* Resumit librum.... *Simpl.* Rejicit.... *Al.* Surgit. Videtis, ut gressum præcipitet?... *Nav.* Quo se proripuit? *Pot.* Redit.... Iterum residet.... *Simpl.* Mutus dolor vocem elidit. Mihi ex isto aspectu liquefcit cor.... *Al.* Nunc erumpit in verba mœror.

SCENA II.

Augustinus accedit.

Augustinus. Ah! omnia me mihi exprobrant. Hi flosculi, vide, qua veste niteant! sed quamdiu?... sic perit voluptas, quam carni quæro... Hæ arbores, quam superba se extollunt specie!.. folia habent, fructu carent. Sic ego in doctrina mihi plaudo. Quam solam Deus æstimat, virtus nulla est.... Hic fons, ut salit varie, & lulum oculis facit!. pervim in altum surgit, suo pondere in ima recidit. Intelligo.... *Vim* debeo *naturæ* facere: alias in terram diffuit, in cloacam degenerat, ex cujus putredine serpentes venenati, & foedi bufones prodeunt. Vah! turpis species vitæ actæ! *Simpl.* Salubris cogitatio est. *Aug.* Cur autem non facio mihi *vim*?.. *naturam* nactus sum ad malos amores pronam: quid tum? sententia lata est: (b) *sub te erit appetitus ejus, & tu dominaberis illius.* *Vis,* *vis* facienda est. Eccur ergo non facio mihi *vim*? *Pot.* Potens interrogatio est, cui vix responsum reperies. *Aug.* Nempe Africanus sum, & in Africa homo castus monstrum est: regionis vitium, & malum clima temperiem humorum perdidit..

(b) Gen. 4.

quid

quid tum? Alipius, Nebridius, Potitianus Africani ſunt, caſti tamen. *Pot.* Per Dei gratiam. *Aug.* Et indomabiles beſtiæ cicurantur per famem: domari belluinus appetitus non poſſit?... poteſt, ſed nimirum per *vim*. Cur ergo non facio mihi *vim*?... alii facilius facient ſibi, quibus obtigit educatio melior: ego aſſuevi ſceleri! & jam a tot annis! *Simpl.* Tua culpa eſt, quod jam difficilius emendatio ſit. *Aug.* Aſſuevi! quid tum? adhibenda erit *vis major*, quam ab aliis, quid tum? adhibenda tamen aliquando eſt, cur igitur non jam nunc facio mihi *vim*?... non poſſum!.. aliquando potero, ſic ego ipſe mihi perſuadeo: cur ergo non poſſim modo?... utique poſſum, ſed *vi* eſt opus. Cur autem non facio mihi *vim* denique? ah! hoc ipſum eſt, quod non poſſum!.. & ſi poſſem *vim* mihi facere ſemel, iterum, etiam tertio, quarto: ſemper poſſem? quid? hoc ego mihi promittam? *Simpl.* Iterum lapſas miſer! iuvate boni Cœlites! nam iſta cogitatio pugnanterem proſternet... *Nav.* Miſerabiliter flet... *Pot.* Excipiet iſtum imbrem dies ſerenior. *Al.* Solare Pater. *Simpl.* Utilis triſtitia eſt. Expectemus. *Nav.* Velut extra ſe raptus, immobilis ſedet. *

M U S I C A

Divinæ Gratiæ motus internos exhibet.

Ex L. 8. Conf. c. 11.

Continentia. Chorus caſte viventium.

Continentia. *Auguſtine!* tu non poteris, quod iſti, & iſti!

An vero iſti poſſunt in ſemetipſis,

Et non in Domino Deo ſup?

Dominus Deus eorum me dedit eis.

Arietta.

Aperitur interius, & exhibent ſe areolæ ex 5. Vulneribus Chriſti rigatæ.

Arietta.

1.

Cor sursum, Augustine,
Cor sursum erige!
Et obviam Divinæ
Festina Gratix!

Chorus.

Tardatum satis est:
Abrumpe tandem moram,
Hanc Deus signat horam:
Hæc tua salus est.

2.

Cur dubitas sperare
In ope Gratix?
Vult Deus te juvare,
Et potest facile.
Si Deus tecum est,
Quod est *natura* grave,
Per *gratiam* fit suave:
Fel ipsum dulce est.

Chorus.

3.

En dura, exsiccata,
En terra sterilis,
Hoc sanguine rigata
Evasisse fertilis.
Quot fulget floribus,
Tot Gratix Divinæ
Ut fidas, Augustine,
Instat clamoribus.

Chorus.

4.

Quousque oblectaris?
Assurge, urge te!
Non primus evocaris:
Sunt multi ante te.
A tot vestigiis
Jam pritam viam ire;
Ethuc ad me venire,
Cur tu non poteris?

Chorus.

5.

Ah! potes, modo velis,
Si velis serio:
Inanibus querelis
Non stat conversio.
Quid prodest gemere?
Promisso crede meo,
Confide bono Deo;
Et manum admove.

Chorus.

Tolle, lege! tolle, lege!

Aug.

Aug. Quid vidi? o Deus! *Nav.* Redit ad se. *Aug.* O bone Deus! salubris exprobratio fuit! *Pot.* Gemit mitius. *Aug.* Et ita est: una generosa resolutione est opus; sic rumpentur omnia vincula, quæ me stringunt. *Simpl.* Lux de cœlo splendidus fulsit: speremus bene! *Aug.* Tolle, lege! tolle, lege! quid legam? *Al.* Sane ad cor locutum esse Deum, intelligo. *Aug.* Credo, quod magno Antonio salutem tulit, idem mihi præcipi: quod fortuito occurrit, legam. *Nav.* Frons, oculi, vultus, loquuntur mutatum fratrem: totus tranquillus est. *Aug.* O cultores castitatis Cœlites, dirigite manum, ut incidat in oculos textus, qui animæ proſit! *Simpl.* Sic places. Divinæ voci obedientem video. *Aug.* Auditus sum! Superi! quo me vertitis?.. Alipi! Alipi! *Al.* Me inclamat. *Simpl.* Tene te; opperiamur, quid porro fiat. *Aug.* Discessit a me. Mira lux animo venit: (c) *Non in comessationibus, & ebrietatibus, non in cubilibus, & impudiciis, non in contentione, & emulatione, sed induimini Dominum JESum Christum, & carnis providentiam ne feceritis in concupiscentiis.* Prodigium apertum! sæpe alias hunc ipsum Apostoli locum legi, nunquam sic. Nunc penetro. Augustine, quam tantis impendiis quæſivisti Beatitudinem, en manu tenes: vide, ne denuo abjicias. *In quo sit Beatitudo, & in quo non sit, ecce habes.* Non in oblectationibus gulæ, ac Veneris, absit! non in contentiosa ambitione honorum, & laudis, Augustine, sed in hoc beatus eris, quod induaris Dominum JESum. *Pot.* Pater, conversus est Augustinus! *Simpl.* Intellectu quidem, voluntate nondum. *Aug.* Quid autem est indui Dominum JESum, nisi conformare se moribus JESU, moribus castis, pudicis, modestis, sanctis? *Simpl.* Omnino sic est: *Aug.* Hac conformitate nititur tota (d) *spes vitæ futuræ: sine hac adeo nulla Beatitudo est.* Sic memini alibi docere eundem Apostolum, quod *prædestinati* non sint, nisi qui *conformes sunt Imagini Filii Dei.* *Nav.* Erumpamus tandem! conversus est

S
frater

frater! *Simpl.* Nondum, ajo; nam aliud est cognoscere ver-
tatem, aliud amplecti. *Aug.* Sed nempe ut ex imagine tam
deformi, imago conformis fiat Prototypo tanto, hic erit la-
bor gravis, molestus, diuturnus! *Simpl.* Auditis? *Al.* Et tu
cessas nutantem firmare tandem! *Simpl.* Patientia! *Aug.* Una
generosa resolutione est opus! nam, quod potuerunt tot alii,
etiam ego possum: certum est. *Simpl.* Utinam agas demum,
quod potes! *Aug.* Quando igitur me resolvam? *Simpl.* Nunc
gratia urget. *Aug.* Natura horret!... horreat! vincenda est
aliquando, vincatur modo!.. Aggrederete! quid adhuc hæsitas?
Nav. Jam flectit genu. *Aug.* Difficile est: nihil refert. Impera tibi
animei eja cito!... *Pot.* Vah! nondum tamen! *Aug.* Iterum trepi-
das? o homo imbellis, quousque mancipatum putridæ carnis
feres? homo temerarie, quousque abuteris patientia optimi
Dei tui! homo scelestus, quousque calcatis legibus Legislato-
rem omnipotentem contemnis impudens, & cum execrabili
audacia insultans clamas: *nescio Dominum! non serviam! non*
serviam!.. velis, nolis, servire debes!.. eheu! annos omni-
no triginta vanitati, carni, sceleri, diabolo vixi!.. satis est,
plusquam satis! *Sit mihi cælum & terra testis! reliquos, o Deus*
salutis meæ, reliquos tibi vivam, & tibi soli, & hoc ex hora hac!..
Nav. Victoria! *Simpl.* Silete adhuc paullulum. *Aug.* Boni Su-
peri! quid est hoc? conversum cor sentio. Alipi! Alipi! *Simpl.*
Mihi superest actio, & hujus resolutionis examen, ne fallat nos
Augustinus, & se. *Aug.* Sumne Augustinus, an non sum?
non sum, certe non sum! o cælum, quis est hic sensus animi,
quæ dulcedo insolita, & nunquam gustata mihi! (e) o gaudium,
o vere pax Dei, quæ exuperat omnem sensum! Alipi! Alipi!.. cui
dicam hoc bonum, quo subito beatus sum!

SCE-

(e) Phil. 4.

S C E N A III.

Augustinus.

Simplicianus.

Simplicianus. Augustine! Aug. O salve Pater! tandem tuus est Augustinus, aut, quod audire malis, totus est Dei. **Simpl.** Serio? Aug. Facta est *Resolutio*, & non movebor amplius in æternum. **Simpl.** Vidi pugnantem, audivi verba bona: sed ne ipse fervor, quo ardes, te fallat, metuo. Severe te inspice, & quanquam usus es gratia ad victoriam, ne triumphes, antequam debellaveris, sedulo cave. Aug. Novi me, Simpliciane, & timeo me: *in gratia spero*. Pater, non invenio verba, quibus me explicem tibi nunc. *Vivo ego, jam non ego*, alia prorsus nunc est mens, ut primum facta est *Resolutio* vitæ mutandæ. Abiit horror, disparuit diffidentia, evanuit ipsa, qua tenaciter ligabar, *affectio ad delicias carnis*, & in illius locum subiit *aversio*, & *odium*, ita ut jam mirer, placere potuisse voluptatem, cujus abominationem modo tam jucundam experior. **Simpl.** Proemium generosæ Resolutionis dat Deus. Quidsi paullo post subtrahet iterum has delicias spiritus, scilicet redibis ad illas, quas nunc damnaſti? Aug. Fastidium est vel cogitare. **Simpl.** Quamdiu sic? paciscar iterum, ut unam saltem hebdomadam castus vivas? Aug. Pudet pacti! fidem, quàm hodie Deo feci, servabo ad mortem usque. **Simpl.** Redibunt nugæ tuæ, & tentationes vehementius ingruent. Aug. In te, Domine, speravi, non confundar. *Servabo fidem!* **Simpl.** Non credo, nisi statuas præter peccatum, etiam fugere peccati periculum, & saltem proximas occasiones vitare. Aug. Velut a facie colubri fugiam. **Simpl.** Si etiam fugitans, casu incidas, quid facies? Aug. Timore Dei videntis omnia, & ulturi, obarmabo pectus: *Servabo fidem!* **Simpl.** Si mali habitus, & inolitæ consuetudinis vis prope invitum retrahat in amorem mali?

Aug. Vim vi repellam: *servabo fidem*, & dicam! NOLO! *Simpl.* Sed de vita tam male acta, quam tu poenitentiam ages? *Aug.* Recogitabo Domino omnes annos meos in amaritudine animæ meæ! & actibus contrariis actus pessimos expiabo. *Simpl.* Quasi diceret: *Actibus amoris prohibui opponam actus Amoris Divini.* *Aug.* Hoc dico, hoc faciam. *Simpl.* Si autem amabis Deum, utique *ex amore Dei* suscipies labores, tædia, curas, molestias, saltem quales suscepisti toties amore amoris mali? *Aug.* In pudorem me agis, & video te diffidere mihi. Sed crede, Pater, plus, quam speras, mutatus sum, & plus, quam ipsemet speravi. Age, duc ad Episcopum, ut pro Baptismo supplicem. *Simpl.* Si non admittat, si differat Sacramentum, ut probet constantiam, æquo animo feres? *Aug.* Amo Deum! *amore Dei* libenter, & hilariter feram, quidquid ferre me velit Deus. Ah Deus! *Deus meus, pulchritudo tam nova, pulchritudo tam antiqua, quam sero te cognovi! quam sero te amavi!* *Simpl.* Sero utique, sed serio tandem. Naturam nactus es ad amores pronam: si elegisses objectum amore dignum, quantus esses! *Aug.* Doleo, affectum tam nobilem objectis tam indignis me addixisse! tu solus, Domine, tu solus amore meo es dignus, & alius nemo *præter te*, nisi *propter te*! *Simpl.* Solum igitur posthac amabis? *Aug.* Solum toto corde, totis viribus, tota anima! *Simpl.* Quando? *Aug.* Omni tempore. *Simpl.* Ubi? *Aug.* Omni loco. *Simpl.* Quomodo? *Aug.* Omni modo, quo ipse vult, ut probem amorem sibi. *Simpl.* Vult, ut probes agendo, quidquid impetret. *Aug.* Agam. *Simpl.* Omittendo, quidquid prohibet. *Aug.* Omittam. *Simpl.* Patiendo, quidquid immiserit mali. *Aug.* Urat, fecet! patiar, modo in æternum parcat, & ab amore sui miserum non excludat. *Simpl.* Si præceptis superaddat consilia, excipis? *Aug.* Nihil, Pater, nihil excipio, quia amo, & o unice amabilis Deus, da, ut amem ardentius, amem te fortius, amem amore, quantum capere cor istud potest. *Simpl.* Sic bene exer-

ce te in amore. Amor Dei jugum suave, onus leve, servitutum jucundam facit: & servit constanter, quem delectat servire. *Aug.* Discipulum docilem habebit Ambrosius: siste me! moram longiorem non patior, nam hoc scito, mi Pater, fui, cheu! fui peccator, & magnus, & diu: at nunc (vivit Dominus, in cujus conspectu sto!) nunc statutum est: Sanctus fieri volo, & magnus, & cito.

S C E N A IV.

Personæ omnes.

Simplicianus. Jo! hæc est perfecta Conversio! nunc procedite amici, & congratulamini mihi, quia inveni ovem, quæ perierat. *Aug.* Ecce, adestis vos! *Al.* Beata est! *Nav.* O felix dies! *Pot.* Vive heros, & victor tui! *Omnes.* Olæta mutatio! *Aug.* Benedicite Deum cæli, qui fecit mecum misericordiam suam! evasi ex carcere tenebroso, rupi catenas graves, liber sum! *Simpl.* Mutatio a Deo est. *Aug.* Et post Deum a vobis. Tantum bonum tuæ, Pater, directioni, & patientiæ, tuis, Potitiane, colloquiis, tuis, Alipi, exemplis, tuis, Navigi, obsequiis, & tuis, o Mater mea, lacrymis debeo. *Nav.* Quantis Monica subsiliet gaudiis! præcurro nuntius. *Aug.* Simul ad ipsam imus, & cum ipsa ad Ambrosium. *Pot.* Præcipio animo Præfulem triumphantem lætitia. *Simp.* Triumphus est Gratiz! *Al.*

Triumphus grandis! *Aug.* Te Deum laudamus!

Omnes. Te Deum laudamus!

O. A. M. D. G.

MEDITATIO V.

AUGUSTINUS SANCTUS,

SIVE

FRUCTUS VICTORIÆ.

ARGUMENTUM.

Augustinum jam conversum Ambrosius non statim ad Baptismum admisit, sed dilata *per integrum biennium* Sacramenti susceptione, constantiam viri vel probavit, vel firmavit, nempe ut non qualiscunque, sed *perfectæ Conversionis* exemplar posteris daret. Tempus illud Augustinus, abdicata Rhetorica, in villa Verecundi prope Mediolanum una cum Matre, Fratre, & amicis *in perpetuo Exercitiorum Spiritualium* usu transegit, ut *experientia* disceret, quanto jucundius sit Deo, quam Carni, & Mundo servire. Præcipue autem usurpasse credimus *Exercitium Amoris Divini*, quod *Soliloquia* probant, libellus sublimissimis affectibus plenus, & in illa biennali solitudine a nondum baptizato conscriptus, tanto cum fructu, quantum admirari satis non potest, *qui librum 9. & 10. Confessionum* legit, & inter Augustinum *Peccatorem*, ac *Sanctum* comparationem instituit. Nos hodie instituemus, de oque hujus postremæ Meditationis erit

Materia.

Materia: Heroicæ Resolutionis Heroica Executio.

Puncta duo: Primum, Executionis Locus in solitudine.

Secundum, Executionis Modus cum perfectione.

Fructus: Desiderium Conversionis perfectæ, qualis est, quæ ab amore perfecto inchoatur, & ab eodem continuatur.

Propositum: Resolvere se ad frequens *Exercitium Divini Amoris*, cum sincero affectu usurpandum, &, ut affectum sequatur effectus, determinare se in specie ad certum ordinem actionum suarum, qui faciet, ut per *Experientiam* discamus, quam suave sit Jugum Christi, & falsa multorum persuasio, quod vita proborum sit tristis, ac melancholica.

PERSONÆ.

S. Simplicianus.

S. Augustinus.

Alipius.

Potitianus.

Verecundus.

Romanianus.

Nebridius.

Navigius.

PRO-

PROLOGUS.

Reflexio in Meditationes præteritas, & Præparatio ad præſentem.

Anima meditans. Angelus explicans.

Anima.

O Bone Genie, quam bene eſt mihi *bodye*!
Exterior, quod ſuave ſit, *Deum diligere*!
Amore caleo, ferveo, æſtuo!
O flammæ coelicæ! urite amplius! conſumite me!

Aria.

Ah! quare
Non poſſum, ut vellem amare!
Improvida natura!
Dediſti plures oculos,
Aures, pedes, digitos,
Cur non & corda plura?
Domine, utamemte,
Ah! quod *unum* eſt in me,
Non poteſt cor ſufficere!
Improvida natura,
Cur non dediſti *plura*!

2.

O Deus,
Ut angitur animus meus!
O ſi daretur mori,
Et rupto poſſet pectore

Cor

Cor saltem istud libere
Laxare se amori!
Dulcis mors, beata fors!..
Horæ pigræ currite!...
Adsit o! quæ jubet me
Amabili victori
Succumbere amori.

Angelus. Ardet affectus, gaudeo!
Sed parum æstimo, nisi effectum videro.
Nam quamdiu sic?
Novi te, & nondum tuæ fido constantiæ.

Aria.

Hodie sancta es: alas appendis,
Volatu audace ad astra contendis:
Supra Cherubinos
Inter Seraphinos
Amor constituit te!
Triumphas hodie:
Cras, Deus scit, quid sit futurum de te.

2.

Cras forsan pennæ diffuent,
Et Icarum sibi plaudentem,
Cordique Divino hærentem
Heu! subito destituent,
Ut lapsa de cælo,
Infelix in ceno
Repente invenias te.

Anima. Averruncate Superi ferale præsagium!

Angelus. Implebitur, si dulci abrepta fascino piorum affectum,
Oblivisceris, quæ Amor exigit, operum.

Anima. Ecce me! impera, instrue!

T

Ange-

- Angelus.* Omnia, quæ meditata es, recole.
Fides te tibi exhibuit, ut horres: *horruisti!*
Timor, ut jugum Domini *sine mora* susciperes, institit:
suscepisti!
Spes, ut sub jugo perstares, animavit: *perstitisti!*
Amor, ut jugum ipsum diligeres, persuasit: *dilexisti!*
 Porro unum est necessarium Amoris exercitium:
 Quod facis hodie, *cras prosequere*,
 Et, quem coepisti diligere Dominum,
 Semper dilige.
Affectum, si frequenter exerceas, sequetur effectus,
 Nam efficacissimum,
 Ut bonum facias, incitamentum,
 Et ut in bono perseveres, remedium
 Est amoris *Exercitium*:
 Semper dilige!.....
 Sic Ambrosius Augustinum exercuit,
 Sic Augustinus exercere se didicit,
 Sic in verticem Sanctitatis *sine relapsu*, evasit.
 Sequere. Certum est, *nec Spes*, *nec Timor*
 Semper excludit peccatum: excludit *Amor*.
 Non potes peccare, nisi desieris amare.
- Anima.* Jo! jucundum, & facile
 Ad perseverantiam remedium
 Amoris *Exercitium*!
- Angelus.* Quale esse oporteat, doceo hodie.
 Animum applica,
 Et, ut capias *praxin doctrina*,
 Gratiam a coelo postula.

Aria.

Ambo. *Amoris Exercitium*
Ad confirmandum animum
Volenti aggredi,
Favete Superi !..
Sunt pia desideria,
Quæ si per vos, o Sidera,
Junguntur operi,
Novum Augustinum
Pavete Inferi!

MEDITATIONIS V.

De Heroicæ Resolutionis

Heroica Executione

PUNCTUM I.

Executionis Locus.

SCENA I.

Potitianus. Navigius. Nebridius.

N*ebrius.* Ah! quanta me voluptate vestra narratio afficit?
Et cur ego infelix non adfui (a) ad spectaculum triumph
tam nobilis! *Pot.* Omnino jucundior aspectus fuit, quam
ut facile capias. *Nebr.* Ut biennium integrum, quo ego in Afri
cam reversus, hinc abfui, Augustinus solitarius viveret, effectus est,
Amici, victoriæ utique non vulgaris, præcipue quia in primo con
gressu vidi, nihil illum in hoc vitæ genere tædio affici, imo deli
ciis adeo affluere, ut dubitem, an non beatitudinem suam in

T 2

ista

(a) L. 8. Conf. s. 6.

iſta ſilva conſtituat. *Nav.* Certe Aulicorum exemplum, de quibus Potitianum narraſſe audiſti, ita commovit animum Fra- tris, ut nihil frequentius repetat, quam beatiffimos eſſe in hac vita homines, qui abdicatis negotiis, ac curis ſæculi omnibus, ſibi ſolis vacare, ſuæque ſaluti, poſſent. *Nebr.* Idem dicebat mihi, &, quod neſcio, an vos ſciatis, converſus ad Romanianum, quem ex Africa mecum adduxi, ſubridens addidit: ego, Romaniane, hanc ipſam beatitudinem unice opto mihi, ac tibi. *Pot.* Romanianum ſalutabam heri, & narravit mihi *de conſilio Vitæ communis*, (b) quam ſtatim poſt ſuſceptum Baptiſmum, collatis in unum facultatibus, velletis ordiri, remotique a turbis totam unius Sapientiæ, ac Salutis ſtudio conſecrâre. Nunquid hoc volebas dicere? *Nebr.* Hoc: jamque trahitur etiam Verecundus in ſententiam, ut ita noſtrum oſto, aut decem in unam Societatem conveniant, quorum eſſent omnia omnium, & finis unus, *ſervire Deo Soli.* *Nav.* Forte hoc ipſum eſt, quod oporat Ambroſius. Nam cur biennium integrum a Baptiſmo ſuſpenderet, niſi, ut protracto novæ vitæ tyrôcinio aſſueſceremus ſolitudini, ac exercitiis piis, cœptamque bene telam perduceremus ad finem? *Pot.* Prudenter judicas, neque aliter excuſari videtur poſſe rigor, & ſeveritas ſancti Præſulis. Perſicite, quod molimini! ego, Amici, quam libenter me vobis conjungam, ſi liberare me poſſim a ſervitute, qua Cæſari teneor! nunc ligatus ſum, & cras redeundum eſt Treviros, ſicut nudius tertius Mediolanum Roma perveni. Ita nulla eſt quies in iſta vitæ conditione, quam profiteor. Vix ſaluto amicos, jam cogor valedicere. *Nav.* Neque nos adhuc ſumus in portu. Unum difficillime movebimus lapidem, qui obſtat vitæ communis conſilio. Verecundus, & Romanianus uxores habent: conſenſum mulierum requirere eſt neceſſe, obtineri poſſe vix aliqua ſpes. *Nebr.* Erit opus tamen virorum opera: *opulenti ſunt*, (c) & non poſſu-

mus,

(b) *L. 6. Conf. c. 14.*(c) *Ibidem.*

mus, nisi ab illis suffulti, vitæ in sacro otio transigendæ expensas diutius sustinere. *Pot.* Laudabilis providentia. Conferre operam utilem apud feminas Monica poterit, ut nihil opponant. *Nav.* Et jam cœpit. Nihil Matri optatius accidit ista methodo vitæ, quam tenemus. *Nebr.* Amor solitudinis mihi a puero fuit: hinc pronus in vestrum sensum, & nihil obluſtans ibam. Superest, ut de methodo, qua vivitis, docear. *Nav.* Duobus verbis totam complector: *vivimus ordinate.* *Pot.* *Solitudo, & Ordo*, o gemina elementa, ex quibus vita beata conficitur! Sed, quæ nemini magis quam in Aula degentibus defunt! *Nebr.* Etiam mihi hæc descriptio placet, neque tu hæc duo, *elementa beatitudinis*, sine ratione vocasti. *Pot.* Sic audiebam appellari a viris solitariis, quibuscum per occasionem agebam sæpe. Causam nominis requirenti, respondebant: omnis infelicitas *ex turbatione* venit; *turbatio* autem prope nulla, nisi *ex turbis* sive hominum, sive negotiorum. Comprehendi dudum hanc Philosophiam: ideo jam diu suspiro, ut liber sim. *Nebr.* Sed tu ipsum ordinis vestri modum diligentius explica: non enim quivis ordo potest ad beatitudinem conducere aliquid, sed *ordo actionum bonarum*, quarum varietas tædium pellat. *Nav.* Sic distributæ sunt horæ. Septenas per noctem concedimus necessario somno: totidem orationi per intervalla impendimus, jam contemplantes divina, jam Deo psallentes: septenas item lectioni damus, & scriptioni rerum spiritualium, piisque colloquiis, denique tres reliquas refectioni corporis, ac exercitationi. *Pot.* Cænobitarum hæc vita est. *Nebr.* Vita Sapientum. *Nav.* Vita beatorum, quam hoc asserentibus vix quisquam credat, nisi qui se resolverit ad hujus methodi experientiam saltem per dies aliquot capiendam. *Pot.* Etiam Augustinus non credidit, quod sentit modo, & mihi non sine tenerissimo sensu professus est, sæpius repetens: Potitiane, non possum explicare, *quam suave sit mihi, carere sua-*

T 3

vita-

vitatibus nugarum! & quas amittere metus fuerat, jam dimiſſiſſe, quantum ſit gaudium, vix ipſe capio. (d) Nav. Ut plenum ſit, gratia Baptiſmi faciet, cujus quo diuturnior dilatio, tanto ardentius deſiderium eſt.

SCENA II.

Accedunt Alipius. Romanianus. Verecundus.

V*erecundus.* Nebridi, Simplicianus ab Ambroſio adeſt: mihi cupido eſt, inter Baptiſmi *competentes* adſcribi. *Rom.* Nos jam condiximus: accedes etiam? *Nebr.* Niſi me Africa tenuiſſet, cum Auguſtino dediſſem nomen. Nunc ecce adſum. *Al.* Erit copia loquendi Presbytero, cum collo- cutus fuerit Auguſtino, & Monicæ, ad quos arcana ab Epi- ſcopo mandata habet. *Nav.* Credo, de vitæ communis con- ſilio, quod ſe relaturum ad Præſulem heri ſponſoderat. *Pot.* Aut, quid? Si exoratus tandem Baptiſmum offerat Præſul? Nam iterum propinquum eſt Paſcha, & vos quam ſitis ſerii in ſancto propoſito, probaſtis ſatis. *Nav.* O ſi! o ſi! *Al.* Læ- tior nulla luxiſſet dies, & ex hac villa jam cælum fieret. *Nebr.* Vitam Cœlitum jam nunc vivitis, quando vita veſtra tota in eo ſe occupat, quod Cælites faciunt, in *amore, & laude Dei.* *Al.* Sed o quanto fiet poſt Baptiſmum *Amor* ſecurior, & *laus* jucundior, cum Sacramenti gratia conatum adjuverit, & in quo concepti ſumus, peccati vires potentius fregerit! *Verec.* Efficite, ut co- mès veniam! hoc beneficium pro biennali uſu iſtius villæ videor mihi jure expetere. *Nebr.* Mihi ſufficiet, ſpero, amicitia titu- lus, ut velitis Patroni eſſe. *Al.* Severior eſt Ambroſius, o boni, quam ut patrocinii aliquid deferat. Probabit, certum eſt, & do- nec inter Catechumenos in doctrinæ Catholicæ tum notitia, tum uſu profeceritis, quantum expedit, non admittet ad Sacramen- tum, quin ne quidem inter *competentes* adſcribet, minime inter

Electos.

* Sic vocabantur Catechumeni.

Electos. Verec. Non improbo prudentem rigorem. Cautenimirum Ecclesiæ horreum implere tritico mavult, quam paleis: ideo tam longum tyrocinium imperat, & istos in tyrocinio gradus. Subjicio me! utinam citius fecissem! *Rom.* Poteras utique opportunitate uti in villa tua. *Verec.* Poteram, nisi serius agnovissem, quantum sit bonum, quod isti huc intulissent. Domesticæ curæ distraxerunt, ut ipsis parum attenderem. *Rom.* Me mea infelicitas in Africa tenuit, donec de Augustini constantia certius constitit. *Nebr.* Possumus moram fervore compensare. Transfigite cum uxoribus vitæ solitariæ placitum, & erit occasio proficiendi celeriter. *Verec.* Audiemus saltem, quid Ambrosius velit.

SCENA III.

Personæ omnes.

Augustinus. Amici, ordo, & hora monet, ut consueta collatio fiat: ecce adest Parens animæ nostræ, qui nos pascit verbo, quod procedit de ore Dei. *Simpl.* Salvete filii! gaudeo, frequentiore solito conventum videre. *Aug.* Hic est, Pater, Mæcenæ meus, quem gratulor mihi, exemplo trahi ad beatam vitam, quam ego ambio. *Rom.* Participem me facio tanti boni, quantum invenisse se apud Catholicos Augustinus lætatur. Tu, Pater, ut novum discipulum admittas, supplex rogo. *Simpl.* Ambobus brachiis venientem amplector, & te, Nebridi, redeuntem. *Nebr.* Utinam abiissem nunquam! Quod in Augustino displicuit malum, ipse admisi: sic homines sumus. Urgebat fervor, ut tardanti præcurrerem, nunc difficultas erit, sequi vel a longe etiam: adeo immutatum stupui. *Verec.* Agemus tamen, quod Deus postulat, ut digni simus eadem aqua salutis tingi. *Pot.* Hæc gratia probatis fiet, nunquid, Pater, ad Pascha

Pascha proximum? & ut nunties, ideo ades? *Simpl.* Ideo, sed non ideo tantum. *Aug.* Navigi, Alipi, gaudeamus in Domino, lætemur de gratia! est propinqua felicitas desiderata tamdiu. Tandem Baptismum addixit Ambrosius. *Nav. Al.* Beati sumus! *Pot.* Gratulor fortem bonam! *Nebr.* Ego invideo. *Rom. Verec.* Nos speramus. *Aug.* Enimvero magna gratia, magna gratia pro me præcipue, gratiam nunquam, & toties supplicia sempiterna promerito! *Nav.* Magnus Deus miserrimum homulum adoptat in filium, & facit hæredem, magna gratia! *Al.* Et me præ tot aliis seligit, magna gratia! *Aug.* Superabundo gaudio, & tota mens melleo mari innatat! *Simpl.* Sed præparandus est animus Sacramento, ut gratia uberior manet ex fonte tam dulci, ex quo omnes hauriunt multum bonum, plurimum ille, qui mundior, & magis capax accedit. Colloquamur, quoniam ideo ex urbe huc veni, ut, qua præparatione possitis capacissimi magnæ gratiæ fieri, edoceam. *Pot.* Audire & mihi liceat, nam quod de Baptismo loqueris, nunquid de cæteris etiam Sacramentis intelligis, quorum usus est post Baptismum? *Simpl.* Sic est, Potitiane, & tu audies utilia tibi pro præparatione ad quodlibet. *Rom.* Ego saltem quantum absum a vertice, in quem contendo, intelligam. *Nebr.* Et ego impellar, ut curram. Loquere. *Verec.* Nemo te audiet sine fructu, postquam hac intentione convenimus, ut Augustini sequamur exemplum. *Aug.* Præcundi certe desiderium est; nam cupio saltem tam bonus fieri, quam malus fui. Tu digitum intende in viam; ardua, & aspera sit, nihil refert, modo sit certa. *Simpl.* Certam, & brevem monstro. Considete. Hoc ante omnia tenete, Filii, memores omni tempore, quod, quanta felicitas est Catholice credere, tanta necessitas sit Catholice vivere. Intellectum subjicere Deo loquenti, & voluntatem non subjicere imperanti non est hominis bene sani. *Al.* Nempe quia idem est Dominus, qui imperat credere, & qui imperat age-

re,

re, vel omittere. *Nav.* Nihil igitur nobis Baptismus proderit, & sancta fides, nisi fuerint & mores sancti, certa consecutio est. *Simpl.* Certa. Jam ut mores fiant sancti, prima moderatrix Poenitentia est; nemo est enim, qui non habeat aliquid, quod damnet in se, & emendet. *Aug.* Ego plus, quam omnes! *Simpl.* Porro poenitentiae initium fit a dolore de praeteritis, & a generosa Resolutione ad futura rectius ordinanda. Errant ergo, qui in dolore subsistunt, neque verus est dolor, quem nulla Resolutio sequitur. *Aug.* Ah! quamdiu haec me deceptio tenuit! *Simpl.* Sed neque resolutio multum prodest, nisi sequatur executio velox, ac constans: velox, quia si differtur, plerumque fit nulla: constans, quia nemo mittens manum ad aratrum, & respiciens retro, aptus est regno Dei. (e) Verec. Hic rem difficilem commemoras in hac fragilitate naturae. *Simpl.* Quantaunque sit difficultas, nihil attendi debet, quando periclitatur aeternitas, & ego, non quid sit facile, nunc doceo, sed quid necessarium. Tu vero Augustine, jam intelliges cum solatio, cur Ambrosius tibi solitudinem suaserit, & hucusque distulerit Baptismum conferre. *Aug.* A prudente Medico miser ægrotus rationem medicinae non exigit. *Simpl.* Sapienter fecisti, quod patiens tuleris moram: modo disce ex te, quid prosit. Recordare, quantis lætitiis incesserit bonus Præsul, cum de generosa resolutione audivit, quam post gravem luctum fecisti. Statutum est, aiebas, volo fieri Sanctus, & magnus, & cito! Et Ambrosius, si post hanc resolutionem, sicut poterat, quia seria fuit, statim administrasset Sacramentum, dic, obsecro, quid loquitur animus tibi, quæ, aut quando hanc Resolutionem secuta esset executio? *Aug.* Pater, trepidat mihi cor ad istam interrogationem. *Simpl.* Et ego, si cogito, qualis fueris, facile intelligo, qualis esses, si nactus esses præcipientem Medicum. Itaque quod Ambrosius ante Baptismum solitudinem suaserit, factum est, non, quod vellet te eremicolam perpetuum fieri, sed ut Resolutionem certius sequeretur executio,

& velox, & constans. Nunc affecutum se gaudet, quod voluit, & tibi duo magna bona ne quidem advertenti ex ista vitæ methodo obvenerunt. Primum, assuevisti *solitius* vivere, itaque non amabis posthac *turbam hominum*, & nisi cogat ratio ferre, libenter te subtrahes conversationi mortalium, ut cum Immortali loquaris. Deinde assuevisti *ordini actionum*, itaque fugies posthac *turbam negotiorum*, & cum etiam premet moles, distribues labores per tempora, & semper residuum erit aliquod, quod Spiritui proffit. Quantum sit utrumque bonum, ut ingenio vales, ipse perspicis. Hoc palpas etiam, consilium opportunius cogitari non potuisse, nec adhiberi efficacius medium, ad hunc finem, ut esset *Resolutionis Executio* certo velox, & probabilius constans.

Aug. Pater, suspicio mentem divinam in viro sancto: nunquam mihi hæc consilii ratio incidit. O beata solitudo! tibi debeo, *quod sum!* turbis debeo, cheu! *quod fui*, turbis hominum, turbis negotiorum! *Simpl.* Tene affectum, & audi plura. Ex duobus commodis, quæ narravi, natum est tertium, ut *executio Resolutionis* non solum esset velox, ac constans, sed ex die in diem perfectior, & jucundior etiam. Processisti per otium, ac ordinate per gradus. *Memoria* collegit axiomata principiis diabolicis opposita: *Intellectus* perspexit veritates practicas, ex quibus se regeret immortalis anima ad acquirendam vitam illam, propter quam Dei Filius descendit de cælo, & homo factus est, ut nos faceret quasi Deos: *Voluntas* exercuit se in virtutibus variis, & *experientia* didicit, quam verum sit illud Sapientum acroama cedro dignissimum: *vicisse voluptatem*, *voluptas est maxima*. Denique ut paucis dicam omnia, hoc suo consilio fecit Ambrosius, ut primum homo, deinde Christianus, denique Sanctus evaseris. Vide, quid debeas.

Aug. Ingratus sum, si aliquid negem. Quid nunc vis, ut faciam? *Simpl.* Ut, quod fecisti, per hoc biennium, nunc maxime facias, cum te præparas Sacramento: exerce te in amore Dei. Tria bona solitudinis numeravi: quartum est, quod nemo æstimare satis potest,

test, quod solitudo doceat Deum amare. In solitudine videndum se exhibet invisibilis Deus, & agnoscitur, quam amabilis sit. Hæc cognitio amorem parit. *Al.* Amantibus amorem solitudinis facit majorem oratio tua, & erit perpetuus amor, si probat *vite communis* consilium sanctus Præsul. *Aug.* Et nunquid probat? *Simpl.* Placuit Ambrosio desiderium pium, adeo, ut propter hoc maxime gratiam Baptismi decreverit. Simpliciane, dicebat mihi exultans lætitia, Simpliciane: istis solitudo placet: ergo gustarunt, & experti sunt, *quam suavis sit Dominus.* Hæc *experientia* tenebit, ut constanter adhæreant Deo, probati sunt satis: baptizentur. *Nav.* Divina pronuntiatio! *Aug.* Omnino *experientia* docuit, quod nemo unquam persuasisset, ut crederem. Quod si tanta suavitas se infudit nondum baptizatis, præcipite animo, quis futurus sit sensus dulcedinis post baptismum? Amici, *bonum est nos hic esse!* Firmum decretum sit, quod Ambrosio placet: faciamus *Tabernacula.* Figatur habitatio in villa hac! deslere præterita, præsentia contemnere, meditari futura, hæc posthac vitæ reliquæ omnis occupatio sit. *Al. Nav.* Solitudo placet! Solitudini addicimus tecum annos omnes, quos Deus dabit. *Pot.* Felices animæ! *Nebr.* Accedo vobis! *Roman. Verec.* Et nos, cum licebit. *Simpl.* Præceps conclusio est: erratis omnes. Placere vobis solitudinem, hoc placuit Præsuli: ut *incola perpetui* sitis, hoc non placet: ad tempus & per intervalla redite, cum erit commodum, non tamen ut hæreatis, sed ut pastus suis deliciis spiritus redeat fortior ad labores, quos exigit cujusque vocatio, & ratio status. *Aug.* Quid est hoc, Amici? ad turbas hominum & negotiorum retrahimur abstracti ab otio tam dulci, tam salubri? *Nav.* Quæ est ista tam non expectata sententia? *Al.* Tam molesta animæ soli Deo affixæ? *Simpl.* Imo jucunda Deum amanti. Notate, quod dico: *solitudo ad tempus* suadenda est omnibus propter insignia commoda, quæ narravi: solitudo perpetua eligenda est nemini, nisi cui dubium prudens est nullum, quin suadeat Deus.

Aug. Mihi suadet; nam unde est ista suavitas, quæ vitam aliis tetricam, mihi amabilem facit, si a Deo non est? *Simpl.* A Deo est ista suavitas, do tibi hoc: sed non ad hunc finem est, ut silvæ te alliget. Non ut *fruaris*, Augustine, est data, sed ut *utaris*; neque enim tibi es natus, sed Reipublicæ, sed Ecclesiæ, sed Orbi: & talenta, quibus ditatus es, non accepisti, ut in solitudine sepeliress, sed ut disceres bene uti, solitudo adjuvit. *Aug.* Turbasti gaudium, Pater, quia turbas timeo, a quibus tam male sum habitus. *Simpl.* Amas Deum? *Aug.* Ideo solitudinem amo. *Simpl.* Ideo solitudinem desere? hoc adhuc unum deest *executioni* resolutionis, quam amor exigit, solitudinem desere. *Aug.* Quam tot laudibus extulisti? *Simpl.* Laudavi, quia Schola amoris est. Sed quis semper in Schola hæret? didicisti amare, satis fortis es, ut vel inter turbas turberis a nemine. Quanquam an fallor? aut vere te potius quam Deum amas in solitudine tua? dulcedo tenet, laborem horres, vide, utrum aut hoc, aut illud argumentum suggesserit Amor Dei, an utrumque amor tui. Ingredere te, & severe examina, an & quantus amor sit, quo amas Deum: postea quid sit discernendum, intelliges. Decretum amandi Deum amore perfectissimo est illa præparatio, quæ requiritur, ut animam gratiarum magis capacem Baptismo afferas! *Aug.* Amore perfectissimo amare Deum jam est decretum mihi: tu doce regulam, ex qua judicem, quis sit perfectior. *Simpl.* Docui gradus. *Charitas cum fuerit nata, nutritur, cum fuerit nutrita, roboratur, cum fuerit roborata, perficitur.* Sic fit progressio: Nihil amandum est *supra* Deum, nihil *præter* Deum, & Deus *sine* modo. *Aug.* Habeo puncta Examinis. Solus eo. *Simpl.* Eadem vobis dico, Candidatis Baptismi, idem examen facite. In nomine Dei Unius, ac Trini fiet ablutio, observate amoris causas: amandus est Deus, quia Deus est, quia Unus, quia Trinus. Deus est, ideo nihil amandum est *supra* Ipsum: Unus est, ideo nihil amandum est *præter* Ipsum: Trinus est, ideo amandus est *sine* modo. *Al.* Observatio gravis: expendam. *Nav.* Meditabor.

SCE.

S C E N A IV.

Simplicianus. Nebridius. Romanianus. Verecundus. Potitianus.

POTITIANUS. Vir magne, tu doctrinam Neophytis tradis, qualem ego Veteranus, & cum Cænobitis conversatus non raro, vix audivisse me memini, minus exercuisse. *Simpl.* Capacitati audientium nos accommodamus, & aliis præcepta Dei, aliis etiam consilia prædicamus. In Augustino virum magnum præfagit Ambrosius, ideo magnis vult animis crescere: apud alios exigimus plura; ut obtineamus aliquid saltem. Nihil diligere *supra Deum*, hoc est eligere potius omne malum, & abjicere omne bonum, quam graviter Deum offendere; *salutis necessitas* postulat: nihil diligere *præter Deum*, *salutis securitas* exigit, eo quod etiam leviter inordinata creaturæ dilectio facile præcipitet in ruinam: diligere Deum *sine modo*, Heroum est nihil humile cogitantium, & placere Deo suo non quomodocunque contentorum, eo quod sciant, quod Deus in animabus ipsi placere singulariter cupientibus, etiam singulariter placeat sibi, ut in pictura Princeps; in qua perfectius imaginem suam pictor expressit. In qua classe ex tribus vos esse cupitis? *Rom.* Ego Christianæ legis sublimem sanctitatem admiror. *Verec.* Ego ex admiratione confundor! *Nebr.* Ego consequi nihil despero. *Pot.* Ego, quod absum tam longe, erubesco. *Simpl.* Amici, ego vos invito in solitudinem: seligite tempus aliquod, saltem pauculos dies, *vacate*, & *videte* sepositis negotiis aliis, quid necesse sit, quid deceat, quid juvet, ut possitis beati esse. Consilium *perpetuæ solitudinis* pro vobis non est. Menstrua, hebdomadaria, dierum aliquot suadet salubriter. Admittite *experientiam* animo bonæ frugis cupido: certus sum, gavissuros ex fructu... Abeunt: nempe ut observent, quid sociis fiat. Idem expecto, & interea Deo supplico. O Deus amoris, quam capax ad amores est pectus Augustini, tam exardeat vehementer, ut rumpat carceres, & se propaget in Orbem terrarum!

CHORUS.

Anthropus lætitiæ ſpiritualis *Experientia* captus,
vitæ melioris *Exercitia* æſtimat, amat, & de-
ſignatis temporibus proſequi ſtatuit. (a)

Anthropus. 5. Senſus. Fides. Spes. Timor. Amor.

Anthropus. IO! feliciffima felicitas!
Pergite filii, pergite ſtrenue,
Ex *Amoris imperio* hortum excolere:
Exterior pretium operæ, experior.

Aria.

Εὐρηκα, Εὐρηκα, (b)
Tandem intelligo, quid ſit lætitia;
Major in dies ſcexplicat area:
Extra me, nulla eſt,
Intra me, tota eſt;
Ita me docuit *Experientia*.

Εὐρηκα, Εὐρηκα,
2. Fruſtra laſſatus ſum: (c)
Pernox, & perdiſus *avia, devia*
Fruſtra ſcrutatus ſum:
Navi per *ſumina*, tranſii *maria*,

Nus-

(a) Hortus in 5. reſeſſus diviſus, & diverſa vitæ ſpiritualis gaudia
emblematicæ exhibens.

(b) Vox Archimedis Philoſophi gaudentis, quod *inveniffeſ* diu deſi-
deratam alicujus theorematiſ demonſtrationem.

(c) Laſſati ſumus in via iniquitatiſ, & ambulavimus vias difficiles.
Sap. 5.

Nusquam se obtulit vera letitia:

Denique, duce te

Experientia,

Reperi intra me.

Euxena, Euxena!

Timor. * Bene est, vocem lætantis audio:

Plaude Amor!

Possides Anthropum, gaudeo!

* Tacite prodit.

Anthropus. Vivo ego, jam non ego,

Amor vivit in me!

Alii sunt mihi oculi,

Aures, & nares alia,

Gustus item, & tactus,

Nova prorsus affectio:

Nunquam sensi gaudium,

Quale hodie sentio.

Gustus. Nempe purum, & sine sordibus,

Tactus. Perfectum, & nullis implicitum vepribus,

Auditus. Non puerile, non stolidum,

Odoratus. Sed sincerum, solidum,

Visus. Et dignum homine gaudium.

Anthropus. Amior, Amor vivit in me!

Timor. Vivat! gratulor: **

Ecce descendit, excipe!

Anthropus. Io! descendat!

Veniat Dilectus meus in hortum suum,

Sensus. Veniat, & comedat fructum pomorum suorum, Cant. 5.

Visus. Fructum Contemplationis,

Odoratus. Fructum Orationis,

Tactus. Et Mortificationis,

Auditus.

** Amor de aubibus venit cum Fide, & Spe,

Auditus. Fructum divinatorum Verborum,
Gustus. Et sacrorum Myfteriorum,
Antropus. Fructum omnium Exercitationum Spiritualium.

Chorus.

Io! veni, dominare,
 Veni Amor, impera!
 Tua per imperia
 Amor, potes nos beare,
 Veni, veni, impera!

Prov. 8.

Amor. Ego diligentes me diligo,
 Amicos, non Servos nomino. Joan. 15.
 Placet, quod placere vobis videam
 Amoris Exercitia,

Fides. Ex his vivit anima,

Spes. Ex his crescit gratia,

Amor. Ex his cumulantur merita,

Antropus. Et in his (quod heu! diu incredulum
 Docuit Experientia)

In his est *Manna absconditum*,

Apoc. 2.

Quod nemo scit, nisi qui accipit.

Amor. Tu scis, quantus in illo sit sensus dulcedinis.
 Age, explica pro aliis.

Antropus. Ah! quis mihi det verba,
 Quibus possim exprimere,
 Quid sit dicere:

Exultavit spiritus meus in Deo Salutaris meo?

Luc. 1.

Quidquid dixerō, nihil explico.

Fides. Placebit conatus: dic saltem aliquid.

Ariose.

Omnes tres. Dic: Spiritus gaudia tanta sunt gaudia,

Fides.

Fides. Quanta nautarum sunt portum tenentium,
Quanta victorum sunt prædam agentium:

Anthropus. Ventus sunt, bulla sunt:

Spes. Quanta reperto thesauro plaudentium,
Quanta in regium thronum scandentium:

Anthropus. Umbra sunt, fumus sunt:

Amor. Quanta sunt Juvenum sponsam venantium,
Aut per Elysios campos cantantium:

Anthropus. Somnus sunt, nugæ sunt,

Ah nihil explico:

Sentire potui: dicere nescio.

A, a, a, Domine Deus, ecce nescio loqui,

Quia puer ego sum,

Jer. 2.

Ad explicandum, quo me obruis, gaudium.

O liceat utinam his in deliciis *semper* helluari!

Utinam nunquam contingeret avocari!

Sed sacro diutius oblectare me otio,

Non permittit vitæ conditio,

Non status ratio.

Redeundum est ad negotia,

Ad labores, ad tædia.

Amor. *Omnia tempus habent:*

Eccl. 5.

Nescis hoc, Anthrope?

Si sapias, audis, quod consulo:

Dies tuos, & horas tres in classes distribue:

Invenies alias, quas *officio* impendas, & *statui*,

Alias, quas dabis *corpori*,

Et habebis adhuc reliquas,

Quas dones *Spiritui*.

Imo, *nata bene*, quod doceo:

Quidquid exerceas,

X

Exer-

*Exercitia ſunt ſpiritualia,
Si, quem Fides dirigit,
Spes animat,
Charitas imperat,
Aſſueveris ordini.*

Anthropus. De quo tu mihi ordine?

Amor. Exhibeo in imagine. Suſpice! *

Aria.

Sol irrequietus, quin uſquam *figatur*,
Per ſigna bis ſena in cœlo *vagatur*;
Sed ſcriptum a Deo *per circulum it*.
Non exit, *ad levam* non vergit,
Per *mediam viam ex ordine* pergit:
Sic mundo jucundus, & utilis fit.

2.

Fac, erret, ut errant exleges Cometæ:
Nil opus eſt voce minantis Prophetæ,
Clamatis: turbatus eſt fiderum Rex!
Væ Mundo, væ nobis!.. gementes ſtupetis,
Quem heri amaſtis, pro monſtro horretis:
En! tanti eſt *ordinis congrui* lex.

Anthropus. Imaginem video:

Nondum tamen, quid velis, ſatis capio.

Amor. Explico.

Quod Sol eſt cœlis, hoc tu eſ in terris,
Duodecim ſigna ſunt *duodecim horarum negotia*,
Circulus eſt *lex Amoris*:

In hac linea illa perambula, *certo ordine*.

Ita

* Exhibetur Sol in Zodiaco.

Ita etiam, cum exieris *extra te*,
Non te deferent spiritus delicæ,
Modo tu illas non deferas,
Et cum *ordo* poposcerit,
Rursum te *in te* recipias.

Anthropus. Ordo! ordo! nunc intelligo mysterium.....

Hem! *diarium* *

Tot perturbationum *Seminarium*!
Nullus hic *ordo* est, mera confusio,
Quia non scripsit *Amor*, sed *impetus*, & *affectio*.
Ah! *Amor* corrige!

Amor. Leva te supra te! ascende ad me!

Timor. Ascende, porrige.

Amor. In Sole pone Tabernaculum:

Hinc impera, hinc jura da!

Anthropus. Beatus sum! **

Aria.

Anni, menses, dies, horæ,

Ite posthac in amore!

In amore vivere,

Est jucunde vivere.

Dum amabo, sum beatus:

Amor bene ordinatus

Bonum servat *Ordinem*,

Ordo bonum hominem.

*Repetit Chorus. ****

Timor. Ego, quod ultra hic agam, non habeo,

Abeo, & novum alibi domicilium

Amori præparo.

Hoc est enim *Timoris* officium.

X 2

Ego

* Exhibet *diarium* vitæ præteritæ.
quæ est Sol. *** Clauditur.

** Ascendit in sedem amoris;

Ego ſum *Sapientiae Principium!*
 Et fruſtra ſperat in *Amoris Schola* proficere,
 Qui noluit meus eſſe diſcipulus.

Aria.

Veræ Sapientiae
Amor eſt compendium,
 Sed, quod intelligere
 Si quis velit, *ſine me*
 Temporis, & capitis
 Faciet diſpendium.

2.

Multi dicunt : *Domine,*
Amo! amo! amo te!
 Ah! quid juvat ſcioli!
 Didiciſtis *nomini*
Verbum conjugare!
 Prius iram Domini
 Diſcite o miſeri,
 Bene *declinare.*

P U N C T U M II.

Executionis Modus.

S C E N A I.

Simplicianus. Alipius. Navigius.

Simplicianus. Magnas de Auguſtino ſpes mihi animus loquitur:
 non miſcet tamen ſe metus nullus. Nam amantem ſoli-
 tudinis in turbas retraho, quis me ſecurum faciet, non relapſurum
 in

in fordes, unde tantus labor fuit extrahere? Ambrosius suavit, ut suaderem, ne vir tantus saluti animarum procurandæ subtrahat se, hoc solatur, & facit, ut credam, consilium hoc congruere cum Dei consilio; alias curam tam gravem suscipere non vocatum a Deo, nimis periculosa temeritas foret. Explorabo, quo animo ipse nunc sit. Alipius, & Navigius veniunt. Quid sit, amici, quid sit? *Al.* Mera prodigia vidimus, Pater, & nisi aut cesset Amor, aut confortet, necesse est Augustini cor divino igne consumi. Deus magne! ex infernali titione, qui nuper fumo piceo oculos nostros cruciabat, mutata est felix anima in facem splendidam, & coelestes flammæ spargentem, quæ me simili ardore comburunt. *Nav.* Ego, Pater, nunc intelligo, quid sit, quod suaseras, *objectum amoris* mutare. Quo amabilius est Deus, quam caro, tanto ferventior in fratre nunc ardet Amor Dei, quam olim arserat amor carnis. *Simpl.* Lætus audio. Nunquam hoc biennio tam insolitum ardorem in amico notastis? *Al.* Dulces lacrymas, devota suspiria, sancta desideria quotidie observavi: motum pectoris tam vehementem hodie primum. *Simpl.* Causam scitis? *Nav.* Divino hunc effectum *Examinis* esse, quod imperasti. *Simpl.* Recte divinas: & o si scirent homines, quanta sint bona *vite reflexæ*, quam multos etiam hodie Sanctos numeraret Ecclesia! nunc probi quoque viri progressum in virtute exiguum faciunt, quia nunquam aut raro *reflectunt* in se oculos, ut *examinent*; quousque processerint, & quanta supersit via ad terminum. Gaudeo, vos vidisse hujus *Examinis* fructum in alio, & spero ufuros pro vobis. *Al.* Jam usus sum ad meum pudorem. *Nav.* Et ego intellexi, quantum absim a vertice. *Al.* *Nihil amare supra Deum*, quid est æquius? dicat natura, quod majus bonum sit plus amandum, quam minus bonum: atque adeo *Summum Bonum* utique plus, quam omne aliud bonum; & iste primus amoris est gradus, quem cum inspexi, dubitare cœpi, an vel in isto firmus consistam. *Simpl.* Qualem te igitur vidisses in altero gradu, qui est,

nihil amare præter Deum? Nav. Ah! Pater! iste gradus hominem exigit jam penitus sibi mortuum; quando huc pertingam? *Simpl.* Si pertigisses etiam, scandendus superesset tertius, qui est, *Deum sine modo diligere.* Nunc quando mirabiles motus in Augustino vidistis, in quo gradu illum creditis stare? *Al.* Nos narramus, quod vidimus: inde tu judica. Quanquam en ipse prodit.

SCENA II.

Accedit Augustinus.

Augustinus. Inspeci me, Pater, & vidi, quod ominabaris, amorem solitudinis amorem esse mei, non Dei, & medium, non finem, ad quem me Deus vocavit. Habes obtemperantem Ambrosio: fide vivus, spe fortis, dolore contritus, amore ardens ad Baptismum venio; inde procedam in campum apertum, novus Christi miles prælia Domini præliaturus. Valet silvæ! huc usque intra vos amor me Dei tenuit: jam idem amor expellit, & a quiete evocat ad labores. *Simpl.* Sic sperabam, & æquum est, ut armatus ab amore de orco te vindices, qui tam diu captivum tenuit. *Aug.* Ulciscar, sic me Deus adjuvet! ulciscar probrum, & post me peccaturis exemplum dabo, quæ sit ultio, qua se digne vindicent de mancipatu, quem sub turpissimo jugo dæmonis pertulerunt. *Simpl.* Quid facies? *Aug.* Primum, Pater, confitebor publice, qualis fuerim. Sciet Orbis scelera universa, quibus me inquinavi, sciet, & Scripta leget a me ipso, ut videant innocentes, & caveant vias, quibus itur in barathrum: videant peccatores, & cum legunt me, inspiciant se velut in speculo, atque exhorreant: videant pusillanimes, & discant, quid possint sperare: videant impudentes, & intelligant, quam Deus amore sit dignus, qui cum patientia tam amabili convivet tam diu, & expectat. *Simpl.* Laudo propositum, & erunt utique, qui ex publicæ poenitentiae exemplo sapient, & quos de te legunt, conscendent

dent conversionis gradus, obstacula superabunt, *luctam* non fugient, vim facient sibi, & reportabunt *victoriam*. Ita eris Orbi universo *perfectæ conversionis exemplar*, in perpetua tempora. generosa Resolutio est, sed *amplius Amor exigit*. Quid adhuc facies?

Aug. Ascensiones disponam in corde meo, non gressibus corporis, sed affectibus mentis, ita, ut omnis posthac mea conversatio in coelis sit. Immiscebo me Angelis, & exultans de gloria Domini mei clamabo: *Gloria in altissimis Deo!* descendam ad inferos, & contemplans, quod merui, *miseriçordias Domini cantabo* cum jubilo! circuibo per Orbem, & rapiam ad Deum animas, & dicam eis: *Hunc amate! hunc amate!* & o! ut traham ad te, Domine, saltem tot homines per poenitentiae exemplum, quot abstraxi a te per scandalum! *Simpl.* Laudabilis fervor est, qui tenere pectus afficit, & nutrit amorem. Sed delicatior cibus est, quam ut robur afferat, quod faciat ex puero virum: *amplius amor exigit.*

Quid adhuc facies? *Aug.* Exibo a me, *abnegabo me ipsum*, & ut hostem Deicidii reum tractabo: subtraham mihi, quod appetitus postulat, & quod refugit, inferam, tantum ut sim remotior a peccato. *Simpl.* Jam magis places. Affectus ramenta sunt, quibus ignis natus nutritur: abnegatio lignum, quo roboratur, & crescit, ita, ut nec flumina obruant illum. Sed ignis nunquam dicit: sufficit! *Et amor amplius exigit*: quid adhuc facies? *Aug.* Egressus a me introibo in Deum, & illi me artissime uniam. Amplectar ambobus brachiis Sponsum animæ meæ, & non dimittam! brachium unum intellectus, brachium alterum voluntas est: uniam me *intellectu*, & iudicium meum conformabo iudicio Dei. *Simpl.* Siccine: atqui Deus iudicat nihil esse malum præter peccatum. *Aug.* Etiam ego. *Simpl.* Deus iudicat, nihil esse æstimabile præter virtutem. *Aug.* Etiam ego. *Simpl.* *Sapientia hujus mundi stultitia est apud Deum.* *Aug.* Etiam iudico. *Simpl.* Sic Augustine, errare non potes; nam Dei iudicium, quia solum est infallibile, est certa boni iudicii regula. Sed necdum sufficit. *Am-*

rapiam ad Deum animas, & dicam eis: *bunc amate! bunc amate!*
 nempe si opponat se nemo, si via plana & strata rosis, si animæ, quas
 curabis, non obstinatæ? *Aug.* Imo super aspidem & basiliscum
 ambulabo, & caput serpentis conteram. *Simpl.* Audies male-
 dicentes Deo, negantes Providentiam, calumniantes Justitiam,
 duritiem accusantes! *Aug.* Pater, vulneras cor meum funesta
 commemoratione infrunitæ audaciæ! *Simpl.* Videbis palam cal-
 cari leges, & petulanter contemni Decalogum! *Aug.* Ah vidi, &
 feci sine sensu, quia homo non fui! nunc gratia fecit hominem,
 & hominem novum fecit, ideo, quod sensi olim, jam non sen-
 tio: quod olim non sensi, sentio nunc. *Simpl.* Sines, ut jam nunc
 probem, num verbis respondeat animus? *Aug.* Quod voles,
 impera. Ecce per ferrum, & ignes ibo, ut injuriam impediam
 Dei: tanta sensus acerbitas est, *Simpl.* Adhuc amplius amor exi-
 git. Non solum offendi Deum grave est amanti Deum, sed etiam
 minus ferventer serviri Deo, angitur, flet, irascitur, laborat, æ-
 grotat, moritur, qui *sine modo* amat. Nunc ecce amici sunt, qui
 hac in silva ambulant, homines bonæ mentis, sed adhuc non ma-
 gnæ, dolent vitæ communis consilium a me eversum esse, sepa-
 rari a tua consuetudine nolunt. Quid cessas? ostende, quod ames
 Deum, & erige, ut, qui Baptismum expetunt, expetant etiam,
 quod baptizandum decet, ut esse velint de *numero paucorum*, quos
 Christus non solum vocavit, sed etiam elegit. *Aug.* Ecce eo! fa-
 cilis labor est cum animis bonis: mitte ad Barbaros, sic probabis!
Simpl. A bonis incipe. Vix faciet ex malis bonos, qui ex bonis
 facere meliores non potest. Habet aliquid etiam terra bona, quo
 fatiget agricolam, quem amor non animat. I, collige homines,
 amare doce! *Aug.* Potitianus amat Deum! *Simpl.* Amet am-
 plius! *Aug.* Nebridius amat. *Simpl.* Amet amplius! *Aug.* Ro-
 manianus, & Verecundus incipiunt. *Simpl.* Incipiant ferventius,
 quisque pro sua capacitate, conditione, & statu. *Aug.* Nunc
 quid velis, capio. Sic est, Christus venit, non modo, ut vitam

habeant oves suæ, sed & ut *abundantius habeant*. O Amor, da, ut dem! *Simpl.* Et vos quousque adstatis attoniti? *Al.* Stupidos ardor Divinus facit, quo ardet ille, quem novimus, qualis fuerit. *Nav.* O admirabilem vim amoris! ecce per omnes gradus nihil hærens promittit frater se ire velle, & me tepor meus in imo tenet. *Simpl.* Refert, qua quisque diligentia se in amore exerceat: *exercitatio* fortem, & promptum facit. Ite, observate Augustinum, qua diligentia, qua arte agat, quod jussi agere. *Al.* Observabo ad fructum. *Nav.* Et ad pudorem.

SCENA III.

Simplicianus solus.

Superi! Boni Superi! Eritne constans hic fervor viri!... erit constans, quia ab amore natus est. O Amor, o amor facer, quam admirandas facis metamorphoses.... o Gratia, o Gratia, quam facile ex scelesto fit sanctus, qui tibi cooperatur, cum urges! Et quid fiet Augustino!... Quære, quid factum sit. Jam *Sanctum* amor fecit, & faciet *Sanctum magnum*, & cito faciet... Vah! miserum me! Ecce Simpliciane, iste Catechumenus, iste Manichæus, iste decem annorum Fornicarius præcedet te in regno Dei!... tanti est poenitentiam agere, quo modo, & tempore Gratia urget.... Quo me abripis Deus? quid video! o Boni Coelites, Augustinum video vestro splendore splendidum! o aspectus amabilis! *

MUSICA

Fructum Victoriæ Augustini omnem ostendit, & ad similem ausum animat.

Gratia. Eja! triumphatrix victrix Gratia!
Augustinus mea est Gloria!
Per me ille vicit naturam,
Per me voluptatem subjugavit,
Et ferream consuetudinem stravit.

* Spectaculum in extrasi.

Ad

Adeste pusillanimes!
Videte fructum Victoriæ,
Et discite, quid mecum possitis facere,
Si velitis vos mihi *in tempore* dedere.

Arietta.

I.

O segnes nimis animæ,
Quas sibi Mundus emit,
Aut caro tenet compede,
Aut orcus pede premit!
Quousque per ignaviam
A prælio cessatis?
Assurgite! victoriam
Promitto, si pugnatis.

2.

Nil terreat pessumdata,
Nil fragilis natura:
En arma offert Gratia,
Vobiscum pugnatura.
Si ego manum dirigo,
Vel *funda* est timenda,
Et nuda *pueri* dextera
Giganti metuenda.

4.

Ex illa die maximis
De hostibus juratis
Inclarui victoriis,
Et spoliis relatis.
Quot Martyres, quot Virgines,
Quot stellæ sunt (non fallo)
Tot testes sunt, quod vana spes
Non sit, quam ego alo.

3.

Invicta vis est Gratia,
Ab ipso Deo data,
Ex Morientis latere
Progressa sum armata!
Cum, qui in ligno vicerat,
In ligno vinceretur,
Sum nata, ut, qui ruerat,
Homo erigeretur.

5.

Hoc moneo, hoc repeto,
Hoc urgeo, hoc clamo:
Me utere, cum offero,
Cum juvo te, cum amo:
Nam venio, & abeo,
Non semper me habebis,
Et tibi, si non redeo,
Quid fiet? frustra flebis.

Y 2

Simpl.

Simpl. O gaudium! o spes! o horror! Augustine! quantum tibi bonum una *Victoria* & jam peperit, & adhuc pariet! O Peccatores, quantis animis crescere ex hoc exemplo debetis! Et si differtis se- qui poenitentem, quem estis secuti peccantem, heu! quid fiet vo- bis? quid fiet?

S C E N A IV.

Personæ omnes.


A *Lipius.* Pater, actares est: jam senemo Augustino opponit, vi- tam solitariam deserturo. De amando Deo, & ex amoris im- pulsu suscipienda animarum cura, si Deus vocet, sic peroravit, ut conclamaverint omnes, etiam suas se animas directioni Augustini submittere. Negavit, se Patrem esse posse, antequam per Baptis- mum renascetur: Ambrosio se commendarent, statuerunt: & ego, Pater, si probet Præsul, idem cum amico vitæ institutum am- plector. Habeat me totum Deus, habeant me animæ sibi. *Nav.* Pa- ter, primus manipulus venit, quem Frater collegit in horreum Do- mini. *Rom.* O bene impensas opes! o bene peractum iter, quod huc me perduxit! *Verec.* Deus bone, quos motus sentio! & quæ cupido ardet ad mutationem celerrimam vitæ actæ! *Pot.* Audi- vi verba, quæ nemo loquitur, nisi qui ardet. *Nebi.* Ego, Simpliciane, Augustino adhæreo, quo cunque jerit. Amoris sancti, Amoris Di- vini tu mihi posthac Magister eris. *Simpl.* Video primitias zeli tui! veni, offeramus Ambrosio, videat oculis, quid possit sperare. *Aug.* Imus, videat, & doceat, quæ vitæ ratio cuique congruat. Ego his animis lætus relinquo te, o solitudo felix, solitudo dilecta, novæ vitæ Magistra mihi: ad fontem Salutis propero, & deinceps non mihi vivam, sed ei, qui pro me mortuus est! (a) O Amor infinite, sero, ah! sero te amavi! nunc serio amabo tandem, nec amabo solus, sed, quod in me est, laborabo, ut totus Mundus diligat te, totus *Mundus diligat te!* *Simpl.* Votum est perfecte conversi! agamus Deo gratias. *Omnes.* Deo Gratias.

(a) 2. Cor. 5.

O. A. M. D. G.

DEVOTIO
 M A R I A N A
 ARGUMENTUM
 TRIUM MEDITATIONUM.
 ANNI M. DCC. XL.
 MEDITATIO I.
 VERÆ DEVOTIONIS
 INCITAMENTA.

ARGUMENTUM.


 Deam perfectæ Conversionis in Augustino dedimus
 anno priore; necesse jam est de mediis, quibus illa
 efficitur, meditari. Est autem communis Do-
 ctorum sententia; inter media præcipua nume-
 randam esse veram, ac solidam Devotionem, qua
 quis in Dei Matrem feratur. Cur ita sentiant; si
 interrogas, dicent: Vera conversio pendet a gratia efficace, quæ cum nec
 cadat sub meritum, nec dari a Deo soleat mere gratis, impetrari oran-
 do debet; oratio autem ut audiatur facilius, potest, & vult Maria efficere,
 si, ut DOMINAM nostra devotione demeriti, PATRONAM apud
 Filii

Filium, & ADVOCATAM apud Judicem habeamus. Propterea, & quia credimus, rem gratam nos præstare DD. Sodalibus, præcipue jam aliàs tenero amore flagrantibus, atque ad præstandum pro Festo Tituli homagium annuum proxime accinctis, tres hujus Anni Meditationes in considerandis Marjanæ Devotionis Incitamentis, Signis, ac Fructibus exigemus.

Ordinur *ab Incitamentis*, per quæ & cultus B. V. antiquus excitatus est, & novus augetur, ac propagatur: suntque eadem omnino, quæ Formula exhibet (nempe colendam esse Mariam, quia *Sancta* est, quia *Dei Mater*, & *Virgo*, quia *Domina*, *Patrona*, *Advocata*) & qualibus haud dubie ab ipsis Apostolorum temporibus usi fuerunt viri Apostolici, ut regionibus; quibus Christum prædicabant, eadem opera Deiparæ venerationem inferrent.

Inter hos S. Dionysius Areopagita fuit, qui primus Lisbio Senatori Parisino ad fidem a se converso persuasit, ut delubrum Mercurii sineret in Sacellum converti, in eaque pictam a S. Luca Deiparæ Effigiem magnifice ornatam collocaret. Factum iniquissime ferens uxor Larcia, ad Fescenninum Romanum Præsidem virum detulit. Damnati capitis Discipulus & Magister, ambo Martyrum gloriam adepti sunt, non solum, quod Crucifixi, sed titulo singulari; quod Mariæ Matris ac Virginis cultum publice profiterentur. Valuit exempli vis, ipsamque Larciam in viri sequelam traxit, una cum Visbio filio, nam & ipsi pro eadem fide, ac cultu capite plexi sunt. *Ita Martyrologium Gallicanum.* Erit igitur præsentis Meditationis

Materia. S. Lisbius Mariæ se devovens, Dionysio duce.

Puncta duo: Primum, S. Dionysii pro Lisbio cura.

Secundum, S. Lisbii ex cura profectus.

Fructus. Resolutio, cor suum, instar Sacelli, dedicandi Deiparæ, & amoris solidi totum consecrandi,

Pro-

Proposuitum. Statuamus sæpius meditari *Incitamenta*, quibus amor hic excitatur, & in *specie* nunquam posthac renovare Formulam, quin prius expenderimus tria Formulæ capita, nempe *cur* colenda Deipara sit, *quo modo*, & *qua spe*?

PROLOGUS.

Antiquissima Cultus Marjani origo ostenditur ex Imagine, quam S. Lucas utique non sine divino instinctu pinxit.

S. Lucas. Angelus personatus. Judith. Esther. Sponsa. Chorus.

Lucas. AH! quid ago?
 Nimis imperfecta fit hæc Imago! *Exhibetur pingentis cubiculum.*
 Tædet sic pergere....
 Scilicet Mariam pingere,
 Opus est majus humanis viribus.

Aria.

Vidi, vidi Virginem;
 Et mens admirabilem
 Beneadhuc speciem
 Sibi repræsentat:
 Sed ideam animi,
 Ah! non potest assequi,
 Quidquid manus tentat.

2. Cæ.

2.

Coelum! da artificem!
 Da, qui tam amabilem
 Recte pingat faciem!
 Æquum est, quod clamo:
 Clamo, quia celebrem
 Volo fieri Virginem:
 Clamo, quia amo.

Angel. person.
Eneas,

Ergo non pericies Iconem?
 Ah! quam vellem! sed!...
 Saltem o! si quis mihi ostendat imaginem,
 Quæ serviat ut prototypon,
 Secundum quod possim effingere ectypon!
 Cogita,
 An nihil juvare te possint figuræ, & symbola?

Angelus.

Chorus.

Exhibitio.

Talem pingere Virginem,
 Talem habet speciem!

Judith.

Judithæ pingere similem:
 Est mulier fortis,
 Ut castrorum acies ordinata terribilis.

Esther.

Estheri pingere similem:
 Regina est, quæ adstat Deo
 In vestitu deaurato,
 Varietate circumdata.

Sponsa.

Non, non armatam, non Reginam,
 Sed Sponsam pingere divinam,
 Ex millibus electam,
 Super omnes dilectam.

Sol.

Ita, ita, pingere electam ut Solem!

Luna.

Imo pulchram pingere, ut Lunam!

ut

Sponsa. Sic est amabilis, *Esther.* Sic admirabilis,
Judith. Sic formidabilis,

Chorus. Sic, sic pinge Virginem,
Lucas. Non sic pingam Virginem,
Chorus. Talem habet speciem,
Lucas. Non hanc habet speciem.

Lucas. Abscedite! non placetis:
 Vix umbram Mariæ habetis.

Angelus. Ita est: sed quid facies?
 Perfectam Mariæ imaginem nunquam reperies.
 Suadeo, ut sedulo consideres singulas,
 Et, quod perfectum est, de singulis eligas,
 Ac demum unam in tabulam omnia congeras.

Aria.

Aqua gemmas, terra flores
 Sacræ det Imagini:
 Iris vesti det colores,
 Ignis vitam vultui.

2.

Sol luceat ex oculis,
 Et caput cingat radiis:
 Aurora genas pingat,
 Et Luna frontem fingat.

3.

Judith det severitatem
 Sponsa pulchritudinem,
 Esther addat Majestatem:
 Sic, sic pinge Virginem.

Lucas. Bonum, sed difficile est tuum consilium.

Ang.

Angelus. Coelum feret auxilium:
 Spondeo certissime.
Lucas. Sperabo in Domino....
 Quid hoc? quo servulus abiit subito?
 Nescio, quæ spes surgit in animo.
 Ignotus ad servitium iste se mihi obtulit;
 Et spondeo certissimo
 Verba sunt plena solatio:
 Quid? si sub servili schemate coelestis Genius
 Lateret abditus?

Arietta.

1.

Habent hoc Angeli,
 Vices ut famuli
 Velint subire,
 Magnæ si Virgini
 Possint servire.

2.

Nempe sic homines
 Volunt docere,
 Quantæ sit gloriæ
 Servi Deiparæ
 Nomen habere.

Lucas. Rem indagabo... o Coelum! o Coelum!
*Angel. ** Cave, hoc feceris: conservus tuus sum, * *Prohibet adorari se.*
 Ecce perfeci imaginem:
 Veni, judica,
 Num recte expresserim Virginem.
Lucas. O artificium! stupent oculi, cor ardet!
 O artificium!
Angelus. Accipe, & similes pinge non tam in tabulis,
 Quam in hominum animis.
Lucas. En o Maria! en totum me!
 O, ut possim facere,
 Ut totus Mundus diligeret te:
 Accipio, & per Orbem circumfero.

Hanc formam, o Mortales, hanc cordi imprimate,
Vita exprimate.

Duetto.

Huc oculis, huc animis,
Adeste! Festinate!

Hanc Iconem amabilem
Spectate!

Hanc formam admirabilem
Amate!

Hanc sine periculo licet spectare,
Hanc palam, cum laude, potestis amare:
Adeste! spectate! amate!

MEDITATIONIS DE MARJANÆ DEVOTIONIS INCITAMENTIS

PUNCTUM I.

Dionysii pro Lisbio Cura.

SCENA I.

S. Lisbius. Haraldus. S. Dionysius. Rusticus.

L *Lisbius.* Haraldus, vir est Lisbius, non femina: & est virorum,
semel statuta bene amplecti fortiter, tenere constanter. *Har.*
Sic tamen læsisse Deos, afflixisse sororem meam, scio, poenitebit.

(*) *Lisb.* Insanus sit, quem poenitet egisse bene. Stat fixum ani-

(*) *Haraldus abiit.*

mo,

mo, tuum me Servum, Virgo, publice hodie profitebor: nec permittam ultra, ut a meis subditis aliquid contra tuum honorem unquam agatur. *Dion.* Opportuni venimus. Salve dilecte in Christo Fili! *Lisb.* O Salvete mei Patres! sed cur duo soli? *Rust.* Nempe ad baptizandos Neophytos trans Sequanam Eleutherius abiit. *Dion.* Totus, ut video, affectu calet. *Lisb.* Ita est: totus ardeo. Amo, exosculor Divinam Virginem! O ut mecum filius, uxor, Haraldus, & omnis cognatio amet! *Rust.* Exemplo trahes. *Lisb.* Sic spero equidem, & spem Florillus facit, qui me secutus; quanquam, volente me, quod Sacra Christiana susceperit, adhuc dissimulat meis, tamen admirando fervore urget, ut dejecto ex aris Mercurio hanc Iconem substituam, & primus esse Parisiis velim, qui Matri Dei Sacellum statuam. *Dion.* Est, quod dixi, vir bone: Contemptibilia Mundi elegit Deus, ut confundat fortia! puer mihi crede, virtute baptismi fortis viros, cum se feret occasio pugnæ, in pudorem salubrem aget. *Lisb.* Imo egit: puduit morarum me, quas exprobravit toties charus præ filio puer; humanæ prudentiæ est datum satis. Declaravi me meis, idolum amovi, Sacellum vestivi, (*) Paratum altare stat: orandæ Imagini ultimam admove manu vestrum est. Imperate, quid deceat; nullis sumptibus parcam, ut palam constet, quantum cupiam Deiparam coli. *Dion.* Digna est Senatore Parisino magnificentia! *Rust.* Prodigalitas sancta! sed quid ad hæc amici, quid Larcia uxor dicunt? *Lisb.* Nihil de me vos angite: vobis est, quod metuam. Nam uxor, ubi tantum auri Sacelli ornatu expendisse me vidit, exarsit ira; & Haraldo fratri suo amare quæsta est. Vereor, ne quid in vos machinetur, velut auctores facti. Cavete! scitis, quid mulier avara possit, & furens. *Dion.* Nihil potest: Nam Christianus nihil, nisi peccatum, timet. *Rust.* Tu tibi metue, ne quid illa tuæ constantiæ noceat. Scis, quid in maritos uxores possint. Bene currentem navim sæpe in scopu-

Z 3

los

(*) Sacellum aperitur.

los rapiunt Sirenes blandæ. *Lisb.* At ego maritum me esse meministi, non servum. Amo uxorem, sed plus honestatem, plus virtutem amo. *Dion.* Et plus JESUM, plus MARIAM amas? *Lisb.* O Pater, exultat animus tantas oculis delicias gratulans. Non sum explicando, quid intus sentiam, cum contemplor hanc faciem. *Dion.* Et tamen inanem tantum vultum vides. At mihi obtigit beata fors, ut vivam viderem. *Lisb.* Et poteras sine mentis excessu? *Dion.* Quibus gaudiis innataverim, DEUS novit. Aspectu amabili raptus procidisset in genua, adoraturus ut Deam, nisi fides sancta prohibuisset. *Lisb.* Credo; nam Divinum certe aliquid hæc facies habet. *Rust.* Sic est omnino: Neque enim hæc forma accendit, sed extinguit libidinem. Vel gravissime tentatos ad scelus, unus hujus Iconis aspectus juvit, ut omnes profanæ pulchritudines sine mora sorderent. *Lisb.* Ah! bellua sit oportet, qui caducam formam præ coelesti diligit. Tria, quibus rapior, hinc effulgent: *Modestia Virginis, Amabilitas Matris, & Majestas Regina!* Mater, Domina, esto, obsecro, apud Filium Patrona mihi, & Advocata!.... Eja! ornate, Altari imponite! festus mihi hic dies erit, quo Sacramentum Mariæ dicam, & *perpetuum servum* scribam, paratus, nobilem famulatum etiam fuso sanguine profiteri palam. Accingite vos: dum vos altare, ego syngrapham paro. *Dion.* Verba dictabit amor. *Rust.* Calamum fervor reget.

SCENA II.

Accedit Florillus.

Florillus. Here. *Lisb.* Quid interpellas? En! Matri tuæ meæ Dominz, quod urges toties, jam tandem me palam mancipio. *Flor.* O Divinum consilium! sed metuo, ne inimicus omnis boni novas moras bene cœptis injiciat, & vobis maxime formidandas, O mei Patres! *Dion.* Quid enim affers, mi Fili! *Flor.*

Flor. Ah! Fescennius Præses hac hora ex Liguria in urbem rediit, & dest servus ab illo missus cum mandatis, ut quantocius in curiam properes. *Lisb.* Quid est negotii, quod ita urgeat? *Flor.* Roma, aiebat, accepisse mandata Præsidentem, sine mora exhibenda Senatui. *Lisb.* Romana mandata adfunt! quid? si in Christianos statuta? *Dion.* Certe odit Christum infelix Roma: *Lisb.* Quidquid sit, audienda sunt. Dic, protinus compariturum. * *Dion.* Eamus, Rustice, eamus hinc: latebras jam amare nos decet, ne cruenta tempestas nobiscum involvat hospitem tam beneficum. *Lisb.* Absit hoc! decreta dies est: hodie me Deiparæ, & hoc Sacellum confecro. Perficere vos coepta velim, dum sciam, quæ res agatur. In omnem casum firmatus est animus mihi: Nihil veniet improvisum, quidquid venerit. Si moriendum, aut pro vobis, aut certe vobiscum moriar. *Dion.* Firma coelum, quam audio loqui, fortitudinem, dignam præcellis cogitationibus, quas Christus suggerit! *Lisb.* Quantum quantum est animi robor, vobis debetur totum, & Evangelio. O quam sapienter quotidianum huius sancti Codicis lectionem suastis mihi! En! ut opportune paulo antese Textus ex Luca obtulit: *Dico autem vobis amicis meis*, O vere Divinam Divini Servatoris humanitatem! mancipia amicos vocat!.... *Dico vobis: Ne terreamini ab his, qui occidunt corpus, & post hæc non habent amplius, quid faciant: Ostendam autem vobis, quem timeatis: timeate eum, qui postquam occiderit, habet potestatem, mittere in gehennam: Ita dico vobis, hunc timeate.* O Sententia salutaris! Nempe quidquid contra nitar, moriendum est aliquando: Morbo an ferro moriar, quid interest viri, si modo bene? At si post mortem gehenna me excipit, tum vero vere misere mecum agitur. Patres, hic timor omnes noxios timores pellit. *Solus DEUS* terribilis est: Deum qui timet, nihil timet, præter peccatum. *Dion.* Plaudite Superi! cecidit in terram bonam verbi Divini semen. *Rust.* Perge fortis. Prius tamen huc iterum verte oculos: Roga

* Abit Florillus. Vir-

Virginem, ne patiat, ut verbis facta dissentiant. *Lisb.* Chara Mater! juva filium, & dignum tua gloria inspira animum mihi! co.

S C E N A III.

Dionysius. Rusticus. Visbius. Haraldus.

D*ionysius.* Salvum te Deus velit. At nos, Rustice, levemus capita nostra, quoniam appropinquat redemptio nostra! Quid enim aliud mandata Romana ferant, nisi nuntium de adventu Domini? *Rust.* Gaudeo, quia si hodie venerit Dominus, inveniet vigilantem. *Visb.* Ergo in periculo Pater est, & cito monendus. Vah! quos rursus video? *Harald.* Auctores turbarum vides. *Visb.* Hi soli? ubi est Pater? *Dion.* Expectare nos reducem iussit: ipse in Senatum vocatus abiit. *Visb.* Revoco periclitantem. *Harald.* Cave! nam ipsa ex Senatu absentia suspectum commercii cum Christicolis faceret. Si doceas de discrimine, satis est. *Lisb.* Obedio. *Har.* At vos, nisi expectare vim malitis, sine mora vos hinc proripite! ita Haraldus jubet. *Dion.* Dominus ædium? *Har.* Amicus Deorum, Larcie frater. Oggannire cessate, & purgate locum! nisi properatis, expellam. *Rust.* Contra vim nihil possumus. Sed quomodo injuriam excuses Lisbio, tu videris. *Har.* Excusabit Fescennius Præses, ad quem jam ego vos traherem, nisi Lisbium amarem, quem hæc male feriata Societas parum abest, quin jam perdiderit. *Rust.* Trahe, quo vis, gaudentes ibimus: nam *Christianus nihil, nisi peccatum timet.* *Har.* Jam sæpius audivi hoc apophtegma jactari: modo se offert occasio, qua apparebit, qui sitis, Heroes utique digni, quibus Furiaz Mausolæum struant. Liberare tandem oculos meos in viso conspectu! antiquam ego faciem huic loco restitui: vos, nisi me orcus glutierit, hanc domum non revifetis.

SCE-

S C E N A IV.

Dionysius. Rusticus. Florillus.

D*ionysius.* Bene est, confirmor: illuxit suprema dies tot votis desiderata! *Rust.* Illuxit! superabundo gaudio, dum spero futurum hodie, ut dissolvar, & sim cum Jesu, cum Maria! *Dion.* Una tamen me cura angit: Quid Lisbio fiet? quid reliquo novello gregi, post pastores dissipatos? Provide, obsecro, providum semper Numen! Ad preces, amice, ad preces nos conferamus! donum perseverantiæ donum optimum *desursum est a Patre luminum!* *Rust.* Quem nobis, Virgo, & nostris oviculis propitium reddas! Quid tu, Florille, affers anhelus, & pallens! *Flor.* Ah! fugite Patres, explorata res est: contra vos Fescennius coëgit Senatum: de vita agitur. *Dion.* Bonum nuntias. *Flor.* Nempe vobis, quibus mori est votum, ut cœlo fruamini! sed orphano mihi quid fiet? *Dion.* (*) Hunc Patrem habes, istam Matrem: & te orphanum vocas? *Rust.* Quanquam si eadem via eundum nobiscum tibi in cœlum foret, an nolles ire? *Flori.* Inani me spe solaris: desertus sum, si vos deseritis. *Dion.* Imo ante nos in prælium tu vocaris: Haraldus, qui hinc ejecit nos, crede mihi, arma parat adversum te, & metuo, ne triumphet. *Flor.* Haraldus ejecit vos? O ferum hominem! sed ego non timeo: hodie sciet, qui sim, cum hujus illum facinoris coram Lisbio arguam. Quo me donastis, hoc munus sanctum obfirmat pectus: satis armatus sum, vel si concitatus furore orcus irruat, invictus stabo. *Rust.* Sic places. Quod si tamen, ut homines sumus, cum ad rem ventum erit, trepidare cor senseris, huc oculos conjice! Hæc Virgo est mulier fortis, & fortem faciet. *Dion.* De te nihil spera, quia infirma est caro, pro te omnia, quia MARIAM amas, & ipsa te. Jam vale, fili, notas tibi repetimus latebras, ne hospiti fraudi simus. Si qua opus est

A a

Lisbio

(*) Imagines exhibet.

Lisbio nostra opera, cum redierit, admone: reperies orantes Deum, ut instanti pugnae animos praeparet. *Flor.* Servet vos nobis coelum! obedio jussis. At ego sic sentio calere pectus, ut nolim latere amplius! (*) Affixum pectori splendeat hoc signum palam, & sciat Orbis, quam te, & tuum amem Filium, O Virgo Mater!... Hem! nola sonuit: ad pugnam Haraldus vocat. Heu! quod monstrum video!

S C E N A V.

Haraldus. Florillus. Lisbius. Visbius.

H *Araldus.* Gaude Mercuri! nunquam pretiosius colebaris. Sed hinc tua potentia fulget illustrius, quod per tuos inimicos hunc honorem paraveris tibi. Christicolis hanc Lararii magnificentiam debes: Triumphat!... Puer, cito Dominam ad hoc spectaculum evoca. *Flor.* Putas acceptum fore? *Har.* Quid hoc interrogas? *Flor.* Quia, nisi insanam credis, tandem ultra non potest placere truncus altari impositus. *Har.* Inferi! jam tu quoque crocitare didicisti cum corvis?... Sic est: hem! palam signum contempti Dei ostentat impudens. Abi stygis pabulum, aut victimam Deo immolo. *Flor.* Cui Deo? nam iste tuus Mercurius unde se DEUM probat? Christum autem si DEUM vocas, en jugulum! immolari gaudium est: Christianus nihil, nisi peccatum, timet. *Har.* Portentum pueri, insultas viro? *Flor.* Provoco. Sed herus redit. Ah here, quae est haec audacia viri, qui te absente restituit idolum arae, quam tu hodie sacram Deiparae honoribus cupis! nunquid ut dejiciam, jubes? *Lisb.* Vah! Spectaculum insolens! hoc ausit aliquis domi meae! *Flor.* Ruat informe lignum! in ignem truncus! *Har.* Siftis impie! *Visb.* Temerarius puer! *Flor.* In ignem! *Visb.* Non prohibes nefas, Pater?

(*) Iconem B. V. affigit pectori.

Pater? *Flor.* Imo nonne sic jubes, here? *Lisb.* Florille places, sed quiesce tantillum: nondum facinoris generosi satis dignum Theatrum habes. Spectator sit Dionysius. est necesse, ut laudem feras. *Har.* Dionysius nempe, quem ex Fescennii adventu trepidum jam fuga abstulit. I nunc, & Christicolarum fortitudinem jacta. *Flor.* Prô! quid est hoc? tantum virum non pudet mentiri! Here! non fugit vir sanctus, sed cum ignominia hinc ejectus est domo, ab hoc Haraldo. Scio, ubi moretur, vis, ut revocem? *Lisb.* Perge celeriter. *Flor.* Inducias habes Mercuri, sed cum rediero, vœ tibi! *Har.* Rumpor ira! *Lisb.* Me vero oporteret irasci, si Christianus non essem. Nunc, quoniam mansuetudinem Christus imperat, hoc interrogo, qua tu auctoritate in ædibus non tuis hæc agis tu? *Har.* Cavebam tibi, & pro te sollicita jubebat Larcia: num injuriam feci? *Lisb.* Jubebat Larcia! dominari mihi mulierem passurum credis? injuriam viro facis. I, nuntia uxori, sollicitudinem de me ponat; non ita imprudens sum, ut opus sit consilium a femina petere. *Har.* Atqui video te a Senatu abesse, qui contra Christi assecclas convocatus est, quid? hoc viri prudentis consilium vocas? *Lisb.* Postquam audiui, cur sit coactus, non decebat intrare. Decernant Collegæ de absente, quod volent: Lisbius nihil, nisi peccatum, timet. *Har.* Non diu amplius insultabis. Blasphematur Mercurius, contemnitur soror, puer petulans exsibilat virum, & Lisbius ridet! hoc ferat Haraldus? vindicabo. *Lisb.* Pueros sic terre! Lisbius nihil, nisi peccatum, timet. *Visb.* Ah! Pater!

S C E N A VI.

Lisbius. Visbius.

L *Isbius.* Et tu adhuc ingemiscis, mi fili? *Visb.* Nempe quia sic ego infelix Filius sum, qui Patrem habeam Deorum hostem. *Lisb.* Felix eris, si Patrem sequeris. At age, quod tibi in me displicet

cet facinus; quod minus dignum videtur viro prudente, ac nobili? *Visb.* Per Matris lacrymas, per meam orbitatem, per familiæ luctum precor, ut accedas Senatum, quo es vocatus, neque adeo te ipsum prodas, ac opes, famam, honores, vitam improvide prodigas. *Lisb.* Senatum accedam, qui contra Deum coactus est, quem a me coli nosti? *Visb.* Ah! contra Deum! in quo tu stipite Deum aspicias, ego vix hominem video. *Lisb.* Scilicet non habes oculos meos. Tamen, si hoc solum petitur, fiat, quod petitis, accedo Senatum. I, nuntia Matri. *Visb.* Irrides Pater? *Lisb.* Serius loquor: Accedo Senatum, & Romana mandata audiam, at, non ut probem, audiam. Cum legentur, filii, cum tumens ira Præses nostram reposcet sententiam, palam assurget Lisbius, palam affixum cruci attollet DEum, & diplomatis damnabit sævitiam. I, nuntia Matri. *Visb.* Heu! quid loqueris, chare Pater! quod facinus meditaris immane, barbarum, horridum, execrandum! *Lisb.* Facinus DEO gloriosum, mihi utile. *Eo. Visb.* Ah! siste, obsecro! jam muto preces. O si quid filius potest exorare Patrem, ne quæso, Senatum intra! in quas me miseras projicis! *Lisb.* Sine. *Visb.* Sinam in mortem ire? non sino per quidquid charum, quo ruas, cogita. *Lisb.* Cogitatum est satis. Si Patrem diligis, premis vestigia. Sequere! in cælum imus. *Visb.* Ah! si in cælum imus, cur sine Matre eam? Si occideris Pater, quid mihi, quid Matri fiet? vive, obsecro! Si errare videmur tibi, errores dedoce! dissimula tantisper, quis scit, lætus an non tandem venturus sit dies, quo pectus impletum virtute supera audeat profiteri fidem tecum, quam refugit modo, eumque, quem colis tu, ego & Mater pariter colamus Deum. Miserere Pater! *Lisb.* Hem! nunc loqueris aliquid. Spes ista vincit. Utinam hæc adsit hora brevi, qua tu, & Mater cessetis amare me, & cor totum meo donetis, qui solus amorem meretur, Deo! Senatum, quoniam sic vis, accedam, & qua licet, personam etiam dissimulabo: num satis hoc tibi? *Visb.* Satis Pater! nunc amas me. *Lisb.* Jam

tuvicissim hoc agas velim, ut advenas, quos adducet Florillus, hic dormi occultes meæ. Cave, ne quid illis aut ab uxore, aut ab Haraldo contingat mali. Secus si fiat, qui sim, quantumcunque resistatis, clamabo palam.

S C E N A VII.

Visbius. Haraldus.

Visbius. Beasti me. O factum bene, quod falsam spem ruenti in exitium objecerim Patri! nunc exarmanda & Mater erit. Felix ades, Haralde! *Har.* Quid triumphas? *Visb.* Discussæ nubes sunt, redit Sol. *Har.* Eja! *Visb.* Mutavit mentem Pater, & abiit in Senatum. *Har.* Serio? *Visb.* Sic est. *Har.* Mutaverit se Lisbius, non se mutavit Haraldus. Stat vindicare me, & ulcisci Mercurium. *Visb.* Pueri petulantia virum lædit. *Har.* Nisi petulantiam vir approbet. Vidi, sensi sarcasmos, quibus illudit Lisbius mihi, cum insultaret Haraldo Florillus. *Visb.* Crede avuncule, alius jam est parens: in Senatum ivit. *Har.* Et ego ad Præsidem eo, ad quem jam præcessit Soror. *Visb.* Mater ad Præsidem ivit? quid factura? *Har.* Accusatura virum rebellem Diis. *Visb.* Prô miserum me! non erit rebellis ultra: num centies dicam? *Har.* Quoties voles, non credam tamen. Pereat, qui odit Deos! *Visb.* Tene hæc decet loqui? te Matrem sic concitare? Ah! si quid amas cognatum sanguinem, miserere Visbii Parentem serva! *Har.* Amicus tu, amicus Parens, sed magis amici Dii. Atque ut intelligas, quam non sim inimicus Lisbio, hoc scito, non id me agere, & Sororem, ut ipse pereat, sed ut pereant in visi Deo advenæ. Si mentem, quod ais, mutavit Parens, agat, quod petet Præses, & suo etiam suffragio publice Dionysium, & affeculas damnet. Sic probabit, qui sit. Faciet? *Visb.* Ah! Haralde, non sufficiat tibi, quod se dissimulet Parens? *Har.* Hem!

trepidas! sentio, fucum facis: nihil mutavit se Lisbius, ad Præsidem eo. Tu, si Patri caves, hoc cave, ne qua evadant advenæ, & cum illos Florillus adduxerit, blando sermone detine, donec satellitium adsit a Præsede. Sic consules Patri. *Visb.* Sic scilicet! *Har.* Consilium bonum consulo: nam abscissa radice facile arefcet arbor, & ereptis Magistris Discipulus mutabit sententiam.

S C E N A VIII.

Visbius. Florillus.

Visbius. Miserande Pater! doleo, quas pateris vices. Et quid jam ego faciam? Haraldo, an Patri obsequar? Servatos hic advenas cupit, ille perditos!... At en! quid adeo solus puer, & cur tristis? *Flor.* Ah! sine me Lisbio loqui: scelera forum obsident, furor plateas tenet: Eleutherium vidi captivum ad Præsidem trahi: Dionysium, & Rusticum non inveni: forsan ambos jam carcer habet. *Visb.* Utinam! Tu celer in curiam perge, & rem Patrinuntia. *Flor.* Quid ais? in curia reperiam herum? *Visb.* Sic ajo: perge ocyus. *Flor.* In curiam herus nunc? Quid cogitem? *Visb.* Juva Mercuri, & serva parentem mihi. Prô! quanti me fluctus jactant. Amor, dolor, religio, ira, metus velut multiplici ariete hoc pectus quatiunt... juvat tamen Haraldo obsequi, & si nondum capti sunt, captivos Præsidi advenas sistere, ut eorum cruciatibus forte commotus Parens aliud consilium capiat. Fallor! an ipsi intrant? Salvete, o boni Viri! quousque vagi vos ipsos inseritis laqueis, quos Præses tendit? Domum Parens offert, ubi latere securis liceat, nam Matrem ego placabo vobis.

SCE-

SCENA IX.

Visbius. Dionysius. Rusticus.

D*ionysius.* Dominus JESUS pro hac humanitate gratiam tibi referat! sed de latebris jam non est cura: hoc te oramus, valedicere ut Patrilineat; nam ad Præsidentem imus, ut moriamur, ne moriantur pro nobis alii, quos hospitii suspicio premit. *Visb.* Imo servate vos nobis, ut possitis prodesse. Tuto latetis, postquam persuasimus Parenti denique, ut in curiam iret, & ut pristina Sacellum formæ restitueretur, permisit. *Dion.* Heu! infelix Lisbi! sic credam mutatum esse animum tibi! *Rust.* O boni Coelites, succurrite misero, & reddite mentem bonam! *Visb.* Quid exclamatis? non est diversus a se Pater: videri tantum cupit, donec Coelum serenius rideat. *Dion.* Non licet sic fingere, & hæc simulatio scelus est. *Rust.* Et qui erubuerit Dominum JESUM coram hominibus, erubescet & ipse eum coram Patre suo. *Dion.* Unus est Deus, unus Dominus: gravem injuriam *uni* facit, qui colit *plures* honore pari, graviorem, si truncum aut lapidem, gravissimam, si juratos hostes Numinis, & miserabiles ad æterna incendia damnatos Spiritus æquali cultu dignos esse, per execrandum mendacium profitetur. *Visb.* Excusationem tamen meretur mendacium, & simulatio, quam extorquet necessitas; nisi per hoc medium, mala extrema non effugiet Parens. Jactura opum, honoris, famæ, & officii, insuper exilium, egestas, carcer, catastæ, tormenta, & terribilium omnium terribilissimum, mors imminet, mors violenta, infamis, atrox! *Rust.* Hæc tu mala extrema vocas, quæ pueri nostri, & puellæ Romæ nuper cum risu sustinuerunt? O bone Visbi, prudentis est, *inter duo mala* minus eligere: tormenta minatur Tyrannus, tormenta Deus, ille momentanea, æterna iste: quid prudentia imperat? cui parendum est? *Visb.* Si tam rigidum habetis Deum, quis ei servire velit? *Dion.* Ah! exoptanda servitus est, imo unice exoptanda, & sola. Ecce
vix

vix homo est, qui non serviat homini: Rusticus civi, civis nobili, nobilis principi famulatur: & tamen hominibus, O Visbi, si nemo serviret, mirandum non esset, quia raro fit, ut ad præstandum homini servitium magna aliqua utilitas alliciat, rarius, ut impellat æquitas, rarissime, ut necessitas cogat. Verum de Deo nostro, si qualis sit, recte animo concepisses, mirareris, fieri posse, ut vel unus sit hominum, qui non fideliter obediat, promptusque semper etiam ad difficillimum obsequium sit: adeo nihil est hac servitute æquius, si consideres Dominum, nihil utilis, si attendas mercedem, & si ad ipsam hominis conditionem respicias, nihil necessarium magis. Sine, obsecro, quoniam huc nos sermo deduxit, paullo pluribus explicemus, quam sit harum conditionum utilis consideratio, & ad solatium tibi. *Visb.* Dicite; neque enim stolidam credo doctrinam esse, quam persuadere Patri potuistis. *Dion.* Igitur hoc primum intellige, fieri non posse, ut felix sis, nisi aut in conditione Domini, aut in conditione Servi. *Visb.* Sic est: nam conditio media nulla datur. *Dion.* Jam, Dominus ut sis, qui ab omni servitute exemptus nullum supra se Dominum agnoscere debeat, fieri non potest; neque enim adeo desipis, ut credas, Deum te esse, qui solus a nullo dependet. Homo es, a Deo creatus: ergo Creator est Dominus tui, & tu illi servitium debes, neque aliunde, nisi ex hac servitute, tuam felicitatem sperare. *Visb.* Hoc palpo: sed quis sit ex tot Diis Creator meus, hoc dicite. *Dion.* Postea intelliges: nunc hoc certum sit tibi, ab uno, non a pluribus creatum te esse. Nam si in formando te plures junxissent operam, cur junxissent? aut quia unus non sufficit? ergo impotens: vel quia libere maluit cum aliis agere? ergo imprudens fuit, quia improvide voluit te pendere a pluribus, atque adeo non uni soli famulatum debere. *Visb.* Video stringi me, ut fatear, unum esse, unum solum, qui fecit, ut sim. *Rust.* Ingenues. Superest, ut, quam intelligis uni debere te, servitutem uni servire velis: sic beatus esse in conditione Servi potes, cum conditio Domini

con-

conditioni creaturæ repugnet. *Visb.* Beatum me ut servitus faciat, nova mihi sententia est: exponite clarius. *Rust.* Immo ita beatum hæc servitus facit, ut, nisi servias Creatori, æternum futurus sis miser. *Dion.* Adverte per ordinem, quid docearis. Qui *Titulo Domini* beatus esse non potest, hoc ei superest unum, ut *Titulo Servi* beatum se faciat, & erit utique beator, qui meliori, beatissimus, qui optimo Domino servit. *Visb.* Evidens conclusio est. *Rust.* Age jam, & elige, si potes, elige meliorem Dominum, quam sit is, qui te creavit. Unus creavit te, & quo minus crearet te, quis obistere potuit? solus igitur Creator est, qui te, si servias, ut decet, beatum, & si non servias, miserum potest facere, quidquid contra nitantur alii. *Dion.* Ita sicut *totum esse* tuum, sic *totum bene esse* a Creatore pendet. Et o quam bene est illi, qui hoc intelligit, & sicut intelligit, agit! Attende discrimen, quo differt, qui DEO, & qui homini servit. Homo homini servienti sibi victum præbet maligne, vestitum vel nullum, vel vilem, mercedem exiguam: non sic Creator. Homo cum servo agit imperiose, urget laboribus, incurium increpat, negligentem expellit, diligentem etiam ac fidelem vix oculo blando, aut verbo leniore dignatur: Creator quem, putas, victum præbet famulantibus sibi? Ah! usque ad delicias, usque ad delicias amat! qua veste induit? veste gratiæ. O bone juvenis, veste gratiæ suæ, cui comparari nullum aurum, nulli pretiosi lapides possunt! & quam promittit mercedem? ipse, ipse erit merces tua magna nimis. Neque gravia imperat, sed leve est onus, jugum suave, & cui portando, ipse per gratiam suam succollat, recreans fessum, excitans languidum, blandiens negligenti, infidelem leniter increpans, patienter sustinens, nec, nisi invitus, ejiciens. Qui vero fidelis est, eum DEUS tenerrime amat, ita ut non jam servum appellet, sed vocet amicum, nec amicum modo, sed etiam filium nominet, ac ne nomen inane putes, hæredem faciat. *Rust.* Et o quantæ hæreditatis! suspice, charissime, suspice! coe-

lum est hæreditas tua: Cœlum, ille locus deliciarum, unde omnis dolor, & tristitia exulat: Cœlum, illud supremi Regis palatium, cujus pavementum tot aureis stellis collucet: Cœlum, cui si comparas hortos Principum, fineta sunt, si arces Cæsarum, tuguria sunt, si Elysiorum delicias, miseriæ sunt: Cœlum cujus gaudia nec oculus vidit, etiam qui omnia vidit, nec auris audivit, etiam quæ plurima audivit, nec mens capit humana, etiam quæ capacissima est. Quid tibi videtur: non æquum, non utile est, ut servias Domino tam bono, pro mercede tam grandi? *Visb.* Vehementer urgetis. *Dion.* Nempe quia beatum te esse cupimus, futurum miserum, nisi servias. Nam velis, nolis, serviendum est Creatori, neque unquam spes emancipationis affulget. Quid enim facias? an latere inobedientia, & rebellio poterit? DEus omnia videt. An oppones te imperanti? DEO resisti non potest. Dæmones forte invocabis, quales in lignis, & lapidibus colitis, ut te juvent Creatoris jugum excutere? frustra es: ipsi mancipia sunt rudentibus inferni ligata. Coelestes Spiritus trahes in partes? fideles ministri sunt, nihil audient. Res cæteras creatas implorabis? Bestias, elementa, Orbem terrarum in sceleris communionem invitabis? Actum est: Orbis terrarum contra te cum Creatore pugnabit. Unum est reliquum, ut DEus ipse te eximat, & a necessitate serviendi absolvat. Sed absit! potuit creare te DEus, vel non creare: Sed postquam creavit, tam necessarium est, te esse servum, quam necessarium est ipsum esse DEum; nam si tu per ejusmodi exemptionem cessares esse servus, DEus cessaret esse Dominus, atque quod idem est, esse DEus cessaret. *Rust.* Quod si posthæc omnia adhuc insurgis feroculus, & clamas: *Non serviam!* Clama, clama! fortasse connivebit ad tempus Creator, & sinet te ferocire aliquantum, sed non ideo liber es. Circumfusus undique te Numen tenet, servire debes. Hoc relictum est integrum, num servire malis *ad gloriam Misericordiæ*, beatus in cœlo, num *ad commendationem Justitiæ* æternum infelix in inferno. *Dion.* Denique

nique hoc habe breviter: *Servire DEO regnare est, non servire, perire.* *Visb.* Verosimilia dici percipio satis: sed a Parentibus plurium Deorum cultoribus natus, & a teneris in eadem Religione educatus non ita facile mutor, ut subito credam, *uni DEO soli* me servitutem debere: cæteros impune contemni. Colam si vultis, DEum vestrum, sed meos simul. *Dion.* *Unus* te creavit, *ab uno* pendes: a quibus non pendes, non sunt Dii, vana nomina, trunci, miseri diaboli sunt, quibus sine scelere non flectis genu. *Visb.* Cessa convitiari. Vestrum non sperno DEum, vicissim ut meis maledicatis vos, non fero, non patior. Hoc tamen promitto vobis, cum transierit tempestas, quæ minatur exitium Patri, iterum de his audiam vos, si modo nunc moderari zelum possitis, & dissimulare, quod agit Lisbius. En! adest ex curia redux. *Dion.* O infelix! *Rust.* O miser!

S C E N A X.

Lisbius. Visbius. Dionysius. Rusticus. Florillus.

Visbius. Amante Parens! nihil poeniteat te audisse suadentem filium: tua facilitas fecit, ut vicissim audierim ego Doctores tuos, nec procul absim a sensu tuo. *Lisb.* Sic sapias Fili, sic amo te. Et vos o Patres, gaudeo, videre liberos, quos metuebam jam captos esse. *Dion.* Lisbi, Christianum sola peccata ligant. Libertatem nobis gratularis: dole de vinculis tuis. Tu captus es ab amore tui, & tuorum, captus a servili metu Tyranni, captus a scelere. *Rust.* Quo abiit animus ille ingens, quo illa magnifica verba: Christianus nihil, nisi peccatum timet! quo heroica resolutio hodie Deiparæ te devovendi, & ejus famulatum publice, fuso etiam, si opus sit, sanguine profitendi? *Lisb.* Quis iste sermo est, Patres, quid peccavi? *Visb.* O homines imprudentes, & temerarii! sic Patrem, sic vos amatis? *Dion.* Tacere scelus est, quando DEI gloria periclitatur, & animæ salus.

Lisb. Quidenim metuitis? alium me a me creditis? atqui idem est animus, qui fuit prius. *Rust.* Idem animus, at non idem os, non eadem opera. Quousque simulas, bone vir! alium te esse negas, alium hic truncus loquitur. *Dion.* (*) Huic debetur ara! Eja, si idem es, monstrum dejice: sic probas fidem. *Lisb.* Hoc, Dionysi, quæso, ne impera. *Visb.* Sic places Pater. Nec quiescetis tandem? *Tempori* servire prudentia jubet. *Dion.* DEO servire omni tempore, Justitia exigit. *Lisb.* Sancta doctrina est: sed honor idolo fiet, si manu virili caderet. Florille! *Flor.* Ecce me! *Lisb.* Invade truncum, dejice! sterne! calca! *Flor.* In ignem trunce, in ignem! *Visb.* Heu! deceptus sum infelix filius! *Dion.* *Rust.* decepti nos! *Dion.* Probasti fidem, Lisbi, amplector te! *Rust.* Triumphas Christe! *Visb.* At tu pæana canis ante victoriam. Me hoc spectaculum cruciat! quid jam ago? *Lisb.* Te cruciet, qui non abes procul a sensu meo! *Visb.* Sic eram: sed quoniam non estis tractabiles, i, rue in exitium ferox Pater! perge, quo furor impellit, jam nihil moror. Funus ipse tuum, & tormenta videbo intrepidus, & nihil dolens. *Dion.* Inno exulta, fili, de sorte tua. Mors Patris filium in eadem vestigia trahet. Jam nunc, sic me Numen amet, te veneror Christi Martyrem, qualem post biennium videbit Roma. *Lisb.* Hoc faxit Numen! beatum facit! *Dion.* Huc verte oculos, pro hoc morieris! *Visb.* Phantasma! nœniæ, deliria! *Dion.* DEI mihi loquentis vaticinia sunt. *Visb.* Jam nunc me Matri jungo, ut palam sit, quantum decipiaris deceptor miser. Ad Præsidem eo. *Lisb.* Perge cito: facis, quod suadent scelerum Patroni Dii.

SCE-

(*) De Icone B. V. loquitur.

S C E N A XI.

Visbius. Haraldus.

V*isbius.* Facio, quod suadent scelerum ultores Dii. Est mihi testis coelum, nil sponte ago. Cogit Deorum honor calcare amorem Patris. *Har.* Vah! nigro notanda calculo infelix dies! *Visb.* Age, quid furis Haralde! in curia quid est actum? nempe subscripsit sententiæ contra advenas Parens? *Har.* Euge! cum Decretum Romanum Præses legit, (audi, & stupe audaciam viri,) surrexit Lisbius, ac insolenti fastu decretum impium, Deorum cultum sacrilegum, Crucifixum DEum & unum, & solum esse palam proclamavit. *Visb.* Heu me! & Præses quid? *Har.* Pressit iram, contentus jussisse, ut Senatu excederet, & teneret se domi suæ. Nunquid est intus? *Visb.* Triumphat, & velut in re bene gesta plaudit sibi. *Har.* Urget jam poenas Larcia & severas, & celeres: licitor imminet. Sed quod me in rabiem agit, hostes Deorum advenæ in suis latebris requisiti, reperti non sunt: timeo, ne longior fuga impios homines subtraxerit nobis. *Visb.* Utinam! *Har.* Quid utinam? forte jam tu etiam hausisti virus? *Visb.* Utinam evasissent! saltem Parens liberari posset a ferro infami. Nunc infaustos bubones secum habet miseræ sortis augures: hinc illæ lacrymæ. Jacet Mercurius stratus Florilli manu, paratur Altare, & sacramentum dicet Parens Dei, ut vocant, Matri. *Har.* Sic mentem peregrina novitas fascinavit. *Visb.* Falleris: negant advenæ, hunc in Gallia cultum novum esse. Nam cum idem ego nuper objicerem, interrogarunt illi, nihilne de Sybillis, nihil de Altari audivissem, quod jam centum, & amplius abhinc annis nostri (*) Druidæ extruxissent Cornuti in spelunca subterranea, cum adjuncta inscriptione: *Virgini Parisura?* & addebant, Statuam ibi dedicatam prodigiis claram fuisse,

B b 3

testem-

(*) Sunt Sacerdotes Galli.

testemque asserti sui Julium Cæsarem citaverunt. *Har.* Versuti sunt homines, & nempe sic Patri tuo se insinuarunt. *Visb.* Sed quidquid sit, si Mater est DEI, quam illi prædicant, non ideo cæteri Dii nostri cessant esse Dii: isti autem nos penitus esse novos volunt, hoc non ferendum est. *Har.* Et quod Majorum ritus, velut si desipuissent omnino omnes, & isti soli saperent, ita damnent impudenter, ferendum minime. *Visb.* Sane, nisi velimus irasci nobis omnes DEos, ut placeamus ignoto DEO. *Har.* In nido opprimi jam istæ volucres possunt, & forte sic placabis Præsidentem Patri, si locum prodis. *Visb.* Te sequor ducem. Fortunent Dii!

C H O R U S.

Antiquus B. V. Cultus Monachii semper fit novus. *

Genius Marianus. Genius Sodalitatis. Comites.

Gen. Mar. **S**istite! tenemus Regiam
Olim Mariæ addictissimam.
Priusquam pergamus alio,
Trahenda hic mora est,
Et explorandum sedulo,
Num adhuc vigeat antiqua Devotio.

Exhibetur Regia Monacensis, pone quam Genius Marianus descendit ex nubibus.

Comes. 1. Antiqua certe hic exhibet se
Virginis Statua *
Artificiosa, magnifica.

* *Ærea Imago prostat inter geminas Palatii portas, cum supposita lucerna.*

Comes 2. Et ardet etiamnum candela *Synbolica.*
Gen. Mar. Omen bonum video: gaudeo.

Trio.

* *Præfecturam Sodalitatis hoc anno clementissime acceptavit Serenissimus Princeps Clemens Crescentius Ultr. Bav. & Sup. Pal. Dux &c. &c.*

Trio.

Flamma sancta surge, cresce,
 Magis, magis exardescere!
 Temporis injuria
 Tibi sit innoxia.
 Nihil in te multa hora,
 Nihil longa possit mora:
 Ardes quo diutius,
 Ardeas serenius!

Comes. 1. At en! commode se infert obuius,

Ex quo certiora intelliges,
 Sodalitatis Latinæ Genius. *

* Prodit ex aula libellum
 supplicem volvens, &
 secum plaudens.

Comes. 2. Prô! ut fulget

Novis superbus vestibus!

Gen. Mar. Suspectares! nam quid? si a se degeneravit?
 Si cum veste mores antiquos miser mutavit?

Averte malum MATER PROPITIA!

Gen. Mar. Subscripsit manu propria:

Magna Domine Servus Perpetuus

CLEMENS CRESCENTIUS.

Exosculor! plaude Sodalitas!

Gen. Mar. Amice! quæ gaudia nuntias?

Gen. Sod. O Salve Mariane Genie,

Ut ades in tempore!

Nova habeo: nova lætissima,

Quibus beat ista me Regia.

Ut mihi daret Præfectum Principem,

Iterum supplicavi,

Iterum impetravi. Nimirum

Arietta.

Incitamenta.

2.

Pruritus res novandi,
Antiqua immutandi,
Plerumque est inutilis,
Rarissime laudabilis,
Et fere inanissimæ
Partus gloriolæ.

Gen. Sod. Amice, nihil metue:

Quæ objicis, ut brevis sim, solvo Philosophicæ
Dico: anxius es merito,
Si nova est, quam indui Devotionis Substantia:
Immerito, si sola nova sunt Accidentia.
Quid autem loquor auribus? oculis utere,
Et ut intelligas, quæ mea sit novitas,
Oratorium ingredere. *

Gen. Mar. Superi! quæ me rapit angusta species
Cultus insoliti,
Qualem non vidi alibi!

Comes. 1. Antiquus est!

Comes. 2. Novus est!

Gen. Sod. Novus, & antiquus est.

* Exhibetur novus
fervor omnium Or-
dinum, & Statuum,
post translationem
Conventuum in diem
Sabbathi.

Aria.

Antiquum cultum colo:
Ne vero antiquetur,
Ut nova conservetur
Per adjumenta, volo.
Sic utili consilio,
Dum esse novus ambio,
Antiquus maneo.

C c

2. De-

Hæc erit Deiparæ
Ex omnibus Sodalitatibus
Prima in amoribus.
Ego pergo ad cæteras,
Felix, si tuæ similes reperiam alias.

Gen. Sod. Saltem decretum est, in isto litis genere
Nulli alteri cedere.

Aria.

Hæc decet Sodales arena
Honoris, ac meriti plena,

Certare,

Quis *DEIPARAM*

Tenerius possit amare :

Amenus!

Certatim amemus!

DUCE CRESCENTIO

Crefcat contentio!

Præit: sequamur!

Certatim, *certatim* sequamur!

Hæc sancta, hæc dignissima

Est lis de *præcedentia*.

PUNCTUM II.

S. Lisbii ex cura Profectus.

S C E N A I.

Lisbius. Dionysius. Rusticus. Visbius.

L *Isbias.* Absolvifyngrapham: meditari jam verba juvat, quæ dictastis, ut exardeat cor, & se devotius consecret. *Dion.* Prudens consilium est, & bona ratio. *Rust.* Sic incipis: *Sanda Maria,*

Maria, Mater Dei, & Virgo: verba pondus, & sensum gravissimum habent. *Dion.* Quidquid de Maria magnificum diximus tibi, hac synopsi includitur, summa Sanctitas, qua splendet, *Sancta Maria*, summa Dignitas, qua eminet, *Mater Dei*, summa Puritas, qua gaudet, & *Virgo*. *Lisb.* Sic est: hæc tria omnia in memoriam revocant, quibus ad amandam Virginem me incitasti. *Russ.* Repetere juverit. *Sancta Maria!* Sanctitas, vir magne, duo complectitur, *copiam* virtutum, & *excellentiam*. Cum de copia virtutum Mariæ diximus, iussimus te Coelum aspicere, & numerare stellas, si posses: meministi? *Lisb.* Et jucundus aspectus fuit, quia quocunque vertebam oculos in vitam Virginis descriptam in Evangelio, innube coelum apparuit, & luminibus *sine numero* splendens. *Dion.* Sed numerum *excellentia* vincit, cujus magnitudinem quatuor dimensiones efficiunt, ex quibus quanta sit Deiparæ Sanctitas, conclusimus. *Lisb.* Recordor omnia, & primum, dicebatis, tanto major est virtus, quanto major est *promptitudo voluntatis*, qua exercetur. *Dion.* Et quis promptior esse potuit præ Maria, quæ sola sine labe Originis, unde nobis tot virtutis obstacula sunt, felix concepta est. Deinde tanto major est virtus, quanto *gratior est Deo anima*, in qua recipitur. *Lisb.* Et quis alius fuit gratia DEI plenior, ac Maria? nullus utique Sanctorum fuit, imo nec simul omnes; nam quid denique omnes sunt, nisi Servi Dei, ipsa autem Mater est. *Dion.* Postea tanto major est virtus, quanto *sublimior finis*, propter quem exercetur. *Lisb.* Ah Maria, sola, sola ipsa, quidquid egit, nunquam distrahe, nunquam ex impetu, nunquam ex naturæ impulsu, nunquam ex inferioris virtutis motu egit: omnia ad sublimiæ charitatis exercitium direxit. *Dion.* Denique tanto major est virtus, quanto *frequentius* agit. *Lisb.* Et quis actus virtutum potuit magis multiplicare, quam Maria, quæ sola etiam dormiens rationis usu non caruit, & nullum motum pium accepit, cui non tota virium intentione collaborasset. O sancta, o sanctissi-

ma anima, cujus *memoria* semper innatavit suavissimo mari Divinitatis! cujus *intellectus* semper habitavit in lumine clarissimo summorum Mysteriorum! cujus *voluntas* semper arctissime adhæsit castis amplexibus Sponsi Divini! cujus *animus* semper serenus, noctem tristitiæ, intemperiem iræ, nubila cupiditatum, turbines timorum semper ignoravit! *Rust.* Nempe sic decuit. Palatium Virgo fuit, quod exstruxit Artifex *sapientissimus*, & infinite *dives*, & exstruxit *pro se*: credine potest, quod pepercerit sumptibus? *Lisb.* Vis dicere, cui de gratiæ magnitudine, qualem de Maria prædicatis, aliquod dubium est, illum nescire nempe, quantam Virginis dignitatem hæc verba efferant: *Mater Dei.* *Dion.* Dignitas est, quam admirari præstat, quam laudare. Relativa sunt Mater, & Filius: igitur quam parum explicare possum, quid sit esse DEum, tam parum possum dicere, quid sit esse *Matrem DEI.* Neque tamen, o Lisbi, (dicere ausim,) neque tamen hic titulus est, quo illa maxime compellari gaudet, nisi tertium addas, & *Virgo*: hoc illi nomen placet, quia Virgo Virginum est. *Virgo prulentissima*: quæ cum Maternitatem recusaret, ut servaret virginitatem, admirabili prodigio & hanc servavit, & illam obtinuit. *Virgo veneranda*: quia tantæ verecundiæ, ut vel cum Angelo loqui metueret. *Virgo prædicanda*: quippe tantæ cautelæ, ut quanquam confirmata esset in gratia, tamen ita custodiret sensus, & pericula fugeretur, ac si fomite non careret. *Virgo potens*: quia, cum vixit in terris, solo aspectu, cum regnat in coelis, solo nomine Asmodeum fugat. *Virgo Clemens*: quia tenere compatiens miseris, qui in cænum prolapsi sunt, modo opem implorent, & surgere satagant. *Virgo fidelis*: deferens neminem, nisi a quo prior deferitur. *Lisb.* O Superi! quam dulce pabulum mentis vel in uno verbo offertur. *Visb.* Pater! *Lisb.* Iterum turbas? non sum Pater Filii, qui hanc Matrem non colit. *Visb.* Aliud volo. Nunc sape saltem, & hanc Imaginem conde: jam cum satellitio propinquus Haraldus ad-

est, ad tribunal rapturus hostes Deorum: aut trade, aut simul trahent. *Lisb.* Bonus es nuntius, simul ibimus. Sed prope-
randum Sacramentum est, quo me Virgini voveam, ut fortior
in prælium earq. *Dion.* Accede igitur, ecce Mater tua! *Lisb.* Do-
mina mea! *Rust.* Accipe ardentem cereum, Symbolum aman-
tis animi! *Lisb.* O Maria, tu scis, quibus incendiis hoc pectus
æstuet, ut te videam jam non in imagine, sed vivam, immorta-
lem, gloriosam! Magna Domina, quanto beneficio devincior ti-
bi, cum in servum accipis misellum hominem. *Visb.* Ah! Pa-
ter, Haraldus adest! *Lisb.* Heu! pudet serviisse hætenus profa-
nis gentium simulacris, serviisse concupiscentiis pudet. *Dion.*
Adeste Angeli, ad hoc spectaculum! propinqua Visbi, disce, quod
docet Pater. *Visb.* Metus, & dolor diserpunt cor: meus non
sum! *Lisb.* Nunc, nunc unum adoro Dominum, tuum, o Vir-
go, Filium: unam veneror Dominam, te, te unam! tuum me
servum perpetuo gloriabor. Testis hæc sit syngrapha, testes
Coelites, testis cordis arbiter Deus, testis sanguis, quem jam profu-
sum eo. *Dion.* Rumpe costas pectus, & spatium concede gau-
dio, quod mentem obruit. *Visb.* Heu! jam ingressus est mi-
les. *Lisb.* Obvius venio: Virgo juva! *Dion. Rust.* Eamus, &
moriæmur!

SCENA II.

Persona omnes.

Haraldus. State hic. * *Lisb.* Amice salve. *Har.* Amicus non
est Haraldo, quisquis est hostis Deorum. Præsidis impe-
rium fero acerbum, & grave. Aut tuo quoque calculo hos dam-
nes seductores, necesse est, aut damnas te. Satellites in vesti-
bulo stant. *Lisb.* Lubens trado me. Christianus nihil, nisi pec-
catum, timet. *Dion.* Det tibi Dominus vitam æternam Ha-
ralde,

* Ad Satellites.

ralde, pro nuntio tam beato. *Rust.* Hæc est dies, quam fecit Dominus! *Lisb.* Dies, qua videbimus Dominum, & Dominam a dextris ejus! Fili! tibi hoc Sacellum commendo: cave, mutes, quod statuit Pater. Primum in Gallia dicatum est *Virgini Parenti*, alterum post illud, quod Majores nostri dicaverunt *Virgini Pariturae*. *Dion.* Felicibus est dicatum auspiciis; nam sic mihi præcius animus loquitur: huic Fundamento inædificabitur Regnum Christianissimum, & studiosissimum honoris Marjanî. *Rust.* Caden-
tibus nobis tu adversus hostes defendes te, & portæ inferi non prævalebunt! *Lisb.* Sic triumphas! sic magnificas nomen tuum! hac spe jam felix ad palmam eo. Visbi, non me sequeris? *Visb.* Ah! *Lisb.* Inutilis gemitus est. Video, nondum es fortis satis: eris autem, si posthac pro Patre hanc Matrem ames. Ama, & vale. *Har.* Per stygem, delibera, quid agas, Lisbi! *Lisb.* Quid moras injicis! in cœlum propero. *Dion. Rust.* In cœlum! *Visb.* Sic abiit Parens! *Har.* Mira festinatio fuit. *Visb.* Miser sum! *Har.* Cessa, nihil gravius patietur Pater. Cum procul apparet mortis larva, etiam pueri ridet: propinqua vel viros terrefacit. *Visb.* At non Christianos, qui nihil, præter peccatum timent. Heu! video persistet pertinax Pater. *Har.* Hoc ne permittant, exorandi sunt Dii. *Flor.* (*) Vah! magnum Deum, de quo tantillus superest cinis! *Har.* Quid tu hic, puer? *Flor.* Herum volui. *Visb.* Jam ulciscuntur in Patre Dii sacrilegam, quam fecisti, injuriam scelestus Flagrio! inter lectores Lisbius gemit, *Flor.* Et hæc ultio Deorum est? En (**).... hoc sunt vestri Dii! ego ad herum propero, in vincula, in necem, in cœlum, in cœlum! *Har.* Ut te Styx atra glutiat infamis puer! combusti Mercurii effudit cinerem scelus! hoc audent pueri? & miraris, iratos huic domui sævire Deos! Eja! Si Patrem amas, placa offensa Numina! par pari refer! hanc Iconem lacera, everte aram! *Visb.* Haralde, age, quod tibi videtur. Me intus cupido urit, videndi, quid Patri fiat.

SCÈ-

(*) Prodit cum cineribus Mercurii cremati.

(*) Dissipat cineres.

S C E N A III.

Haraldus. Florillus.

H*araldus.* Agat, quod agit Lisbius: pereunte illo vivet Haraldus felix. Hic dies triumphus mei! Eja! aude Haralde aliquid, quod laudent Dii! Superstitiosum Altare ruat, & confissa Imago cremato parentet Mercurio. Sic decet. (*) Quid hoc schediasma vult? *Sancta MARIA, Mater DEI, & Virgo,* Lisbii hæc manus est, hoc Sigillum: *Tuus vivam, & moriar tuus! ..metotum transcribo tibi... & totus Mundus diligit vos O JESU, O MARIA, amores mei!... mancipium devotum ex asse, Lisbius.* Profecto fervuit vir: & quid sic rapuit; .. Modesta est facies, nihil leve... in fronte majestas sedet, sine superbia.. in genis decor, sine protervia... in labiis rubor sine petulantia... nihil elatum in superciliis... & oculi spirant Divinum aliquid.. vere vultus amabilis est. Deam mihi aliquam videre videor: quin sentio intus flammæ aliquid, & quod insolitum est, sine foetore; purus se amor movet: non satior aspectu: ... Quid agis imbellis anime!.. rapior penitus!.. Præ Dii! totus evanuit furor! num ego Haraldus sum vindex Deorum!.. vinco me! ulciscor Deos! ruat ara, ruat! *Flor.* O JESU solatium meum! quis mihi det mori prote ad heri exemplum mei! *Har.* Quid audio? occisum jam esse Lisbium, ais puer? *Flor.* Felix obiit: ego hoc a moriente spoliū vindicavi mihi. *Har.* Ergo in superstitione pertinax hæsit? *Flor.* Impium edictum Cæsaris rursus, ut approbaret, ostendit Præses, quod ille indignans sceleri laceravit protinus, omnes publice Deos execrans, unumque se adorare Christum professus. Fremuit Barbarus, & sine mora abripi jussit, ac capite plecti. *Har.* Sic meruit rebellis Diis, & Cæsari. Quid autem advenis? *Flor.* Ah! jam & ipsi trahuntur ad necem: solus ego in-

(*) Reperit formulam, & contemplatur imaginem per intervalla.

infelix mori prohibeor. Jo! Haralde, tu mihi hanc gratiam fac: vindica crematum a me Mercurium, occide me. *Har.* Sentis tandem ultores Deos imprudens puer! meruisti mortem: sed vitæ gratiam facio, si facinus detestandum expias facinore meliore. Age, hanc aram dirue, Iconem crema. *Flor.* Crudelis, impie! an ego vitæ gratiam petii? detestor Deos! Christum amplector! amo MARIAM! mori, mori, hoc votum est meum. *Har.* Audacule! si adeo mori cupis, cur ex arena fugisti? *Flor.* Injuriam facis: non fugi. Redire huc Dionysius iussit, ut his armis * Sacellum contra Haraldum defenderem. *Har.* Insultat puer. Intelligo: moram increpatis, & lentam vindictam, O mea Numina! Tandem obedio: ruat ara, ruat! *Flor.* Me vivo, plus ultra non ferēs pedem! *Har.* Vah!.. sed quid ambigo? Spectate Dii, adeste Furix, mactabo vobis hoc fructum pueri. *Flor.* Cervicem porrigo: Accede! feri!

S C E N A IV.

Visbius. Haraldus. Florillus.

Visbius. O prodigia! prodigia!.. heu! quid ferrum micat!
Har. Victimam mactabo stygi. *Visb.* Siste, aut in me verte, sum Christianus! Florille surge, me feri Haralde, sum Christianus! *Har.* Fulmina Jupiter, quam vocem audio! *Visb.* Prodigia, Haralde, vidi, quæ si vidisses tu, fores, quod ego sum. *Flor.* Nempe triumphat Christus! *Har.* Narra tu. *Visb.* Tua Soror Larcia, Mater mea, obstupescere admirabilem eventum rerum! *Har.* Nempe immota adstitit supplicio viri? *Visb.* Occisa est. *Har.* Occisa Soror? *Visb.* Et Christiana! *Har.* Mentire aliud, hoc non credo. *Visb.* Occisa, quam vere vivo, & Christiana. *Flor.* O stupenda virtus Christi! *Har.* Non credo. *Visb.* Audi saltem. Patris, & trium advenarum morti insultans adstabat mulier, cum inaudito prodigio se repente mu-

* Crucem obijcit.

D d

tavit.

tavit. Dionysii capite plexi corpus nempe se attonitis omnibus
erexit in pedes, decussum caput levavit solo, & per 40. passus de-
ferens, in sinum Paulæ viduæ posuit. Dum nos stupemus, re-
pente Mater jam impos sui, Christiana sum! clamat, & in mediam
lictorum turmam prosilit, a quibus, ne plures traheret, jussu fu-
rentis Præsidis necata, secuta est Patrem, post breve certamen
æternum felix! *Flor.* O coelum! & cur hanc sortem mihi invides?
Har. Quæ hæc sunt monstra? *Visb.* Opera sunt magni DEI,
quem ista Virgo peperit. Haralde, ades! ad istam aram aut me
occide, aut mecum magnæ Dominæ, ejusque Filio æternum ser-
vitium jura: sum Christianus! *Har.* Quo trahor!.. sacrilege
Chalybs peri! magnus est Christianorum DEUS! magna DEI
Mater! Stratum, Virgo, Haraldum vide, & immania deprecantem
scelera! heu pudet diutius ante oculos tuos morari! *Visb.*

Gloriosa Domina, imus & nos, & moriemur pro te. *Flor.*

Imus audacter: *Christianus nihil, nisi peccatum,*
timet.



ME-

MEDITATIO II.

VERÆ DEVOTIONIS SIGNA.

ARGUMENTUM.

Post considerata MARIANÆ Devotionis *Incitamenta* ordo postulat, ut *Signa* contemplemur, ex quibus *vera* Devotio a *falsa* discernitur, ne forte idem nos perniciosus error corripiat, quo passim credulum vulgus decipitur: *damnari non posse, quisquis Deiparæ quomodocunque devotus sit.* Vir sapiens, si forte transilire torrentem, & in alterum litus transferre se cupit, baculum, quo fulcire se cogitat, diligenter prius examinat, firmusne, ac solidus, an fragilis, & arundineus sit. Hoc est, quod hodie agimus, atque ne longe abeamus, sicut *Incitamenta* Devotionis ex Formula Mariana eruimus, sic in eadem ejus *Signa* inquirimus, spe bona freti, fore, ut *votiva oratio* ita expensa, in orantium animis motus excitet solatii, fructuumque magis feraces, quam si obiter recitetur. Porro duæ ibi *veræ Devotionis* proprietates leguntur, *Constantia*, & *Puritas*. *Constantiam* promittimus, cum *nunquam nos delecturos Mariam*, & nempe in Ipsius cultu perduratos esse spondemus: *Puritas ad intentionem* pertinet, qua Cultum suscipimus, nempe *hoc fine*, ut tandem *finem accipiat peccatum*, & aboleatur licentia *dicendi, faciendi, ac permittendi*, quod prohibet Deus, & Virgo abominatur. En la pis Lydius! applicemus nostri cordis affectum; probemus, an sit, qualis a Maria probatur.

Mariana Devotionis

Stephano primo Hungariæ Rege talis fuit. Ille post
Africum Filium, Regnum universum B. mæ Vir-
ginitatem Ipsamque Regnam esse voluit, se Vicarium, qui
omnem vitiorum licentiam ex tota ditione pro-
& subditos suos Deiparæ tributarios fecit. Ita Annales
Exemplum nostra imitationis erit
Regni Hungarici in Regnum Marianum conversio.
Primum, Marianæ Devotionis pia susceptio.
Secundum, Marianæ Devotionis generosa executio.
Tertium, Marianæ Devotionis Examensignis ex-
pressis in Formula.

Propositum. Decernamus, non esse contenti Devotione Politica,
quæ in bonis verbis, & gestibus affectatis consistit:
Religiose studeamus, quæ Cor jungit ori, ac operi. In
specie statuamus, certa Devotionis exercitia constan-
ter adhibere, hac intentione, non tam ut avertamus
pœnas, quas meremur, quam ut aboleamus culpam,
cui magis subiecti sumus, aut obtineamus virtutem,
qua magis indigemus. Hæc Intentio Devotionem
hac exiguum laudem, sæpe etiam reprehensionem
meretur.

PERSONÆ.

S. Stephanus Rex.
Africanus Episcopus Colocensis.
Ludolphus Legatus Conradi Cesaris.
Moradinus Legatus Idololatrarum.
Theobaldus S. Stephani Camerarius.

PROLOGUS.

Mariophilus docetur veram Devotionem a suspecta discernere.

Mariophilus. Genius Marianus. Tres Cupidines.

<i>Mario. scribens.</i>	O Bsecro te igitur, suscipe me!	<i>Exhibetur delabrum,</i>
<i>Cupido 1. us.</i>	Mariophile! Mariophile!	<i>Et in eo Arca, figura</i>
<i>Marioph.</i>	Nondum quiescitis	<i>B. V. cum idolo Da-</i>
	Cupidines improbi!	<i>gonis reposita.</i>
	Quoties monui!... suscipe me!	<i>Mariophilus scribit</i>
		<i>Formulam.</i>
<i>Cupido 2. us.</i>	Nihil jam turbabimus,	
<i>Cupido 3. us.</i>	En! ego collectas ex Rosariis	
	Corollas huc fero :	
<i>Cup. 1.</i>	Ego scapularia ornamenta appendo,	
<i>Cup. 2.</i>	Ego odoris varii thymiama accendo.	
<i>Marioph.</i>	Sic laudo vos, sic placetis,	
	Sic agitis, quod debetis.	
	<i>Adfis mihi in actionibus,</i>	
	<i>Et precipue, quod oro unice,</i>	
	<i>In hora mortis, Amen.</i>	
<i>Cup. 1.</i>	Profecto ut tibi faveat, Deiparam obligas.	
<i>Cup. 2.</i>	Nam quid ultra,	
	Quod non fecisti, facere poteras?	
<i>Marioph. *</i>	Bonaventuram hunc meum legite:	
	Intelligetis,	
	Quantum meæ pretium sit operæ.	<i>* Legit</i>
<i>Cup. 3. *</i>	Superi! quam jucunda se offert sententia!	
	Sicut, o Beatissima, omnis a te averfus, & a te despectus,	
	D d 3	<i>Ne-</i>

In sancto Stephano primo Hungariæ Rege talis fuit. Ille post ereptum Emericum Filium, Regnum universum B. mæ Virgini consecravit Ipsamque Regnam esse voluit, *se Vicarium*, qui non nisi *ad mentem Domina* regeret; neque quievit, donec cum idololatria, omnem vitiorum licentiam ex tota ditione proscripsit, & subditos suos Deiparæ tributarios fecit. *Ita Annales Hungariæ.* Exemplum nostra imitatione est dignum, quem proinde in finem præsentis Meditationis erit

Materia. Regni Hungarici in Regnum Marianum conversio.

Puncta duo: Primum, Marianæ Devotionis pia susceptio.

Fructus. Secundum, Marianæ Devotionis generosa executio. Rigidum nostræ Devotionis Examen ex Signis expressis in Formula.

Propositum. Decernamus, non esse contenti Devotione *Politica*, quæ in bonis verbis, & gestibus affectatis consistit: *Religiosæ* studeamus, quæ Cor jungit ori, ac operi. *In specie* statuamus, *certa* Devotionis exercitia *constanter* adhibere, *hac intentione*, non tam ut *avertamus* pœnas, quas meremur, quam ut *aboleamus culpam*, cui magis subiecti sumus, aut *obtineamus virtutem*, qua magis indigemus. Hæc *Intentio* Devotionem Marianam *in signa Prædestinationis* reponit: sine hac exiguam laudem, sæpe etiam reprehensionem meretur.

PERSONÆ.

S. Stephanus Rex.

Astricus Episcopus Colocensis.

Ludolphus Legatus Conradi Cesaris.

Moradinus Legatus Idololatrarum.

Theobaldus S. Stephani Camerarius.

P R O.

PROLOGUS.

Mariophilus docetur veram Devotionem a suspecta discernere.

Mariophilus. Genius Marianus. Tres Cupidines.

Mario. scribens.

Cupido 1. us.

Marioph.

Obscuro te igitur, suscipe me!
Mariophile! Mariophile!

Nondum quiescitis

Cupidines improbi!

Quoties monui!... suscipe me!

Nihil jam turbabimus,

En! ego collectas ex Rosariis

Corollas huc fero :

Ego scapularia ornamenta appendo,

Ego odoris varii thymiama accendo.

Sic laudo vos, sic placetis,

Sic agitis, quod debetis.

Adsis mihi in actionibus,

Et precipue, quod oro unice,

In hora mortis, Amen.

Profecto ut tibi faveat, Deiparam obligas.

Nam quid ultra,

Quod non fecisti, facere poteras!

Bonaventuram hunc meum legite:

Intelligetis,

Quantum meæ pretium sit operæ.

Superi! quam jucunda se offert sententia!

Sicut, o Beatissima, omnis a te aversus, & a te despectus,

D d 3

Exhibetur delubrum,

& in eo Arca, figura

B. V. cum idolo Da-

gonis reposita.

Mariophilus scribit

Formulam.

Cupido 2. us.

Cupido 3. us.

Cup. 1.

Cup. 2.

Marioph.

Cup. 1.

Cup. 2.

*Marioph. **

*Cup. 3. **

** Legit.*

Ne-

*Neceſſe eſt, ut intereat:
Ita omnis ad te converſus, & a te reſpectus
Impoſſibile eſt, ut pereat.*

*Omnes tres. Jo! Jo! Beatus es! Prædeſtinatus es!
Eſt certa res!*

Marioph. Sic puto: perire me, eſt impoſſibile.

Aria.

I.

*Virgo Mater, Domina,
Patrona, Advocata,
Sunt grata, ſunt dulciſſima
Mariæ prædicata:
Per iſta ego nomina
Ad aram ſupplico:
Non vana eſt fiducia,
Quam mecum affero:
Beatus ſum!*

Prædeſtinatus ſum!

*Tres Cupid. Beatus es! Prædeſtinatus es,
Eſt certa res.*

*Marioph. Nullum eſt mihi dubium.
Jam, dum abeo in Oratorium,
Vos hic ſubſiſtite:*

*Cupido 1. Grator Virgini venio, ſine comite,
Et quam diu durabit Devotio?*

*Marioph. * Hora eſt undecima: * Inſpicit Horologium.
Sub Meridiem habebitis reducem. **

*Cupido 2. Et deinde iterum
In antiquam ſilvam exhibimus?*

Marioph. Deinde iterum, quod lubebit, licebit.

Cupido 3. Optima propoſitio. Vade bonis avibus!...

Gen. Marian. * Quorsum ita propere?

* *Euntem revocans.*

Marioph. O salve bone Genie?

Fruſtum habuit prima Meditatio.

Marianæ Devotionis *Inciſtamenta*

Vehementer accenderunt fervorem,

Qui urget, ut *citius ſolito*

A me fiat Formulæ renovatio.

Gen. Mar. Feſtina lente.

Non omne, quod ſplendet, eſt aurum,

Et, quem ex gemmis adulterinis collegiſti,

Stulte tibi gratularis theſaurum.

Audiſi jactantiâ:

Beatus ſum! Prædeſtinatus ſum!

Marioph. Quam inculcaſti, Devotio ergo Deiparam,

Hanc peperit fiduciam.

Gen. Mar. Fiduciam approbo, ſi *vera* eſt Devotio.

Sed vide, cui fidas, & devotionem examina,

Neque propterea te devotum exiſtima,

Quod interdum dicas: *Domina! Domina!*

Aria.

Devotio

Amica vitio,

Devotio,

Qua Virgo quidem colitur,

Sed Dæmon non offenditur,

Eſt arbor fructu vacua,

Cadaver ſine anima,

Lucerna ſine oleo,

Vagina ſine gladio:

Non eſt Devotio.

2. Ut

2.

Ut verum te Deiparæ
 Demonstres Filium,
 Eja! infensum Satanæ
 Ostende spiritum!
 Qui ludit cum serpente,
 Quem Virgo conterit,
 Ex alia Parente
 Se natum prodidit.

Marioph. Intelligo,
Dagonis cum Arca offendit te *compositio.*
Gen. Mar. Jam, cum scriberes Formulam,
 Debebas intelligere,
 Et idolum deicere,
 Si quidem, ut grata Mariæ tua esset devotio,
 Volebas efficere.
 Spondes: *nil te unquam contra illam dicturum,*
Nil facturum, aut permitturum,
 Et finis domi tuæ dominari Cupidines:
 Hoc si est Mariam colere,
 Quid erit illudere!

Marioph. Igitur doce me, quæ sit *vera Devotio!*
Gen. Mar. Duo Signa sunt, *duratio, & intentio.*
 Refert, *quo fine, & quam diu* devotionem exerceas:
 Quod, ut perfectius capias,
 In exemplo meditaberis Regio,
 Et erit hæc Meditatio
 Marianæ Formulæ explicatio.

Marioph. Totum animum applico tuo consilio.

Aria.

Aria.

Hem! novum Sacramentum!

Duratio, Intentio,

Sunt duplex Elementum,

Ex quibus fit *Devotio*,

Et habet alimentum.

Hæc veritas

Ut intimas

Medullas penetret,

Maria adjuvet!

MEDITATIONIS II.

D E

SIGNIS VERÆ DEVOTIONIS

PUNCTUM I.

Marjanæ Devotionis pia susceptio.

S C E N A I.

Stephanus Rex. Astricus Episcopus. Theobaldus Camerarius.

T*heobaldus.* O quam gratus venires, Astrice, si adhuc Emericus viveret; nunc tentabo quidem, dubito tamen, an ad alloquium admissurus sit Princeps: ad tumbam Filii jam triduum solitarius gemit, & nescio, quæ consilia secum agit. *Astr.* Reverentia, qua Summo Pontifici afficitur Stephanus, aperit aditum. Ut primum audierit Astrici nomen, nihil dubita, loqui volet: & si loquetur, Theobalde, mœrore absterfo, adhuc hodie, nisi fallor, se restituet suis, nam tu hoc scito: felicissima

E c

mihi

mihi legatio fuit, ita, ut nisi ad fines Hungariæ de tristi morte Principis Filii, unicusque hæredis funestus rumor aures afflisset, non ita rediissem inglorius: excipi magnifice, atque inter applaudentis Aulæ latas aggratulationes introduci debuissem. Nunc, postquam sic placuit DEO affligere servum suum, modeste ingredi decet, ut paulatim disponatur animus, nec repente ab extremo luctu in summum se gaudium transferat. *Theob.* Cre-dis te Mysteria loqui? falleris autem, nam de tuæ legationis argu-mento nos pridem edocti sumus. Rem Ludolphus garrivit Cæsaris Conradi Legatus. Nempe Titulum, & insignia Regia jussus es a Pontifice petere: sed hoc scito, quod acceptare Con-radus vetet, bellum & cladem minitans, continuoque infesta signa illaturus Pannoniæ, cum Stephanum vocari Regem audie-rit. *Astr.* Audivi, sed nihil a Cæsare metuo nobis. Pacificè transigi negotium poterit, aut si æquitati aures occluserit Cæ-sar, an fungi sumus, qui impune patiamur nos proteri? *Theob.* Ut simus fortes, contra duos nos non sufficimus. *Astr.* Con-tra duos! quis enim est alter hostis? *Theob.* Ipsi Hungari. Nam dum abes, Astrice, promulgari Princeps edictum jussit, quo quidquid superesset idolorum in Hungaria universa, dejici præ-cipit, & quicumque subditorum Sacra Catholica suscipere nol-let, migrare alio cogitur, Patriamque deserere. Res proxime a tumultu absunt: quidam ex illis, quos ad Evangelium præ-dicandum alienis a fide Hungaris Princeps misit, occisi, cæteri in perpetuo mortis periculo sunt, & obsidum loco, donec ad suos responsum, quod optant, referat Moradinus hoc sine missus, ut Religionis libertatem contumaciter urgeat. Hæ turbæ, quan-tum Cæsaris consilio faveant, satis vides. *Astr.* Video, sed bonæ causæ assistent Superi! vivat Stephanus Primus Hun-gariæ Rex! fac tandem, quæso, ut audiar. *Theob.* Ingre-dior. *Astr.* Tua interest, Deus Magne, & tua, o Virgo Mater, ut Stephanus Rex sit, & felix sit! fidelis est, nec honorem alio sine

sine ambit, quam propter honorem vestrum: juvate! *Theob.* Orat Princeps, Astrice, & totus immerfus DEO est: interpellare non ausim. Prospice. *Astr.* O Spectaculum dignum Angelis! *Steph.* (*) Dedisti Filium Deus: sis benedictus! eripuisti Filium: sis iterum benedictus! Dominus es: quod bonum est in oculis tuis, fac cum servo tuo! *Astr.* Heroica oratio! *Steph.* Virgo Domina! fudi preces tibi pro vita Emerici mei! mortuus est! non audisti! *Non tamen ideo derelinquam te*, non ideo minus colam. Quid mihi, quid Filio magis prosit, tu melius nosti: Et quodd melius erat, factum est, agente te: ita spero! imo scio, quamvis non sentio. Rursum erro: sentio, sentio, prodesse mihi mortem Filii: nam o quis mihi animi sensus hoc triduo fuit, quam sublimis, quam generosus, quam suavis, etiam in medio luctu!.. *Astr.* Credo equidem: vix enim est alia schola, ex qua homo sapientior prodeat, quam ex tumba. *Steph.* Et statutum est exequi illa sensa. *Theob.* Quæ illa? (**) hem vocor. *Steph.* Eja! Officio Patris datum satis est: redire oportet ad officium Principis, Emerice vale! beatus es, quia mortuus, antequam Rex. Respondendum tibi *pro te* fuit in Divino Iudicio, *pro aliis* nihil: at mihi Iudicium durissimum fiet, cui luenda erunt primum peccata Stephani, deinde insuper peccata Principis! En! hæc est prærogativa dignitatis, quam per ferrum, & ignem ambimus. *Theob.* jam funus tumulo inferri patior: moneantur, ad quos pertinet, ut faciant hodie. *Theob.* Triste imperium dolentes exequimur. *Steph.* Addo lætius. Post funebria reddatur cultus aulae pristinus, & finis luctui, initium novis gaudiis fiat. *Theob.* Tam cito, Princeps? *Steph.* Hodie etiam. *Theob.* Post Filium vixdum sepultum? *Steph.* Sic volo. *Theob.* Obedio. Nempe jam de adventu Astrici certior, tale imperium facis. Ad fores adest, & petit admitti. *Steph.* Astricus? *Theob.* Ipse, jam Roma redux. *Steph.* Opportunissimus adest: ingrediat. Tu fac imperata.

E c 2

SCE-

(*) Coram tumba defuncti filii.

(**) Nola sonat.

S C E N A II.

Stephanus. Astricus.

A *Stricus.* Vive Rex! *Steph.* In tumultum abiit dimidium mei: & tu Regem me vis? *Astr.* Sic ludit nobiscum DEus: secunda adversis miscet, ne deficiamus, adversa secundis, ne extollamur. Ququam quid intempestivo gemitu sortem beatam plangimus, qua Filius, & Pater gaudent? Rex est Filius jam ante te coronatus in coelis: Rex es tu, hoc jure, & titulo a Vicario Christi donatus in terris. Testem porrigo Sanctissimi manum, & primus adoro Regem. *Steph.* Osculor annulum Piscatoris. Tu mihi confide: de negotio tam gravi, quale est Officium Regis, non est aptior consilio locus, quam coram mortuo. Confide. (*) *Astr.* (**) O Princeps Regie! num ego te Romam abiens, talem credidissim aspecturum in reditu! o infelix Hungaria! o Regni jactura gravis! raptus est ante tempus Filius optimi Regis, & Filius unicus, & Filius talis! Ah! coelum, quod peccavimus tam grande peccatum, ut tanta nos poena plecteres! *Steph.* Vide, Pater, ne contradicas tibi: nam antea gratulatus es Filio. *Astr.* Et iterum gratulor, sed Hungaros miseror, quorum DEus contumaciam tali poena castigat. Si Emericus aut Filius impii Principis, aut ipse Princeps impius fuisset, orassem DEum primus, ut tolleret: nunc ploro spes summas in herba periisse. *Steph.* Sic placuit DEO, cui blandienti osculanda est manus, ferienti inclinandum caput, reverenti silentio honoranda dispositio, & cogitandum: *Bona est, quoniam tu fecisti, qui totus es bonus.* Sed confide, Pater, tam mihi de præteritis jam nulla cogitatio est, quia mutari non possunt: de futuris delibero. Confide. *Astr.* Deliberas, Rex? quæ materia? quis finis? *Steph.* Titulum, & jus Regis mihi Pontifex annuit: optimus Pater est. Sed ego hanc digni-

(*) Legit Bullam.

(**) Coram tumba.

dignitatis eminentiam hac spe petebam, ut transferrem in Filium: Filium DEus rapuit: igitur jam delibero, an acceptanda sit gratia. Quid sentistu? *Astr.* Princeps, ego suspicio animum ab ambitione vanitatis tam alienum. *Steph.* Nempe cur ambiam? nihil mihi titulus, nihil nova dignitas proderit, cum moriendum erit. Tum enim, mi Pater, non vestitus purpura, non sceptrum, & corona conspicuus, non Aulicorum turba gloriose circumdatus Rex, sed solus, nudus, tremens Stephanus ad tribunal Judicis stabit. *Astr.* Saluberima cogitatio est. *Steph.* Jam tu hoc scito: Conradum Cæsarem novos honores conferri mihi, invito se, pacate nequaquam ferre. *Astr.* Scio, Legatum in aula esse, qui minas jactet. *Steph.* Nisi ultro cedo, veniemus ad arma adeo. *Astr.* Justum est bellum, quo jus tueris, quod in te Papa contulit, & Henricus probavit: Antecessoris nuper demortui solennem actum quo titulo irritum Conradus facit? *Steph.* Sit justum bellum, num ideo sanctum erit? aut num ego soli Justitiæ omnia, charitati nihil debeo? Quam Cæsar infert, privata fere injuria est, quam ut vindicem, si ad arma provolo, quid ponis? victor redibo, an victus? si victus, una cum titulo me, & meos perdo: si victor, tamen quanti ex meis suo mihi sanguine hanc palmam ement! ut cætera belli mala sileam, quibus, quos amo, ut Pater, mei subditi affligentur; nec dicam aliquid de exactiionibus, de vastatione, de incendiis, de gravi miseria, quæ innocentes premet: hoc unum, quod videam, incruentam esse victoriam non posse, sufficit, ut malim cedere. Subditorum mihi tranquillitas charior est, quam honor meus. *Astr.* O sensus animi vere Regii! *Steph.* Accedit, Astrice, quod in armis plus periculi, quam spei sit, & ego insuper Religioni metuum malum pessimum, si contumaces Idololatæ habeant, a quo sustententur. Tot annorum labores, quos Christi, & Mariæ honoribus suscepi, una dies disperdet. Vides, cur si juri meo non cedo, DEum Judicem timeam. Nempe scio, bellum, si justum sit, non ideo

semper licitum esse, idemque, quod Justitia permittit, non raro a charitate subditis debita, sæpius etiam a Religione vetari. *Astr.* Serio expendisti omnia, Princeps: sed opponent se Politici, & mala, quæ vel subditis, vel Religioni timenda sunt, adscribenda invalori esse dicent, a te vero non inferri, sed mere permitti: non putas, excusationem sufficere, ut absolvat te DEUS? *Steph.* Profecto non puto. Nam cur ego Princeps sum? utique non modo, ut vel subditis, vel Religioni, quod absit, nulla mala inferam, sed etiam, ut, si quæ imminet, cum possum, impediam. *Astr.* Negabunt te posse sine detrimento honoris, & cedere jure suo ex nutu alterius, confessionem esse infirmitatis. *Steph.* Patiatur honor meus, ne, qui potior est, honor DEI patiatur, & salus subditorum, propter quos ego Princeps sum, non propter me. Deinde a quibus aliquid honor meus patietur, si cedo? a stolidis nempe, quorum qui judicium metuit, ipse caret judicio; nam Sapientes laudabunt prudentiam facti. Cum enim Conrado cedo, vere me meo jure non abdicō, sed juris usum suspendo, & hoc propter prudentem metum mali majoris, quam sit ipsa jactura juris: quis ita agentem carpat, si sapit? *Astr.* Et Christiane, & Politice sapis, o Princeps! *Steph.* Igitur deliberatum est satis. Emerice, tu me sic docuisti ratiocinari: quando ero, ubi tu es modo, gaudebo decrevisse, quod decrevi. At non hoc solum decretum est, Pater, Conrado cedere, sed ipso Principatu abdicabo me hodie, & quidquid possideo juris, digniori transcribam. *Astr.* Hic vero, Princeps, quamdiu spiro, contrarium Astricum habes. Nam quæ sit causa tam novi consilii, & qui nos regat, quis dignior te? *Steph.* Causæ me movent graves, salus animæ, populi bonum, honor DEI. Tu perge modo, & infer Coronam huc, quam, ut lego, mihi summus DEI Vicarius mittit. *Astr.* Ipsam etiam designas alteri? *Steph.* Videbis. Triste triduum egi: hodie finis mœroris erit. *Astr.* Immo in tristitiæ barathrum hodie totam Hungariam mergis. *Steph.* At-

qui

qui de hoc altero decreto meo, ne quidem, ut deliberetur, admittam: ita certus sum, omnibus gratum fore, qui vere me, & Rempublicam amant. Tu coronam modo.

SCENA III.

Astricus. Ludolphus. Moradinus. Theobaldus.

A *Astricus.* Profecto quid jam faciendum sit mihi, plane ignoro. Theobalde, nunc intelligo, quid sibi duo Imperia velint imposita tibi. *Theob.* Executioni utrumque dabitur, nisi posterius isti sufflaminent; nam utrique gravis est tua præsentia. *Lud.* Coronam Regiam Roma attulisti, Pater, hoc scio, sed magno vestri Principis, & vestro malo. Timete Cæsarem. *Astr.* Cæsarem, Ludolphe, non timeo: aliud angit. *Mor.* Nempe nos metuis, quos ad avitæ Religionis mutationem adigit Stephanus? fac, ut cesset urgere, & sinat nos liberos esse: sic habebit fideles, nec erit, quod a Cæsare metuat: vitam & sanguinem immolabimus novo Regi. *Lud.* Gravis jactantia! Moradine, cum Cæsare, an pro Stephano pugnetis, parum interest nostra: infestus exercitus in finibus vigilat, qui totam submerget Hungariam, priusquam vos de obice cogitetis, quem opponatis torrenti. At tu imprudens male fungeris Legati officio in bonum tuorum: spe vana, & promissæ fidei fiducia credis Stephanum trahi in vestram sententiam posse? metu, vir bone, metu trahetur fortius, & si vos jungitis arma nobis, foris & intus pressus angustiis, velit, nolit, cogetur, quod vultis, agere. *Astr.* Superi boni! audione Legatum Catholicum loqui? *Lud.* Pro jure mei Cæsaris loquor. *Astr.* Cum injuria tui Dei, neque, ut opinor, ex mente Conradi, quem ego magis pium existimo, quam ut per Legatum suum concitari subditos in rebellionem velit adversus legitimum Principem. Nempe Legationis bene obitæ gloriam
aucu-

aucuparis: quibus id efficias modis, honestis, an sceleratis, parum es anxius, velut si unus tibi DEus sit Cæsartuus, alius nullus, quem timeas, & a quo pendeas magis. Sic prudens es! *Lud.* Convitia Popæ audio! sic revereris Personæ Characterem, quam refero? *Astr.* Quam infamas, indignus, quem jura gentium tueantur, ac prope perduellii reus. Cave tibi! in potestate es, & in aula Stephani non peccatur impune, cum Religioni sit male, quæ mei Principis pupilla est, & tenerrimum sensum habet. *Lud.* Simus amici, Præsul! fervor pro causa Cæsaris si quid licentius protulit, benigna interpretatio excuset verbum. Hoc age tamen, si amas patriam, & qua polles auctoritate, suade Principi, ne Coronam imponat sibi præpropere nimis: potest obtineri consensus Cæsaris, si differi acceptatio potest. *Astr.* Protheuses. Cæterum quid futurum sit, hæc dies docebit totum. *Mor.* Et quid sperandum est mihi? *Astr.* Interroga Principem: me alia vocant. *Theob.* Quod dixi, sit: Astrici severitas, & quæ audi, suspiria Principis ad tumbam Filii, & finiendi luctus, aulaque suo splendori restituendæ imperium tam repentinum, loquuntur ænigma aliquod, cui non sufficit quivis Oedipus. *Lud.* Mihi tamen necesse est, scire, quid fiat. *Mor.* Mihi etiam: propterea, priusquam Emerico funebria fiunt, & scena mutetur, juvat nos Principi loqui. *Theob.* Nuntio. *Mor.* Forte si nos audierit, in tempore mutabit consilium. *Lud.* Spem omnem quam fecerat mors Principis Filii, Episcopicum corona adventus ademit. Sic inglorius ad Cæsarem redeo, infecta re, cujus sine turbis componendæ fiduciam illi mea dexteritas fecit: infelix sum! *Mor.* Nihil jucundius mihi ominor. Nam ut aboleat decretum Rex, quod Princeps fecit, & corona donatus a vestro Sacrorum Antistite, permittat nobis Sacris contrariis, ut hætenus, sic porro uti, quæ prudens spes esse potest? Interea hoc tamen Ludolphe, scias, in partes Cæsaris nos non ituros. Stephanum, quanquam nostris infensum Diis, sic amamus, ut deser-

serturi Deos citius, quam ipsum simus. *Lud.* Affectum laudo: sed aliud lingua retulit. *Mor.* Ad speciem aliud, nempe ut terrendo moverem, & intentatum relinquerem nihil, quod nobis Principem arctius colligaret. Certe si per incussum nostræ defectionis metum effecissem, ut liberum nobis Religionis exercitium foret, esset amor in virum noster omnino singularis, & supra modum. *Lud.* Quo philtro autem sic in se animos rapit?

Mor. Verbo habet: est *Patria Pater*. Charitas, qua sui oblitus, in commune bonum suorum totus impenditur, charitas facit, ut vicissim nos *Ipsius bono* nostras facultates, obsequia, vires, sanguinem, vitam impendere, cum erit opus, libenter velimus. *Lud.* Charitas nota est, qua se Princeps a Tyranno distinguit, qui subditos non ut filios, sed ut mancipia tractat. Sed hujus charitatis argumenta quæ habetis a Stephano? *Mor.* Tres virtutes habemus, quas in Regibus jam olim exigebant Philosophi, & Regiæ charitatis filias appellarunt. Prima est *Vigilantia*, qua providet, ut viri integri, & idonei Reipublicæ fungantur officiis, seduloque attendit, ne quis Præfectorum per abusum potestatis male habeat subditos: ita regit ipse, non regitur. Altera *Severitas* est, mixta *Clementia*. Qui contra Stephanum peccat, facilem veniam habet: Qui vero Reipublicæ nocuit, quisquis sit, impunis non est. Ita tranquille sui quisque laboris fructibus fruitur. Tertia virtus *Magnificentia* est: Regiosumptus facit, sed inutiles nullos; quidquid est opum, aut Religioni servit in Templis, aut servatur necessitatibus publicis, aut in pauperes funditur: ita quidquid tribuimus, redit ad nos. Tigrides nos esse credat, qui putat, fieri posse, ut talem Dominum non amemus. *Lud.* Intelligo, vos felices, atque in inanem esse Cæsaris mei spem, quam in vestris subsidiis posuit. *Mor.* Inanis est. Imo ego sic existimo, si, ut hucusque, nostris Princeps postulatis diutius se opponet, cedemus nos, & quod jam major pars fecit, universa Romano Pontifici se submittet Hungaria, præcipue postquam Principem tam charum

nobis, Regis dignitate ornavit. *Lud.* Id si fiat, video colligari animos in nexum nullo dissolubilem ferro. *Mor.* Et jam essent colligati, nisi plebs a Popis irritata quosdam ex Præconibus Evangelii vestri per imprudentem ferociam occidisset. Irritatus enim injuria Princeps (nam ipse viros miserat) emigrationem indici jussit pertinacibus in cultu Deorum. Hanc ego ut causam agerem, legatus adsum; nec tamen hoc urgeo multum, ut revocetur edictum, modo, ne tentetur executio, impetrem. *Lud.* Nempe ut per moram mansuescant animi popularium, ac demum sponte in Principis beneplacitum eant. *Mor.* Sic est, Amice, & ego vix parum adhuc a vobis abssum. Ita, ex quo tempore hic præsens proprius inspexi Stephanum, me rapit Religio, quam quia proficitur Princeps tam sanctus, & sapiens, non potest non sancta esse. *Theob.* Utrique loquetur Princeps. En adest.

SCENA IV.

Stephanus. Moradinus. Ludolphus.

*S*tephanus. (*) Tu cum Astrico redi. Amici, ambobus redire ad suos licet! Ludolphe, cedo juri, amore pacis, non ero Rex: hoc refer Cæsari. *Lud.* Vive Princeps magne! ut me vox ista recreat! sic te, sic tuos amas, sic Conradus placatior, ultro assensum facilem in decus Coronæ dabit. *Steph.* Non exspecto. Corona, quam misit Pontifex, jam a me alteri destinata est Capiti, cujus Juri non suaserim, ut opponat se Cæsar, nisi suum interitum amet. *Lud.* Quod audio consilium novum? *Mor.* Hoc vero a nobis absit, Princeps, ut vivo te, Regem alium patiantur Hungari imperare sibi! *Steph.* Patientur libenter imperium novum, ut primum audiverint imperantis nomen. *Lud.* Serio, Princeps, cum titulo Regio etiam ipso Principatu te abdicas? *Steph.* Ita hoc spectaculum movet. Emericum meum videtis: fingite, fuisse Principem, & imperasse, (*) Ad Theobaldum, quid

quid eijam sceptrum prodesset, & diadematis gloria? hem vanitas! in pulverem concidit hæc omnis pompa, & speciosa adulantium acclamatio denique trium verborum tristi epiphonemate clauditur: *Requiescat in pace!* *Lud.* Quidquid sit de hac Philosophia, Princeps, hoc crede mihi: Cæsar, qui, ut tu Regis titulum tibi arroges, invito se, ferendum esse non putavit, multo minus ut in alium transferas, tolerabit. *Mor.* Neque nos feremus. Aut Stephanus imperabit Hungaris, aut nemo. *Steph.* Stephanus imperavit, sed inobedientibus, & contumacibus: succedat, cui majorem habeatis reverentiam, & obediat libentius. *Mor.* Ignosce, Princeps, dandum aliquid populo fuit enutrito in cultu Deorum: si pateris moram, obediemus tandem, & tuo nos dicabimus DEO. *Steph.* Quousque patiar? frangat pertinaciam manus potentior, quam hæc est mea! ego diutius imperare hominibus nolo, qui submittere caput renuunt imperio DEI. *Lud.* Non est hoc consilium, quo consulis tuis. Atrocius exacerbatus Cæsar Regem novum, plus quam te, persequetur: bellum, clades, vastitas, interitus Hungariæ imminet. *Steph.* Minaciæ inanes! nihil mille Conradi possunt contra potentiam Majestatis, cui jurare Hungaros fidem velim. Ipsum populi, quem amo, bonum suavit, ut faciam, quod decrevi. Felices vos fieri cupio, mi Moradine! ut sitis, postremum hoc meum mandatum est: *Obedite, cui obedire vos jubeo!* obedietis? *Mor.* Si Emericus saltem, si alius de sanguine tuo succederet tibi, mitius ferri hoc consilium posset: nunc, postquam ex te superest nullus, etiam te nobis auferet? *Steph.* Dignior, quam Emericus succedet: *obedite, cui obedire vos jubeo!* obedietis? *Mor.* Quid ab alieno sperabimus boni? aliud jube! *Steph.* *Obedite, cui obedire vos jubeo!* hoc jubeo, nihil aliud: obedietis? *Mor.* Si vis, scribam ad meos, & exquiram sententiam. Quanquam frustra scribam: sic amant te omnes, Princeps, ut vel ad successoris mentionem obturaturi sint aures, ne audiant nomen. *Steph.* Obediendo

amorem præbent. *Lud.* Et de quo ego scribam? *Steph.* Cum iusta fuerint persoluta Filio, cui cesserim, nominabo. Ita quid factum sit, referetis uterque suis: non teneo ultra. *Lud.* Igitur convalesco. *Mor.* Et ego scribam.

SCENA V.

Stephanus. Astricus. Theobaldus.

Stephanus. Sic facite. Me juvat usque hinc, atque hinc oculos pascere. (*) En Mater! (**) En Filius! sustulisti mihi Filium Mater, Regni hæredem unicum! cur? num odisti nos? non puto: imò tu vis esse Hæres mea, & Regina Hungariz, cuius coronæ ne superesset rivalis tibi, transtulisti Filium in Regnum beatius: sic spero. *Astr.* Rex! *Steph.* Cessâ nomen: huic debetur! *Astr.* Cui nempe? omitte obsecro, triste consilium! tibi, non alteri, tibi Coronam fero. *Steph.* Absit! huic, inquam, huic debetur. *Astr.* Quem indigitas enim? *Steph.* MARIAM, Astrice nomino: MARIA sit deinceps Regina Hungariz, ego Vicarius! quid? hoc tibi triste consilium est? *Theob.* O pietas admiranda! *Astr.* Divinum consilium est, quod ego toto affectu complector. Sic felicem Hungariam facis! *Steph.* Nondum explicavi me satis. Coronam huc pone. *Theob.* Auro, & gemmis gravis o quam splendide hoc caput cingeret! *Steph.* Ridiculus es. Magnificentius splendebit in capite, quod nulla posthac mors decalvabit. Verum ut bonus est sanctus Pontifex, quantum honorem mihi! unde mereor! *Astr.* Zelus tuus meretur. Lacrimas non tenuit Papa, cum ego, quanta pro Religione fecisses, narraui. Et postquam attentione summa audit enumerantem sibi, quot Apostolicos viros in tuas Provincias miseris, quot Monasteria fundaveris, quot Tempia immensis sumptibus ædificaveris, & magnificentia plus quam Regia or-

(*) Ad Iconem B. V. (**) Ad rumbam.

naveris, quot demum vitæ inculpatæ sanctissimis exemplis, ad fidei ac morum correctionem pertraxeris, quot alios per idonea decreta, & sapientissimas leges DEO lucratus sis, sui præ gaudio præne impotens optimus Pater, hem! exclamavit, quanta bona præstare potest Princeps unus! & si plures Stephanos haberet Ecclesia, quanta foret! *Sir Rex!* & ut sciat Orbis, quam sit Rex diversus ab aliis Regibus, qui suum tantum Regnum dilatare desiderant, non, quod est Regnum Christi, appelletur *Rex Apostolicus!* *Steph.* Hic titulus Pater, si vere sim talis, hic titulus solatium feret. Si me magnum, si potentissimum, si Augustum vocatis, quid mihi superest mortuo? Magno tumba, Potenti sepulchrum, Augusto pulvis. At si Apostolus sum, enimvero Magnus, Potens, Augustus æternum ero. Huc usque parum fui, & titulus, quo me honorat Pontifex, votum fuit, ut sim, non encomium, quod fuerim. Ero autem, non si Rex ero, sed si Reginæ Vicarius. *Rex ex sensu suo* imperat populo, *Vicarius ex sensu Regis:* hoc est, quod posthac agam. Nolo esse Rex: MARIA sit Regina Hungariæ! ergo ut vice-Dominus nihil mihi posthac decernendum putabo, nisi quod credidero velle *MARIAM*, ut decernatur. Fierine potest, ut hæc mens mea alicui meorum displiceat? *Theob.* Mens sancta mens Divina est! *Astr.* Sic ex Hungariæ Regno Regnum Marianum facis. O jucunda cogitatio! *Steph.* Si probas Præsul, age, Regulas Mariani Regiminis scribe. Qua ratione Pontifex Vicarius Christi est, simili ego Vicarius MARIE ero. Tu mihi Marianæ voluntatis interpres esto: ego faxo, ut hæc voluntas Stephani adhuc hodie sit nota Budæ, & paullo post fiat universæ Hungariæ. I, scribe leges postquam illatus tumulo Emericus ultimos honores receperit, novum Regimen auspicabor. Nunc solum finite, Coronam ut Virgini liberius offeram. *Astr.* Igne tuo accendis me, Rex! eo, scribo.

SCENA VI.

Astricus. Theobaldus.

T*Theobaldus.* Quod si hoc demum non est vere devotum MARIÆ esse, nescio quid insuper exigatis. *Astr.* Imò hoc utique satis est; sed quam singulare in Stephano, tam rarum in aliis. Nos, mi Theobalde, videmur nobis Heroes esse, quibus Virgo multas & magnas gratias debeat, si forte ad Ecclesiam MARIÆ sacram invisimus, si aliquoties salutamus, si peregrinationem, si jejunium offerimus. Atqui ista Devotionis aliquando signa, non ipsa Devotio sunt. Devotio vera est *prompta voluntas exequendi, quod Deipara cupit*, & ex hac regula examinari actus reliqui debent, qui actus Devotionis vocantur. Si ex *prompta illa voluntate procedunt*, vel saltem *ad illam disponunt*, merentur nomen: secus, signa sunt, quæ significationem non habent. *Theob.* Exemplum Stephani clarius docet, quid velis. *Astr.* Nempe hoc volo: sicut Stephanus Regnum, sic quisque se regere statuat ex Legibus Marianis, hæc solida devotio est. *Theob.* Sed quas tu statuis leges? *Astr.* Selectas Regi dabo. Interim ego, Theobalde, & tu illustri exemplo Regis utamur in bonum nostrum, & cum illius Devotione nostram comparemus. Si enim nostra Devotio non est Religiosa, quæ cor jungit ori ac operi, si mere Politica est, quæ in quibusdam bonis verbis, & gestibus affectatis consistit, si denique actus illi, quibus Virginem veneramus, neque signa sunt prompti animi ad præstandum quod Virgini placet, neque media, quibus hoc sine utimur, ut hæc promptitudo nascatur paulatim, non est, cur in nostra devotione nobis placeamus: umbra devotionis, & speciosa larva est, non devotio. *Theob.* Nimirum si cum Virgine agimus, quod solemus inter nos in Aulis agere, hoc improbas tu? *Astr.* Omnino hoc improbo. Alter alteri obviat, ecce tibi! componitur vultus ad lætitiā,

cor-

corpus ad reverentiam, os in sermonem mellifluum ! O salve ! clamatis, salve Amice suavissime ! ut me recreat hic occursum ; ut gaudeo te valere ! O si se offerret occasio, qua demonstrare possem, quo in te animo sim ! hoc scio, neminem esse posse, qui te amet sincerius ! *Servus* tibi sum ex asse *devotus perpetuo*. *Theob.* Sic loquimur, & ipse habeo non paucos sic mihi devotos servos. Interim sæpe opus obsequio fuit, & nemo se movit, quin fuerunt ex iisdem aliqui, qui etiam occultis artibus machinabantur exitium. *Astr.* Exclamare hic licet : *O benedicta lingua ! O maledicta manus !* sed jam hoc interrogo : quanti æstimas tu ejusmodi bona verba ? *Theob.* Nauci, flocci, nihili ! *Astr.* Idem igitur de Virgine cogitemus : nostra illam, quæ vocamus, *complimenta* non fallunt : prudens est, & vere devotum ab Hypocrita bene distinguit. Quanquam discrimen solidum jam ab ipso Mundi exordio ipse DEUS revelavit, quando serpenti maledicens dixit : *Inimicitias ponam inter te, & Mulierem, semen tuum, & semen illius*, ut adeo non sit de progenie Virginis, qui non est *inimicus peccati*. Qui peccatum persequitur, idque non modo *in se*, sed & *in subditis suis*, atque hoc fine *ut finem accipiat peccatum*, suis obsequiis Virginem orco terribilem sibi devincit in auxilium, hic vere *Devotus MARLÆ* vocetur, præcipue si Devotionis suæ Exercitiis, præter huius *intentionis* puritatem, etiam adjungat *constantiam*, qua probatur sinceritas. *Thepb.* Quid igitur de illis sentis, qui *hoc fine* suscipiunt cultum Deiparæ, non ut obtineant gratiam qua *culpam* fugiant, sed *hac fiducia*, quod ope Virginis evasuri sint *pœnam* ? *Astr.* Et adeo *hac intentione*, ut licentius peccent ? *Theobalde*, isti idolum Dagon volunt cum Arca Dei componere. MARIA est *Refugium peccatorum*, sed non *Patrona scelerum*, & dicere : *Ora pro me Virgo, ut vitam, quam ago, possim impune agere, & postea sancte mori*, est oratio temeraria, stulta, ac prope dixissem, blasphemema. Nos, si sapimus, servemus in cultu Virginis *finem*,
&

& modum, quem servat Stephanus. *Theob.* Libenter discam,
& avidus videbo actum, qui mihi *solide Devotionis* exemplar
sit; nam hoc certum est mihi, nisi per MARIE gratiam, vix
obtinebo a DEO gratiam, qua salvus fiam.

CHORUS.

Ex parabola de Virginibus fatuis ostenditur, vanam
esse salutis fiduciam, quæ in tenero erga B.V.
affectu fundatur, & effectum non habet.

Virgines fatuæ, sive animæ sui incuriæ. *Janitor*, sive Mors, quæ
utriusque æternitatis portam aperit, & claudit.

Virgo 1. O Infortunium!
O miserrima miseria;

*Exhibetur clausum Sponsi
palatium, ad quod tres
fatuæ plangunt.*

Virgo 1. In quam præcipitavit nos
Imprudens securitas,

Virgo 3. Et maledicta pigritia.

Trio.

O tonitru tremendum!
O verbum horrendum,
Nescio vos;
O si quis nos juvare,
Si Sponsum exorare
Pro nobis poterit,
Huc celer sit,
Audiat nos!

Hec

Virgo 4. *Heu me! lampadem refero

* Prodit 4ta, 8a, 5ta.

Vacuam oleo!

Dormiunt omnes : mercatorem non invenio,

Vel unicam qui venderet unciam.

Virgo 5. Nempe nox est : cum erat dies, debuimus emere,

Si noluimus in quærendo oleo operam perdere.

Virgo 4. O si Sponsus saltem adhuc per horam

Faceret moram !

Virgo 1. Vota sunt inania, Sorores charissimæ:

Jam enim Sponsus intravit,

Et cum illo Sociæ reliquæ,

Ac serra adamantina clausa est Janua.

Virgo 4. Malum grave, calamitas maxima!

Sed pulsate: & forte aperietur!

Virgo 2. Pulsavimus, clamavimus:

Aperi Domine: respice nos!

Virgo 3. Responsum est voce terribili: nescio vos;

Repetitur Chorus: o tonitru, ut supra.

Virgo 4. Quanquam, cur alios inclamamus?

Audite me, Sociæ,

Suadeo, ut nos a Sponso ad Sponsam vertamus.

Est Domina clementissima,

Ita me docuit experientia.

Aria.

1.

Tenere a teneris

Nomen amo Virginis!

Et quicumque casus sit,

Quo mens mihi tristis sit,

Quando clamo:

Virgo! Amo!

Frons serena rediit.

G g

2. Mu-

2.

Mugiant tonitrua,
 Gementur fulmina!
 Marjano Pallio
 Tecta minas rideo:
 Virgo tutum
 Præbet scutum,
 Sub quo nihil metuo.

Virgo 1. Profecto optimum est tuum consilium.
 Jamque mihi haud paullo facilius meat anhelitus,
 Et oppressus mœrore respirans animus
 In Sponsæ laudes se cupit effundere.

Virgo 2. Novum juvat in hanc Januam tentare impetum:

Virgo 3. Præcine!

*Aria.**Virgo* 1.

Maria te laudamus!
 Te profitemur Dominam,
 Te Matrem prædicamus,
 Tu ama Filias,
 Tu juva Famulas:
 Aperi!

2.

Maria te laudamus!
 Quot stellæ sunt, tot aureis
 Coronis te ornamus.
 Sic coronatam te,
 Da, detur cernere:
 Aperi!

3.

Maria te laudamus!
 Tu es salutis anchora,
 In te, in te speramus!
 Ne fallat nos hæc spes,
 Tu cura nostras res:
 Aperi!

Janitor. Quousque, Puellæ fatuæ, clamoribus inconditis
 Hanc Januam infestabitis?

Virgo.

- Virgo* 1. Bona verba, Ostiarie:
Nam, cur per te laudes Sponsæ
Non liceat canere?
- Janitor.* Quia *non est speciosa laus in ore peccatoris.* Eccl. 15.
- Virgo* 2. Vir bone!
- Janitor.* Talis sum, quales sunt, qui ad me veniunt,
Cum bonis optimus,
Cum malis *peffimus.* (*) (*) *Mors peccatorum*
peffima. Gal. 33.
- Virgo* 3. Vir optime!
- Janitor.* Nempe hæ Mortem movebunt blanditiæ!
- Virgo* 4. Vir auree!
- Janitor.* Seræ sunt vestræ næniæ,
Nec amplius de tempore.
- Virgo* 5. Heu! actum est! periimus Sociæ!
- Virgo* 4. Imo non est certius tempus clementiæ,
Quam, quo fiunt nuptiæ.
- Janitor.* Nisi clausæ jam sint Januæ.
- Virgo* 1. Sponsa, Sponsa,
Si supplices adesse nos nuntias -
Nunc, nunc miserebitur maxime.
- Virgo* 4. Certe, quæ præstitimus,
Non potest oblivisci obsequia.
- Virgo* 2. Aut tot peregrinationes,
- Virgo* 3. Tot Formulæ Marjanæ renovationes,
- Virgo* 5. Tot recitata Rosaria,
- Virgo* 1. Tot Sabbathina jejunia,
- Omnes.* Tot aliæ Devotiones a nobis exercitæ,
Num erunt sine fructu, & irritæ?
- Janitor.* Crudæ, ingrata animæ!
Quam meruistis,
An non abunde mercedem jam recepistis?

Aria.

1.

Nulla fructu vacua
 Cultus Marjani
 Sunt exercitia.
 Quod fructum non senferitis;
 Vestra hoc pigritia,
 Dementia, malitia,
 Stupori imputate,
 Anima ingrata!

2.

Quod præ tot aliis,
 Qui pridem perierunt,
 Felices vos vixeritis:
 Quod toties prolapsæ
 A casu surrexeritis:
 Oppressæ conscientia
 Quod aliquos
 Huc usque stimulos
 Non obiter senferitis.

3.

Quod denique
 Adhuc non perieritis,
 Quod pridem non arsisitis:
 Sunt gratia,
 Quas unice
 Maria debuistis!
 Quid? non mercedem integre
 Condignam recepistis?
 Negate!...
 Anima ingrata!

Janitor.

Janitor. (*) Sed hora est,
Qua vestræ Sorores ad sidera,
Vos ibitis ad tartara!
Feralis tuba insona!

(*) Exhibitio.

Quinque Fatua	Chorus.	Janitor.
Quo fugimus! quo fugimus!	Cum adest vitæ terminus.	
O aurium tormentum!	Inane est lamentum.	
O Virgo, Mater gratiæ,	Hic fatuæ fiduciæ	
Judicium si mite!	Hic finis est: (*) perite!	

(*) Terra hauriuntur.

Janitor. Vos autem, nisi malitis similiter decipi,
Discite denique,
Quantum in Marjana Devotione possitis confidere.
Ego Mors, Coeli Janitor, & inferni,
Rem totam verbo doceo solide: attendite.
Maria omnibus sibi Devotis impetrat gratiam,
Nulli Gloriam.

Aria.

Deipara
Oranda est pro gratia:
Sed Gloria,
Est merces, merces est,
Non Eleemosyna.

2.

Pro gloria sudandum est:
Non datur otiantibus,
Non impetratur precibus,
Sudandum est,
Et gratiæ,
Quam obtines a Virgine,
Mature, sancte, strenue
Cooperandum est.

G g 3

PUN-

PUNCTUM II.

Marjanæ Devotionis

Generosa Executio.

SCENA I.

Astricus. Theobaldus.

A *Stricus.* Quod igitur felix, faustumque Regi, ac Regno accidat, conscripsi leges, quas esse puto ex mente tua, o Virgo Domina! in has jurabit Princeps devotus tibi! fave! gloriare in ferveo, cui similes utinam multos habeas! *Theob.* Opportunus occurris, Præsul, Rex impatiens expectat te: funus elatum est, mutata vestis, splendori pristino restitutum cubile Regium, parata omnia, quæ actus tam pius exigit. *Astr.* Solus desideror? num admonita Aula est? *Theob.* De abdicatione imperii, quam Princeps præsetulit, varius rumor est: & voluerunt ex Primariis aliqui Regem accedere, ut dissuaderent sententiam: non admittit. *Astr.* Nempe ne distraherent animum, qui totus uni debetur modo Marjano affectui. Prudentur actum est. *Theob.* Interim ille miris caloribus ardet. Emerici sui ita penitus jam oblitus videtur; ut si decennium ab ejus morte fluxisset. Cum auferretur ex oculis funus, unum auditum suspirium est: orbasti me filiis Mater, ut esses Regina tu! probo sanctam ambitionem: felix Hungaria est, si erit tua. Deinde lacrymans ad filium: *Requiesce in pace*, dixit, Emerice mi, & ora pro me. Mox autem ut sublatum cadaver fuit, cum pulla veste totum exiit Patrem, & factus est Rex. Hoc habitu prostratus ad Iconem Virginis en! procubuit. Princeps, Astricum vides.

SCE-

S C E N A II.

Astricus. Theobaldus. Stephanus.

S*tephanus.* Astrice, Corona Regni substrata pedibus MARIÆ jacet: Regina sit! ego Vicarius! ut regam ex mente Dominæ, leges lege, in quas jurandum est. Genibus flexis audiam, quid præcipiat Servo Regina Hungariæ. *Astr.* Ut jusseras, Princeps, selegi leges, ex quibus ad mentem MARIÆ regas. *Steph.* Audio. *Astr.* Prima: Religio sancta sancte, publice, & magnifice colitor! *Steph.* Decet: honor Filii tuo tibi est potior, hoc scio, o Mater! imò non honorat Matrem, qui negligit Filium. Sic igitur esto: unus Deus, una Religio! præter hanc nulla habeat in Hungaria locum: hæc autem palam ostendet splendorem dignum DEO, quem colo. *Astr.* Sapientissimi Regis hæc æmulatio est. Judæ proditoris vox fuit, ut quid perditio hæc? Judæ posteritas est, quæ stabula cupit esse cultiora, quam Tempia, & Salomon ab ipso DEO laudem aliam majorem non tulit, quam ab immensis sumptibus in templi splendorem profusus. *Steph.* Et tamen ille figuram in Arca coluit, ego veritatem in Ara adoro. Igitur sic esto, ut vis, o Virgo, Religionem sanctam sancte, publice, magnifice, colam. *Astr.* Secunda lex: In consiliis hæc esto Regula: non est consilium aut prudens, aut felix, quod MARIA esse comprobatura non videatur. Ipsa enim Sedes Sapientiæ est, a qua nihil judicatur esse utile, quod non sit honestum. *Steph.* Video lumen, quod discutit nebulas, quales consulentium animis sæpe perturbati affectus inducunt. Esto: nunquam probabo consilium, nisi quod credam a MARIA probari. *Astr.* Tertia: Officiis magni in Republica momenti nemo admoveatur, nisi cujus promotio judicetur Magnæ Domine jucunda accidere. Justitiæ distributiæ hæc Regula cævet, & contra acceptionem personarum pugnat, per quam fit, ut requirantur Officia pro hominibus, non homines
pro

pro Officiis. *Steph.* Video grave malum, quod ex hujus legis negligentia Reipublicæ imminet. Esto: non promovebo quemquam, quem tu, MARIA, promotum nolles. *Astr.* Quarta lex: *An quisque Officialium suo fungatur Officio, ita invigilator, ut nemo subditorum cogatur querelas suas ad Deiparæ thronum deferre.* Vicarius es, rationem Dominæ pro te, & pro tuis Officialibus reddes. *Steph.* Timeo displicere Dominæ, præcipue, si forte inter male oppressos quidam ex ipsi charioribus essent. Esto: non committam, ut quis ita prematur a meis, ut cogatur a me ad tribunal MARIÆ appellare. *Astr.* Quinta: *Nullum scelus publicum esto impune, maxime quod teneræ Virgini magis abominabile est, & facilius grassatur in multos.* Hic Zelus Marianus habet, in quo se exerceat. *Steph.* Si Regnum Hungariæ Regnum esse Marjanum volo, patet, quid me facere deceat. Esto: vindicetur honestas morum! nihil detur licentiæ! impudentia expellatur! *Astr.* Sexta: *Cum exteris bellum nullum suscipitor, nisi quod vel pro Deo sit, vel certe Deiparæ Patrocinium apud Deum mereatur.* *Steph.* Atrox malum est bellum, quod nemo prudens eligat, nisi coegerit malum majus. Esto: non erit hostis mihi, nisi qui hostis DEI, aut Deiparæ fuerit. *Astr.* Septima demum: *Erga miseros misericordia exercetor, si probi sunt, sicut erga MARIÆ Filios, quos illa fovendi cupit.* *Steph.* Sic vicissim misericordiam mereor. Esto: pauperes mihi ut fratres erunt. *Theob.* Profecto hoc est vere devotum esse. O ut ego sic regam me, ut ille Regnum! *Steph.* Scripsi totum: sigillum imprime. Jam ad rem. Regina mundi! Mundi portionem exiguam, Hungariam meam tibi trado: me abdicō omni jure domini, quod hucusque exercebam: tuum sit omne jus, dispoſe, ut lubet. Ego, quoniam sic ipsa exigit, munus Vicarii agam ex legibus tuis: in has juro! si aliter egero, aufer munus, gradu dejice, substitue meliorem. Testis voluntatis seriaz hoc diadema esto, quod ex sacris manibus acceptum impono sacro Capiti, cui me, & meos æternum subiectos cupio. Eja! impera!

S C E.

S C E N A III.

Personæ omnes.

Ludolphus. Quid lego? prodigium! prodigium lego! *Theob.* Quid hæc exclamatio vult? *Lud.* Cito, Theobalde, cito ad Regem me! *Theob.* Ad Regem, ajs? vide, ne erraveris: nam Cæsar tuus Stephano hoc nomen negat. *Lud.* Non amplius negat: sine, adorem Regem! *Steph.* Ludolphum audio. *Lud.* Rex magne vive, & felix impera! hoc momento mihi Epistola venit, qua Cæsar jubet, ut te adorem, & Regiam Coronam gratuler. *Theob.* O vere prodigium! *Astr.* Sic amat MARIA. *Steph.* Quid sic repente mutavit mentem Cæsaris? *Lud.* Prodigium insigne scribit. (*) In finibus Hungariæ stabat Exercitus noster, divisus, ut scitis, in turmas plures, ut pluribus simul locis irrumperet, cum primum tu Regis nomen usurpare auditus fuisses: dum ecce! decima quinta Augusti die. *Astr.* Qui festus Virgini Assumptæ fuit? *Lud.* Ad singulos Copiarum Duces litteræ perferuntur Cæsaris manu certæ, quibus quisque suos jubebatur reducere in patriam, bellumque omittere. Redeunt: Cæsar miratur primum, deinde irascitur, demum conjuratione perfida actum esse, quod fiebat, suspicatur. Verum illi prolatis litteris imperium exhibent. Obstupuit Cæsar, & continuo placidus has ad me exarat, quibus describit prodigium, & sic concludit: nolo cum Sancto bellum gerere! I, saluta Regem meo nomine, pacem ora, & amicitiam offer. *Steph.* O quanta es Virgo! & quam bonat *Astr.* O felix novi Regni auspiciū! *Theob.* O beata electio! *Steph.* Pax Cæsari cum Hungaris sit: Amici sumus! *Mor.* Quid lego? prodigium, prodigium lego! *Astr.* Quæ nova exultatio est? *Mor.* Triumphat Rex! triumphat DEUS

H h

tuus

(*) In vita.

tuus, & DEI Mater! *Steph.* Obruïs me deliciis Virgo! quod gaudium narras? *Mor.* Lego, quod scribunt mei: Tandem eorum, quos misit Princeps, ut fidem Christi prædicent, conversatione sancta, doctrina sana, & multis supra naturæ ordinem prodigiis fracta pertinacia est: cessimus veritati, idola deiecimus, Popas expulimus, Christum colimus DEUM, & MARIAM Christi Alatrem reveremur. I, nuntia hoc gaudium Principi, ut amet nos, & amor in nos suo fructus tamdiu exoptatos gratuletur. *Steph.* Enimvero gratulor mihi! dilatasti tibi Regnum, o Magna Domina! dilata mihi cor, ut amem te amplius! *Astr.* O dies digna Annalibus! *Theob.* Exulta Hungaria! *Astr.* Regnum eris felicissimum, quamdiu eris Marjanum! *Steph.* Cessate privatos plausus: publica lætitia sit! sciat Aula, sciat Hungaria, quod MARIA sit Regina Hungariæ, & Stephanus MARIÆ Vicarius! Omnes (*) Magna Domina! Magna Domina! Magna Domina!



ME-

(*) Sic Hungari Mariam compellant.

MEDITATIO III.

VERÆ DEVOTIONIS

FRUCTUS.

ARGUMENTUM.

I*ncitamenta* veræ Devotionis Marjanæ, & *Signa* consideravimus: ut consideratio *Materiæ* tam suavis, & utilis amplitudinem totam exhauriat, superest, ut de ejusdem *Fructibus* meditemur.

In laudata toties *Formula* Marjana gemini recensentur: Primus est, quod *vere sibi Devotis* Mater Propitia in *actionibus omnibus suis*, secundus, quod *precipue in hora mortis* assistat. Utriusque auxilii luculentum Exemplum in S. Elzeario Comite damus, qui sua erga Virginem Devotione obtinuit, primum, ut vitam inter mille peccandi occasiones Status sui conditioni annexas *innocentissime*, deinde animam post difficilem agonem feliciter superatum *sanctissime* egerit. *Ex vita*. Erit igitur præsentis Meditationis

Materia. S. Elzearius ex sua erga B. V. devotione Beatus.

Puncta duo: Primum, S. Elzearius beatus in vita.

Secundum, S. Elzearius beatus in morte.

Fructus. Examen serium, *quid* ex nostra devotione nos, & quo *Fundamento* speremus.

Propositum. Statuamus remove ex animo, quidquid nostram fiduciam potest dubiam facere. *In specie*, ex S. Elzearii exemplo colere decernamus castitatem congruam

H h 2

Statui,

Statui, & vitium contrarium fugere, quippe quod vix aliud magis *Virgo* abominatur.

PERSONÆ.

S. Elzearius Comes.

Adalbertus Dalphinæ Frater.

Justinus Canonicus Parisinus.

Ernestus Cubicularius.

Ludovicus Adalberti Filius.

PROLOGUS.

Mariophilus solidæ Devotionis Marjanæ primum fructum experitur *in via.*

Mariophilus. Genius Marjanus. Cupidines.

*Cupido 1.
sive concupiscen-
tia oculo-
rum.*

BENE habet:
Fons aquæ vivæ undique
Est clausus indagine:
Vagus cogetur Mariophilus
Venire ad me,
Et ex hac Cisterna sitim restinguere.
Tu Mariane Genie, qui miserum vulnerasti,
Tua quid tibi profint artificia,
Ex nubibus prospice....
Bella est fabula. (*)
Sub istis vestibus

*Exhibetur flos, cisterna, & fons
Symbolum devotionis, ex cuius
exercitio vires reparamus ad alia
erit in via perendum, si con-
stanter, & bona intentione uti-
mur, præcipue temptationum tem-
pore, & inter peccandi pericula,*

(*) *Veste peregrinantis se induit,
ut facilius fallat hypocrita.*

Secu-

Securus lateo *Mundi Genius* :
 Ipse mihi placeo in meis fraudibus.
 Jo! meus iterum, meus erit Mariophilus!

Aria.

Est certa res:
 Hæc aqua (*) dementat bibentem, (*) *Nugæ nugarum*
 Quo cupio, traham volentem: *avertunt a cura salu-*
 Ignara fraudis anima *tis, & devotionem im-*
 Sequetur me in devia. *pediunt.*

2.

Periisti Mariophile!
 A cœlo aberrabis:
 Et poenas arrogantiae
 Contempto Mundo dabis.
 Captus es! mactatus es!
 Est certa res.

Cupido 2. Jam age Personam strenue.
sive con- Hora favet, ut injuriam vindicemus,
cupiscen- Qua suis ejectos ædibus
tia carnis. In hoc desertum compulit Mariophilus.
Cupido 3. Appropinquat jam lassus oppido,
sive su- Et refocillationis æstuans desiderio.
perbia Refice, & tecum retine,
vitæ. Donec declinaverit dies, & ingruerint tenebræ.
Marioph. Heu me! heu me!
Cupido 1. Gementem audio: ite in latebras,
 Et, quas constituimus, parate insidias.
Marioph. Jo! hic aquam video, qua vires reficiam!... *
 Quid hoc?

H h 3

Ah!

* Fons est cinctus retibus.

- Ah! *siti* emorior! (*) (*) *Dum sumus in via semper*
Cupido 1. Quem audio! quid video? *sitimus solatia, vel vana, vel*
Marioph. O quisquis es, da da mihi bibere! *spiritualia.*
Cupido 1. Superi! pectus hiat terribili vulnere!
 In latrones, in latrones incidimus!
 Necesse est fugere!
Marioph. Erras amice, non me latro percussit:
 Est vulnus amabile.

Aria.

Lento itinere (*) (*) *Tepide tendebam ad*
 Statueram petere *Cælum, antequam Ma-*
 Cœlestis Solymæ *ria fervorem accenderet.*
 Palatia:
 Cum ecce! repente de cœlo
 Prospiciens Amor hoc telo
 Armavit se,
 Percussit me,
 Et ussit viscera.

2.

Telum gratissimum!
 Vulnus suavissimum....
 Mira dulcedine
 Pectus est hilare!
 Sed sitis, ah! sitis est gravis! :
 O Amor! ah! sitis est gravis!
 Tu juva me,
 Et aridæ
 Succurre animæ!

Cupido 1. Miseret me:
 Sed idem me pressit malum, quod cruciat te.

Micro-

Hierosolymam, sicut tu, (*) (*) Omnes dicunt:

Intrare desidero; volo salvam.

Sed, dum ferventius ambulavi, prope siti exarui.

Fontem circumspicio:

Undique, nescio, cujus invidia, inaccessum invenio.

Ergo coactus necessitate isthic confideo,

Et ex cisterna vires reficio.

Idem tibi poculum offero: ebibe!

Si quid credis experto,

Refocillaberis certo,

Et perges alacrius iter facere,

Me etiam, si finis, comite.

Marioph. Vah! tu potuisti bibere aquam tam foetidam,

Ex puteo tam turbido?

Ego non possum: nauseo!

Cupido 1. Et tamen dicis: sitio?

Marioph. Ah! ita est. O Amor Marjane, O Amor,

Sitis me premit aspera! *Echo.* Spera!

Marioph. Jo!.. Est aliquis, qui mihi subveniet?

Echo. Veniet.

Marioph. Ah! sentio: illudit mihi, qui clamat. *Echo.* Amar.

Marioph. Amas, & cessas venire? *

Gen. Mar. Adsum! rupta sunt retia:

Ingredere! cessabis sitire.

Marioph. O Amor! Amor mi!.. jo Socie, nunc libet bibere!

Cupido 1. Jam satur sum.

Gen. Mar. Quem tu compellas Socium?

Cupido 1. Peregrinus sum.

Gen. Mar. Suspectus es, quia dicis te saturum. (*) Detegitur hypocrita

Exhibe sarcinam, aut !... (*) arma ferens sub toga

Hem! teneo Mundi Genium, latronem impium!

Marioph. Boni Coelites! quantum evasi periculum!

* Prodit Amor raptis retibus.

Cupido

Cupido 1. Vah! cur non occidi te! (*)

(*) *Anfugit.*

Marioph. O Amor, tutor optime,
O Amor ter benefice!

Gen. Mar. Jam bibe, vires refice, vulnus clue!
Grandis tibi restat via,
In qua, nisi quis se ex hoc fonte reficiat,
Necesse est, ut deficiat.

Aria.

Ad fontem aquæ vitæ
Huc animæ venite:
Salutis hæc est vena,
Virtute coeli plena!
Venite! haurite!

2.

Omittite cisternam:
Hinc bibitis solatium,
Hinc verum refrigerium,
Hinc vitam sempiternam:
Venite, haurite.

Marioph. Vere sentio pretiosi fontis virtutem,
Quam laudas: sentio,
En! momento vulnus coaluit: valco, vigeo!
Jo, curram, & non respiciam,
Donec in patriam tot votis exoptatam perveniam.

Gen. Mar. Laudo propositum!
Sed nondum propterea (*)
Positus extra periculum
Jam tenes viæ terminum.
Adhuc vivunt latrones,
Et nox, quæ te obruit,

(*) *Præter solatium in tenta-
diis affert devotio Maria-
na etiam auxilium in ten-
tationibus.*

Mul-

Multiplex obtegit tibi præcipitium.

Itaque caute progredere, (*)

Et in periculis, in angustiis, in rebus dubiis,

Quam ibi vides procedere,

Respice Stellam, voca Mariam!

(*) Oritur stella
Mariana.

Marioph. O lux! o splendor Sanctissimi Nominis!

Video, o bone Genie,

Video meæ felicitatis tesseram,

Et faciam, quod suades, faciam!

Duetto.

Marioph.

In periculis,

Cum stygii latrones

Redibunt ex insidiis,

Clamabo: *Maria! Maria!*

Gen. Mar.

Et aderit Maria.

Marioph.

In Angustiis,

Cum me tentationes

Constituent in tenebris,

Clamabo: *Maria! Maria!*

Gen. Mar.

Et aderit Maria.

Marioph.

In rebus dubiis,

Cum stabo cæcus horridis

Propinquans præcipitiis,

Clamabo: *Maria! Maria!*

Gen. Mar.

Et aderit Maria.

Ambo.

Et quis audebit se

Gen. Mar.

Movere contra te,

Marioph.

Contra me,

Ambo.

Si aderit Maria!

MEDITATIONIS

DE

FRUCTIBUS MARIANÆ

DEVOTIONIS

PUNCTUM I.

S. Elzearius beatus in vita.

SCENA I.

Adalbertus. Ernestus. Ludovicus.

L *Ludovicus.* (*) O si respiceres has lacrymas Virgo, & Elzearium mihi donares! *Adalb.* Molesta narratio est. Ecce ego non maturius admonitus fui de cognati periculo? *Ernest.* Nempe quia nudius tertius adhuc nemo suspicabatur periculum. Heri pronuntiata a Medicis sententia est, & tum continuo expediri cursorem Dalphina iussit, qui te advocaret. *Adalb.* Quo animo fert casum funestum Soror? *Ernest.* Eodem, quo ipse Comes, uterque pacatissimo, & ad nutum Numinis perfecte composito. *Adalb.* Hem! Filium video. Superi! quam infelicem facitis Ludovicum meum, si Elzearium eripitis nobis! Ludovice! *Lud.* Ah! Domine Parens, in quam magni luctus partem huc venis! *Adalb.* Audio. Sed quid tu hic agis ad cubiculi fores? *Lud.* Deiparæ supplex accidi, ut, quos Deus donabit mihi, annos vitæ cognato adjiciat. *Adalb.* Quod debes, facis, si amas virum, qui tibi pro Patre est. *Lud.* Amare quid juvat, si juvare non possum! *Adalb.* Spera bene. Vigor ætatis, robur corporis, & sedulitas me-

den-

* Coram imagine B. V.

dentium reſtituent Elzearium nobis. *Lud.* Ego, niſi a coelo, nihil ſpero, & ipſe etiam Comes jam toto animo ad æterna converſus mortem in votis habet. Cum Juſtino eſt intus, & conſcientiæ rationes componit. *Adalb.* Scio. Erneſte, cum finierit, ad eſſe me nuntiâ. *Erneſt.* Dicam.

S C E N A II.

Adalbertus. Ludovicus.

A *Dalbertus.* Interea tu mihi refer, Ludovice, quid fiat. Amat te Comes? *Lud.* Ut Filium amat. *Adalb.* Hac ſpe in ejus diſciplinam te tradidi, ut, cum improlis ſit ipſe, te adoptaret. Age: nihil advertiſti, ejusmodi agitari conſilia? *Lud.* Nihil ſane. *Adalb.* Et nihil de teſtamento ſaltem, de quo utique nunc cogitaverit? *Lud.* Immo Teſtamentum audivi jam anno abhinc conditum eſſe, cum prima infeſtavit infirmitas. *Adalb.* Ergo ſi moritur affinis, gravis nos infelicitas excipit: hæres non eris. Neſciô, quod inimicum ſidus naſcenti luxerit! ita ſpes omnes meæ repente deſtituunt exultantem, & humi proſternunt. Quid igitur loquitur tibi Elzearius, ſi nihil ejusmodi? *Lud.* Jucundiſſima colloquia ſunt. *De vita beata, & de beata morte* quotidianus ſermo fuit, certaquæ hora, qua convocatiſ domesticis de hac materia diſſerit, præcepta, media, impedimenta, methodum explicans. *Adalb.* Rem audio inauditam de nobili viro. Expoſne clarius, quid fiat. *Lud.* Stata hora nempe convenimus, ut dixi. Tum mihi librum a ſede deſectum porrigit Comes, & prælegere jubet. Quadrantem audior: deinde ex iis, quæ lecta ſunt, quiſque, ut vult, dubia ſua, & quæſtiones proponit, quibus jam ille, jam alius, quod videtur, reſpondet. Ultimus mentem ſuam Elzearius explicat, aut ſi quæſtio difficilior incidere, diſſert reſponſum, donec ſolidum a Sapientibus audiat. Atque hoc quotidianum nobis jentaculum eſt, quo mane paſtri animam ſuſten-

tamus, ruminando audita. *Adalb.* Exotica exercitatio est! & comparent domestici? *Lud.* Tenentur, sicut aliis legibus, ita huic obedire, nisi malint dimitti. *Adalb.* Et quæ sunt illæ leges præterea? *Lud.* Memoriam praxis firmavit: facile recito. *Prima est:* Missæ Sacrificio singuli quotidie interfunt. *Secunda:* vitam pudicam, & castam omnes agunt. *Tertia:* Singulis octiduis sacra Confessione animum expiant: singulis vero mensibus sacra Synaxi se reficiunt. *Quarta:* Tempus antemeridianum pietati, pomeridianum labori danto, & nemo otiator. *Quinta:* Verbum vel impium, vel obscenum atro pane, & aqua luunt. *Sexta:* Vetito ludi genere omni se abstinunt. *Et septima:* Horam quotidie piis colloquiis danto. *Adalb.* Neque ista disciplina Monastica ridiculum virum in aula facit? *Lud.* Non curat. Hac enim arte obtinere se ait, ut in famulitio suo nemo improbus sit, eo quod nemo, nisi probus, aut aspires, aut duret. *Adalb.* Ego vero miror, esse hominem, qui famulari ex his legibus velit. *Lud.* Certant etiam, quia severitatem legum temperat amabilitas Domini, a quo illis victus, ac vestitus liberaliter, & statuta merces, cum tempus postulat, sine mora tribuitur. Hoc laudant, & tque propterea in omnes conditiones libenter condicunt. *Adalb.* Video placere tibi hanc methodum, & imitaberis, opinor, cum reges. *Lud.* Certe, Domine Parens, & propterea gratias tibi maximas debeo, quod in has ædes induxeris me; nam domi nostræ nihil simile didicissem. *Adalb.* Quid loqueris puer, & cui? egone te malum docui? *Lud.* Absit, ut dicam hoc: sed nisi apud Elzearium, non didicissem bona, quæ didici, hoc dico. Neque te Domine Parens, offendere hæc linguæ libertas debet: gravissimus dolor sic loqui cogit! jacturam immanem patior, cum Elzearium perdo. Domi nostræ saltare, equitare, digladiari doctus sum, & quid præterea? Nobillum exercitia hæc vocantur, sed nobilem plane non faciunt. Interea tu ibas ad negotia tua, & me curæ Matris relinquebas: Mater conversationibus distenta,

stenta, quando me ad eandem non secum traxit, Moderatori me tradidit, qui, ne offenderet, me mihi reliquit. Sic inter nugas, in grege feminarum, & inter domesticos calones pueriles annos transegi, quam misere, nunc primum intelligo, cum adolescentiam ingressus, divino plane consilio huc translatus sum, ubi exercitia pedum & manuum, quæ Nobilem decent, non negliguntur quidem, sed exercitia intellectus, ac voluntatis, quæ Christianum efficiunt, urgentur magis. *Adalb.* Neque tu obstupescis patientiam patris ad tam longum paragraphum? *Lud.* Dixi; si quid audacius loqui videor, veniam luctus exoret, qui gravissime sentit malum, quod ex cognati morte incumbet mihi. O cœlum, averte istam a me miseriam! non ego hæreditatem Elzearii, sed Elzearium, Elzearium amo, cujus mihi conversatio præ omni opulentia prodest. Denique, Domine Parens, ut palpes, quam justus sit dolor, hoc scito, domi nostræ infelix, dubito, an salvam servaverim innocentiam: hic coepi etiam aspirare ad sanctitatem, & audeo eniti ad verticem, nisi tu mihi, DEus, Magistrum & Ducem auferas heu! mature nimis. Irascor mihi, quod occasione tam opportuna ita negligenter sim usus! Me miserum, si ferus est planctus! at si per te, Virgo, fiat, ut prorogetur vita Elzeario, testis est mihi præsens Pater, utar in rem meam diligentius exemplis, ac monitis viri, & sicut me sanguis extulit supra plebem, sic ut sim Christianus de plebe, non ultra feram. *Adalb.* Enimvero puer immutatus est penitus mihi: pæne in pudorem me agit. Ludovice, sis macte animo! video te bonum esse. Nihil offendis me; plura loquere. Quid insuper didicisti? *Lud.* Didici pretium tempori ponere. Domi nostræ nullus ordo est: diem in noctem vertimus, & noctem in diem, totumque in nugis perdimus fere: hic apud Elzearium omnia tempus habent statum accertum. In tres partes dies quævis dividitur, quarum alia corpori datur, alia negotiis, tertia Religioni. Ita nemo otiiatur, nemo male, nemo inutiliter occupatur. *Adalb.* Su-

pra ætatem sapis, qui hoc advertis. *Lud.* Ipse ordo sapientiam tribuit: quotidie, quantum proficiam, video. *Adalb.* Gaudeo: plura loquere. *Lud.* Singulariter præ aliis cognati virtutibus rapuit me tenerima Devotio, qua in Deiparam fertur. De hac quoties locutus est mihi, vix locus est sine jubilo cordis: ex hac se beatum esse in vita dicebat, & sperare, in morte beatum fore. Hoc medio, monebat me, casus adversos omnes aut evitari feliciter, aut ferri fortiter: atque in his geminis cardinibus hujus vitæ beatitudinem verti. Video commoveri te, Domine Parens, ad beatitudinis mentionem, & scio, quid animo volvas. Multæ ærumnæ te premunt: non prement autem posthac, vel non opprimunt saltem, si cum Elzeario ad MARIAM confugas. Ludovice, aiebat ille mihi, crede, cum adversa te infestabunt, in ictu oculi, quem in Virginis Iconem devote conjicies, plus roboris, plus solatii, & cum proderit tibi, etiam plus auxilii experieris, quam a quovis Patrone speres, etsi multis, magnisque servitiis culto. Et rationem suæ sententiæ reddens addebat: homo solari temerentem aliquando non vult, aliquando non poterit: MARIA semper potest, semper vult. *Adalb.* Doctorem insignem habes: gratulor scholam utilem, filii mi! cresce! profice!

SCENA III.

Elzearius. Adalbertus. Justinus. Ernestus. Ludovicus.

E*Ernestus.* Tandem accessus datur, Justinus prodit. *Adalb.* Pater, ut placet Comes? *Just.* Sanctus est. *Elzear.* Solum te Deus velit, cognate mi! *Adalb.* Ah! utinam cito saluum te rursus videam, Elzeari! quantum affligat me tua afflictio, dicendo non sum. *Elz.* Me nihil affligit, nisi quod brevem vitam negligenter vixerim in servitio tuo, Servator mi! *Adalb.* Brevem vitam! actumne igitur de vita putas! Superi meliora! *Elz.* Superi
peri

peri quid melius, quam Cœlum dabunt? O Cœlum! O Patria!
 O Sedes amoris mei! assurge anime supra nubes! supra stellas
 levare! festina mors, rumpe carcerem, laxa viam, qua mens in
 cœlum, in cœlum evolet! *Just.* Suspirium sapiens! nempe intel-
 ligis, Domine, quantum bonum sit cœlum. *Elz.* Cœlum sibi, &
 mihi emit Redemptor meus suo sanguine: pretio tam magno,
 mercator tam intelligens, rem parvam non emit. *Just.* Sic est:
 ex pretio colligimus, quanti æstimanda sit merces. *Adalb.* Cœ-
 lum omnes æstimamus, omnes desideramus: sed tu præpropere
 nimis abis. Septuaginta, vel octoginta annorum senex pro-
 ficeris mature satis. Servet te DEus Regi, Reipublicæ, fami-
 liæ, nobis! *Elz.* Si necessarius sum, non recuso laborem. Sed
 quis ita superbiat, Adalberte, ut se credat necessarium Orbi esse?
 Si DEus nostrum aliquo dignatur uti in bonum Orbis, honorem
 facit: serviamus, quamdiu serviri sibi ipse vult. Si ad merce-
 dem servitii ante alios evocat me, nunquid beneficium præstat?
 & ego reluctans eam? absit! alios, O bone DEus, senescere in exi-
 lio jubes, me juvenem vocas in patriam: & ego deprecor? gratias,
 gratias ago, quia magna gratia est mori mature. *Just.* Illis nempe,
 qui post mortem spem vitæ melioris prudentem, & solidam ha-
 bent. Male mors a pictoribus promiscuè horridam speciem, ac-
 cipit. Compages ossæ, decalvata frons, exesæ naræ, effossi ocu-
 li, excussi dentes, armata manus emblema mortis sunt, qualis ad
 impios venit, quibus eripit omnia, & nihil reddit. At quæ ad pro-
 bos mittitur, mors pretiosa est, quam purpura & byssus vestiunt,
 charitatis & innocentie Symbolum: caput auro, digiti gemmis
 micant, manus palmam, & oleam præfert: facies amabilis finem
 miseri temporis nuntiat, & initium felicitis æternitatis. Cui sic apparet
 ornata mors, num terribilis erit? *Elz.* Jucunda est, quoties comi-
 tem peccatum non habet. O ut appareat cito, & in cœlum me
 transferat! *Adalb.* Et nihil superest, quod disponas in terris? ul-
 timæ voluntatis testem me offero. *Elzear.* Nihil huc distuli. Ut
 ad

ad ultimum agonem me comparem, una sola est cura. Tu solare Dalphinam, mi Adalberte, Soror illa mihi, æque ac tibi fuit. Felix par conjugum fuimus, semper cor unum, & una anima. Nexus sanctus nos colligavit, amor Deiparæ, & imitandi cupido. Hic fons omnis boni est, quo mihi vita affluxit: hinc in periculis auxilium, in rebus dubiis consilium, in angustiis solatium, hinc perpetua mentis tranquillitas venit, qua nihil potest esse in hac vita beatius: hinc jam in hora suprema, si quid forte hostis humani generis turbet, præsidium spero, & lætam victoriam, quam triumphus cœlestis excipiet. O MARIA! quantum debeo tibi! o dulcis cogitatio! post paullum videbo te in cœlo stantem a dextris Filii tui! Amici, gratulamini mihi, MARIAM videbo amictam sole, stellis coronatam, cum Luna sub pedibus! o infelices animæ, quibus tam dulce spectaculum æternum negabitur! at ego, ego videbo te, ita spero per te, videbo te Virgo, Mater, Domina, Patrona, Advocata mea! *Adalb.* Fatigaste, cognate, fervore affectuum: quiesce, obsecro. *Just.* Illustrissime Domine, discedemus paulisper, si pateris, ut solus minus contentiose tibi vaces. Si quid opus sit mea opera, in vicino cubili sum. *Elzear.* Bonum shades, mi Pater. At tu, Ludovice, mane mecum, ut lectione pia tædium solitudinis leves, & languorem animi adjuves: Parens hoc mihi solatium dabit. *Adalb.* Utinam ad alia obsequia utilis Filius esset! *Lud.* Quid legam! *Elz.* De Passione Domini, mi Fili, sed lente, & per intervalla subsistens, ut ruminari possim, quod legis. *Lud.* Opto satisfacere desiderio. *Elzear.* Adalberte, Filium habes, cujus mihi indoles multum solatium tulit. Commendasti mihi: restituo tibi. Fac, ut, qualis est, talis maneat, MARIÆ magis, quam tuus. *Adalb.* Tu talem fecisti. Ludovice, plus Elzeario, quam Patri debes. Ego, ut esses, dedi, hic, ut bonus esses. *Lud.* Scio, quid debeam: & si servet te cœlum mihi, scies, me scire. *Elzear.* Omitte verba, & lege.

S C E N A IV.

Adalbertus. Justinus. Ernestus.

A *Dalbertus.* Discedimus. *Erneste,* ego non puto periculum tam vicinum esse, ut tu ajebas. Firma vox est, nec admodum fractæ vires: spero, restitui Elzearium sibi, & nobis posse. *Ernest.* Aliud Medici pronuntiarunt, inter quos o si quis esset, qui tecum sentiret! ego Illustrissime Domine, virum adorarem pro DEO: ita mihi chara salus Domini est. *Just.* Nempe collegit vires fervor, quo se ad actum extremum æger disponit. Sed quidquid sit, ego laudo prudentiam Comitum, qui etiam in remoto periculo tam provide pro anima agit. *Adalb.* Nisi nimia providentia est. Nam sæpe periculum fingitur majus vero. *Just.* Fieri potest. Sed ego hoc dico, malle me, ut majus vero periculum mihi nuntietur, quam ut per dissimulationem deceptus ad extrema deducar, & jubeam mori, priusquam de morte cogitem. A Medico sic blandientelibera me Domine! certe, sive de animi, sive de bonorum dispositione loquamur, obesse nihil festinatio potest, prodesse semper. Aut age Domine, an maturam testamenti confectionem improbes tu? *Ernest.* Ego sæpe audivi, non ægris modo, sed sanis etiam hoc consilium fieri, ut testamentum conficiant. *Adalb.* Ego hujus consilii rationem non video. *Just.* Ego vero sententiam tueor duabus ex causis. Qui testamentum sanus, ac valens, conficit, cum, ajo, cum moriendum erit, gavisorum pluribus meritis, & majori quiete. *Adalb.* Duo magna commoda sunt, si possis probare. *Just.* Obvia demonstratio est. Ægro testamentum facienti neque *judicium*, neque *libertas* est integra, quomodo grande meritum erit? morbus impedit hominem, ut serio dijudicet, quæ sit dispositio DEO gratior, sibi utilior, aut quam præ alia ratio, fides, pietas exigit. Festinatur, & obviæ quodque consilium æger amplectitur. De-

K k

inde

inde si etiam valeat iudicium, quam laudem libertatis meretur dispositio ad pias causas eo tempore facta, quo res tuæ vix amplius tuæ sunt, certe in aliud commodum nullum posthac utiles tibi? Quando vero testamentum a sano fit, primum testator est melius dispositus ad merendum, deinde hæres nominabitur dignior, denique qui est testator, idem sui testamenti magnam partem poterit esse executor. Atque his commodis accedit *placidissima quies*, qua fruitur moriens, qui adhuc sanus a testamenti curis se expedivit. Si expectaveris infirmitatem, *duceris, quo tu non vis*, & testamentum aut nullum facies, aut male. Tu, & tui obstabis actui, ut bene fieri non possit: neque iustitiæ, neque charitati, quod suum est, dabitur. Et tu credis, in tali ultimæ voluntatis dispositione acquiescere conscientiam posse? *Ernest.* Et sic nimirum ultimæ vitæ horæ inter multas turbas agentur, quando, si unquam, tunc certe cum quiete vacandum soli curæ salutis esset. *Iust.* Sic fit: sed hæc iusta punientis DEI vindicta est, ut iidem ipsi, qui curam salutis in illud momentum differunt, etiam tunc impediuntur curare se, & obiter agant, quod deberet totis viribus agi. *Adalb.* Video, hæc bene suaderi: sed non utique damnabis facientes contrarium? paucos certe, qui ita properent, novi. *Iust.* Equidem testamenti dilationem dissimulari sæpe posse, non nego, saltem quando ex illa impedimentum curæ salutis non fit; sed quod in eundem articulum negotium totius conversionis rejiciatur a multis, quis patiens ferat? quid? quod sint, qui ne quidem, quando ægrotant, de confessione moneri se sustinent, quin patiantur deliquium! *Ernest.* Nimirum non cuilibet ita jucunda est mors, uti Elzeario accidit. *Iust.* Atqui, mi Erneste, hæc pessima consequentia est: *Moneor de confessione, ergo moriendum est mihi!* quis ita ratiocinatur, si sapit? imo celeris confessio ab ægroto peracta non modo non accelerat mortem, sed etiam sæpe sanitatem restituit. *Adalb.* Mirabilem medicinam præscribis. *Iust.* Ratio, & exempla efficacia

ciam probant. Morbi enim, sicut & mors, sæpe peccatorum flagella sunt, quibus nihil aliud agitur, quam ut vitam in melius commutemus. Sæpe qui diu sceleribus assuevit, repente morbo corripitur: vocantur Medici, fiunt consilia, præscribuntur potiones, vigilatur, fametur, sudatur: frustra omnia. Nempe radix morbi, & massa febrilis peccatum est; peccatum, nisi per confessionem tollatur, non benedicit DEUS Medicorum conatibus: excæcantur, ut nec morbi genus agnoscant, nec aptum remedium inveniant. *Ernest.* Sic est, quod dicis, hæc eadem causa facit, ut morbi leves sæpe in periculosos degenerent. *Iust.* Sic fit: actum demum vocatur Confessarius, sed tum aut confessio nulla fit, aut inutilis fere. *Adalb.* Audio hanc doctrinam centies inculcari. Sed nimium videmini exaggerare periculum. Nam in urbe degentibus etiam, cum subitus casus opprimit, Confessarii copia deesse vix potest; deinde, cum circumstantiæ non admittunt, confessionem adeo exactam non exigi, ipsi admittitis: unde igitur tantum aut nullius, aut non utilis confessionis periculum sit? *Iust.* Tangis punctum, Domine, quod multos perdidit. Videmus plerosque, etsi impie vixerint, inter poenitentis animi signa, omnibus Sacramentis munitos, placidissime emori: atque hæc exempla audaciam temerariis pariunt, quæ quam multos in exitium trahat, dici non potest. Tu Domine, hic attende diligenter, quid dicam. Dico neminem bene mori posse, nisi qui se ad mortem rite paraverit. *Adalb.* Fides hoc, & ratio docet. *Ernest.* Et ita certa sententia est, ut nemo unquam interrogaverit, an, sed omnes hoc unum disputent, quando, & quomodo facienda præparatio sit. *Iust.* Bene habet. Jam hoc quaeritur: an ille, qui usque in ultimi morbi tempus præparationem distulit, tuto censerì possit, bene præparatus obisse, si fuerit confessus, si dederit alia conversi ad DEUM animi signa, si in præsentia assistentis sibi Sacerdotis, inter pia suspiria, placide moriatur? *Adalb.* Quæ enim signa præterea exigas? *Iust.* Nisi diu ante præ-

cesserit vera conversio, dico, hæc signa valde suspecta esse, atque hæc sententia ita confirmata cōmuni sensu est, ut in proverbium abierit opinio: *Pœnitentia sera raro vera*. Et ratio facile divinatur, si modo consideremus, *quando, & quomodo* tunc confessio fiat. Imprimis enī *sub initium morbi* ejusmodi homines de confessione non cogitant, quia nondum tunc credunt, se morituros: *sub incrementum morbi* tota sollicitudo eo vertitur, ut propulsetur mortis periculum: quid superest? in extremo periculo demum, quando desperatum de vita est, cura salutis suscipitur, & negotium tantum intra aliquot horas, aut si multum, intra biduum, vel triduum agitur. *Adalb.* Sic est: & tantum temporis sufficit utique, ut, qui a confessionibus est, tria verba pronuntiet: *Ego te absolvo! Just.* Ut pronuntiet, sufficit minus etiam: sed ut pronuntiet *cum fructu*, requiritur, ut officio bene fungatur, ægrumque disponat ad gratiam, quod ut fiat, necesse est, ut *evellat* latibulum scelerum, ut *destruat aras* idolorum, ut *dispergat* inanes spes, & pessimas affectiones, ut *dissipet* terrenas curas, & angores inutiles, insuper ut *edificet* firmam fidem, & sinceram fiduciam, quæ se assuetus præsentibus animus in futura attollar, & demum ut *planet* charitatem veram erga DEum, & proximum, acerbum peccati cujuslibet odium, veramque sui subjectionem cum adoratione Divinæ voluntatis: hæc indigent tempore apud hominem his exercitiis Spiritus parum assuetum. Coeterum non diffiteor, sæpe contingere, ut æger ita debilis sit, ita confectus doloribus, molestiis fessus, lingua impeditus, auribus fractus, ut Confessarius expedire cito se debeat, & absolvere hominem, cum prudenter judicat esse dispositum. Verum quoties nos nostra prudentia fallat, & quanti talis absolutio apud DEum sit, olim patebit. Sæpe *per festinationem* in administratione Baptismi erratur, cujus inter Sacramenta facillima impertitio est: quid in expeditione Pœnitentiæ fiet, quod omnium difficillimum est? Certe ita solet accidere: quoties ex temporis defectu festinandum est,

etiam

etiam erramus *in modo*: non finis, non methodus præscripta servatur. *Adalb.* Paulatim facis, ut apprehendam periculi gravitatem; nempe nos talia parum serio meditamur. *Iust.* Sine, ut discursum tam gravem ex oraculo Divino concludam. Apud Matthæum sic loquitur Christus: (*) *Si autem dixerit malus servus ille in corde suo: moram facit Dominus meus venire, & cæperit percutere conservos suos: manducet autem, & bibat cum ebriosis.* En! hætenus describitur genus hominum, qui sic salutis negotium differunt. Tribus fere vitiis inquinantur, a quibus summe difficilis conversio redditur. Primum est *negligentia rerum Divinarum*, cum obstinatione ad omnes minas indomita: sibi credunt isti, alteri nemini: quod cor garrit, oraculum putant. *Moram facit Dominus*, dicunt, quidquid alii contradicant. Alterum crimen imperiosa audacia est, & iniustitia erga proximum, qua percutiuntur conservi. Tertium luxus, ac cupiditas voluptatum cum profusa vitæ licentia, qualis inter ebriosos viget, quibus usus rationis non est. Cum istis talibus audi, quid sit futurum. Sic pergit æterna Veritas: *Veniet Dominus servi illius in die, qua non sperat, morbum fatalem immittens, & hora, qua ignorat jam ad extrema se esse deductum: & quid tum fiet? Dividet eum, & separabit a servis bonis, partemque ejus ponet cum hypocritis.* Hem! poenam dignam culpa! nempe talium extrema poenitentia fere mera hypocrisis est, qua se, & alios fallunt. Hypocrisis *dolor*, quia vix aliud est, quam qualis est morientis lupi, qui si diutius viveret, diutius raperet. Hypocrisis *confessio*, quia mutila, & sæpe cum simulatione impotentia, quæ revera acedia est. Hypocrisis *satisfactio*, quia nulla fit restitutio famæ vel pecuniæ, nulla solutio debitorum, nulla abolitio scandali, nulla reconciliatio cum inimico, & denique tota poenitentia desinit in pium suspirium: nempe quia sic moris est, ne fiat omnino nihil, ut satisfiat urgenti familiæ, ut consulatur famæ, & ne quis dicatur, ut bestia, crepuisse. Hypocrisis! apage cum istis poenitentibus in locum, *ubi eru ste-*

tus propter segnitiam, & *stridōr dentium* propter simulationem ! Ego malo *post vitam piā* morte subitanea abripi, sterni fulmine, lacerari a belluis, aquis mergi, rabie confici, & sine Sacramentis emori, quam *post vitam diu male actā*, cruce armatum, inter oscula vulnerum, & sacra nomina suaviter instar candelæ extinguī. Ah! neerremus! non est idem, *non est idem mori placide, & mori bene*, multoque certior est bona mors post bonam vitam, quam post tam seram poenitentiam. *Adalb.* Evicisti sententiam, & ego evidenter concludo, si non certo exitio, certe grandi periculo exponi animam, quæ poenitentiam in tempus tam dubium differt. Doctrinam applico mihi, nam bene mori volo, quocunque labore sit opus. Nunc adeunda Daphina est: cum redibo, dabo occasionem, mi Pater, ut & elum tuum exerceas novo sermone; nam ego multis itineribus distentus, & distractus negotiis, raro de his audio aliquem.

S C E N A V.

Justinus. Ernestus. Ludovicus.

J*ustinus.* Ad obsequia præsto sum. *Ernest.* Afflictus Vir est, & turbas animus patitur. Alius a se Adalbertus videtur: neque enim alias tam longum sermonem patiens audivisset, præcipue de materia tam tristi: novi hominem. *Iust.* Imago Mortis objecta oculis etiam audacissimorum insolentiam frangit. Mihi utendum occasione fuit, qua salubre aliquid loquerer viro, haud alias faciles aures habenti. Nunc Elzearii morientis lætitia, crede mihi, tristem Adalbertum fecit: cogitavit, opinor, reflexione facta in se: *egone modo sic hilariter morerer!* atque hæc tristitia patientiam dedit. Semen bonum seminavi: incrementum det DEUS! *Lud.* Spes bona redit, Pater! æger sublectione in suavem somnum inclinans caput quietem capit. O si evigilet valentior! *Ernest.* Votum est omnium. Sed ego non fido: sæpe somnus novi

novi mali apud agros est prodromus. Ingredior, ut invigilem. *Just.* Officium boni famuli facis. Te hoc velim, Ludovice, ut de Parente magis, quam de Elzeario anxius sis. Scis, quam diversis uterque sit moribus: favet hora; quod suspirasti toties, videre hodie potes, Adalbertum conversum ad Deum. *Lud.* Grandem spem facis. Quid vis, ut agam? *Just.* Vita Elzearii tibi profuit: ut ejus mors Parenti prosit, ut efficias, cura. *Lud.* Desperasti de vita Comitis? *Just.* Actum est, nisi prodigium fiat. *Lud.* Tonitru loqueris. Sic ego infelix te exorare pro Elzeario, o Virgo, non possim! *Just.* Tenegemitum, & Sancto coelum ne invidet. Dignus non est Mundus, ut ultra Elzearium teneat: ideo Superi rapiunt. Tua hæc cura esto, ne patiaris abesse Patrem, cum ultimus agôn Elzearium premet. Videre morientem Sanctum vis ingens est, qua rapitur animus in motus pios. *Lud.* Solatium aliquod hæc spes aspergit. Promissum facio. *Just.* Ut cum fructu facias, I, ora! idem ego facio.

CHORUS.

Mariophilus solidæ Devotionis Fructum alterum
experitur in viæ termino.

Mariophilus. Genius Marjanus. Cupidines. Cherub.

Marioph.
Cupido 1.

AH! ah!
Jo! hæc hora est nostra,
Et potestas tenebrarum! *Luc. 22.*
Adeste Socii! (*)

Quod fraus non potuit, jam faciet vis.

Marioph. Ah! ah!

*Scena exhibet silvam, in qua
Mariophilus ex lapsu inter
tenebras humi affictus gemit.*

(*) Sibili convocat Socios.

Cupido.

Cupido 2. Quos audio gemitus? quid vis?

Cupido 1. Sidus malignum disparuit in æthere,
Marjanus Genius discessit a latere,
In tenebris ambulans impexit improvidus,
Et cecidit Mariophilus.

Opprimatur! (*)

(*) *Sæpe casus in peccatum veniale
trahit in culpe mortalis periculum.*

Cupido 3. Opprimatur! (*)

Marioph. Heu me! heu me!

(*) *Nostre cupiditates, cum per
spem boni non possunt, metu mali
ad scelus alliciunt.*

• *Omnes* tres. Perfide! quos expulisti,
Aut recipe, aut morere!

Marioph. MARIA! MARIA! (*)

(*) *Utilis in tentatione exclamatio.*

Cupido 1. Vah! Sidus invisum, fulgur horridum!

Cupido 2. Inferi! nihil proficimus!

Cupido 3. Arma eripit trepidatio: fugimus!

Marioph. O Stella salutifera!

Hostes fugasti,

Et reddit vires prostrato

Influxus tui gratia, Sentio!

Aria.

O bella,

O aurea Stella!

Quot radiis fulges,

Tot mihi influxus benignos indulges!

Te poplite flexo honoro,

Te gratus adoro,

Te oro,

Ut porro

In tenebris lux,

In via sis dux.

At en! quale video portentum!

Subsistis, o fidus amabile, in cursu medio?

Quid

Quid cogitem? forte, cūminimè exiſtimo,
Jam ſto in viæ termino?

Cherub. Quis loquitur?

Marioph. Quis huc tentat intrare? (*) (*) *Judicii particularis imago.*

MARIA! MARIA!

Prò! quæ eſt iſta romphæa terriſica!

MARIA adjuva!

Cherub. MARIAM novi: ſed te, ut poſſim probare,

Si huc vis ingrédi, debeo examinare.

Quod genus? unde domo? quis eſ?

Marioph. Genere ſum Nobilis,

Domo vetuſta genitus,

Officio præcipuis dudum magnus titulis,

Doctrina, & opibus clarus,

Principibus charus,

Toga, ſago, rebusque geſtis celebris.

Cherub. Multa congeris, ſed nihil ad rem.

Aria.

Si præter præſcūm ſanguinem,

Et vanam opum ſpeciem;

Ac pompam Titulorum,

Non habes, quod loquaris:

Ad Cælum Ethnicorum,

I procul! ablegaris.

^{2.}
Pompeii, Croeſi, Cæſares,

Platones, Ariſtoteles,

Te gloria geſtorum

Prò! quantum præceſſerunt;

Nec tamen hanc Sanctorum

Mercedem meruerunt.

L I

Marioph.

Marioph. At ego tamen sum Christianus!

Cherub. Nunc dicis aliquid,
Sed quod nondum sufficit.

Marioph. Insuper Sodalis sum Marjanus!

Cherub. Sodalis es? qualis? Eja! exhibe Testimonium!

Marioph. Testem habeo Marjanum Genium,
Quo volente ex hac Formula
Juravi homagium.

Cherub. Et quod scripsisti, intellexisti?

Marioph. Explicationem attente audiui,
Serio meditatus, & sedulo executus sum.

Cherub. Satis est: patent portæ, (*)
Euge serve bone,
Ingredere in gaudium tuæ Dominæ.
Paradisum, quem infelix Eva clausit posteris,
Suis MARIA aperit Filiis.
En habes obvium, quem appellabas, Genium.

Marioph. O splendor! o jubilus! ubi sum!

O felix Devotio!
Nunc, quanti sit, bonum fuisse Sodalem,
Nunc demum intelligo.

Aria.

O Marjana Formula!

Tu boni Cultus tessera,

Tu, sicut *sanctæ* regula,

Sic vitæ *beatæ* principium es.

Tu *Perfectorum* Speculum,

Tu Lex *Proscientium*,

Tu via *Pœnitentium*,

Tu sola es solida omnium Spes.

Gen. Mar. Extra te es!

Redi ad te, Mariophile!

(*) *Exhibetur Paradisus.*

Duetto.

Duetto.

Marioph.
Gen. Mar.

Jo ! salve bone Genie !
Vive ! vive Mariophile !
Amplector te !
O ! sine me
Ad pedes prostratum fateri,
Quid de me volueris mereri :
Meum tu præsidium,
Meum tu es gaudium :
Tu salutis Auctor es,
Mea tu corona es.

Gen. Mar.
Marioph.
Gen. Mar.

2.

Ambo.

{ Meæ Tu Devotionis
{ Tuæ
Fundamentum labile
{ Docuisti cernere :
{ Didicisti
Nisi tu } Me
Te } correxisses,
Spes incautum misere
{ Mea perdidisset Me }
{ Tua perdidisset Te }
Tu salutis Auctor es,
Mea tu corona es

Marioph.
Gen. Mar.

Fructu obedientiæ jam lætus fruire
Ex vitæ arbore.
Quam tu plantasti, MAria rigavit,
DEus incrementum dedit !

L 1 2

Frucere,

Fruere, comede,
Et vive in æternum!

Marioph. Vivam ad Virginis Gloriam

Servus perpetuus;

Cherub. Immo non jam Servus, sed Filius.

At ego ad horti introitum

Hoc solidæ Devotionis affigo Testimonium,

Legite, quali subiaceatis examini,

Quicumque huc cupitis ingredi,

Aria,

Spes in Devotione,
Ut firma sit, ut solida,
Ex hac firmetur anchora:

Sit causa vite bonæ.

Quod scribitis, servate:

Hinc vestram spem probate,

2.

Non fidite colori!

Quo Serpens ab initio

Est usus artificio,

Eodem adhuc hodie

Quam multos cogit mori!

Poma sunt formosa,

Promissa speciosa;

Non fidite colori.

PUN-

PUNCTUM II.

S. Elzearius beatus in Morte,

SCENA I.

Adalbertus solus,

A *Adalbertus.* Elzearius Virgo in conjugio! O Vita Angelica! & quis ego?... nunc intelligo verba: *Soror illa mihi, æque ac tibi fuit!* Daphina explicavit. Daphina soror, fixisti hac narratione aculeum mihi, qui torquet acerbe. Elzearius Virgo in conjugio! & quis ego?... jam nihil miror tranquillum animum viri, intrepide se morti sistentis. Me vero si mors hac hora ad tribunal Divinum citaret, quo animo irem? Age, siste te tibi anima mea, & sine palpo judica te, antequam ad Judicem venias, judica, qualis fueris, & sis. O DEUS! recogito tibi omnes annos meos in amaritudine animæ meæ! ex triplici legum genere judicabis me, scio: leges, quibus obligor, alias *Natura* posuit, alias *Fides*, alias *Officium*, & *status*; scio. In singulis Elzearium Sanctum invenio. Sanctus *Homo* est: nunquam illi animal dominatur: ratio, ratio semper sedet ad clavum. Sanctus *Christianus* est: ex principiis fidei, non ex rationibus politicis se regit, & suos. Sanctus *Nobilis* est, quem generosus sanguis in bonum ambitum urget, ut sicut in terris eminet, sic in coelis etiam supra plebem se efferat. Sanctus *Aulicus* est, qui summa fide, & sollicitudine Regi servit, quia propter se non servit, sed propter DEum, & nunquam contra DEum. Sanctus *Paterfamilias* est, qui domi suæ ali neminem patitur, quem DEus non amet. Denique *Maritus* est ad prodigium sanctus, quippe in conjugio Virgo, in conjugio Virgo! Superi! quam admirabile speculum objecistis hodie oculis meis, & qualem ego me in illo intueor! Vah!

qua me cunque circumspicio, video, quod horream, & cujus me pudeat!.. Maritus sum sine fide, Paterfamilias sine cura, Aulicus sine Religione; Nobilis per vitæ licentiam, Christianus ad speciem, Homo merum animal. Et talis qui sum, nempe sine horrore audirem terrificam vocem Tonantis: *Redde rationem!* O Mors, ut amara est vel memoria tua homini, qualis ego sum! Et quamdiu talis ero? nempe donec Mors ipsa præsens cubile intret, & migrationem indicat? Ah! sera poenitentia erit, ac minime seria: penetro vim veritatis, quam inculcavit Justinus: *Nimis temerarie agit, qui negotium salutis non citius agit, quam quando jam vix, aliquid poterit serio agere.* Enimvero, si sapiens sum, non differo curam tam gravem, ex spe tam levi, cum periculo tam horribili.

SCENA II.

Adalbertus. Ernestus. Justinus. Ludovicus. Elzearius.

L *Ludovicus.* Prô Superi! Domine Parens, Elzearius moritur. *Ernest.* Justinum admoneo. *Adalb.* Eheu! Elzeari, amice, quo animo es? *Lud.* Viden', ut oculos torquet! ut sudat! ut suspirat atrociter. *Elzear.* O gravis hora! Domine, ne intres in iudicium cum servo tuo! *Adal.* Elzeari, Adalbertum nosti? *Elzear.* Adalberte, Ludovice, orate pro me! vim patior! *Lud.* Ah! propera Pater, Comes agonem subit! *Just.* Crucem porrigite. Illustrissime Domine, en Redemptor tuus! in sacra vulnera commenda spiritum! *Elzear.* Hoc non feci! absit! non feci! *Ernest.* Arcana patitur, & vexat orcus animam innocentem. *Elzear.* Ah! Ah! sic est: in periculum me immisi, sed non peccavi, non peccavi! *Just.* Nihil te turbet hostis tartareus: ad DEum erigere! dic: in te Domine speravi, non confundar in æternum! *Elzear.* Magna est vis dæmonum. *Just.* Fundite

dite preces in subsidium pugilis: DEus opem ferat illi super letum doloris ejus! MARIA clientem respice! *Elzear.* Opitulare Domina! Domina non opitulaberis? heu! Domine, si iniquitates observaveris, quis sustinebit? *Adalb.* Quid hoc? sic Sanctus moritur! *Lud.* Mater gratiæ, Mater misericordiæ ora pro illo! *Just.* Virgo terribilis adjuva! ecce, quem amas, oppugnatur ab hostibus tuis! *Elzear.* Totum me committo divino Judicio. *Adalb.* Ego tam triste certamen ultra videre non possum. *Lud.* Domine Parens, sic ut morientem destituas, decet? *Adalb.* Intueri non possum. *Lud.* Imò exitum pugnæ expectare te juvat: victorem videbimus. Non deseret MARIA tam charum Filium. *Adalb.* Hoc merito Elzeario speret: sed ego quid sperem? subsiste spectator, fili, me horridus horror in latebras agit. *Ernest.* Respirat æger, & DEO sint laudes, jam vicit. *Elzear.* Opè Virginis vici, jo vici! *Just.* Sic suos MARIA amat. *Lud.* Nonne dicebam, Pater? en lætior scena subit. *Adalb.* Ut vales, amice mi. *Elzear.* Bene, mi Adalberte, bene nunc. Sed paullo ante heu! quanto terrore concussum est pectus! *Just.* Nempe alia sunt judicia DEI, alia hominum: & si sine misericordia judicet Dominus, nemo salvabitur. *Elzear.* Nemo, Domine, quia non justificabitur in conspectu tuo omnis vivens. Amice! hac hora o quam alios oculos habeo, ac ante habui! displicet vita omnis, heu! vita quam negligenter acta in famulatu tam magni Domini! DEus! misericors DEus, propitius esto Elzeario peccatori! miserere! *Adalb.* Mihi hos gemitus cede: tu canta: *Te DEum laudamus!* *Elzear.* Miserere secundum magnam misericordiam tuam! Ecce abyssus abyssum invocat, abyssus miserix abyssum misericordiæ! quid? delicta juventutis maligne revocas? ignorantia fuit! *Ernest.* Hem! in luctam revolvitur. *Adalb.* Prò! ut rursus expallet, & tremit! *Justin.* Cor contritum, & humiliatum DEUS non despiciet! *Elzear.*

Elzear. Ignorantia fuit! non intellexi! *Justin.* Ignorantias ejus ne memineris Domine! *Elzear.* Et ab alienis parce servo tuo! hoc nescivi! plane nescivi fieri domi meæ! *Ernest.* Superi! de nobis est angor! *Elzear.* Admonui, & postquam se non correxerit, ejeci ex ædibus improbum hominem. *Justin.* O DEUS usque quo affligis famulum tuum! *Elzear.* Eheu! sic est: hoc exigebat officium meum, & ego omisi! parce incuriæ! *Ernest.* O rigidum examen! *Elzear.* Ah! fateor, hoc feci, & non me-mini, quod sim confessus. Oblitus sum! *Justine!* *Justine!* *Justin.* Cedite paulisper loco, dum conscientia quies redeat. Adsum Domine, quid angit?

SCENA III.

Adalbertus. Ernestus. Ludovicus.

Ludovicus. Quid est hoc? sic ego Elzearium angere, sic judicari, sic premi posse credidissim? Domine Parens, quo animo es? *Adalb.* Sine me! *Ernest.* Sic tremit, sic formidat Sanctus! & quod erit scelus, quod ille sic anxie confiteri adhuc festinat? Trepidus expecto eventum spectaculi. *Lud.* Maria, juva; obsecro! nam quousque spectante te, sic servum tuum orcus vexabit? *Ernest.* Nempe Elzeario ad augendam gloriam, nobis ad excitandam curam hoc certamen permittitur. Formam Judicii, quod nos manet, videmus. Omittitur nihil: ætas, conditio, officium, commissiones, & omissiones in examen vocantur: quis non metuat sibi?

SCENA IV.

Personæ omnes.

Justinus. Adeste! peractum negotium est. Quantillus scrupulus quantos dolores tulit! hic agon sanctæ animæ purgato.


gatorium fuit : jam tranquilla penitus evolare in cœlum festinat. *Elzear.* Ita, in cœlum ! in cœlum ! valet, o mei ! jam laqueus contritus est ! adjutorium meum in nomine Dominæ ! *Adalb.* Hilarem video : o dulce solatium ! *Elzear.* O Adalberte, nunc exsuperior, quam pretiosus fructus sis, quem affert vera devotio erga Deiparam. Diligis diligentes te, o Mater pulchræ dilectionis, neque deseris in hora mortis. Eja, fac finem vitæ ! cessem vivere, ne cessem amare, imò ut incipiam æternum amare te, & amare Filium tuum amabilem nimis... Jo ! audior ! repente deficiunt vires. *Lud.* Ah ! Domine cognate, trahe tuum Ludovicum post te ! *Elzear.* Ama Mariam ! sic me sequeris. *Just.* Jam vox deficit ! lumen admove ! cape Symbolum sanctæ fidei, spei, & charitatis ! proficiscere anima Mariana ! *Elzeâr.* Valet ! in meta sum ! in cœlum eo ad Mariam ! *Ernest.* O felix iter ! *Justin.* Exspiravit. *Lud.* O mors beata ! *Adalb.* Sic est. Sed mihi vix ! nisi ex ista morte didicerō vivere.

O. A. M. D. G.



M m

PEC-



PECCATUM
SUMMUM MALUM,
ARGUMENTUM
QUINQUE MEDITATIONUM,
ANNI M. DCC. XLI.

MEDITATIO I.
PECCATUM
MALUM SUMME NOXIMUM,
SIVE
JEROBOAM.

ARGUMENTUM.



Ergimus in considerandis gradibus *perfectæ Conversionis*, cujus *Ideam* abhinc biennio in Augustino spectavimus: & quia ante annum contemplati sumus *gradum primum*, qui consistit in *cura impetrandæ Divinæ gratiæ per Marjanæ Devotionis Exercitium*, quo nihil ad hunc finem efficacius est: propterea hoc anno ad *secundum gradum* procedimus, quem ponimus in vivo, & acerbo horrore peccati. Itaque quinque Medi-

Meditationum erit scopus, & labor, inculcare animis hanc veritatem excitando horrore, si sedulo expendatur, utique sufficientem: *Peccatum est summum malum.* Brevis sententia funestam in nuce Iliadem claudit, cujus hæc est synopsis: Peccatum malum est *summe noxium*, malum *summe turpe*, malum *summe triste*, malum *pejus morte*, malum *infinisum*. Omnia *Fides*, & *Ratio* ad oculum demonstrabunt.

Hodie prima veritas, quod Peccatum malum sit *summe noxium*, in *Jeroboamo* se exhibet, qui, ne subditi, postquam a *Roboamo* defecerant, amore Templi Hierosolymitani ad eundem retraherentur, Regno suo Idololatriam invexit. Consilium stolide politicum fuit, nam *idcirco*, teste sacra Pagina, *idcirco induxit Dominus mala super domum Jeroboam*, & omnem familiam, sicut prædixerat *Ahias* Propheta, per rebellem *Baasam* extinxit. Mors *Jeroboami* a Scriptura sic exprimitur: *Quem percussit Dominus, & mortuus est.* 2. Paral. 13. Mors filii ejus *Nadab*, & totius familiæ interitus sic narratur: *Insidiatus est ei Baasa.... interfecit illum.... percussit omnem domum Jeroboam.* 3. Reg. 14. Equidem tragici casus series intra duas horas peracta non est, sed nos per Theatri licentiam utimur *Synchronismo*, quem compenetratorem temporum dicas, cujus usu Historia sæpe plures annos complexa sic exhibetur, ut videri possit tota uno, eodemque die absoluta fuisse. Igitur primæ Meditationis hæc est

Materia. Jeroboami cum tota familia infelix interitus.

Puncta duo: Primum, tantæ ruinæ certa causa:

Secundum, miserabilis modus.

Fructus. Detestatio impii axiomatis: *Si non licet, tamen expedit.*

Propositum. Fuga peccati, etiam cum ad peccandum aut lucri spes invitat, aut damni metus impellit. In specie decernamus, persuasissimum nobis esse debere, quod

quod felix esse in suis consiliis nemo possit, invito
DEO, aut inimico.

In Choro ostenditur, quod Peccatum utile sit chimæra.

P E R S O N Æ.

Jeroboam Israël's Rex.

Nadab Filius natu maximus.

Abias Propheta.

Aram Legatus Asæ Regis Jude.

Baasa Præfectus Militiæ.

Zara Familiaris Baasæ.

P R O L O G U S.

Fides Rationi persuadet Meditationem hujus veritatis : Peccatum est summum malum.

Fides. Ratio.

Ratio. ERgo præ peccato omne malum aliud
Deberem eligere?

Fides. Quia inter plura mala
Eligendum est *minimum* utique.

Ratio. Atqui, quod peccatum malum sit
Maximum omnium,
Est sententia captu difficillima,
Et *communi sensui* plane contraria.

Fides. Aliud antiqua te doceant tempora : sequere me!... *

Ratio.

(*) Exhibetur Imago, hinc præcorum Martyrum, illinc Pœnitentium.

Ratio. Superi! quo me abripis, Fides!
Fides. Primorum Sæculorum imaginem vides.
Hinc disce, quis genuinorum
Communis de peccato fuerit *sensus* Christianorum.

Aria.

Vide, stupe, *hæc* de rupe
Quantæ fluant lacrymæ!... *
Hic, tuorum in Majorum
Roma natat sanguine!... **
Ne peccarent, *hæc* tulerunt:
Cum peccarunt, *sic* fleverunt:
Tantus horror criminum,
Tantum fuit odium.

Ratio. Obstupesco!.. Erubesco!..
Nam egone, *ne peccarem*, funderem sanguinem,
Cum *pro peccato* ne quidem lacrymas
A me impetrem?

Arietta.

O meæ lacrymæ,
Quam estis aliæ!...
Ex *naturæ* placito
Pleno itis alveo:
Quando jubet *gratia*,
Nulla manat guttula:
Quam estis aliæ,
O meæ lacrymæ!

O quis dabit capiti meo aquas *tales*,
Et oculis meis fontes lacrymarum *istis similibus*!

M m 3

Fides.

* Pœnitentes. ** Martyres.

- Fides.* Ego, ego docebo te *doctius flere*,
Si potes facere, quod isti, & isti fecere.
- Ratio.* Ecce me! audio te.
- Fides.* Veritatem, quam coepi explicare,
Attentius meditare.
Quod *Audiens* vix percipit,
Meditans perfecte intelligit.
Puncta distribuo : ruminare sedulo!...
Peccatum summum est malum! volo dicere:
Malum est summe noxium!...
Summe turpe!... *summe triste!*...
Pejus morte!... *infinitum!*...
Vel, quod idem est denique:
Malum pessimum in omni genere!...
- Ratio.* Intellexi te:
Verum obsecro, ne me obrue!
Singula per moram explica,
Et hodie,
Quomodo peccatum malum sit *summe noxium*,
Doce me.
- Fides.* Doceo : nam placet sapiens desiderium,
Quia *intellectus serio cogitabundus*
Est salutis initium. S. Aug.
Ergo accingere.
In Jeroboami funestissimo exitio
Dabitur primi Puncti demonstratio.
- Ratio.* Ut fructum ferat mea spes,
Favete Coclites!

Aria.

Et tu qui amarissimos,
JESU dulcissime!
Peccati fructus propter nos
Gustasti avide,
Fac, me vere
Tecum flere!...
Istæ prosint lacrymæ:
Quæ splendebunt dispersitæ
In Corona gloriæ.

MEDITATIONIS I.

De Interitu Jeroboami cum tota Familia

PUNCTUM I.

Tantæ Ruinæ certa causa,

SCENA I.

Jeroboam. Aram.

Aram. VERUM dico, Rex, & augeo nihil. Decies centena
millia bellatorum eduxit Æthiops adversus Asam,
(2. Paralip. 14.) sed nos, DEO freti, ut vidimus, vicimus hostem iam
formidandum, atque ad internecionem delevimus. Præda im-
mensa fuit, lætitia supra modum, & fructus victoriæ terror in-
gens, quo omnes circum populi Asæ gloriam reverentur. In-
tellige, quam bonus sit DEUS Regi meo, postquam ille Regni
sui primordia in ruina infamium idolorum firmavit, quorum
scelesto cultui se Pater ejus, & Avus addixerant. *Jerob.* Bonus
sit

fit Afæ DEus, mihi semper est malus, nec habeo, unde bonum sperem. Scis, Aram, quod jam alter supra vigesimum annus fluat, quo sceptrum teneo: qua hora felix fui? ut dies diem, sic calamitas calamitatem excepit: bella, clades, funera conficiunt seriem annalium Regni mei. Si sic futurum erat mihi, cur Regem me fecit DEus? num, ut miserum faceret? *Aram.* Imò Regem fecit, ut magnum, ut gloriosum, ut beatum faceret: & esses utique, si DEO, quate exivit, confidere maluisses, quam tibi, tuæque prudentiæ. O Princeps, quis ita fascinavit te, ut putaris, *utile tibi peccatum* fore, & credideris, fieri posse, ut bene sit tibi *invito DEO*, imò inimico? *Jerob.* Sile! peccatum est utique, peccatum graviter, quod DEO Israël rebelis, aureo vitulo curvarum genu! stultitiam video! *Aram.* Sit Superis laus! agnoscis, Rex, peccasse te: primus ad gratiam gradus est, *confiteri.* *Jerob.* Nempe si confessionem extorquet *pœnitentia*, non desperatio. *Aram.* Cur desperes? si perdere offensus DEus Jeroboamum voluisset, non servasset tamdiu, non tolerasset tam patienter. Atqui expectat. *Jerob.* Expectat, ut diutius cruciet. *Aram.* Ut per adversa eruditus, redeas in viam. Quanquam quid adversa loquor? finis erit: redit Phœbus post nubila, suaviter tibi vultu sereno radians. Ecce Rex meus, utique DEO auspice, in suæ felicitatis communionem ultro invitat te, exposcit foedus, offert Nadabo uxorem filiam, dotis nomine restituet ereptas urbes, erit æterna pax. Una conditio ponitur, ut subversis altaribus impiis, te, ac tuos restituas DEO Israel. Quousque deliberabis? *Jerob.* Serum consilium est. Jam latam sententiam Ahias cecinit: Amice, perii! *Aram.* Nondum, Rex! nam mihi crede, si mutas mentem, mutabit sententiam Numen, & aliud Ahias canet. *Jerob.* Quid ago?

S C E N A II.

Jeroboam. Aram. Nadab.

Nadab. **R**EX Pater! postremos fratri honores dedimus: sepultus est. Fac ergo modum luctui, & tandem te nobis redde. *Jerob.* Sic fiat: reddo me. Nadabe, facio, quod Asa suadet: tu Patris exemplum sequere. Eo, ut frangam vitulos, aras profanas destruiam, occidam popas, evertam lucos. *Nad.* Siccine? in hoc consilium impellit Asa? in hoc tanto impetu, Parens, ruis? impera moram saltem, & num, quod agis, *expediat*, vide. *Aram.* Obedire DEO utrum *expediat*, an consultandum est, Princeps? *Nad.* Huc, Aram, tuus te misit Rex, ut turbes aulam? *Jerob.* Hoc agis, Nadabe, tu, ut Patrem tecum, & totam familiam perdas? Fili, hoc uno consilio placari nobis DEus Israel potest, ut imminens avertat exitium domus. *Nad.* Exitium domus! unum ex filiis mors rapuit tibi: grave malum est Patri, domui leve. *Jerob.* Sic? nempe unum me lugere malum in morte filii, hoc credis tu: sed foeta capiti impendet nubes, mi fili, & ultima luxit dies. Furor irati coeli infestat aulam, Regius undat cruor, concidit solum, tota in ruinam procubuit domus. *Nad.* Impotens dolor loquitur. Nunquid enim adhuc superstes vivit Nadabus tibi? aut, si vilui, ecce adhuc fratres mei Salmon, & Esron vivunt, vivunt duæ filiaæ tuæ, & ex illis nepotes septem: nondum procubuit domus. *Jerob.* Sile filios, fratres, nepotes file: *fuertunt!* hæc vox Tonantis est: *fuertunt!* Evaginavit fulgurantem gladium vindex Numen, nec una victima sævitiem saturat. *Non dimittetur ne una quidem anima de meo semine*, (3. Reg. 15. Ahias vates est. I, Matrem interroga, quid audierit a viro DEI: sic intelliges, an nimius me luctus premat. O Regibus tremendum Numen!.. heu! videre jam his oculis mihi videor spectaculum atrox! fratres, nepotes, filii mei, *carnem vestram vorabunt*

N a

corvi.

corvi, & sanguinem canes hibent, quia Dominus locutus est! (3. Reg. 14.) Prò horror scenæ! o Israël, popule tot annos regnate mihi, unum hodie de filiis sepulchro condis: reliquos omnes meos canibus, & corvis dabis! tremite posterisortem Regum! Est aliquis *supra nos*, qui si agit *contra nos*, vix nobis! vix nobis! *Nad.* Fateor, tremunt viscera, & ambæ aures tinniunt ad horrendum oraculum, si vere oraculum est. Pater, an idem, qui tibi olim regnum cecinit, jam istud malum Propheta canit! *Jerob.* Idem Ahas canit, ut minus dubites, an canat verum: & adjecit, quod maxime terret: *Constituet autem sibi Dominus Regem super Israel, qui percutiet domum Jerobbam in hac die, & in hoc tempore!* Viden?, adeo nec mora supplicii est. *Nad.* Quid audio? mihi debetur regnum, & alius auferat! quis ille? quem nominavit Vates? hoc ense cadet. *Jerob.* Juveniliter iactas te. Nempe minæ nostræ terrebunt cœlum, ut minas retractet suas? *Nad.* Vocetur Ahas saltem, ut doceat, quis destinatus sit auctor cladis. *Jerob.* Vocavi, & missus est Zara, Fili, ut Prophetam adducat mihi. *Nad.* O factum provide! est proditor Ahas, nisi prodat hominem nobis, quem in exitium nostrum Superi concitant adversum nos, *Aram.* O Principes, inutile consilium est! nam *instrumentum* exitii vestri quid juvet scire? nihil ista scientia decretis DEI obfistet: de *causa mali*, de abolenda causa oportet angi, de peccato, inquam, deslendo, quo a DEO defecistis ad vitulos, de extinguenda labe ingratitude, per quam potestate Regia divinitus data abusi pessime contra Datorem estis. Hæ *cause* imminentis interitus sunt: has si tollere properatis, *instrumentum* DEUS sine mora projiciet. *Nad.* Video utique, non dici nihil. Sed de tollenda *causa* deliberari postea potest: nunc *expedit* festinare, ut caveamus, ne aliquod *instrumentum* se moveat. *Aram.* Si DEUS pro vobis sit, quis erit contra vos? DEUM placate! *Nad.* Humanam prudentiam DEUS non prohibet. *Aram.* Nisi obfistat Divinæ. *Jerob.* Demus utrique aliquid: I, Nadab, fidelem habemus & stre-

Strenuum servum Baasam : mone, ut excubias geminet, ne quid turbetur. Ego me abdo intus, ut orem offensum *DEum*, ne precipitet poenam, priusquam *Ahias* adsit. *Nad.* Probe, Rex : sic utrinque securi fumus. *Aram.* Ah ! anxii de poena estis, de culpa parum : dubito, num istas curas Superi æstiment.

S C E N A III.

Nadab. Baasa. Aram.

Nadab. **U**T opportunus occurris mihi, amice *Baasa* : geminari excubias jubet Rex, & ne quid turbarum aut miles, aut civis moveat, invigilare ; nam sæva procella impendet capiti : sed tibi se, ac suos tota fiducia committit *Jeroboam*. *Baasa.* Nempe !.. si mihi fidentis, Princeps, cur accersitur *Ahias* ? unde metus turbarum est hodie ? miles & civis omnis non inconcussam tandem probarunt fidem ? Ecce ! unius deliri senis jactantia, dum clamar : *Hæc dicit Dominus !* omnes potuit Regni Proceres in suspicionem læsæ Majestatis adducere : *tanti sumus !* Hoc eo questum Regi. *Nad.* Hem ! novam querelam audio. Sed, obsecro, quiesce *Baasa*, & mihi crede, falsa est omnis tua de nostra suspitione suspicio. Video scire te, quæ mala nostræ domui malus bubo cantaverit : jam vult adduci hominem Rex ad se, ut intelligat, a quo debeat cavere sibi, ac suis. Quid in hoc consilio improbas tu ? *Baasa.* Est, quod dixi. Ergo quemcunque reum paricidii, & tyrannidis *Ahias* dicet, vobis reus erit, judicatus est, perit, etiam si *Baasa* foret. Bene est : sic pensatur tot annis probata fides, triumphat *Afa* : obtinuit, quod volebat ! per suum Legatum turbavit aulam, per *Ahiam* effecit, ut diffidat *Jeroboam* fidi diffimis sibi : sic nudum Regi *Judæ* Rex noster prostituit latus : quid sequi necesse sit, ut videas non est opus, Prophetam esse. *Nad.* Bardus sim, nisi capiam, *Baasa*, quam non ineptus interpres minarum sis, quas cructavit senex in aures fœminæ.

N n 2

vide.

videtur Aram? *Aram.* Queror, audiente me, injuriam tam atrocem inferri meo Regi, ut audeat aliquis de artibus tam infandis accusare Principem tam religiosum. Si Regnum Israelis ambiret Afa, arma suppeterent, patrocineretur jus, faveret DEus: per fraudes, & mendacia, per oracula ficta, & graves calumnias, per scelera & malos dolos, quod Afa sibi novum imperium quærat, non potest suspicari, qui novit, quo ille animo in suum feratur DEum. *Baasa.* Numen est nomen Regibus, quod, *cum expedit*, jactant, cum *non expedit*, negligunt: & quando de occupandis Regnis agitur, quis nescit, curam Religionis in ultimis curis esse? nec imprudenter, ut puto: nam hic, an ille plura Regna obtineat, quid interest DEI? nulla illi propterea pars coeli eripitur. *Aram.* O digna viro sententia, cui DEus est *vitulus*, contentus utique, si bona pascua, & commodum stabulum habeat. Sed DEus, quem Afa colit, Rex Regum est: illi subsunt, qui præsumt omnes: omnes, quo modo præfuerint, rationem severam reddent. Væ illis, qui potestatem vicariam DEI aut sibi arrogant invito DEO, aut adhibent contra DEum! Hunc DEum, Princeps, time, hic tibi per Ahiam intentat malum, a quo nullus Baasa eripiet. *Baasa.* En intrat Zara, & ipsum trahit.

SCENA IV.

Nadab. Aram. Baasa. Abias. Zara.

Zara. Subsiste miles: aulam ingredimur soli. Ahia, bona loquere, si auditorem cupis benevolum tibi. *Abias.* Loquar, quod DEus jussit, funera, neces, stragem, pacatum nihil. *Aram.* Ahia salve! Regium hic Principem vides, cui male suspecti sumus. Oro, ut saltem *spe bona* soleris trepidum. Dic mala, quæ minitaris, posse effugi, si cum Rege Patre cito redeat ad DEum nostrorum Patrum: aut, an non est ita? *Abias.* Opto, ut ita sit. Sed Dominus locu-

locutus est, & *conditionem* non addidit. *Nad.* Crude senecio!.. Zara, Parentem admone. Tu vero, bone vir, age, repete ferale carmen cantatum Matri. Constituet Dominus Regem super Israel? adhuc affirmas? *Ab.* Constituet. *Nad.* Quem? *Ab.* Nomen coelum non dixit. *Nad.* Ille percutiet domum Jero-boam? *Ab.* Percutiet in hac die, & in hoc tempore! *Nad.* Quis? *Ab.* Nescio. *Nad.* Aut dices, aut primus cades. La-tro est, qui canit cladem, & filet auctorem cladis. *Aram.* Prin-ceps, novo crimine irritas Nemefin, nisi Legatum Numinis reverentius habes. *Nad.* Unde probas, quod locutus sit tibi Dominus? *Ab.* Non credis? facis, quod solent juvenes: expe-riri miseriam malunt, quam credere. Experieris. *Nad.* Quid experiar? *Ab.* Quod non credis. *Nad.* Loquere! *Ab.* Hoc dicit Dominus: paullo post truculenta sublatum morte vora-bunt canes. *Nad.* Hoc dicit Dominus? & quis me tollet? *Ab.* Hoc non dixit Dominus. *Nad.* Sycophanta impudens! testes sint mihi Dii, nisi Regem Patrem revererer, jam nunc hac manu confossus caderes. *Aram.* Obsecro, Princeps, fu-rorem tempera. Nam si loquatur senex, quid prodest tibi? aut meretur fidem, aut non meretur? Si meretur, colendus est: si non meretur, cur vocastis? *Baasa.* Sic est, *Aram.* assentior tibi: vocari homo in aulam non debuit: sed quis est auctor consilii, unde hæ turbæ sunt, & pannici metus? *Aram.* Orate, ut placidum vobis Ahias DEUM reddat: sic erit turbarum finis. Ahia, Rex prodit: loquere nunc saltem au-stere minus: jam enim paravi tibi docilem satis. *Nad.* Rex Pater! perierunt nostræ spes! negat senex auctorem mali, quod coelum intentat nobis, a coelo sibi innotuisse.

S C E N A V.

Accedit Jeroboam.

Jerob. ERgo alio vertendæ curæ sunt. Ahia doce, quid faciendum sit mihi, ut veniam a DEO merear. Spem inter, & metum luctor, an supersit consilium, quod me juvet. *Ab.* Consilium, quo modo *veniam culpa* mereri possis, habeo, Rex: *de pœna venia* nihil spondeo. Quia *projecisti Dominum, projecit te Dominus, ne sis Rex!* lata sententia est. *Aram.* Heu! eversa est spes omnis mea! Atqui Ahia, jam mihi Rex addixit pacem, promisit cum Asa inire foedus, accipere Nadabo sponfam in pignus fidei, dejicere ab aris vitulos, restituere cultum DEI Israël; erunt duobus populis duo Reges, sed unus DEus, una Religio, unus animus. A te pendet tam grande bonum, si modo dicas, placari sic posse Superos, ut impendentem avertant interitum domus, *Ab.* Adulari me velles, *Aram,* & dulcibus verbis fallere? Non persuades: semper sceleratis austera est veritas, dicenda tamen, quia mendacio non juvantur. Velles, ut promitterem, mitius acturum DEum, si Jeroboam submittat Legi rebelle caput: quo auctore promitterem? nuntiare *pœnam* me jussit DEus: promittere *pœnæ gratiam* non jussit. Fortasse faciet gratiam: sed quod fortasse faciet, non debet dici facturum certo. Vides, Rex, nihil me, ut placeam, loqui: prodesse cupio. *Aram.* Ah! Bonum utique habemus Dominum, cui hæc propria laus est, quod mifereatur poenitentium, & parcat. *Ahias.* *Aram,* confundis omnia: distingue a culpa poenam! Bonum habemus Dominum, qui facilem deprecantibus veniam culpæ concedit: sed ne nimis sint mali homines, si ipse nimis bonus esset, non solet cum culpa dimittere poenam simul. Davidis memento, Rex! poenitenti culpam dimisit DEus, poenam non dimisit: heu! quam multas, & graves dedit! & tu vis, ut tibi dicam, daturum te esse nullas!

Plus

Plus dico : promissio poenitentiae sub hac conditione, si DEus retrahabit sententiam, irritare DEum acerbius potest, placare non potest. Nam quis es tu, ut audeas DEO condiciones praescribere, sub quibus pacem velis ? dicere : *Agam poenitentiam, si DEus remittat poenam*, non est voluntas bona, quia poenam, non culpam odit, qui retrahere culpam non vult, nisi DEus retraheret poenam. *Aeternam poenam* dimittet dolenti DEus, hoc promitto, hoc sufficiat tibi : magna miseratio est in male meritum. Temporalis submitte, Princeps, superbum collum, & clama : *merui!* sic placabis. *Jerob.* Acerba oratio est. Ergo certum est, quidquid egero, morte cruenta cadam ! morte cruenta filii, fratres, nepotes cadent ! sic placabo ! Dure, quam hoc est asperum solatium misero ! *Ab.* Solutum tamen poenas aeternas merito. Rex, audi amantem tui. Si cum igne devorante, & ardoribus sempiternis habitabis quondam, inclinasse te ferienti in tempore Numini, seris optabis votis. Quanquam quid multis urgeo ? prudens es. Si cedis DEO, *aeternam certo, temporariam* fortasse simul evades poenam : si non cedis, *neutram* vitabis : *utraque* certo premet. Potes ambigere, quid sit agendum ? ... tumultum animi hoc triste silentium loquitur. Loquere Rex ! Ah ! audiam salubrem vocem : *peccavi ! Jerob.* Confiteor ! deprecor ! prostratus ad clementiae solum promitto supplex, o magne DEus ! ruent profana Numina, ibunt in cineres vituli, uni tibi victimas omnis Israel dabit, si modo placatior mex domui, strictum gladium vaginae reddas. *Ab.* Iterum *in conditionem* relaberis miser ! Quid sibi vult istud si ? Ah ! poenam quereris semper, de poena planxis ! non est iste sinceræ poenitentiae spiritus. *Peccavi Domino!* sic planxit David : *de culpa* doluit, *de poena* siluit. Exemplum habes. Eja sequere, & *gratias age*, quando præter culpam remittere supplicium etiam optimus DEus volet : si nolet, *tolera!* hic animus bonus est. Et denique quid facias ! Si DEus revocare sententiam renuat, velis, nolis, ferre poenam, necesse est : *non evades:*

des: Interest, ut *pœnitens* malis, quam *contumax* ferre. *Nad.* In furias iste me sermo agit! & Patrem video patientem, imò prostratum video, supplicem, flentem! dic, Propheta inhumane, tanta submissio Regis non movet Numen? *Ab.* Homo videt, quæ parent: Dominus autem intuetur cor: odit hypocrisin. *Baasa.* Inferi facerent, ut essem Rex, ego te silicernium audax victimam stygi darem! nam quas officias audio? Et quo isti argumento iram alicujus Numinis, Rex, probant tibi? Bellus Propheta es! interrogaris: Quis percutiet domum Jeroboam? Respondes: nescio! urgeris: Si evertentur positæ vitulis aræ, num parceret DEus? repetis: nescio! palpo crassa, deliria dicam, an mendacia senis, etiam nescio. Sed omittite curam, Principes, occurrit consilium, quo ego faciam, ut in lucem veritas prodeat, & dissipet atras nubes, si modo liceat sine arbitris loqui. *Nad.* O liceat, Rex! restitue mihi Patrem Baasa, & aulæ serenum diem. Sic amo te! resurge Parens in bonam spem. *Jerob.* Quid speret a Baasa, Fili, qui nihil habet, quod speret a DEO? *Abias.* Sic est: a DEO non est, quod speres, nisi decernas poenitentiam sine conditione, *sine conditione.* *Baasa.* Recte, recte! ergo cessa tu Regi molestus esse, & patere, ut, quem DEus deseruit, homo adjuvet. *Aram.* Quid iterum audio? Rex, ego Baasæ non fiderem. Qui sic de DEO loquitur, aut miserabilem DEum adorat, aut verius nullum, præter fortunam, & casum: & fieri possit, ut fidelis sit tibi? Ignosce Baasa, ego tibi non fiderem. *Baasa.* Nadabe Princeps, non dixi jam, hoc agi ab his, ut Rex diffidat fidißimis sibi? o lingua audax! sed audiar modo, & intra horam patebit, quis ego sim, qui sitis vos: sic ulciscar hanc contumeliam. *Nad.* Nimirum vis, ut per tormenta cogatur senex nominare virum, qui nobis insidias facit? *Baasa.* Tormenta testimonium incertum habent: ego certius dabo. *Jerob.* Et quod me juvet? *Baasa.* Non est dubius eventus felix consilii mei, modo audiar. *Jerob.* Audio: locum date. *Baasa.* Interim istos Zara custodiat, donec aliud decre-

decreverit Rex. *Jerob.* Sic volo : sic cogis, Ahia ! non potes consulere quidquam, quod mihi prosit : superest, ut ipse consulam. *Abias.* Omnino. Conferte consilia prudentuli, ut evadatis, quod metuitis malum ! sapitis supra DEum ! *Aram.* Baasa certius loquitur oraculum ! *Baasa.* Experieris. *Abias.* O tumor hominis ! sed non est prudentia, Rex, non est consilium contra Dominum ; ergo bonum suasi : utinam persuasissem ! sed tu semper times malum poenæ, & de malo culpæ non doles : gravissime erras ! timor nihil prodest, dolor prodest, dolor, dolor, & poenitentia sine conditione, sine conditione.

S C E N A VI.

Jeroboam. Nadab. Baasa.

Jerob. **A**Udivi ! Baasa, quod aliud tu remedium habes ? *Baasa.* Efficax, & cujus usus sic proderit vobis, ut desinatis metuere hos latratus, quia ego, si veritas aliqua minis Ahia subsit, periculum omne discutiam. Quid suadeam, paucis doceo. In lucum pergamus : ibi pro Regiæ familiæ salute Sacrificium solenne vitulis fiat : assistant aulæ, & urbis Primates omnes : si quis absit, reus læsæ Majestatis, & affectatæ tyrannidæ fiat. *Jerob.* Quorsum istud ? *Baasa.* Scilicet, ut intelligas, Rex, quod Ahias siluit, quis sit, a quo impendeat exitium domui ; nam ut innotescat Auctor sceleris, summa cautelæ est, quæ ab homine poni potest contra imminens malum. Innotescet autem, cum immolabitis, nisi vehementer me animus fallit. Quid enim futurum sit, videte, & vos verba senis expendite. *Constituet, aiebat, constituet Dominus Regem super israel !* Quæro : quis Dominus ? utique DEus Israel : Quem constituet ? utique vindicem sui contemptus, quod virulorum cultum invexeris regno. Infero : ergo constituet virum addictum sibi, & vitulis infensum. Sequitur : ergo qui vobis insidiatur, in solemnitate idolis sacra non comparebit. *Nad.* Et, qui

O O

non

non comparet, vis dicere, seipsum prode: Divinum consilium est. *Jerob.* Quod si omnes compareant? *Baasa.* Concludes, falsum oraculum esse, & ad ciendas turbas excogitatum, ut Regi Asæ obsequium fiat. Accedit aliud commodum. Vulgata in uide victoria, qua debellavit Æthiopes Asa, & eadem occasione per Legati comites laudata pleno ore, potentia DEI, quem Asa colit, grave potest periculum trahere. Credula plebs, & aura mobilior concipiet desiderium revertendi ad DEum suorum Patrum: defereris Rex, aut quod suspicor, ne Ahias præviderit, occideris. Asa percutiet domum Jeroboam, & erit Rex super Israël. Tanto malo mature occurritur, si per præceptum immolandi vitulis auferas Duces civibus, quorum consilio ad res novandas juvari possent. *Nad.* Rex Pater, nemo potest sapientius loqui. *Jerob.* Est, quod dixit Aram. Quam prudens, & fidelis es servus Baasa, tam parum video religiosum. Heu! in certius exitium ruo, si tibi obsequor. Nam si Sacrificium vitulis facimus, utique peccato novo incendimus iram Numinis, & ut ulciscatur celerius, temere provocamus. *Baasa.* Peccato novo! quid vocabulum horres! forte nec datur DEus, saltem qui attentus sit nobis. *Jerob.* Ego sentio attentum mihi. *Baasa.* Detur igitur, non disputo. At ego non peto, Rex, ut sacrifices hoc animo vitulis, quod insultare DEo velis, quem times: sacrifica, quia sic expedit tibi; sic non offendes. *Jerob.* Male infers. Quocunque animoagam, si ago, quod DEus prohibet, protestatio est contraria facto, peccatum facio, offendendo. Hoc mihi ratio loquitur. *Baasa.* Igitur etiam dabo hoc, ne de nomine litigem, dabo, quod sit peccatum novum, si vitulis rursus immoles, sed quid tum postea? erit peccatum utile tamen, imò peccatum hodie necessarium tibi, atque quod caput est, peccatum, quale committes adhuc semel, deinde nunquam amplius. Certe, si erit hoc tibi peccatum felix, deinceps non tenebo te, Rex, quo minus a vitulis redeas ad DEum Israël: imò forte Baasam etiam exemplo ad ipsum trahes. *Jerob.* Bene dicis, si erit pecc-

peccatum felix. Quis autem mihi sponsor boni eventus sit? *Baaja*. Præsente Baafa vim audeat aliquis Regi facere? lucum omnem circumdabit miles meus, ne quis se moveat: quod periculum metuis? *Jerob*. Tu mihi non sufficies contra DEum. *Baafa*. Sufficit, quod sufficiam contra homines; nam ab homine malum imminet tibi, si seni credis: homo percutiet domum Jeroboam. Cæterum age, quod vis. Ahias ne quidem poenitenti spem effugiendi interitus facit, ego viam certam ostendo etiam peccanti: quem debes audire? *Nad*. Quousque altercamur? ego eo, Pater, & fratres, nepotes, totam domum in lucum evoco. *Jerob*. Quo rapior? novo scelere offendam DEUM Israël ea die, qua placandus est maxime? *Nad*. Offendimus adhuc *semel*, deinde non amplius. Non est res tanti, reliquo cumulo adjicere peccatum unum: eadem poenitentia simul cum reliquis postea eum hoc delebitur. *Jerob*. Fortasse quidem. At vero sæpe proximum peccatum postremum est, quod cum admittitur, plena mensura fit, & spes veniæ perit. *Nad*. O molesta disputatio! Ergo opprimi te, & filios, & nepotes vis? ut canes nos devorent, feres? sic amamur!... Audio suspirium bonum! sentis Rex, quod sis Pater! *Jerob*. O lucta gravis, quam duo timores movent, timor DEI, & timor hominum, quem DEus occultat mihi. *Baafa*. Timor uterque cessat, si per vitulos discas, quis sit timendus. Decerne tandem! *Nad*. Decerne! proderit, & est necesse. *Jerob*. Quia cogor. Ite! in lucum imus. *Nad*. Vive Baafa, victores sumus! *Baafa*. Vive Rex! admonéo Zaram; ut militem cogat. *Jerob*. Ignosce DEus Israël! adhuc semel vitulis curvo genu: tu adigis! sed adhuc *semel*, deinde non amplius. *Nad*. Tibi me Baafa debeo. Tu in hac nocte stella es mihi, ad cujus fulgorem felix navigo. Fulgere perge! non errabo, nisi cum occides tu.

S C E N A VII.

Baasa. Zara.

Baasa. EGO oriar, cum te occidam. *Zara.* Longum colloquium fuit. Captivi mei miris interim se angunt modis, & artes *Baasæ* metuunt. Ahias poenitentiae consilium a te everti dolet: Aram suæ legationis fructum queritur a te succidi. *Baasa.* Quid respondisti ad has querelas? *Zara.* Cum dolentibus dolui, & credunt simplices inimicum me esse *Baasæ*, ideoque rogarunt etiam, ut explorare, si possem, vellem, quo tu consilio Regem solatus fueris, nempe ut agerent certius adversum te. *Baasa.* Igitur ex arte tu intelligis artem, qua decipimus homines, quando ne Propheta quidem divinare arcana potuit vafri cordis. Et ego providum coelum laudo, quod me non prodidit fatidico seni. O Superi boni, quo ego merui bono hoc tantum bonum! Ego, ego sum, o Ahia, si nescis, ego sum, quem constituit Dominus Regem super Israel, qui percutiet Domum Jeroboam in hac die, & in hoc tempore, ego sum! certum est: ita mihi hic animus loquitur. Væ nobis, *Zara*, si, qui locutus Ahiaë fuit, sicut prædixit ruinam, sic nominasset Auctores. *Zara.* Poterat certe, & ego trepidavi totis artubus, cum iussit Rex, cum cohorte abire me, ut Prophetam etiam invitum adducerem. Væ tibi! væ *Baasæ*! clamabat hic intus aliquid. *Baasa.* Rideo, quia nescio, me magis, an te descripseris. *Zara.* Tunc dixi mihi: profecto datur DEus, & DEus attentus nobis, qui ipsum cor, & renes inspicit: quis enim alius nostra consilia detexisset Ahiaë? Sic disputans mecum, multis precibus oravi Numen illud, ne cum consiliis etiam Consiliarios proderet. *Baasa.* Heus tu, de his loquemur alias. Nunc dic, an idem sis? *Zara.* Ex asse devotus *Baasæ*. *Baasa.* Pretium devotionis ingens feres, cum ero Rex. *Zara.* Nihil ista memora: erit hæc summa merces, placuisse. Unum quæ-

quæro, cogitatum scelus sciri a DEO Israelis an adhuc ambigas? *Baasa*. Sciat. *Zara*. Igitur idem DEUS etiam Auctores sciet? *Baasa*. Sciat quicumque DEUS, modo non sciant homines, priusquam perficiam. *Zara*. DEUS autem hæc sciens omnia, an favere consilio potest? *Baasa*. *Zara*, modo non obsistat DEUS: ut faveat, non est opus. Cæterum Ahia teste, si cœlum non probat modum consilii, certe eventum probat. *Zara*. Vis dicere: Jeroboam a cœlo damnatus ad mortem est, nos sumus executores sententiæ. *Baasa*. Rem dicis: & erit executionis præmium mihi, titulus Regis. Ut me vox ista afficit, & tres litteræ sonum quam gratum faciunt, *Rex*! O digna vox, quam omnibus periculis meam velim! Propera, *Zara*, propera! hodie perficiendum negotium est. *Zara*. Principes tributum jam auro tibi, & magnis promissis emi: quid vis, ut fiat insuper? *Baasa*. Dixissem pridem, nisi tu inanibus quæstiunculis divertisses a proposito. Nempe consortium cum Ahia has tibi de DEO inutiles curas peperit. Posthac hæc tibi morum regula inter cæteras esto: *Si vis, ut vita hominis jucunda sit tibi, homines divinos fuge*. *Zara*. Notavi: quid porro jubes? *Baasa*. Porro volo, ut Ahiam cum Aramo occulta via dimittas ex aula, & jubeas in lucum ire. *Zara*. Quid agant ibi? *Baasa*. Antequam Rex veniat, ibi adsint, ut videant, quid agat *Baasa*, & oculis usurpet Propheta vaticinii eventum sui. Nempe, *Zara*, ut sacrificent vitulo, persuasi Regibus per spem, sic cognoscendi Auctorem furestæ cædis, quam metuunt sibi: sed Sacerdotem Jeroboam se credit fore, & erit victima. Ut spectatores hujus spectaculi Ahias, & Aram sint, tu efficies. *Zara*. Facilis cura est. Cum de colendis vitulis Ahias audiet, incensus zelo in idoli ruinam ibit. *Baasa*. Eat! tu postea, cum advenerit Rex, cinge militibus lucum, ne quis evadat. Deinde cum dabo signum, conclamate, quod valles ac montes repellant: Vivat Rex *Baasa*, vivat! & ad hanc tesseram invadite dam-

damnatum gregem, quem quisquis tueri audet, simul pereat.
Sic facies opus, Zara, quod Baafa laudet. *Zara.* Quo ducis,
sequor. Vive! regna!

CHORUS.

Ostenditur, quod *Peccatum utile* sit Chimæra.

Gratia. Phantafus. Somniantes.

Gratia. V Ah! infelix gratia! sic vincat me Phantafus? (*)

Nam, quoties jam redeo conatu irritato!

Ille auditur: illi creditur: ego rejicio!

Tanti æstimor!...

Phantaf. Ita est, credite, ita est: hæc *dabo omnia*,

Si *cadentes* adoraveritis ista Numina.

Gratia. Numina? *nomina!*... & quid sunt hæc *omnia*?

Phantaf. Montes aurei!. campi Elysi!... honorum fastigium! **

Gratia. Vana inania, stolidi *somnia*.

Phantaf. Holla! quæ iterum crepas convitia,

Dicax muliercula!

Aria.

1.

Somnia non omnia

Visa sunt errare:

Quare mea somnia

Cessa diffamare.

2.

Audeat, qui somniat;

Audeat peccare:

Sentiet, quod somniat,

Se non somniare.

Mera

(*) Exhibetur Dormitorium Mundi, & in eo unus dormiens sub conopæo,
alter inter flores, tertius in navi. ** Somnia exhibentur.

Mera si deliria
Semper exhiberem,
Unde tot suspiria
Erga me haberem?

Est peccatum utile
DEos adorare:
Qui sic cadit, tollit se!
Cessa diffamare.

Gratia. Tenebrio mendacissime!
Quis enim est, quem non decepisti,
Quando spem lucri ex peccato fecisti?
Aut si aliquod inde natum est commodum,
Dic: quale fuit? nunquid imaginarium?
Et quam diu? nempe momentaneum!
Et quid postea? scilicet vera, longa, gravia supplicia
Vel præsentis temporis, vel futuræ æternitatis.

Aria.

I.

Serpentis partus serpens est:
Peccati fructus poena est:
Non est possibile
Peccatum utile.

2.

Urticæ cum feruntur,
Urticæ & metuntur:
Nec spinæ, quando crescunt,
In uvas maturescunt:
Nec fundit nectar vena
Draconum felle plena:
Non est possibile
Peccatum utile.

Phantaf. Quid te fatigas, cum nemo audit te!
Concionari dormientibus, non est de tempore.

Gratia.

- Gratia.* Atqui tempus est, miseri,
Jam vos de somno surgere. (*)
Lumen pridem accendi: Surge Endymion!..
Hem! tergum vertis iterum, crudissime bipedum!
Ergo extinguere lucerna gratiæ!
Dormi, dormi stupide! nihil ultra turbabo te!..
Tu vero tandem audi me!
Ecce sto in littore! filum porrigo: arripe!
Et huc, huc naviculam jam fatiscentem dirige!
- Somn. 2.* Sine me! sine dormire!
- Gratia.* Quoniam ita vis, sino perire....
At tibi saltem me placet audire?
Surge! monet hora....
Est tertia vigilia, & jam surgit aurora!..
Somn. 3. Ah! dormio suavissime: sine paullulum,
Quadrantem saltem unicum!
Gratia. Sic? postquam toties repulsa sum!..
Phantaf. Vides, quod nihil proficias? desine! desine!
Gratia. Bene est: desino! quod facitis, facite!... (*)
Iñso finis est! audis Phantase!
Sonus est tubæ Juridicæ!
Phantaf. Heu me! quo ibo?
Montes, & colles cadite super me!
Gratia. Fuge! fuge!.. sic fugantur somnia,
Et vera falsis succedunt spectacula!
Surgite! surgite mortui gratiæ: ... (*)
- Somn. 1.* Ubi sum?.. sic præceps de fastigio
In feretro evigilo!..
2dus. Prô Superi! video mergi naviculam:
Date tabulam! tabulam! tabulam!..

3tus.

(*) Insonat tuba. (*) Evanescent somnia. (*) Ex throno fit feretrum &c.

3^{tius}.

Oh! undique in spinas me induo:
Nullibi rosas, quas somniabam, invenio!..

Trio.

Omnes tres. Perfida somnia,
Sic me decepistis?..
Ubi estis Numina?
Sic me reliquistis?..

Heu me!...

1^{mus}. Sic solum in tumulum

Se subito convertit! (*) *Fructus peccati*

3^{tius}, Gustavi mellis paullulum, (*) *Mors*,

Et ecce! hoc me perdit! (*) (*) *Morbi*.

2^{us}. O fortunata Insulæ!

Vix vidi solum bonum:

Jam semi-vivum cerno me

In Insulis latronum! (*) (*) *Miseria*,

Omnes. O maledicta somnia!

O Numina inania!

Sic me decepistis!

Sic me reliquistis!

1^{mus}, Tristis mors!

2^{us}, & 3^{tius}. Dura sors!

Omnes. Heu!

Gratia. Hoc habetis.... Quod non credebatis *Gratiæ*,
Credendum fuit denique *Experientiæ*:
Non datur, non datur peccatum utile!...

P p

Aria.

Aria.

Datur DEus:
 Ille meus
 Semper vigil Ultor fit.
 Nemo spernit me impune,
 Nullum scelus est immune:
 Semper poena comes it.
 Si differtur,
 Non aufertur:
 Lues petulantiam!
 Ego, ego accusabo,
 Et vindictam inclamabo!...
 Time, time Gratiam!

PUNCTUM II.

Tantæ Ruinæ miserabilis Modus.

SCENA I.

Ahias. Aram.

Ahias. **A**Dsum. Firma Regnator cœli senilem animum, & pio
 conatui bonum effectum tribue!.. Vah! atrox spe-
 ctaculum! stat ara vitulo in contumeliam DEI mei, & ego vi-
 deam siccis oculis? vitulo cadet victima iterum, & hodie cadet?
 sic vestras, Superi, Jeroboam minas timet!... O bona spes, quam
 læto radio illuxeras mihi! sed fulgur fuit, quod momento dispa-
 ruit. Jam tremuit miser, jam fastum in genua submitit tibi, o
 DEus magne, jam de poenitentia cogitare coepit: cum ecce!
 Baasa in scelus novum præcipitat imprudentem! *Peccatum* sua-
 det! & cheu! contra omnes conatus meos persuadet. *Utile* con-
 silium

* *Aperitur lucus dicatus vitulis.*

filium dicitur, quanquam sciatur esse *impium*. O lingua pestilens, utinam computruisses in faucibus scelerati Consiliarii, priusquam infelici Regi tam atrox venenum afflasses!.. *Aram*. Ahia, non fefellit nos Zara. Vidi ex latebris pompam impiam: ingens turba est. Primum agmen Zara, ultimum Baasa ducunt, medium tenet Regis familia, quam Principes circumdant, & Popæ ignem ferentes, & enses, & vasa: sequitur pinguis aries, quem cornibus aureis, & plexa ex floribus corona superbum quidam juvenes trahunt. Zara, ut extima silvæ attigit in circulum, disposuit suos: Baasa deflexit a via, credo, ut ex parte opposita nemus claudat. Rex cum suis huc recta se movet. *Abias*. Et omnes Principes secum habet? omnes vitulo flectent genu? *Aram*. Quisquis steterit, erit victima: nihil dubito. Sic enim narravit Zara, & hoc Baasæ consilium fuit. *Abias*. Ingens prudentia est! sed datur DEus, Aram, qui apprehendit sapientes in astutia eorum, & consilium pravorum dissipat. Jam olim Propheta Addo hoc ipso in luco Jeroboamo sacrificium vitulis immolanti obstrepuit: extendit ille manum, ut virum DEI necaret, & manus exaruit, altare dissiliit, effusi sunt cineres: apparuit, Numen irasci sceleri. Sed nimis misericors ira fuit; itaque ut deprecanti restituta est manus arida, simul restitui vitulo dejectum altare iussit ingratus, velut ab idolo, & non a DEO Israel venisset beneficium sibi. In novum Pharaonem incidimus, qui dura cervice, & pingui collo contra Omnipotentem insurgens clamat: *Nescio Dominum!* Sed ego ad correctionem stultitiæ ultimum admovebo arietem: forte felicior, quam Addo, ero. *Aram*. Ut metuo grave malum. Quia tamen sic fixum est animo tibi, procede fortis: testem generosi facinoris Aramum habes, & eundem periculi socium. *Abias*. Nihil metue tibi. Legatum jura gentium securum reddunt. *Aram*. Qui jus Divinum spernunt, jus ætium audient? *Abias* Passim vides, humana præcepta si diosius, quam Divina servari. Quidquid futurum est, beati sumus. Si vin-

mus, DEus triumphat: si cadimus, DEO cadimus: non possumus gloriosius mori. Effervet sanguis, & juvenescit, Aram, ut pro Numinis honore calidius fluat. *Aram.* Quousque moraris igitur! irrue, & evert Altare sacrilegum! *Abias.* Nondum, amice! nam spectatrix aula sit, est necesse, ut intelligant, in medio nationis pravæ non deesse, qui audeat detestari palam commune scelus. Aram, hæc est magna gloria nostri DEI, quod animum suis tam magnum tribuat, ut vir unus audeat adversus mille pugnare.

S C E N A II.

Abias. Aram. Zara.

Zara. VIDEO, quos optabam. Spectaculum dabimus, quod vos obletetur. *Ab.* Insultat Zara? ut impediam sacrilegium huc me extuli, non ut videam. Me vivo, sacrificium hodie nullum fiet. *Zara.* Imo te vivo fiet, quale factum est nunquam. Sed dicite mihi, non hac fugientem Jeroboamum vidistis? *Abias.* Fugientem? *Aram.* Jeroboamum? *Zara.* Fugientem ajo. At quocunque abdiderit se, non effugiet. Silva omnis cincta indagine tigridem cum catulis claudit, & paulatim circulus in arctum coit. Nunc scies tu, quod nescisti: scies, quem constituerit Dominus Regem super Israel, ut percutiat Domum Jeroboam in hac die. *Abias.* Heu! quid loqueris Zara? *Aram.* Nuda arma loquuntur, quod tacet: conjuratio, conjuratio est! *Zara.* Inno venatio est, qua nulla possit esse jucundior. Vivat Rex Baasa, vivat! *Abias.* Baasa, inquis, Baasa se Regem dicit? o iuste DEus! *Aram.* Et Zara rebellem adjuvat? *Zara.* Tyrannum perdimus. Executio latebras, in quibus se frustra occultit miser. *Abias.* Baasa se Regem dicit, ille fidelis Baasa, cujus consiliis, & tutelæ tanta se fiducia commisit Jeroboam? hoc habent Reges, qui sperant fidelem sibi Ministrum fore, qui non est DEO. *Aram.*

O spes inanis! qui enim non colit DEum, quamdiu colet Regem? *propter se* Regi servit: servire desinet, cum erit commodum sibi. *Abias.* Jam intelliget infelix, quid *expediat*. Putavit miser, ut Numinis irati fulmen effugeret, *utile peccatum fore*: & melius esse, novo scelere offendere DEum, quam deprecari!

S C E N A III.

Baasa. Zara. Abias. Aram. Nadab. Jeroboam.

Nad. **H**Eu! quo me recondam? Vir DEI juva! *Abias.* DEUS Israel te juvet Princeps! ad DEum fuge! *Nad.* Baasa, Zara, amici, quo abiistis? *Aram.* Ah! quos inclamas, non audiunt te! *Nad.* Ahia! periit Domus Jeroboam! proditi sumus! ingressos lucum deseruerunt Principes tribuum ad clamorem immanem, qui, nescio, unde se extulit. Dispersis illis, undique tela volant in nostram necem! fratres mei percussi misere, vix trahunt animam. Rex Pater fugit: quid ego faciam? o Baasa! Baasa, tuere me! *Abias.* Quo te proripis! mane! ego defendam te! *Zara.* Nisi fallor, audiui Nadabi vocem: quo se subduxit? at ecce! ipse hac Jeroboam prodit. Ut pallet! ut fremit! irruam?... *Jerob.* Vos adestis? & tu, amice Zara! Spes bona redit. Jo! age, tuere Regem tuum! duc in proditorem! nomina, quis est, qui aulam, & cives concitavit adversum me! ubi est? inultum saltem ne mori sinas! *Abias.* Ah! fuge Rex, & qua potes, absconde te! Baasa regnat! *Jerob.* Baasa regnat? files Zara? ergo vertatur Orbis! ruant in montes flumina! aretur coelum! redeat antiquum chaos! rebellat amicus mihi! *Abias.* Perfidiam DEus perfidia punit. *Jerob.* Impii! scelesti! infames transfugæ! sic vestrum vos Regem colitis! *Abias.* Sicut tuum tu DEum colebas. *Jerob.* Hæc fides est, hæc religio juramenti? *Abias.* Poena talionis. *Jerob.* Heu! video scelus meum! dixisti verum, Ahia, perii! & pereunt omnes mei! *Abias.* Nunc saltem, Rex, Ahiam audi!

audi! clama: peccavi Domino! prorse idolum turpe, quod tibi tanti est mali causa. *Jerob.* Irrides! nam non in ipso conatu obruar? *Abias.* Saltem in conatu glorioso, saltem poenitens. *Jerob.* Serum consilium est: non sum dispositus. Tupotius, scelestes latro, da poenas mihi, ne solus in stygem abeam. *Zara.* Furis Jeroboam, & ultro provocas? en! adest Rex! si sapis, arma abjicis, & vitam supplex exoras tibi! *Jerob.* Aspectus feralis! congregare cum Domino serve impie! *Baasa.* Bona verba Jeroboam, bona verba servare te possunt: si feris, peris. *Aram.* Me pono medium. Rex fuge, in fuga salus! Afa servabit te! *Jerob.* In ludibrium servor! *Baasa.* Fuge, fuge! qui ludibrium fugis, in mortem incidis. At tu desine minas, Aram, si amas te! *Zara* mecum.

S C E N A IV.

Jeroboam. Abias. Aram.

Abias. **O** Rector Orbis, quam nulla est in humanis consiliis fides! *Aram.* Minus in sceleratis, in quibus tamen tam multi ponunt fundamentum votorum suorum, velut si sperari felicitas posset aliqua, invito te! *Abias.* O tristis dies! amice, timeo, ne jam cum Patre Filii, ac nepotes venerint in manus crudelis Baasæ! O sancta Nemesis, sic scelera punis per scelestos, quos iterum punies! *Jerob.* Heu! immane vulnus! telum atrox! Ahia! Aram! *Aram.* Pro! qualis occurris Rex! *Jerob.* Emissum nescio cujus manu ferale telum cum stridore perrupit pectus: diffregi lignum, cuspis fatalis hæret: valete! morior! *Abias.* Manus Omnipotentis sic ferit Rex: agnosce manum! verere tandem! *Aram.* Patere ligari vulnus! *Jerob.* Dixi: cuspis hæret, actum est! sentio manum gravem! *Abias.* Et graves offensas doles? *Jerob.* Vulnus doleo! Regnum, amicos,

cos, Filios, Nepotes, vitam perire doleo! *Abias*. Ne simul anima pereat, de culpa dole! dic: Miserere mei DEUS! confiteor! doleo! deprecor! *Jerob*. Jam viscera turbat mors! heu! amara mors! *Abias*. Miserere magne DEUS, magni peccatoris! *Jerob*. Scelestè Baasa! *Abias*. Baasam DEUS punit, te punit modo: de te cogita, ut poena tua medicina sit tibi. *Aram*. Moritur! torquentur oculi, & spumas eructat os. *Jerob*. Conspuo inutiles DEOS, exitii fontem mei! *Abias*. Sic bene Rex! & DEum verum, DEum unum, DEum tuum offendisse te doles? *Jerob*. Heu! dolor atrox! amici, omnia perdidimus! Habe tibi exosam animam vindex Numen! habe! crucia! *Abias*. *Aram*. Miserere! *Aram*. Expiravit. *Abias*. Finit vitam, utinam & poenas finierit!

S C E N A V.

Accedunt Nadab. Baasa. Zara.

Baasa. **A**Udivi gemitum: ictus fuerit. *Abias*. Salve flagellum DEI! quousque sævis? *Baasa*. Placet titulus: flagellum sum, instrumentum furoris Domini. *Abias*. Quod tamen, postquam usus fuerit Dominus, in ignem abijciat: metue tibi! *Baasa*. Tu tace modo: persequor, quem DEUS odit. *Aram*. Jam illum percussit Dominus, & mortuus est. Viden', ut grandi vulnere hiat pectus! *Baasa*. Letum spectaculum! *Zara*. Rex Baasa, vive! *Abias*. O res humanæ! huic acclamant vitam, dum iste moritur! *Baasa*. Zara, quot numeras funera? *Zara*. Novem. Solus adhuc Nadabus latet: sed non evadet. *Nadab*. Vocem audio amici Baasæ! Baasa Nadabum juva! *Abias*, *Aram*. Ah! fuge Princeps! *Aram*. In manus inimici teipsum tradis. *Baasa*. Viperæ progenies vivat! huc verte oculos! *Nadab*. Te video Pat-

ter!

ter! scindere in partes pectus! *Zara*. Scindam! *Baasa*. Mihi debetur iste! *Nadab*. Heu! hoc mihi *Baasa*! *Baasa*. Hem! rursum effugiet! retrahet! feri! macta! *Nadab*. Maledicite *Baasa*! infande latro! en! obvium pectus fero! satia furorem ferox! *Baasa*. Habet. Nunc triumpho. *Aram*. Impletum est oraculum triste. *Abias*. Sapite hoc aspectu, qui contra DEum sapitis! ecce! *Peccatum utile*.

MEDITATIO II.

PECCATUM

MALUM SUMME TURPE,

SIVE

NABUCHODONOSOR:

ARGUMENTUM.

Malum summe turpe Peccatum vocamus, quia non damna solum fortunis, familiis, vitæ ipsi immantia, ultimaque, ut nuper vidimus, sed etiam pudorem, infamiam, & omne dedecus ferre solet, tunc maxime, cum per medium DEO tam execrabile volumus honorem tueri, vindicare, urgere. Expertus est Nabuchodonosor Babyloniz Rex, in quo impletum est ad litteram Divinum Oraculum Psalm. 48. *Homo, cum in honore esset, non intellexit: comparatus est jumentis insipientibus, & similis factus est illis.* Cum enim adorari statuam vellet, quam sibi

sibi ut Deo crexerat, & in magnificentia suorum operum vane nimis sibi complacuisse, castigatione terribili ex hominibus abieciusest, ut loquitur sacer Textus Dan. 4. *Et sciunt ut bos comedit, & rore cæli corpus ejus infectum est, donec capilli ejus in similitudinem aquilarum crescerent, & ungues ejus quasi avium.* Attamen post septem annos respexit illum misericors DEUS, nempe jam demissius desensientem: reddidit illi figuram hominis, quam ademerat, regnoque restituit, quo exuerat, sed ita mutatum, ut merito dubites: quænam metamorphosis mirabilior fuerit, prior corporis, an posterior animi. Certe notat Tirinus in c. 25. l. 4. Reg. quod filiū Evilmorodachum, sive Balthasarem, repositus in solio Nabuchodonosor propter malam Interregni administrationem in carcerem conjecerit, in altero non esse ferendum ratus, quod poena tam horribili DEUS in se punierat. Erit igitur hujus 2dæ Meditationis

Materia: Detestatio impii axiomatis: *Quid dicent homines?*

Puncta duo: Primum, Pudoris acerbitas.

Secundum, Salubritas.

Fruitus: Detestatio impii axiomatis: *Quid dicent homines?*

Propositum: Fuga peccati, etiam cum ad peccandum aut *spes gloriae* invitat, aut *metus dedecoris* impellit. In specie decernamus, *Punctum honoris nostri* in eo constituere, non, quid de nobis homines dicant, vel sentiant, sed quid judicet DEUS, qui solus *infallibile judicium* habet, quod est regula veri honoris, ut a fucato distinguitur.

In Choro. Ostenditur, Peccatori alterutrum esse inevitabile, aut *confundere se*, aut *confundi*.

PERSONÆ.

Nabuchodonosor Rex.

Daniel Propbeta.

Asaël transformato in belluam Regi Custos a Daniele datus.

Qq

PRO.

PROLOGUS.

Reflexio in Meditationem præteritam, & Præparatio ad præsentem.

Fides. Ratio.

Ratio. **F**ides, vicisti me!
Assentior: non datur peccatum utile.
 Vel enim punit DEUS, vel non punit me?
 Si punit, semper poena major est commodo,
 Quod ex peccato habeo:
 Si non punit, *punit maxime;*
 Quia poenæ temporis *dilatatio*
 Est æternæ *intentatio*,
 Aut, quod me docuit infelix Jeroboam,
 Utriusque *geminatio*:
 Convincit me hæc Ratiocinatio.
Fides. Superest, ut practicum eruas corollarium.
Ratio. Colligo: Ergo *spe lucri peccare*
 Est *stulte sperare.*

Aria.

Infanii, cum credidi,
 Invito te, o DEUS mi,
 Felicem fore me!
 Offenso te, a scelere
 Levamen fortis quærere
 Non prodest animæ.

2. Ad

2.

Ad tempus si dissimulas,
Non tamen minus vigilas
Divine oculo!
Heu! census, census duplices
De male partis exiges:
Non est spes veniæ.

Fides. Recte detestaris malum extremæ dementiæ,
Quæ tibi necessitatem imposuit inevitabilem
Aut ferendæ pœnæ, aut agendæ pœnitentiæ.
Ut detesteris amplius,
Tantis incommodis jam adde dedecus,
Et, quæ ex peccato, præter damna maxima,
Fluat infamia,
Confidera.
Non fallit oraculum: *Qui male agit, odit lucem.* Jo. 3.
Et illud alterum:
Qui contemnunt me, erunt ignobiles, 1. Reg. 2.
Et tertium: *Omnes, qui derelinquunt te, confundentur,*
Recedentes a te, in terra scribentur. Jerem. 17.

Aria.

1.

In terra scribentur!
In Cælo non scientur,
Qui contra Cæli Dominum
Audacter caput impium
Efferre non verentur.
Quamquam sesqui pedibus
Sint scripti Characteribus,
In Cælo non scientur.

2.

In terra scribentur!
In pulvere legentur,
 Qui, si ad sedes nubium
 Ventorum *per ludibrium*
 Interdum attollatur:
Cessante statu concidit,
 Sequenti imbre, *lutum fit:*
 Disparuit! *calcatur!*

Ratio. Tangis punctum {momenti maximi! ...
 Juvate Superi!
 Ut, sicut nuper didici peccatum *metuere,*
 Sic *erubescere* discam hodie!
Fides. Disces *ex Nabuchodonosore.*

Aria.

Ratio. Ergo Pudor, sancte Pudor
 Imple venas!
 Pingue genas!

Impudentis tange mentis
 Frontem meretriciam! (*)
 (*) *Fröns meretricis*
facta est tibi: noluit
erubescere. Jerem. 3.

Fac me erubescere
 Meam ignominiam! ...
 Mœsti vultus *rubor multus*
Bonus color! ...
 Per hunc dolor
 Tabe foeda squallidæ
 Formam reddit animæ:
 Pudor, sancte Pudor!
 Fac me erubescere.

ME-

MEDITATIONIS II.

De pudenda Metamorphosi
Nabuchodonosoris,

PUNCTUM I.

Pudoris acerbitas.

SCENA I.

Nabuchodonosor solus.

A Bjit! . . Abibo ego etiam: vale funesta specus, humanæ bel-
læ septennis habitatio, vale! Redibis Asael, inquires in
Alumnum tuum: sed non invenies amplius. Postquam ex bel-
lua in hominem reversus sum, jam neque custode indigeo, ne-
que nutritio. Ibo in avia: alias latebras quæram, ubi nullus
me homo inveniat: sibi radicibus, & herbis me sustentabo: po-
tum aqua, terra cubile dabit: assuevi dure vivere. Succedat poe-
nitentiæ coactæ poenitentia libera de tot sceleribus, quibus offen-
di Numen tuum, DEUS Altissime, ego Nabuchodonosor Rex. Ah!
Rex! . . hem! liquescunt in lacrymas oculi post septem anno-
rum siccitatem: omen bonum! hæ pluviz lætam messem præ-
sagiunt. Aperi cataractas cor meum, ut flumen perpetuum ple-
no alveo fluat! trude suspiria pro mugitibus pectus, & de *profun-*
dis urge guttur in lamenta, quæ nubes penetrent, & cœli Domi-
num moveant ad miserendum: *Miserere* Domine! sic castiga-
tione horrenda, sed misericorde castigatus clamat ad te Nabucho-
donosor Rex: *Miserere!* - Quid agis incauta lingua! clamore
te hominibus prodis, tace! homines ego fugio: DEUS solus me

videat, solus me videat, solus audiat! fugio... Cur tamen homines fugio, postquam iterum factus sum homo! aut num fefellit me Asael, redditam formam hominis tam humaniter gratulatus? non fefellit: erectus in pedes gradior, non ultra video capillos aquilarum, non ungues avium habeo, non prominet rictus bovis: pedes, manus, brachia, pectus humana sunt: frons, oculi, vultus si belluinum aliquid retinuissent, dixisset hoc mihi fons meus, in quo quoties bibi, toties me exhorruui. Nunc o quam diversus prospicio! sum, nihil dubita anime mi, sum, si modo vestem excipias, sum vere, qui fui, Nabuchodonosor Rex, homo sum. O Factor meus, quid debeo tibi! flecto genua DEo, qui postquam prostravit me inter quadrupedes, erexit me rursus, ut sursum attollerem oculos, & intelligerem, unde ruerit fulmen in istud caput. Jam hoc cavendum est, ne iterum fiam bellua: ideo fugiendi sunt homines, qui per sceleratam adulationem fecerunt, ut crederem, me esse DEum. Fugio! certius inter belluas manebo homo, & ero *novus homo*, qui inter homines factus sum bellua. Qu o fugio autem? hac, an illac? Quid hoc? (*) humanæ manus artificia sunt; non erro: frequens affluxus hominum est in locum, quem sic ornarunt. Heu me! quot millia hominum forte per hoc septennium huc exierunt, ut viderent Regem bestiam rore cœli infectam, comedentem fœnum, & instar bovis mugientem; o pudor! o dedecus! o infamia! tale spectaculum factus sum laxis, & calonibus ego Nabuchodonosor Rex! Quid senserint? quid dixerint? Ah! non est dubium: in toto Orbe nullus est sermo, nisi de me! ex Orbe fugio!... Hem! aliud monumentum! fallor! an vere me repræsentat hæc statua! Sic est: hæc est Babylon magna, quam ego ædificavi in robore fortitudinis meæ, & in gloria decoris mei! sic steti! hoc fastu supra homines intumui illa ipsa hora, qua me cœlum damnavit ad bestias. Prô! posita est hæc mihi statua, ut causa pudoris mei æternum peren-

(*) *Circum dispositas statuas videt,*

perennet!.. Superi! etiam hæc imago me exhibet! Omnino auream illam statuam video, in qua pro DEO adorari me iusseram! ingemisce cor!.. Sed homines veniunt; fuge bellua!

S C E N A II.

Daniel. Asael.

Daniel. **E**Xplora, quid faciat: succedam tibi... *Asael.* Est, quod metueram: aufugit; pudore nimio confusus, ne videatur ab homine, timet vehementer. *Dan.* Nempe qui *punctum honoris* sui constituerat olim in libertate agendi quod libet, in abusu potentiae, in peccato: qui dici DEus, adorari a populis, sævire in recusantes sacrilegum obsequium, credidit gloriam esse dignum Monarcha Assyrio: merebatur, ut experiretur se falli, & disceret, quantum dedecus & sit *in peccato*, & veniat *a peccato*. *Asael.* Mirum est, Daniel, veritatem hanc posse ab aliquo ignorari. Quis enim est, qui non, cum vel de levi mendacio arguitur, erubescit, & excusare laborat? Adeo ipsa natura docet, quod peccare sit turpe. *Dan.* Sine dubio: nam si turpe est viro *pueriliter* agere, quia *vir* est: si turpe est *militi* ad gladii fulgorem palescere, quia *miles* est: si turpe est nobili servilibus se mancipare obsequiis, quia *nobilis* est; utique multo turpius erit *homini* non *humaniter* agere, & contra sanæ rationis dictamen ab impetu violentæ affectionis instar belluæ abripi. Quia vero hæc turpitudine, quæ est *in peccato*, passim aut non advertitur, Asael, aut non curatur, eo, quod speretur scelus occultum fore, ideo sapiens DEus constituit, ut plerumque præter dedecus, quod est *in peccato*, etiam *a peccato* multa alia dedecorarent, & honor omnis, ac gloria per turpe mediū obtenta in turpitudinem, ac infamiam desinat. *Asael.* Utriusque veritatis insigne testimonium Nabuchodonosor præbet: vidimus, quam foedam metamorphosin peccatum fecerit
in

in mente primum, deinde in corpore, demum in hominum æstimatione! Periit Majestas omnis, omnis veneratio, omne obsequium: & successit paucorum miseratio, reliquorum risus, horror, fuga. *Dan.* Successit, ais, ego dico, simul introiit. Crede mihi, *Afael*, nullus homo serio colitur ab alio homine, nisi qui Sanctus est. Exhibetur cultus politicus, quem debemus dignitati: sed ille cultus mere *externus* est: ut verus sit, debet esse *signum æstimationis internæ*, quæ certe quantumvis magna sit de aliis prærogativis Viri magni: si tamen ille peccator sit, si impotens sui, si DEo rebellis: apud sapientes viros tota concidit. Ego talem serio magni facere non possem, etiam si centum millia coronarum gestaret in capite. *Afael.* Propterea magnam gratiam facit DEus superbis thraſonibus, si humiliat in tempore. *Dan.* Si autem sic humiliaret omnes, uti nostrum Regem, dic *Afael*, quæ silvæ sufficerent humanis belluis? *Afael.* Gemere malo, quam respondere. Attamen Nabuchodonosor sic ictus sapere videtur, & cogitat, quis fuerit, quis sit, quis esse velit. Optimus DEus cum furori belluino tradidit hominem, tamen interdum lucida intervalla indulſit, quibus ego sicut instruxeras me, sedulo usus fui. Tunc dicebam illi: *Nabuchodonosor Rex!* mugiebat. Pergebam ego: *Agnosce Altissimum, & confitere, quod, qui dominatus es aliis, servire debeas majori te.* Procidebat in pedes priores, velut adorans Dominum cœli. Urgebam: *Agnosce misericordem Judicem, & submitte te pœnæ, ut sit utilis pœnæ!* Toto corpore procumbebat cum lamentabili murmure, quasi tergum ad flagella supponen. *Dan.* Solatium facis, quod crescet, si effeceris, ut colloqui possim. *Afael.* Volo maxime, Sed postquam ad se rediit, solvi vincula, lavi, pexui, totondi, vestivi, nihil ambigens ambiturum ipsum redire ad solium. Deceptus sum! afflictio septennis erudit hominem in spiritu sic, ut in stuporem me rapiat. Fastidit humana omnia, pudet vitæ male actæ: reliquam statuit solitarius agere. *Dan.* Non sinam. *Afael.* Fugiet te, ut col-

colloqui nequeas. *Dan.* Prævidi difficultatem, ideo in silvæ aditu vestes mutavi. Venator sum: donec fera in retibus sit, non quiescam. *Aſael.* Iſmo ſinatur ſolitarius vivere: ſecurior in bonis propoſitis conſtantia eſt in ſilva, quam in aula. *Dan.* Conſtantix nihil metuo: ſeptem annorum pœnitentia peperit habitum; non erit, ſic mihi animus dictat, non erit Nabuchodonofor Sanctus hebdomadalis, aut menſtruus: peccavit, quod ſolent Reges, ſed aget pœnitentiam, quæ duret, quod non ſolent Reges; & tali exemplo opus eſt nobis: indiget filius. *Aſael.* Evilmerodach pœna tam horrida inſiſta parenti non ſuffecit, ut contineret in officio Regem juvenem? *Dan.* Non ſuffecit! creſcit cum ætate licentia, & jam in præcipitia impulſum a ſuis adoleſcentem nemo, præter Patrem, tenebit. Interea ne pœniteat te, Aſael, ſollicitæ charitatis, quam tot annis impendiſti Regi belluæ, bene collocatum tempus fuiſſe, hic ornatus ſolitudinis, hæc a te poſita monumenta loquuntur. Nondum Rex vidit? *Aſael.* Dum abſum apud te, nullum eſt dubium, quin ſub oculos venerint. *Dan.* Ultimum deeſt, quod maxime optabam, ut in poſteriorum memoria tam admiranda metamorphoſis perpetuo hæreat. *Aſael.* Perfectum eſt, & ſola inſcriptio deſideratur, quam modo addam. *Dan.* Hem! illinc movet ſe aliquis. *Aſael.* Rex eſt. *Dan.* Subducimus nos. Tu perge, quod agis, agere: ego audiam hic, quo animo ſit, & poſtea, velut caſu inciderem, occupabo. *Aſael.* Ut placet.

S C E N A III.

Nabuchodonofor ſolus.

SOLUS ſum: hæreſe licet in aſpectu harum imaginum. Non erravi: video me! Quid exhibeat ſtatua, inſcriptio docet: Ego Nabuchodonofor DEI Gratia Rex! prudens correctio! DEI Gratia Rex! olim de hac gratia non cogitavi; hinc turpis illa ingratitude,

R r

tudo, de qua pavesco, & ante te erubescō, Rex Regum, qui solus regnum sæculorum, quod tenes, nulli alteri debes. Jure sanguinis putavi mihi deberi imperium: ruditas fuit! Unde enim jus ego habui, ut Regem potius, quam rusticum Patrem nanciscer; Gratia DEI, gratia fuit, quæ ego abusus sum ad injuriam DEI, ad contemptum, ad rebellionem!.. Bene scripsisti Asael: nam quis alius posuerit hæc signa mihi, præter te? volebas, ut mihi redditus recordarer, quis fuerim. Ah! recordor, recordor in amaritudine animæ meæ!.. Sed quid hic lego? *Non adoramus!* Memini, hæc vox heroica trium Puerorum fuit, quos ego ad rogem damnavi, & tu in mediis flammis servasti illæsos, magne DEus Hebræorum! Vidi miraculum, audivi canticum, te cum illis laudavi: quamdiu? o vecordia! iterum intumui! felicitas mea, donum tuum fecit, ut iterum obliviscer tui!.. Etiam hæc imago est nota: *Cæcus vidi!* intelligo te Sedecia Frater mi! tu es, quem ego captivum duxi in Babylonem, conjeci in carcerem, erui oculos, cur? quia tributum negasti. Ergo quot ego carceres, quæ supplicia merui, qui DEO quæ DEI sunt, nunquam dedi? Tu cæcus vidisti, quam videns non adverteras virgam vigilantem etiam super acta Regum: & ego debueram ab hoc exemplo sapere. Desipui magis, quia magis inflatus sum!.. Rursum lego, quod me erudit: *Somnium!* Hæc statua est, quam somnians vidi, & hujus statuæ caput aureum ego fui: sic me interpretes docuit. Sed nempe per somnium fui: casus lapilli, quem ex alto projecit Omnipotens, evertit miserabile lutum, cui sua consilia homo vanus imponit. O vere somnium, in quo nulla est veritas! O vanitas humanæ gloriæ! cum dormio, placeo mihi: cum evigilo, præter pugillum pulveris invenio nihil. O Daniel! Daniel! tu mihi hæc mysteria explicasti: cum prodesse explicatio poterat, non profuit. Utinam nunc adesses, nunc prodesset admonitio quævis. Quamquam quid loquor? Egone præ pudore ferre possem præsen-

sentiam Viri, sub cuius Divino Magisterio indocilis discipulus adeo nihil sapere didici, ut etiam degenerarim in belluam!.. Vah! iterum homo me turbat.

S C E N A IV.

Nabuchodonosor. Daniel.

Daniel. Quo fugis homo? siste! audi! *Nab.* Sine! *Dan.* Siste, aut telo persequor. *Nab.* Imperiosus es. At non sic mecum ageres, si scires, quis ego sim. *Dan.* Modo homo sis, aliud non quæro. *Nab.* Dubitas, an sim homo? quid igitur belluinum vides in me? *Dan.* Semi-hominem certe Faunum, aut Satyrum iste habitus loquitur. *Nab.* Habitus non facit hominem, animus facit. *Dan.* Intelligo me Philosopho loqui. Dic, a quo tempore sapis? & unde sapientiam didicisti, & ubi? *Nab.* Quæstiunculis obruit: garrire non libet. *Dan.* Abibis, quolubet, saltem si hoc dixeris mihi, an non visus sit tibi Nabuchodonosor Rex? *Nab.* Lepidus homo es, qui Regem inter belluas quæris. *Dan.* Mirum! an enim tu non vivis inter belluas? *Nab.* Quid dicis? *Dan.* Quæro, an solus ita peregrinus sis, ut nescias, quod Rex transformatus in belluam fuerit? Quid files? dissimulas scire, ne urgeam nempe, ut, ubi stabuletur, significes. Verum ego certa indicia habeo, quod procul non absum: ibi, dicebat mihi amicus Asael, regiam feram teneri, ubi reperero monumenta quædam a se posita ex Danielis mandato, pro perpetua memoria poenæ horrificæ, qua DEUS noster indomabilem Tyranni superbiam domuit. *Nab.* Video ex Hebræis te esse: igitur laudam te, & magnifica misericordias Domini DEI Israel, qui restituit Regi formam hominis! *Dan.* Heu! quid audio? *Nab.* Tu exclamas? *Dan.* Tu miraris? timeo, ne redditus sibi, velit & Regno reddi. *Nab.* Jus habet, & subditi petent, cum audierint, quod dixi.

Rr 2

Dan.

Dan. Dubito : hætenus enim paucos puto fecisse vota, quibus cœlum moverent, ut Nabuchodonosor redderetur; plures novi, qui gratias egerunt, quod sit ablati. *Nab.* Atqui, cum regnaret, multas ego audiivi sæpe aggratulantium voces, & de tanto Principe sibi plaudentium. *Dan.* De tanto Principe ! quanti igitur tu illum æstimasti ? *Nab.* Quanti æstimatus fuerit, tu Orbem interroga, quem gloria sui nominis pœne universum implevit. *Dan.* De qua gloria tu mihi narras ? quid igitur dicebant homines de isto Rege ? Adulatores cognomen *Magni* adjecerunt, hoc scio, sed unde meruit ? facinora laude digna duo sola in Annalibus Babylonix posteritas leget : primum, quod Judæos sub jugum miserit, alterum, quod Babylonem suam magnificis ædificiis auxerit : quid autem ex his conficies ? ex prior, quod fuerit *magnus Prædo*, probatur : ex posteriore, quod *magnus Architectus* : ex neutro, quod *magnus Rex*. Habes compendium gloriæ : nunc vituperia numera. Gloriam victoriæ de Judæis quanta crudelitate fœdaverit, hæc muta statua loquitur, hic post dirutam Hierosolymam, post eversum Salomonis templum, post occisos innocentes filios, post effossos oculos in pædore carceris misere contabescens Rex Sedecias. In splendore Babylonis, quid placere oculis potest, quando abjectam videmus eam morum, & Politicæ ? Quid est nostra Babylon, quam magnifica confusio ? confusio in commerciis, confusio in Judiciis, confusio in Officiis, confusio in custodia legum, confusio in cura Religionis, & quod necessario sequitur, confusa licentia vitiorum. In hac materia curæ Regi propriæ quid facere Nabuchodonosor Rex debuisset, scio : quid facere potuisset, etiam scio : tu dic mihi, amice, quid fecerit ? *Nab.* Certe appetens laudis semper fuit, quæ est ambitio laudanda in Rege. *Dan.* Assentior, si sit ambitio laudis non falsæ. Sed noster Rex laudari cupiebat, & vivere laudabiliter non curabat, nisi forte credidi, in hoc

hoc *punctum bonoris* sui constitui, quod Majorum suorum omnium vitia in se omnia cumulaverit, puta, Nemrodi violentam tyrannidem, Nini effæminatam in Regni administratione sordidiam, Semiramidis indomabilem ambitionem, Sardanapali impudentem libidinem, Salmanassaris insatiabilem fastum, & avaritiam, Sennacheribi blasphemam contra Superos ipsos audaciam, ac denique Patris sui Merodachi supinam in curando bono communi, pro quo nascuntur Reges, negligentiam. *Nab.* Vales memoria, & eruditus Venatores tu. *Dan.* Nihil dixi nimium: sententia cœli comprobatur, quidquid dixi. De hac sententia Orbem interroga, sic scies, quid dicant homines de nostro Rege. Abhinc annis septem major pars Mundi ne nomen quidem scivit hominis Babylone regnantis: nunc, postquam regnavit, & ex Rege factus est bellua, nepueri quidem Nabuchodonosorem nesciunt: tanta celebritas est, tanta gloria. *Nab.* Non nego, multa male fecisse stolidum virum, sed poena tam atrox potuit utique transformare hominem: hoc speremus. *Dan.* Metuo, ne & hæc spes fallat. Amice, nescis, Evilmerodachum filium regnasse huc usque Patris nomine? *Nab.* Quid deinde? *Dan.* Dico, regnassetiam Patris more. Et ille tamen oculis suis vidit bovem Patrem, mugientem audivit suis auribus: quid? poena Patris non coerces licentiam Filii, & de Patre certo sperem correctum esse correctione vera, atque quæ ferat ætatem? ... Ingemiscis, amice, nunc primum: debebas pridem; nec enim est alia res gemitu digna magis, quam subesse Regi, qui indignus est Regno ... Insuper lacrymaris? quid dixi demum, quod sic commovit? *Nab.* Ah! nescis, cui locutus fueris. *Dan.* Forte ipse es, quem quæro, Nabuchodonosor Rex? fugis? *Nab.* Irrue atra nox, & hoc monstrum æternum tege!...

S C E N A V.

Daniel. Afael.

Dan. Fluxum visceribus telum hæret: jam pono personam, Afael, & sine larva redibo. Secure interea tu prodes me; nam crede mihi, audiet Danielelem Rex, & fructu maiore, quam olim, audiet. *Af.* Quid audiet? *Dan.* Præcepta, & formam novi regiminis. *Af.* Cessa: ego despero jam, persuaderi hoc viro posse, ut reddat se folio. *Dan.* Reddet se, crede Danieli, & habebimus bonum Regem. *Af.* Jam antea pudoris acerbitas sic torisit hominem, ut videri ab homine ingens supplicium crederet: nunc, postquam tu oratione tam luculenta demonstrasti, hanc esse labem minimam Nabuchodonosoris, quod transformatus in bestiam fuerit: alia esse multo plura, multoque majora dedecora, quibus fama illius, & gloria obliteretur: scilicet conceperit desiderium revertendi ad suos, quibus intellexit, tanto se in pretio esse? ignosce, alio ego sermone erexissem afflictum animum. *Daniel.* Non percipis, Afael, rationem consilii mei. Audi me. Ego timebam, pudoris illius, qui torquet hominem, hanc unam esse causam, quod sciret, sine dubio multum fore sermonem de se, intento digito se monstratum iri a matribus, dicturis ad filiolos suos: *Ecce hic, hic est Nabuchodonosor, qui fuit bellua.* *Afael.* Utique hæc illi causa pudoris est: non videtur sufficiens tibi? *Dan.* Ut causa pudoris poena sit, culpa non sit, ad pudorem salubrem plane non sufficit. Vides, cur tam multa illi de sceleribus dixerim, quibus hanc poenam meruit? *Afael.* Audiui omnia: sed quomodo exprobratio tam acerba huc serviat, ut Nabuchodonosor rursus appetere regnum velit, quod tu desideras, hoc non capio. *Dan.* Hoc explico. Pudor, Afael, quo suffunditur Rex, quod fuerit bellua, est pudor sterilis, & affectus, qui de se effectum non habet propterea, quia hoc dedecus aboleri nullo

con-

consilio potest. Pudor vero, qui ex cogitatione scelerum nascitur, quæ fecerunt similem belluæ, est pudor, frugifer, quia disponit animum, ut generosa cum resolutione decernat, male actorum memoriam bene agendo extinguere. Tu putasti multum me præstare, si laborarem mitigare dolorem *de pœnæ infamia*: quid effectum fuisset? fortasse rediisset in regnum Rex, sed cum ipso inanes persuasiones rediissent. Regis Majestatem in pompa vestium, in aulæ magnificentia, in luxu conviviorum, in cæteris parergis totam consisteret, quod vides Evilmerodachum putare, quamquam viderit Patris supplicium. At nunc, cum intellexit Nabuchodonosor, infamiæ suæ causam esse vitia, quibus suæ dignitatis auctoritatem prostituerat: cum audivit velut incognitus ab incognito, hoc est, sine suspitione fraudis, quam abjectus fuerit de ipsius magnitudine sensus populorum, quam graves querelæ, quam nulla laus: nondum prospicis, quid fore sperem?

As. Paulatim aliquid lucis micat. *Dan.* Mox erit sole clarior. Spero, Asael, consilium solitudinis fastidio fore: spero, subitum desiderium animo, damnato falsæ gloriæ appetitu persequendi veram, ac solidam: spero, resumpturum sceptrum Nabuchodonosorem, & postquam *mali* fuit, jam *boni Regis* exemplar perfectum fore, & filio imprimis fore, cujus mores cum ego reprehendi, ut repente mutarit vultum, genuerit, fleverit, an non notasti?

As. Vidi. *Dan.* Nempe intellexit Pater dedecus suum, de quo loquebar, nisi obsisteret ipse, in prole æternum fore. *As.* Video sapienter omnia te cogitasse: quid velis porro, impera, ut cœptum opus perducamus ad exitum. *Dan.* Tria facies, & primum, dum ego vestes muto, huc fugitivum revoca: non amplius fugiet, si audiet, Daniele ante eum locutum sibi. *As.* Teneo. *Dan.* Deinde in urbem, & aulam perges, ut narres magnalia DEI, atque ad recipiendum cum debita reverentia regem Patrem Evilmerodachum hortaris. *Asael.* Quo animo accipiet

nun-

nuntium juvenis regnandi dulcedine jam inescatus? *Dan.* Experiemur, & quæ dabit eventus, arripiemus consilia. Postremo redux ultimum monumentum huc pones ad specum, ut discat posteritas, memorique mente semper recolat, quod *dominetur Excessus in regno hominum, & cuicumque voluerit, det illud.* (*Dan. 4.*) *As.* Notavi omnia. *Dan.* Jam age.

S C E N A VI.

Afael. Nabuchodonosor.

Afael. **N**Abuchodonosor Rex, quo abjisti?... Afaelem fugis?... Rex! .. responde, obsecro... *Echo.* Obsecro!... *As.* Hinc audio vocem: audiam iterum: Rex! responde! *Echo.* Sponde! *As.* Quid spondeam? nempe quod sim solus? *Echo.* Solus? *As.* Vah! ludor! ficta vox est. Ah! Rex ubi te inveniam? *Echo.* Veniam. *As.* Silete rupes garrulæ! rem seriam ago. Rex! .. Nabuchodonosor Rex! .. illinc fuit strepitus. Rex! .. *Nab.* Afael, nemo præter te adest? *As.* Nemo, Rex secure prodi. *Nab.* Rex! Rex! Rex! num me vocabas? *As.* Quem alium sic compellarem? *Nab.* Quemcunque sic nomines, nominas digniorem. Me, si velis, ut colloquar tibi, posthac sic inclamabis: prodi Thraaso, Prædo, Tyranne, Latro, Idolum, Bestia! hæc sunt nomina propria, ex quibus intelligam vocari Nabuchodonosorem: sub his nominibus, propudor! toti Orbi sum notus! .. *I.* Fuisse bestiam, Afael, minimum est dedecus meum, quia *pœna* est: *culpa*, qua merui tam turpem pœnam, culpa turpitudinem habet, quæ animum sævissimo mœrore conficit! *As.* Bonus est mœror, & qui tibi jam nunc, ut spero, in oculis DEi saltem gratiam, & decus tulit. *Nab.* In oculis DEI! Quò rursus abripior! heu! si monstrum hominibus videor, qui cornon vident: quis ero in oculis DEI! in oculis DEI, qui intima perspicit! *As.* O factum bene

bene, quod Daniele adduxerim tibi : video colloqui fructum.
Nab. Daniele tu mihi ! absit ! non fero vultum Prophetæ, quem honoravi quidem, sed non audiui, immo audiui etiam, sed, quæ bene monebat, contempsi. Asael, qua verborum gravitate exprobraret ille mihi sua vaticinia, & meam levitatem, si adesset !
As. Adfuit. *Nab.* Attonas ! Daniel adfuit ? *As.* Locutus est tibi.
Nab. Venator aliquis locutus est mihi : Daniel latuit ? *As.* Finem, propter quem venit, ex vestitu intellige. *Nab.* Venit, ut occideret me. Nam si venator ille Daniel fuit, certa sunt omnia, quæ narravit : certa meorum de meis poenis incuria, certa infamia mei nominis Orbe toto vulgata, certa execratio scelerum meorum in omni loco, certa insuper filii mei in æternum dedecus meum crescentis perniciēs ! Pudore morior ! corruite petra ! sepelite hanc pestem, ne ultra communem auram inficiat ! Et tu Numen magnum ! quousque retines fulmen, quod scelestum hominem tibi ex oculis auferat, in quorum fastidium tot admisi dedecora ! O Daniel, quam acerba oratio fuit, quæ me mihi ostendit ! redibis, ut ostendas me iterum ? Ah ! video, horreo, fugio me !...

S C E N A VII.

Daniel. Nabuchodonosor.

Daniel.] Ta, ita, fuge Rex in brachia te amantis. Ego vulneravi : ego sanabo ! Asael, exequi propera, quod volebam.

Nab. Vir DEI !... *Dan.* Hem ! quo te abripis mihi ? *Nab.* In specum redeo, in quo heri adhuc habitavi ! hic abscondar procul a luce solis, ab oculis humanis procul. *Dan.* Immo in regnum redibis, in folium, unde te DEus dejecit : sic regnum exigit, Filius indiget, DEus jubet. *Nab.* Ego Nabuchodonosor ut sim iterum Rex ! revocetur ex inferis Nemrod, Ninus, Semiramis, Sardanapalus, Salmanassar, Sennacherib, Merodach : infames
S s
sunt

sunt omnes multis sceleribus, nullus tamen fuit scelestior me: & me regnum exigit, redeam, filius indiget, DEUS jubet? *Dan.* DEUS jubet, ut habeat ex Monarchis Assyriis unum saltem devotum tibi. *Nab.* Habet: devotus sum! sinat, in silvis devotum esse: silva præ aula placet. *Dan.* DEO aula præ silva placet: in aula peccasti, in aula poenitentiam ages, ut, qui peccantem viderunt, etiam videant poenitentem. *Nab.* Heu! si cogis redire inter homines, prope absum, ut optem, non rediisse mihi formam hominis: tantus est pudor. *Dan.* Ingrate! tanti est tibi beneficium tantum boni Numinis! obstupefcite Coeli! *Pec-
catori publico* erubescenda videtur *pœnitentia publica!* Miser! quis inanis te metus vexat? postquam peccasti publice, hoc est *pun-
dum honoris* tui, ut sciat Orbis, peccati denique te poenituisse. Pec-
care errare est: qui postquam erravit palam, fateri palam negli-
git, se errasse, dubios nos relinquit, fueritne magis stupidus, ut
errorem non intellexerit, an magis obstinatus, ut retractare no-
luerit: utra opinio gloriosa est tibi? *Nab.* Vita solitaria, Daniel,
quam in lacrymisagam, & perpetuo planctu, satis opinor,
innotescet Orbi, par sit abolendis scandalis, quorum me reum
feci. *Dan.* Hæc poenitentia peccatoris privati sit, non peccato-
ris Regis. Tuum est corrigere mores filii, quos exemplo cor-
rupisti: prohibere abusus noxios, quos in probitatis extermin-
ium pervitæ licentiam introduxisti: coercere Satraparum au-
daciam, qua aut connivente te, aut negligente in subditorum
fortunas, & sanguinem pro libidine debacchabantur: invigilare
Provinciarum Præfectis, an sic præsent, ut prosint: denique
exemplo, & mandatis id agere contentiose, ut dejectis ridiculis
Diis, colatur ab omnibus unus ille DEUS, cujus & potentiam,
& misericordiam testari luculentius nemo potest, quam tu.
Ecce hæc est poenitentia Regia. Sed harum tu rerum omnium
nihil facies solitarius: facere omnia potes, & debes, si fueris
Rex. *Nab.* Huc adigis? rem gravem imperas! *Dan.* DEUS impe-

imperat, postulat regni salus, ipse honor tuus exigit, & *vera gloria*, quam utinam Reges omnes appeterent! *Nab.* Video vera dici: luctor tamen! *Dan.* Imperiosa voluntate est opus, & vicisti. *Nab.* Quantumvis imperem mihi, hoc video tamen: si ad homines redeo, quisquis me aspiciet, pudore suffundet, & quocunque me vertero, credam, digitum intendi in me, cum sarcasmo: ecce hic est Rex, qui fuit bestia. Quid? non acerba tibi videtur confusio tam turpis, tam frequens? *Dan.* Acerba sit, at salubris est: nam erit hic pudor admonitio efficax, ne quid ultra pudendum committas. *Nab.* Igitur obedio. Cœlum adjuva novitium militem in palæstra virtutis! & tu doce porro, quæ vitæ regulæ servandæ deinceps sint, ut laudem a DEO merear. *Dan.* Sic places, Rex! sic patior ad specum regredi, ut excas melior: optima Schola est. *Nab.* Docilem discipulum habes.

CHORUS.

Ostenditur, Peccatori alterutrum esse inevitabile:
aut *confundere se*, aut *confundi*.

Anthropus, sive Homo peccator. *Nemesis*, sive Divina Justitia.
Accusatores Ratio, Fides, & Conscientia. *Præco*, sive Mors. *Licitor*, sive Diabolus. *Judex delegatus*, sive Confessarius.

Chorus.

Vindica Nemesis *
Vindica scelera,

S s 2

Dignis

* Exhibetur in medio apparatus Judicii, a dextris tribunal Judicii delegati, a sinistris carcer inferni,

Dignis suppliciis
Vindica! vindica!

- Nemes.* Audiatur etiam pars altera:
I Præco, Reum evoca.
Antbr. Sic est, confiteor! *
Non amavi DEum, quantum potui: doleo!
Præco. Reperio hominem, Diva,
Tuo adgeniculantem Vicario.
Nemes. Sapit, si rite accusat se in Tribunali Clementiæ,
Priusquam rapiatur ad Tribunal Justitiæ.
Antbr. Interdum (nempe, ut homo sum!
Aliquam admisi impatientiam,
Et iracundiæ impetum.
Non tamen (DEO sint laudes!)
Non sum, sicut cæteri hominum, Luc. 18.
Raptor, aut injustus non sum! absit!
Artes lucrandi didici: vim autem facio nemini.
Adulter non sum! absit! nisi forte per somnium,
Quod cum evigilo, statim excutio.
Publicanus non sum! absit! imo hoc ago sollicitè,
Ut sciant homines opera mea bona,
Et glorificent me.
Nemes. Vah! defensio! illusio!
Non accusatio, non confessio!
Antbr. Ultra, quod addam, non habeo: Dolco!
Jud. del. Vade in pace!
Antbr. Beasti me! ...
Præco. Vir mortis es! Judici sisto te Nemesi!
Antbr. Accusavi me: *judicatus* jam, & absolutus sum!
Nemes. Ego *judicia* judico: citaris ad *Revisorium*.
Jud. del. Superi! quale me rapit spectaculum! * *
* Confessio hypocritæ erubescens rite se accusare.
* * In extasim rapitur.

Chorus.

Vindica Nemesis,
Vindica scelera,
Dignis suppliciis
Vindica! vindica!

Nemes. Audio. Repetite accusationis capita,
Et, quæ commisit Anthropus impudenter,
Confessus est autem neligenter,
Palam nominate flagitia.

Ratio. In compendio,
Conculcatas Legum tabulas exprobrat Ratio.

Fides. Fides, quot Sacramenta, tot queritur sacrilegia,

Consci. Oppressam se per hypocrisin
Lamentatur Conscientia.

Trio.

Consci. O lupe, lupum belle
Ovina tegens pelle!

Ratio. Humanæ formæ bellua!

Fides. Fidelis Idololatra!

Omn. tres. Putasti, tua scelera
Tribunal hoc latere?

Consci. Huc inspice! *
Hic videte!

Fides. Dic, age, quis hinc prospicit,

Ratio. Dic, *cujus hæc imago sit?*
Loquere! fateri!

Nemes. Obmutuit.... Atqui, homo temerarie,
Paullo ante coram Vicario Judice
Potuisti te verbose defendere.

Consci. Vocasti *jocum*, quod erat scandalum,

S s 3

Fides.

* Exhibetur monstrosa imago, quam Scriptura in Nabuchodonosore,
velut in figura peccatoris, exhibet.

Fides. Zelum dicebas, quod erat odium,
Ratio. Quod fuit rapina, appellasti *artificium*.
Omnes. Et, quod fuit libido, nominabas *morem patrum*.
Nemef. Jam *contra faciem tuam* statuo te:
 Defende te, loquere!...
 Adhuc taces? I licitor, tolle pallium.*
 Oculis pateat animæ infrunitæ opprobrium.
Licitor. Confundatur, qui noluit confundere se!
 Vah! quid video?
 Hominem, ipso turpiorem diabolo!

Chorus.

Vindica Nemesis!
 Vindica scelera,
 Dignis suppliciis
 Vindica! vindica!

Nemef. Ecce, Proceres, ecce homo *DEO similis*,
 Et quasi ex nobis aliquis! ... Gen. 3.**

Aria.

Anthrope!
 Non ego sic formavi te!...
 De sacro felix flumine
 Prodieras formosus,
 Et coelo graciosus,
 Quo ille, qui tunc splenduit,
 Quo ingens decor abiit?
 Anthrope,
 Non ego sic formavi te!

a.

Angeli!
 Vos estis testes Nemesi, ...
 Quid dedi minus homini?

Non

- * Ablato pallio nequitiae apparet vera forma peccatoris.
- ** Exprobratio ironica Adamo facta ad pudorem,

Non, sicut vos, vestivi?
Non, sicut vos, nutriti?
Non meam ad imaginem,
Ut vos. sic feci hominem?...
Anthrope,
Non ego sic formavi te!

Lictor. Immo, quem paulo minus *infra Angelos* collocasti,
Heu! quantum *supra illos* amasti!
Mihi semel tantum licuit peccare:
Hunc autem vah! quam diu visa es tolerare!
Anthr. Heu! quo ibo, Diva? quo fugiam a te?
Quoniam *confusione opertus sum*,
Sicut diploide! Psalm. 108.
Nemes. Peccatum satis est! fero sententiam:
In ignem æternum, maledicte,
In ignem æternum discede a me! Matth. 25.

Ariose.

Pars tua sit cum furibus,
Cum mæchis, cum latronibus,
Cum fæce hominum,
Cum grege dæmonum!

Repetit Chorus.

Jud. del. Heu me! sic periisti, Anthrope,
Quia me fefellisti!
Et forte, quod ego non tecum perierim,
Debeo misericordiæ!..
Quid vidi?... O terribile iudicium,
Iudicium Revivificum!...

Aria,

O Iudices! O Rei!
*Time*te vultum DEi!

Si nos *timemus* vos,
 Aut vos *timesis* nos:
 Utrique sumus rei!
 Damnabit DEus nos, & vos! ..
*Time*te vultum DEI,
 Et Judices, & Rei!

PUNCTUM II.

Pudoris salubritas.

SCENA II.

Nabuchodonosor. Daniel.

Daniel. **D**Enique duo verba memoriæ imprimunt doctrinam, quam hucusque exposui omnem: memento, quod sis *Homo*, & *Rex*. Dum cogitas, quod sis *Homo*, cogitabis, quod sis *natura* subditis tuis plane par: dum cogitas, quod sis *Rex*, cogitabis, quod sis *conditione* subditis tuis multo major. Sequentur conclusiones practicæ magni fructus, prima: *Homo sum*: ergo subditus DEO sum! altera: *Rex sum*: ergo debeo regere! ... *Nab.* In novum me pudorem agis, quia vitæ heu! ex aliis longe principiis actæ male ordinata series omnis iterum se oculis objicit. Ah! nunquam fui Rex, immo ne homo quidem! *Dan.* Ut posthac homo sis, nihil te supra hominem æstima: *Subditus DEO esto*, neque a DEI legibus ullam exemptionem, vel privilegium aut prætende, aut spera. DEus personarum acceptor non est: & quos ex eodem luto fecit, iisdem omnibus sine discrimine eundem Decalogum scripsit. Meministi, Rex, quid de tabulis Moysis narraverim, tunc, quando tres juvenes ex ardenti fornace prodeuntes illæsi, nostri DEI potentiam tibi prædicarunt? Tu quidem illas tabulas non vidisti, sed dic, quid in illis esse scriptum dicebam

cebam, quod non in corde tuo natura ipsa jam scripserat? *Nab.* Sile! scripserat utique: sed ego impudenter, ut essem exlex, scripturam deleui, naturali pudore per scelerum assuetudinem subjugato. *Dan.* Neque hic substitisti: ausus es palam ostentare effrænem licentiam, & gloriari publice, non agnoscisci DEum a te, cui obedientiam præstare aut velis, aut debeas. *Nab.* Ah! furor fuit animi vanissime intumescents in fallacibus phaleris miseræ Majestatis *Cum in honore essem, non intellexi*, quid sit verus honor! Speciem præ veritate, vitrum præ adamante dilexi: sic desipui! *Dan.* Non sic desipies posthac. In telligis modo, quod prima sit hominis laus, & maxime propria, *sapere*: intelligis, hoc esse primum principium sapientiæ: *Datur DEus, cui homo obedientiam debet*: intelligis denique, quod, qui hoc non intelligit, necessario erret per omnia, atque adeo nihil plane intelligat, & ne quidem mereatur *hominis* nomen. *Nab.* Cessa docere hoc, quod me præ omni Doctore tristis experientia docuit. *Homo sum: ergo subditus DEO sum æque ut mei subditi!* audiet hanc meam confessionem Babylonia, sciet Orbis, leget posteritas: nam publice serviam. Quid amplius præcipis? *Dan.* Multo amplius. Idem DEus, quite fecit hominem, Regem fecit, hominem, *ut servires*, Regem, *ut regeres*. Jam vero Superi velint, ut *Spiritu principali* animatus capere doctrinam possis, quam trado. *Nac.* Ecce attentum habes. *Dan.* Natura superbuses: gaudeo. *Nab.* Subjicio naturam DEO: non ero superbus ultra: de hoc gaudeo. *Dan.* Nolo, ut naturam opprimas: *utere!* superbia cum Regibus nascitur, & *utiliter* crescit. *Nab.* Paradoxa loqueris: nam mihi quidem nihil pejus nocuit, quam natura in superbiam prona nimis. *Dan.* Evolve mysterium. Superbiæ nomine *appetitur Excellentia* intelligimus, Rex, qui naturæ hominis ita proprius est, ut, prout quisque plus aut minus excellere appetit, ita plus aut minus hominis habere videri possit. Itaque qui est

auctor naturæ, auctor est etiam hujus appetitus, quem si tu præ aliis vehementiorem accepisti, majores ei gratias debes. Habes enim *instrumentum* ad summa quævis opera expeditum, si modo applicasses *ad bonam materiam*. *Nab.* Suboritur lumen bonum. Errasse me dicis, non quod appetierim excellere, sed quod appetierim *Excellentiam falsam* pro vera, sicut antea dedecus falsum præ vero horrui. *Dan.* Sic est: nam duplicem distinguo superbiam, & unam voco *appetitum Excellentie falsæ*: hæc vitiosa est: alteram appello *appetitum Excellentie veræ*: hæc sancta est, hanc in Rege desidero, quia Regis est regere, & regere *vice DEI*, quod nemo bene facit, cui *vera Excellentia* cordi non est. *Nab.* Quam porro veram Excellentiam dicis, prout a falsa distinguitur? *Dan.* Hoc opus jam, hic labor est, ut iudicium corrigas. Ab incunabulis oculi, & aures multorum intellectum decipiunt, & falsis ideis cerebrum implent: *oculi* rerum speciem æstimantes pro ipsis rebus, *aures* vanis nos educantium, ac non laudanda laudantium sermonibus tracta in fraudem. Sic fit, ut luxus & pompa, aurum & gemmæ, sanguis & tituli, acclamationes & plausus primo in pretio sint, virtus autem post nummos, post laudes, post omnia parerga cætera. *Nab.* Igitur tu veram Excellentiam in virtute ponis? *Dan.* In virtute utique: nam *ex parergis* non est æstimabilis homo, *ex se* est: atque ita *vera Excellentia* hominis nulla est extra hominem: *intus est*, in anima est, quæ cum imago sit DEI, cujus infinita Excellentia est supra res omnes, dicenda erit tanto esse excellentior, quanto erit *DEO similior*. *Nab.* Sublimem Philosophiam me doces. *Dan.* Eandem, quam DEUS per istud septennium te docuit, Rex. Fœnum, ut bos, comedebas: scis, quid hæc pœna voluerit? *Nab.* Tristis memoria est. *Dan.* Sed salutaris. Significavit, quam abjecto animo fueris, cum esses Rex. *Omnis caro fœnum, & omnis gloria ejus quasi flos agri* (Is. 40.) hoc fœno pascebaris, hic flos te oblectabat: color, odor,

odor, sapor inanis gloriolæ totum animum occupabant: & quæ sunt aliæ deliciae bovis? At nunc *utere sapientius* appetitu Excellentia, quem DEus, & natura tribuerunt! Quære pascua digniora, Excellentiam veram, veram gloriam, quæ apud DEum est, non apud homines, apud DEum, qui solam virtutem laudat, & solus in laudando errare non potest. Atque hunc Spiritum *Principalem* vocavi, quo animatus ut ad Regnum redeas, cupio. Iterum eris Rex: *Rege*, in hac voce pone *punctum* honoris tui. Si dubitas, quid sit bene regere, intueri solium, in quo sedebas, & rursus sedebis. Per gradus ascenditur: hæc prima dos Regis est, ut se *morum regulam* subditis faciat, & a nemine erubescat videri. Verum laudis summa non est *videri*, sed *videre*, vigilare, circumspicere, ne aut *boni*, aut *mali* te lateant, volo dicere, ne mali *tolerentur*, & boni *negligantur*. Sic, Princeps, sic abolebis ignominiam, quæ ex præteritis culpis, & poena adhuc adhæret: sic eris vere homo, sic bonus Rex, sic coram Deo & hominibus *Nabuchodonosor magnus. Nab. Vir DEI*, quibus motibus mentem agitas? quantum horruï, tantum jam ambio regnum. Sine, ut solus ruminer paullum doctrinam bonam, qua cor pavisti: deinde tecum in urbem ibo.

S C E N A II.

Daniel. Asael.

Daniel. Quod prodest, agis: ruminando enim pinguescit anima. O DEus, quam dociles discipulos in schola patientiæ habes, & vexatio quam capacem facit intellectum doctrinis etiam sublimissimis, quales homo animalis nunquam percipiet, Io! triumpho Asael! meus est Rex! persuasi, redit. *As.* Gratulor. Sed in aula varios motus excitavit mea narratio. Evilmerodach trepidat, Proceres divisi sunt, itum est in consilium, an, a quo, quo modo revocandus sit ad Sceptrum

T r 2

Nabu.

Nabuchodonosor Rex. Sed frustra consultatum est: nam populus rumore diffuso excitatus, letusque emendandi regiminis spe, magnis clamoribus reddi sibi Regem expetiit, quod movit filium, ut gaudium simulans magnificum jam occursum adornet. *Dan.* Non expectabimus venientem: tu propera, ut peragas, quæ ad monumentum tam memorabilis historiæ adhuc defunt. *As.* Sic facio.

S C E N A III.

Visio Danielis.

Dan. **A**T ego te laudo DEUS, Rex Regum, qui sic humilias superbos, ut sciant, quod homines sint, & tu DEUS solus, præter quem non est alius. O sic age semper, ne sit aliquando homo, qui putet, quod tua absorptus felicitate; non attendas nobis, & in rebus humanis nihil agas! Age! age! deponere potentes de sede, transfer regna, muta tempora: sic ostendis, quod sis, qui es, *solus Dominus*, cujus voluntati resistere nemo potest!... * Audior!. intonas magne DEUS! o murmur graue! Auditis impii! ita Majestas loquitur etiam illis terribilis, qui negant DEUM. Est tamen misercordis hæc lingua, non punientis: loquitur, ut sciatis, quod vigilet: loquitur, & vel tonando suaviter se insinuat animis orator DEUS in exordio alloqui sui. Væ Auditori, quem non facit benevolum! Quem oratio non movet, peroratio conteret... Quid video? quo abripis Numen! DEUM Deorum video!

Angelus. Daniel! Daniel! *Vir desideriorum!*

Ostendo tibi, quid factururus sit DEUS Israel.
Ab hoc tempore usque ad finem sæculorum.
Tu, quod vides, prædica,
Et antequam eveniant,

Annun-

* Fiunt tonitrua. * Visio Danielis!

Annuntia populis, ut intelligant,
Quod, cum evenerint, *non casu* evenerint,

Aria.

I.

Ut fluctus cum fluctu iurgatur,
Ut ventus cum vento rixatur:
Ut Urfus, & Leæna,
Ut Pardus, & Hyæna, *
In mutuas cædes se urgent:
Sic Regna in Regna consurgent!
Sed *casu* nulla surgent!
Et *casu* nulla cadent:
Divino consilio fit,
Jam illud, jam istud ut fortius sit.

2.

Assyrios Persæ vastabunt,
In Persas se Græci armabunt:
In Græcos succumbentes
Romani insurgentes
Imperium late extendent,
In sæcula multa protendent:
At DEUS metam armis
Et metam fixit annis:
Hic, dixit, frangeris: hic sta,
Nec ultra te move, aut strepitum da! Job. 38.

3.

Tum demum Antiquus dierum,
Omnipotens Arbiter rerum
In sæculorum fine,
In cumulo ruinæ,

T t 3

Lapso-

Wil, Graf.

Lapforum per tempus Regnorum,
Superstruet Regnum Sanctorum.

Quod finem non habebit,
Et metam non videbit:

Huc suas mortales ut spes,

Huc, mone spes conferant omnes, & res!

Daniel post cantum. Sic triumphas, DEUS! o læta visio! o jucunda oculo, qui te amat! Nabuchodonosor Rex! Rex!

S C E N A VI.

Daniel. Nabuchodonosor. Asael.

Nab. **I**Nexultantem incido, quid accidit tibi? *Dan.* Vive Rex! o si vidisses, quæ ego vidi, quantum incrementum caperet æstimatio DEI mei. *Nab.* Narra saltem: etiam quæ a te audio, videre me puto. *Dan.* Vidi gloriam DEI Israel! mare magnum vidi, & quatuor bestias ascendentes de mari, & Antiquum dierum descendentem de cœlo. *Nab.* Ænigmata loqueris. *Dan.* Immo omnium temporum historiam loquor, ut scias, DEO futura æque atque præterita nota esse, neque contingere illi aliquid casu posse. Rem pando: *Mare magnum* Mundus est tot obnoxius motibus, quot ventis jactatur mare. Quatuor bestię quatuor magna Regna sunt, cum quorum fine finis Mundi adveniet. *Antiquus dierum* DEUS Judex est, Regna ista distribuens, quibus vult, & destruens, quando vult, donec in fine sæculorum Orbem universum ignis diluvio obruet: atque tunc demum incipiet Regnum Sanctorum in cœlo, quod finem nullum habebit, & nullam vicissitudinem, ut videas, quod præter sanctitatem DEUS æstimet nihil, cum præter sanctitatem nihil remuneretur. *Nab.* Hæc, ais, erit omnium Regnorum fortuna, hæc extrema calamitas! *Dan.* Hæc erit, hoc vidi. Sic ludit DEUS in Orbe terrarum,

&

& illudit consiliis filiorum hominum, quibus insurgunt adversum se. *Nab.* Væ mihi igitur, nisi fuero inter Sanctos! *Dan.* Væ utique, nam nisi *inter Sanctos* fueris, eris inter mœchos, inter fures, inter latrones, inter infernales bestias, inter dæmones. *Nab.* Ego Nabuchodonosor Rex! *Dan.* Nemo tunc erit Rex: *titulus temporis* hoc nomen est, non æternitatis. *Nab.* At me pudet sic Regem fuisse, ut nec nomen meruerim pro tempore. *Dan.* Nunc vero ages rem, ut merearis etiam pro æternitate. Ut constanter agas, obsecro, hoc audi consilium: in hanc solitudinem subinde te confer, ut mediteris, *qui fueris*: pudebit, nam hæc monumenta monebunt, hoc præcipue, quod Asael affert. *As.* Ita hocnam hæc est Rex imago tua: hic stet ad ostium specus. *Dan.* Stet! nos imus: exhibe te aulæ alium, ut aliam aulam facias. *Nab.* Video, horreo, erubesco me! *Dan.* Sanctus est pudor! ut sit salubris, alium te fac, alium hominem, alium Regem. *Nab.* Facio: co. *As.* Tu vero sta Viator, & lege Programma hoc:

Hæc est Specus,
in qua
Septem annis habitavit
Nabuchodonosor
Rex
ex homine bellua.
Talem
Peccatum fecit.

O. A. M. D. G.

ME-

MEDITATIO III.

PECCATUM

MALUM SUMME TRISTE, SIVE SAUL.

ARGUMENTUM.

Saul ex agasone Rex, electus a DEO amplissimæ Regionis Dominus, insuper victoriis gloriosus, ita se venerabilem suis, hostibusque formidabilem fecerat, ut ad summam felicitatem nihilei defuisse videatur, præter constantiam, quam rursus peccatum evertit, *malum*, uti summe *turpe*, ac *noxium*, ita, ne aliquod mali genus putes non includi, longe *tristissimum*. Certe a die illa, qua Saul per præposteram clementiam, & prædæ cupiditatem contra DEI præceptum peccaverat, quod 1. Reg. 15. narratur, nulla homini hora fluxit, qua sincere gauderet. Nam desertus a DEO *relictus est sibi*, & indomitæ affectionibus animi, quæ miseris modis oppressum cor diu, noctuque torquebant. Ante alias terror invasit, cum diceret Samuel: *Pro eo, quod abjecisti sermonem Domini, projecit te Dominus, ne sis Rex!* Deinde successit *invidia* adversus Davidem, tanquam corrivalem Regni accensa. Invidiam secutum est atrox *odium*, quo in cædem innocentis exardecebat: perpetua *anxietas*, ne qua æmulus tam metuendus elaberetur:

in-

infana rabies, qua in Sacerdotes, qui fugitivum commeatu adjuverant, per manum Doeg Idumæi delevit. Demum cum nihil succederet ex sententia, immanis *mæror* pectus totum exedit, & ex mœrore nata infelix *obstinatio* adegit, ut de rebus agendis Sagam confuleret: ibi Samuelis apparitio, & extremæ calamitatis denuntiatio *crudeli horrore* mentem ita concussit, ut impos sui, jam neque pugnare, ut olim, in hostem posset, neque vivere post cladem exercitus ultra vellet. Itaque factus ipse carnifex sui, postquam diu se torserat, occidit se, & utinam, cum vivere desit, desisset torqueri! .. Nos, ut ex aliena miseria sapere discamus, attentius, quod narratum est, expendamus. Sic igitur præsentis Meditationis

Materia. Tristissima vita, & multo tristior Saulis mors.

Puncta duo. Primum, Saul a DEO desertus.
Secundum, Saul sibi permissus.

Fructus. Detestatio impii axiomatis: *Peccavi: & quid accidit mihi triste?*

Propositum. Fuga peccati, etiâ cum ad peccandum aut *libido voluptatis* invitat, aut *metus doloris* impellit. In specie decernamus practice experiri, quam vera sit illa S. Chrysostomi sententia: *nemo leditur, nisi a se ipso*, nempe quia omnis *inquietudo* animi a passione non domita originem habet: & *turbari* vi nulla externa potest, qui imperare sibi, & suis affectionibus didicit.

In Choro. Ostenditur, quod *difficilior* sit via ad infernum, quam quæ in cœlum ducit.

PERSONÆ.

*Saul Rex.**Jonathas Saulis Filius.**Samuel Propheta.**Doëg Idumeus.**Abiasbar Filius Abimelech, quem Saul cum 84. aliis
Sacerdotibus Doëgi manu occiderat.**Misaël Saulis Armiger.*

PROLOGUS.

Reflexio in Meditationem præteritam, & Præparatio ad præsentem.

Fides. Ratio.

- Ratio.* **H**Em vero, quo me abripis hodie?*
- Fides.* Cur in æstuantis pelagi constituis littorē?
Didicisti peccati *damna* metuere,
Docui peccati *dedecus* erubescere:
Timori, & *Pudori* ut adjungat se *Horror*,
Efficiam hodie.
Peccatum esse malum, ut *turpe*, ac *noxium*,
Ita multo *tristissimum*,
Vides in hac imagine.
- Ratio.* Difficile exhibes Symbolum,
Cui ego contrarium habeo
Experientiæ testimonium,
Quod firmat gemitus
Justorum passim querulantium:

* Exhibetur mare fervens.

Quare via impiorum prosperatur? Jerem. 12.
Quare flagitia videmus esse felicia?

Aria,

1.

Stat impiis mare pacatum,
Arridet, invitat piscatum:
Non videas fluctum,
Qui moveat luctum:
Non asperi Boreæ flant,
Sed facilem cursum Favonii dant.

2.

Vehuntur in navi aurata,
Ad luxum, & pompam ornata:
Sirenulæ plenis
Applaudunt camœnis:
Ad clavum Felicitas stat:
In circulum ludens Hilaritas nat.

Fides,

Sic nempe intueris, quod exhibent oculi,
Et ultro gaudes decipi?
Ergone tu felicitatem hominis
In bonis externis constituis?
Atqui nihil juvat *domus splendida*,
Si æger, & afflictus est *incola*....
Foris cytharæ sonant, & organa,
Intus strepunt tubæ, ac tympana!
Non enim (hoc dicit Dominus)
Non est pax impiis! If. 48.
Sed bella perpetua, & lites ex *concupiscentiis*, Jac. 4.
Quæ præliantur inter se,
Quasi mare fervens, quod non potest quiescere. If. 57.
Aspice!...*

U u: 2

Aria.

Tamultus maris.

Peccatum

Aria.

1.

Hic, hic est æstus mentis
Peccato subjacentis!...

Sic fremit!... sic turbatur!...

Sic spumat!... sic inflatur!...

Sic jam astra conspuat!..

Jam in stygem præceps it!..

Sic iam in montes crescit!..

Jam crepat, & tabescit!..

2.

Quod Pelago sunt venti,

Hoc sunt *affectus* menti,

Qui quando dominantur,

Spes, quies, pax fugantur:

Succedunt curæ, dubia,

Timores, furor, tædia!..

Has habes perpetrati

Delicias peccati.

In Saule ista ostendet se veritas:

Accingere, ut intelligas.

Ratio. Ecce me! loquere, quia audio te.

Aria.

Loquere! audio!

Solido gaudio

Reficis me,

Si, quam sint *tristia*

Impii gaudia,

Difcam a te! *Fides*. Difces a me,

Quod

Quod, (quisquis reus sit,)
Magnum qui DEum scit
Læsum a se:
Nunquam, si sapiat,
Serto rideat,
Docco te. *Ratio.* Audio te.

MEDITATIONIS III.

De tristi vita, & morte Saulis,

PUNCTUM I.

Saul a DEO desertus.

SCENA I.

Samuel. Saul.

Saul. Vir senex, ais mulier, * *Vir senex ascendit, amictus pal-*
lio! (1. Reg. 28.) Bene habet: Samuel est! cur fugis
tu? . . . O assurge, assurge Propheta sancte, & miserum Re-
gem juva! *Sam.* ** *Propheta sancte! nunc color! nunc ado-*
ras! Infelix! qui non audisti benemonentem vivum, quare nunc
inquietasti me, ut suscitarer mortuus? Saul. Eheu! coarctor
nimis! *Sam.* Quid affligit? *Saul.* Philistiim pugnant adversum me.
Sam. Hostes toties a te victos hodie metuis? *Saul.* Metuo,
quia *DEus recessit a me!* *Sam.* Ora, ut redeat. *Saul.* Oravi,
sed pro dolor! exaudire me noluit, neque in manu Prophetarum,
neque per somnia: vocavi ergo te, ut ostenderes mihi, quid faciam.

U u 3

Sam.

* Ad mulierem infra theatrum.

** Samuel ascendit ex inferis.

Sam. Nempe hoc deerat complementum sceleribus, ut remedium ab inferis quæreres, & ab ultimo scelere sperares solatium. Sed absit! *Spes impiorum peribit! quid interrogas me, cum Dominus recesserit a te, & transierit ad Æmulum tuum. Saul.* Vah! quid audio? ergo irritus omnis labor est meus! *David Rex erit? nomen invisum.* *David?* *Sam.* Ita fiet: nam faciet tibi Dominus, sicut locutus est in manu mea, & scindet regnum tuum de manu tua, & dabit illud proximo tuo *David.* *Saul.* Odurus sermo! *Sam.* Quia non obedisti voci Domini, neque fecisti iram furoris ejus in Amalec, idcirco quod pateris, fecit tibi Dominus hodie. *Saul.* Tantumne peccatum fuit misereri Regis miseri, & victo parcere? *Sam.* Scelestam misericordia fuit, quam DEus prohibuit. Nonne cum parvulus esses in oculis tuis, caput in tribubus Israel factus es, unxitque te Dominus in Regem super Israel, & misit te Dominus in vitam, & ait: vade, & interfice peccatores Amalec, & pugnabis contra eos usque ad interuersionem eorum: quare ergo non audisti vocem Domini? (1. Reg. 15.) *Saul.* Immo audiui vocem Domini, interfeci omnes Amalecitas, soli Regi peperci, trementi, ac deprecanti. *Sam.* Ideo Dominus tibi non parcat. *Saul.* Et coegit me populus, ut servarem de præda primitias, quas immolaret Domino in Galgalis. *Sam.* Frustra te defendis: nunquid enim vult Dominus holocausta, & victimas, & non potius, ut obediat voci Domini? quasi peccatum ariolandi est, repugnare: & quasi scelus idololatriæ, non acquiescere mandato DEI. *Saul.* Habe igitur fatentem reum: peccavi, quia prævaricatus sum sermonem Domini, & verbatum, timens populum, & obediens voci eorum! *Sam.* Timens populum, & non timens DEUM? *Saul.* Peccavi! *Sam.* Obediens populo, non obediens DEO? *Saul.* Peccavi! *Sam.* Irriti sunt gemitus, sera suspiria: jam enim scidit Dominus Regnum Israel a te hoste, & tradidit illud proximo tuo meliori te. *Saul.* Heu! triste, atrox, execrandum peccatum! *Sam.* Clama, ut vis, Porro triumphator in Israel non parcat, & penitentie non flectetur: neque enim homo est, ut agat penitentiam.

(ibi-

(*ibidem*) *Et dabit Dominus etiam Israel: tectum in manu Philistin: cras autem tu, & filii tui mecum eritis!* (1. Reg 28.) Saul. Ergo actum de Saule est! projiciet Regem DEus, quem ipse per te elegit? Sam. Projecit ingratum, contumacem, invidum, sacrilegum, & hodie rebellem transfugam a coelo ad inferos: projecit! Saul. Ah! peccavi! iterum peccavi! sed dira calamitas suggestit detestandum consilium. Sam. Stultum consilium est *ma-*
lum majus eligere, ut minus evadas, culpam decernere, ut poenam
evites, hoc est, ut effugias unam poenam, reum te facere novæ
pœnæ. Saul. Peccavi! Sam. Ergo meruisti poenam? Saul. Merui. Sam. Ergo animum compara, ut cum fructu sustineas. Saul. Deprecare DEum, obsecro, ut parcat mihi! Sam. Non parcat: corona, vita, filii perierunt: *cras mecum eritis!* * Saul. Heu! deseris me! Sam. Vide, ne tu te deseras! ultima gratia est, quod me DEus suscitaverit tibi: utere *pro bmo animæ!* de corpore actum est! Saul. Actum est! moriar! Sam. Cras. Saul. Horrendum oraculum! Sam. Poena peccati! Saul. Deprecare! Sam. Sustine! Saul. Deseris? Sam. Desertum a DEO!.. Saul. Me miserum!.. *

S C E N A II.

Doeg. *Armiger Saulis.*

Arm. Quid video? cadis Rex! Rex, vive, obsecro, & a terrore te collige!.. pro, ut friget! vix vena micat! vix tenuem anhelitum sentio. Quid faciam?.. Doeg! Doeg surge! *** Doeg. Quid vis? jam confectum cum Pythonissa negotium est? Arm. Surge modo, & Regem juva: deinde loquar. Doeg. Regem juva! unde periculum venit in hac solitudine, in media

* Iterum descendit Samuel.

** Saul animo deficit.

*** Ad dormientem.

media nocte? *Arm.* Vides, ut vix animam trahat? *Doeg.* Quid factum est? *Arm.* In deliquium concidit, ex terrificæ visionis horrore porrectus in terram (*ibid.*) quid consulis? *Doeg.* Redibit ad se: nihil metue gravius. Curre modo, & mone mulierem, ut coquat Azyrna, quibus reverso spiritu vires reficiat Rex, ut possimus redire in castra. *Arm.* Propero: *Doeg.* Spirat Rex!.. non audit! non sentis!.. hoc habet, qui credit Sagis... Hinc ego mihi metuo nihil, quia non credo dari sagam, quæ cum orco commercium habeat. Quomodo enim existere potest mulier amica inferi, cum nulli dentur inferi? nihil horum! Præstigias vocant creduli homines occulta artificia fallacium foeminarum, quarum inania terculamenta viri cordati rident. Quid dicit mulier? redit? *Arm.* Ipsa terrore prope exanimis intus sedet: colligit se tamen, & parabit aliquid esculenti. Rex autem quid? *Doeg.* Nondum se movit. Gravissimus terror fuerit, qui spiritus animales tam diu opprimit, & sensus sopitos tenet. *Arm.* Gravissimus utique; nam & ego adhuc totis artubus tremo, dum cogito, quæ audiivi, & vidi. *Doeg.* Tu vidisti aliquid? *Arm.* Cum abstraxit a nobis Regem mulier, & tu te composuisti ad somnum, me curiositas impulit, ut vestigia tacitus legerem, atque observarem, quid fieret. *Doeg.* Nempe circulum formavit saga, & in centro iussit Saulem consistere. Scio, quibus nugis istæ mulierculæ simplices animas dementent. *Arm.* Rem dixisti. *Doeg.* Tum utique coepit immutare vultum, asperare frontem, torquere oculos, inflare genas, & peregrina verba furentis instar circumcursans declamare. *Arm.* Volebat: sed prævertit festinantem Samuel, atque ultro se stitit. *Doeg.* Quid? Samuel se stitit? *Arm.* Samuel, inquam, alba talari tunica, multa canitie, & magno splendore venerabilis. *Doeg.* Rideo. *Arm.* Quare? *Doeg.* Quia tu phantasma tuum Samuelem appellas. *Arm.* Samuelem vidi. *Doeg.* Non credo. *Arm.* Quare non credis? *Doeg.* Quia Samuel sepultus est in Ramatha: quomodo ita subito

subito huc se transfulisset? *Arm.* Corpus ibi sepultum est: spiritum ego vidi. *Doeg.* Stultitiam loqueris: nego, quod detur spiritus. *Arm.* Spiritum negas dari? qualem igitur habes animam tu? *Doeg.* Hæc est alia quæstio: nunc ego hoc nego tibi, quod videris spiritum: illusio fuit. *Arm.* Belle! quis igitur tribus simul illudit: mulieri, ut fugeret, Sauli, ut in deliquium concideret, mihi ut adhuc tremam? *Doeg.* Phantasia illudit. *Arm.* Et quis phantasie trium, eodem tempore, in eodem objecto? omnes enim vidimus Samuelem. *Doeg.* Quia voluistis videre. *Arm.* Audivimus insuper! *Doeg.* Quia voluistis audire. Sile! nisi etiam videro, non credo, quod dicis. *Arm.* Pecora sic loquantur, quibus solus oculorum, & nullus rationis est usus. *Doeg.* Atqui ratio docet, fieri non potuisse, ut Samuel apparuerit; unde enim tam efficax foeminae in mortuos imperium sit? *Arm.* Non dixi jam, priusquam mulier incantationes incepert, adstitisse Prophetam? Sed desine altercari: non fero diutius intempestivam garrulitatem. Visio certa est, testem Regem appello. Kex! .. vah! adhuc jacet sine motu, sine sensu! .. vim, *Doeg*, magnam inferre rationi debemus, si persuadere velimus nobis, terrorem, qui tam diu congelat sanguinem, partum esse phantasie deceptæ. Si tamen aliquod in hac re prudens dubium esse potest, vereor, ne tollat eventus extremæ calamitatis, quæ in crastinum denuntiata est Israeli. *Doeg.* Crede, quod vis: idem ego facio. At eni! quis inde ex frutetis se movet huc medianocte? *Arm.* Miror.

S C E N A III.

Jonathas. Armiger. Abiathar. Doeg.

Jon. **A** Mice, insolitus horror animum concutit, & mihi triste sic rubens luna magnum malum præfigit. *

X x

Doeg.

* Ad lucem lunæ rubentis veniunt.

Doeg. Vox Jonatham loquitur. *Ab.* Avertat exitium DEus, & servet tenobis, Princeps! *Arm.* Est ipse: non fallimur. *Jon.* O servet mihi Parentem DEus, & recipiat in gratiam, unde excidit miser: libenter, libenter regnum, sanguinem, vitam immolo. *Doeg.* Recondimur, dum videamus, quid velint. *Jon.* Adsumus! non dubito: hæc specus est Pythonissæ! hic lates Pater mi! & forte hæc ipsa hora est destinata infami commercio cum damnatis spiritibus! heu! in quale barathrum prolapsus est Parens?... *Ab.* Retrahe gradum Jonatha! circulum video descriptum a faga! *Jon.* O scelus! vestigia Patris impressa cerno! moventur viscera atroce metu! pro! novum malum! ecce! in cadaver impegi! *Ab.* Funesta nox, quo abduxisti nos? vah! si forte incidimus in speluncam latronum! fugiamus! *Arm.* Inno subsiste, Princeps, felix ades ad solatium Regis Patris. *Doeg.* Certe indiget. *Jon.* Amice! video Parentis hostes: non irruam, & percutiam gladio? *Ab.* Perditi homines! quo abstractus est Rex a vobis? *Doeg.* Quo ipse voluit. *Jon.* At num vestrum erat pestilenti consilio virum jam pridem invisum DEO in ultimum scelus impellere, quod maturaret interitum? *Arm.* Ultro jusserat inquirere mulierem habentem Pythonem: diximus, esse in Endor aliquam, mutavit habitum: ivit. *Jon.* Fidelium servorum fuit, silere locum, & dissuadere flagitium, quo non aliud esse detestabilius DEO Israel, utique sciebatis. *Doeg.* Quid ageremus? desperarat a coelo opem: decreverat ab orco petere: decretum impediri non potuit. Laudare nos debes, Princeps, quod consilium adjuverimus: doctus per experientiam, quam vana sit de artibus magicis fides, & sic coactus necessitate, cor vertet ad DEum nostrum. Sæpe grave scelus bonæ poenitentiae, & magnæ felicitatis occasio fuit. *Jon.* Scelus defendis impie? novi, qui sis, *Doeg,* semper adversus Jonathæ, semper infensus Davidi meo, semper Patris

Patris scelestâ consilia maligne foveis, ut placeas nempe, non ut prosis, At ecce! dissimulo omnia, & veniam dono, si hodie saltem non obsistas conatibus, propter quos huc me attuli. *Doeg.* Princeps, ego adversum te nihil pecco, cum Patri obedior: Pater Rex est. Cæterum si tu suadeas aliquid, quod Pater probet, utrique servio. *Jon.* Atqui hoc agis semper, ut improbet Rex, quod Jonathas cupit: hodie sile saltem, si modo Regni Principis aliqua reverentia est. *Doeg.* Audiam, quid velis. *Jon.* Ubi est Parens? *Arm.* Jam vidisti: sub oculis jacet. *Ab.* Heu! Saul! *Jon.* Hoc cadaver! *Doeg.* Spirans tamen, & enredit ad se! audivigemitum. *Arm.* Aperit oculos, & ex longo deliquio sibi redditur. Rex vive!

S C E N A IV.

Accedit Saul.

Saul. **A** Mici! *Jon.* Rex Pater! agnoscis filium? *Saul.* Heu! Jonatha fili mi, fili mi Jonatha! heu! heu! heu! *Jon.* Pro Superi! iterum exanimis recidit. *Ab.* Quodei accidit malum? *Arm.* Terribilis visio sic prostravit. *Jon.* Saggæ scelestâ illusio fuit! *Doeg.* Etiam dixi. *Jon.* Pater, collige vires! *Saul.* Recede fili, recede, quoniam DEUS recessit a me! *Jon.* Attollite humo: respirat enim. O DEUS meorum Patrum, nunc saltem Patri mentem da meliorem! ah! ut sit, qui olim fuit! olim *non erat vir melior illo* (1. Reg. 9.) quantum mutatus est!... Pater mi, quis est animus tibi? *Saul.* Periiimus, fili mi, periiimus! *Jon.* Non periiimus, nisi nos DEUS deferat. *Saul.* Deseruit! O Samuel! Samuel! *Doeg.* Samuelem putat vidisse se ultima omnia minitantem. *Saul.* Quæ hora est noctis! *Ab.* Medium cœlum tenet. *Saul.* Ergo jam instat summa dies, quæ apud inferos ero! *Jon.* Pater! si ita decretum est cœlo, ut ais, nostrum est curare,

X x 2

ut

ut apud Superos simus. *Saul.* O triste peccatum! quam tristem fecisti vitam, & quanto tristiores jam mortem facis! triste peccatum! *Jon.* Aud am a te, Pater, quid timeas: nam ego spe bona firmus innitor DEO. *Saul.* Innitere, tamen cum Patre cades: coronam auferet tibi David tuus, quem utinam occidissem! tu impedisti. *Jon.* Rex! qui tibi coronam DEus dedit, si jam tollit, aufert, quod suum est: sino lubens. *Doeg.* Fatigas Parentem, Princeps, patere, ut introeat, comedat panem, bibat aquam, & a terrore se colligat. *Saul.* Non comedam. *Arm.* Imo huc ego cibum efferam. *Saul.* Non comedam. Dic potius, filimi, quare tu huc ad me venisti? & quis me prodidit tibi? *Jon.* Audivi, quod de Pythonissa interrogaveris: an difficile fuit divinare, quo ieris? ivi, ut, si possem, impedirem enorme scelus, quod tu ipse sic odisti olim, ut sub regiminis initium ex universo regno omnes ariolos, magosque expuleris. *Saul.* Memini: sed nunc aliæ sunt circumstantiæ, clausum coelum, & ferro durius coegit ire ad inferos, ut opem ferant. *Jon.* Opem speras ab inimicis? *Doeg.* Paulatim liberior meat spiritus! comede Rex, ut vires redeant: redeundum in castra erit, antequam dies oritur: vita, curæ, pugna refocillationem exposcunt. *Saul.* Corpori vires sponte redeunt: animo redde te, quem horror, moeror, timor, & desperatio totum prosternunt. *Arm.* Rex, festinavit mulier, & paravit aliquid obsonii præter panem: orat, ut ingredi velis, & reficere te. *Doeg.* Animus implicitus corpori cum corpore vigorem recipiet. Sine, ut introducam. *Saul.* Obsequor, quia vultis: fili, sequere. *Jon.* Hic expecto: non enim ferre vultum sagæ patiens possem. At tu, Misael, dic mihi: verene Samuel apparuit Regi? *Arm.* Vere, Princeps, his oculis vidi, his auribus audivi. *Jon.* Quid loquentem? *Arm.* Melius filio. *Jon.* Loqueris satis. Ingrederere jam, & cum observa-

veris,

veris, Regem plenius esse redditum sibi, labora, ut huic viro, quem ego amo, benevolam audientiam facias. *Arm.* Quis vir est? *Jon.* Dices, missum esse a Davide summi negotii causa: cætera ego exequar. *Arm.* A Davide missum difficulter alloquetur. *Jon.* I, fac, quod dixi: postremum obsequium filio Regis facis. *Arm.* Superi avertant omne imminens malum!

S C E N A V.

Jonathas. Abiathar.

Jonathas. **A** Biathar, feri conatus sunt: peractum est scelus: consulta saga, vocatus orcus in subsidium, irritatum novo crimine bonum Numen, periimus! umbra Samuelis denuntiavit sententiam: hinc Patris deliquium fuit: intelligo omnia! periimus! Sic ego infelix filius sum, qui Patrem habeo, quem DEus odit! *Ab.* O digne Juvenis, quem fors melior amat! me miseret tui, maxime, quia non invenio, unde te juvenem aut consolet saltem; nam verba etiam singultiens dolor frangit! *Jon.* Siles, amice? fles? *Ab.* Ah! quare me misit David, ut viderem, & audirem talia, quæ velfaxeum cor mollirent in lacrymas. *Jon.* Digna est lacrymis materia, offensus DEus, reprobus Pater, damnatus ad mortem Rex, imminens exitium familiæ regiæ! *Ab.* Parce DEus! parce innocenti Jonathæ saltem! *Jonathas.* Immo tolle Jonatham DEus! Patri parce! gaudens morior, si mors mea Parenti proficit. Sed cheu! Abiathar, graviora sunt Saulis scelera, quam ut placando Numini sufficiat hostia tam exilis; metuo, ne peccata sua luat æternum miser! & sic ego demum vere infelix filius sum, quippe ex Patre natus æternum reprobo! *Ab.* O nobilis anima, quam bene tu inter levem, & gravem materiam boni luctus distinguis! *Jon.* Neque tamen vel in

tam gravi luctu omne solatium deest. Amice, corona Regis Israel ex capite, quod odit DEus, transferetur in caput coelo, & mihi charum: Regnabis pro Jonatha dilecte David! hoc solatur: vive! regna! *Ab.* Discerpit pectus hæc exclamatio, & tanta virtus elinguem facit. De Davide cogitas Jonatha, nunc, sic? *Jon.* Hæc sola dulcis cogitatio est: vivet, cum ego moriar, vivet, regnabit David: vivat! regnet! vir est, qui amat DEum, quem amat DEus: igitur regnabit bene, *secundum cor DEI* regnabit: vivat! regnet! *Ab.* Hæc fortitudo heroicæ mentis est. Maeste animo, Princeps! decretis coeli submittis lubens caput, corona ex sideribus dignum, spera! coronaberis! *Jon.* Putas, sine fructu amicitiam cum Davide me coluisse? virtus hominis origo fuit beatæ familiaritatis, virtus amorem incendit, amor traxit ad imitandum. Suspexi in homine contemptum rerum humanarum: non illum Samuelis unctio, non spes coronæ de coelo promissæ, non victoriæ de Gigante relatæ gloria, non aggratulationes, & plausus populi, non regiæ nuptiæ extulerunt, ut aspernaretur minores se, aut se crederet majorem esse, quam *in oculis DEI* videretur. Suspexi præterea innocentiam morum, & summam curam, qua cavebat sollicite, neadmitteret aliquid, quod offenderet DEum. Suspexi zelum insuper, quo ardebat adversum hostes populi DEI, in quorum interneccionem ruebat impavidus in omne periculum, in medias mortes. Denique suspexi maxime invictam patientiam, qua Patris insanam invidiam, & indomabile odium pertulit, nunquam vindictæ appetens, sæpe bona pro malis reddens, semper erga *Christum Domini* reverens. Quam indocilis fuifsem, Abiathar, si ex his exemplis nihil profecissem? Patri, amice, post DEum debeo, quod homo sim: si bonus homo sum, ut tu putas, Patri plane non debeo! Davidis tibi dilecti exemplo, DEUS, *de profundis* clamo ad te: *Exurge Domine,*

Domine, saluum me fac! quodsi nolis, nonne tibi *subiecta eris anima mea?* Ecce *in flagella paratus sum!* accinge te: feri, perime! *Ab.* Ah Superi! utinam infelix Saul hausisset aliquid ex ista indole!

S C E N A VI.

Doeg. Jonathas. Abiathar.

Doeg. **P**Rinceps, ut videas, quod *Doeg* tibi non sit adversus, cave, ne iste comes tuus subeat iterum aspectum Regis. Jam plene redditus sibi Rex, ut audivit ab Armigero, hominem ex castris Davidis esse, præcepit furens, irruere me, & intro abscissum caput in mensam ferre. Ego revereor te, o Princeps, propterea moneo, ut hominem a te dimittas: sic autugisse dicam, & evader. *Jon.* Quid audio? *Ab.* Quid merui? *Doeg.* Transfugam odit Rex, quod violata fide Domino, adhæreas rebeli servo. *Jon.* Quem sic appellas infande latro? modestius tu mihi loquere, cum de Davide loqueris: Jonathas sum. *Ab.* Neque rebellat servus, qui fugit iram injustam Domini. *Jon.* Scis, qui sit, inquem immitteris? *Ab.* Fortuna aberam, quando ausus es, scelerate proditor, quinque supra octoginta sacrilego ferro Sacerdotes invadere accinctos *Ephod lineo*, (1. Reg. 22.) inter quos Princeps Achimelech fuit, Pater meus; nam ego, ne ignores, Abiathar sum. Si meum etiam sitit sanguinem Rex, propina Idumæe, habes. *Jon.* Cave, ne manum videam admotam capulo: nam prior cades. *Doeg.* Sic excipior obediens Regi? *Jon.* Quem in furorem agis. Moerore obrutus Parens quid agat, nescit: fidelis servi est, moderari impetum, non adjuvare. *Ab.* Aut num male tibi visi sunt agere conservi tui nuper, cum nullus ex Israelitis ausus est *extendere manus suas in Sacerdotes Domini*, quanquam juberet Rex? unus inventus est ita fidelis *Doeg Idumæus*,

mæus, ut mallet DEum, quam Regem offendere! *Doeg.* Abiathar, in gratiam Jonathæ volebam parcere: nunc, quoniam non æstimatis beneficium, admonco Patrem de audacia Filii.

S C E N A VII.

Saul. Jonathas. Doeg. Abiathar. Armiger.

Jonathas. **A** Mice, in latebras abde te, & primi furoris impetum fuge, ego sustinebo securius: nam quantumvis tyrannus sit Pater, adhuc tamen filium amat. *Ab.* Amat, quem jam bis occidisset, nisi vetuissent amici? *Jon.* Cessa obniti contra: abscondete. *Ab.* Quoniam jubes. *Jon.* Adest summa dies! ama me cœlum, ut Patrem conciliem tibi; priusquam moriamur. *Saul.* Quis imperat? Jonatha, tanti est Pater tibi? trade transfugam! quo auffugit? *Jon.* Non sum proditor innocentis. Obsecro, Rex, num utramque aurem semper uni Idumæo indulges, nec unam saltem servasti filio? iste meus comes Abiathar est, Sacerdos Domini: quo titulo meretur mortem? *Saul.* Adhæret rebeli: non est reus satis? *Jon.* Mihi innocens David est, non rebellis: Pater, argumentum fidei ex hoc ipso Legato cape. Philistæi cum contra nos se congregarunt, dimiserunt a se Davidem metuentes, ne in æstu prælii arma in ipsos verteret: adeo vel hostibus persuasum est, quod vir illibati candoris non *oderit* Saulem, sed *fugerit*. Deinde nunc, cum te absente passim disfluxit exercitus, optimi quique ad Davidem transfugerunt. Et quid ille? mittit ad me Sacerdotem, rogat, ut recipiatur in gratiam, spondet, cum omnibus suis accessurum se nobis, & contra Philistim pugnatum: per DEum obsecro, si iste animus videtur hostilis tibi, quem tandem amicum putas? *Doeg.* Sæpe bona verba malam fidem obregunt: & tu male defendis fugitivum, Princeps; nam qui suspectus est

est hostibus, unde a nobis *meretur* recipi? *Jon.* O male feriatum caput, quousque obstitis mihi? scilicet tu ignoras Davidis *merita*? ah! *merita* si nulla essent, esset amicus felix: virtus, animus, gloria fecerunt invisum æmulis. *Ab.* Et innocentis odium te facit, Rex, invisum DEO! *Jon.* Vah! qua te fiducia prodidis Abiathar? *Ab.* Fiducia causæ. Ecce Davidis nomine nunquam violatam iterum juro fidem, & DEum testem invoco mentis bonæ! *Saul.* Doeg, Patrem in filio cerno. *Achimelech* iste est a te occisus, jubente me! intremuit pectus male conscius sibi! surge, abi, torqueor! *Doeg.* Reliquiæ pannici terris agitant: omitte istos, Rex, in prælium imus. *Jon.* At nunc Pater, impium Idumæum ne audias. Samuel vera dixit: Sanguis Achimelech vindictam clamat: in mortem imus, si in prælium imus, priusquam te cum DEO, & Davide concilias. *Saul.* Quod tibi vitam istius transfugæ donem, sit tibi nunc satis, fili: de pace tractandi tempus jam non est amplius. Arma Misael, gladium, scutum, lanceam! *Arm.* Inutiles apparatus est, cum DEus est hostis. *Saul.* Etiam tu trepidas? *Arm.* Utique, postquam Samuelis umbram audivi, & vidi. *Doeg.* Sic est: umbram iste timer, futile artificium fallacis foeminæ. Tu vero, Rex, contemne has offucias, emasculantes animum invictum hæctenus, & ad omnes casus intrepidum. Jam declinat nox; aurora cum pinget cælum, hostis invadet castra: si vel absens se occultet Rex, vel præsens tremat, honor, victoria, exercitus perit. Redde te tuis, priusquam diescat, ostenta vultum hilarem, dic: Samuelem stitisse se tibi insignis victoriæ vatem; sic utili mendacio animatus miles fortiter in hostem ibit. Hoc consilium, Rex, hoc, & nullum aliud admittit tempus, cætera permitte fati. *Saul.* Dura fata! *Jon.* Desperatum consilium! *Ab.* Scelestus sermo! *Arm.* Funestum remedium tot malorum! *Doeg.* Sed necessarium, & forte felix. *Jon.* Post triste oraculum! *Doeg.* Nihil credo. *Ab.* Non ideo

falsum est. *Saul*. Falsum an verum sit, est perinde. *Doeg* imus! si vinco, felix sum: si cado, habeo vitæ infauftæ finem. *Ab*. Animam cum vita prodigis: animam commenda DEO! *Saul*. Qui me deseruit! *Doeg*. Effæminat hæc cura militem: nemo pugnat animosius, quam qui persuasit sibi, quod post mortem supersit nihil.

S C E N A VIII.

Jonathas. Abiathar.

Abiathar. **A** Udis, Princeps, quod axioma jactet impius Idu-
mæus? *Jon*. O Pater infelix! vere te DEus de-
seruit: nunc intelligo, postquam te tibi reliquit, & impiis con-
siliis infamis advenæ!.. Amice, a quo tempore Saul in DEum
peccavit, crede mihi, non fuit momentum, quo serio letum
vidi. Terror, ira, odium, rabies, mæror, obstinatio, hor-
ror sic discerpebant cor, ut ego sæpe hominem miserans tacite
ingemiscerem, & dicerem mihi: *quam triste sit peccare*, vide in
Patre, Jonatha, vide, & horre! o Pater! miserrime Pater!...
At feri sunt gemitus! *Justus es Domine, & rectum judicium
tuum!* damnasti ad mortem cum Patre filios, laudo sententiam,
quia tu fecisti, qui omnia sancte facis! Amice vale! ultimum
amplexum pro meo Davide cape: dic latum Jonatham in
mortem isse, eoquod relinqueret post se in vivis dimidium sui.
Ab. Ah! totum te amico serva, fuge prælium, ad Davidem
imus! *Jon*. Absit! nam ut ego moritûrum Patrem deseram,
etiam David nolit. Ad latus pugnabo illi, ut, si prior cadam,
exemplo prosum: si prior ille, verbo juvem ad mortem bo-
nam. *Ab*. Nec metuis mori? *Jon*. Abiathar, amo DEum, &
amat me DEus: sic spero firmiter, & securum conscientia fa-
cit: igitur intrepidus obvium pectus morti fero, quæ mihi vi-
tæ melioris principium sit in sinu Abrahæ. *Ab*. Perge fortis:
non

non audeo opponere me decretis virtutis tantæ. Tecum eo, ut non procul a loco pugnæ arbitrer eventum rerum, & orem DEum, ne tristes minæ effectum habeant. *Jon.* Ora, ut Patri parcat, Davidem servet, me auferat sibi.

CHORUS.

Ostenditur, quod *difficilior* sit via ad infernum, quam quæ in cœlum ducit.

Christus in persona Patrisfamilias. *Servus Mundi. Servus Carnis. Servus Diaboli. Olitor*, sive Mundus, curis terrenis occupans suos.

Christus. Infelix sum! ...
Olim, quacunque hora exivi,
In otiantes incidi. Matth. 20.
Nunc, quoties exeo, vacuum forum invenio,
Et, si quis occurrit, quem volo conducere,
Respondet: quære tibi servum alium:
Ego conductus jam sum!
Omnes serviunt aliis Dominis, mihi nemo,
Infelix sum! ...
Tamen hic expectabo,
Dum forte sui aliquem servitii tædeat,
Et ad me transeat

*Olitor.** Eja! serve bone, & fidelis! respira paullulum!
Eo! affero prandium!
Refice vires, ut mox redeas alacrior ad labores.

Y y 2

Serv. M.

* Exit cum aquali, & frusto panis, ad servum occupatum in horto olerum,

Serv. M. Here! bone verba, & tenue prandium
Famelicum post tantos labores
Non satiant stomachum.

Aria.

1.

Here,
Loquendum est sincere:
Jam fodere non valeo,
Sub onere deficio,
Aut tandem bene habeme,
Aut cogor te deferere:
Non possum sustinere.

2.

Issen,
Et alteri serviissem,
Si qualis tu sis Dominus,
Intellexissem citius!....
Lactatus fui vana spe!...
Si nunquam cognovissem te,
Felicior fuisset.

Here,

Loquendum est sincere.

Olitor. Ingrate! piger! inutilis serve!...
Quisquis servit Mundo,
Cur servit, nisi pro pane lucrando?

Arioso.

Vah! Canis!

Si jam non sapit panis,
Gustanda erunt verba,
Traheris ad supplicia,
Comede!

Aut morere!

Quan-

Quamquam, quid urgeo?
Nunquid opus est mihi Servo seniculo?
Abi stipes! pro uno centum alios habeo.

Serv. M. Sic! & sine mercede promissa?...
Hæc est *miseria cum aceto*!...

Sed felix necessitas, quæ cogit sapere!
Eo, & meliorem Dominum peto...
At ecce! quid video?.....

Serv. C. Eja! herus abest: fugæ patet ostium!
Num adhuc delibero?... ingenuus sum!
Tædet denique lutulenti laboris!
Ad majora, ad majora sum natus,
Quam ut florem ætatis perdere velim
In servitio foedæ, ac fragilis voluptatis.

Serv. M. Quid tu conquereris?

Serv. C. Ah! quisquis es, Juveni misero
Bono succurre consilio.

Aria.

I.
Sum *magni Patris* filius!..
Et eram adhuc *parvulus*,
Cum miser *casu* incidi
In domum hujus figuli: ...:
Ut vidit me, blandissimis
Aggressus est illecebris; ...
Me vicit curiositas,
Infelix curiositas!...
Ingressus sum, & perii!
Nam didici, ah! didici,
Quæ me jam pudet scire!

Y y 3

22 Ab.

* Fugiens ex officina figuli.

Ab illo miser tempore
 In foedo versor opere:
 In luto rota figitur!
 In luto circumagitur! ..
 Quis crederet me nobilem?
 Quis liberum? quis hominem?
 Ah! piget, tædet, pudet me!..
 Poenituit sæpissime!

Ad Patrem sæpe volui,
 (Heu! volui, & nolui!)
 Erubui redire!

Serv. M. Miseret me tui! sed in eadem navi sum tecum:
 Ergo quid suadeam,
 Nisi ut turpe jugum excutias mecum?
 Age! mutandus est Dominus!
 Fugimus! fugimus!

Serv. D. * Miserefcite boni Superi!
 In qualem tyrannum incidi!

Serv. M. Etiam tu fugis tuum Dominum?

Serv. D. Latronem fugio, qui hoc momento
 Occidit unum servorum, neque adhuc satiavit sævitiam,
 Etiam n mortuum exerit rabiem:
 Dissecat, lacerat, excoriat, devorat!
 Heu! quid feci, cum ad venatoria
 Metradidi obsequia,
 Et tot bonas animulas in stygia
 Impuli crudelis retia,
 Tam nullo meo comodo!
 Tam magno cum labore, & gravi periculo!

* Foras procurrens sub specie venatoris.

Aria.

Aria.

O pessima conditio!
O male acta vita!
Væ mihi! væ! væ misero,
Si erit finis ita!
In alieno corio
Hucusque laboravi:
Jam pelli meæ timeo:
Peccavi! ah! peccavi!

Serv. M. Hem! credidi, me solum esse miserum:
Falsus sum!

Serv. C. & D. Eja unanimiter alium
Quærimus Dominum!

*Christus.** Venite ad me!

Serv. C. Vocantem audio!..

Christus. Venite ad me!

Serv. D. Vox est suavissima!

Christus. Venite ad me!

Serv. M. Dulcedo intima penetrat viscera!

Christus. Quid statis? venite ad me, qui laboratis!

Serv. M. Tu vocas nos? quis es?

Serv. C. Quem jubes laborem?

Serv. D. Quam dabis mercedem?

Christus. Ego sum, qui sum,
Solut Dominus, solus Altissimus,
Venite! mihi servite!

Aria.

Nil imperabo grave:
Est jugum meum suave,
Onus levissimum!...

Si

* Ex angulo.

Si propter me relinquitis,
 Quod alii
 Promittunt vobis Domini:
 Habebitis
 (Promitto!) centuplum.

2.

Audivi suspirantes,
 Et singulos optantes,
 Murare Dominum:
Mutate! Non est melior,
 Quam ego sum!
 Aut si occurreret melior,
 Quam ego sum:
Mutate (non invitus sum!)
 Mutate iterum!

Serv. M. Fratres! juvat experiri, qui sit!.

Serv. C. Imus, servimus!

Christus. Venite, & quam sim bonus, videte, gustate!

Serv. D. Trahis mirabili suavitate!

*Christus.** Hæc est *vinea*: hanc excolite!

Sub vesperum

Cuique debitum reddam denarium,

Et insuper Cœnam magnificam,

Qua fagitados reficiam.

Serv. tres. O vere Dominum

Ter optimum, maximum!

O nobile, o felix servitium!

Serv. M. Fratres plaudite! en! adhuc hodie,

Christus. Sic est: jam hodie,

* Exhibitio vineæ, & cœnæ magnæ in nubibus.

Ariose.

Ariose.

1.

Christus.

En Cœna est parata,
Qua vos reficiam:
Nec fames satiata
Jam premet animam.
Cessabit Servi titulus,
Amicos appellabo:
Et ipse, vester Dominus,
Jam vobis ministrabo!
Venite! servite!

2.

Omnes tres.

Post horulam laborum,
Sudorem tergimus!
Torrenti gaudiorum
Ærumnas mergimus!
Momentulum miseræ,
Quæ isthic toleratur,
Æternæ pondus gloriæ
Pro nobis operatur!
Venimus! servimus!

PUNCTUM II.

Saul sibi permissus.

SCENA I.

Jonathas.

*Doeg.**

Jonathas. DEFICIO: moreris Jonatha, sic visum est DEO! morere!... ah! ah! ut cruciat urens plaga! lethale vulnus est: nihil ambigo. O montes Gelboe, locus fatalis mihi!... inter has rupes filius Regis moritur, desertus a suis,

* Exhibentur montes Gelboe.

Z z

omni

omni carens humano solatio, bestiis, aut carnivoris avibus futurus præda, imò quod ipsa præ morte horreo, persequentibus Philistæis futurus ludibrio!.. Pro triste fatum!.. & in hac ætate, cum de me conceptæ spes lætos jam fructus ferunt! nefasta dies!.. & nemo me juvat? Illinc video hominem. * Doeg! Doeg! huc ascende! vulnus obliga, quod perimit Jonatham! Doeg. Parce Princeps! hostis a tergo imminet: non patitur moram Doegi salus. Jon. Saltem trahere me tecum potes! Doeg. Vix repetio modum, quo mihi consulam: ita trepidatio mentem turbat. Jon. At tu dicebas, neminem esse magis intrepidum ad intuitum mortis, quam qui credit, nihil superesse post mortem? Doeg. Nempe discrimen est inter linguam, & cor. Jon. Hoc dices tamen, an vivat Pater meus, Rex tuus? Doeg. Non scio: nec enim tuto expectassem, dum scirem. Vale Princeps! Jon. Fidelis servus es! O DEUS, impius evadit, & ego morior!.. Amice David, sic morientem Jonatham si aspiceres, quo animo ferres?.. occurrit cogitatio bona! quantumvis ames me, animo magno tamen hanc sortem ferres, & hortareris, eodem ut ego ferrem, placide acquiescens decretis DEI. Facio: acquiesco... Prope jam innato meo sanguini: o sævum vulnus!... pro Patre, DEUS! pro patre hic fluat cruor! pro patre cadam hostia tibi! suscipe!.. placare!..

SCENA II.

Saul. ** Jonathas. Armiger.

Arm. URge vires Rex! ne consequantur nos incircumcisi, & vivos capiant. *** Jon. in monte. Cor meum semper rectum ad te non despicias! Saul. Abjicio pretiosa impedimenta fugæ! juva me! calco purpuram tot mihi malorum causam! vale corona tot spinis horrida, quot gemmis micans!.. Arm.

Nunc

* Fugitivus ex prælio præterit. ** In valle fugitivus, & vulneratus.

*** Procul a Saule solus.

Nunc expeditior fugies. *Saul.* Huc vis, ut ascendam? non possum: gravissimus dolor est. *Arm.* Sed. gravius periculum: stitit sanguis, & extra præsens discrimen posito non est nulla salutis spes, Surge! ascende! *Jon.* Durum est mori hac ætate, hoc loco, & sic: solatium tamen, innocentem mori. Recipe spiritum, DEus Patrem, recipe spiritum, quem dedisti! reddo purum, & immunem a noxa gravi: sic spero. *Saul.* Actum est, Misael, non ferunt vires laborem viæ: hora imminet destinata neci a sævo Numine. *Arm.* Vah! paullulum viæ superest, ut extra discrimen sis ab hoste imminens. *Saul.* Immo hic moriar, *Evagina gladium tuum, & percutite me!* (1. Reg. ult.) *Arm.* Hoc absit! nam quo te impatiens furor abripit? *Jon.* Reddo spiritum purum: Sic spero. Tu mihi redde, DEus mi, mercedem grandem nimis promissam Abrahæ! sic cupio. *Saul.* * Ecce morior! o anara mors! *Arm.* Nondum moreris: vim factibi! modica via restat. *Jon.* O bona mors, tu me in termino ponēs, in quo securus sum de summo bono, quod unum bonum est! O pars mea DEus in æternum! *Saul.* Gemitum audio: explora, qui sit. *Jon.* In æternum! *Arm.* Juvate Superi! Jonatham video, Rex, cum morte luctantem: propera, si vivum videre cupis. *Saul.* Cupio: trahe me! ** filii mi, Jonatha: ego occidite! *Jon.* Sic est, Pater mi, DEus filium cum Patre ferit, ut Pater ex cruciatu filii crucietur. *Saul.* Crucior! moriemur simul! *Jon.* Fugiamus simul! *Saul.* Uterque faucii graviter, quo fugiemus, mi filii? *Jon.* In sinum Abrahæ, Pater mi, in sinum Abrahæ, ad Patres nostros, ubi expectabimus redemptionem Israel. *Saul.* Ita, ita, tu ibis in sinum Abrahæ, ad Patres nostros: sed ego infelix in orcum ibo, ad Cainum, ad Pharaonem, ad Abimelech! *Jon.* Absit, o Pater! non dividamur! non dividamur! *Saul.* Actum est! projecit me crudelis DEus: dividemur æternum, dividemur! *Jon.* Nunc me occidis! *Arm.* Heu! moreris Princeps! *Saul.* Moreris! *Jon.* DEus, Patri parce! Patris miserere!...

Z z, 2

SCE

* Procumbit fatigatus.

** Festinat.

S C E N A III.

Saul. Armiger.

Arm. **C**oncidit! heu! funusest! *Saul.* Stupet dolor! Jonatha!... *Arm.* Frustra moerore conficeris, Rex fuge! hostis persequitur. *Saul.* Cessa! fugere vulnus prohibet, non finit moeror. Tu evagina gladium tuum, percutite me! *Arm.* Aliud jube: hoc non facio. *Saul.* Ego facio. *Arm.* Te ipse perimes? non sino. *Saul.* Tu Regi audes tuo manus injicere? recede! *Arm.* Ah! Rex! *Saul.* Angustiae sunt mihi undique! fac animae viam mucro, ut spiret liberius. Vah! manus debilis non tenet ensen! officium negat! Misael, tu me percutite! *Arm.* Non facio, & non extendo manum meam in Christum Domini. *Saul.* Vecors bestia! quid mihi prodest unctum fuisse in Regem? utinam agas morerer! percutite me! *Arm.* Inno curram, Rex, ut inveniam hominem, qui me juvet te hinc asportare, ne incidas in manus Philistim! *Saul.* Abijt. Jam nemo me impedit, quin finem faciam crudelibus malis... manus ut feriat, non sufficit sibi: at pondus corporis sufficiet, ut incumbens super gladium in mortem concidam. Jonatha, sequor te. Scilicet hoc decrat extremis malis, ut ante me morereris, & in oculis meis! mortuus es! Sequor! sequor! aperite portas tartara! grandis anima descendit ad vos! O triste peccatum, huc tu me adigis! Valete coeli semper adversi mihi, duri, inhumani, & istis scopulis asperiores! vale terra! ad inferos co!... Vah! aberrasti infelix ferrum: nondum vulnus est latum satis. Oh! dolor immanis!... juvate manus! corrigite errorem ensis!... satis est: sentio: finis venit, Saul, venit finis, nunc finis super te! per omnes jam artus saevit mors! egredere invisa DEO anima! egredere!...

SCE-

S C E N A IV.

Muta.

SUB lugubri musica representantur gravissima mortis angustia, quas patitur agonizans Saul ex consideratione temporis præteriti, presentis, & futuri. Itaque lento passu, & tristi ordine post Praconem, qui feralem pompam præcedit, cum duobus facigeris, animam morientis ad Iudicium citans, ostendunt se misero

I. Peccata commissa, nempe Diffidentia, quam exhibet imago victimæ contra DEI mandatum præpropere immolata cum inscriptione: Stulte egisti. (1. Reg. 13.) Inobedientia, quam representant duo Genii prohibitam prædam sub specie Religionis servatam ferentes cum inscriptione: Obedientiam volui, non sacrificium. (1. Reg. 15.) Invidia, & odium, quod exprobrat fugitivus cum cythara sua Genius Davidis, adscripto lemmate: Quid feci? (1. Reg. 19.) Crudelitas; de qua queritur Achimelech; cruentum gladium ostentans, quo cum 84. Sacerdotibus fuerat occisus, cum inscriptione: Quid fecimus? (1. Reg. 22.) Obstinatio, & desperatio, quam arguit umbra Samuelis librum gestans, cum inscriptione: Monui! (1. Reg. 28.)

II. Succedit huic agmini pompa funebris, quam adornant plures Genii ferentes insignia Regia, sed inversa cum inscriptione: Finis est!

III. Demum signum infelicitis æternitatis, in medio Theatro se instar Cometa constituit cum inscriptione: Initium sine fine! Quod videntes Cives Jerusalem, (hoc est, animæ bonæ) desunt primi Regis sui miserum interitum; cantantes hæc verba: O triste peccatum, quod excipit tristis vita, tristior mors, tristissima æternitas! Sauli vero extremæ angustia hæc identidem suspiria extorqueant: nunc recordor, quæ mala fecerim!... recordor!... o tristis memòria!... vos video David, Achimelech, Samuel!.. abscedite tortores sævi!... Hem! fui Rex! intelligo: finis est! jam quid ero!.. atrox cogitatio torquet animum: heu! miser

æternum ero! perji! DEus deseruit! mihi relictus sum! æternum perji! ... infelix! .. Egredere invisa DEo anima! ... egredere!

S C E N A V.

Abiathar, Armiger.

Armiger. **H**ic vides protrita monuimenta miseræ Majestatis.*
Ab. Sic vilescunt? *Arm.* In ista hora. Sed properemus: en hic Jonathas jacet! *Ab.* Heu! Jonatha immanis dolor Davidis tui! *Arm.* Pro! quid est hoc? Rex se occidit! *Ab.* Vah! Rex! tot sceleribus scelus extremum addis! ah! jam torvi oculi in morte natant! *Arm.* Nullus est motus, nullus est halitus super.
Ab. O Rex infelix! *Arm.* Ergo nec ego vivam. *Ab.* Superi! quid facis Misael? *Arm.* Morior. *Ab.* Miserere cœlum! perjit! Heu! tria funera lugeo! omnium causa peccatum est, triste Peccatum! .. præ horrore lapidesco!

MEDITATIO IV.

PECCATUM

MALUM MAJUS MORTE

SIVE

OCHOZIAS.

ARGUMENTUM,

Sæpe, quos *Cupiditas boni* nulla potest in peccatum pertrahere, *Melus mali* præcipitat, quod ope peccati sperant effugi posse contra omnes prudentiæ regulas utique, quia remedium eligunt, omni malo deterius, & ipsa, quæ terribilissimum omnium terribilissimum dicitur, *Morte majus*. Stultitiæ hujus cum tot aliis reum se fecit Ochozias Achabi Filius, Samariæ

* Abiecta a Saule insignia,

Rex,

Rex, qui cum ex lapsu per cancellos coenaculi sui ægrotaret, & propter scelera sua nullam opem speraret a DEO vero, misit nuntios, qui Idolo Beelzebub pro se supplicarent. Quis hic neget, sapientius acturum fuisse Ochoziam, si *mori pœnitens*, quam *fanari per scelus* maluisset? Certe quia ex metu mortis peccavit, vitam utramque perdidit, temporalem, & æternam, id quod illi Elias Propheta DEI nomine prædixit his verbis: *Quia misisti nuntios ad consulendum Beelzebub Deum Accaron, quasi non esset DEus in Israel, a quo posses interrogare sermonem, ideo de lectulo, super quem ascendisti, non descendes: sed morte morieris, 4. Reg. 1.* Atque ita hæc est hujus quartæ Meditationis

Materia. Ochoziæ gemina Mors.

Primum, Ægrotantis impatientia.

Secundum, Morientis obstinatio.

Fructus. Detestatio stolidi axiomatis: *Nollem peccare, sed cogis necessitas.*

Propositum. Fuga peccati, etiam cum spes est peccati ope evadendi grave malum, aut ipsam mortem. *In specie* decernamus moderari *timorem* malorum temporalium, cum imminet, & *impatientiam*, cum premunt; hæc enim gemina radix est multorum scelerum ferax in animis non heroice pijs. Cogitemus, Viri vere Christiani esse, sicut *magna* agere propter DEum, ita, cum DEus vult, *fortiter* pati.

In Choro. Ostenditur, quod, qui nunc peccant ex temporalis miserix, aut mortis metu, tandem *quisituri* sint mortem, nec *inventuri*, teste S. Joanne Apoc. 9.

P E R S O N Æ.

Ochozias Rex Israelis.

Elias Propheta.

Abdias Dux quinquagenarius jussus Eliam adducere.

Ezriel a Cubiculis Regi Ochoziæ.

Amaja a Cubiculis Jezabeli Regis Matri. PRO.

2.

Ah! hæres! sentio:
Fœmineum
Heu! audio suspirium!...
Audes deliberare?
Dic: *mori, mori eligo!*...
Non cessas fluctuare?...
Num frustra urgeo!..;

Fides.

Ah! *larvam mortis* metuis:
Mortem veram nondum, nondum satis effugis,
Quia, quamdiu times *mori*,
Vix tentationi resistes graviori.
Disce hodie *duas Mortes* distinguere;
Una est *corporis*, altera *animæ*,
Utraque horrida,
Sed *altera* tanto horridior,
Ut, si inter se compares,
An *prima* dici possit Mors, merito dubites.

Aria.

1.

Quod corpori est *anima*,
Hoc *animæ* est gratia:
Hac vivit, ex hac crescit!
Hæc si aufertur, moritur,
Cadaver fit, dissolvitur,
Et misere putrescit.

2.

Hæc mors, hæc est mors pessima,
Nam anima sic mortua
Non mortua videtur:
Sepulchro pulchro clausa est,
Nitente cute tecta est:
Hinc foetor non horretur.

A a a

Fides

Ratio. Vera igitur mors est mors animæ:
 Jam, an sit præ morte corporis
 Malum magis terribile,
 Ex antithetis statue.
Una bonis fortunæ, *altera* bonis gratiæ spoliât te-
 Dic: Utra est prædo crudelior?
Una malum ultimum infert corpori,
Altera spiritui:
 Dic: Utra est latro violentior?
Una spem resurrectionis relinquit certissimam,
Altera tenuem, & plurimum dubiam.
 Dic: Utra est pestis deterior?
 Accedit, quod *stimulus mortis*
 Peccatum sit, 1. Cor. 15.
 Et mors animæ mortem corporis
 Secum ferat sæpissime!..
 Atque ita hæc est *peccati vis*,
 Ut te faciat *mori bis!*....
 In Ochozia, quod assero, meditaberis.
 Age anime, rem magnam feceris,
 Si hanc tibi veritatem persuaseris.

Aria.

Age, age, meditare,
 Quantum *malum* sit peccare:
 In hac re non cæcutire
 Magni est momentires;
 Date lumen. Cœlites!
 Nempe non est malum, *mori*,
 Sed est malum, *male* mori:
 Neque *verbum* est timendum,
 Timeo *adverbium!*
 Dicit malum *geminum!*

MEDI-

MEDITATIONIS IV.

De gemina morte Ochoziæ,

PUNCTUM I.

Ægrotantis impatientia.

SCENA I.

Ochozias. Ezriel.

Ochozias. Iterum quinquaginta viros interfecit Elias, Ezriel! hoc feram? *hæc faciat mihi DEUS, & hæc addat*, nisi adhuc hodie luat illatam centum virorum cladem Propheta sævus. *Ezriel.* Parce tibi, Rex, ira ægroto nocet, & quod Propheta minaris malum, a coelo provocas adversum te. *Ochoz.* A coelo iste Propheta non venit, qui sic furit: ab orco venit. *Ezriel.* Atqui de coelo, non ex orco vocavit ignem, qui geminos quinquagenarios devoravit. *Och.* Ergo de coelo vindicabo me. I, præcipe Militiæ Principi, ut mittat tertium cum quinquaginta viris, qui hominem huc sistant mihi. *Ezriel.* Dubito, an reperturus sis vel unum, qui eat, postquam ex bis missis redjit ne unus quidem. (4. Reg. 1.) *Och.* Quid? non ego Rex sum, &, quamquam sim æger, adhuc impero? *Ez.* Imperas! sed parce, Rex, si omnes Eliam magis, quam te timemus. *Och.* Crude, cui loqueris? *Ez.* Regi, sed homini, & coelo sic volente, *misero homini*, quem elumbe corpusculum lecto affixum tenet. Rex, audi fidelem famulum: vana est ira, cui nullæ sunt vires! utilius humiliare caput superbum DEO Israel, & te ad mortem disponeres, quam de occidendo viro cogitares, quem argumentis adeo terrificis coelum demonstrat sibi charum esse, ut terror hominis concusserit

ferit universam Samariam. Itaque certum est mihi, si centies jusseris, nemo adversus Eliam ibit: vincit timorem Regis timor Numinis. *Och.* Cujus Numinis? num creditis vos, omnia Numina conjurasse adversum me? Odit domum Achab DEus Israel, hoc expior: sed non me deserent Dij Ægyptiorum, quos adoramus in vitulis, non Baal Deus Sidoniorum, non Beelzebub Deus Accaron! hostimete. *Ez.* Omnes adoramus nos: propterea nullus, puto, timendus est nobis. Sed tu, cum adores cæteros, soli DEO Israelis reverentiam nullam exhibes, quanquam ex argumentis evidentibus non possis nescire, quanta sit illius potentia, fortasse etiam supra cæteros Deos: ecce! hæc malorum origo est tibi. *Och.* Cæteri Dij placidi sunt: solus DEus Israel Zelotes est, & impatiens, si colatur Deus alius, præter ipsum: DEum tam ambitiosum, &, qui me odit, ego non colo. *Ez.* Et miraris, quod, quem non colis, te persequatur! ego vero hoc miror, Rex, quod Dij cæteri non defendant clientem suum contra DEum Israel. Hæc res jam sæpe hanc suspicionem mihi movit, utrum non DEus Israel *solus* sit DEus: certe potentiam suam nullus alius manifestius prodidit. *Och.* Potentia cruciandi hominem videtur tibi probatio Divinitatis super alias eminentis? *Ez.* Omnino, saltem quando *potentes potenter tormenta patiuntur*, quin aut se ipsi, aut ipsos alii a cruciatibus possint eximere. *Och.* Ego si DEus essem, malletm beneficentia, quam tyrannide me DEum probare. *Ez.* Immo si Deus esses, DEum te paullo sapientius loquendo monstrares: nunc, cum sis homo, cave, ne iudices, quid agendum sit Dijis, qui te judicabunt. *Och.* Sanus ægro facile consulit: sed tu nescis, quanti me dolores affligant. Uror! *Ezr.* DEus Israel urit, Rex, reverere! deprecare! *Och.* DEum tam crudelem revereri non possum. Pro! dolor insanus lacerat viscera, & ipsa ossium medulla ardet! .. *Ez.* Quia nova blasphemia irri-

irritasti magnum Numen. *Och.* Tace Numen! non colo DEum, cui adeo nullus respectus Regis est, ut inter Principem, & rusticum discrimen non faciat. Nullo mihi est opus DEO, ut finem his malis faciat: ego faciam, pugionem porrige! *Ez.* Miseret me! acerbitas mali incipit te in furorem agere. *Och.* Quid facis? *Ez.* Quod Medicus iussit, ne, cum insanies, tibi aut alijs facias malum majus. *Och.* Stringor? adeste furæ, juvate Regem Israel, quando ex enervibus Diis nemo est, qui me juvet. Sceleste verna, tu mevincire? *Ez.* Quia insanis. *Och.* Tu insanis! *Ez.* Imò ego facio officium fidelis servi, & a malo majore caveo. *Och.* Invisum cœlum, quousque erit volupe tibi in meis miseris heluari! *Ez.* Vides, quod insanias; non enim, si sciperes, tam inconditis vocibus Superos iterum irritares. *Och.* Cessa tu Superos oggerere, qui me oderunt: ab inferis opem volo. Solve me! *Ez.* Inferi te solvant! *Och.* Mancipium impudens, temerarium, procax, sceleratum, tu mihi manus injicere violentas! Solve! *Ez.* Medicus prohibet. *Och.* Rex jubet. *Ez.* Donec Rex redeat ad mentem bonam, parendum est Medico. *Och.* Satia ingluviem furoris tui in hoc spectaculo Numen atrox. *Ez.* Nunc furat, ut vult.*

S C E N A II,

Ezriel. Amasa,

Amasa. **E**zriel, malum grave Regi nuntio. Jezabel, ut audit de gemina strage, qua duos Quinquagenarios Elias consumpsit, sic exarsit rabie, ut inciderit in amentiam, & a Medicis vinciri debuerit. *Ez.* Fecistis Matri, quod ego filio: nam & ipse furit, atque sic blasphematur Deos, ut, si non est, saltem esse videatur amens, & insanire. Amasa, hic fructus impatientiæ est, qua fit, ut adversa ferre nolint, qui credunt, famulari sibi cœlos,

A a a 3

&c

*Clauditur.

& elementa debere. *Arm.* Dixisses melius: hic fructus contempnus est, quo tota Achabi domus DEum Israel irritat adversum se: atque hoc est, Ezriel, quod ego non capio, cur fiat. Dji cæteri, quos colimus, nunquam, quod sciam, ullum nobis testimonium dederunt aut potentiae suæ, aut beneficentiae: DEus Israel per unum Eliam Regnum universum sui nominis fama implevit ex gloria prodigiorum, quibus vir ille inclaruit; & tamen Djiis omnibus alijs sacrificant Reges, soli DEO Israel non sacrificant. Vitulis ex auro purissimo fusis pretiosa altaria sæpe multis victimis fumant: Beelzebub in Accaron frequentibus peregrinationibus, & hostijs colitur: Baali in ipsa Samaria magnificentissimum templum stat: altaria, vasa, apparatus loci, ornatusque, superbia plus, quam Regia fulget: Sacerdotum numerus, quanquam non ita pridem populus ab Elia concitatus quinquaginta omnino supra octingentos occiderit, (3 Reg. 18.) sic iterum cura Jezabelis excrevit, ut eos templi amplitudo vix capiat: (4 Reg. 10.) omnes aluntur impensis Regis, liberaliter, laute, splendide: solus DEus Israel nec templum habet, nec Sacerdotem, nec Aram: cur? *Ez.* Tu hoc miraris, ego non, nam facilis est explicatio causæ. Jezabel amat Deos, qui vel non sunt Dji, vel saltem non sunt vigiles Dii ad nostra facta; certe sicut nemo est, qui gloriari possit, quod beneficium ab illis acceperit, ita neque invenies aliquem, qui, si male fecerit, conquerratur, se fuisse punitum. Dissimulant, si quisque agat, quod lubet, & modo interdum sectamus illis genua, libertatem indulgent, etiam litandi genio, quascunque victimas velis. Itaque sicut libertas placet, sic placent isti Dji. At non sic DEus Israel. Iste præter Sacrificia, quæ statis temporibus postulat, etiam invigilat moribus, & urget observantiam præceptorum, quæ tulit. *Arm.* Sic est, gravibus poenis urget: neque opus est exempla ex Annalibus petere: vidimus oculis nostris clausum ab Elia coelum toto triennio (3 Reg. 17.) ita, ut nec ros, nec pluvia cade-

caderet super terram, & quanta tunc fame afflicti sumus! Rex Achab, cum innocentis Nabothi vineam rapuit, quas minas ab eodem Propheta audivit! pars impleta est: in eodem loco, in quo linxerunt canes sanguinem Naboth, linxerunt etiam sanguinem occisi Regis: restat, ut a canibus etiam voretur Jezabel, & deinde omnis Achabea familia exterminetur, (3. Reg. 21.) *Am.* Verum si hæc vigilantia DEI Israel, poenæque severitas exacerbant animos, cur non ejusdem beneficentia allicit? Certe idem DEus, qui clauferat coelum, ad ejusdem Prophetæ preces rursus aperuit nuper, pluviisque largissimis terram recreavit. *Ez.* Amasa, quibus licentia vitæ cordi est, beneficia a DEO non postulant, modo ille poenas suspendat. Propterea *Deos incurios* venerantur, & hoc putant esse beneficium summum, quod sint incurij. DEus *attentus*, & *vigil* non potest amari ab amante licentiam vitæ.

S C E N A III.

Abdias. Ezriel. Amasa.

Abdias. Quid agitur, amici? ut valet Rex? *Am.* Impatientia malorum Matrem, & filium in rabiem egit *Ez.* Sed tu opportune te offers, Abdia, nam potes remedium ferre. *Ab.* Quid ita? *Ez.* Tu *times valde* Dominum DEum Israel. *Ab.* Sic est, quia ipse est DEus solus. *Am.* Et tu nuper centum Prophetas illius abscondisti a furore Jezabelis, eos ad necem quærentis. (3. Reg. 18.) *Ab.* Feliciter. *Ez.* Igitur te amant servi DEI Israel, & amat Elias. *Ab.* Experimento certus sum: quid deinde? *Ez.* Rogo te, ut virum DEI adducas Regi, ut sanet eum. *Ab.* Et nempe si sanare noluerit, ut occidatur? Absit! in manus tyranni virum DEI non trado: fugiat ille nunc ad Deos suos: surgant, opulentur! *Ez.* Fugit jam, sed non opulantur. *Am.* Ignorastu, quid acciderit? *Ab.* Triduum Samaria absens quid audierim? *Am.* Nempe misit nuntios Rex ad Beelzebub Deum

Deum Accaron, dicens: ite, consulite Beelzebub Deum Accaron, utrum vivere queam de infirmitate mea hac. *Ab.* Audio novum scelus, & in ipso pene mortis articulo? *Am.* Quid faceret Rex? mortem timet: ut fugeret pro remedio ad DEum Israel, animus male sibi conscius vetuit. Supererat, ut opem flagitaret ab alio Deo minus rigido. *Abdias.* Egregie. Et quis est alius DEus, qui servet in vivis Regem, ringente DEO Israel? scelerata superstitio! sed narra porro. *Am.* Occurrit nuntjis Elias, & ultro compellans viros inquit: *Nunquid non est DEus in JIsrael, ut eatis ad consulendum Beelzebub Deum Accaron; quamobrem hæc dicit Dominus: de lectulo, super quem ascendisti, non descendes, sed morte morieris.* *Ab.* Hochabet: quo medio voluit arcere mortem, accersivit. *Ez.* Quod faceret necessitas, hæc adegit. *Ab.* Insignis defensio. Ergo videtur tibi dari aliquando necessitas offendendi bonum Numen, & adversus præcepta illius insurgendiaudacter? *Am.* Utique contingit interdum, ut aliter, nisi peccando, egestas, infamia, ærumnæ aliæ, sæpe mors ipsa evitari non possint. *Ab.* Amasa, obedire DEO est necesse, vivere non est necesse; neque prudenter malum majus eligis, ut effugias minus: centies hoc principium inculcandum est intellectui non assueto ratiocinationibus solidis. *Ez.* Atqui malum maximum mors est. *Ab.* Infinities majus peccatum est, quo DEus verus offenditur. *Amasa.* Sententiam difficilem loqueris. *Abdias.* Certam. Nam dicite mihi, cur mors vobis malum grande videtur? nimirum omne bonum cum vita aufert, & tollendo omne bonum videtur inferre omne malum. Fallimur! multo gravius peccatum nocet. Nam bona, quæ tollit mors, sunt opes, sunt honores, sunt voluptates, bona necessario semper vana, sæpe brevita: bona vero, quæ tollit peccatum, sunt gratia DEI, & amicitia cum jure ad cælum, bona, ex quibus pendet, immo in quibus consistit tota felicitas hominis. Præterea, si præter

ter bona, quæ aufert peccatum, consideratis mala, *quæ infert*, ecce tibi! *Mors* omnium hujus temporis malorum *finis est*, finis egestatis, finis contemptuum, finis dolorum: *Peccatum* vero *initium* est omnium malorum vitæ alterius, quippe reos vos faciens æternæ miseræ. Accedit his, quod attendendum est maxime, quod, quantumvis acerba sit mors, spem tamen resurrectionis non tollat: *resurgemus ad vitam*, certum est nobis ex ore DEI; at peccatum spem resurrectionis *ad gratiam* non nisi dubiam, & prorsus incertam relinquit. Nunc concludite vos, utrum sit malum majus, peccatum, an mors?

Am. Doctrinam tu mihi novam canis, quam ego necdum penetro satis. *Ab.* Doctrina hæc est, quam ego à viris DEI accepi, sanæ rationi conformis, & vitæ bonæ fundamentum. Sed vos, qui præter Dñum Israel etiam alios colitis, utique non estis capaces intelligendæ veritatis tam sublimis; nam cum cæteri, quos Deos vocatis, non sint inimici scelerum, mirum non est, quod inter mala minima numeretis peccatum. *Ez.* Docebis tu ista nos alia occasione facilius, immo Eliæ docendos committes, si permittas coeptæ narrationis telam pertexere. *Ab.* Narrate. *Am.* Nempe reversi nuntii narrarunt, quod accidit. Furentes Rex, & Regina mittunt sine mora quinquaginta viros, qui Prophetam *vincendum* ad se pertraherent: verum illos una cum Duce suo lapsus de coelo ignis omnes absumsit. *Ab.* Expectabam ejusmodi aliquid: nam novi Eliam. Neque sapere ex prodigio didicerunt impii? *Ez.* In novam rabiem acti novum miserunt manipulum, quem rursus eadem flamma voravit. Malum hoc sic bilem ambobus accendit, ut oportuerit ipsos vincere. *Ab.* Poena talionis est hæc. *Am.* Nunc a te uno superest aliqua remedii spes. *Ab.* Quid ego juvem? *Ez.* Elias juvabit, si tu accerlas; nam alius nemo audebit accersere. *Ab.* Nec ego vocabo, nisi prius dispositum videam Regis animum, ad

excipiendum virum DEI, ut decet. Ingredere, ut videas, an non redierit ad se? *Ez.* Facio. *Ab.* Ah! ut amet me Deus, & Regis animum æquiores Prophetæ faciat! *Ez.* Dormit, & fessus flurendo nempe in somnum profundum concidit. Solvo vincula, ut expergefactus in novam non recidat rabiem. *Ab.* Interea tempus est nobis deliberandi de modo, quo rem peragamus ex voto. *Am.* Deliberamus. *Ez.* Ita.*

SCENA IV.

Umbra Regis Achab.

Umbra. **D**ormi, dormi scelesti Patris Fili scelestior,
Et jam nunc vindictæ coeli maturior!
Dormi! paullo post evigilabis in inferis,
Ubi æternum me, & te execraberis.

Lamentatio.

Heu!

Fili, infelix fili! quare fodisti tibi cisternas dissipatas? quare dereliquisti fontem aquæ vivæ, Dominum DEum tuum?

Heu!

Quare non sapuisti ex Patris supplicio? neque vexatio dedit intellectum, ut agnosceres, quod dominetur Altissimus in excelsis, vigilans super acta filiorum hominum.

Heu!

Percussit te Dominus, ut sanaret, & non es sanatus: irritum fecisti consilium optimum, & averfus es a facie Domini.

Ah!

Vertisti dorsum DEO Israël, ut consuleres DEum Accaron: dixisti in corde tuo: Dominus odit domum Achab, & non faciet mihi bene: juvabit me DEus alienigena.

Ah!

* Dormienti se sistit umbra.

Ah!

Stulta spes fuit, qua irritasti Dominum DEum Israel juxta omnia, quæ fecit Pater tuus: & non est DEus, qui defendat te contra iram furoris ejus.

Ah!

Morte morieris, fili! descendes ad me in terram tenebrosam, & opertam tetra caligine: terram, ubi nullus ordo, sed sempiternus horror inhabitat.

Væ!

Væ sic morienti! vitam vivet tam amaram, ut bonum esset ei, si non fuisset natus homo ille.

Væ!

Onus grave aggravatum est super nos: pondus peccati quasi talentum plumbi deprimit in profundum abyssi.

Væ!

Ibi auditam facit Dominus gloriam vocis suæ, sicut tonitruum in rota, & terrorem brachii sui ostendit in flamma ignis devorantis: nutrimenta ejus ligna multa, & flatus Domini, sicut torrens sulphuris succendens illa.

Fili!

Infelix fili! audi vocem infelicissimi Patris tui, & ne venias etiam tu in hunc locum tormentorum, convertere, convertere ad Dominum DEum tuum.

SCENA V.

Ochozias solus.

Pater! infelix Pater! quo abjisti... vidi te!... ubi es?... non vidi! somniavi!... non somniavi, vidi, audi: & adhuc tinniunt ambæ aures, adhuc frigidus sudor omnibus membris fluit... immo somniavi! dormivi certe, nam ecce! cum vigilia dolores redeunt, insani dolores!.. sentio, adigere

B b b 2

per

per hæc tormenta Ochoziam cupis, crudele Numen, ut tibi inclinem caput: non inclino! . . non est hoc medium aptum huic indoli: blanditijs trahor, si nescis, donis allicior, beneficijs captor! DEum tam sævum non amo! non possum amare! . . Sed monuit me Achab, ut converterar ad DEUM Israel: exprobravit fugam ad DEum Accaron, minatus est tormenta, quæ ipse patitur, graviora his, quæ patior ego: Ochozia, considera, quid decernas? . . Si fuero sanatus, tunc decernam: nunc hoc est certum, quicumque me DEUS sanabit, illum ego amabo. DEus Israel, sana me: tunc te colam! . . Ah! dum clamo ad te, intenditur cruciatus immanis! Sic audior! o DEUS dure!

SCENA VI.

Ochozias. Ezriel. Amasa.

Ezriel. Vigilat. Rex! suaviter dormientem vidi, gaudeo: nisi brevior fuisset somnus, quam vellem, etiam gratularer. *Och.* Atqui ne tantillum quidem quietis indulgit invidum Numen, quin multo felle misceret. Visus est mihi per somnium Achab catenis vinctus, & gravissime querulans de tormentis, quibus affligitur. *Ez.* Eheu! post mortem adeo? *Och.* Ut videas, num possit amari DEUS tam parum amabilis. *Ez.* Vindicat suæ Majestatis dignitatem. Cedendum est, cedendum, Rex, DEO, qui mihi vehementer iratus videtur tuæ Domui, nam etiam Regina Mater morbo repentino prostrata gemit: adest Amasa, qui nuntiet tibi. *Am.* Doleo. *Och.* Superest, ut adhuc in fratres exerat rabiem furens Numen, hoc expecto: nam filium ne quidem indulgit. *Am.* Ah! Rex! fatigas longanimum patientiam DEI per impatientiam tam ferocem. Dede te denique, fatere, quod minus colueris DEum Israel, quam debebas: deprecare. *Och.* Amasa, suade aliud, quod profit: hoc non facio. *Ez.* Relabitur in infaniam: juva me, Amasa. *Och.* Sce-

Scelesse, iterum vincies me, & erit tibi captivus Rex? *Ez.* Medicus jubet. *Och.* Cessa! sapio enim. Pro! quæ est hæc Regis miseria, sic clumbem jacere, & subjacere servulorum arbitrio!.. nempe hoc aspectu te pascis, in hac victoria te ostentas coelum atrox! sic triumphas! triumphas! triumphas! & contra folium, quod vento rapitur, ostende potentiam tuam! *Am.* O bona cogitatio! sic age, Rex, ut folium te permittit vento Divini nutus; nam si resistis, ut quercus an hosa radice tumens frangeris. *Och.* Verba me nihil juvant: remedium dolori ferte. *Ez.* Consulere possumus: Eliam voca! cognita est tibi thavmaturga Prophetæ manus. *Och.* Ultro non accedit, cogi non potest, scitis: quid faciam? *Am.* Ecce Abdias adest: adducet tibi. *Och.* Audes?

S C E N A VII.

Ochozias. Ezriel. Amasa. Abdias.

Abdias. **R**EX, ego pro tua salute etiam discrimen vitæ lubens subibo, si modo spes adsit fructus boni. *Och.* Consule, quidquid velis, modo me juves. *Ab.* Eliam adducam. *Och.* Centum funerum reus mihi, non veniet. *Ab.* Quem prodigio tam insolente coelum defendit contra injustam vim, non est reus. Nempe Duces quinquagenarii, quos miseras, Rex, velut pro potestate volebant virum DEI in judicium profanum pertrahere; propterea Servum suum ultus est DEUS Israel, igne de coelo misso utrumque perdens; ut nimirum constaret nobis, qua reverentia tractari vellet; quos ipse amat. Tangit pupillam oculi DEI, qui Servum DEI per injuriam tangit. *Ochozias.* Suade igitur, quid modo agendum sit, ut hominem benevolum habeam: ago, quod vis, modo me juves. *Abdias.* Igitur si probas consilium, Rex, cum alijs quinquaginta viris, quos mecum ducam honoris causa, non animo inferendi vim renuenti, pergam ad hominem DEI, & dicam ei, non sicut primus, & secundus, qui

missi sunt: *Homo DEI*, *Rex precipit*, ut *descendas*, (4. Reg. 1.) sed paullo modestius ita loquar: *Homo Dei*; *noli despicere animam meam*, & *animas servorum tuorum*, qui *mecum sunt*, (ibid.) Descende! juva Regem! nam a te postulat opem, & sperat. Ita sane desiderat DEUS Israel, ut agamus cum Sanctis suis, si volumus, ut nobis profint. *Ochozias*. Ita fac, modo me juves. *Abdias*. Igitur eo. Tu vero, Rex, ut interea disponas animum ad gratiam, quam Elias a DEO feret, patienter dolores fer, geme de peccatis, fatere, quod merueris. *Ochozias*. Audio: sed tu festina modo, festina, ut juves me. *Abdias*. Ecce eo. *Ochozias*. Et vos abite hinc: tædet videre hominem: liberius solus gemo. *Ezriel*. *Amasa*. Ut jubes.

CHORUS.

Ostenditur, quod, qui nunc peccant ex temporalis miseriæ, aut mortis metu, tandem *quæsi-turi* sint mortem, nec *inventuri*, teste S. Joanne Apoc. 9.

Mors. *Legatus Inferni*. *Mortis Satellitium*.*

Mors.. UNde est homo, & quid postulat?

Satelles. Gentis maximæ Legatum se nominat;
Neque aliud, nisi audiri, desiderat.

Mors. Cur nihil explicat?..

Nempe, quod toties postulor,

Postulat privilegium,

Et a terrore nostri imperii desiderat eximi!

Abstulit! non audio! non eximo!

* Exhibetur Aula Mortis.

Aria.

Aria.

Quem solum colo Regem,
Rex coeli tulit legem,
Qua, quisquis nascitur,
Morti subijcitur:
Non possum dispensare.

2.

Non quaeritur: *Quis* homo sis?
An Rusticus? an Nobilis?
Si *Homo* es, vir Mortis es!..
Ad pedum horum pulveres
Te debes inclinare.

Satelles. Non, Domine, non petitur dispensatio,
Sed quod saepe miseri solent petere,
Legis inevitabilis celerior executio.
Hoc loquitur Legati habitus
Totus ad tristitiam,
Et desperationem compositus.

Mors. Hem! Proceres, non solum metuimus;
Interdum diligimur etiam, diligimur!..
Ingrediatur homo, audiemus,
Et, modo sinat aequitas, opem feremus.
Nempe (& o utinam! utinam
Saepe expenderent homines hanc sententiam!)
Non est mors mala, nisi malis!..
Cur igitur a Bonis metuar?
Cur odio habear?

Satelles. Sisto, Rex magne, hominem,
Unice, ad istud solium
Suis malis sperantem remedium.

Legatus. Adoro terrarum Dominum!

Mors. Si bonus es, spera bene!

Bonis

Legatus. Bonis ego fero finem malorum,
 Et initium æternorum bonorum,
 Surge! audio te: quid petis à me?
 Nulla spero bona, nulla postulo:
 Si facis finem malis, abunde obtineo,
 Quod imploro, auxilium
 Contra Tyrannum sævissimum.

Aria.

Gens mea, magna gens,
 (Quod tibi queror flens!)
 Immanibus, innumeris
 Oppressa est miseriis:
 Non est dies,
 Qua sit quies!
 Nunquam ignis furere,
 Nunquam cessat urere:
 Ah! festina, & furenti
 Alimentum subtrahe!...

2.

A te si non est spes,
 Sunt desperatæ res!
 Conficior suspiriis!
 Discerpor desideriiis!..
 Nec est DEus,
 Cui meus
 Iste luctus cordi sit.
 Er, quod mali summa sit,
 Est, quod hostis, qui nos premit,
 Heu! immortalis sit.

Mors.

Ridete Socij! ridete gemitus hominis impj!
 Ex cantu novi volucrem!..
 Ex orco venisti! in orcum revertere!

Ego

Ego Orbi terrarum impero:
Extra hoc *territorium* mea
Non protendit se *jurisdictio*!
Revertere!... nihil est, quod speres a me.

Aria.

I, vive jam vitam *horrendam*,
Qui vitam *puendam*
Præ morte honesta amasti,
Cum, ne morereris, peccasti!
I, vive, & vita
Jam *vita* sit poena!
Hæc æqua est fors.
Ad astra te nuper tulissem,
Beatum fecissem:
Nolebas!... horrebas!... fremebas!..
Ab inferis opem petebas!..
Placabam:... sprevissti,
Et *furda* fuisti,
Nunc *furda* est Mors.

Legatus. Heu! heu! heu! ergo necesse est vivere:
Neque impetro miserabilem gratiam,
Ut velis occidere?

Mors. Sera lamenta define:
Vivere necesse est, necesse est vivere.
Ne tamen nullum habeas solatium,
Hoc aspice satellitium:
Fames est, sitis, egestas, tristitia,
Ærumnæ, senectus, febres, dolores, violentia:
Omnes, postquam venerit Dominus ad judicium,
Omnes ex meo dimissi servitio
Descendent ad vos!

C c c

Legatus.

Legatus. O tunc saltem (Jo! felix nuntius redeo!)
 O tunc saltem bonæ miseræ (ut amo vos!)
 Si descendetis, tunc enecabitis nos?
Mors. Descendent, sed descendunt *sine me*,
 Ut amplius crucient, non, ut enecent....
Legatus. Tyranne improbe, crudelis, barbare,
 Illudis insuper? hoc est, solari me?
 Sic dimittis a te?

Chorus:

Descendemus, invademus,
 Neque tamen occidemus:
Mors. Quia vos fugistis Mortem,
 Mors a vobis fugiet:
Chorus. Hanc decrevit DEUS sortem,
 Neque est, qui temperet:
 Descendemus, invademus,
 Neque tamen occidemus:
Legatus. Ergo, quo jam vertam me!
 Rumpere, anime, rumpere,
 Et laxa spatium dolori opprimenti me!

Aria.

I.
 Sic meus posthac (heu!) sic
 Erit unus labor hic,
 Mortem semper quærere,
 Nunquam invenire!
 Vitam semper fugere,
 Semper reperire?
 Sic?... meus erit labor hic?
 O labor acerbissimus,
 Tristis! funestissimus!

2. Ruo-

Ruetis semper fulmina,
Clamabo: *sternite!*
Fremetis semper maria,
Clamabo: *mergite!*..
Circumdabunt me belluæ,
Clamabo: *devorate me!*..
Involvent nubes igneæ,
Clamabo: *suffocate me!*..
Non ignis me, non belluæ,
Non maria, non fulmina
Clamantem audient,
Sed heu! horridum
Mortis *satellitium*
Ubique aderit:
Mors sola aberit!.

PUNCTUM II.

Morientis obstinatio.

SCENA I.

Ezriel. Elias. Abdias. Amasa.

Abdias. ¶ Gitur, Elia, non audeo te introducere; nam recipiendæ sanitatis spe, persuasi Regi, ut placatior statuerit colloqui tibi. *Elias.* Quod dixit Dominus, dicet Elias: aliud non potest. *Ez.* Amasa, iste Propheta est. *Elias.* Fac, ut audiar. *Am.* Immo Prophetæ discipulum credam potius: nec enim hæc figura Viri magni speciem habet. *Elias.* At vos, o boni, nolite secundum faciem judicare: tantus quisque est, non quantus videtur oculis, sed quantus est DEO.

Ez. Vir DEI, audisti nos? reveremur in te DEum Israel, & oramus, ut ores illum pro Regis vita. *Elias.* De vita actum est: de morte ut sit sollicitus, hoc agamus. Sic enim dixit Dominus: *Quia misisti nuntios ad consulendum Beelzebub DEum Accaron, quasi non esset DEus in Israel, a quo posses interrogare sermonem, ideo de lectulo, super quem ascendisti, non descendes, sed morte morieris.* Hoc venio nuntiatum ægroto: introduce. *Am.* Rusticus Propheta est iste: documentum originis hic sermo habet. At, heus homo DEI, nuntium tam funestum feres dulcioribus verbis saltem, & per ambages. *El.* Si odissem Ochoziam, loquerer, ut tu desideras: sed verba dulcia, & longas ambages non admittit ægroti salus, quam ego amo. A bono Medico non utique hoc exigitis, ut portiones propinet dulces, sed ut salubres. Si venissem, ut corpori mederer: vituperaretis merito, si mediis lenioribus uterer, quibus perderem Regem, non juvarem: urgeretis, ne parcerem: velleis, ut, si opus sit, vincirem, secarem, urem. Ipse æger sic a me male habitus, post redditam sanitatem gratias ageret, & inhumanam curam largiter remuneraretur: cur, quam libertatem non modo conceditis, sed exigitis a Medico corporis, rusticitatem appellatis in Medico animæ? nonne anima plus est, quam caro? nonne periculum animæ per ambages crescit? per verba dulcia dissimulatur, & tegitur, donec ferat exitium? igitur amor ægroti, amor cogit, ut sim severus, & malim minus civilis, quam parum anxius pro Ochozia vocari. Intra Ezriel, aut irruam ego etiam non vocatus: urget vicinum periculum, & de anima agitur. *Ez.* Vehementer exardes. Nuntio, quod adsis: quid feras, tu nuntia. *Elias.* Sic volo. *Ab.* Nempe lucidis intervallis utendum est tibi, quæ subinde intermittens vis dolorum permittit Regi, ut audire ac cogitare de rebus, quæ prosint, possit. *Elias.* Ita, lucidis intervallis utendum est, quippe

quippe quibus si non utatur Rex, post pauca momenta funus, intenebras ibit, horridiores Ægyptiis.

S C E N A II.

Personæ eadem, & Ochozias.

Ezriel. **E**Ger iterum furit furorem suum, spumat, fremit, & truncatis vocibus videtur mihi velle cœlum laceßere..... * *Ab.* O spectaculum Philosophia plenissimum. *Amasa.* Certe: hinc enim discunt Reges, quod homines sint. *Ez.* Discunt Reges, quam nulla exemptio sit ipsis ab humanis miseriis! *El.* Discunt Reges: an igitur vos nihil discitis? tardi profecto ingenii homines estis, qui ex doctrina, quam tradit DEus, cum punit Reges, nihil creditis pertinere ad vos. Tragica spectacula de Regibus non exhibet DEus solis Regibus: exhibet Officialibus, exhibet Sacerdotibus, exhibet Judicibus, & Consiliariis, exhibet Legisperitis, & Scribis, exhibet Civibus, exhibet Servis: omnes habent, quod discant. Accedite vos, & non, *quid alios*, sed *qui vos*, quid vos doceat moriens Rex, & sic moriens, percipite diligenter. Discite, quam nullo aspectu vos, infideles sibi, puniturus sit DEus, qui jure suo adeo rigide etiam in Reges utitur! discite, quam misera sit hujus vitæ felicitas, quando, etiam quæ summa fuit, *uno casu* in tam gravem miseriam definit! discite, quam solícite cavendum sit vobis, ne ulli homini serviatis *contra DEum*, contra cujus iracundiam utique nullus vos Dominus potest tueri, cum nullus sit ita potens, ut contra Dominum Dominorum possit vel seipsum defendere! discite, quam grave malum sit, ad malas artes converti, ut evitetis malum temporaneum, quando videtis Ochoziam propterea mori, quia, ne moreretur, peccavit!

Ccc3

disci-

*Exhibetur Ochozias furens.

discite demum hoc inprimis, quod DEUS Israel solus sit DEUS, quippe qui solus Regem miserum punit, quin sit alius DEUS, qui possit, vel ausit eripere hominem DEO ulciscenti negligentiam sui. Quare ergo vos *claudicatis in duas partes*? quare dividitis cor in plures DEOS? quare affectus vestri instar fluminis in mille rivulos divisi in luto vilium creaturarum se perdunt? quare non uno alveo juncti omnes in unum se mare effundunt, quod est Divinitas una sola, præter quam non est alia? Ecce hæc sunt doctrinæ bonæ, quas ex ruinis illustrium Personarum DEUS prælegit minus illustribus, ut, quo virorum Principum altior gradus est, tanto sit spectabilior lapsus ad instructionem, & horrorem eorum, qui Regum vitia imitari malunt, quam adorare virtutes. *Arm.* Enimvero sapiens animadversio est. *Ez.* Nec sine fructu erit. Quid facies autem Regi? ecce detumescit rabies, & videtur usus mentis redire. Rex vive! *Ab.* Concipe bonam spem: Elias adest. *Ocb.* Elia, viverene possum ab infirmitate mea hac? *El.* Sinite, ut utar tempore: solisimus. Reverere DEUM Israel, Rex! Dominum vitæ & mortis adora tuæ! *Ocb.* *Heu! morijubet? mori! mori!

SCENA III.

Abdias. Amasa. Ezriel.

Ezriel. **D**ifficulus obtinebit Propheta, ut æquo animo acceptet Ochozias sententiam coeli. * Auditis, ut obstrepat? *Ab.* Pessimum omen est: nam qui non emendatur ex morbo, eum ego prope *inter incorrigibiles* numero, atque adeo inter eos, quos non jam DEUS *Pater*, sed *Judex* vocabit ad poenas, *Ez.* Quid tu ita stupens adfistis, Amasa? *Am.* Prophetæ nunquam visi, & primum contempti sermo sic

me

* Intus auditur ejulans.

me affecit, ut pæne sim extra me. Nempe vidi ego Ochoziam hætenus luctantem cum morbo, ita, velut ea res nihil pertineret ad me: nunc didici *applicare mihi, & reflexione utili* facta in me argumentari, quam gravis miseria sit, sic vivere, sic ægrotare, sic mori, uti vixit Ochozias, uti ægrotavit, uti moritur. *Ab.* Numeras tria puncta nostra Meditatione dignissima. *Am.* Vita hominis fuit *impissima* (2 Paral. 20) quis hoc nescit? *Ab.* Ah! scimus; *fecit malum in conspectu Domini, & ambulavit in via Patris sui, & Matris sue, & in via Jeroboam Filii Nabat, qui peccare fecit Israel,* (3 Reg. 22.) concludimus: in tali via ambulantes non posse venire ad bonum terminum, & toto coelo necessario aberraturum. *Ez.* Et quæ est via nostra? Amasa, nunquid eandem imus? *Am.* O via Jeroboam, via pessima! vidimus omnes Reges nostros hanc viam ivisse: vidimus omnes in hac periisse: sequimur tamen, imus ad vitulos, hac una ratione moti, quod hæc sit via Regia, via trita; amice, num hoc est sapere? *Ab.* Nempe intererat vestra, ut iretis, qua ibant alii: favorem, & lucrum ferebat scelus; ire viam aliam metus mali vetabat. *Am.* Sic ego credebam; & existima-
bam esse beatum me, modo Reginæ meæ placerem. *Ab.* Dam-
natæ a DEO feminæ? magnam bonum! sed nempe cum æ-
grotabitis, damnabitur has stultitias mature satis: morbus acuet
intelligentiam, & animi ignaviam stimulat. *Ez.* Videmus in
Ochozia: morbus pejorem fecit. *Am.* O res horrenda! in anno
secundo Regni sui, in flore ætatis, valens ac vegetus cadit im-
prudens per cancellos coenaculi sui, & hic casus virum intra dies
paucos ad extrema deducit: quis hoc putasset? *Ab.* Tam nul-
la est providentia hominis circa futura contingentia. Attamen
hoc ipsum erat beneficium Numinis, quod ita temperavit ca-
sum, ut repente non fuerit fatalis: relictum est tempus Regi,
quo se irato Numini conciliaret. *Ez.* Vidimus, quomodo ege-
rit tempus morbi. Beelzebub DEus Accaron in memoria fuit,
de

de DEO Israel ne quidem cogitavit, nisi cum blasphemaret. Denique acutus dolor, metus mortis, desperatio remedii sic abstulerunt usum mentis, ut vix possit ad DEum verti, cujus terribilis ira atrociter premit miserum. *Am.* Concludo, quid bonæ spei concipiendum sit mihi, si mihi placare DEum Israel differam in tempus morbi: væ mihi! iratus æternum erit, si forte vis doloris, aut impatiens furor me mihi eripiet. Video, horreo periculum grave! *Ab.* Merito horres, & temeraria stultitia est credere, evenire sibi non posse, quod contingit tot aliis, ut per morbi violentiam a statu mentis dejiciantur. Quid sequitur autem tam insanam proterviam?

S C E N A IV.

Personæ omnes.

Elias. **M**Ors, mors sequitur similis morti infanientis Ochozia. . . Auditis rugitum animæ abeuntis in tartara!.

Ez. Pro Rex! *Am.* Tormentum aurium! . . *Och.* Crucia! crucia Numen atrox! *El.* Assuetus blasphemiiis blasphemias etiam amens evomit. *Ab.* Horrèndum spectaculum! *El.* Sic moritur, qui peccatum minus, quam mortem timet. *Ab.* Bis moritur. Vir DEI, nihil superest opis? *El.* Actum est: non redibit ad sanam mentem, nisi apud inferos. Tunc intelliget, cheu! sero tamen! intelliget, quam egisset sapientius, si mori *pœnitens*, quam sanari *per scelus* maluisset. *Och.* Crucia, crucia! *El.* Æternum cruciaberis! *Omnes.* Mortuus est!

El. Amens mortuus, ut amens vixit.

ME.

MEDITATIO V.

PECCATUM
MALUM INFINITUM,SIVE
HOMO DEICIDA.

ARGUMENTUM.

Nondum finis est malorum, quorum originem, & compendium in peccato habemus: immo *sine fine* loquendum foret, si omnia recensere vellem. Quapropter hodie uno verbo complector universam congeriem, & peccatum malum esse *infinitum* assero. Terrificam veritatem ex S. Paulo ostendo, qui Heb. 7. diserte peccatores Christianos appellat *Deicidas*, quippe *rursum crucifigentes sibi ipsos Filium DEI*. Assertionem horridam credimus omnes, intelligimus pauci satis, & nescio, an non sint, qui putent, Apostolum per hyperbolen, aut certe nequaquam *in sensu proprio* locutum esse. Indagabimus igitur sensum verum, & hoc granum sinapis meditando conteremus, ut exerat vim, quam in animos habet. Atque ut tanti momenti veritas clarius, solidiusque demonstrari possit, non ut hactenus, per Historiæ exhibitionem oculis proponetur, sed *per Dialogum de Historia*, qua miserabilior nusquam legitur, inculcabitur auribus, ut in animos penetret, eritque adeo hujus Meditationis

Materia: Homo Deicida,

Puncta duo: 1. Deicida propter positam causam mortis Christi.
2. Deicida propter frustratum effectum.

D d d

Fructus.

Fructus. Detestatio impii axiomatis: jam possum iterum confiteri.

Propositum. Fuga peccati, etiam si certa spes esset impunitatis. In specie decernamus, posthac Christum in cruce intueri tanquam peccatum nostrum, quod contra nos sit semper, & moveat nos, non solum ut perpetuo execremur præteritam audaciam, sed etiam, ne repetere audeamus, ex more multorum illud absurde jactantes: *DEus est bonus!* nam propter hoc ipsum non decet, nos esse malos.

In Musica Exhibetur primum, Poena Solymæ Christum primo crucifigentis.
Secundo, poena Animæ Christum iterum crucifigentis.

PERSONÆ.

Syneſtus, ſive Intellectus.

Eusebius, ſive Voluntas.

PROLOGUS.

Pœna Solymæ Christum primo crucifigentis.

Christus. Solyma. Roma.

Christus. Consummatam est! .. descendo de cruce!....*

Numquid semper tacebo?..

Vclut parturiens loquar!...

Pugnet

* Exhibetur in medio Mons Calvariae, & hinc Hierosolyma, inde Roma Urbes.

Pugnet mecum orbis terrarum! ad arma!...
Ad arma.

Aria.

Tu, Jubar coeli aureum,
Mortalium solatium,
Abscondete, Lux!
Tu, Lignum salutiferum
Jam in tribunal horridum
Converte te, Crux!
Tu, Roma, expergiscere,
Et arma, arma corripe,
Ulciscere me!..
Ut pro rebelli Solyma
Tu Gentium sis Domina,
Eligo te.

Roma. Quis me vocat? quid jubeor?

Solyma. Superi! unde adeo horridæ
Tam subito tenebræ?

Roma. Te audio Solyma? quid fecisti?
Nam contra te

Jussit me Coelum arma corripere.

Solyma. Insidiæ! insidiæ! defendo me!

Roma. Etiam provocas? ergo congregere!

Duetto.

Solyma. Quousque me opprimis Roma crudelis?

Roma. In Dominam tollis te, Serva rebellis!..

Solyma. Pro reddenda libertate,

Roma. Pro tuenda potestate

Amba. Pugnant placida

Favete Sidera!

Congredior!...

D d d a

2. Da

Roma. Da mihi infana perfidiæ poenam!

Solyma. Da mihi scelestæ sævitæ poenam!

Ramo. Stat, in contumacem ire!*

Solyma. Stat ferire, aut perire,

Roma. Feri! feri stolidæ!

Solyma. Peri impia! . . .

** Heu! morior!

Roma. Habet! jacet! Io! victoria!

Christus. Mea est gloria!***

Roma. Quem video? & quis es Domine?

Christus. Ego sum *Iesus*, quo vicisti auspice!

Pro *Solyma*, Gentium Dominam constituo te!

Ego sum *DEus*: nec est alius præter me!

I, prædica me!

In hoc Signo Gentes subjugabis,

Et de falsis Numinibus

Numen meum vindicabis.

Aria.

Habet, jacet *Solyma*,

Pro illa *Roma* stabit!

Non prævalebunt tartara:

Urbs tua jura dabit.

Sic semel vindicavi me:

Sic porro vindicabo!

Contemnam, qui contemnunt me,

Et alios vocabo.

Roma. Mysterium audio, quod nondum intelligo:

Domine, quid me vis facere?

Christus. Respice!**** in hoc lumine videbis

Quid te oporteat facere.

Roma.

* Fit duellum. ** Cadente *Genio Solymæ* Urbs simul in cineres concidit, a Romanis everfa, ut *Christus* prædixerat. *** *Christus* ex monte, ubi sederat spectator duelli, descendit. **** Urbs pullis tenebris illuminatur a Crucis gloria, & triplice tiara ornatur.

Roma. Io! video! intelligo!

Aria.

I.

Infelix Solyma,
Parata tibi gloria
En! ad me transit;
Quæ tibi fuit scandalum,
Crux mihi facta solium
Me evehit,
Et Orbem Urbi subjicit.

2.

O mirabilia,
De Roma, & de Solyma
DEI Judicia!
Hanc ornat splendor coelicus:
Hæc fumat in cineribus:
Hæc perjit:
Hæc fidei Magistra fit.

MEDITATIONIS V.

De Homine Deicida.

PUNCTUM I.

Homo semel Deicida

Propter positam causam Mortis Christi.

§. I.

Preparatio Antimorum.

Synesius. AD Meditandum, Spectatores devoti, ad meditan-
dum adesse vos hodie, obsecro, serio vobis per-
suadete. Ita enim est, ita est, non ad oblectandos oculos in
D d d 3 pompâ

pompa vestium, aut spectaculorum. non ad recreandas aures ex artificiosis modulis Musicis, non ad judicandum de voce, de gestu, de peritia sive canentium, sive agentium, non ad ferendam crisin de regulis Theatralibus sive servatis, sive neglectis, non denique, & minime sane ad concipiendas temerarias suspiciones de alijs, quasi quæ auditis, ad vos nihil pertinerent: sed ad meditandum, *ad meditandum* convenistis. Hic finis est instituti moris ab hac Sodalitate, a quo plane longissime abeunt, qui huc se afferunt vel solius diverticuli causa, vel animo prorsus eodem, quo ad profanas comoedias veniunt, hoc est, ut videant, & garriant, & rideant, & carpant. Ejusmodi si essent omnes, heu! quam male tantum temporis, tantus labor, & tanti sumptus disperirent... At hodie saltem, hodie omnes, quaeso, omnes mementote finis, propter quem adestis, & dicat quisque sibi: *Meditabor*. Argumentum Meditationis serium, grave, terribile est: *Homo Deicida!* Prælium vidistis in Musica, quæ primi Deicidij culpam, & poenam exhibuit. Ego Synesius *vestrum intellectum* repræsentō, & horridæ veritatis momenta expendam: * iste Eusebius sic prostratus ad Imaginem Martis Dolorosæ *vestræ voluntatis* personam habet in graves, & dulces motus ituræ, si DEUS faverit. Fructus Meditationis erit *in innocentibus* severissimus horror, *in reis* amarissimus dolor, *in usrisquæ* ardentissimus zelus, & odium efficax adversus peccatum, tanquam adversus malum vobis, & vestris omnibus, quorum cura est vobis, summe noxium, summe turpe, summe triste, morte pejus, ac infinitum. Eja! *DEUS vos videt!* inclinate capita vestra DEO! componite animos!... incipio.

§ II.

Exercitium Memoria.

Synesius. Eusebi. quid vides? Eusebius. O aspectus lacrymabilis! o JESU! o MARIA! Syn. Enimvero cada-

* Exhibetur Eusebius flectens.

cadaver Filii in sinu Matris magni est luctus materia. Viden, ut squallet dolentis facies! ut pallent genæ! ut fluunt lacrymæ! ut calente spiritu, quem singultiens pectus trudit, demortui frigus temperare desiderat! non tibi gestu ipso, & nisu corporis clamare videtur, ut dolenti condoleas? *Euseb.* Videor audire mihi lamentum illud lugubre: *O vos omnes, qui transitis per viam, attendite, & videte, si est dolor similis, sicut dolor meus! .. Syn.* Ergo & tu dolorem imperat tibi. *Euf.* Conabor: Adjuva voluntatem intellectus, ut sit dolor, habeat radicem firmam, ac duret. Et tu DEus, fons omnis boni, da capiti meo aquam, & oculis meis fontem lacrymarum! .. Tu quoque pia Mater, fons amoris, me sentire vim doloris fac, ut tecum lugeam! ... Quanquam, quid sentio, Synesi? ira loco doloris surgit, & se movet ferociter. O immanes, barbari, omni bellua sæviores Judæi! video DEI Filium occisum ab hominibus! pro dirum facinus! o gens scelerata! prope absum a Caligulæ voto, ut velim toti populo unicum esse caput: ita posset uno ictu universa progenies viperarum perimi, excindi, exterminari! Bene factum, & meriti sunt impij calamitates omnes, quas Vespasianus, & Titus intulerunt sacrilegæ Civitati,

§ III.

Exercitium Intellectus.

Synesi. HORrendum excidium fuit. Foris urgebat miseros invincibilis hostis, intus cruciabat indomabilis fames. Quid facerent? qui fugam intendebant, incidebant in obsidentium manus, & crucifigebantur tam multi, ut integra de crucibus silva civitatem funerea corona circumdaret: qui tenuerunt se intra muros, sic afflictabantur ex rabie famis, ut feles canes, mures comederent pro delicijs, ipsæque adeo Matres concisos manu sua frustatim filiolos coquerent sibi. *Euf.* Læta narratio; nam

nam voluptas est in suppliciis facinorosi aspectum figere, ut triumphanti Nemese gratulemur. *Syn.* Enimvero triumphavit Nemesis, triumphavit sic, ut ipse Titus miserans obstinatos in consideratione immanium calamitatum lacrymas fuderit. *Euf.* Nempe nescivit, quanto in se scelere urbs nefanda provocaverit iram Numinis. Ego non modo nihil misereor, sed etiam ægre fero, quod tam lentum supplicium fuerit, atque duobus, & septuaginta annis sacrilega DEI cæde posterius. In ipso maleficio occupatos debebat Iustitia suffocare: parum erat, tremuisse terram horrore facinoris concussam: dehiscere debuit, & Deicidas glutire! non subducere radios debuit Sol, sed in ignita tela convertere, & in capita latronum depluere! Quid profuit, omnem creaturam ingemuisse morienti? consurgere in ultionem oportuit, & sui Creatoris inimicos iusti furoris impetu universos opprimere! Ego si adfuissem crudeli spectaculo, scilicet acquievissem, ut Petrus, præcisa auricula unius sicarii? irruissem in medium agmen carnificium, eripuissem te mihi, o JESU mi, obstantem quemvis necassem, *armatus Amore. Syn.* Omnino justa est ira; nam si merito execramur Cainum, quod innocentem fratrem in opprobrium humanæ naturæ occiderit: tyrannos infanticidas Pharaonem, & Herodem nemo non inter monstra numerat ipsi Barbaris prodigiosa: si clamor scelerum ex Sodomis ad nubes ascendit, & ipsum adeo cælum atroci horrore quassavit: si denique sapiens DEUS, quem nullus in dijudicanda criminum gravitate error potest pervertere, si DEUS, inquam, nihil a sua clementia alienum putavit, quin & *dolore cordis intrinsecus* adeo tangi potuit, ut *pœnituerit* fecisse hominem, diluvioque universali genus totum deleverit: quis patienter audiat narrari sibi, occisum esse ab hominibus DEI Filium? quis homo, nisi humanitatem exuerit, ad tam nefandi facinoris commemorationem non exhorrescat, non palleat, non tremat, non & indignatione frendeat, & sancta vindictæ cupiditate adversus

Aucto-

Auctores exardeſcat? .. *DEI Filius, occiſus, ab hominibus*, quot verba, tot fulmina ſunt, quibus pium peſtus feritur, ſcinditur, conteritur... *DEI Filius*, idemque *DEus æqualis Patri*, nullius indigus, ſeiſpo felix, *Rex Regum*, *Dominus Univerſi*, deſcendit de coelo, cum hominibus converſatur: quid fit? .. palam proſitetur ſe eſſe, qui erat: oſtendit, in ſe impleri *Prophetarum oracula*: demonſtrat, ſe eſſe, quem *DEus Patriarchis* promiſerit: adhibet teſtes ſanctitate conſpicuos, *Simeonem Senem*, *Annam Prophetiſſam*, *Joannem Baptiſtam*: adjicit prodigia magnitudine Divina, multitudine infinita: ubique pertranſit benefaciendo & ſanando omnes: imperio verbi cedunt morbi, obtemperant elementa, fugatur mors, Dæmones obſequuntur: accedit ſumma vitæ innocentia, exempla ſublimiſſimarum virtutum quotidie ſplendent, charitas erga *DEum* eſt immenſa, erga proximum admirabilis micat: doctrinam denique Divinam eſſe fatentur ipſi, & dicunt ſtupentes: *Nunquam ſic locutus eſt homo!* quid expeſtas? *Euf.* Scilicet, niſi cœci fuiſſent ſponte, debebant agnoſcere, hunc hominem eſſe cœleſtem, debebant adorare, ſubjicere ſe cum plaſu, & gratulatione debebant, atque *Regem*Regum ſacramento ſolemni proſiteri.* *Syn.* Agnoverunt, adorarunt, ſubjecerunt ſe, profeſſi ſunt *Regem*, cum ramis palmarum in triumpho duxerunt, acclamarunt: *Hofanna filio David!* totus Mundus poſt ipſum abiit. Sed quid deinde? poſt triduum occiderunt. *Euf.* Inferi! quæ eſt hæc inexpectata converſio: occiderunt? *Syn.* Vides corpus exanime? Clauſi ſunt oculi, quibus tot peccatores reſpexit: ſilet lingua, quæ tot oracula prædicavit: elanguerunt brachia tot prodigiorum instrumenta: ſtupent pedes toties pro animarum bono defatigati: occiderunt! *Euf.* Occiderunt, o pondus verbi, quo mihi peſtus in abyſſum doloris premitur. *Syn.* Modera-
re hunc queſtum, donec ego tibi cædis modum, cauſam, inſtru-
Ecc
menta

menta commemorem: tum laxa frenum lacrymis, suspira;
 plange! beatus es, sitabescas mœrore. *Euf.* Nihil est opus,
 ut narres historię seriem, *modus* fuit sine modo, *causa* nulla,
instrumenta sine numero! ita me oculus convincunt, quibus
 tristissima totius Tragoedię catastrophę in isto theatro pro-
 stat. * Video consultantes impios, quomodo Jesum morti
 traderent, scilicet, ne quid temere agerent. *Syn.* Principium
 sceleris. *Euf.* Video triginta argenteis emere sanguinem, cu-
 jus infinitum est pretium. *Syn.* Simonis exordium. *Euf.*
 Video irrucentes in hortum cum armis & facibus, velut si
 adversum latronem educerent agmen. *Syn.* Parum est. *Euf.*
 Video ligatum funibus, tractum per plateas, percutsum ala-
 pa, damnatum a Sacerdotibus, ab Herode illusum, a populo
 maledictum, nudari, cædi virgis, lacerari flagris, vivum ex-
 coriari. *Syn.* Tolerabile supplicium est. *Euf.* Video, novo
 tormenti genere inter sarcasmos, & fannas acutissimis spinis
 perforari caput, & a fœce scurrarum, Dominum Angelorum
 pro joculari Rege per ludibrium adorari! *Syn.* Ferenda cru-
 delitas. *Euf.* Video miserabile spectaculum factum sine mi-
 seratione, vociferatione insana postulatum ad crucem, & a
 sævo Judice traditum voluntati lictorum: Potuitne immane
 flagitium in altius fastigium crescere? *Syn.* Crevit in mon-
 tem. *Euf.* Enimvero crevit! video in monte affixum cru-
 ci: consummatum est! moritur! *Syn.* Consummatum est
 supplicium, ita est: sed nondum consummatum est scelus.
Euf. Quid amplius potuit furor? *Syn.* Non vides perfossum
 lancea demortui latus? dubitabant, num obiisset: cor, vitę
 castellum everti debuit, ut securi de morte essent. Quin
 ecce! jam furor adeo in amentiam abiit, ut custodiri sepul-
 chrum juberent, ne posset resurgere. *Euf.* Atque hæc omnia
 vox una complectitur: *occiderunt!* Amor, dolor, horror,
 odium,

*Mysteria Passionis toto theatro divisa exhibentur.

odium, ira discerpunt animum hæc cogitantem: *DEI Filium occiderunt! & homines occiderunt! Syn.* Homines? *Euf.* Non credo: lupi, tygres, leones ex Lybia irruerunt in IESum meum! *Syn.* Falleris: oves erant. *Euf.* Dæmones credam potius induisse figuram hominum. *Syn.* Pia cogitatio! *Euf.* Certe Barbari, Scythæ, aut Gelonifuerunt! *Syn.* A suis occisus est. *Euf.* Ebrii saltem, aut amentes, & rationis usu dejecti facinus peregerunt? *Syn.* Sobrii, prudentes, destinato consilio, cum de liberatione maturrima. *Euf.* O scelus! o labes humani generis! o portentum audaciæ! o stupendam Numinis patientiam! videre tam atrox flagitium, nec stringere ultorem gladium, nec irasci, nec commovere se saltem! o gentem ingratam! o dignam, cui maledicat Dominus maledictione pessima!

§. IV.

Exercitium Voluntatis.

Syn. **H**Ypocrita, quousque irasceris Judæis? *Euf.* Tu mihi convitium dicere? quid feci? *Syn.* Etiam interrogas? Occisus est DEI Filius: tu fecisti! *Euseb.* Pro! grave tonitruum! tremuere viscera ad vocem terribilem. Tu me Deicidam? DEus, sit mihi testis coelum, *ego amo te!* en vitam, en sanguinem, en totum me habes devotum tibi! o si detur mori pro te, quam felix sum! Resurgite Trajani, Neronēs, Diocletiani! expedite tormenta! animate lictores, succendite bullientes ollas, immittite sævas bestias: occurram gaudens! mori pro Christo juvat, qui propter me dignatus est mori. *Syn.* Plaude coelum! Heroem habes primis Martyribus parem! .. Temerarie! tu fortibus verbis DEum posse falli existimas? tu provocare tyrannos audes? tu iactare animi robur? tu gloriari cum Apostolo, & clamare: *Quis me separabit a charitate Christi?* *Euf.* Quidni? sentio enim cale-

re pectus, & actu sacro ardere cor in magna desideria. O utinam mori liceat, mori pro DEO, JESU meo! *Syn.* Vah! vanitas! tu hæc desideria vocas? verba sunt. Sine, explorem pectus . . . pro! ut friget infausto gelu! *Euf.* Intellego artificium. Fingis, te mihi non credere, ut urgeas, & alas pium incendium. Ure amplius, Domine, amplius igne amoris tui! eat in cineres cor tibi ex asse sacrum! Ah! si rumperet costas pectus, & laxaret amoris spatium! *Amo!* o vox violenta! Synesi juva, quia amore langueo. *Syn.* Sceleratum mendacium! Assurge in iram anime, & execrabilem hypocrisin huius Pharisei persequere. Nihil ego fingo, infelix, tu fingis. Lingua dicit: *Amo DEum!* aliud vita loquitur, aliud testantur facta. Tuum, si nescis, impie, tuum scelus hæc luget Mater! tuo crimine exanimis in hoc gremio JESUS jacet! repeto: *Tu es Deicide!* *Euf.* Tandem tu serio scelus objicis mihi? *Syn.* Tanti tu serio sceleris te negas reum? *Euf.* Te ego appello afflicta Mater: *innocens sum a sanguine iusti huius.* *Syn.* Effrons audacia! Atqui ego te vidi nuper in angulo agere quod loqui pudet: quid vultum avertis? negas? *Euf.* Confiteor! nempe infirma caro est, & gravis tentatio fuit. *Syn.* Atqui tu ultro te ingerebas occasioni, & impudentibus jocis provocabas libidinem: negas? silentium istud confessio est. Insuper quoties sic exaristi *ira*, ut blasphemis vocibus coelum impeteres? quoties sic tabuisti *invidia*, ut de sternendo æmulo diu noctuque cogitares, fraudibusque, & calumniis, detractatione, mendaciis, atque aliis artificiis furorem occultans agere molitus es, quod egit Cain? quoties sic flagrasti odio, ut vindictæ insana cupido in rabiem duelli procefferit! negas? *Euf.* Homo sum, quem indoles natura ferventior utique interdum in tales excessus propellit, invitum prope. *Syn.* Invitum, ais? quid? igitur invitus etiam sic opes prodigis, ut per inutiles expensas cum ipso patrimonio consummas omne salarium, nihil uxori

uxori, nihil liberis, nihil reservans ijs, quibus omnia debes? Invitus acceptas munera, & perdis conscientiam, ut marsupio servias? Invitus mutuas pro enormi fœnore? Invitus officii tui curas negligis sine cura malorum, quorum infelix mater est hæc acedia? Invitus contractus vitias? causas protrahis? parcis noxiis? innocentes opprimis? indignos promoves? *Euf.* Ex usu vivo. *Euf.* Semper habes, quod dicas. Quid dices autem, si interrogo: per quot sacrilegia Sacramenta profanaveris? si protrahe ex scriniis tuis pestilentes libros in perniciem morum, aut sanctæ Religionis ruinam conscriptos? si scandala numero, quibus animas tanto pretio emptas verbo, & exemplo rapuisti ex brachiis morientis DEI, ut diabolo traderes? si quæro, qua industria functus officio fueris, quam sedulo satisfeceris obligationibus tuis, quam conformiter statui vixeris, cui bono impenderis pretium temporis, vires corporis, dotes animi, denique quid tota vita feceris dignum coelo, quid dices? *Euf.* Peccator sum. *Syn.* Peccator utique: neque unius tantum peccati gravis ream animam habes, scio: negas? *Euf.* Quid negem scienti? confiteor, *confiteor meam culpam!* sed bonum habemus Dominum, qui me sic dilexit, ut mori pro me voluerit: non projicet me a facie sua! *Syn.* Hem frigus! *confiteor meam culpam*, hic totus est dolor? quo repente evanuit ira adversum Judæos concepta! nunc efferve! irascere! tumultuare adversum te! nam Judæi quidem semel Deicidii se reos fecerunt, tu toties, quoties peccasti mortaliter. *Euf.* Duram sententiam loqueris. Nam qua veritate tu quodvis peccatum appellas Deicidium? *Syn.* Apostolus appellat: Apostolus docet, quod quisquis graviter peccat, rursus sibi met crucifigat Filium DEI. Fidem negas, & hæreticus es, si istud negas. *Euf.* Apostolus forte metaphorice loquitur, aut hyperbole utitur; nam ego certe, cum occisus est Christus, nondum natus eram: nunc vero, postquam resurrexit a mortuis

tuis, *jam non* moritur, mors illi ultra non dominabitur: quare ergo, si pecco, occidam? num lanceam attollo? num clavos transadigo? num effero manum, ut percutiam saltem? absit! horresco sacrilegum scelus vel ad memoriam. *Syn.* Insignis defensio! jam igitur Caiphas, jam Pharisei, jam Pilatus, jam populus Hierosolymæ totus rei non sunt de morte Christi: nec enim ullus ex his aut lanceam extulit, aut clavos adexit, aut manum extendit, ut percuteret saltem. *Euf.* Illi per linguam satis sunt rei: poposcerunt ad necem, accusarunt, damnarunt: ego nihil horum. *Syn.* Ex ore tuo te judico. Potest igitur esse reus Deicidii, etiam qui non applicat manum? *Euf.* Fateor: nam vidicum latronibus daminari ad rotam illum etiam, qui aperuit januam, qui egit vigilias, qui suppeditavit instrumenta, ut fieret cædes. *Syn.* Quasi diceret, reum homicidii esse, quisquis per quamcunque malitiam homicidii causa est. Quodsi igitur dicam ego, te esse causam *Deicidii*, & per malitiam quidem? age, adhuc obstrepes, & negabis, te esse Deicidam, *Euf.* Si causa sum, reus sum: nullam recuso poenam. *Syn.* Gaudeo, te tranquillum videre: nunc capax es intelligendæ veritatis ad salubrem peccati horrorem excitandum præ aliis perpendendæ. Age, sedeamus: patienter me audi. *Euf.* Trepido præ horrore, ne me convincas sceleris cum Judæis communis. *Syn.* Sic habet: Philosophorum axioma hoc est: *Quidquid est causa cause, est etiam causa causati.* Sic serpens est causa mortis, quia afflat venenum, quod causat mortem: cadaver est causa pestis, quia producit foetorem, qui causat pestem: ventus est causa imbris, quia congregat nubes, quæ fundunt imbrem. Et ut propius veniamus ad rem, dic, age, quæ fuit causa diluvii, quod merisset Orbem? si proximam quæris, est DEus, qui cataraetas coeli aperuit: si remotam, quam alio nomine *moralem* in Scholis etiam appellamus, non invenies aliam, præter execrabilem mali-

malitiam hominum. *Euf.* Heu! sentio, paulatim me stringi. *Syn.* Utinam acerbè sentias! attentus esto. Ecce duplex diluvium est, primum aquæ, alterum sanguinis. Primi diluvii rei sunt omnes, propter quos merus est Orbis: nunquid est ita? *Euf.* Certum est. *Syn.* Reus es etiam tu, si *propterte* quoque DEus hoc malum intulisset hominibus. *Syn.* Utique reus essem. *Syn.* Bene habet: teneo te. Ecce enim *propter te* quoque, & *propter tuam malitiam* diluvio Divini Sanguinis merus est Orbis, occisus est DEI Filius: credis? *Euf.* Ah! quo me adigis? *Syn.* Pro omnibus mortuus est Christus, Apostolo teste: credis, inquam? *Euf.* Credo sed adhuc evado: nunc enim responde tu mihi: Si pro omnibus Christus est mortuus, utique mortuum etiam pro innocentibus dices? *Syn.* Utique. *Euf.* Ergo si quid valet argumentatio tua, innocentes etiam erunt Deicidii rei. *Syn.* Fateor, sunt rei, sed per alienam, non per suam malitiam. *Euf.* Nihil agis, nam si hoc dicis, solum Adamum esse Deicidam, est consequens: nam hoc memini me audisse, si Adam non peccasset, etiamsi peccassent alii, Christus non venisset. *Syn.* Frustra te torques, & aggravas imprudens culpam, non minuis. Non solum pro peccato originali, quod vocamus, satisfecit Christus, sed etiam pro actualibus mortuus est: hoc fides docet. *Euf.* Scio, & alias desperandum esset de salute omnibus, qui post baptismum graviter peccant: agnosco beneficium. *Syn.* Agnosce Deicidium. Deicida Adamus est, sed non solus: socios habet, quotquot post ipsum graviter peccarunt. Irruat Pater primus in Principem, & ferro transfigat pectus: si sequitur filius, & alterum infligit vulnus æque grave, æque mortiferum, num ideo minus *parricida* erit, quia aut primus, aut solus non fuit? *Deicida* Adamus est, cur? affecit injuria DEum tam gravi, ut pro illa satisfieri condigne non potuerit, nisi fundetur Sanguis Divinus, eo quod satisfactionem minorem acceptare.

ceptare DEUS noluerit. Quid? peccatum grave, quod tu comittis, an minor est injuria DEI? Pone, quod Adam non peccaverit, pone, quod alius hominum nemo peccaverit, præter te, ecce pro hac injuria a te illata DEO æque parum, ac pro peccato Adami satisfieri DEO condigne posset, nisi a Persona Divina. I nunc, & Adamo insulta ... Quod DEI Filius Fidejussoris personam libere *susceperit*, gratia fuit: quod *ad hoc genus* satisfactionis tam acerbe *se obligaverit*, amor fuit: quod re ipsa promissis stare, obligationem implere, pati, mori *debuerit*, hoc Adami, hoc tuum, hoc tui similibus scelus fuit. *Vulneratus est*, quid vis amplius? *vulneratus est propter iniquitates nostras*, *attritus est propter scelera nostra*, occisus est ab Adamo; a Judæis, a te, ab omni peccatore. *Eja!* adhuc es *innocens a sanguine Justis huius*? Collige in pugnum, quæ dixi, & responde: *Qui ponit causam Deicidii, est reus Deicidii*, patet ex terminis: *Qui ponit peccatum grave, ponit causam Deicidii*, constat ex fide: quid concludis? *Euf.* Me miserum! quid oblufer? fateri cogor: *ergo Deicida sum!* nam quod peccatum grave sæpe commiserim, conscientia testis est mihi, omni exceptione major. Et tu hoc audis Sol, nec retro refugis converso curru? *Deicida sum!* tam horridum scelus in omni peccato est & ego quasi per lulum cum risu peccavi! Liquefce cor, & in lacrymas diffue! meretur lacrymas DEI Filius occisus (obstupescite cœli super hoc, & portæ ejus desolamini vehementer!) DEI Filius *occisus a me.* *Syn.* Video, affluit gratia Redemptoris: movet se horror aliquis, & dolor surgit. Indulge paullum, paullum inquam; nam volo, ut post modicum intervallum tergas madentes oculos, atque uberiores lacrymas gravioribus causis serves,

CHORUS.

Pœna animæ Christum iterum crucifigentis,*

Anima. Conscientia. Chorus.

Anima. O Tormentum! o dolor!..
Et unde tantum mereor?
Quid feci tam horridis dignum suppliciis?

Aria.

Coelum crudele! quousque in me
Volute erit sævire?
Ergo exuta sum veniæ spe?
Neque licebit perire?
Quæ est proportio (vindica te!)
Inter peccati momentum,
Et in quod bilanx præcipitat se,
Inter æternum tormentum?

Chorus.

Non est proportio! pœnam in nos
Fallax statera decrevit:

Anima. Culpam, quæ olim infecerat nos,
Pridem hic ignis delevit.

Chorus. Desine, jubet Justitiæ lex,
Desine flamma sævire!

Anima. Bono ex Rege Tyrannus fit Rex,
Modum si nesciat iræ.

Conscien. Silentium! blasphemæ linguæ! silentium!
Digna factis recipitis,

F f f

Immo

* Exhibentur in igneo mari natantes animæ, quibus libra impendet ex
nubibus, pondus peccati oculis repræsentans.

Chorus. Immo scelera sunt *majora* suppliciis.
 Quid fecimus? una fornicatio,
 Una rapina, unum perjurium
 Æternum mereatur incendium?
Conscien. Silentium!...
 Quanquam cur non confitemini
 Verum flagitium?
 Cur filetis Deicidium?...
 Deicidium, Deicidium
 Æternum meretur supplicium.

Aria.

* Ad libram Sanctuarij
 Peccatum Deicidij
 Rebelles animæ
 Appendite!
 Videtis, quanto pondere
 Prematur lanx a scelere!..
 Scelus *gravissimum*
 Est Deicidium.

2.

Sit *brevis* horæ morula,
 Non *levis* est malitia,
 Se DEI Sanguine
 Polluere!

Momentum tanti sceleris
 Æternis vos supplicijs
 Ut juste luitis,
 Sic non eluitis.

Anima. Accusatrix mendacissima!
 Quæ fingis flagitia?
 Aut, quando volui DEum occidere?

Conscien.

* Pœna, & culpa ad libram examinatur.

- Conscien.* Impudenter contemnere DEI imperium,
Quid erat, nisi tollere supremum dominium?
Negligenter abjicere DEI gratiam,
Nec æstimare amicitiam,
Quid erat, nisi auferre *Summi Boni*
Nomen, & gloriam?
Filii DEI exempla, doctrinam, & merita
Studiose velle sibi esse inutilia.
Quid erat aliud, quam Christum
Sibi rursus crucifigere?
Et cum peccabatis, nonne cupiebatis,
Ut impunia vobis essent flagitia?
Hoc est, ut DEus punire vos aut non posset,
Aut non vellet:
Hoc est, ut aut esset impotens, aut injustus,
Et adeo *DEus esse desineret*:
Ergo DEum offendere,
Quid erat aliud, quam DEum occidere?
Equidem *facultas* sceleri defuit,
Sed *voluntas* non defuit.
- Anima.* Heu me! nunquam sic expendi
Gravitatem malitiæ!
- Conscien.* Admonui: & non audisti me!
Nunc oculis pro auribus utere.
Ecce ante faciem tuam tibi statuo te,
Et peccatum tuum erit æternum *contra te*.
Ut contra gravitatem supplicij
Desinas conqueri.
- Anima* Heu! veteres misérias
- cum Chor.* Novis tormentis cumulas!

*Peccatum**Aria.*

Euge! fuge imago funesta,
 Oculos crucias!
 Video horridas
 Patrati

Heu! leviter nimis peccati
 Video insanias!
 Audio injurias!...

Quid fremis infesta?
 Fuge! fuge imago funesta!

2.

Heu! heu! quæ turbæ sunt mentis!
 Igneæ lacrymæ
 Visum exurite!

Videre,
 Videre est grave! non flere!
 Video, & crucior!
 Crucior, & mereor! ah mereor!

Hæc vox est furentis

Heu! heu! acerba vox mentis.

Conscien. Flete! gemite! ejulate! non movetis:
 In aspectu *Peccati vestri*,
 In consideratione commissi *Deicidij*
 Oculos æternum figetis, & tabescetis,

Aria.

Hæc poena est peccantium,
 Et non *considerantium*,
 Quid demum sit, *peccare*:
 Non dicitis: *quid facimus?*
 Dicitis: *Ah! quid fecimus?*
 Et fructus est, *plorare*.

Scd

2.
Sed debito si *lacrymæ*
Non fusæ sint in tempore,
In *oleum* mutantur,
Quo flammæ rogi stygij
Ad cumulum supplicij
Æternum sustentantur.

P U N C T U M II.

Homo iterum Deicida
Propter frustratum effectum Mortis Christi.
§. I.

Exercitium Memoriae.

Eusebius. Synesi: medullam ossium stupor, & horror siccant.
Ergo vere Deicida sum, & nesci! certe non cogitavi, non intellexi: putavi, per tropum dici. Vere *Deicida sum!* ergo cur vivo? cur me genuerunt parentes? utinam periissem trium mensium infans! aut idem postremus vitæ fuisset dies, qui primus fuit! aut saltem o si mortuus fuisset pridie, quam primum peccatum commisi! *Syn.* Et adde aliud votum: *Utinam peccassem gravitur semel tantum!* *Euf.* Ah! file tristis est anima mea usque ad mortem! *Syn.* Morere, morere præ dolore: non potes feliciter mori. Silere me jubes? loqui jube, & inflammare dolorem: hoc vere poenitentis est votum. *Euf.* Ita est, corrigo me. Loquere! clama, ne cesses! annuntia mihi scelera mea, donec rumpatur hæc cautes, & doloris vehementia in frustra diffiliat. *Syn.* Loquar igitur. *Semel:* ergo fuisti Deicida: fateris tandem. *Euf.* Convictus sum, quia causam necis posui: & satis est utique, fuisse

F f f 3

fuisse semel! satis est! *Syn.* Tibi non fuit satis. Fuiſti iterum Deicida propter frustratum effectum Mortis Christi, toties, quoties peccasti mortaliter. *Euf.* Synesi, si hoc evinces, tabescere me faciet zelus meus adversum me: felice metamorphosi mutabor in vocem totus, totus lamentum ero. *Syn.* O verba digna cedro, quæ nunquam moritur. Vide, ut stes promissis, nec scripseris votum in arena, quam quilibet ventus confundit. *Euf.* Sum firmus: argue. *Syn.* Sensim ago. Sedeamus.

§. II.

Exercitium Intellectus.

Synesus. Occisum esse DEI Filium a te, intelligis; quæro: an scias, esse occisum etiam propter te? *Euf.* Scio omnino, & scio, quod illud fuerit furoris facinus, hoc amoris. *Syn.* Jugulaſti te hoc responſo. *Euf.* Quid ita? *Syn.* Amoris, ais, fuisse facinus, ut occisus sit Christus propter te? *Euf.* Utique amoris summi, scilicet ut ego vitam habeam, & abundantius habeam. *Syn.* Ingratus, blasphemus, hæreticus es, si neges. Sed jam responde: si amor fecit, ut Christus occisus sit propter te, non fateberis, eundem amorem fecisse, ut voluerit vivere propter te? *Euf.* Nullum est dubium: propter nos homines, & propter nostram salutem descendit de coelo, & incarnatus est! *Syn.* Laus DEO! nunc intelliges sententiam Pauli, & contremisces. *Euf.* Quid infers enim? *Syn.* Nondum infero. Interrogo iterum: quid est occidere aliquem? *Euf.* Occidere est vitam adimere, quis hoc nescit? *Syn.* Omnino: & quid est vitam adimere? *Euf.* Nimirum adimere potentiam ponendi quamcunque etiam tenuem actionem vitalem. *Syn.* Optime. Nunc audiat Apostolus: Rursum crucifigentes sibi met ipsis Filium DEI! nullum te verbum prætereat. Peccator igitur crucifigit Christum semel, quia causam ponit, propter quam crucifixus est a lictoribus: crucifigit iterum, quia

quia tollit effectus, propter quos crucifigi voluit, non quod omnibus tollat, propter quos crucifixus est Christus, sed quod *sibimet ipsi*. *Euf.* Quasi per nebulam lux micat aliqua. *Syn.* Mox eluabitur. Qui peccat, *sibimet* occidit Christum, hoc assero. *Euf.* Hoc expone; nam, ut supra monui ex eodem Apostolo: Christus jam non moritur. *Syn.* Ita est: *sibi* non moritur Christus: *probis* etiam mori non potest: sed peccatori moritur, & hoc *rursum* non in *causa* solum, sed etiam in *effectu*, & hoc *toties*, quoties graviter peccas. *Euf.* Suspendis anxium, quo modo intelligas. *Syn.* Sensu plano, obvio, certo. Occidere est vitam adimere, est auferre potentiam ponendi aliquam actionem vitalem; jam dic: Quæ est vita Christi, qua vivit *tibi*? quæ sunt ejus operationes vitales *respectu tui*? Tres lego: pertransibat, prædicabat, sanabat. Pertransibat, & trahebat exemplo, prædicabat, & movebat verbo, sanabat, & vitam dabat mortuis sua morte: quid negas? *Euf.* Omnia palpo manibus. *Syn.* Quid jam agit, qui peccat? Nunquid *sibimet* adimit effectum & fructum omnem, quem producit in aliis Christus per sua exempla? nunquid *sibimet* tollit virtutem omnem, quam in aliis Christus exerit per doctrinam? nunquid *sibimet* aufert salutem, quam in aliis Christus efficit sua morte? nunquid ergo *sibimet* miser occidit Christum *rursum*, & omnem potentiam operandi, hoc est, omnem vitam adimit? quid dicis? *Euf.* Non assentior; nam quoties videmus peccatores redire ad cor, poenitentiam agere, salutem consequi: utique per Christi gratiam? per exempla? per doctrinam? per mortem? ergo etiam peccatoribus vivit Christus; atque adeo, quod sequitur, qui peccat, non ideo *sibi* occidit Christum. *Syn.* Immo occidit *sibi* vere, quantum in se est. Nam, quod in aliquibus Deus resuscitet Christum, miseratio est: apud plures non resurgit: hinc pauci electi. Certe eo quo peccas, momento, dignum te poena æterna facis: & quid est, se dignum poena æterna facere, quam *sibimet*, quantum in se est, inutilem reddere Christi doctrinam; exempla,

mor-

mortem? quid enim hæc omnia prodesse possent, si, quod plurimis contigit, contigisset tibi, & post commissum crimen fuisses a morte abreptus impoenitens?.. Quanquam quid ego te urgeo? ipse loquere. Commissio peccato gravi, & culpæ mortalis conscius tibi, num audes adhuc dicere: *Vivit in me Christus?* quid taces? gemere debes: *Eheu! mortuus est in me Christus!* ego occidi illum mihi! ego resuscitare non possum: mortuus erit æternum mihi, nisi se ipse per infinitam miserationem resuscitet mihi!...

§. III.

Exercitium Voluntatis.

Euseb. **O** Superi! quæ est hæc terribilis veritas! ergo ego te crucifixi *cum Judæis*, JESU mi!.. certe æque ac illi, *causa necis* tibi fui!.. Ergo ego *rursum* occidite *post Judæos*, quoties graviter peccavi! *rursum*, quoties obscœnas cogitationes animo volvi volens, ac turpiter me oblectans! *rursum*, quoties verba protuli, quibus audientem pellexi in erimen! *rursum*, quoties in tenebras me abdidi, ut ab oculis humanis procul lascivirem audentius! *rursum*, quoties sacrilego pudore victus confiteri erubui, quod non puduit facere! *rursum*, quoties sacram Mensam accessi convivæ indignus, & novus Judas! Sic ego tibi vitam ademi! sic te mihi feci inutilem! ademi vitam in me *exemplis tuis*: præibas ad crucem, ego inimicus sum crucis: libertas, somnus, otium, Venus, Bacchus, Mammon isti sunt Dii mei!.. Ademi vitam *præceptis tuis*: prædicabas declinandum a malo, faciendum bonum: ego laudavi, qui malum faciunt, derisi, qui faciunt bonum: quin sæpe ausus sum gloriari, & exultare in rebus pessimis!... Ademi vitam tormentis, & *mortitue*: vulneratus es, ut ego sanarer, mortuus es, ut ego viverem: ego rupi vulnera, mortem volens lubens accersivi, ne me tibi deberem!... Et adhuc vivo? nondum me styx absorbuit, nondum se armarunt elementa

elementa in ultionem adversum me! nondum Angeli saltem ardentes zelo læsæ Divinæ Majestatis vindicandæ vibrant gladium? Adhuc vivo, postquam toties in me mortuus est DEI Filius? occisus a me petulanter, occisus propter me sine fructu! *Syn.* Vivis, & vivis, ut iterum vivat in te Christus, ut resurgat in te. Misericordia Domini est, quæ te servavit: Misericordia Dominæ, quæ pro te oravit, ut non sis consumptus: & nisi Dominus custodisset te, dudum in inferno habitasset anima tua; ureretur, ejularet, spes nulla Resurrectionis foret vel Christi in te, vel tui in Christo. Projice te ad hanc Iconem: ora, ut resuscitare teipsum velit! promitte, nunquam te rursum occisurum. *Euf.* Ah! Servator mi! ignosce mihi! non enim scivi, quid facerem! *Syn.* Quid loqueris? Abscede hinc! oculis vides monumentum furoris tui, & excusas? hem proterviam impudentem! non scivisti, scelerate, quid faceres? scilicet hac primum hora doctus es, per omne peccatum grave Deicidium fieri? quid? hæc tibi nova doctrina est, & hætenus non audita? quid? nunquam legisti? nunquam percepisti ex cathedris? nunquam didicisti in scholis? nunquam a puerulis adeo scivisti recitari in templis? soli tibi ubique peregrinatæ sunt aures, ut ignoraveris, quod omnes sciunt? Soli tibi novus est Textus Apostoli: *Rursum crucifigentes sibi metipsis Filium DEI!* novus est, qui bonis omnibus in veterem parcemiam abiit? Sine, ut hoc JESUS Patri prolietoribus dicat: *Non sciunt, quid faciunt:* Illi enim si agnovissent Dominum gloriæ, utique non crucifixissent. At tu, si dicis: *nescivi!* mentiris Spiritui sancto, qui per Apostolum locutus est tibi. *Euf.* Parce afflicto addere afflictionem. Scivi, fateor: at certe non sic expendi. Bibebam velut aquam iniquitatem, & pro nihilo reputavi peccatum. *Syn.* Hoc est, quod queror. Quoties ad peccandum vel caro pellicit, vel invitat exemplum, vel spes lucri trahit, vel metus damni impellit, assentiris sine mora, sequeris, nihil reluctans, pergis velut bos ductus ad vi-

stimam, & quasi agnus lasciviens, cui intellectus non est. *Non expendisti!* quare non? nempe ne horror sceleris usum foedæ voluptatis vetaret? Ut peccare posses audacius, occlusisti utramque aurem meis clamoribus: avertisti animum a pia cogitatione: conscientiæ, Angelo bono, DEO tuo data opera vertisti tergum, & dissimulasti te audire reprehendentium vocem. O malitiam inexcusabilem! Abscede *Deicida!* autnum tu cruentas, atque sanguine occisi Filii stillantes manus ad Matrem tolles? *Euf.* Desperare me jubes? *Syn.* Non desperare: horrere, erubescere, tremere jubeo! occidisti DEum! . . . Quanquam utinam occidisset te tantum impius, o Jesu mi, utinam tantum crucifixisset! plus fecit! & se excusat! *Euf.* Heu! satis est, plus nimio satis! quid ultra potui? *Syn.* Nimis parum dixit Apostolus: plus fecisti! *Euf.* Occidis me! quid potui? *Syn.* Peccasti: hoc est, affecisti DEum injuria, contempsisti præceptum, dixisti: *non serviam!* hoc multo atrocius factum est, quam quod Lictores fecerunt. Crucifigi voluit DEI Filius, ut finem acciperet peccatum: credisne remedium fuisse majus malo, quod volebat sublatum? Si prudens Medicus fuit, non adhibuit medicinam morbo pejo-rem. Crede, cum cras in procinctu ad patrandum peccatum, & quoties posthac eris, obvium tibi crede DEI Filium ire, qualis depingi solet cum fasciculo armorum Passionis suæ: hunc amplectitur, hunc stringit, hunc offert tibi, & se cum illo, ut excrucies se, ut rursus affigas cruci, ut occidas, hortatur, urget, modo a peccato abstineas: plus enim peccatum odit, quam omnia tormenta, quippe quæ ipse appetit, ut peccatum destrueret. Nunc satis est: abscede! attonuit me horror facer: ipse ultra non possum loqui. *Euf.* Non abibo: aut hic, aut nullibi spes gratiæ est mihi super: ecce in pace amaritudo mea amara-ssima! sine me hic dolore emori. *Syn.* Abscede, aut ego abeo! locus, in quo stas, terra sancta est, abscede! *Euf.* A Matre destrahis? *Syn.* Hic *sta a longe:* deice oculos indignos coelo: er-

cute pectus male conscius sibi! dic: *DEus, propitius esto mihi peccatori. Euf.* DEus propitius esto mihi peccatori! *Syn.* Hoc fitu, hoc animo expecta, donec vocari te sentias ad gratiam, a Matre gratiæ, cui tu devotum te esse dicis, etiam postquam per repetita Deicidia afflictissimam rejecisti toties in amarissimum mare dolorum. Vah! devotio hæc piæ Virgini causa lacrymarum est, hæc materia querelarum; vide, audi!.. *Vox ab Imagine cum cantu ad dolorem, & luctum:*

Satis est, Popule meus, satis est, desine scelerum! Quousque persequeris Dilectum meum!

Me salutas verbis byssinis Patronam, & Dominam: contra Filium vero insurgis manu ferrea.

Ecce, quantæ sunt plagæ, quibus plagatus est in domo Matris suæ! ideo magna est velut mare contritio mea!

Redde mihi, Popule meus, redde Filium meum: redde mihi unicum, quem diligo, JESUM meum!

Cito procide, & plange super mortuum meum, ut resurgat tibi celeriter in salutem tuam!

Non sum Patrona scelerum: Amo te, sed plus amo Filium meum!

Cognosce tempus visitationis tuæ: neque oculus tuus nequam sit, quia ego bona sum.

Veniens veniet dies iræ a Domino, & non tardabit hora vindictæ ejus.

Repente excitabitur tanquam dormiens Dominus, & tanquam potens crapulatus a vino furoris sui.

Satis est, Popule meus, satis est, desine scelerum! desine persequi Dilectum meum!

Syn. Eusebi, quid sentis?.. nihil loqueris mihi? audistin, dulcissimam vocem, qua loquitur tibi Virgo hæc, hæc *Mater amoris* erga te, *Mater doloris* propter te? eja! quid sentis? *Euf.* Sentio scindi cor a mœrore. Ubi sum? *Syn.* In theatro

transfixeris: ora veniam. *Euf.* Madentes Divino Sanguine tollam ad coelum manus? *Syn.* Ipse exorat veniam Sanguis, quo madent manus. Accede! *Euf.* Aspectum horreo DEI a me occisi crudeliter, *propter me* occisi sine fructu. *Syn.* Resurget occisus JESUS. *Euf.* Resurget? quomodo? quando? *Syn.* Per amorem. Accede! *ama!*

§ IV.

Colloquium.

Eusebius. **A**H! tantum amo, quantum odi! amo te, DEUS mi, nequeo *ut me salves*, te amo, neque *quia*, quite non amant, amandantur ad ignes æternos. Tu, tu, JESU mi, me totum expansis brachiis amplexus in cruce es! clavis perfossas manus & pedes, lancea transfixum pectus, caput spinis coronatum ad ignominiam, corpus omne verberibus lividum, vulneribus cruentum intueor: Animam video oppressam angoribus, & ultimos dolores per omnes meatus exsudentem. Superi! qualis Imago!.. scilicet mori pro me volebas, ac pro me peccatore, pro tuo carnifice: ego te occidi!.. Et tu *passus es!*.. rursus occidi: rursus *es passus!* centies occidi: centies *passus es!* *O patientia!* O patiens DEUS! ter patiens DEUS! *patiens a me, patiens pro me, patiens mecum, mecum, cum latrone suo, cum Deicida!*.. O patiens DEUS! sic amabas!.. sic amas!.. & ego frigidus vivam!.. Exarde cor! amabo te, JESU mi! terret infernus, sed quia locus est, ubi non potes amari! allicit coelum, sed quia locus est, ubi secure amabo, *sicut tu me amasti*. Sic sic nunc amo te sic amabo! Rex meus es, ego subditus tuus! Dominus es, ego servus! DEUS es, ego opus tuum! *opus, quod amas!* Hoc satis est, ut velim amare. Peribo, scio, nisi te amem: hoc tamen sciet coelum! audiat orcus! nolo amare, ut vivam: viveret tantum cupio, ut amem cum, qui solus amabilis est.

§ V.

Reflexio.

Synesius. **B**ona verba, mi bone, bona verba non probant amorem bonum! *Euseb.* Quid exigis igitur? *Syn.* Odium exigo: odium exigo: odio probatur amor. *Euf.* Cujus odio? *Syn.* Odio peccati. *Euf.* Quantum sit? *Syn.* Quantum meretur *Malum summum*. Recordare, quæ vidisti hætenus, & vides hodie: sic inflammabis animum in odium serium, universale, efficax, heroicum, implacabile.* Recordare, quid exciderit *Jeroboami* familiam. *Euf.* Peccatum excidit fons infectus veneno omnis mali. *Syn.* I nunc, & dic: *dari posse peccatum utile*: semper damnum est lucro majus. Recordare etiam, cui hanc turpitudinem *Nabuchodonosor* debeat. *Euf.* Peccatum talem fecit, ut esset execrabilis DEO, sibi, & suis. *Syn.* I nunc, & in licentia scelerum pone *punctum honoris tui*. Recordare deinde, unde misera *Sauli* vita, & miserior mors acciderit. *Euf.* Ex peccato accidit: peccatum fecit, ut desertum a DEO, ac sibi relictum indomitæ passiones perpetua laniena discerperent. *Syn.* I nunc, & a peccato *delicias spera*. Recordare præterea, quid *gemina morte* infelicem *Ochoziam* perdiderit. *Euf.* Peccatum perdidit, cujus ope periculum *unius mortis* discuti posse credidit. *Syn.* I nunc, & judica, quæ fingi possit *necessitas*, qua cogaris peccare. Postremo in te regredere: quid *Deicidam* te fecit? *Euf.* Heu! quid potest dici atrocius? Peccatum fecit! *Syn.* I nunc, & pecca *per risum*! *Euf.* Immo odio posthac acerbissimo malum persequar, quo non est majus, persequar *in me*, & *meis*, persequar in omni loco, tempore, occasione. *Syn.* Hoc *dicis* hodie: cras aliud facies. *Euf.* Prohibe hoc malum, DEUS! aut, si vides, futurum cras, quod iste dicit, obsecro: *Jube me mori hodie!*

* Exhibentur Argumenta omnium Meditationum.

O. A. M. D. G.

INI-

INITIUM
SAPIENTIÆ
TIMOR DOMINI.

Psalms. 110.

ARGUMENTUM
QUINQUE MEDITATIONUM,
ANNI M. DCC. XLV.

MEDITATIO I.

Primum Timoris Argumentum
M O R S.

ARGUMENTUM.

Seriæ Conversionis negotium, sicut olim in Conversione
S. Augustini velut in Idea universum simul conspeximus,
& deinde per partes incepimus accuratius contemplari:
ita hoc anno promovemus *ad tertium gradum*, totum
denique Meditationum laborem excitando *timori Domini*
addicentes. Postquam enim peccator beneficio *Devotionis Ma-*
rianæ abhinc *quadriennio* explicatæ lumen gratiæ impetravit,
quo illustratus *Intellectus* ad salubrem, quem ante triennium
(nam

(nam inde tribus annis propter belli turbas Theatrum vacavit) intendebamus, horrorem perspexit, *Peccatum* verissime *Summum Malum* esse; nihil est vel ordini rationis, vel solidæ *Asce-*
seos principiis conformius, quam ut ab intellectu *in voluntatem*
 labore converso, urgeamus *fugam* mali, quod præ omni alio
 malo fugiendum esse cognovimus. Ad hunc autem finem, di-
 cite, quod aliud medium aut propius aut felicius, quam *timor*
Domini serviet? Certe Regius Psalmista, cum illum *Initium Sa-*
pientie vocat, hoc sensu vocat, quod reperire peccatorem sit
 nullum, qui *sapere* incipiat citius, quam *timere*. Ergo ad ti-
 morem compare animos, DD. Sodales, *ad-timorem*, qui nos
 liberet ab omni *timendo*, sicut sperare nos jubet Spiritus sancti
 oraculum: *Timenti Dominum, bene erit in extremis.* Eccl. 1.

Timoris argumenta *ex hominis novissimis* promo, quibus Con-
 sideratio de *Æternitate* addetur. Meditabimur, autem summi
 momenti veritates tum *in Historiis*, tum *per Dialogos*, quoniam
 ista Methodus opportunior ad scopum interdum judicabatur:
 Et erit primæ Meditationis

Materia: Mors: *Statutum est hominibus semel mori.* Hebr. 9.
 1. Homo moribundus.

Puncta duo: 2. Homo mortuus.

Fructus: Timor DEI, vitæ, ac mortis Arbitri.

Propositum: Fuga *vite peccaminose*, qualis est eorum, qui & fa-
 cile peccant, & diu in peccato persistunt.

Chorus Mortis improvise periculum exhibet in Parabola.
Luc. 12.

PERSONÆ.

Synefius, five Intellectus.

Eusebius, five Voluntas.

Emissarius Mortis.

PRO-

P R O L O G U S.

Fides Rationem excitat, ut post intellectum grave
Malum peccati, jam ad ejus fugam ex Medita-
tione Novissimorum serio se animet, sanctoque
DEI timore intine configi omnibus desideriis
desideret.

*Fides. Ratio.**Ratio.*

ENimvero adhuc bene memini,*
Quæ à te, Fides, abhinc quadriennio didici.
Certum est, erravi,
Quoties ex peccato *bonum* aliquod mihi speravi.
Certum est, non dari in peccato *bonum utile*,
Non *honestum*, non *delectabile*:
Immo certum est, omne peccatum malum esse *pestimum*,
Malum *morte majus*, verumque *Deicidium*.
Hoc didici, hoc capio, & ad horrorem intelligo.

Fides.

Bene habet: ergo *cessasti desipere*
Jam, ut *incipias sapere*,
Ecce! ad hoc Palatium constituo te.

Ratio.

Superi! Quæ dignitas!
Quis splendor est magnificentiæ?

Fides.

Hinc Domina, quæ incolit, nobilitatem intellige.

Ratio.

Programma lego: lo! Incola est SAPIENTIA!
O RATIONI optabilis! o dudum concupita,
Et diu solícite desiderata notitia!

H h h

ARIA.

* Exhibetur Palatium Sapientiæ septem columnis insistent. *Prov. 2.*

ARIA

Salvete testæ aurea,
 Et felicissima
 Patete votis patria:
 O cito patete!
 Sum Soror domus Dominæ:
 Jungendi me cupidine
 Cor ardet: ah! patete!

Ah! Soror, aperi
 Sorori supplici!
 Aut, si non vis Sorori,
 Aperi Amori!
 Soror amat: Amor clamat:
 Aperi!

Per moram cogis mori!

Fides. Pia placent desideria: sed festina lente,
 In interiora Sapientiæ adyta aditus non datur repente.
 Recordare, quod olim *sub arbore Scientiæ*
 Contempta Sapientia, te junxeris *stultitiæ*:
 Hanc Soror injuriam blande vult exprobrare,
 Propterea in vestibulo jubet te expectare.*

Ratio. Heu me! quale video spectaculum!
 Sic me excipit Soror, & hic jubet morari?

Fides. Et novissima meditari,
 Unde discas timere Dominum,
 Quod est SAPIENTIÆ INITIUM,

ARIA.

In attrio se exhibent quatuor Novissima.

A R I A.

1.

Hic sta!

Hic, quantum possit DEUS,

Quam nihil HOMO REUS,

Attente pondera:

Intelliges, quam utilis

Ex his in te *principiis*Formetur *Logica*.

2.

Hic sta!

In Forma, caute, clare

Hic disces disputare,

Et cum victoria:

Nam certiores alia

Non dantur *bona Regulae**De consequentiâ.**Ratio.*

Confiteor: merito hæc patior,

Postquam præ Sapiëntia

Tamdiu in amoribus fuit stultitia.

Fides.

Moram patere: Timor fugabit stultitiam,

Et introducet te ad Sapiëntiam.

Timor sanat oculum,

Fallacia auferens perspicilia:

Timor purgat cerebrum,

Et mala tollit præjudicia;

Timor vim coarctet affectuum,

Quæ impediunt animum,

Ne percipiat optima Sapiëntiæ axiomata.

Ideo tam varia Stultorum sunt genera,

Et vivunt alii quasi semper victuri,

H h h 2

Alij

Alii quasi toti morituri;
 Alii quasi de sua salute multo certissimi,
 Alii quasi studiose vellent damnari.
 Tu, antequam liceat ad Sororem intrare;
 Timoris opera,
 Ab omni hac facie te debes purgare.
Ratio. Ecce me! doce Fides, quid oporteat facere.
Fides. Dixi: meditando Novissima, timorem excita:
 A morte incipe. Materiam porrigo:
 Age, IN HAC CALVARIA te considera.
Memento, quia pulvis es, & in pulverem reverteris!
Ratio. Horreo! tamen obedio.

Aria.

Dic larva, cujus es;
 Apollinis, an Marsyæ?
 Hecates, an Helenæ?
 Cæsaris, an Tityri?
 Attali, an Æschyli?

Ah! taces! mea es!

Hic meas certo spes;

O vanitas!

2.

Sic eris, quisquis es!
 Comune est hoc speculum,
 Cunctorum in forma vultuum:
 Qui fecit te, sic faciet:
 Huc fastum omnem rediget.

Sic eris, quisquis es!

Et heu! eris citius,

Quam tu existimes;

O veritas!

MEDI-

MEDITATIONIS V.

De Morte.

PUNCTUM I.

Homo Moribundus.

§. I.

Preparatio animorum.

Eusebius. **T**Riste argumentum est. *Syn.* Quale tempus distavit dicatum poenitentiae, & suggesserunt cineres nuper inspersi capitibus. *Euf.* Assentior, quanquam natura horreat. *Syn.* Horreat: non est sapiens horror, cui cedendum sit. Si per oblivionem mortis effugere liceret mortem, enimvero non urgerem, ut velles meditari de morte: sed cum mors æquali semper passu ambulet, & immemores æque ac memores sui repente corripiat: Sapientis est, prævidere telum, ut mitius feriat. Quid? quod cum voluptate videamus in picturis monstra belluarum, quas fugimus: & credas, a meditatione mortis omnem abesse dulcedinem? Nihil angere: feci, quod Medici solent: amaras pilulas auro involvi, & tristem veritatem saccharo amœnæ considerationis condivi. Paratum ad nostrum scopum cubile vides. (*) *Euf.* Superi! non oculos cruciet apparatus tam illætabilis? *Syn.* Etiam aures crucientur! *Chorus.* Memento homo, quia pulvis es, & in pulverem reverteris! *Euf.* O cantus durus! *Syn.* Appositus ad affectum. *Chorus idem repetit tono altiore.* *Euf.* Lamentum horrore plenum! *Syn.* Et sancto metu. *Chorus iterum tono altissimo.*

H h h 3

Euseb.

(*) Aula mortualis exhibetur.

Euf. Grave præludium ponis! *Syn.* Materiam programma exhibet, quod cubili affixum legis: *Statutum est hominibus. semel mori.* * *Euf.* Verba singula proprium pondus habent. *Syn.* Puncta Materix duo sunt: HOMO MORIBUNDUS, punctum primum, HOMO MORTUUS punctum secundum erit, quod expendemus. *Euf.* Corticem teneo. *Syn.* Nucleus est timor Dei, vitæ & mortis Arbitri. *Euf.* Accingor operi. Magne DEus, in cuius conspectu sto! a te STATUTUM EST decreto indispensabili, statutum HOMINIBUS sine exceptione omnibus, statutum SEMEL, nec sapius, statutum MORI, & de tempore transire ad æternitatem! statutum bene! iuste! sancte! da gratiam, obsecro, ut de hoc statuto, & de hora extrema meditati hæc hora sit felix! Exhibeat memoria horridi decreti vim: concludat *intellectus* consilium sapiens: exardeat *voluntas* in executionem maturam! moriar ante mortem, ne male moriar! Ah! malum pessimum, mala mors! A mala morte per tuam mortem libera me, Domine! Et tu! o Maria! Patrona morientium (*accinit Chorus*)

Ultima in mortis hora
Filius pro nobis ora!
Mortem bonam impetra
Virgo, Mater, Domina!

§- II.

Exercitium Memoria.

Synefius. Jam te erige, & aspectum in spectaculo Joannis fige: (*) *Ecce equus pallidus, & qui sedebat super eum, nomen ei mors*, Apocal. 6. Equus pallidus imago morbi est, qui mortem advehit. Quos enim non repentina vis, aut casus tollit, illis mors velut a longe adequitat in morbo levi primum, sed

(*) Exhibito.

sed qui sensim ingravescit, donec cursu repente præcipitato, tanquam illis jacenti calcibus elidat animam, id, quod illis præcipue contingit, qui vel cum ægris sunt, de poenitentia non anguntur. Morbus enim, quem non timebant, celeriter multis fatalis fit, quia calcar, & *stimulus mortis peccatum est*, 1. Cor. 15. hinc illæ Domini minæ: *Qua hora non putatis, Filius hominis veniet*, Luc. 12. Et illa amantis nos admonitio: *Vigilate, quia nescitis diem, neque horam*, Matth. 25. Non ad sanos magis pertinent propter repentinae mortis pericula, quam ad ægros præcipue, quippe qui subitis imutationibus maxime obnoxii sunt. *Euf.* Vis igitur, ut damnem eorum audaciam, qui poenitentiam differunt in extremæ diei horam? *Syn.* Hoc ago: propterea considerandus est tibi HOMO MORIBUNDUS, sive qui *lenta morte* moritur. *Euf.* Mortem *repentinam* plerique metuunt: *lentam* inter gratias numerant non alia de causa utique, quam quod sic morienti tempus suppetat disponendi domus suæ, & animæ providendi: num alius est sensus tibi? *Syn.* Non est alius. Poterat Divina Nemesis deprehensum, ut ajunt, in flagranti peccatorem sine mora damnare, quis ambigat? igitur si gladio suspenso hominem tortoribus morbis tradit, scilicet eo fine, ut tanquam in equuleo extensus ad salubrem criminum confessionem adigatur tormentis, quibus redimat æternos ignes, utique gratiam facit, insignem, ingentem gratiam: verum quotusquisque ex ægris tanta gratia, uti oportet, utitur? Occupat hominem insolitus languor, spernitur: succedit dolor capitis, nausea stomachi, ardor viscerum: non timetur. Crescit ex mora malum: vocatur Medicus, de remedio consultatur. Pharmacis nihil proficientibus, deficiunt vires, flaccescunt sensus, caro concidit, gelascit sanguis, arefcit vitalis humor, difficilis anhelitus meat: & adhuc nemo denuntiat periculum: nulla fit mentio poenitentia. Tunc denique, cum quadrupedante sonitu accelerat mors, & proxime equus pallidus ad fores hiñiciens pulsatur janu-

januam, exoritur tumultus intus, inelamatur Sacerdos, festinat ille, reperit vix spirantem, absolvit sub conditione: sic moritur miser! *Superi! quam repente! quis putasset?* ingeminant circumstantes, & *requiescat in pace!* ajunt: abeunt. Age, quid prosit talibus *gratia lente mortis?* *Euf.* Profecto ego sic mori nollem. *Syn.* Igitur velle debes, ut, cum coeperis ægrotare, de periculo admonearis libere, atque celeriter: admonitus vero sine mora serio negotium salutis cures. Ut velis constanter, duo argumenta efficient. Attende mihi sanus, ut scias, quid faciendum sit ægro. Audies, stultissime, agere, quisquis, cum gravius æger est, procrastinat poenitentiam. Hæc enim HOMINIS MORIBUNDI procrastinatio corpori *sæpe noxia*, animæ *semper summe periculosa* est. *Euf.* Graviter perorabis: audio, confidemus.

§. III.

Exercitium Intellectus.

Synesius. **M**onent me de confessione: ergo moriendum est! Hæc est ineptissima multorum ægrorum, dicam, an insanorum argumentatio. Sapientius sic inferam: *Nihil audire vis de poenitentia, ergo morieris!* Testem sententiæ magnum Basilium habeo, cujus hæc assertio est: *Morbi sæpe peccatorum flagella sunt, quibus nihil aliud agitur, nisi ut vitam in melius commutemus, quod cum per poenitentiam fiat, patet, stultum esse timorem, quo quis averfatur confessionem, ne moriatur, quando DEUS hoc solo sine sapius immittit morbum, ut confessionem ate obtineat: Nihil aliud agitur.* Est petulans juvenis, qui ut *pullum onagri se liberum natum putat*, Job. 11. vagatur sine fræno per omnem licentiam, & exulat in rebus pessimis, abiens in regionem longinquam, atque omnem substantiam prodigens vivendo luxuriose: est vir nobilis, qui *ambulat in mirabilibus super se*, Psalm. 130. & in ipsum coelum ponit os suum, thus, & victimas, & li.

& libamina, & aliud supra hominem instar idoli affectans: est Judex, qui nec DEum, nec homines reveretur, Luc. 18. sibi Rex suus, & sua lex, acceptor personarum, prædo, latro, sanguifuga: quid fit? *Euf.* Scilicet miserator DEus tradit hominem in manus Medici, ut modestiam doceatur: sæpe hoc vidi. *Syn.* Sic est: sed Medicus, quanquam agat omnia, nihil agit. Non agnoscitur morbi species, non occurrit consilium aptum, nullus labor effectum habet: ab ipsis pharmacis malum alitur, nempe quia poenitentiam DEus postulat: *nihil aliud agitur.* Massa febrilis, & materia peccans peccatum est, quod tamdiu gravat animam: nulli pulveres, nullæ potiones, nullæ apothecæ prosunt: imò nec preces adeo, nec eleemosynæ, nec Sacrificia, nec promissa quævis, ac vota: virus peccati evomendum est in aures Sacerdotis: *nihil aliud agitur.* Atque hanc Basilii doctrinam ipsa veritas exemplis firmavit. Recordare, quod legimus Luc. 17. de viris leprosis: nonne priusquam mundavit eos, iussit *tre, & ostendere se Sacerdotibus*, ut doceret, sanitatis principium ab exercitio poenitentiae sperandum esse? & Luc. 5. cum paralyticum sanare veller, nunquid, antequam extendit manum, dixit: *Hommo, remittuntur tibi peccata!* nimirum ut prudens Medicus malum a radicibus tolleret? Contra infelix Asa, cum ex dolore pedum vehementissimo decumberet, mori debuit: causam Scriptura tradit 2. Paral. 16. quia *nec in infirmitate sua quæsit Dominum, sed magis in Medicorum arte confisus est.* Nota sententiae emphasin: *nec in infirmitate sua quæsit Dominum*, ut intelligamus, hoc fine infirmitatibus premi nos, ut adigamur ad conversionem: *nihil aliud agitur*; flagellat filium Pater, ut supplicem habeat; hoc agitur, & cessat flagellatio, cum deprecatio incipit. Quid? non demonstravi abunde satis, quam sæpènoxia corpori procrastinatio poenitentiae sit in ægroto? *Euf.* Convictus sum, & damno stultitiam communem hominum, quibus in cura corporis ultima cura poenitentiae est. *Syn.* Merito dam-

nas, quam præter fidem, quod ostendi; etiam ratio damnat; solatium enim, quod affert animæ poenitentia, etiam redundat in corpus, ut dolores facilius, prope dixissem, jucunde feras. Ah! Eusebi, *quimedice vivit, misere vivit!* quam grave est fastidium noctium, quas insomnes agimus! quam amara nausea a medicinis! quam tristis necessitas perpetuo decumbendi! quam multiplex afflictio ab ipso morbo: ut fileam innumeras molestias, quæ sæpe accedunt ab incititia medentium, a segnitie inservientium, a duritie amicorum, ab importunis officiis invisentium, ab uxore, a liberis, a famulis: atque hæc tam atrocia, tamque multiplicia mala homo obnoxius peccato gravi, haudsecus, ac si jam damnatus ad inferos inter frementes diabolos gemeret, patitur sine fructu, sine merito, sine solatio, quia sine poenitentia. Age! num incrementum capere miseria potest? *Euf.* Miror, manifestam adeo veritatem a sanis non cogitari! *Syn.* Luent ægri, eritque dilatæ poenitentia tristis effectus melancholia, tenebræ, curæ, impatientia, pusillanimitas, furor, desperatio. *Euf.* Horrorem movent vel ipsa nomina tot Furiarum. *Syn.* Concludes facile, has inter turbas animi quam male dispositum corpus sit, ut medicamenta vim exerant malo pellendo parem. Itaque ego illorum imprudentiam execror, qui arti suæ omnia tribuentes, id unum sollicitè cavent, ne ex periculi denuntiatione conterritus æger virtuti medicæ succorum, ac pilularum obstaculum ponat, quasi *solus timor* turbaret humores, & non tristitia, non horror, non tædium, non ira, non reliquæ pestes animi, quas latentes peccatum parit. Sapientius ægri *vita*, & *sua fame* consulit, qui periculo non dissimulato, hortatur ad poenitentiam. Poenitentia benedictionem impetrat conatibus Medici, & per animi solatia ad felicem remedium usum disponit corpus ægroti. *Euf.* Ego vero ipsos ægros arguo adeo sæpe delicatos, ut circa deliquium nomen mortis audire non possint. *Syn.* Est modus in rebus, & inter-

terest, quis, quando, quibus verbis periculum denuntiet. *Euf.* Verum ne multis caremoniis opus sit, o quam sibi bene consulere ægri, si facerent, quod gloriosissimæ memoriæ Christianissimus Heros: (*) fecit, cuius generosam mortem nuperime obitam usque hodie amare plangimus. Moneant ipsi Medicos, ne quid dissimulent: quærant ex domesticis: profiteantur palam, vitæ ac mortis Domino libenter inclinare se caput, nec invitos discedere a theatro hujus vitæ, atque personam ponere, cum jusserit Choragus DEUS. Ita dispositis nemo occultabit veritatem; & audietur sine gravi motu Propheta modeste inclamans: *Dispone domui tuæ, quia morieris*; Is. 38; *Syn.* Optime sentis: & sentient ægri tecum, si expenderit sani, quam male sanus sit timor, quo multi se angunt, quasi maturantibus poenitentiam celerior mors immineat. Ah! non poenitentia, sed peccatum, peccatum *stimulus mortis* est: peccatum tollite, & reviviscet fortasse HOMO MORIBUNDUS, certo certius moriturus, si diutius procrastinetis. Igitur quam chara vobis vita, tam chara sit ægris celeris poenitentia. *Euf.* Ferventer exclamas, Synesi. Sed erunt, qui reclament, per experimenta constare, etiam mature confessis mortem non parcere: quid respondebis? *Syn.* Jam responsum est: *Statutum est hominibus semel mori*! ab hoc statuto, qui mature poenitentiam agunt, num dixi, exceptos esse? sæpe differri executionem statuti, quando poenitentia ab ægro non differtur, hoc dixi: hoc Fides, & Ratio probant; & sequitur, quod falsa sit persuasio existimantium, mortem ex confessionis festinatione accersiri: vera opinio, procrastinationem etiam non raro nocere corporibus. Sed ferenda stultitia foret, si his limitibus contineretur: effunditur velut rapidus torrens in extremam temeritatem, quæ ipsam animam in summum discrimen abripit. Assurge jam animo, Eusebi, & mecum obstupesce sceleratam audaciam, irascere, fle!

Iii 2

De

(*) Augustissimus Imperator CAROLUS VII.

De hominibus ago, quibus si poenitentiam suadeas, dum sani sunt, respondent: *Confitebor, dum aegrotabo*: si urgeas postea ægrotantes, dicunt: *Faciam, si convalesco*. *Euf.* Et quid erit illudere DEO, si hoc non est? *Syn.* Illudant! Dominus quoque irridebit eos, & subsannabit, cum evenerit, quod prædixit: *In peccato vestro moriemini!* Jo. 8. Tu, quæ dicam, percipe diligenter. *Euf.* Attentum habes. *Syn.* Sensim detegam periculi abyssum, cui temere appropinquant lenti poenitentes. *Lenta mors est gratia, quam peccator DIVINÆ PATIENTIÆ debet.* *Euf.* Intellexi. *Syn.* Hac gratia uti negligit, qui gravi morbo correptus adhuc procrastinat poenitentiam, donec conclamatum de vita sit: mereturne, ut sanitatem recuperet? *Euf.* De cujus abusu neque, cum erepta est, doluit? *Syn.* At dignum scilicet gratiæ bonæ mortis se fecit? *Euf.* Qui sub ipsis Patris castigantis verberibus de petenda venia non cogitavit? *Syn.* Quid inferam? *Euf.* Obvia illatio est: *in peccato suo morietur!* O grave malum *mors cum peccato!* mors solitaria finis malorum est, immo bonorum æternorum principium: optemus! amemus hanc mortem! sed *mors in peccato* finis est omnis boni, initium omnis mali! o malum atrox! immane! horridum! & tanti mali *periculum proximum* ultro lentus poenitens subit? *Syn.* Subit: nam in poenam audaciæ solet DEUS mortem lentam mutare subito in repentinam. *Euf.* Synesi, quid dicas, num attendisti? mors repentina a vi, vel casu venit: nobis de illis sermo est, quos morbus perimit. *Syn.* Ego repentinam appello, *per quam repente homo ineptus redditur ad poenitentiam*: atque hoc genus mortis quam frequens est, tam ajo, propriam poenam esse procrastinantium. Explico veritatem horrore plenam: adverte animum. Primum: gratia poenitentiae finalis non consistit in impulsu voluntatis, sæpe in pia desideria erumpentis: *Moriatur anima mea morte iustorum!* Num. 23. sed ex innumeris circumstantiis per Divinæ Providentiæ legem componitur,

nitur, & quidem ex talibus circumstantiis, quæ ut adsint, vel absint, non est liberi arbitrii, efficere, sed solius misericordiæ DEI: si vel una desit, perit spes bonæ mortis. *Euf.* Mysterium loqueris: enumera tales. *Syn.* Continuo audies. Jam duobus verbis omnes complector, si dico, esse alias, a quibus pendet, *ut velis*, & alias, a quibus habeas, *ut possis* agere poenitentiam, cuius proinde *omissio* in vitæ termino sæpe *novacula* erit, semper *iusta pœna*. *Euf.* O cœlum! quem non exterreat hæc doctrina! *Syn.* Pergamus. Sunt, qui vel fidem de vita futura abjecerunt, vel in scelerum consuetudine sic obduruerunt, ut omni spe vitiæ se ultro exuerint: atque hæc monstra hominum miratur nemo, si nulla poenitentia *voluntate* concepta, execrabilem animam inter horridas blasphemias desperabundi ejiciant. Sed de his non loquor, quoniam portenta sunt exempla: de aliis loquor, qui annoso odio erga proximum inflammati, vindictæ desideria in ipso æternitatis vestibulo adhuc alunt: de aliis, qui postquam per injuste parta, & illata imbecillioribus damna gravissima, opes ac fortunas sibi, suisque posteris cumularunt, etiam quando deferenda sunt omnia, imperare sibi non possunt, ut restitutionem imperent, sine qua salus sperari nequit: de aliis, qui turpi vitio per annos illigati, postquam tempus, opes, vires, talenta, sanitatem, famam, conscientiam immolarunt obscenæ cupiditati, inferre sibi vim heroicam, per quam probrosa vincularumpenda sunt, nunquam didicerunt: de aliis, quos quam nunquam puduit peccare, tam semper puduit confiteri: de talibus interrogo te, quid speres? an putes, ita dispositos esse, ut, quod tota vita noluerunt, *repente velint* morientes? *Euf.* Capiō momentum gravissimæ difficultatis: & has, credo, intellexisti circumstantias, a quibus poenitentia *voluntas* impetitur. *Syn.* Has utique, qui montes horrendi sunt, quos nisi *sub initium morbi* æger superavit, *morti proximus* expavescet ad conspectum, ejulabit ad conatum, desperabit in labore. *Euf.* Totis

§. IV.

Exercitium Voluntatis.

Eusebius! **O** Altitudo! o abyssus judiciorum DEI! quis est sensus hominis nihil sibi a vobis metuentis? *lenta mors* quam magnum bonum est, si bene uti noverimus! *moram facit sponsus!* dormiant, per melicet, dormiant per hanc moram Virgines prudentes, quæ sibi prospexerunt de oleo, & paratæ erant: at quæ non paratæ erant, debebant utique uti mora, & se parare! dormire *non paratas* usque in mediam noctem, donec clamor factus est: *Ecce sponsus venit!* fatuitas fuit indigna venia: ab hac fatuitate libera me Domine! Synesi, adhuc hodie tibi obsequor, & quoniam neminem etiam nullius gravis noxæ sibi conscium oportet ex hac vita discedere *sine pœnitentia*, confestor palam, & adjuro per animam meam omnes, qui assistent ægrotanti, ne quis vana spe vitæ, lætetur decumbentem, neque extimescat denunciare periculum! *Syn.* Corpori, & animæ melius consuletur. *Euf.* Idem beneficium ego aliis præstabo: prohibeat benignum cœlum, ne quis per meam adulationem deceptus, sine Sacramentis moriatur! *Syn.* Charitas postulat: & vix negligenti officium charitatis in tanti momenti re! *Euf.* O Christe, quales Christiani sumus! pudet, admonitione opus esse, immo multis hortatibus, ut, qui deberemus vitam omnem vivere uni tibi, saltem in amplexu tuo velimus mori! Ah! scelus est, quod *sani* conversionem cordis ad te differamus de die in diem: & quod MORIBUNDI adhuc tricemur, adhuc refugiamus, adhuc de pœnitentia monentibus respondeamus languidi corvi: cras! cras! hanc stultitiam, hanc temeritatem qui videt, & non obstupefcit, lignum est, qui obstupefcit, nec exerantur. Synesi, quo nomine hominem compellabo? insanum dicam? *Syn.* Utinam insaniret, insania scelus excusaret. *Euf.* Infidelem? *Syn.*
Etiam

Etiam damnat Ratio. *Euf.* Barbarum? *Syn.* Neminem in tam gravem petulantiam barbaries abripit, sed effroenis consuetudo, belluina libido, diabolica obstinatio. *Euf.* Sic est: hæ voces explicant immanem impudentiam hominis de vita graviter periclitantis, & tamen deliberantis, hodiene, an cras animum convertere ad DEum debeat! *Syn.* Deliberantis, ais? dic decernentis: *Cras confitebor, hodie non.* *Euf.* Aures, aures meæ, non obsurdūistis ad tam absurdam sententiam! o scelerata deliberatio! sceleratius decretum! sceleratissima procrastinatio! Heu! aderit (siquidem gratia mortis lentæ futura est mihi) aderit aliquando dies, quo me opprimit morbus cum mortis periculo. Illa dies si me reperit fortasse reum peccati gravis, egone poenitentiae consilium rejiciam in diem aliam! absit tam gravis protervia! atque ut absit longius, fixum est animo hoc propositum: *etiam cum sanctus sum, nunquam vel per noctem unam dormiam, conscius peccati lethalis mihi:* Sic me JESUS adjuvet, & hæc sancta, quam stringo, Crux! *Syn.* Places, Eusebi: ex consideratione HOMINIS MORIBUNDI didicisti *bene mori:* surge jam: eundem extra cubile est, & considerandus HOMO MORTUUS, ut fructus sit major, & discas etiam *bene vivere.* *Euf.* Docilem discipulum habes: quo ducis, sequor.

C H O R U S.

Ostenditur ex *Luc, cap. 12,* Mortis improvisæ periculum.

Genius Mundi. Viator. Mors.

Viator. **D**imitte me: satis est! tandem ex diverticulo
(Jam enim advesperascit)*
Redeundum est in viam curriculo.

Immo

• Exhibetur silva cum diversorio.

Gen. M. Imo, crasibis: hodie juvat quiescere,
 Et ex aspero nimis itinere vires reficere.
Viator. Fateor, fessus sum, & totus languco.
 Nihilominus necesse est pergere;
 Nam tu hoc scito: hæc mea peregrinatio
 Est veluti navigatio, quæ fit adverso fluvio:
 Non progredi, est regredi.

Aria.

Ex viribus totis tumentem
 Nitendum est contra torrentem:
 Non vacat vacare,
 Vix cesso sudare,
 In mare jam abripit me.
 In mare, quod heu! ingenti
 Furore exasperant venti;
 Væ levi phaselo
 A fluctuum bello,
 Cui mora objiciet te!

Gen. M. Quidquid sit de hac tua Philosophia:
 Nox unica non te adeo removebit a patria,
 Ut non post vires redditas
 Facile moram compenses currendo alacrius
 Per tuæ salutis semitas.
 Ecce stravi lectulum, quiesce paullulum!

Viator. Fortiter urges: sed cheu!
 Quis mihi promisit crastinum!
 Perditus sum, si me occupet Mors,
 Priusquam venero ad viæ meæ terminum.

Gen. M. Quid audio, num vigilans somnias!
 Quid de morte in flore ætatis cogitas? *

K k k

Ac

* Audirur vox cuculi.

At en! opportune infert se Cuculus:
 Attende: Divina est avis, augurium capimus.
 Eja! sexies jam tibi accinuit!
 Et pergit.... jam duodecim numero!....
 Jam omnino viginti!....

Viator. Cessavit! avolavit!

Gen. M. Vive felix: gratulor: nam viginti integri
 Vitæ anni sunt reliqui.

Viator. Si ita est, secure hic licet quiescere.
 Quin totos decem & octo annos
 Possum impune a via divertere,
 Et in deliciis agere.

Gen. M. Haud dubie, quia duo anni ultimi
 Abunde sufficient, ut in viam redeas,
 Et iter reliquum rite conficias.

Viator. Persuastisti. Abi molesta penula!
 Veni placide Morpheæ,
 Festum dulci quiete corpusculum refice:

Gen. M. Et vos læto carmine suavia somnia
 Provocate aviculæ. *

A R I A.

I.

Dormi! dormi!
 Nam licet dormire.
 De animæ curis,
 De rebus futuris
 Metum, & anxiam

Mentis tristitiam
 Jube in ultimam
 Thulem abire.

I. Dor-

* Fit cantus avium.

2.

Dormi! dormi!
 Nam dormis secure.
 Ex Cuculi ore
 Et sæculi more
 Multas post hyemes
 De te si cogites,
 Ages salutis res
 Satis mature.

Gen. M. Sed, cur aviculæ silent subito?
 Heu! bubonem audio....
 Carmen fendale! omen fatale!
 Homo infelicissime!
 Cuculus decepit te: ego fugio! ...
Mors. Silentium! funestum jubeor dare spectaculum,
 Et sicut fur de nocte, Apoc. 16.
 Ingredi istud cubiculum.
 Hic, homo temerarie, invenio te!
 Sic, REUS PECCATI, audes sine cura dormire?
 Peristi! nec enim evigilabis, nisi in inferis....
 Quid mussitas? somnias, miser, somnias.

D U E T T O.

Viator in somnis.

Anima,
 O felix anima!
 Frumento turget horreum:
 Quid curas cæli bona?
 Spes hæc est somniantium:
 Tu ama terræ dona!

*Mors.**Mors.*

Anima,

Infelix anima!

Quem dormis somnum pessimum,

Quam multi dormiverunt!

Quas jactas opes segetum:

Post horam *cujus erunt?**Viat.* Sunt mea, mea horrea! *Mors.* Quam diu? &, quid postea?

Quiesce anima!

Dic! dic: quid postea?

Frue!

Loquere!

2.

Viator. Postea!... postea!...

Post lustra nempe plurima

Mature futura curabo,

Peccata piabo,

Coelumque placabo,

Et recta ad astra volabo!

Mors. O spes stultissima!*Viator.* Quiesce anima!

Frue!

Mors. Finis est: morere! **Mors.* Habet! ad inferos abiit!

Ibi spem stultissimam, quæ ipsum damnavit,

Æternum damnabit.

A R I A.

1.

Stupenda sane res

Post tot Divina monita,

Post tot exempla tragica,

Adhuc, cum blanditur,

Libenter auditur,

* Mors telo transfigit dormientem.

Et

Et pronam fidem reperit
 Deceptrix *vita spes!*
 Sic estis homines!
 Stupenda res!

2.
 Sic ergo nostis me?
 Nescitis, quod non moneam?
 Quod improvisa veniam?
 Multos *casu* sterno:
 Multis *vim* decerno:
Sub morbi levis specie
 Plerisque tego me:
 Non vobis vestra fors?
 Non nota Mors?

PUNCTUM II.

Homo mortuus.

§. I.

Exercitium Memoriae.

Eusebius. SYnesi, sic mori est misere mori: dedisti spectaculum, quod me terruit. *Syn.* Evangelium dedit: & tu vidisti, quam fallaces sint spes humanæ de vita longa. *Euf.* Vidi: heri in agro suo exultabat homo dives de pingui messe, & annos plurimos spondens sibi, dicebat animæ suæ; *Habes multa bona! requiesce! comede! bibe! epulare!* hodie funus est, & quæ paravit, cujus erunt? o mutatio! *Syn.* Immo, ubi ipse erit? *Euf.* Facilius est ista quæstio: nempe corpus inferretur sepulchro: anima abiit in domum æternitatis suæ, Eccl. 12.

ibi erit. *Syn.* Sic est: & juvat huic veritati te immorari. HOMOMORIBUNDUS excitavit vigilantiam, ne procastines poenitentiam, cum imminet mortis periculum. HOMO MOR-TUUS docebit sapientiam, ne talis vivas, qualis non velis mori. Propterea huc adduxi in istud nemus, ubi plura spectabis funera Evangelico similia. *Euf.* Horrida silva est! *Syn.* Imago Mundi. *Euf.* Quid vis, ut faciam? *Syn.* Perambula tacitus: serviet instar libri, in quo multa leges, quæ profunt: sed neque, cui sapienter colloquaris, deerit, donec redeam. *Euf.* Vis, ut cremum incolam? *Syn.* Ad horam: unde te occupes, oculi dabunt, vel sine Synesio. Circumspice! *Euf.* Nescio, quis repente terror palpitans pectus obruat! ubi sum? & quid sibi vult hoc Synesii consilium? tristis solitudo sollicitum reddit. (*) Quid lego? Anno supra millesimum septingentesimum vigesimo hac transiens Isidorus de Liliis nobilis Venetus in latrones incidit, & una cum famulo impie trucidatus fuit: *requiescat in pace!* Dolenda mors!... hic alium lego: Cum audacius, quam prudentius vadum torrentis pertentat, aquarum vorticibus abreptus interiit: *requiescat in pace!* sæpe infelix temeritas est... Hunc novi! meus hic est Adalbertus amicorum amicissimus! Ah! memini: furentis equi tergo excussus, & per vepres, ac saxa diu raptatus hic exspiravit: *Requiescat in pace!* acerba mors fuit... Et plura video monumenta similium casuum. Hic aliquem socius, cum venarentur, aberrante glande pro fera stravit! hic alium vulnere exasperatus aper percussit, & mortuus est! Superi! quot subitæ mortis genera se mihi exhibent! quot annos vitæ non quivis horum promiserit sibi: & ecce! in ictu oculi finis fuit! .. Succurrite Coelites, quis hic occurrit?

§. II.

* Ubique se exhibent monumenta funerum.

§. II.

Exercitium Intellectus.

Emissarius CUR fugis homo? bonus, an malus es? *bonus* mori *Mortis.* non metuit, *malus* meretur. *Euseb.* O DEUS! latro occupat! quo me abscondam? *Emiss.* Siste fugam, stolide: fugiendo non effugies mortem. *Eus.* Moriendum, ais? horrenda denuntiatio! *Emiss.* Ignave! num ignoras, quod sis mortalis! an novum ego nuntium fero, & minas novas? *Statutum esse hominibus semel mori,* nescisti hactenus? *Eus.* Scivi, sed inducias, obsecro; inducias, ut animam comparem ad momentum, ex quo pendet æternitas. *Emiss.* Video te hominem *dubie fortis* esse: novum scelus! nam qua protervia inducias speret contumax servus, quem præmonuit Dominus, & paratum esse jussit: venturum se, qua hora non putaret? non gravissimis verbis præcepit tibi, ut vigiles *præcinctis lumbis, cum ardente lucerna in manu?* sic obedis? sed laudamodo, homo incurie, lauda misericordiam, & patientiam Numinis: *Nondum venit hora tua!* missus sum, ut docerem, non ut occiderem: (*) En! schola se aperit: ingredi! *Eus.* Heu! deficit animus in tam tristi spectaculo! *Emiss.* Non est periculum in hoc deliquio: foetente balsamo ex hac calvaria revocabo spiritum fugientem Vim habet pharmacum: jam redit color vultui, & membris vigor: plaudite! factus sum Medicus ex latrone, Jam vales: surge, & propius hanc Bibliothecam inspicere. *Eus.* Firmatus est animus ex horrore; docilem discipulum habes: quid velis, impera. *Emiss.* Lege! *Eus.* Vacuas frontes omnes calvariarum exhibent. *Emiss.* Audi. *Eus.* Muti Doctores sunt. *Emiss.* Volve! *Eus.* Ossa confusa creverunt in acervum, in quo nullus est ordo. *Emiss.* Ethæc confusio, hoc silentium, hæc

(*) Exhibet se Cæmeterium.

hæc calvities nisi te doceant, quid sit HOMO MORTUUS, homo es duri capitis, & nullius cerebri. Ecce! sic sævit mors! Eruit oculos, aures abscindit, truncat nares, linguam extrahit, corpus excoriat, & ab ipsis carnibus usque ad ossa denudat! *Non legis in calvis frontibus, quod scripsit Ecclesiastes c. 1. Vanitas vanitatum, & omnia vanitas!* Ecce! sic mors triumphat, *fluit terra in conspectu ejus, 1. Mach. 11. & omnis iniquitas oppulavit os suum, Psal. 106. obmutuit iactantia sanguinis, excussi sunt dentes garrulitati adulantium, & qui spiritu oris sui commovebant Orbem terrarum, tacent: in exiguum scrobem omnis pompa, omnis majestas concidit! non audis in hoc silentio, quod Isaïas clamat c. 40. Omnis caro fœnum, & omnis gloria ejus quasi flos agri!* Ecce! sic regnat mors, commiscet ima summis, & scepra ligonibus æquat: omnes omnibus rebus exspoliatur; una est funerei imperii regula: *Omnes aequales sunt! non discis in hac confusione, quod Psalmista monet, Psal. 61. Divitiæ si affluant, nolite cor apponere!* Age, quid sentis de hac doctrina? *Euf. O mors, bonum est judicium tuum!* Eccl. 41. corrigis errores omnes, quibus nostrum pervertitur. *Emiss.* Video te doctrinæ capacem esse, atque celeriter penetrasse in adyta veritatis, quam plerique alii inaccessiblei putant. *Euf.* Ah! accederent ad hanc scholam omnes celeriter, omnes proficerent. *Emiss.* Examen probabit te. Dic: nunquid hætenus, quidquid contradiceret fides, & Evangelium, putasti, magnam esse tuæ felicitatis partem positam in affluentia opum? nunquid jacebas in mœrore, cum pauca gratulabaris tibi, cum multa suppetent? nunquid, quos divites, eos beatos, quos pauperes, eosdem esse miseros existimabas? *Euf.* Erratum est! & hæc falsa opinio excitavit tot impias cupiditates, implevit cor avaritiæ fordibus, obduravit aures ad clamores creditorum, docuit artes emungendi subjectos, irritavit animum ad fraudes, ad perfidiam, ad violentias, ad perjuriam, ad usuras, ad injurias: erratum

tum est! aurum, quod mihi cumulo, mors mihi aufert, & alii rapient. Stultitia est, magni æstimare, quod perit. *Emiss.* Hic sapiens sensus est: ex hoc moderaberis *concupiscentiam oculorum*, & *habens alimenta, atque quibus tegaris, his contentus eris*, 1. Tim. 6. Sed perge: non hucusque grandes tituli, pompa vestium, servorum turba in amoribus fuit? non *ingrediebaris - pōmpatice*, Amos 6. & clientum caterva circumdatus dicebas, *te esse aliquem magnum*, Aët. 8. in eo ponens punctum honoris tui, quod minores te despiceres, premeres, conculcares? majoribus autem invideres, detraheres, insidiareris? *Euf.* Erratum est: de fastigio, in quod me ambitio extulit, mors præcipitat, & *calcabit super me quasi Rex, interitus*, Job. 18. Stultitia est, ambire, quod perit. *Emiss.* Optima sententia: sic coercebis *superbiam vitæ* intra limites, quos Dominus fixit, Luc. 22. *Qui major est in vobis, fiat sicut minor, & qui præcessor est, sicut ministrator.* Verum insuper de vitæ humanæ voluptatibus quæ tibi existimatio fuit? non in his momentum tuæ beatitudinis statuisti? quid temperantia? quid castitas? quid honestas loquuntur? amor libertatis, & otii, contemptus legum, & legislatoris, cupido latendi, & officii neglectio quid testantur? *Euf.* Erratum est! heu! extrema gaudii repente luctus occupat: *Vertetur in luctum cythara mea, & organum in vocem flentium*, Job. 30. Stultitia est, amare felicitatem, quæ perit. *Emiss.* Recte judicas: & hoc iudicium comprimet *concupiscentiam carnis*: erit *sub te appetitus ejus*, & *tu dominaberis illius*, Gen. 4. Hic ad istos pulveres, o mare furiosum humani cordis, *hic confringes tumentes fluctus tuos*, Job. 38. atque ad leges christianæ modestiæ te compones: hic, ubi se oculis hominis vivi objicit HOMO MORTUUS. *Euf.* Ah! HOMO MORTUUS, *ubi, quæso, est?* Job. 10. in pugillum pulveris *cadaver* concidit, cui *anima* tot annis servivit, anima spiritus coelo natus! anima Divinæ naturæ consors! anima capax æternæ felicitatis! hæc anima, postquam corpus deseruit, *ubi, quæso, est?* *Emiss.*

Emiff. Abiit in domum eternitatis suæ. *Euf.* Ah! redeat una saltem ex illis, quæ has calvarias animarunt, redeat, & narret mihi, quæ sit vitæ ratio inter Manes: quid ament, quid oderint, de quo gaudeant, vel tristentur, quid optent, aut horreant: unde ex præteritis solatium, unde luctum capiant, quid detestentur, quid probent? *Emiff.* Quanquam qui de rebus vitæ futuræ loquenti Moyfi, & Prophetis non credunt, neque si aliquis ex mortuis resurrexerit, credent, Luc. 16. tamen satisfiet voto, quod facis. Eja! ossa arida audite vocem Domini! Hæc dicit Dominus: Ego intro mittam in vos spiritum, & vivetis! *Euf.* Superi! factus est sonitus, & ecce commotio! *Emiff.* Jam accefferunt ossa ad ossa, unumquodque adjuncturam suam, Ezech. 37. Surgit, qui erat mortuus: veni, & vide, & audi! (*Skeleton animatum lamentatur ex lib. Sap. c. 5.*)

Heu! erravimus a via veritatis! . . . lassati sumus in via iniquitatis, & perditionis: & ambulavimus vias difficiles: viam autem Domini ignoravimus! . . .

Heu! Quid nobis profuit superbia, & divitiarum jactantia quid contulit nobis? . . . transierunt omnia illa tanquam umbra: nos autem in malignitate nostra consumpti sumus! . . .

Heu! Nos insensati, vitam Sanctorum æstimabamus insaniam, & finem illorum sine honore! . . . Ecce, jam computati sunt inter filios DEI! . . .

Heu! erravimus! erravimus! . . . Justitiæ lumen non luxit nobis, & Sol intelligentiæ non est ortus nobis! . . .

Emiff. Sufficit: recide in pulveres infelix Skeleton, donec novissima tuba revocet damnatum spiritum, & inutiles gemitus jubeat continuare æternum.

§. III.

Exercitium Voluntatis.

Eusebius. **O** Tristis cantilena! in lapidem obrigui præ horrore!

Emff. Recipe spiritum, & doctrinam, quam tradidit HOMOMORTUUS, ad praxin applica: Aridus terror, & steriles lacrimæ nihil profunt. *Euf.* Contemnere præsentia hominis mortui cadaver docuit: æstimare futura ab anima damnata didici. Mutandum est *judicium* mihi, mutandi *affectus* omnes: ERRAVI! Insensate! attigit supremum apicem stultitia tua: potuisti præsentia æternis præferre! *amore* boni temporanei, *timore* mali momentanei abreptus, & conturbatus potuisti peccare graviter, hoc est, potuisti sciens, volens conjicere te in periculum malæ mortis: potuisti exponere te horrendo discrimini, ne amitteres bona æterna, & æterna mala tibi accerferes! O insanissima infania! quis enim mercator adeo desipit, ut non urgente periculo sua malit omnia in mare projicere, quam se, quanquam tabulam videret a longe, in qua, si assequi posset, spes esset enatandi in littus? Parce DEus optime, maxime, parce amentia hominis te, ac bona tua adeo modice æstimantis! Tux patientiæ, o bonitas infinita, tuæ patientiæ debeo, quod nondum æternum sum miser. O sancti Coelites! pavet animus ad horrendam memoriam illius noctis, in qua ausus sum reus peccati gravis sine cura dormire! Sed quid de nocte dico? audite hoc bestia, & silvæ, & rupes! audite, & obstupescite temeritatem, qua nulla stultior cogitari potest. Non unam solum noctem, sed hebdomadas, sed menses, sed annos, bene conscius mihi de crimine læsæ Divinæ Maiestatis, incurius vixi, & minus anxius, quam si ligneum quendam Jovem armatum picto fulmine offendissem! Vixi, risi, jocus sum, lusi, saltavi, quasi mea nihil interesset, amicum te mihi, o DEus mi, an inimicum habere.

berem! Eheu! hiabat interea sub meis pedibus vorago stygia: crepitabat audaciæ vindex rogos: expediti carnifices stabant, expectantes tuæ justitiæ nutum, quo præcipitandi me licentiam dares: ego vero supra abyssum igneam tanquam ex filo suspensus, sustinente me misericordia tua, pendebam incurius! Prô! si dimisisses! si repentina morte abreptus essem! si correptus morbo incidissem in amentiam! si demum quocunque casu obissem sine poenitentia, aut sine vera: ubi essem? *Emiss.* Nempe in inferno habitares infelix! ibi urereris, ejulares, blasphemas adnumeratus miserrimis illis creaturis, quæ DEum suum æternum amare non poterunt, & quas DEus æternum amare non volet. Huc, huc te *oblivio mortis* projecisset. *Euf.* Memoria memor ero: remedium suggere. *Emiss.* Suadeo, ut quotidie ad lectum, tanquam ad lethum eas. *Euf.* Praxin doce. *Emiss.* Exerce statim. Ecce! hoc sepulchrum est, quod fodi tibi. *Euf.* Scrobs quinque pedum! hem! anima mea, in has angustias redigentur ampla desideria, & magnæ spes, quæ inflant te! *Emiss.* Sepulchri titulus scribetur in isto lapide; sed scriptura reliqua delebitur cito: solæ legentur diu hæc tristes voculæ: JACET! VIXIT! FUIT! *Euf.* O vanitas! *Emiss.* Jam huc descende!... decumbe!... in habitum morientis componete!... claude oculos!... dic: *Requiem æternam dona mihi, Domine, & lux perpetua luceat mihi!*... Sic jam decerne vivere, sicut vixisse optabis, cum hic jacebis.

§ IV.

Colloquium.

Eusebius in **R**equiem dona Domine, requiem *inquieto cordi*, & tumulto. tot bellis obnoxio, quot affectibus indomitis! memoria mortis domet!... Requiem æternam dona *anime!* huc aspirat. Vale Munde, deceptor Munde! cum omnibus pompis vale! non me decipies ultra. Fallacia perspicilia, per quæ in-

tuc-

tuebar te; & tua, memoria mortis fregit. Valet inanes tituli, vanæ opes, deliciæ diurnæ! æstimare æternas memoria mortis docuit. *Finis venit, venit finis, jam nunc finis super me!* vale caro mea! abibis in putredinem quidem: *Subter te sternetur tineæ, & operimentum tuum erunt vermes!* pulvis es, & in his sepulchri tenebris *in pulverem reverteris!* sed acquiesce Divino statuto: veniet dies, cum redibis in diem novam, & lux perpetua lucebit tibi.

§. V.

Reflexio.

Synesius. **H**Abeo, quod volebam: jam tempus est, ut revocem Eusebium meum *ab extasi*, in quam abripui. Eusebi! *Euf.* Domine, in manus tuas commendo spiritum meum, ah! spiritum, non victurum posthac secundum carnem, sed sicut decet vivere moriturum! *Syn.* Et resurrexturum. Eusebi! *Euf.* Notam vocem audio. Cur me turbas Synesi? nunquam ah! nunquam credidi, tam suave esse, meditari de morte. *Syn.* Gaudeo. At nunc quod meditatio docuit, oportet exequi. *Veni foras* mortuus, & sic vive, sicut viveres, si vere mortuus, a morte resurrexisses. Veni! reddo te tibi, & cubili tuo.* *Euf.* Tuus sum: quam scribis vitæ novæ regulam? *Syn.* Mortem lentam æque, ut repentinam time: sic vives sapienter. Cave, adulatores audias spe vitæ longæ te decipientes: isti, quos vides, sint Doctores tui *in rebus dubiis*, isti consiliarii *in angustiis*, isti duces *in periculis*. *Euf.* Audio. *O mors, booum est iudicium tuum!* sic vivam posthac, uti tu suaseris. *Syn.* Sic, ut nunquam dormire audas reus lethalis criminis. *Euf.* Sic, ut omni hora paratus sim mori. *Syn.* Ita, sic, ut non sit opus inducias petere. *Euf.*

Sic demum, ut mori juvenis non timeam, scilicet
nexus gaudeam.

Lll 3

Me-

* Mutatur Theatrum.

MEDITATIO II.

Alterum Timoris Argumentum, JUDICIUM.

ARGUMENTUM.

MOrtem sequitur JUDICIUM, alterum timoris argumentum, quia quam *certus processus*, tam *incerta sententia* est, cum damnentur non raro etiam, qui nihil mali conscii sibi esse videntur, qualis fuit *servus ille piger*, qui acceptum ab Hero *talentum defoderat*, propterea, quod *Matth. 25.* legimus, *ejectus in tenebras exteriores, ubi erit fletus, & stridor dentium.* Judicet hinc quisque de se, quam metuenda sint peccata *commissionis*, quando Judex DEUS sententia tam *terribili omissiones* condemnat. Hic Meditationis hujus scopus est.

Materia: Judicium post mortem.

1. Servi pigri citatio.

Puncta duo: 2. Condemnatio.

Fructus: Timor DEI Judicis.

Propositum: Fuga VITÆ OTIOSÆ, quippe multis peccatis obnoxia, propter horrorem molestiæ in executione officii, & usu talentorum.

Chorus Exhibet nimis securitatis periculum, & remedium, ex contemplatione Domini *scrutaturi Jerusalem in lucernis*, Sap. 1.

PER-

PERSONÆ.

*Syneſius, ſive Intellectus.**Eusebius, ſive Voluntas.**Dominus Evangelicus.**Hortulanus.**Servus piger.*

PROLOGUS.

Reflexio in Meditationem præteritam, & Præparatio ad præſentem.

*Fides. Ratio.**Ratio.*

Quid agis Ratio? nam ſingulari ſtudio
Intentam precibus, præter morem, invenio.

Fides.

Nempe, o Fides,
Terribile nuper dedisti ſpectaculum,
Divitem Evangelicum de futuris nihil anxium,
Et mox repente mortuum.
Ideo mali ſimilis terrore exanimis
Clamo ad Dominum:
Per mortem tuam, Domine,
A repentina morte libera me!

A R I A.

I.

Mori, Mori lex eſt dura,
Ad quam tota ſe natura
Concutit horrore:
Tamen nutui Divino
Pronum lubens cor inclino:
Uno pro favore

Sup-

Supplex adsum, Factor meus,
 Oro, ne me sine, DEus,
 Abripi repente:
 Jube mori lente!

2.

Lenta mors est bona mors:
 Nec, nisi stultus, perit
 Telo quem prævifo fors
 Irata tandem ferit.
 Rigido sed temere
 Audax coram Judice
 Sistis te repente:
 Præstat ire lente.

- Fides.* Non displicet oratio. Attamen si DEus te audiat,
 Si lento morbo conficiat,
 Dic, quæ tibi decreta est ad mortem præparatio?
Ratio. Matura, seria,
 Quam utique excipiet Mors dulcis, & placida.
Fides. Laudo: sed sunt, qui post mortem facilem
 Experiuntur difficillimum Judicem.
Ratio. Si vere poenitens compareo ad Judicium,
 Cur mihi Judicem non sperem propitium?
Fides. Hæc tua est fiducia: Sanctorum fuit alia:
 Respice! Inspice!

T R I O.

Job. David. Paulus.

Quid faciam?

Job. Trepidus omnia
 Vereor opera, *Job. 9.*

David. Tua quo Domine,
 Ibo a facie! *Pf. 130.*

Paulus. O terribilia
 DEI Judicia! *Rom. 11.*

Job.

Job.

Non aliter, ac *tumidi*
Minaces *fluctus* pelagi
Si decumano impete
Viderem in me ruere:
Sic palleo, sic rigeo,
O DEus mi, si cogito
Tua Judicia!

David.

In cælum si ascendero,
Si mare transvolavero,
Si mergo me in tartara,
Ubique horribilia
Se ingerunt spectacula:
Quo fugiam, ut fugiam
Tua Judicia!

Paulus.

Nil mali sibi conscius
In se quiescit animus:
Et tremo tamen pavidus,
Ne forte siam reprobus:
Nam Domine, quam alia
Sunt hominum, & alia
Tua Judicia!

Omnes tres.

Misericordia!

Misericordia!

Ratio. Heu novo me terres terrore!
Columnæ cœli contremiscunt,
Et cedri Libani concutuntur horrore Judicii!
Intelligo: tristissimi exhibitione spectaculi
Voluisti docere:
Quam anxiam ego curam debeam
Non solum de bona *forte*,
Sed etiam de bona vita habere,
Quin tamen vel sic DEum Judicem cessem timere.

Fides. Tangis punctum,
In quo hodierna se versat Meditatio,
Disce, quam dubium
Tuæ sit conscientiæ testimonium,
Nisi diu ante examinaveris sollicitè
AD DEI JUDICIUM.
Huc, huc applica tuæ vitæ dictamina:
Hinc, hinc rejice, vel approba.

A R I A.

1.

Est duplex conscientia,
 Est recta, est erronea:
 Certo itinere
 Ad portum utraque
 Se putat navigare:
 Sed illa stellam ducem
 Ad littus sequitur:
 Hæc fatuam ad lucem
 Latentibus
 In cautibus
 Allisa mergitur:
 Hoc punctum meditare.

2.

Qui navem prudens eligit,
 Non quærit, utrum *pica* sit:
 Firmam desiderat:
 Acum examinat:
 Conformat cursum Polo:
 Tum premit elementum,
 Et remos expedit,
 In vela vocat ventum:
 Vi verberum
 Vim fluctuum
 Securus subigit:
 Sic agi a te volo.

ME-

MEDITATIONIS II.

De Judicio

PUNCTUM I.

Servi pigri Citatio.

§. I.

*Preparatio Animorum. **

Synefius. **H**Æc hodiernæ Meditationis est area. *Euf.* Materix terribili locum tam jucundum designas? *Syn.* Opportunus est scopo: Hortus *Ecclesiam Christi* refert, Hortulanus *gratiam fidei*, varii fructus *varia bona opera*, quæ fides, si vivit, profert. Arbor hæc sterilis *servi pigri* imago est: cætera plana sunt. Tu animum ex novo argumento *ad novum timorem* dispone. Ingeminandi sunt iætus, ut clavus profunde figatur. *Euf.* Promptum adjussa habes. Salubres motus excitavit timor DEI, *vitæ ac mortis arbitri*: Timor DEI *Judicis* ciebit similes. Eja, irrue sancte Timor! occupa memoriam, intellectum, & voluntatem! posside cor! ossa concute! medullas penetra, confige! *confige Domine timore tuo carnes meas*, Psal. 118. ne per temerariam securitatem provocem iram tuam, iram, quæ agnum mihi in sævum leonem mutet! *Syn.* Preces auditas spera. Jam mentem parabolæ de talentis sic applica, velut si videres oculis, & personarum actionibus interesses. *Euf.* Facio.** *Syn.* En! prodit Piger.

M m m 2

§. II.

* Exhibetur hortus.

** Recedunt, & considerant a longe.

§. II.

Exercitium Memoriae.

Servus piger. **L**æta est Hortifacies, dives vinea: probabis tuam Domino, cum redierit, industriam satis. *Hortulanus.* Immo probata est. Quid enim potui horto, *quid debui facere vineæ meæ, & non feci ei?* Is. 5. tamen! *Piger.* Ingemis? *Hort.* Non meam vicem doleo, sed sortem herilis Filii, qui *formam servi* induens, labore assiduo hanc exercuit terram mecum, hoc uno fine, ut Regi Regum Patri suo delicias faceret. *Piger.* Vera memoras. Vidi adolescentem Regium *in laboribus a juventute sua*, Ps. 87. vidi intentum culturæ loci *in sudore vultus*, Gen. 3. portantem *pondus diei, & æstum*, Matth. 20. sine gemitu, sine tædio, invicta solertia. Vidi: atque sæpe miratus sum, scepro natum, ultro, nullaque adigente necessitate ita sterilibus se addixisse laboribus, velut si aliunde, ex quo viveret, non haberet. *Hort.* Dicis, quod res est. Sciebat, ita placere Patri, ut obedientiæ exemplo Filius præiret servis, & continuo servum inducit. Inde alius ei *cibus* non fuit, quam *facere voluntatem Patris*, Jo. 4. hoc uno alitur. *Euf.* Exemplum nobile! *Syn.* Optandum, ut omnes traheret! *Hort.* Attamen, tanta dignatio non fuit perfecte felix. Ibi ad gelidum Boream est arbor posita, quæ pro hortensibus silvestria poma tulit tam acerba, ut *dentes comedentium obstupefiant*, Ezech. 18. *Syn.* Talis est genius hominum non humanorum, qui nesciunt compati infirmitati errantium, austeri omnibus, præterquam sibi. *Hort.* Illic ad Austrum aliam reperi, cujus radicem ipsam venenatus serpens admordit: unde fructus, quos tulit, quam *pulchri sunt oculis, aspectuque delectabiles*, Gen. 3. tam certam degustantibus mortem inferunt. *Syn.* Hi mores sunt adulantium, & speciosa axiomata jactantium, quibus incautæ animæ inescantur ad mor-

mortem. *Hort.* Præterea passim in palmites incidi avulsos a vite sua, & arescentes. *Syn.* Scilicet homines aberrantes a Fide Christi cum contumacia. *Hort.* His talibus metuo iram Domini. Vides, cur ingemuerim? *Piger.* Intelligo, & tecum execror ingrata ligna. Sed latent hæc mala tamen, & absconduntur: una prostat oculis ficulnea hæc exucca, nuda, sterilis ad reliqui horti dedecus. *Syn.* En imago inutilis servi! *Piger.* Cur parcis ascizæ? *Succide illam! ut quid enim terram occupat!* Luc. 13. *Hort.* Heriliter loqueris; nam annus abhinc abiit, quo idem præcepit Herus. Excisa infelix arbor arsisset jam anno integro voracis flammæ æternum pabulum, nisi ego impetrassem inducias. *Domine:* dicebam ego, *dimitte illam & hoc anno, usquedum fodiam circa illam, & mittam stercora: & si quidem fecerit fructum, bene habet: parces ei! sin autem, in futurum succides eam.* Audivit preces Dominus, supplicium distulit, & ego laborem novum impendi ligno cum diligentia singulari. Sed! *Piger.* Operæ pretium, vis dicere, tuli nullum. Rideo! aut, non stulto labore consumi te putem, o bone, qui ex arido trunco spem frugis habes? repeto: *Excidatur, & in ignem mittatur!* Matth. 3. alium non habet usum. *Euf.* Ex ore suo judicabitur homo cæcus: hoc mente præcipio. *Hort.* Severus es Judex tu. Non expendisti, opinor, quam, & contra quem, sententiam tam acerbam dicas. *Ignis inextinguibilis* Matth. 1. Marc. 9. Luc. 3. Si nescis, decretus est miseræ, ignis, in quem si aliquando inciderit damnata arbor, *ibi erit,* Eccl. 11. æternum erit. *Piger.* Scio, neque tamen animum muto. *Excidatur!* aut cui igitur bono arbor nascitur? utique, vel ad frugem, vel ad ignem? Ergo, quæ non fert frugem, æquum est, ut ignem ferat. *Syn.* Nunquid ad hominem est hæc argumentatio? *Piger.* Integras silvas comburi vides propterea, quod ligna habeant, quæ ad alium non

profunt finem : cur te misereat unius arboris ? *Hort.* Nempe hæc manus sevit ingratam in solo pingui : hæc jubente herili Filio tenellam rigavit, & aluit ! hæc silvescentem sæpius putavit, ac coluit : frustrata tam diuturni laboris spes miraris, quod me affligat ? *Piger.* Irascere potius, unoque ictu frustratos tuos, frustratos herilis Filii labores vindica. *Hort.* Jam securis ad radicem posita est, Matth. 3. ut primum jusserit rediens Dominus, (quamquam cum gravi gemitu) feriam. *Piger.* Utinam hodie redeat, & inspiciat rationes conservorum : intelligeret, non in horto solum, sed etiam in familia esse, quod reprehendat. *Euf.* Zelo zelatur homo honorem Domini. *Syn.* Zelo pigris proprio, quo in aliis tolerant nihil, in se omnia. *Hort.* Quod crimen accendit bilem in iram sanctam ? *Piger.* Quot sint, qui longiore Heri mora abutuntur ad licentiam scelerum. Amice, quam tua suspiria nil profunt plantis, tam nihil emendat servos nequam dissimulatio Domini tam diuturna. Ense recidit putridum membrum prudens Medicus, ne per commiserentis indulgentiam totum corpus inficiatur. *Hort.* Quo raperis temerarie ? scilicet sapientiæ Dominitu scribas regulam ? *Piger.* Fateor : *pacem peccatorum videns*, Ps. 72. vix teneo linguam, quin erumpat in murmur. *Hort.* Non est pax impiis, Isa. 48. nesciunt diem & horam, qua rediturus est Herus : tam tremenda incertitudo omnem licentiam frænat. *Piger.* Omnem licentiam firmat. *Moram facit Dominus*, Matth. 24. inquirunt in corde suo, & ex hac spe VILLICUS dissipavit bona Domini intentus fraudibus, quibus lucratur Heri subditos, amicos efficiens sibi de *Alammona iniquitatis*, Luc. 16. OECONOMUS, mentiar, nisi decies mille talentorum debitum Heri nomine contraxit, Matth. 18. inde tot villæ sunt, inde splendor ædium, inde opulentia vestium in uxore, in liberis, in famulitio. Ipse PRÆPOSITUS NOSTRÆ DOMUI, qui Heri

nomen, cujus vices agis, debebat familiæ amabile reddere, servisque cæteris, ut officio fungantur, invigilare: incurius omnium *manducat*, & *bibit cum ebriosis*, Matth. 24. optimum quemque *ex conservis percutit*, ac male habet: soli parasiti, & ludiones in pretio sunt. *Hort.* Multa de aliis quereris, frater. *Syn.* Pigrorum hic est character. *Hort.* Melius forte respiceres te, an, cum venerit Dominus, inventurus sit vigilantem. (a) *Piger.* Rationes meæ semper compositæ sunt. Unicum talentum dedit Herus. *Syn.* Et nempe unicum officium. *Piger.* Quantum accepi, tantum reddam quacunque hora: quæ mihi sit causa metus? Trepident, qui duo, & quinque talenta commiserunt nummulariis cum periculo, ne una cum censibus, quod passim solet contingere, etiam Summæ capitalis jacturam faciant. Ego meum involvi sudario, & *terræ infodi*; Matth. 25. unde restitutio in promptu erit. Veniat, veniat Dominus: occurram gaudens! ah! utinam hodie veniat! (b)

§. IV.

Exercitium Intellectus.

Eusebius. **A**ut stulti, aut Sancti hæc exclamatio est. *Syn.* Immo de Sanctis vix quisquam sine timore gravi de judicio cogitavit. *Euf.* Igitur tu temeritatē, & stultitiæ condemnas securitatem pigri hominis? *Syn.* Dubitas? *Euf.* Atqui conscientia non condemnat, nam male conscius sibi non utique Judicii accelerationem optaret. *Syn.* Conscientia non condemnat: quæ conscientia? est enim aliā vera conscientia, quæ *solide rationi* innititur, alia erronea, quæ *in apparente* fulcitur: & *erronea* rursus alia *per culpam* est talis, alia *per pœnam*, atque neutra excusat peccantem, sed sola *tertia*, cujus

(a) Abit. (b) Abit.

cujus error vitari nulla diligentia potest. Quid dices modo? unde præsidium suæ socordiae servus piger accersat? *A ratione?* atqui ipse arborem inutilem ad ignem, & in arbore se ore suo damnavit. *Ab errore?* verum quam facile contingit, ut amplectamur errorem, tam rarus est error, qui a culpa nos eximat. Audi hanc doctrinam attente, Eusebi, ne quoque perniciofa securitas in exitium rapiat. *Euf.* Aurem utramque habes, quoniam argumentum tractas momenti gravissimi, & quod præcipua Judicii divini materia erit. *Syn.* Rem dicis. Nam quæ sententia expectanda sit illis, qui CONTRA CONSCIENIAM agunt, dubitari non potest: aperte impii, quid mustitabunt, si condemnentur? Sed qui operatus est JUXTA CONSCIENIAM, qui dicere potest: *putavi! necevi! non cogitavi!* de tali hæsitamus, unde reus inferni sit: & talium tamen cum plenus sit *locus tormentorum*, inter alias causas Judicii universalis hanc pono, ut circa istos publice justificetur DEUS in sermonibus suis, & vincat, cum judicaverit. *Euf.* Consentio tibi: & forte major sistetur tribunali supremo numerus Reorum *per ignorantiam*, & errorem, quam *per malitiam*. Sed tu memento, ut me per ordinem doceas. Dicebas: *facile formari dictamen erroneum*, sed *non facile excusare*: utrumque proba. *Syn.* Brevis & clarus ero, sic habe: *Lex DEI est regula agendorum*: admittis? *Euf.* Sana ratio cogit. *Servi sumus*: ergo quod Dominus prohibet, vetitum: quod permittit, licitum dici debet. *Syn.* Optime. Adde alterum principium: *Regule usus, applicatio, & interpretatio fit a conscientia*: dubitas? *Euf.* Minime. Nam *conscientiæ nomine aliud nihil intelligimus*, quam *judicium intellectus, quo legem DEI universalem applicamus*, & interpretamur *pro actu singulari*, atque e. g. ex præcepto: *Non furtum facies*, colligimus, prohiberi usuram, & contractum, in quo lucramur *ex solo mutui titulo*, obnoxium esse

esse gravi crimini : plana doctrina est. *Syn.* Pono tertium postulatum. Interpretatio, & applicatio Divinæ Legis, si-
ve, quod idem est, *dictamen conscientiæ* efficitur *proxime*
ab intellectu, sed ita, ut *directive*, quod ajunt, influat aut
Fides, aut *Ratio*, aut *Passio*: hæ enim causæ determinant intel-
lectum, ut hoc potius, quam aliud judicet, exhibendo nempe
præmissas, ex quibus ille formet conclusionem. *Euf.* Neque
hic habeo, quod opponam, experientia convincente. *Syn.* Se-
quitur: dictamen, quod ex Fide, & prudente Ratione nascitur,
legitimum partum esse, quem DEus reprobare non possit, etsi
error irreplisset. *Euf.* Æquitas hunc sensum requirit; neque
enim fieri potest, ut Divinæ Sapientiæ sapiens operatio displi-
ceat. *Syn.* Superest, ut de dictamine, quod *Passio* dictat, aga-
mus. Quæro, num putes, rara esse hujus generis dictamina? *Euf.*
Quo adigis? video plerosque hominum in plerisque actioni-
bus *Passioni* obsequi potius, quam *Rationi*, & *Fidei*. *Syn.* Jam
teneo te; evidens enim conclusio est: *Quam facile homines*
Passionibus cedunt, tam facile erronea gignuntur dictamina: par-
tus enim sequitur ventrem, & cœca affectio lumen veritatis
non amat; neque quidquam facilius accidit, quam ut subito
credas esse licitum, quod tibi licere cupis. Atque ex hoc ve-
nenato fonte fluxit errorum torrens, qui tot monstrosis opi-
nionibus Orbem terrarum inundavit. Non excamus extra fi-
nes parabolæ, quam meditamur. Piger, quem vidimus tan-
to zelo vitia conservorum incusare, cur de suo otio angitur
nihil? *Euf.* Intellego: nempe de aliis ex ratione, & fide judicat,
de se ex affectu. *Syn.* Ita est, *horror laboris* hoc dictamen pepe-
rit: *nihil mali facio!* *Euf.* Dictamen stolidum, quippe quo etiam
se truncus hic tueri contra incendium posset, si loqueretur.
Syn. Et crede mihi, servi cæteri similes sententias spuent, si
audiantur. Quære ex Villico, quare debitoribus Heri partem
debiti invito Domino dimiserit? dicet: *coegit necessitas*, ut ha-
beam

beam amicos, qui recipiant me, si Dominus auferat villicationem! ecce *dictamen timoris*, ne fodere necesse sit, aut mendicare. Quære ab Oeconomo, cur tantum pecuniæ ex cassâ Heri abstulerit, sciens, nunquam solvendo se parem fore? dicet: *etiam alii faciunt!* ecce *dictamen cupiditatis*. Quære ex tertio, cur in perpetuis epulis, ludis, luxu, & licentia vitam agat, nihil anxius de gemitibus creditorum, & egentium, in quorum oppressionem tanta profusio pecuniarum redundat? respondebit: *Sic modo vivitur! nolo esse singularis! Ratio status exigit!* ecce *dictamen libidinis*, superbix, vanitatis. Denique *cupiditas*, & *timor*, Eusebi, duo cardines sunt, in quibus, quoties voles, observabis omnem machinam verti, a qua erronea dictamina efficiuntur: atque ita non *affectus* ordinantur ad conscientix legem, sed *conscientia* conformatur affectibus. *Euf.* Misera perturbatio, de qua, nisi fallor, illud est Psalmistæ suspirium: *Omnes declinaverunt, corrupti sunt, & abominabiles facti sunt*, Psalm. 13. Sed quod tam facile formatur dictamen, an non facilem etiam criminum excusationem suppeditat Reo ad Divinum tribunal citato? *Syn.* Minime gentium. *Cauteriatas* 1. Tim. 4. Conscientias tales Apostolus vocat, & scilicet stigmate damnationis tanquam cauterio jam nunc perustas, quoniam per ejusmodi dictamina auferitur omnis horror peccati: atque, quod sequitur, peccatur sine modo, sine fræno, sine spe correctionis, quia peccatum conscientia non solum tranquille tolerat, sed excusat, neque solum excusat, sed defendit; parum dixi: in ipso Deicidio cum Judæis exultat. *Euf.* Atqui *bona fides*, inquit, egi, quod egi: *bona fides* a peccato absolvit. *Syn.* Belle, belle: si homini redenda sit ratio, forte locum excusatio haberet: verum DEUS, qui medullas pervidet, non ita decipitur humanis fraudulentiss, ut satisfieri quæstionibus per verborum elegantiam, & phalaras possit. Ea nunc vivimus tempora, ut in negotio salutis rarissime consistere simul queant *gravis error*, & *bona fides*. *Ars dubi-*

dubitandi, quid liceat, aut non liceat, vix alteri, præter Barbaros, deest: *facultas inquirendi* ubique est obvia: si *resolutio* nulla sit, qua statuis actionem suspendere, donec de honestate sis certus: aut si temere resolveris agere, quod placet libertati, non a fide, vel ratione, sed a *passione* dato, acceptatoque consilio: qua fronte diceris *bona fide* errasse? non errorem esse voluntarium, esse crassum, esse affectatum, Synterefis, quæ est lumen cordi a natura infusum, deteget ad pudorem? *Euf.* Habeo, quod opponam. Scelus: quo scelestius nullum Orbis vidit, moriens DEi Filius *ab ignorantia* excusavit: *dimitte illis* (sic Patri supplicabat) *dimitte: non enim sciunt, quid faciunt*, Luc. 23. Quid ad tantum exemplum respondes? *Syn.* Quid in hoc exemplo præsidii pro culpabili ignorantia vides? *dimitte!* clamabat Iesus: quid? culpam, an poenam dimitti postulavit? utrumvis dicas, intelligis, in ignorantia, cui veniam orat, *crimen* supponi supplicio dignum: atque ita excusationem petitam esse non a *defensione*, tanquam innocenter errassent, sed *ab extenuatione*, quod peccaverint minus, quam si DEi Filium citra ullam dubitationem certissime cognitum crucifixissent. Immo ipse Christus pro maiore nimirum, & minore cognitionis claritate nunquid scelus Pilati conferens cum scelere Sacerdotum aperte dixit: *Qui me tradidit tibi, majus peccatum habet*, Jo. 29. quasi diceret: *non tu nihil, sed alter plus peccavit*. Habes igitur, unde gratuleris tibi de grandi commodo, quod ignorantia præstat; poteris Judici DEo dicere: *Domine, ego quidem peccator sum, non tamen omnium maximus: dantur, qui majus peccatum habent*. *Euf.* Triste solatium erit. *Syn.* Quanquam nec istud erit, saltem in eo, qui per ignorantiam, quam *affectatam* vocamus, peccat. Attende mihi: audies, quod profit notasse sedulo. In omni peccato duo sunt, apparens bonum, & verum malum. *Apparens bonum* voco honorem, voco lucrum, voco voluptatem, quam ex peccato speras: *verum malum*

appello offensam DEi, iram Omnipotentis, iacturam Divinæ gratiæ, periculum interitus sempiterni. Adverte jam, quid agat peccans: *Malum cognitum ut malum*, amplecti voluntas non potest: igitur quid fit? uterque oculus averfus ab intuitu *veri mali*, studiose figitur in *apparente bono*: ita cæco impetu ruimus in abyssum. Age: an ista cæcitas miserationem mereatur? quid videtur? Siles?

§- IV.

Exercitium Voluntatis.

Eusebius. **A** Ttonitus me stupor habet: fulsit repente de cœlo lex ab hoc discursu, ut videam, quod nunquam vidi, grande malum *securitatis*. Cum Rege pœnitente clamare juvat: *Ignorantias meas ne memineris, Domine!* Ps. 24. Ah! si ignorantia a peccato absolveret, aliter utique orasset David, & *memoriam* sibi, non *oblivionem* eius postulasset. Quo abiisti, serve piger, habeo, quæ tibi loquar! adesto! adesto miser! in exitium, nisi celeriter redis, ruis cæce! redi! Audies a me malum grave, quod imminet incurio sui! O si cognovisses in hac arbore imaginem tui, cogitasses utique, ut faceres *fructus dignos pœnitentiæ*, Luc. 3. *Syn.* Frustra clamas. Tranquillus est homo: fugit eos, qui pacem animi alloquio turbarent suo! *Euf.* O tristis pax! o infelix tranquillitas! Pax sit *hominibus bonæ voluntatis*! sed non sit pax impiis, ah! non sit pax hominibus *malæ voluntatis*! summum malum est pax in peccato, & cum peccato! *Syn.* Assentior: neque quidquam timendum est pejus, quam mala conscientia, ac simul tranquilla; nam *cause* tam funestæ quietis sunt perversio cordis, mentis excæcatio, & subtractio gratiæ. *Perversum cor amat*, quod olim *oderat*, atque sensim in usu scelerum sic abjecit naturæ pudorem, ut dici ei possit: *Frons mœretricis facta est*

est tibi: noluisse erubescere, Jer. 3. nempe de præteritis, addamus: noluisse cogitare de statu animæ præsentis: noluisse timere de incerta sententia *Judicii futuri*, ne scilicet in prosecutione licentiæ aliqua perturbatio se moveret. Et quid hoc est aliud, quam destinata voluntate, certoque proposito hære in scelere? *Euf.* Putas igitur, *desperasse* hujusmodi de salute, aut cum spe, etiam *desiderium* cœli abjecisse? *Syn.* Raro aliquis tantum insanit. Sed plerique contumacem voluntatem stulta præsumptione fulciunt, *a sola fide*, aut certe *a facili poenitentia* cœlum spondentes sibi. *Euf.* Horrenda *cæcitas*, cui illuminandæ non sufficiunt tot radii, quot sunt exempla Sanctorum, cum metu & tremore operantium salutem suam, quot Scripturæ testimonia arctam esse in cœlum viam perpetuo docentis, quot minæ ipsius Domini totus hortantis ad vigilantiam, ad poenitentiam, ad bona opera. *Syn.* Quid facias? tandem cæcitas, quæ diu culpa fuit, quod supra monui, *pœna fit*. Cum *filet DEus*, o Eusebi! cum nullis amplius conscientiæ terroribus pacem impii turbat, cum connivere videtur, & dormire, crede mihi, non dormit: proxime abest homo ab implenda mensura scelerum. Interea jam *gladius*, *gladius exacutus est*, & *limatus*, Ez. 9. repente excitabitur Dominus, *tanquam potens crapulatus a vino*, Pl. 78. & in ira furoris sui percutiet incurium propter temeritatem 2. Reg. 6. ut in ferali pace plaudens sibi, ac *tenens tympanum*, & *cytharam*, & *gaudens ad sonitum organi*, & *ducens in bonis dies suos*, in puncto ad inferna descendat. Job. 21. *Euf.* Cessa tabescit animus ab horrore, pacem peccatorum videns! ab hac horrenda pace libera me Domine! O funestum spectaculum: peccator *quietus*, peccator *pacatus*, peccator *ridens*! Eheu! desertus a Medico miser, & proximus morti es! *curavimus Babylonem*, dixit, & *non est sanata: derelinquamus eam*! Jer. 5. Moriatur ex lethargo, quem amavit!

Syn. Dixit : * Nam ecce repente arefcit fons Divini Sanguinis ! *Euf.* Superi ! video trifte omen ! afcia inutili trunco imminet, quem rivi falutis rigare ceffant. *Hortulanus.* Ita ! Afcia inutili trunco imminet. *Piger.* Jufta fententia eft : fine, ut ego exequar. *Euf.* * Stolidè ! & tu necdum intelligis, cujus imago hæc arbor fit ? *Hort.* Serve piger ! non hunc ate laborem Dominus poftulavit : *negotiarì* juftus es, & lucrum ex tuo talento ferre : feres ? *Piger.* Tu hanc curam relinque mihi, fcio, quod Herus fit *homo durus, qui metit, ubi non feminavit, & congregat, ubi non fparsit* : propterea *timens abii, & abfcondi talentum ejus in terra* : cum venerit, *babebit, quod fuum eft*, Matth. 25. *Syn.* Bellum dictamen fane. *Hort.* Ex ore tuo judicaberis, *serve nequam ! fciebas, quod metat berus, ubi non feminat, & congreget, ubi non fpargit, debebas ergo committere pecuniam ejus nummulariis, ut veniens reciperet, quod fuum eft, cum ufura.* *Piger.* Quid ad te ? te confultore nihil eft opus mihi : fufficio folus. *Hort.* Confultorem non audifti, accufatorem habebis. Vides hanc clepfydram ? exiguum arenæ fupereft : cum defluerit, fifteris judicio. *Piger.* Tu citas ? *Hort.* Ex imperio Heri. *Piger.* Nihil metuo. *Hort.* Præjudicium de fententia ab hujus ligni excidio cape. *Piger.* Obtundis aures inani ftrepitu : *nihil mali feci, nihil metuo.* *Hort.* Abi ! in tuum interitum abis. Tu (*ad Mortem adftantem cum afcia loquitur*) accinge te operi : *excidatur inutilis arbor, & in ignem mittatur !* Matth. 3. Adeffe fpectaculo, quotquot fancti timoris ferius amor habet. *Syn.* Ad fimus. *Euf.* Serius amor fancti timoris jubet.

CHO-

* Repente fiftuntur fontes facri.

CHORUS.

Noxiæ securitatis periculum, & remedium ostenditur in consideratione Domini, *scrutantis Jerusalem in lucernis*. Sap. 1.

*Anima. Gratia illuminans. Gratia excitans.**

Anima. IO! hinc ferit oculos splendor argenteus!
Lumen admoveo!... Io! est, est meus denarius.

Beata sum! *ἔγεννα! ἔγεννα!*

Eja amicæ! vicinæ! concurrite,
Et congratulamini felici animæ!

Grat. ill. Quam vocem lætantis audio?

Anima. Non me capio præ gaudio.

Grat. ex. Quæ causa est tam festivi clamoris?

Anima. Drachma est immensi valoris.

Perdidi: reperi: Jo! congratulamini!

Grat. ill. Cum gaudente gaudeo.

Dic vero: *cujus est imago hæc, & superscriptio?* Matth. 22.

Anima. Est Principis, est mei Principis,
Quem toto corde diligo!

A R I A.

I.

O drachma, drachma chara,
Quam sine te amara,
Quam tristis fuit vita!
Tu symbolum es gratiæ,
Qua foveor a Principe:

Et

* Exhibetur parabola de drachma, *Luc. 15.*

Et heu me!
 Amisi te!
 O jactura infinita!
 Sed jo! rursum reperi:
 Congratulamini!

2.

Ut institor lugeret,
 Abreptam si videret
 A rabie undarum
 Submergi navem laceram,
 Fortunæ omnis tabulam,
 Et omnes res,
 Et omnes spes,
 Et quidquid habet charum:
 Sic ego mœrens gemui,
 Sic flens infremui!

Grat. ill. Gratulor! Sed cui tanti est *drachma*
 Signata imagine Principis,
 Quomodo æquo animo sustines jacturam *talenti*,
 Quod emptum est tibi pretio Divini sanguinis?
Grat. ex. Immo quinque talenta sunt: Sanguinis nobilitas,
 Opum abundantia, corporis sanitas,
 Sagacitas ingenii, & donum sanctæ Fidei.
 Hæc quinque talenta
 Conciliandæ, & augendæ apud DEum gratiæ
 Tam opportuna instrumenta
 Dic: ubi expendisti?

Grat. ill. Immo dic: ubi perdidisti?

Grat. ex. Aut forsitan jacturam ne quidem sensisti?

DUETTO.

O vilis, vecors, fatua
 Infelix anima!

Pro

Pro drachmulæ splendore
Humano pro favore

Turbaris erga plurima

Et es sollicita! Luc. 10.

Ut apud DEum nobilis

Et meliore loco sis,

Nec angeris,

Nec appetis :

O stolidi socordia,

Nec digna venia !

Anima. Quæ estis vos, ut hæc in faciem ?

De internis præter DEum, Judicem revercor neminem.

Grat. ill. Nos Dei sumus nuntia, missæ,

Ut de jactura gratiæ admoneamus te.

Anima. De jactura gratiæ ?

Igitur de quo me arguitis crimine ?

Grat. ex. Nescis? ... eecur ergo non festinas evertere

Cubile conscientia?

Ubi sunt, quas tibi DEus accendit, lucernæ plurimæ,

Ad quarum lumen

Angulos omnes posses excutere.

Grat. ill. Scilicet extinxisti, aut sub modio posuisti,

Ne debeas te videre, & horrere.

Grat. ex. Sed frustra es : veniet dies,

Qua, quod omittis pro te,

Faciet Dominus contra te.

Grat. ill. Tu, anima improvida, tu es *Hierosolyma*,

Quam in suis male quiescentem tenebris *

Repente in lucernis DEus scrutabitur. *Soph. 1.*

Grat. ex. Et o Superi ! quale lumen,

Quam novum? quam grande,

Quam terribile dabitur!

Exhibitio Solymæ illuminatæ.

O o o

Duetto

Grat. ex. Misericors, & miserator Dominus
Sortes tuas in tuis posuit manibus.

Anima. De profundis clamo ad te Domine; *Miserere!*

Grat. ill. Miserebitur, nihil dubita,
Miserebitur Dominus,
Si feceris, quod monet Apostolus, 1. Cor. 11.
Nota bene consilium; si semetipsam dijudicaveris,
Non utique judicaberis!

Anima. Siccine? ... & quæ a me feretur in causa propria,
Putas, quod approbanda sit a DEO sententia?

Grat. ex. Habes verbum Domini: clementiam æstima.

Anima. Ergo docete me contra me processum instruere.

Grat. ex. Accusa te!

Anima. Mea culpa! mea maxima culpa!

Grat. ex. Sententiam pronuntia!

Anima. Rea sum mortis perpetuæ!

Grat. ex. Exequere!

Anima. Quo urges me?

Grat. ill. Quotidie tibi morere!

Pro morte perpetua, quam merebaris,

Si mortem quotidianam ultro suscipias,

Viram æternam lucraris.

Anima. Et quid est mori quotidie?

Grat. ill. Est vim naturæ facere,

Et congenitam ad bonum acediam vincendo occidere.

A R I A.

Eja! irascere! surge in te,

Subtrahe carni, quod amat;

DEus offensus: peccasti in me,

Vindica! vindica! clamat.

0 0 0 2

Nulla

A R I A.

O facilis conditio,
Cum Judex dicit Reo:

Teipsum judica!

Si judicas, non judico:

Nec pœnas dabis DEO

Peccatrix anima!

Tua damnatio

Est tua absolutio:

O facilis conditio.

2.

Væ animæ audaci,
Quæ ore contumaci

Dixerit: a Judice

Malo judicari

Quam judicare me:

Væ tali animæ!

PUNCTUM II.

Servi pigri Condemnatio.

§. I.

Exercitium Memoria.

* *Synesius.* **H**O habet infelix arbor: noluit servire Heri clementiæ, jam servire justitiæ debet. *Euf.* Vidi cum horrore: concisa est, disposita in pyræ formam: ignem scilicet maledictum lignum alet, quem adversus rebelles servos Domini accendit

O o o 3

det

* Excisa arbor in rögum disposita cremando pigro exhibetur.

det furor. *Syn.* Dic, adversus inutiles etiam. Propterea huc ad forum Poli adduxi te. *Euf.* Ut processum nempe contra servum pigrum videam, & sententiam audiam? *Syn.* Videbis, & contremisces : audies, & tinnient ambæ aures tuæ, quoniam ex condemnatione Pigri intelliges, quid metuendum sit servo nequam : concludes, quibus suppliciis plectendus sit gratiarum *abusus*, quando solus *non usus* reus judicatur gehennæ ignis ; fateberis, pluribus infernis dignos esse, qui plura talenta defodiunt, cum, qui abscondit *unicum*, segnitiam luere poena æterna debeat. *Euf.* Heu! tantum malum *in acedia* sit, quæ inter peccata cœtera fere nomen minimi habet! *in acedia*, cujus horror etiam inter probos exiguus viget! *in acedia*, ex qua vix de centenis unus grave salutis periculum formidat sibi? *Syn.* Studiose in hoc potius argumento, quam in alio, hodie versari te volui : studiose non iniqui villici, non debitoris decem millium talentorum, non servi ebriosi, ac percussoris, sed pigri, & inutilis judicium exhibeo, ut discas timere *nimiam securitatem*, neque *cui libet paci* conscientiæ fidas. Quod malacia maris imperito nauclero, hoc fallax conscientiæ tranquillitas animæ incuriæ præfagit tempestatem, procellas, naufragium. *Euf.* Igitur jactari me semper, & agitari mœstis timoribus tanquam totidem ventis optas? *Syn.* Prudens timor non jactat in cautes navem, sed plenis currentem velis instar faventis Zephyri celerius in portum invehit. *Beatus homo, qui semper est pavidus*, Prov. 28. nimirum, quia securitas negligentiam, timor vigilantiam parit. Igitur collige animum in attentionem. Morieris, Eusebi! in ipso animæ exitu de corpore, radium cogita, qui instar fulguris coruscans in ictu oculi acta vitæ universæ, merita tua, & Judicis sententiam per processum summarium ante oculos ponet : atque hoc est, quod *Judicium particulare* vocamus : & hoc, quod in imagine adumbratum nunc intueberis. Urge te, ut servi pigri, cujus vitam & mores imitari

imitari fortasse non horruisti, miserabile exitium perhorrescas. Habebis, unde erudiaris *ab accusatore* primum, deinde *ab accusatione*: nam accusabit *gratia*, time gratiam! & accusabit *de omissionibus*, time omissiones! Dixi argumentum, cui applicanda est mens. Et ecce! forum se aperit: fige oculos! aures intende! Primi post mortem momenti hæc est imago. *Euf.* Attentus sum.

§. II.

Exercitium Intellectus.

Dominus. GRAVIA mala memoras de mea domo. *Servus piger.* Pauca dixi: sed neque, si multa dicerem, satis dicerem, quam indignis omnino modis passim dissipentur talenta tua, quæ in quosdam profudisti, Domine, liberaliter nimis. Quibus integra viget *valetudo corporis*, abutuntur ad libidinem: luxuriose vivendo prodigunt, coronantes se rosis, & in omnem scelerum licentiam sine fræno effusi. Cæcos fecisses: nunquam defixis in objecto periculoso, aut imagine obscena petulanter oculis, beneficio fuissent abusi ad scelus: muti si essent, nunquam blasphemis vocibus cælum ferociter impetivissent: si ægri decumberent, supplices haberes tibi, videres poenitentes, modestos, confitentes, non esse æquum, mortales paria DEO sentire: nunc sani vix de te cogitant, nisi cum sacrosanctum nomen ad confirmanda mendacia sua, & fallaces contractus sacrilega temeritate profanant. Hunc usum habet robur membrorum, & integritas virium. *Abundantia opum*, quæ aliud talentum est, cui bono servit? ad fastum, ad luxum, ad crepundia: raro idem dives, & innocens reperitur. In usu *potestatis*, & eminentiæ non dissimilis abusus imperat: quilibet bono suo imperare se credit, non bono publico. *Ingenii* etiam, & doctrinæ præsidium passim adhibetur in Justitiæ, & charitatis ruinam, efficiendam per fraudes, consummandam per vim. Denique
sancta

sancta Fides quam gravem ubique labem est passa! sæpe famulari hypocrisis debet: sæpescolorum risui prostat, & cachinnis provocacibus: a plerisque mutatur, & mutilatur, uti ratio temporis videtur exposcere. *Dom.* Sic bona mea in pretio sunt vilissimis hominibus? *Piger.* Ego Here, gratias ago tibi, quod unum solum talentum meæ curæ commiseris. Væ mihi! si dives, si doctus, si potens essem: metuò, ne his, aut similibus donis similiter, ut alii solent, in tuam injuriam fuisset abusus. Unum unicum talentum *sanctæ Fidei* tradidisti: hoc servavi fideliter, & integrum restituo: *jota unum, aut unus apex* non perivit ex illa. *Dom.* Reddis, quod meum est: jam *lucrum* quoque ex meo numera. *Piger.* Lucrum sperabas, Here? Austerus es, nisi me laudas etiam, & proemias pro cura, qua talentum tuum abscondi, ne mihi fures raperent. *Dom.* Atqui negotiari debebas, ut reciperem cum usura; hoc præceperam tibi: non meministi? *Piger.* Heu! negotiari? non poteram sane sine summæ capitalis periculo. *Dom.* Conservi tui, alter, qui duo, & alius, qui quinque talenta acceperant, negotiati sunt, & iste quinque, ille superlucratus est duo: potuerunt hi, cur tu non poteras? *Piger.* Domine! Domine, cessa, obsecro, me urgere: non dissipavi bona tua; integrum talentum recipis. *Dom.* Lucrum volo: præcepi: reus es inobedientiæ: quid excusas? *Piger.* Præceptum erat, quod mihi observare nullo modo possibile fuit. *Dom.* Non jam audisti! alii potuerunt, cur tu non poteras? aliud est *difficiliter posse*, aliud, *omnino non posse*, igitur *difficultatem* fugisti, *impossibilitatem* prætendis: reus es mortis! *Piger.* O cœlum! *Quid enim mali feci?* servum *fidelem* damnas? *Dom.* Damno servum malum, quia pigrum, quia inutilem. *Nihil mali feci?* stolide, ut quid igitur terram occupasti? vitam otiosam potuisti innocentem putare? *Piger.* Nequaquam Here, vitæ otium sectatus sum: sed fui in laboribus plurimis, in plagis supra modum. 2. Cor. 11. *Dom.* Nempe pro pane lucrando, pro aucupanda gloria, pro mercede ab homini-

hominibus, pro bono familiæ, pro te: sed *nonne & Ethnicij hoc faciunt?* Matth. 5. Quo signo, quo facinore te ab aliis distinguens Christianum fuisse probas? *Piger.* Credidi utique in DEUM verum, & in Filium ejus JESUM Christum! *Dom.* Hæc fides est donum meum: quod non abjeceris, proba! *Piger.* Professio probat, quam huc integram attuli, atque manu mea, & jurejurando firmatam. *Dom.* Manu, ais? ostende igitur fidem tuam *ex operibus*: opera, opera *lucrum* sunt, quod expectabam ex hoc talento: opera ut ostendas, & *vitam ex fide* volo. *Piger.* Vita ex fide, quid est, o Domine! *Dom.* Vah! nescis, homo inanis, quod *fides sine operibus mortua sit?* Jac. 2. An vixeris honeste *ad speciem tantum*, quod est *Politice* vivere? an in solis quibusdam *externis cæremoniis, & devotiunculis* substantiam solidæ virtutis posueris, quod est *Judaice* vivere? an mores composueris ad regulas *stolidæ superstitionis*, quod est *Ethnice* vivere? an ad leges naturalis prudentiæ *boni hominis*, & *boni civis* laudem affectasse satis habueris, quod est *Philosophice* vivere? an probus *videri* magis, quam *esse* laboraveris, quod est *Pharisaice* vivere? an vero ex fidei dictamine, *ad principia supernaturalia* actiones tuas formaveris? hoc quæro, cum quæro: an *vitam ex fide* vixeris, & *amen dico tibi, nisi abundaverit justitia tua plus, quam Ethnorum, plus quam Judæorum, plus quam Politicorum, plus quam Philosophorum, non intrabis in regnum cælorum,* Matth. 5. Quid? non tu ex impetu potius, ex opinione, ex usu, quam *ex fide* vixisti? carnis per singulas ætates: responde. Cum eras *adolescens*, Symbolum fidei impressisti *memorie*, ore recitasti, scio: sed mente, & *intellectu* vix obiter studuisti percipere, contentus tenere nucem, nihilque sollicitus, quomodo corticem frangeres, ut nucleum degustares. *Factus vir* intellectu quidem veritates æternas intimius perspicere poteras, sed neglexisti: immo erubuisti sæpius profiteri, quis esses: & de memoria exclusisti, ne ruminando excitata, quæ

in grano sinapis latet, vis ciendi salutare lacrymas molestiam tuo languori facefferet: ex fide sic defossa quid bonitæ vitæ accederet? videamus! *Piger.* Domine! *Dom.* Sile modo: nam *arguam te*, & tanquam in speculo *statuam te ante faciem tuam*, Pl. 49. *Piger.* Ah! ne in furore tuo! *Dom.* Tace, inquam! PUER, cum docebaris timere me Dominum vitæ ac mortis, ubique præsentem, atque vigilantem, debebas hac doctrina imbutus reverentiam exhibere mihi, & oculos meos magis, quam hominum revereri: sic ego *lucrum* ex talento tulissem amorem devotionis, modestiam in angulis, reverentiam in templis: nunc quid de usu fidei petulantia loquuntur, quibus innocentiam ætatis pessumdediti? *Piger.* Heu! delicta juventutis! *Dom.* Non tacebis? ADOLESCENS postea didicisti, quod ego sim Alpha, & Omega, ego Principium, & Finis tuus, ego, a quo omnis pendeat felicitas tua temporis æque, ac æternitatis: quodque adeo tu in hunc Mundum tanquam in magnam civitatem admissus sis non alio fine, quam ut esses subditus Mundi Domino, servitiumque, quod vellet, servires. Huic lumini, si paruisses, *lucrum* a talento redundasset in me alacris obedientia erga Præpositos tibi, amor laboris ad artes utiles statui, cui te destinaveram, æstimatio temporis totius vitæ pretiosissimi: tu vero in nugis perdidisti annos optimos, atque adeo bonarum artium experts, ineptusque ad seria, evertisti consilium vocationis tuæ. Quid? injuriam facio, si jam ego quoque rideam in interitu tuo? *Piger.* Obsecro! *Dom.* Nondum finivi. JUVENIS intellexisti, quantum debeas mihi: quantum providentiæ liberaliter te alenti, quantum potentiæ ex mille periculis eripienti, quantum misericordiæ juvenilibus stultitiis patienter conniventi, quantum sanguini, quo te redemeram, quantum bonitati, quæ beneficiis quotidianis te beabat in terris, & fideli servo æterna gaudia parabat in coelis. Hæc scientia debebat in te incendere amorem, ut cor unum, quod habes, & ego petebam, uni mihi sacrares: non æquum erat, hoc *lucrum* a meo talen-

talento expetere? amasti? Occupationes juventutis tuæ testantur de alacritate in famulatu Mundi, & carnis, atque de tædio, & languore in meo: sic amabas? *Piger*. Domine, apud te propitiatio est! *Dom.* Nihil audio. *ÆTAS VIRILIS* superest, in qua maturo utique judicio poteras expendere axiomata fidei, & quid intersit inter DEum & hominem, inter transeuntia, & æterna, inter terrena, & coelestia, tandem discernere. Si fecisses, recepissem ego pecuniam meam cum usura: lucrum fuisset *libertas* in consiliis, *fortitudo*, ac *sedulitas* in agendo, *constantia* in patientia: hi sunt fructus fidei, non defossæ in terra, sed ad censum elocatae. Tu vero quoties obmutuisti ignave, cum erat loquendum pro Religione, pro Justitia, pro Charitate? quoties trepidasti, aut ad speciem aliquid egisse contentus fugisti laborem, quem exigebat honor meus, salus proximi, officii ratio, boni publici causa? fugisti, quia timebas sanitati, quia nulla spes commodi allaciebat, quia fastidia se objecerunt, & difficultates primo impetu non facile superabiles? Quoties cum spem successus destituit, aut adversa ingruerent, abjecisti animum, & respiciens retro, manum ab aratro retraxisti? Equidem non fuisti *ut ceteri hominum*, raptor, adulter, injustus, Publicanus: sed nemo propterea innocens est, quod alii sint nocentiores: nec per hoc, quod accusaveris conservos tuos, excusavisti te: vixisti ut arbor, quæ etsi malos fructus non tulerit, tamen nec bonos tulit, quamque tu ipse condemnasti ad ignem: vixisti ut candela, quæ ardere non vult, ne consumatur: vixisti vitam inutilem *Christianus* nomine, *servus* tuus, non meus, homo superfluous, qui citius de Mundo exivit, quam attenderit, ad quem finem ingressus sit Mundum. Nunc loquere! præceperam tibi, quod reliquis: *Negotiamini, dum venio*, Luc. 11. violasti præceptum, & *offendens in uno, factus es omnium reus*, Jac. 2. ad hoc responde!

Exercitium Voluntatis.

Piger. **H**eu! nunc scio, quod ita sit, & quod non justificetur homo compositus. *DEo:* si voluerit contendere cum eo, non poterit respondere ei unum pro mille, Job. 9. Quid jam miser sum dicturus, quem Patronum rogaturus? *Dom.* Serum omne patrocinium est: responsum volo. *Piger.* Miserere Domine! *Dom.* Tempus miserendi præterit. *Piger.* Creatura sum tua! *Dom.* Nulli honori mihi! *Piger.* Imago tua! *Dom.* Per turpem acediam corrupta! *Piger.* Redemisti me! *Dom.* Quæ utilitas in sanguine meo. Psal. 29. Poenitet, tanto pretio emisse servum inutilem! *Piger.* Membrum fui Ecclesiæ tuæ! *Dom.* In fide mortua. *Piger.* Vitam honestam vixi! *Dom.* Sed non ex fide. *Piger.* Servi Rei publicæ! *Dom.* Sed non ex fide. *Piger.* Fideliter functus officiis fui ex beneplacito Principis! *Dom.* Sed non ex fide. *Piger.* Pacificus inter cives me habui! *Dom.* Et Ethnici faciunt. *Piger.* Omnibus charus fui! *Dom.* Recepisti mercedem tuam! Matth. 6. *Piger.* Comitas indolis, *Dom.* Nihil prodest. *Piger.* Facilitas, & urbanitas morum, *Dom.* Nihil prodest. *Piger.* Ingenii felicitas, & linguæ facundia, *Dom.* Nihil prodest. *Piger.* Fidelitas in promissis, liberalitas in donis, promptitudo in obsequiis fecerunt, ut omnibus in pretio essem! *Dom.* Nihil prodest. Alia sunt hominum, alia DEI Judicia: homo videt, quæ parent, formam, opes, vestes, titulos, artes, indolem, mores, dexteritatem, denique parerga hominis: Dominus autem intuetur cor, 1. Reg. 17: Cor est Fides operans: ergo omitte verba, ostende opera: lucrum ex talento volo, opera ex fide! Siles? ... ergo discede! *Piger.* Misericordia! *Dom.* Sero gemis: Ligatis manibus & pedibus, quibus non es usus ad vitam ex fide, ejicies in tenebras exteriores, discede a me!

non

non habebis partem mecum, qui noluisti laborare pro me !
Piger. Misericordia ! *Dom.* Discede a me Serve inutilis ! in
 ignem æternum ! *Piger.* Heu ! perji ! * *Dom.* Discede in ignem,
 in tenebras, ubi erit stetus de acedia, & stridor dentium propter
 desperationem.

§. IV.

Colloquium.

Eusebius. **D**omine, heu ! Domine, si *Piger* damnatur, ser-
 vus nequam quomodo salvus erit ? *Synesi*, quid
 mihi fiet ? *Syn.* *Ex fide* est vita tua ? *Euf.* Ah ! *ex impetu*, uti
 rapiēbat affectio, *ex opinione*, sine examine, vera an falsa sit, *ex*
usu, ad aliorum exemplum, & morem vixi. *Syn.* Atqui non
 ex impetu, non ex opinione, non ex usu, & more judicaberis,
 sed ex fide, *ex fide*. Intelligis jam, quam multi Christiani *videan-*
tur, quam pauci *sint* ? & quod sequitur, quam pauci salventur ?
O ! fides otiosa neque rarum, neque exiguum peccatum est. *Euf.*
 Sed rara, & exigua pœnitentia est de fide otiosa. Ego, o DEUS
 mi, quid denique tota vita feci *cælo dignum* ? si fidem interrogo, ni-
 hil est cælo dignum, nisi quod sit *propter DEum* : opera propter
 DEum *lucrum* sunt, quod ex talento fidei DEUS exigit. Ah ! er-
 rasti anima mea, errasti graviter, si putasti, quod *sola fides* sufficiat
 ad salutem. Confido in pretio sanguinis tui, o JESU, quippe sine
 quo opera mea pretium non haberent : sed quod de cælo descen-
 deris, ut solus faceres omnia, nos vero ab obligatione laborandi
 absolveres, non credo, non credo ! *Servi otiosi* tanti laboris indi-
 gna merces, tanti exempli fructus inanis forent : cassas nuces, telas
 aranearum, steriles arbores tuæ victoriæ spolia Patri obtulisses !
 Absit cogitatio tam absurda ! utinam abfuisse & actio ! Sed o
 Superi ! quid feci *cælo dignum* ! Quanquam quid angor de hoc ?
 interrogare debeo : quanta feci *inferno digna* ? proh ! *multiplicata*

P P P 3

* Sorbetur a terra.

sunt iniquitates mea super capillos capitis mei! Ps. 39. DEUS, optime, maxime DEUS, propitius esto peccatori dolenti toto corde, deprecanti toto animo! Sit mihi testis cœlum: vere delicta mea paveſco: multa ſunt, gravia ſunt, turpia ſunt! tandem ante te erubeſco, qui huc uſque tantum ante homines erubui! O juvet pudor ad ſalutem, ut, cum veneris judicare, nolis me condemnare! non peto, ut parcas nunc: Pater es! ecce in flagella paratus ſum! parce, cum eris Judex! ... Synefi, quid ſuades, ne incidam in manus DEI viventis?

§. V.

Reflexio.

Synefius. Projice te in manus DEI morientis! ecce iterum fluit ſanguis ſacer, qui ſervo pigro exaruit. * *Euf.* Læ-tum eſt omen. O qui latronem exaudiſti, mihi quoque ſpem dediſti! *Syn.* Sed cave; ne ſpes audacem faciat. *Unus* latro-num veniam obtinuit; ne deſperes, *ſolus*, ne præſumas. *Euf.* Non, non audacem facit ſpes, poenitentem de offenſo Domino erga alios tam ſevero, erga me tam patiente! *Syn.* Igitur non offendes amplius? *Euf.* Mori malim. *Syn.* Ergo fugere *accediam* debes, quæ vitiorum mater, & nutrix eſt. *Euf.* Detector. *Syn.* Vivere ex fide debes! *Euf.* Ex fide vivam. *Syn.* Ex fide vivere eſt, meros dies Dominicos vivere. Vivere dies mutabilis Lunæ, dies furentis Martis, dies mendacis Mercurii, dies ambitioſi Jovis, dies procacis Veneris, dieſignavi Saturni, eſt vivere vitam Gentilium: Chriſtianus omnem diem uni Domino ſacrat. *Euf.* Pereat dies, quam non ſacravi! *Syn.* Nulla peribit poſthac, ſi poſthac ex fide vivas. *Euf.* Praxin exhibe. *Syn.* AMBULA CORAM DEO: hoc fides imperat. Vides hunc oculum? ** ex media caligine proſpicit, & omnia videt. *Euf.* O aſpectus, qui

* Iterum fontes fluunt.

** Exhibetur Oculus DEI radians.

qui intimas medullas penetrat ! *Syn.* Oculo fidei hunc oculum ubique te intuentem semper intueri, semper cogita : *DEus me videt, DEus Dominus, & Judex meus!* hæc cogitatio pellet acediam : excitabit vigilantiam : incitabit curam, ne quid committas quod DEO displicet : ne quid omittas, quod exigit : ne deficias, cum instat periculum, cum urget tentatio, cum animus labat. *Euf.* *DEus me videt!* utilis, sancta, efficax cogitatio ! *Syn.* Væ, quem non movet ! tu metue tibi, nam veniet dies, cum isti amabiles radii in tricuspidēs ignes, & tela lethifera vertentur adversum te, si (quod tam multi faciunt) tu quoque, quæ de rigore Judicii fides prædicat, *experiri malueris, quam credere.* *Euf.* Credo, timco, cavebo.

MEDITATIO III.

Tertium Timoris Argumentum JACTURA COELI.

ARGUMENTUM.

HAud dubie MORS, & JUDICIUM fortia argumenta sunt, & efficacia ad excitandum in nobis TIMOREM DOMINI, si quis serio expendit, sive quod *vita presentis* omne bonum ex nutu supremi Domini, sive quod *vita futura* tota felicitas ex severi Judicis *incerta sententia* pendeat. Sed multo potentius urgebit affectum hominiæ Consideratio, in qua coelestis beatitudinis excitata cupiditas *timorem jactura*, cujus periculum homo pro sui status

status, & conditionis circumstantiis facillime subit, sic animo figet, ut statuamus, NEGOTIUM SALUTIS si non *unice* curare (quod est eorum, quos a sæculo avulsos ad Religionem DEUS vocavit) saltem quibuscunque negotiis aliis antehabere, & Apostolo obsequi sic scribenti 1. Cor. 3. *Fratres, tempus breve est: reliquum est, ut qui utuntur hoc Mundo, tanquam non utantur: præterit enim figura hujus Mundi, quod idem est, ac monere, ut, qui deserere sæculum in effectu non volunt, aut non possunt, deserant IN AFFECTU, quippe qui, nisi serio coerceatur, facile abstrahit a cura cœli, & extremo discrimini animam objicit.* Serviet huic fini historia, quam S. Augustinus lib. 8. Confess. c. 9. narrat. Treviris duo ex aula Theodosii M. primæ nobilitatis viri, & honore militari conspicui, ab Imperatore aucupio ardearum vacante digressi forte inciderunt in eremum, quam solitarii Asceræ incolebant, ibique vitam S. Antonii Eremitæ legerunt cum tanta animi commotione, ut continuo relictis rebus suis, & spebus omnibus, servire DEO SOLI decreverint, exemplum eadem die imitantibus utriusque Sponsis, suamque Virginitatem Christo Domino consecrantibus. Erit igitur præsentis Meditationis

Materia: Cura Cœli.

Puncta duo: 1. Curæ æquitas.
2. Curæ modus.

Fructus: Timor DEI REMUNERATORIS, qui non respicit personam hominum, sed merita.

Propositum: Fuga VITÆ PERICULOSÆ, qualis eorum est, qui in statu, vel officio multis peccati illiciti obnoxio versantur.

Chorus. Ostendit, ex vitæ melioris Spe, optabilem probis mortem esse.

PER-

PERSONÆ.

Paulus Asceta.

Nearchus

Fromondus

} *Aulici conversi*

Potittanus Aulicus probus.

Marinus

Leander

} *Aulici vani.*

Macarius, Pauli Discipulus.

PROLOGUS.

Reflexio in Meditationem præteritam, & Præparatio ad præsentem.

Fides. Ratio.

Ratio. **H**odie respiro ex formidine,
Qua nuper tremuit pectus!..
O lætus, o magnificus, o felix aspectus!

Exhibetur eodum
apertum cum
scala magnifica.

A R I A.

1.

Ah! quis me, quis beabit?
Quis mihi pennas dabit? Pl. 54.

Volabo,

In astra me levabo:

Cœli salvete!

Agri, campi, flumina,
Urbes, horti, nemora,
Valetē!

Q q q

2. Cum

2.

Cum opibus, quas cupio

Si comparo, quas video,

Rideo :

Omnia sordetis!

Palatia regalia

Sunt rustica mapalia :

Valete !

Non placetis.

Fides. Audio pia desideria :

Sed nempe desideria,

Quibus si cœlum emeretur,

Nemo excluderetur.

Ratio. Excludi cur timeam,

Quando biparentibus portis invitor ad gloriam ?

Fides. Non semper patebit hæc janua.

Dico tibi : veniet dies aliqua,

Qua multi querent intrare. & non poterunt, Luc. 13.

Dies iræ, dies illa, dies tribulationis, & angustiae,

Dies calamitatis, & miseriae,

Dies tenebrarum, & caliginis,

Dies nebulae, & turbinis,

Dies tubæ, & clangoris super civitates munitas! Soph. 1.

Magnus dies Domini, & terribilis valde! Joel. 2.

Dies, qua sol obscurabitur, & luna non dabit lumen,

Et eris in terris pressura Gentium,

Præ confusione sonitus maris, & fluxuum. Luc. 21.

Dies, per quem cœli ardentes solventur,

Et elementa ignis ardore tabescent! 2. Petri 3.

Tunc multi ab Oriente, & Occidente venient,

Et recumbent cum Abraham, Isaac, & Jacob

In Regno cœlorum, .

Fili

Filii autem regni ejicientur
 In tenebras exteriores. Matth. 8.
 Tunc, cum intraveris Paterfamilias, & clauserit ostium,
 Multi incipient FORIS stare. & pulsare ostium,
 Dicentes: Aperi Domine! . . .
 Et respondens dicit illis: Nescio vos, unde sitis: Luc. 13.
 Discedite! . . . Matth. 25.
 Et ibunt bi in supplicium æternum,
 Justi autem in vitam æternam. Ibidem.

A R I A.

1.

Tunc, infelix, te spectante,
 Te in vanum lamentante,
 In ipso cœli aditu,
 Nutrita a te tamdiu
 Emoriatur spes:
 Et tu, si foris es,
 (O rabies horroris!)
 Æternum eris foris.

2.

Ibi fures, fremes, flebis,
 Labra tibi commordebis:
 Et ex vi cruciatuum
 De fortunata Coelitum,
 Qua gaudent, requie,
 Eviscerabis te,
 Æternum heu! foris
 Indignans, quod sis foris.

Ratio. Dici extremæ calamitatem,
 Et jacturæ, si cœlo excludar, gravitatem
 Utique intelligo, sed mihi non metuo.

Q q q 2

Tua

Tua enim hæc est nuper facta promissio :
Si temetipsam judicaveris ,
Non utique judicaberis , 1. Cor. 11.
 Judicavi me, damnavi me, sententiam exequor,
 Et quotidie mihi morior :

Fides. Quid exigis amplius , ut sim secura?
 Ut nunquam, nunquam sis *sine cura.*
 Laudo, quod facis :

Sed, ne *cum Phariseo* tibi nimium placeas,
 Et DEO displiceas, semper cogita,
 Quod non coronentur *principia* ,
 Sed : *Qui perseveraverit usque in finem ,*
Hic salvus erit, Matth. 10.

Jam, quid dicis de te? perseverabis?...
 Dic: perseverabis?...

Ratio. Eheu! nescio!
 Horrore pilos surrigit hæc cogitatio.

Fides. Bene est : *in hoc hodie te firma timore*: perseverabis ,
 Si, ne perseveres, nunquam timere cessabis.

D U E T T O.

Ratio. O horrida necessitas,
 Semper timere, ne reprobus sis!

Fides. O noxia securitas,
 Vane censere, quod salvus jam sis!

Amba. Duo sunt in agro :

Fides. Unus assumetur,

Ratio. Alter relinquetur,

Et nescio, quis!

Fides. Si times, jam scis:

Ratio. Ah! timor angit me!

Fides. Et angor salvat te!

ME-

MEDITATIONIS III.

De Cura Cœli

PUNCTUM I.

Æquitas hujus Curæ,

SCENA I.

Paulus. Macarius.

Paulus senior **M**lites, ais, irruerunt in cellam? qui sunt?
Eremita. quid volunt? *Macarius Eremita juvenis.*
 Te volunt, mi Pater: & ego missus ab ipsis sum, ut te requirerem. Sed nihil metue: sunt viri altioris ordinis, & pacifici homines. *Paulus.* Pauperes, mi Macari, non habent, quod a militibus timeant: quid enim auferent nihil habenti? *Macarius.* Ab his, neque si dives essem, timerem aliquid. Ipsi enim divites sunt: splendent auro, & argento: corpus purpura, & byssus ornat, crista caput: latus defendit gladius multis adamantibus nitens. *Paul.* Tibi hæc species placet, ut video. Nunquid tu etiam cuperes miles esse? *Mac.* A puero animus pruriit in Heroum facinora. Utinam sit ætas major: hodie cum istis militatum abirem. *Paul.* Nosti me, fili mi: non te teneo. Unum, si quid meus in te meretur amor, unum obsecro: *Sine consilio nihil facias, & post factum non pœnitebit,* Eccl. 32. Qua via, ex quo statu Divinæ Providentiæ nutus te velit in cœlum ducere, deliberandum est prudenter, si statutum feliciter velis. Cœlo excidit, fili mi, cœlo excidit, qui statum, aut officium eligit, in quo salutis *impedimenta* graviora se ingerunt, quam ut superandis speres suffectura esse *media*, quæ suppeditantur: & excidere cœlo

infinita jactura est! *Mac.* Ego te pro Patre veneror. Scio, amari me: absit, ut velim, quod improbas tu. Quod dixi, impetus mentis fuit, non decretum. *Paul.* Gaudeo, sincerum videre: quin & impetus animi generosi laudo. Cresce in magnas spes! modo non spes magnas confundas cum vanis, cum inanibus, cum noxiis. Sed age, ubi sunt, quos ais? *Mac.* Duo per eremum deambulant: duo intrarunt cellam, & legunt, ut tempus fallant. *Paul.* Quem librum legunt? *Mac.* Qui casu jacebat in mensula, & vitam magni Antonii habet. *Paul.* Placet: i, duos qui ambulant, huc reduc ad me: ego ad istos ingredior. *Mac.* Requiro, quo jerint. *Paul.* Hem! animum juvenilem! sperabam Sanctum educari a me: jam scilicet miles erit Macarius meus: O inutilis labor! .. Quanquam quid gemo? juvenilis impetus fuit: non erit miles. Aut, si erit, num ideo frustra laboravi, ut, quæ profunt ad salutem, docerem? non puto. Disponat de Macario DEUS, ut lubet: si DEO serviat, felix est, & ego obtinui finem curæ, quam habeo. Miles, qui licentiæ non laxat fröenum, qui fidem servat Principi, & ex fide, atque propter jurisjurandi religionem labores, ac pericula militiæ sustinet, *hoc fine*, ut placeat DEO, cui omnis virtus placet, facile meritum gloria in oculis Numinis etiam rigidissimum Ascetam superat. Sed nimirum paucos numeramus, qui ejusmodi sunt. Sit, o sit inter paucos Macarius meus, DEUS mi, si quidem vis, ut miles sit. Sed eo ad hospites. Absorpti sunt in sacra lectione: juvat auscultare, quid fiat.

SCENA II.

Nearchus.

Fromondus.

Nearchus. **H**Em! quid iterum lego?... *Qua erat animi generositate Antonius, nimis abjectum putabat esse servitium cumulandis vacare divitiis, mentemque ad contemplationem rerum cæle-*

cælestiam a DEO formatam in pulveres, & lutum deprimere. Amice! quam fuit Viri sancti sensus diversus a nostro! Erat Antonius nobilis, erat dives, ut nos: putabat tamen animi esse parum generosi ad curam divitiarum abjicere se, ac terræ affigere: nos contra putamus, nihil posse contingere turpius nostræ stirpi, & sanguini, quam si pauperes DEum pauperem sequeremur. Quis errat? *Fromondus Aulicus.* Quisque in suo sensu abundat. *Nearch.* Experior. Sed quæro, quis sensus sit vero conformior? Age, *Fromonde*, audiam, quid putes: quis errat, nos, an Antonius? *From.* Quæ supra nos, nihil ad nos. *Nearch.* Immo hæc maxime. Cælum, Amice, est supra nos: quid? nihil ad nos, ut illuc tendamus? *From.* Et spero venire etiam per hanc viam, quam ambulo. Memento, quid legeris paullo ante: *Si vis perfectus esse, vade, vende omnia, & da pauperibus*, Matth. 19. Nota: *Si vis perfectus esse*, dicebat Dominus, non: *si vis salvus esse*. Itaque facere, quod fecit Antonius, cum hæc verba audivit legi, consilium est, non præceptum. *Nearch.* Assentior: consilium est, non præceptum. Sed hoc interrogo, num turpe sit nobis hoc consilium *sequi*? Antonius putabat, turpe sibi esse, *non sequi*: si nos putamus contrarium, responde, quæso, quis errat? *From.* Video te calefcere. Quid turbas animum disputatione inutili? Antonium ad hoc genus vitæ vocavit DEus, nos non vocavit. *Nearch.* Non hoc jam ago: sed si vocaret DEus, num turpe esset vocantem audire? hoc quæro. *From.* Frustra urges; nec enim dubitare fas est, quin gratiam DEus homini faciat, si suadet, quæ via ire in cælum debeat: & obedire consilio DEI, qui turpe diceret, blasphemaret. Omitte igitur me laceffere talibus quæstiunculis. *Nearch.* Metuis fortasse, ne audias vocem similem? *From.* Cessa! redeundum ad socios est. *Nearch.* Non possum modo. Suavissimo vinculo me tenet hic liber sibi: Legamus plura. *From.* Quid prodest? admiranda legemus magis, quam imitanda. *Nearch.* Hæc vox est militis? nihil est animo gene-
roso

roso difficile. Quod alius potuit, hoc ego non possim? eadem est naturæ conditio, idem robur gratiæ: si quid deest, animus deest, & quod desit, pudet! Pergam legere, ut crescat pudor, & animus cum pudore. *From.* Quis animus? abjicere militiam cogitas? aulam deferere? *Nearch.* Parum absum. *From.* Ridiculus es, qui tam subito. *Nearch.* Ridiculus? num vides Antonium? audiit: *Vade, vende, sequere me!* & subito abiit, vendidit, secutus est Christum. Euge! audes ridere? *From.* Convictus erat de sua vocatione. *Nearch.* Convictus & mihi est intellectus: voluntas trepidat. *From.* Intellectus convictus est? qua ratione? *Nearch.* Eadem, qua victus Antonius. Ad contemplationem rerum coelestium formata est mens: ut quid igitur terram occupat? nimis abjicio me, nimis me depri-
mo, si tam nobilem spiritum terrestribus curis involvo. Hæc animo veritas illuxit clarissime: pergo legere, donec lumen in meridiem crescat. *From.* Æstuas desideriis magnis, ut illi angoribus solent, qui ignes fatuos pro spectris horrent; repente disparebit hæc lux, & cum luce calor. *Nearche,* sinamus alios perfecta sectari: feramus, ut sancti sint: *Nobis sufficiat præcepta servare,* &, si salvi erimus, contenti simus. *Nearch.* Proh miserum frigus! nam ignis nunquam dicit: *sufficit!* Amice, parce, si paullum commotior videar: non loqueris digna viro, minus milite, minime nobili. *Simus contenti, si salvi erimus! sinamus alios perfecta sectari!* o vox ignava! Hei! quid sibi vult plumatus pileus? quid aurum togæ? quid gemma annuli? quid gladii fulgor? sinamus alios sic incedere: nos contenti simus, si pannus rusticus corpus tegat, & defendat a frigore. Nempe non decet Nobilem vestitus de plebe: at frigere animo, nudum virtutis esse, in male facta veste gratiæ pannosum incedere, & vix plus tectum, quam opus est, ut honeste inter Christianos compareas, hoc sufficit, hoc Nobilem decet. Superi! quæ est hæc Nobilitas nostra? dum in terra sumus, quis nobilium auditur di-
ce-

cere : sinamus alios in aula principatum tenere, sinamus florere gratia, promoveri ad honores, affluere opibus, potentia crescere sinamus : nobis sufficiat, si simus ultimi, si nos Princeps non oderit, si toleret saltem. Nemo ita : alius omnino est sermo, alii gemitus, & suspiria. Promoti sumus, inquit, eja ! surgamus altius ! divites sumus : augeamus opes ! amat nos Imperator ! laboremus, ut amet ardentius, ut neminem præ nobis amet ! Quid ? falsa memoro ? ... Nunc cum de COELO colloquimur, tu dicis mihi : *Sinamus alios perfecta sectari : nos contenti simus, si salvi erimus.* Sic amicus es mihi ? vale ! me urget spiritus, ut plura legam : melior Consiliarius hic erit liber. *From.* Amice, insolitis agi te motibus video, non turbabo. . . . Quamquam turbasti me tu, ut vix me ipse capiam. Fastidio turget petus ; fordent res omnes meæ, & omnes spes ; nam vere quid profunt cætera, si cœlo excidam ? *æquum est*, ut hæc prima sit cura mihi, hic unus timor.

S C E N A III.

Fromondus. Paulus.

Paulus. S Alve hospes nobilis, quem nostra non terruit egestas, quo minus subire velles tugurium miserum, & hortum pauperem. *From.* Lubuit. Tu loci es incola, nisi fallor ? & potes ? *Paul.* Intellego : interrogas ex Mundi sensu. Assueti palatiis, conviviis, theatris, venationibus, ludis, quid in solitudine, nisi miseras, vident ? verum nemo *ex sensu alieno* est miser, sed *ex suo*. Ego autem, si *beatus* non sum (quoniam in hac vita *beatitudo vera* non datur) saltem certum esse existimo, quod inter miseros sim minimum miser. *From.* Philosophari te video : & tu scito, te Philosopho colloqui. *Paul.* Gaudeo : nam multo felicius asceticæ veritates Sapienti se exhibent, quam de trivio homini. *From.* Igitur rationem sententiæ redde : dixisti, in hac

R r r

vita

vita beatum esse *neminem posse* : atqui experientia docet, appetitum beatitudinis cuivis homini vehementissimum esse : quid? *appetitum ad impossibile* a natura datum esse mihi, vis, ut credam? *Paul.* Eja! habeo auditorem, qui pervidere, quæ dicam, possit: sine, ut paullo altius ordiar discursum gravem. *From.* Avidus sum: sed solide age, paralogismis non falles. *Paul.* Absit, ut velim: DEo servio, & ut alii DEo servire velint, ardentèr desidero. Huic desiderio quando nihil est, quod opportunus famuletur, quam genuina *vera*, & *apparentis* beatitudinis idea, securum te esse cupio de mea sinceritate. *From.* Et ego te de mea attentione. *Paul.* Igitur hoc primum nota: Tria constituit loca Creator DEus incolenda hominibus pro vario statu, cœlum, terram, inferos. *From.* A fide doceor. *Paul.* In cœlo omne gaudium habitat, nullus moeror ingreditur: *Infernus* omnis miseriæ centrum est, nec rima solatio patet: *In terra* lætitiæ luctum occupat, luctus lætitiæ: læta tristibus commiscuntur, & nemo est aut perpetuo felix, aut perpetuo miser: succedit continua vicissitudine nox diei, autumnus hyems. *From.* Certa loqueris, & quæ nemo prudens in dubium revocet. *Paul.* Infero: stultum esse laborem hominum *beatitudini in terris* inhiantium: sequuntur umbram, amplexantur somnia, adhærent phantasmati, chimæram amant. *From.* Viæ, & loci conditio loquuntur idem: ineptus essem, si contradicerem. Attamen appetitus urget: *vellem beatus esse*; naturæ Auctor quod velit, ut chimæram desiderem, non potest credi. *Paul.* Propterea, quam appetis, beatitudinem, non esse hujus vitæ, sed *futuræ*, sapienter concludas: atque adeo atrociter decipi, qui *ex bonis presentibus* se sperant felices fore. Ah! ista bona casus dissipat, corrumpunt curæ, morbi pessumdant, denique mors cum vita tollit, sæpe minime opinantem prosternens: vera felicitas bonum est *patriæ*, non bonum *viæ*: in via *vicissitudo* habitat, *stabilitas* in termino sedem fixit. *From.* Pleno lumine infundit se oculis
hæc

hæc speculatio: *Beatitudo vera in hac vita non datur!* non habeo, quod opponam. *Paulus.* At habebis, si voles, conclusiones plures quam unam, per quas speculatio deducetur ad praxin. *From.* Occurrunt. Prima est: *Ergo appetitus beatitudinis, animæ a natura infusus, unice figatur in bonis cœlestibus!* *Paul.* Figatur, quia sola cœlestia beatum faciunt. *From.* Altera: *Ergo Sapientis est, cavere sollicito, ne, quam appetit, felicitas eripiatur!* *Paul.* Optime: quoniam qui vult finem, necesse est, ut etiam velit media. Addo tertiam: *Ergo sapienter agit, qui pro se eligit vitæ genus, in quo pericula salutis aut nulla, aut rara sunt: media vero abunde suppetunt.* *From.* Adverto: nunc eris Cicero pro tua domo. *Paul.* Ero: sed te obsecro, Domine, ne mihi credas quidquam, nisi de quo convicero. *From.* Confidenter. *Paul.* Bona causa triumphat: sic habe. Commode omne genus hominum in tres status, sive conditiones distinguas: aliqui *serviunt* hominibus, aliqui *imperant*, alii *neque serviunt, neque imperant*, viventes uni DEO, & sibi. *Qui serviunt hominibus*, aut volentes serviunt, aut inviti: *si inviti*, tristissimam vitam vivunt: & tristitia, quot scelerum parens sit, nemo nescit. *Si volentes*, studium *placendi* Domino, timorque *displacendi* quot flagitiis januam aperit? Adde, quod *ex servis* hominum alii *nimis parum* se occupent, atque otio marceant, quod vitium omnem spiritum Christianismi extinguit. Alii *nimis multis* onerentur negotiis, quæ opprimunt animum, sic, ut tanquam Ægyptiaco mancipatu constrictus tempus non reperiat, quo ad cœlum se elevet. Inter hæc pericula versatur, qui servit. Non pauciora *imperantem* circumstant. *Per gradus* in solum ascenditur: sedet in supremo, qui imperat, ut a subiectis omnibus videatur, & omnes videat: a nemine erubescat videri, neminem intueri contemnat: regulam morum se subditis faciat. *Conopæum* admonet illum de protectione, quam suis contra miseras debet: tradita illi a DEO, & hominibus Respublica fuit, sed nempe in sinum, ut foveatur. *Coronam* crux ornat in apice posita,

quia prima Regibus cura esse debet puritas Religionis, & splendor : præcipuum decus perit, si crucem auferas. *Sceptrum* rotundum & breve datur, signum potestatis restrictæ, ac moderatæ, ne in Imperio nihil, nisi Imperium cogitet, aut credat, non se datum esse subditis, ut regat, sed subditos sibi, ut emungat. In tantis officii obligationibus miramur, cum legimus: *Potentes potenter tormenta passuros*, & *judicium durissimum bis*, qui præfunt fore, Sap. 6. *From.* Superest, ut tertium genus hominum, nempe qui nec serviunt hominibus, nec imperant, inter securissimos cœli ponas. *Paul.* Consequenter decernis: atque ego propterea, cum hanc solitudinem elegi, judico, quod *optimam partem* elegerim, quippe nullis jam obnoxius animæ periculis, quibus vel *subditi*, vel *Domini* objiciuntur, sed *communibus* tantum, a quibus exemptus est nemo. Eja! non demonstravi, quam vel ex hoc solo titulo inter miseros sim *minimum miser*? *From.* Vicisti: vidi enim, quam sit in aula æque ac in militia uti imperantium, ita obedientium conditio mille implicata *affectionibus*, trahentibus in ruinam. Sed, quid agas? non possumus omnes erum eligere, & asceticæ vitæ vacare. *Paul.* Neque hoc ago, sed hoc tantum, ut intelligas, hospes, gratiam a DEo fieri illis, quos ad hanc vitam vocat, quoniam *pericula Salutis* maximæ sunt hujus vitæ miseræ, a quibus qui liber est, utique habet, cur cantet quotidie: *Te DEum laudamus!* Deinde ut tu, qui, quod ex habitu conjicio, & *servis*, & *imperas* aliis, *utriusque status* discrimina serio pensitans, caute incedas, ne a via cœli deflectas: hæc una te angat cura, ah! una angat, quoniam jactura cœli jactura est omnis boni. *From.* Pater, intelligo, vera te loqui: nec tamen animus in sententiam abit, ut velit, quod probat. *Paul.* Nihil istud vel miror, vel moror. Sæculo addictus mutare *judicium* citius potest, quam *voluntatem*: gratia DEi vocantis est opus, ut vincula rumpantur, quæ tenent. *From.* Gratiam DEus aliquibus offert, cur non omnibus? *Paul.* Quia gra-

gratia est. Vocantur aliqui, ut *salvi* fiant, non salvandi, nisi obediant : vocantur alii, ut *perfecti* fiant, subituri salutis periculum, nisi fiant : plerique non vocantur, quia gratiæ *singulares* nulli debentur, *communes* sufficiunt omnibus. Cæterum Domine, tuæ quæstiunculæ aliquam animi inquietudinem loquuntur mihi : non licet originem scire ? forte mederi possem. *From.* Socios video, videri nolo : indulge cellam. *Paul.* Tua est. Avertam homines.

S C E N A IV.

Paulus. Potitianus. Macarius. Marinus. Leander.

Potitianus. Hic est, quem ajebas, tuus in spiritu Pater ? *Mac.* Hic ipse, qui voluit, ut hospites ad se invitarem. *Marin.* Age, strenue causam tuam : Patronos habes. *Leand.* Salvere te jubeo, vir beate. *Paul.* Deridere nimirum hoc titulo meam pauperiem vultis ; fero, lubens, modo ridicula DEO non sit. *Potit.* Falleris. Veneramur serio virum nobilem, quem te decebat discipulus tuus, qui quia te non alio apud nos nomine, quam beati Patris compellavit, quid potuimus, nisi eadem formula te salutare ? *Paul.* Appellatis non invitum. Nam vere, a quo tempore aulam deferui, beatus sum : certe miser esse cessavi. *Leand.* Ita necesse est loqui te, ne videaris consilii poenitens. Nisi timeres levitatis infamiam viro nobili cumprimis turpem, forte quanquam jam proximus senio, mutares cum proposito habitum. *Paul.* Absit, ut lunæ me comparem, quæ reproborum est symbolum. Potius nisi hoc vitæ genus jam abhinc viginti annis suscepissem, susciperem hodie ; neque enim, nisi expertus novit, quam suave sit DEO SOLI servire. *Marin.* Aliter tuus iste, quem vocas, filius loquitur, qui parum tua videtur gustasse solatia. Ecce non reddis participem ? *Paul.* Macari, malene tibi fuit, dum vivis mecum ? taces ? Superi!

turbas animi in vultu lego. Domini, vestes, gladii, plumæ vestræ hanc tempestatem concitarunt; nolite decipi: redibit quies juveni, cum abieritis. *Macar.* Immo liceat mihi per te, mi Pater, abire simul: totus in arma prurio. *Paul.* Tam repente? *Marin.* Nimirum oppressos a disciplina igniculos suscitavit aspectus militum: & suffocati per Psalteria, per flagra, per jejunia, per legumina, per istam tunicam heroici spiritus revixerunt. *Leand.* Natus ex patre milite Macarius (immo primævo nomine Constantinus hic) miles ut sit, destinatus est a natura: num repugnare te decet? *Paul.* Video, me esse proditum. Domini, rem habete. Macarius est filius mei fratris, qui in bello contra Tyrannum Eugenium in acie pugnans cecidit, cum iste annum ætatis decimum ageret; Mater obierat ante. Misertuit pupilli me: timui, ne timere DEum, & Domino servire, qui solus est Dominus, negligentius doceretur: suscepi ergo tutoris curam, & Patris officium: num egi male? *Leand.* Melius filius militis educatus fuisset a milite. *Paul.* Prima debuit cura esse, ut Christianum formarem. Nunc in eligendo vitæ genere sui est juris: prudenti electioni non me opponerem, si parens essem: sed dirigi debet juvenis, non trahi. *Potit.* Sua, quod apparet, indoles trahit juvenem: sine, ut Imperatori sistam. Merita Patris, & frons, oculi, vultus adolescentis militarem ferociam spirans spem gratiæ faciunt. *Paul.* Mora consilium dabit, & oratio ad DEum: impetus repentinæ affectionis bonum non suadet. *Leand.* Prudens es. Interea juvat nos omnem tuam videre beatitudinem, & alteram eremi partem perambulare: comitem Constantinum concedis? *Paul.* Adhuc Macarius est: eat. Ubique occurret Macari, unde ambitionis levitatem condemnes. Occurrent flosculinitida veste supra Salomonem superbi: sed quamdiu? sic perit pompa sæculi. Occurrent arbores amœna specie se in altum tolles, sed fructu vacuæ: hi sunt labores Sæculi. Occurrent fontes, aquarum argentum trahentes cum grandi strepitu; sed præter-

terlabuntur: hæc sunt ludibria sæculi. Coelum solum bona æterna habet. *Leand* Nimis tu seria juveni loqueris: nos aliter exponemus. *Potit*. Ite, ego redibo ad socios: in cella conveniemus, cum revertendum in urbem erit. *Marin*. Conveniemus: tu nos præcede.

S C E N A V.

Paulus. Potitianus. Fromondus. Nearchus.

Potitianus. Quid agunt apud te focii? miror, trahere moram posse tam diuturnam: quo tenes hamo?

Paul. Unus assumetur, alter relinquetur! horrenda sententia! quid? si de te dicta sit, miserrime Macari! heu! attonitus pavor palpitans pectus quatit. *Potit*. Ereptus est homo sibi, Pater! *Paul*. Ah! in aula aliorum otium, aliorum negotia timeo: in militia a vino, a Venere, & ab ira metuo Macario meo plus, quam a Marte: & in aulam tamen, ad militiam ibis Macari? Averte hoc malum, JEsu, neque nobilem animam tuo redemptam sanguine immitte in hæc discrimina! *Potit*. Non immerito gemit: vix enim in re majus discrimen est, quam inter voces, militia, & malitia. Pater! *Paul*. Ignosce hospes: periculum amati juvenis mentem in se abstraxit. De fociiis inquirebas, si memini: legunt! *Potit*. Quid legunt? *Paul*. Vitam magni Antonii legunt. *Potit*. Etiam legi, & præcipue admiratus sum atrociam, quæ subiit, certamina cum dæmonibus. *Paul*. Admiratus es: nihil præterea? utinam didiceris imitari! ah! si milites debellare diabolos vellent, sicut in homines sæviunt, quam multos Ecclesia Sanctos haberet, quos coleret. Verum hoc, opinor, intus agunt collegæ tui. Domini, adest, qui loqui cupit. *Nearch*. Potitiane, quid turbas nos? suaviter convivimus: ego hodie non redibo. *From*. Tecum maneo: licet hic pernoctare per te, Pater? *Paul*. Si pauperè coena, & dura prostrato storea

potest.

potestis contenti esse, offero totum me. *Nearch.* Nihil sollicitus sis: plura miles tolerat. *Paul.* Utinam pro animæ bono! *Potit.* Quid animo agitis? *Nearch.* Tota vita nunquam meminisse me diem tot solatiis uberem: sine diutius frui. *From.* Ego ab amico non divellar: statutum est hanc noctem sanctius agere, quam noctes alias. *Potit.* Bene: sit igitur felix nox: ego ad socios redeo, & in urbem cum sociis: ridebunt, & ridiculos vos aulæ facient. *Nearch.* Risum licebit ulcisci risu. *From.* Non licet nobis, quod lubet, agere? an servi sumus? hic pernoctare est volupe: quid ad vos? *Potit.* Fervori parce: non affectamus imperium: facite pro libertate. *Paul.* Ego interim coenam, & stratum apparo, nisi jubetis aliud! *Nearch.* Nunc equidem libentius soli sumus: fac, quod charitas jubet. *Potit.* Tecum eo: conturbatos homines video: quid est actum? *Paul.* Ipse præstolor eventum rei. *Potit.* Cæteris nuntio. *Paul.* Maneant mecum omnes: utiliter agemus noctem. *Potit.* Persuadebo, si possim. Quod me attinet, Pater, si liber ab uxore & liberis forem: convivere perpetuo mallet tibi, quam inter tot discrimina salutis versari. *DĒum timeo*, & coelum desidero: cætera flocci facio. *Paul.* Optimus timor est, utinam omnibus militibus familiaris. Domine, si manes hac nocte mecum, audiat a te Marcarius, quid aula sit, & quid militia. *Potit.* Placet humanitas: condico: idem si collegis suadeo? *Paul.* Rem bonam suades: pro viribus serviam. * Maeste animo Paule, occasionem offert DĒus, qua benefacere animis nobilibus possis.

SCENA VI.

Nearchus. *Fromondus.*

Nearchus. Quid tricamur diutius! amice, responde ad questionem unicam, & cesso urgere. Dic: omnibus laboribus, quibus domi, forisque defungimur, quid quarimus?

major-

* Discedunt.

majorne poteſt eſſe ſpes noſtro in palatio, quam ut amici Imperatoris ſimus? & ibi quid non fragile, plenumque periculis? & quamdiu iſtud erit? Amicus autem DEI, ſi voluero, ecce nunc ſio. *From.* Et quantillum eſt illud? quantum hoc? Imperator homo eſt ſimilis mei, mutabilis, qui hodie amat, cras odit, ſæpe immerentem; certe mortalis, cujus gratia forte nec per annum fruar, & quid deinde? immo ſi fruar, dum vivo, quid deinde? gratioſum fuiſſe Imperatori nihil æſtimat DEus, qui me judicabit. *Nearch.* Et ego tanti emam favorem putridum?

From. Recte, inquis, tanti: nam quantos debet ſubire labores miles, ſi vult placere? quanta ſuſcipere pericula fortunarum, ſanitatis, vitæ, animæ, adeo? nam ſi Princeps jubet, quod vetat DEus, quotuſque eſt noſtrum, qui palam auſit DEum Principi præhabere? *Nearch.* Et quid deinde? nempe Principis favor tuebitur coram DEo? *Form.* O vaniſſimam vanitatem! Favor Principis nec in hac, nec in altera vita poteſt beatum facere, DEI gratia facit in utraque: & delibero, quid decernam?

Nearch. Ajunt: poſſum eſſe amicus DEI, quin ceſſem eſſe amicus Principis. *From.* Poſſum: ſed quanto cum periculo inter tot pericula peccatorum, inter tot incitamenta libidinum, in tanta vitæ licentia, in tanto luxu, inter tot exempla ſclerum, cum præſidiis tam exiguis? *Nearche!* forte moriens horulæ unius inducias petam, ut peccata expiem: & ecce Theodoſius, quamcunque ſit potens, quamcunque me amet, ne tantillam quidem gratiam poteſt præſtare, ut una hora ſerius mori liceat! Et tamen ex hac gratia quam multis æternitas pendet? o miſeram ſervitutem! *Nearch.* Veriſſima loqueris: ſed ſi conſuſio ſequitur, quam nos inferimus, migrandum erit in ſolitudinem omnibus: vacua ſtabunt palatia: Principes deſerentur. *From.* Quid agendum ſit aliis, ipſi viderint, quiſque proſpiciat ſibi. *Nearch.* Mihi hoc jam decretum eſt: *Serviam Domino, qui mori non poteſt: adhuc de modo delibero.*

S C E N A VII.

*Fromondus. Nearchus. Leander. Marinus. Macarius.
Potitianus.*

Leander. Quid audimus? hic pernoctabitis? *Marinus.* Deliberaturi forsitan de aula cum eremo mutanda? *Nearch.* Sciētis, cum erit opus. *Leand.* Turbide satis: sapientius decrevit *Macarius*, quem ducemus nobiscum ad Cæsarem. *From.* Nescis, quid petas miser, & quid relinquas. *Macar.* Dixi: sine Patris consilio non abibo. *Potit.* Audiemus, quid dicat: veni mecum. *Leand.* Redite propere: vos valetē, & crapulam eremiticam edormite. *Marin.* Sed quid dicemus nostris sororibus domi, sponsis vestris? *Nearch.* Salutem. *From.* Reddamus oculos salutaribus paginis. *Marin.* Tamen *Leander*, jocamur temere forsitan, & nisi cavemus tempori, amissimus foceros. *Potitianus* me terruit: & *Nearchus* diuturnius jam aulæ tædium fovet, quod videat spes suas trahi. Nisi caves, sponsum tua soror non habebit. Igitur consilio *Potitiani* parendum judico, & hic pernoctandum, ut videamus, quid fiat. *Leand.* Mancamus. Scribam interea epistolum, & per famulum sorori mittam, ut sciat, quid factum sit: suppellectilem scriptoriam in cella *Macarii* vidi. Mittet illa responsoarias, quales dictare amor solet. Scribe tu etiam tuæ. *Marin.* Ego non scribo, quoniam mea soror abhorret a nuptiis, nec nisi in mei gratiam se *Fromondo* addixit. Quod si intelligeret, sponsum alia agitare consilia, intelligis, quid esset factura. *Leand.* Bene advertis. Sed scrupulus angit: non ago advocatum diaboli, si turbo sancta consilia? *Marin.* Timidus miles es. Ab otio ad laborem homines trahis, bonum est opus, ad quod ego tibi Angelus sum. Quod si peccatum metuis, suscipio in me: pro te luam. Scribe, dictabo.

Leand. Venio.

CHO-

C H O R U S.

Ostenditur, quam nulla sit comparatio inter gaudia cœli & terræ, cum illa solis *diligentibus* DEum præparata, hæc probis, & improbis *communis* sint, atque adeo *libenter* deferenda per mortem, quando ex vita pie acta spes est, felicem fore, neque *jacturam cœlestium* timendam esse.

Mors. Anthropol morituriens. Ephebus. Machaon.

Mors. HÆc est ædes, quam mihi DEus præcepit intrare :
Januam tamen volo pulsare....

Epheb. Heu! spectrum! heu! heu! *

Mors. Ne metue! nil mali tibi faciam;
Nostine me?

Epheb. Mors es! ah! parce! novi te!

Mors. Lepide! si nosti me, cur times me?

A R I A.

1.

Puelle mi!

Non sum, non sum nigrorum

De gente Geniorum :

Non traham te ad tartara :

Ad sidera levabo !

Et post momenta paucula

In cœlis te locabo.

S s s 2

2. Ab-

* Ut pueri larvam, sic solemus mortem timere.

2.

Abjice crepundia!...

Alia te gaudia

In cœlo recreabunt:

Lactea, & mellea

Ibi fluunt flumina:

Ibi vestes splendidas,

Ibi dulces epulas,

Poma, pyra aurea,

Vina rubra, gemmea,

Et, quidquid voles, dabunt

Puelle mi.

Ephēb. Ah! parce! obsecro!*Mors.* Quid! non est hæc tibi optabilis fors?

Adhuc videtur terribilis Mors?

Ephēb. Horreo! horreo!*Mors.* Ignosco tuæ infantiz: parco;

Sed ingredi, & felix nuntium,

Quod adsit Mors, perfer ad tuum Dominum.

Ephēb. Heu! quid loqueris? Domino moriendum?

Non licet nuntiare, nisi velim necare.

Mors. Vir pius est: non habet, cur metuat Mortem:

Ingredi!

Ephēb. Spectrum se putabit videre!*Mors.* Spectrum? nequicule!

Quid enim in me apparet horribile?

Ephēb. Solo aspectu potes occidere.

A R I A.

1.

Quis videat sine terrore,

Hanc faciem plenam horrore?

Huma-

Humanam non esse
Est illam necesse,
Quæ non ad hanc larvam expaveat mens!

Pro oculis scrobes dehiscunt,
In saniem genæ fatiscunt:
Sunt labra truncata,
Frons excoriata,
In ore vix aliquis superest dens.

Mors. Vah! puerum mendacem,
Et insultare Morti audacem!

Ephēb. Nihil mentior: age! speculum inspicere!

Mors. Proh!...proh! ut egi improvide!

Vides cruentum hoc telum?

A nece impii recens reversa sum,

Et habitum mutare oblita:

Non decet ita.

Hoc habitu improbos ferio:

Aliter, aliter probis appareo. Abeo.

I, nuntia breves inducias:

Nam redibo cita,

Ut primum, sicut convenit, fuero vestita.

Ephēb. Quid faciam?... herum monco de periculo,

Ut vigilem huc statuat,

Qui redeuntem Mortem intrare prohibeat.

Mach. Florille, actum est, herus morietur!

Ephēb. Quid? vivo te, te vigile, Mors huc ingreditur?

Machaon, obsecro, ne desere Dominum!

Superba Mors,

Quæ integrum non timet exercitum,

Strenuum tamen sæpe metuit Medicum.

Mach. Metuere se simulat, ut certius decipiat.
 Dixi, Domine, actum est de corpore :
 De anima provide!
 Contra vim mortis non est medicamen in hortis.
*Anthr.** De anima mature providi :
 Accepi Viaticum, Rationes composui,
 Paratus sum itineri & tamen (o vis affectuum!)
 Et tamen anima his innutrita deliciis
 Trepidat egredi!..

A R I A.

1.
 Sic morior! sic separor,
 Et in ætatis flore,
 A tot, quas amo, rebus,
 A tot, quas alo, spebus,
 Sic subito abripior!...
 Cor rumpitur dolore!..
 Ah! DEus, quid peccavi?
 An nimium amavi?..

2.
 O violæ! o tulipæ! **
 Valete, & marcere!
 Aut, num post me vivetis?
 Num alteri crescetis?
 Sit! sit! valete sine me,
 Valete, non marcete!..
 At mecum, heu! est finis!
 Post horam ero cinis.

Epheb. Ah! here! ut ego sortem tuam fleo sincere!..
 Sed, quis ferit januam?

Mars.

* Medias inter delicias moriens, & velut in Paradiso terrestri.

** Imago deliciarum præsentium, quæ, ut flores, cito flaccescunt.

Mors. Vitam vides intrare avidam.

Ephēb. Io! vita, vita redit, charissime!

Ambr. Vita? sicine?

Ergo meas audisti querelas, o bone Domine!..

Salve vita dulcissima!

Accede ad me, ut teneam te!..

Quanquam, heu! in tantis doloribus

Quid juverit vivere?

Mors. Cessabunt dolores, nihil metue,

Sed mutanda est aura;

Est infalubris hæc regio,

Itaque paratum ad iter videre te gaudeo!

Eja! mecum proficiscere!

Anthr. Ubi igitur jubes me vivere?

Ariose.

Mors. Ubi juvenus nunquam senescit,

Ubi decor nunquam pallescit,

Ubi amor nunquam tepescit,

Ubi sanitas nunquam marcescit,

Ubi gaudium nunquam decrescit,

Ubi vita terminum nescit. S. Aug.

Anthr. Regionem describis feliciorē ista,

Quam deseram;

Sed iter, iter me terret; quid? si in via deficiam?

Mors. Nihil angere: *dormientem* transferam.

Mach. Si bene verba penetro, Domine,

Mors latet sub vitæ specie:

Cave, ne vana spe decipias te!

Ephēb. Heu me! cur introduxi te!

Anthr. Tune Mors!.. o amabilis Mors!..

Mors.

Mors. Sum Vita, & Mors,
Mors impiis, Vita piis,
Et o quam præ ipſa vita magis amabilis!

Anthr. Enimvero deſipui, quando te timui.
Qualem ſæpe depiſtam vidi,
Oſſeam, lacero veſtitam linteo, telo armatam,
Et jam poene vacuum quaſſantem clepſydram,
Talem te eſſe, credidi.

Mors. Talis ſum, cum ab eo ad eadẽ impii;
At Mors Sanctorum
Pretioſa eſt in conſpectu Domini. Pfalm. 115.
Non venio *Minister Juſtitia*, ſed *Legatus clementia*,
Qui *ſervum fidelem* introducat in gaudium,
Cui nullum aliud comparandum eſt gaudium.
Quare *jaſturam præſentium* ſine alios deplorare,
Qui poſt hanc vitam nihil habent amplius,
Quod poſſint ſperare.
Tu ad futura gaudia cum, duce me, properas,
Nugas, quas deferis, deſpice,
Et hilariter deferere.

A R I A.

I.

Crede DEO ;
Surſum eo,
Surſum ad delicias,
Quibus hæc, quæ æſtimas,
Gaudia, ſi comparas,
Bulla, ventus,
Fucus, fumus,
Umbra, ſomnus,
Nugæ ſunt.

2. Con-

2.

Contra mentis
Sensum ſentis,
Præter hæc ſi gaudia,
Improbis communia,
Nulla ſperas alia :
O ! majora,
Veriora ,
Reſervata
Probis ſunt !

Anthr. Credo ! ſpero ! rumpe moram ! accelera horam !

Cupio diſſolvi, & eſſe cum Chriſto !

Cupio, quia *diligo* !

Mors. Alas dat dilectio, quibus ſpiritus evolet !

Solvo vincula ! proficiſcere ! evola !

Ephēb. Heu ! heu ! Mors oculos hero clauſit !

Mach. Noli flere, ſi amaſti ſincere.

Non enim eſt mortuus, ſed dormit,

Immo jam iterum in vitam æternam evigilavit.

O ! ut moriatur anima mea

Morte conſimili ! .. moriatur ! ..

Anima ! huc te compara !

Serius, aut citius eadem etiam Medico

Eunda eſt ſemita. Moriendum !

A R I A.

Accinge te itineri,

Quod DEUS jubet ingredi :

Quid horres, anxia ?

Eſt via quidem aſpera,

Sed, via tamen *unica*

Ad Cœli gaudia,

T t t

2. O

2.

O gaudia ! .. o gaudia !..
 O gaudia dignissima
 Hoc emi pretio !
 Sic empta sunt, o anima ,
 Ab ipsa SAPIENTIA,
 A DEI Filio.

PUNCTUM II.

Curæ salutis Modus.

SCENA I.

*Fromondus. Potitianus.**Fromondus.*

A Mice, tibi nota est vitæ meæ series, ratio morum, animus, conditio, facta. Via, quam ambulo, non ducit ad cœlum, hoc intelligo : Nearchus totus ardet amore cellæ, vidisti ? me exemplum allicit, & poenitentiae necessitas trahit. Sed retrahit timor sermonum, vitæ solitariae tædium, amor sponsæ, spes honorum, indoles assueta licentiæ : quid suades ? homini, qualem nosti esse me, num audes spem salutis facere, nisi militiæ juxta, & aulæ valedicat ? Loquere, quod sentis ; quantumvis enim repugnet mens ad conditionis mutationem, si tamen necessariam putes, mutabo : nam cœlum expeto, & volo salvare animam, quocunque labore constet. *Pot.* Resolutio heroica placet : neque est quidquam gloriosius militi, quam posse seipsum vincere. Sed quo abriperis ? Si judicas, militem, & aulicum salvari non posse, nunquid condemnas me ? *From.* Sile, in pudorem me agis. Si aulicus essem, & miles similis Potitiano, non utique timerem animæ : sed nunc ! *Pot.* Opto, ut idem cum

cum tuo judicium sit DEI de me! Cæterum hoc habe a me principium: in oculis Numinis nihil interest, *qui sis, sed qualis*. Miles, aulicus, mercator, eremicola, sacerdos, perinde omnes salvari, omnes perire possunt. *From.* Hoc scio: immo assurgere in apicem virtutis *possum* in aula etiam, & inter arma, si possum divitiis uti sobrie, deliciis caste, honoribus modeste: sed, ut semper *velim*, hoc opus, hic labor erit. Blandior mihi de cautela, quam adhibeo: decerno præsentibus bonis *uti bene*, abuti nunquam: sed quamdiu constabo mihi? Dum utor, *ab ipso usu* cupido voluptatis accenditur, cura cœli paulatim expirat, succedit oblivio æternorum, rationem affectus opprimit, admittitur scelus, abit in consuetudinem. Hoc prospicio, perpetuo futurum mihi, & tu, amice, scis, factum esse. Subinde redibo ad poenitentiam, sicut redivi sapius: quid tum? occasio, exempla, pravi habitus, licentia vitæ militaris retraxerunt, & retrahent in malum idem. Ita cadendo, & resurgendo agetur vita, donec cadam, nec surgam amplius. Novi me; persistens in sæculo vix me impendam vitæ constanter piæ: deerit aliquando *tempus*, aliquando *ocasio*, *voluntas* plerumque. Aliorsum me rapiet affectio, aliorsum curæ, aliorsum negotia publica, & privata: pro rebus æternis multum erit, si interdum supererit quadrans horæ. Omnia cogitavi. *Pot.* Sic vivitur passim, non utique, sicut vivendum esset ex lege Christi. Propterea nitendum est contra torrentem, & eundum, non qua itur, sed qua eundum est. *From.* Tangis punctum difficultatis. Ut ego a me impetrem, ut vivam in sæculo *aliter, quam vivitur*, hoc quis efficiet? non credo, non spero, non possum. *Pot.* Ita si habent res, non est, quod consulam; nisi relinquas omnia, vix eris salvus. Cum enim una sit ad salutem via *moderatio affectionum*, ne abripiant nos extra septa Decalogi: ille, qui curam Cœli habet, necesse est, ut se resolvat vel *ad pugnam*, vel *ad fugam*: pugnare igitur si non vis in sæculo, aut non habes

Victoriæ spem de teipso, superest, ut fugias sæculum. *From.* Hem! nunc intelligo, quod dixit Paulus antea, cum docuit, alios vocari ad solitudinem a DEO, ut *perfecti* fiant, alios, ut *pœnitentiam* agant: atque illos, nisi obediant vocanti, difficulter, *istos* omnino non salvatum iri. Has esse amabilis Providentiæ vias, hanc seriem gratiarum, hunc *curæ salutis modum*. *Potit.* Assentior nihil dubitans. Nunquam ego, quod toties vidi fieri, nunquam asceticam vitam contempsî: vitam, quam Evangelium commendat, & tot Sanctorum exempla comprobarunt: vitam remotam ab ambitu, ab avaritia, a desideriis carnis, ab omni prope periculo, & occasione peccandi: vitam sancte otiosam, quia unice occupatam in negotio æternitatis: vitam, ut brevis sim, Angelicæ æmulam; nam Angelorum hæc est vocatio, SOLI DEO vacare. *From.* Veluti si expertus esses hoc vitæ genus, ita confidenter hæc elogia congeris. *Potit.* Quoniam huc sermo deduxit nos, & ego amico loquor, tu hoc scito, olim juvenem aspirasse me ad solitudinem; inviderunt parentes felicitati meæ, ex Mundi more judicantes, prudentius familiæ, & mihi consultum iri, aulæ, militiæque admoventer. Cessi per nimiam reverentiam importunis hortatibus, & consilium quidem, non tamen amorem eremi abjeci. Itaque quoties per officium licet, atque offertur occasio, a turba hominum, & a turba negotiorum expediens me, in solitudinem fugio, ut per aliquot dies cum DEO, cum animo meo, atque cum viro idoneo negotium salutis tractem. Ita per Numinis gratiam curam cæli conservo, redeoque ad curas officii alacrior, ad pugnas contra vitium fortior. *From.* Divinum consilium est; sic enim solitudinis fructus gustas, quin sentias nauseam perpetuitatis. *Potit.* Perpetuitas auget solatium, & eligerem hodie, si liber essem, ut vos: nunc Marito, & Patri non licet, quod libet, agere. Sed en!

S C E N A II.

Fromondus. Potitianus. Macarius.

Fromondus. **M**Acarium video? *Macarius.* Jam Constantinus sum: facite hanc gratiam, magni hospites, & me Imperatori sistite. *Potit.* Quid petas, nescis: ah! nemo est in hac vita beatior, nemo pro futura securior, quam qui nulli hominum aut servit, aut imperat, SOLI DEO famulans. *From.* Vestem suam Nearchus dedit? *Mac.* Et ego meam illi. *Potit.* Consensit Patruus? *Mac.* Si cras idem futurus sit sensus mihi, dimittet volens: sed hanc daturum se precibus noctem dixit, ut impetret mentem aliam. Ut placeo vobis? non iste habitus decentius nobilem vestit? *Potit.* Juveniliter plaudis. *From.* Vere jam Parentis in te imaginem video. Nearchus igitur jam induit Monachum? *Mac.* Cum abiit a nobis Paulus coenulam paraturus hospitibus, mutavimus vestes, uterque gaudens. *Potit.* At ille optimam partem elegit. *From.* Quibus oculis intuebitur Paulus hanc audaciam? *Mac.* Excusabit Nearchus, qui me coegit. *From.* Et ipse quid? *Mac.* Plenus solatiis in cella orat, totum se DEO consecrans. *From.* Irruo.

S C E N A III.

Potitianus. Macarius.

Pot. **T**U vero quid sentis Constantine? quis agit te spiritus? quas alis spes? & quamdiu mutatio vitæ mulcebit animum? *Mac.* Magnanimis desideriis turgent pectus. Majorum & Parentis præcipue gloriosis insistant vestigiis strenue, nec erit dies, quæ me degenerem ab avita virtute videat. *Pot.* Laudo. Igitur quem vitæ ordinem, & modum statuis? quid primum ages? *Mac.* Cras Cæsari me offeram, & castra sequar. *Pot.* Recte: & postea quid? *Mac.* In castris Martiæ laudis appetens, qua feret occasio, promptus in omne discrimen ibo, ut palmas &

lauros metam. *Pot.* Fortasse favebit fors: quid postea? *Mac.* Postea decoro pulvere sordidus, gloria, prædaque dives redibo in aulam, laboris mercedem postulans, favorem Principis. *Pot.* Promoveberis, nisi cursum invidia sufflaminabit: quid postea? *Macar.* Tunc de pulchra, & divite sponsa cogitabo, ut familiæ posteritati consulam, & perpetuitati vetusti sanguinis. *Pot.* Demus, fore, quod speras: quid postea? *Mac.* Operam dabo amplificandis fortunis, & honoribus, quibus stirpis decus in apicem promovebo, omnibus Majoribus major. *Pot.* Spes magna! quid postea? *Mac.* In his curis, & studiis consensescens, supremam ætatem quietus, felix, hilaris, inter amabiles lusus nepotum agam. *Pot.* Et postea?... nihil, quod addas: habes? *Mac.* Nempe de Principe, de Republica, de meo genere bene meritus moriar. *Pot.* Sic finis erit: & per tanta molimina denique paraſti tibi lapidem sepulchralem. Immo non erit finis. Urgeo: morieris! & quid postea?... video te commoveri. Imprudens! repente adeo oblivisci te decet sanctissimæ institutionis, qua te Patruus imbuit? spes incertissime sic subito inflarunt animum, ut terrenis immersus æternorum penitus memoriam abjiciat? fac, nulla de tantis te fallat spes (quantum o quantæ fallent!) quæ de his omnibus solabitur morientem? fatere: hac nocte si moriendum scires, in aula, vel castris mori mallet, an in eremo?... loquere!.. non expectabas, opinor, ab aulico, & milite tam triste monitum; sed forte, quod a lingua minus suspecta veniat, vim in animum fortioſorem exeret. Constantine! si te DEUS ad vitam solitariam non vocavit, nolim te confirmare: neque hoc ago, ut ab aula, & militia te avocem: sed hoc moneo, ne falsa specie auri streperi deceptus abripi te patiaris per amorem vanitatum a cura cælestium. Morieris, & post mortem judicaberis. Quæretur, non, an fueris bonus aulicus, aut bonus miles; sed an BONUS CHRISTIANUS: hoc cura primum, hoc deinde, hoc postremo: & crede Poti-

Potitiano (expertus loquor) quantumvis aliqui sive prudentiam suam politicam, sive ferociam militarem jactent, non datur bonus aulicus, nisi *qui cælo cavet*, non bonus miles, nisi *qui timet DEUM*.

S C E N A IV.

Paulus. Potitianus. Macarius.

Paulus. **T**Alem te invenio, o Macari! quid erubescis? ... Potitiane, adoro Judicia DEI, quorum abyssus multa est! medius inter delicias, & moerorem versor. Nearchus meus est, Fromondus, nisi me animus fallit, etiam erit: & iste me deserit! immo non me deserit, sed te, o JESU, a vexillo tuæ crucis ad signa profani Martis improvidus transfuga. Amice, amavi hunc juvenem pro filio mihi: pro salute animæ hujus diu, noctuque anxius centies iteravi de die ardens suspirium: JESU! quærens hanc animam sedisti lassus, redemisti eam crucem passus: *tantus labor non sit cassus!* Institi, ut optimis præceptis imbuerem: invigilavi, ne incideret in laqueos diaboli: correxi errantem paterne: languentem ad exercitium virtutis excitavi: docui fraudes inferni agnoscere, ac debellare: & erat ille obsequens, erat docilis, erat alacris ad nutum, sic, ut ego spes optimas conceperim, & curæ meæ tædia consolans sæpe dicerem mihi: gaude Paule! terra, quam colis, bona est: fructum centesimum feret: erit Macarius servus DEI, fidelis ad mortem erit. Nunc ecce! latissimos flores optimæ spei subito atrox pruina decoxit: non sum infelix? *Pot.* Merito te queri video; nihil enim dedecet juvenem magis, quam sequi impetum, non expectato Majorum consilio. *Paul.* Sed bene habet: desere me infelix, & DEUM desere! en duos DEUS pro uno dedit, & sibi asserit: pro Macario Nearchus, Fromondus erit pro Constantino. *Mac.* Pater! *Paul.* Abi! abi, quo te non DEUS, sed cupiditas trahit. Labes ingrati erga me animi, inurba-

na

na festinatio, audax vestium commutatio facta ignaro me, loquuntur contumaciæ crimen, & malum grave præfagiunt cheul animæ mihi tam charæ impendens. Oro DEum, ne sim propheta; sed hoc me diuturna experientia docuit: male pereunt juvenes, quorum vitam non consilium, sed impetus regit.

S C E N A V.

*Paulus. Marinus. Leander. Fromondus. Nearchus.
Potitianus.*

Marinus. ET quæ est ista stultitia, Pater, quod connivente te, sic Nearchus se nobis sistat? *Leand.* Potitiane, non oculos cruciat hic aspectus? *Nearch.* Amici, exiit Mundum mens: abrui me ab omni spe sæculi, & DEO servire statui, & hoc ex hora hac, in loco hoc: vos, si imitari piget, nolite adversari. *Fromonde,* quid oculos terræ figis? cælum aspice! cælum sit in amoribus! *cæli jacturam* time! aut num ego displiceo tibi? *From.* Immo ego mihi. Luctatur adhuc animus; hinc opes, gloria, sponsa, exempla Majorum trahunt: isthinc virtutis rigor, difficilis cum carne pugna, solitudinis horror terrent. *Nearch.* Finem, finem aspice. Opes, gloria, sponsa in cineres eunt; rigor in gaudium, pugna in triumphum, cella in COELUM desinit. *Pot.* Video indutum virtute ex alto: Spiritus, Spiritus divinus, Nearché, te sibi rapuit: gratulor beatam sortem æternæ prodromam. Ora pro me! luctari me cum fluctibus sæculi necessitas cogit: inde non nisi cum maximo labore, & summo periculo enatabo in littus, in quod te secura navis prope dormientem appellet. *From.* Discerpor affectuum inter se pugnantium rabie: Socii, relinquire me mihi solum. *Paul.* Ora, *Fromonde,* oratio lumen impetrat, fert quietem. *Nearch.* Ora magnum Antonium, ut quod coepit exemplo agere, perficiat patrocinio.

SCE-

S C E N A VI.

Leander. Marinus. Nearchus. Paulus. Potitianus. Macarius.

Leander. NON ita facile, ut vos putatis, confectum negotium est: vinctus es, Nearchus, Cæsar, & sponsa tenent. *Marin.* Paule, ego de Nearchus forori scripsi: illa responsorias inscripsit sponso: Nearchus epistolam vix oculo dignatus ne aperuit quidem, jamque admovit igni, crematurus non letam, nisi ego eripuisssem. Quid? tam crudum facinus Spiritus S. docet? *Nearch.* Pater, Nearchus inscriptio facta est? Nearchus jam mortuus est. *Leand.* Dedisti fidem: teneris ducere. *Nearch.* Promisi ducere præ quavis ipsam, si ducturus sim aliquam: jam nullam duco, & nulli teneor. Amorem profanum extinxit facer: amet soror tua, quem volet sponsum: me amari nolo. *Marin.* Negotium conficiendum cum ipsa erit: respondelitteris saltem, hoc humanitas postulat. *Nearch.* Muliebres fraudes timeo, & Evæ blanditias. Dicite, me bene valere: responsum est satis. *Paul.* Date litteras mihi: ego legam. *Nearch.* Acquiesco: habe. *Potit.* Pacifice res agamus. Amici sumus: Amicorum est gratulari amico bonum. quo beatur, non furripere; nemo corrumpat hujus diei, & noctis lætitiā. *Marin.* Consulendum tamen sororibus erit. *Leand.* Et Cæsar postulandus consensus. *Pot.* Cæsaris approbationem ego spondeo. *Nearch.* Ego spero: liberi sumus, & nullo sacramento obstricti; quo jure repugnet nobis? cæterum obstringis, si efficias, ut liceat, etiam a sollicitatione quietis esse. *Potit.* Licebit: sponsor sum. Te quoque, Constantine, reconciliabimus Patri, si potes pati moram, ut tuæ mutationis consilium mature examinet. *Macar.* Si quid peccatum est, imprudentiæ illud, non malitiæ peccatum fuit: Pater, salvari volo! *Paul.* Vocetur Fromondus! Digitus DEI est hic! laudemus Dominum: plana sunt omnia. O DEus, o
U u u
magne

magne DEus, quæ prodigia patras in animis hominum! *Potit.* Quid exclamas Pater! *Nearch.* Sponsa meum consilium laudat?

SCENA VII.

Accedit Fromondus.

From. **A** Vocas ab oratione, mi Pater! quam pæne in portu fui! *Paul.* Audivit preces Dominus: per te, *Nearche*, liceat, ut litteras *Fromondus* legat. *Nearch.* Lege. *Fro.* *Nearcho* Sponso Sponsa salutem dicit. *Nearch.* Habe. *From.* Quid hæc ad me? *Paul.* Perge modo. *From.* Accepi a fratre litteras hac ipsa hora, qua tibi rescribo. Significat, repente decretum vite solitariae te concepisse, & abdicata militia seculari, ut securius cæli jacturam effugeres, statuisse DEO soli servire. *Nearch.* Scripsisti bene. *From.* Addidit: tuo accensum exemplo *Fromondum* similes animo cogitationes jam volvere, & toto corde in paria desideria exarsisse... Sed nondum ita fortis sum, ut decreverim. *Paul.* Perge. *From.* Forte, cum hæc legerem, una mecum erat *Fromondi* sponsa, quæ, sicut, quod nosti, semper a nuptiis abhorruit, ita nunc. Amice, quid lego! *Marin.* Perge! *From.* Stupete animis, rem admirandam lego: sicut semper a nuptiis abhorruit, ita nunc exiliit repente, & plena gaudio, suffusus lacrymis, ac in genua procidens elatis in cælum manibus, & oculis exclamavit: O DEUS, si meus *Fromondus* se dicat tibi, sit testis cælum! non impediam: quin ipsa etiam, quod cupiebam diu, voveo in oculis tuis cultum inviolabilem perpetuæ Virginitatis. *Marin.* Amice, quid audio? *Leand.* Audiamus omnia. *From.* Laudo factum, & erubescō me: legat alius. *Leander.* Pergo: dicebat hæc cum tanto fervore animi, & vultus, ut ego pariter inflammata, effuso in dulcissimum stetum mirabili solatio,

solatio, eodem me voto sine mora obstrinxerim. *Marin.* Jam ego inclino caput Numini, quod hæc prodigia facit. *Nearch.* Leander, heroinam sororem habes: rursus amo, quia desit amare me, ut amaret eum, qui solus amabilis est. *Leand.* Concludit: Gratulamur utrique sanctitatis tyrocinium: gratulamini vicissim nobis: beatæ sumus, quia nos Christus desponsavit sibi: valete, & orate pro nobis. *From.* Papæ! surgunt mulieres, & rapiunt cælum: nos viri contenti erimus terris? *Leand.* Amice, ego accedo gratulantibus: tanta mutatio a cælo est. *Marin.* Ego nescio, ubi sim! undique circumstat me admiratio, stupor, extasis! nisi isti homines promulsidem cœlici solatii gustent, & aliquid divini nectaris, non possunt sic consentire. *Leand.* Certe nihil hic, quod agat, natura invenit, nihil diabolus. *From.* Totus in te ardeo, DEUS mi! ignosce imprudentiæ deliberantis tamdiu! pudet, a mulieribus fuisse præventum! *Nearch.* Ah! tu es Dominus optimus, quo meliorem nemo optare potest! *Fromondus.* Tu es Dominus maximus, cui non datur par! Quam stolidus homo est, qui mavult servire alteri, quando tu vocas ad te! Vocas me: audio! vocas: æstimo gratiam! vocas: adsum! Abite parerga sæculi, miseri mancipatus insignia! liber sum: soli DEO devoveo libertatem: sic statutum est: vade retro Satana! Dominum DEum meum adorabo, & illi serviam, soli! soli! *Paul.* Macari, quæ est mens tua? *Macarius.* Pudor, dolor, poenitentia affligunt animum: disco ab expertis, quid sit aula, & militia: COELI JACTURAM timeo. Recipe in Filium Pater! *Paulus.* In horas mutaris; probari debes: i, veniam juvenismi a DEO pete. *Marin.* Et nobis quid suades? *Leand.* Nisi exemplum sequamur, non salvabimur? *Paul.* Absit, ut dicam hoc: hoc moneo, ut prima sit vobis cæli cura, postrema terræ. *Pot.* Equitas postulat. *Paul.* Modis curæ aut pugna, aut fuga est. Fugam socii elegerunt, quia DEUS huc traxit; vos si non trahit, vult, ut pugnetis. Securior est via

prior, necessaria altera. Sed plura de hoc argumento suggeret ista nox. Erit tamen hoc doctrinæ compendium: si deficit animus in facinus tam illustre, ut DEO soli decernatis servire, saltem servite nemini, nisi *propter DEUM*, certe nemini *contra DEUM*. Pot. *Leand. Marin.* O ut saltem hoc!

MEDITATIONIS IV.

Quantum Timoris Argumentum,

I N F E R N U S.

A R G U M E N T U M.

JACTURA COELI exterrendis animis nobilioribus abunde sufficit, ut excitentur ad curam salutis per quantumvis difficilia media procurandæ. Sed ut aditus *salutari timori* aperiat in corda hominum crassiorum, quos Apostolus *1. Cor. 2. v. 14.* *Animales* appellat, necesse plerumque est, ut INFERNUS exhibeatur sensibus, atque futura mala ipsis oculis subjiciantur. Hac arte (quod in Historia Ecclesiastica legimus) S. Joannes Apostolus Elpidium quemdam ad bonam frugem reduxit. Adolescentem multis ac magnis naturæ donis illustrem haud procul Epheso natum instruxerat ipse, baptizaverat, optimis præceptis imbuerat, & in alias Asiæ Ecclesias discedens Episcopo loci sollicitè commendaverat, fore sperans, ut ad magnum Fidei Christianæ ornamentum cresceret. Verum Episcopus, quam par erat, indulgentior *libertatis avido* per suam conniventiam frænum laxavit; unde Juvenis celeriter crocitare cum corvis coepit, bonis dotibus ad flagitia

tia uti, dedere se foedis voluptatibus, insuper ut pecuniarum inopix ad scelera consuleret, applicare animum ad furta, (ut fere solet audacia per gradus ire) immo in rapinas etiam ac latrocinia devolutus, vicino nemore occupato, factus est Dux illorum, quos ad scelera authores habuerat. Joannes post plures annos Ephesum reversus, cum intellexisset miserabilem interitum suæ spei, Episcopo quidem graviter iratus fuit; Elpidii vero tenere misertus, assumpto viæ duce festinavit in silvam, errantemque oviculam multis blanditiis ad se allectam, expugnata per expositas, quas ipse in Apocalypsi viderat, *Inferni pœnas* obstinatione, gaudens ad ovile reduxit. Erit ergo hujus Meditationis

Materia, Horror Inferni.

Puncta duo: 1. Pœnarum certitudo.

2. Pœnarum atrocitas.

Fructus. Timor DEI VINDICIS.

Propositum. Fuga VITÆ DELITIOSÆ, qualis eorum est, qui vim naturæ nullam facientes, licere sibi volunt, quod libet.

Chorus. Ostendit multos, qui ex spe facilis pœnitentiæ peccant, olim experturos, a falsis pœnitentiis infernum impleri.

P E R S O N Æ.

S. Joannes.

Elpidius.

Lambinus, S. Joannis discipulus.

Lorinus.

Misander.

Muraldus. Latrones.

Sterops.

Godinus. Lambini Frater.

PROLOGUS.

Reflexio in Meditationem præteritam, & Præparatio ad præsentem.

Fides. Ratio.

Ratio.

TERRIBILIS est locus iste, *
Et *Castra DEI sunt hæc*, Gen. 32,
Castra in caput rebellium
Totum Divinæ Nemesis
Effusura armamentarium.

Fides.

Adverte, quam *Timor Domini*,
Ut Cor hominis ad deditionem compellat,
Sensim, & *per ordinem* soleat opus aggredi.
Primum, *bellum denuntiat*,
Et *legi mortis* se subiiciendi necessitatem significat:
Deinde monet, quantum sibi debeat,
Exigitque debitum *per Tubicinem*,
Qui contumaci extrema minetur,
Et *rigidum iudicem*.
Quodsi *post hæc* necdum sapiat,
Statu gratiæ deiicit, & *jure Cæli* spoliat.
Denique adhuc resitanti *infert arma*,
Et ad obstinationis ultionem
Omnes creaturas producit in aciem. Sap. 5.

A R I A.

I.

Ad nutum Timoris
Stat singulis horis

Inten-

* Exhibentur castra mystica.

Intentus in cædem Malorum
 Exercitus mille Tortorum,
 Qui Nemesis iræ
 Jurarunt servire:
 Nec tardæ in castra,
 Cunctarum
 Huc ferent se pestes terrarum.

2.

Sic *Aqua* trans montes, *Gen.* 7.
 Sic *Aer* in fontes, *Exod.* 9.
 Sic *Ignis* in Sodomam ivit, *Gen.* 29.
 Sic *Tellus* rebelles glutivit: *Pf.* 105.
 Huc *flumen* vocatur, *Job.* 41.
 Hic *grando* armatur: *Exod.* 9.
 Quin servit his bellis
 Et turba imbellis

Ranarum, Bruchorum, Muscarum. *Pf.* 77. *Joel.* 1, *Exod.* 8.

Ratio. Et tamen ad tantæ horrorem potentæ
 Quam multa corda non movent se!

Immo *propter mala*, quibus premuntur, magis ferociunt;
 Et, quo turgent, venenum impatientiæ
 Adversus Cælum procaciter exspuunt,
 Perguntque scelera sceleribus cumulare,
 Et flectere cum nequeunt Superos,
 Auxilium ab Acheronte non dubitant postulare.

Fides. *Peccando* volunt evadere *peccati supplicium*!

Ratio. O impium! o insanum consilium!

A R I A.

A R I A.

I.

Ratio!..Ratio, ubi es!

Siccine idoneum

Culpam esse mediumPro *pœna* avertenda

Tu tibi censeas?

Furi, ut patibuli

Effugiat supplicium,

Furari suadeas?

O! furore plena spes!

Ratio!..Ratio, ubi es?

2.

Quæ furenti Boreæ

Quercus non inclinat se,

Ipsis cum radicibus

Evulsa sternitur:

At submisso capite

Quæ myrica curvat se,

Nihil grave patitur:

Tanti est in scelere

Non obstinare se.

Fides. Recte exprobras:

Sed, quia multi non habent aures, ut audiant,

Fatigata denique DEi *Patientia*

Extrema cogitur expedire supplicia,

In quorum comparatione *hec mala*, quæ vides,Levia sunt *Dolorum initia*, Matth. 24.Imperfectæ *picturæ*, & vix vocanda *symbola*.

Infernus, Infernus locus est tormentorum, Luc. 16.

Immanium, multiplicium æternorum.

Huc, Soror mea, descendes hodie!

Hodie

Hodie sic in te *Timor DEI* firmabitur,
 Et per timorem *Amor*,
 Ut si quando neque *Mors* sufficiat, neque *Judicium*,
 Neque *Jactura* te moveat *gaudiorum cœlestium*,
 Saltem *Inferni memoria* retineat impetum
 In voraginem scelerum.

Ratio. Erit horrida Meditatio :
 Sed melius est poenas illas horrere, quam sustinere :
 Juvat, juvat videre.

A R I A.

1.

Te, DEUS meus, rogo,
 Ut votum audias,
 Ut ex inferni rogo
 Scintillam auferas !
 Incendium Divinum
 Ne cesset urere,
 Mittantur in hunc sinum,
 Flammæ sulphureæ.

2.

O timor, qui dedisti
 Amori vivere,
 Quam prolem genuisti,
 Est tuum, alere.
 Est amor ignis : ignis
 Ab igne alitor !
 Nec stygiis præ lignis
 Est torris melior.

X x x

ME-

MEDITATIONIS IV.

De Inferno.

PUNCTUM I.

Pœnarum Certitudo.

SCENA I.

*Joannes. Lambinus. Godonus.**Lambin. **

A H! Pater! *Joan.* Quis te subito metus exanimat? *Lamb.* Nunquam me, nisi hodie, obedisſe poenituit. O ſi me, ſi te amas, gradum ultra nullum promove: redeamus in urbem. *Joan.* Scilicet hoc eſt latibulum ſclerum, in quod ſe meus Elpidius abdidit? *Lamb.* Hoc eſt, ex quo proruerunt nuper cruentæ belluæ, & amantiſſimum fratrem rapuerunt mihi, Proh! quam vicinus ego etiam barbaræ neci fui! effugi demum: ſed tu periſti frater, dimidium mei! Superi!... quid audeſ? ipſam ſpeluncam latronum intras? hodie poſt fratrem Pater quoque peribit mihi? *Joan.* Vacuus locus eſt. Prædatum nempe abiit, quem prædam cupio: expecto reducem. Tu te periculo eripe, fili mi: habeo gratias pro charitate. Dux viæ fuiſti mihi vel ad victoriam, vel ad martyrium: utrumque in votis eſt: grates habeo. *Lamb.* Filium vocas: nec audis preces durus Pater! ah! ſi quid filii amabile nomen valet! *Joan.* O Cœlites, quid hominis video? *Lamb.* Heu! latro! *Joan.* Siſte: in captum incidi: manus & pedes ligati ſunt. Quid, ſi Godonus frater ſit? *Lamb.* Cadaver eſt. *Joan.* Spirat; gravis hominem ſomnus habet. *Lamb.* Somnus; in hoc inferno! *Joan.* Simplex! vestibulum cœli

* Scena ſpecum refert, in qua captivus Godonus dormit.

coeli est ista specus, si cum carcere inferni compares. *Lamb.* Est frater meus, Godonus est! *Joan.* Lauda providum semper Numen, quod tibi fratrem reddidit in charitatis fraternæ præmium. Godone fili mi! *Lamb.* Godone frater! *Godonus.* Quis me? *Lamb.* Frater vocat, nihil metue tibi, *God.* Heu! frater inter latrones mecum! *Joan.* Solve vincula! celeris fuga utrumque salvet. Cito! *God.* Quæ me hodie felicitas amat! o frater! *Lamb.* Patri accide: Christi Apostolum Joannem vides. *God.* O qui nos olim coelo genuisti, Pater mi! *Joan.* Vive modo, & fuge mi fili! erit, si Superis placet, fabulandi occasio opportunior paullo post. Nunc, si amicum agnoscitis, moneo, si Patrem, impero: fugite! *Lamb.* Jungamus preces frater! sine te fugere, Pater mi, neque honestum est, neque utile: ergo per quidquid amas, obsecro, nobiscum fuge. *God.* Quid ego loquar? nam si fugati casu aliquo latrones sunt, cur fugam suades? si absunt redituri, cur tu persistis? *Joan.* Elpidium quæro. Ah! *God.* Elpidius adhuc in memoria est? Mutavit cum vita nomen: Leandrum voca. Vix visum me, minus auditum projici in specum jussit impius, & in hanc diem servari, qua Deo latronum Mercurio sacrificaret solemnitus. *Joan.* Quid audio? cum innocentia fidem quoque abjecit miser? *Lamb.* O scelus hominis! *God.* Jam vigesimus dies agitur, quo cum extremis miseriis luctor in tetra scrobe. *Joan.* Non illum, ut mitius ageret, antiqua tecum puero familiaritas movit? *God.* Vel dissimulavit me nosse barbarus, vel vere tot annorum lapsus delevit imaginem mei. O si loqui homini licuisset, quam non obiter oggessissem vel invito sacra axiomata, quæ tu baptismali fonte mundatis tam anxie inculcasti, & ille tenuit diu, donec pessima societas aliam doctrinam docuit. *Joan.* Et incurri Pastoris indulgentia malum nutrit. Sed faxo Princeps Pastorum JEsu, ut hodie ad caulam redeat ovis perdita! *God.* Hæc spe venisti? & tu improvide, ausus es ducere ad locum sce-

rum? *Joan.* Obedire jubenti Patri necesse fuit. *God.* O Pater; nã tu male Elpidium nosti: non est is, de quo spes frugis aliqua possit capi. Ne auditus quidem victima furori cades, succedanea mihi, si ego fugero: non licet fugere sine te. Ah! serva te nobis porro! septem in Asia Ecclesias regis: tantine sit homo unus, ut in illius gratiam tot populos in discrimen adducas perdendi pastorem suum? *Joan.* Exemplum summi Pastoris movet. Nonaginta novem in deserto reliquit, & centesimam ovem requisivit, ne posteaquam fuerat perdita, etiam periret. *God.* Pereat ovis, quæ vult perire: propria culpa perit! *Joan.* Sic decet loqui te, & Joanni sic! tantillo in pretio est anima tibi? *Pereat ovis, quæ vult perire!* proh! sententiam dignam profana lingua, quam nulla charitas sacravit sibi: Væ! si de vobis idem dixisset Christus! *Lamb.* Da veniam, magne Apostole, si vox imprudens amanti excidit. Loqui coegit tuum periculum, loqui totitis Asiæ salus ex tua salute pendens! Demus, perire Elpidium: una anima perit: tu vero si cadis victima crudelitati, quod metuo, neque salvus erit Elpidius, neque animæ illæ omnes, quæ salutem a te expectant, si te diutius indulges Orbi. *God.* Vive, obsecro, & nobiscum te neci eripe. Jacturam unius animæ compensabit lucrum millenarum. *Joan.* Iterum Satanæ vocem audio: vade retro! utinam, o boni, stetissetis mecum sub cruce Domini, didicissetis utique, quanti sit anima vel una pretii, Aut, quod garritis mihi, forsitan dixissetis Christo etiam: *Descende de Cruce! Judeam desere! Orbi relinquo te concede! fac perire Judeam: unus popellus perit! nondum annum vitæ quartum supra trigesimum babes: Gentibus prædica! jacturam unius anguli compensabit lucrum multorum regnorum.* Vah! digni Consiliarii; quos æterni Patris Sapiencia audiat! Sed hoc scitote: si spes est lucri animæ vel unius, incurrere pastorem decet vel in medios lupos. Ille, qui inter leones Danielem servavit, luporum etiam constringet rabiem, si mea pro ovibus opera diutius uti velit: uti si porro

porro nolit, non possum, nisi in hoc conatu gloriosius mori. Reliquæ Asiæ providebit de alio DEUS, qui nullo indiget. Piscator fui : fecit Apostolum verbo Dominus : vocavit me ante alios : vocabit alios post me. Firma sententia est, hic expectabo, ut EX INFERNO Elpidium rapiam. Vos obedite tandem, & fugite. *God.* Obedimus, & nuntiamus civibus frater, malum imminens Patri : armati excurrent huc, quotquot addixerunt se Christo. (*sit sibilus*) *Lamb.* Heu! frater! *Joan.* Fugite! *God.* Dividamur, ne ambos capiant.

S C E N A. II.

Joannes. Muraldus. Lorinus. Misander. Sterops.

Muraldus. **S**Tate! *Joan.* In me convertere! *Murald.* Hac profugit alius. *Lorinus.* Insequor. *Murald.* Ille tertius. *Sterops.* Non evadet. *Misander.* Prædam tenes? *Mur.* Utinam sit opulenta. *Mis.* Excutiamus. *Mur.* Quid tu sic oculos figis in me? *Joan.* Non es: neque tu es! *Mur.* Quis ego non sum? *Joan.* Cui cupio loqui. *Mis.* Tu loqui latroni cupis? *Joan.* Ideo huc me contuli. *Mur.* Non times nos? *Joan.* Pauper latrones non timet: quid enim auferetis nihil habenti? *Mis.* Vitam puta: an hoc est nihil? *Joan.* Vitam morbus, an latro auferat, quid mea interest? mori non timeo. *Mur.* Jactantia! *Joan.* Cur timeam? mors mihi finis est vitæ miseræ, initium beatæ. *Mis.* Ergo tu etiam post mortem vives? *Joan.* Æternum vivam. *Mur.* Ubi vives? *Joan.* In cœlo, supra solem, & stellas supra. *Mis.* Quis hoc promisit tibi? *Joan.* Fidelis DEUS. *Mur.* Tibi locutus est DEUS? *Joan.* Novissime locutus est mihi in Filio. *Mis.* Ubi, & quis est ille Filius DEi? *Joan.* Annis abhinc viginti in Judæa passus est sub Pontio Pilato, & mortuus inter duos latrones. *Mur.* Hei! Filius DEi inter latrones: quæ combinatio? ut blandos nos

X x x 3

habeas,

habeas, istud garris, an ut illudas? *Joan.* Nec inter latrones modo, sed etiam pro latronibus passus est. Si litteras didicistis, legetis in his foliis horrendam historiam, quam scripsit, qui præsens adfuit, qui vidit morientem, qui post tres dies redivivum adoravit, ac denique suis oculis spectavit ascendentem in coelum, quo se cum extulit ex latronibus cum ipso crucifixis alterum, eo quod scelerum veniam moriens rogavisset. *Mis.* Suavis nugator es, ex iis, si recte intelligo, qui Christum colunt, illum novitium DEum? *Joan.* DEum unum ac solum ante sæcula! *Mur.* Jo belle! nobis igitur spes cœli est, si latro potuit cum Christo ingredi? *Joan.* Est, si in Christum creditis, si poenitentiam agitis, si vitam vivitis dignam homine, pro quo mori voluit Filius DEi. Atque ut intelligatis, cur adsim, hoc scite, ut ad poenitentiam horter, Epheso veni. Amo vos, quos oderunt, & persequuntur, & perditos cupiunt omnes alii: amo, & salvos desidero. *Mur.* Stolo, putas latrones blanditis capi? *Mis.* Aut si vere amas, age, quid in nobis amabile vides? cur amas? *Joan.* Amo, quia Christus amavit, qui vidit in vobis dignam amore suo *animam*, quia spiritualement, quia immortalem, quia signatam imagine magni DEi, quia creatam hoc uno fine, ut DEum æternum amaret, & a DEo æternum amaretur. Quid? non tygris sim, nisi hæc argumenta vos mihi amabiles faciant? *Mis.* Egone sum tanti? si vera memoras, incipio placere mihi, & in pretio esse. *Joan.* Hoc velim: nam ad æterna gaudia natos ultro se abdicare jure cœli, quod vobis DEi Filius pretio Sanguinis sui comparavit, præcipitque cursu in æterna supplicia ruere, egone patiens videam? *Mur.* Linguam nobis ignotam loqueris: de Christo tuo audivimus obscure aliquid: melius olim imbutus erat, qui nobis præest; Illi de hoc argumento loqueris felicius. Et en! ingreditur. *Joan.* Hic ille meus est!

SCE-

SCENA III.

Accedit Elpidius.

Muraldus. **D**omine, tenemus hominem aut Divinum, aut infanum: nam nihil timet. *Mis.* Captus cepit nos: ita repente familiaris tanquam cum fratribus agit. *Elpidius.* Hominem vagum iste habitus loquitur: spoliatum in vincula rapite, donec examinem. *Mur.* Omne spolium hæc folia sunt. *Mis.* Quid hoc video! ruptis funibus captivus effugit? *Elp.* Malum! hæc vestra sedulitas est, hæc vigilantia? *Joan.* Nihil istis irascere, Domine: ego dimisi liberum hominem. *Elp.* *Mur.* *Mis.* Audax facinus! *Joan.* Quid poteram aliud? hominem innocentem in vinculis gemere, destinatam sacrilego trunco victimam sine motu viderem? aliud Christiana charitas imperat, erga Christianum præcipue, qualis est, quem vinctum tenuistis. Jussi fugere, & me pro illo sisto. *Mur.* Non effugiet: reducent socii, qui persecuti sunt statim. *Joan.* Spero evasisse: si tamen retraheretur, oro, ut parcatis illi in Elpidii gratiam, qui miseram, quod audio, inter vos vitam vivit. *Elp.* Convitiator es. Vitam Elpidius beatam vivit, postquam excussit jugum obedientiæ, & vivere ad lubedinem cœpit. Sed cur propter Elpidium captivo parcamus? *Joan.* Quia, qui captus erat, Godonus fuit, cum Lambino fratre olim familiariter convivens Elpidio, priusquam illum mala societas avertit a bonis *Elp.* Audacter: Unde tu istud nosti? *Joan.* Quoniam Elpidium a puero novi. Adolescebat in magnas spes, sub Joannis Apostoli disciplina, crescebatque sicut ætate, ita gratia apud DEum & homines. Itaque Joannes delectatus hac indole, cum ad alias Ecclesias curæ Apostolicæ avocarent, Episcopo Ephesi adolescentem tanquam pretiosum depositum anxie commendavit. Oscitanti deinde vos rapuistis. *Mis.* Mentiris: nam invitantes secutus est ultro. *Joan.* Scio, sed deceptus a vobis per venenatam

tam dulcedinem falsæ libertatis, qua irretitus stolidè in has calamitates coniecit se. *Elp.* Calamitates vocas, quas ipse delicias arbitratur: rideret, si te audiret. *Joan.* O ut audiret me? repente scelestæ vitæ tædio caperetur, & desiderio melioris. *Elp.* Falleris: non est homo ita mobilis modo, ut fuit olim. Aut age, quibus argumentis persuadere tu viro morum mutationem sperares? *Joan.* Nimirum infamis vitæ gravissimum dedecus vivaci sermone sub oculos ponerem. *Elp.* Contemnit. *Joan.* Periculum describerem acerbæ, atque turpissimæ mortis sub manu carnificis. *Elp.* Nullum apparet. *Joan.* Labem enarrarem nobilissimi Sanguinis. *Elp.* Oblitus est. *Joan.* Laudarem corporis & animi dotes ad summa quæque idoneas. *Elp.* Perdidit. *Joan.* Spem veniæ scelerum apud DEum & homines excitarem. *Elp.* Non desiderat. *Joan.* In memoriam revocarem primæ innocentiae suavissima gaudia. *Elp.* Perierunt. *Joan.* Flagitiorum immanium horrendum numerum, foeditatem, pondus objicerem, ut ream conscientiam pudor, timor, dolor aliquis pungeret. *Elp.* Occaluit. *Joan.* Ergo DEum in cruce exhiberem, cui fidem juravit homo, cum baptizabatur. *Elp.* Deferuit. *Joan.* Ultimam arietem adhiberem a minis: coelum fulminans, iratum Divinum Judicem, atrocia tormenta inferni, & poenas æternas prædicarem. *Elp.* Non credit. *Joan.* Eheu! credam ego Elpidium in abyssum adeo profundam abreptum esse! Sed nondum desperarem: si bonus, si Christianus esse desiit, adhuc tamen homo est. Amavit Joannem puer, amatus a Joanne vicissim amore tenerissimo: si igitur per Apostoli nomen, merita, sollicitudinem, amorem, beneficia obsecrarem, ut se respiceret infelix, non se in corde Elpidii affectus humanus moveret? Illustres natales habet, ex legibus urbanitatis educatus fuit, grati animi erga beneficium Patrem honestas neque inter belluas omnino abjicitur: igitur commoverem, ut colloqui Joanni non detrectaret saltem. *Elp.* Minime omnium: pude-
ret

ret enim subire vultum hominis, quem olim reverebatur. *Joan.* Quid? si adducerem Joannem huc: adeone crude acturum putem, ut aspectum refugeret? *Elp.* Joannes Elpidii non meminit amplius, aut si meminit, detestatur. *Joan.* O te falsum! nã tu nihil Joannem nosti. Pastor si ovem perdit, flet, discurrit, quærit, & si reperit, gaudet, amplectitur, exultat: & Joannes perditæ animæ sit oblitus? nolite hoc credere de Apostolo Christi: aliud a suo Magistro est doctus, aliud charitas, & commiseratio imperat, qua prosequitur clientem stantem in præcipitio horrendæ voraginis, in quam projectæ victimæ Divinæ Justitiæ igne salientur, Marc. 9. Sed quamdiu tu dissimulabis te mihi? non videris commotus nihil: nunquid tu Elpidius es? es! rubor aliquis faciem subit: nondum emortuum est omne semen, quod Joannes in isto pectore seminavit. *Elpidi!* *Elp.* Abripe Sycophantam, Muralde! *Joan.* Elpidi!

SCENA IV.

Elpidius. Misander. Muraldus.

Elp. Abripe!... ut me attonuit sermo viri! latere, Misander, putabam me, & haberi pro mortuo: unde huic immortui? quem se dixit esse? *Mis.* Non aliud nobis, quam tibi dixit. Quin tu audis omnem sermonem: discas, quæ scire proderit, quid de nobis homines dicant; quid forsan a Præfectis immineat mali: vir simplex narrabit sincere. *Elp.* Vos explore: me pudor vetat subire oculos hominis, qui me noscit. Homo audax paulatim cœpisset convitia dicere: & enumeranti scelera mea qua fronte auscultarem? *Mis.* Consuetudo altera natura est: credebam pridem abjectum a te pudorem esse. *Elp.* Elpidius sum, non Misander. Adhuc in venis nobilis sanguis bullit, & amor honesti, atque DEI VINDICIS timor tenuem quidem, aliquam tamen vitam habet: occidi patientius feram, quam

quam proflare oculis, qui me adeo a me diversum viderunt olim. *Mis.* Quid, si ex istis foliis intelligeres aliquid? *Elp.* Sanctum! *Iesu Christi Evangelium secundum Joannem*: Inferi! malum suspicor grave nimis: aut Joannes, aut a Joanne hic homo est. *Mur.* Leander, loqui plura captivus desiderat impatienter tibi, hoc unum votum. *Elp.* Inane votum: dicat, qui sit, quid velit: urgete.

S C E N A V.

Lorinus. Lambinus. Sterops. Elpidius. Muraldus. Misander.

Lorinus. **M**actari pro altero debes. *Lambinus.* Lubens pro fratre moriar. *Sterops.* Duos, Domine, persequeremur: alter evasit per avia, quem in vinculis tenueramus. *Lor.* Iste dimisit captum: duplicis est mortis reus. *Lamb.* Belua! nosti me? *Lor.* Sic Principi, crude! *Lamb.* Post horam moriturus loqui non timet. Quid astas mutus? age, satia te hirudo familiarium sanguine: ita celeriter attinges verticem scelerum, nisi jam superasti etiam nefandi parricidii reus. Nam cur ego meum hic nusquam Joannem video? *Elp.* Quem tu Joannem vocas? *Lamb.* Sic? ipsam adeo memoriam extinxisti venerandi nominis illius viri, qui nos tanta cura asserere coelo, inferno eripere adlaboravit? Heu! si forte jam est occisus Apostolus Christi! non loqueris barbare? *Elp.* Proh! scelus meum! *Sterops.* Cessa latrare canis! *Lamb.* Immo nunc irrugiam tristi lamento: heu! periisti Joannes! actum est! audiui gemitum, quem singulavit horror sceleris, quod patraisti. O tygris! *Lor.* Nam quis est hic novus agendi modus, quod silens audias dici probrum? *Sterops.* Ego maledicam linguam ex faucibus eruam! ultimis poenis audaciam lues. *Lamb.* Nihil horreo: erunt, qui vindicabunt. Evasit Gëdonus frater: ille scit has vestras latebras, & armatam Ephefum in vos educet. *Elpidi,* provide tibi:

ultio-

ultionem sanguis Joannis clamat. *Sterops.* Officiis canis, bubo, moriendum est. *Lamb.* Moriar : date modo, ut in osculo sancti cadaveris moriar. *Elp.* Non morieris, Lambine ! sed & Joannes vivit : tibi dono, tuus sit. *Sterops.* Hoc meruit impudentia ? *Elp.* Imperavi. *Lamb.* Audivine Elpidium loqui ? *Elp.* Ingredere. *Lamb.* Ah ! tu te mecum adsterne beatis pedibus ! *Elp.* Ego ausim ? perge ! *Lamb.* Producam ad te : in osculum pacis ruct.

S C E N A VI.

Elpidius. Lorinus. Sterops.

Elpid. **H**eu ! in quibus latebris se condet pudor ! *Sterops.* Quæ te hodie intemperiarum habent ? *Lor.* Quo solitus furor abiit ? *Elp.* Nihil hæc opus est intelligere vos. Facite captivos liberos : me relinquit mihi. Tota se moles scelerum, quæ commisi, obversatur oculis, & premit cor ! inculcatus olim a Joanne timor DEI Vindicis, atque inferni horror circumstant cogitantem, qui modo sum, quis quondam fuerim : video meliora, & probo : sed vereor, ne in angiportum adductus sit currus, ubi converti axis non potest. O Joannes, nunc recorder ! ... explicare me vobis non possum : ita me casus adeo non expectatus perturbat. Lucem fugio, nam vel a sole me aspici pudet. *Lor.* Tunc sic audisti aliquando Elpidium loqui ? *Sterops.* Nunquam. In captivis latet mysterium, credo, quod superat nostrum captum : socios audiamus.

S C E N A VII.

Joannes. Muraldus. Misander. Sterops. Lorinus. Lambinus.

Muraldus. **A**gnosce gratiam, qualis ante vos obtigit nemini, ut exire de hac specu vivo liceret. *Joannes.* Beneficium beneficio compensabo : Principi sistite, *Misander.*
Y y y 2 Quo

Quo se proripuit? *Sterops.* Extra se est, & nescio quæ consilia solitarius agitat. Videtur tædium vitæ concepisſe, & nostri confortii. *Lamb.* Utinam! sed nisi fallit animus, potius te fugit, Pater mi: pudore victus non audet subire conspectum viri; cujus spes tam amplas turpiter decēpit. *Joan.* Ah! noxius pudor est! erubescat coram te Domine! te timeat, qui potes & animam, & corpus perdere in gehennam, Matth. 10 me cur fugiat? Pater sum: persequor fugientem. *Lorinus.* Obsiste Misander. Ego gravius malum suspicor. Iste minas paullo ante atroces spuit, totam Ephesum in nos armari: hic, credo, metus Leandrum in fugam egit. *Sterops.* Addidit, ducem civibus captivum fore, quem ipsi vinculis ante exemerunt. *Mur.* Congruunt omnia: proditores estis. *Joan.* Ote improvidum! optatam prædam incusso inani metu rapuisti ex manibus mihi! *Mis.* Hem! ut nihil dissimulat flagrio! scilicet filere debuerat, ut obrueremur repente? sic tibi digni videmur, quos carnifici tradas? malignum silentium mortis te reum facit. Ligentur ambo. *Lamb.* Solus sum reus: Patri parcite. *Joan.* Solvat Christus vincula, quibus ligati estis, & ad inferna trahimini! *Mur.* Ultima expectate, si deprehendimus proditores. *Mis.* Persequamur Elpidium nos. Vos ad silvæ aditum properate, speculaturi, num se moveat ex urbe aliquid armorum simile, *Sterops.* Veloces erimus.

S C E N A VIII.

Joannes. Lambinus victi.

Lor. ad Jo. Solidi! huc vos imprudens temeritas egit. *Joan. annem.* Charitas Christi egit, quæ nunquam agit temere. Lambine! quo animo es? rejecti ex portu in fluctus sumus. Hem! ut nocet imprudens lingua. Prodi se civibus suis metuens miser fugere maluit, quam mihi loqui. *Lamb.* Amor jussit has minas facere, ut facilius ad tibi parendum inducerem: neque credo inane esse, referet Godonus vicem, & liberatus a nobis liberabit

liberabit nos. *Joan.* Si tamen moriendum est, macte animo fili, pro Elpidio morimur, pro quo & Christus mortuus est. *Lamb.* Utinam Elpidius faciat, ne sit irritus tantus, quo ardes, amor. Hoc crede, Pater, non illum minæ meæ fugarunt, non timor, sed pudor: commotus est, & salubria agitare nihil dubito. *Joan.* Placet pudor, displicet fuga: lavari sustinet, quem pudet sordium: pudorem qui exuit, abstulit frugis spem. Quanquam o quam mallem, ut Elpidium peccare pudeisset, quam peccasse! Pudor præcedens peccatum semper bonus est, subsequens facile nimius, & fugitans Medici.

S C E N A IX.

Elpidius. Muraldus. Joannes. Lambinus. Misander.

Elpidius in. Sic impero! *Mur.* Ut Imperator sis, non ideo tra scenam. *Elp.* licet esse proditorem. *Elp.* Contumeliam cessâ. *Joan.* Io! vocem optatam audio. *Lamb.* Redcunt. *Elp.* Non possum, quos volo, liberos dicere? leges ab illis non fero, qui dederunt imperium: aut liber Joannes erit, aut ego non vivam! *Mis.* Quid? convitium injustum diximus? proditor est, qui fovet proditorem. *Mur.* Totam Ephesum in nos armavit homo: non audisti? *Elp.* Nihil sapitis. Neminem armavit ipse: vestra crudelitas armabit. Nescitis, quantis urbi in amoribus sit Joannes: si periculum edocebitur, primum est credere, toto in nos furore effusum iri. Liber sinatur occurrere, omnem torrentem sistet. Vos, dum fugitis periculum, accerfitis. *Mur.* Cui igitur socios fugis? in omnem casum juravimus fidem: eadem sit fors cunctorum: una viximus, una moriemur! *Elp.* Et una peribimus æternum! *Joan.* Adhuc igniculus vivit. *Elpidi!* *Elp.* Heu me! solvite vinculum duri! ego fugio. *Mur.* Non sino. *Joan.* Patrem fugis? Solve vincula, amplexu paterno stringam. *Elp.* Solvite, qui ligastis: me subire oculos Sancti non finit pudor: fugio. *Mur.* Aut sistes fugam, aut quem vis

liberum, victima stygi cadet. *Elp.* Crudelis! quo me adigis? heu Pater! ex subditis intellige, qualis sit Princeps. Scelesti vincula! *Joan.* Vincula charitatis! *Elp.* Lambine, o ut ego sim, qualis tu! vive felix! fuge sol, irrue densa nox, & impium caput tege! *Mur.* Iterum tentas? *Joan.* Frustra es: teneo, stringo te! *Lamb.* Quid reluctaris frater? bonum habemus DEum: si magna sunt tua scelera, major est DEI misericordia. *Joan.* Dolenti in tempore veniam Apostolus Christi spondet, cui data potestas est solvendi, quidquid animam ligat: nullus numerus, nullum excipitur peccati genus. *Elp.* O quid dulcedine tam suavi mulces profundo vulnere ex primo aspectu percussum pectus! non istud mereor: crudum, ingratum, impium, sacrilegum, apostatam, latronem voca! *Joan.* Non ita loqui nos Christus voluit cum poenitente. *Elpidi,* tua me salus in hoc discrimen traxit. Datur post mortem vita (audisti me talia prædicantem, & ex ore Filii DEI prædicantem, & prædicantem, quæ vidi, quæque per virtutem Divinam multis palam prodigiis confirmavi) datur post mortem vita, alia æternum beata, alia æternum infelix, in stagno ardenti igne & sulphure, quod est Mors secunda, Apoc. 21. in hoc barathrum præcipiti cursu ruis: miseruit me tui: adsum, ut teneam. *Elp.* Teneor: nihil jam metuere de fuga socii, teneor! Sinite, nos nostra agere: momentum habent. *Mur.* Excludis arbitros? *Elp.* Docebo postea. *Mis.* Muralde, quis tibi est animus ad hoc spectaculum? *Mur.* Prospicio quid sit futurum. Hic vir est, qui puerum Elpidium abstraxit a Diis: reversum abstrahet denuo, & ad Christum reducet. Patiemur? *Mis.* Si deferi volumus, si lictoribus tradi. Hoc agitur: Christianus Elpidius jam nolet nobiscum vivere: ut securus possit redire Ephesum, efficiet homo, quem dixit ipse, posse omnia apud cives. Nos reliqui soli, expositi furori stabimus, si fiat irruptio. *Mur.* Vigiles sumus. Si quid periculi ingruit, Elpidium in notas latebras rapimus nobiscum. Si comitari nolit, reus est prodicionis; necetur.

Mis.

Mis. Consilium bonum est, & necessarium. *Mur.* Jam quid socii speculentur, videndum, ne obruamur incauti. *Mis.* Eamus.

CHORUS.

Ostenditur, quod nemo sit positus extra damnationis periculum, & illi minime, qui ex spe confessionis, & facilis veniæ peccantes audacius, dicunt: *Utique possum confiteri.*

Christus. Justitia. Misericordia. Comites,

A R I E T T A.

Christus. Ite leves palææ
repetant Venti ludibrium,

Comites. Ite probrum *Area*
Gehennæ pabulum!

Ad congregandum triticum, Luc. 3.

Est præparatum horreum,

Ubi, sicut noxiis

Non est locus loliis,

Sic nec erit paleis.

Exhibetur hinc
& inde *ager* tritico, & zizaniis
plenus: in medio
area, & Christus
cum ventilabro,
ut Luc. 3. describitur.
Ager est mundus, *area* Ecclesia, *horreum* cælum.

*Miseric.** Ah! fatigor querelis...

Age, soror, ut denique finis sit litium,

In obvium compromittimus arbitrum.

Justitia. Contenta sum.

At en! ipse offert se Dominus!

Imus, alloquimur cominus.

Miseric. Domine, soror mea non vult mecum pacifice,

Sic, ut postulat æquitas, hæreditatem dividere.

Justitia. Tanquam ad Salomonis judicium

Ferimus istud litigium.

• Prodeunt litigantes.

Chri-

Christus. Ecce! plus, quam Salomon hic! *Luc. 11.*
Dicite, Filiz, quæ sit vestri causa diffidii?

Justitia. Aurem juste querulanti benignus accommoda!

Miseric. Sic tamen, ut mihi servetur integra auris altera.

Justitia. Quomodo Cataclysmus aridam inebriavit,

Sic ira DOMINI Gentes,

Quæ non exquisierunt illum, **HÆREDITABIT!**

Hæc verba tua sunt, Domine! Eccli. 39.

Hanc hæreditatem promisisti *Justitia*:

Hanc ut mihi auferat, labor est *Misericordia*:

Certe totis viribus laborat minuere.

Hoc queror, quia, si taceo,

Ne tota mihi pereat hæreditas, metuo.

Miseric. Tota hæreditas! vide, quam te decipias! *

Domine, quam sit sororis pars plane immodica,

In ista tabula considera.

In tenebris, & in umbra mortis sedent, *Luc. 1.*

Pars magna Americæ,

Major Asiæ, maxima Africæ:

In Europa præterea quanta est errorum colluvies!

Ah! vel in parte Orbis minima,

Possessio partis minime est *Misericordiaz*.

A R I A

O Tristis aspectus!

Age, rumpe costas pectus,

Spatium dolori da:

Ingens patet area!

Ecce! Orbis geminus

Geminis sororibus

Datus est, ut Jure pari

Toti vellent dominari:

Non

* Exhibet tabulam Geographicam.

Non vult partem solii
Soror mecum dividi :
Totum sibi rapuit,
Vix, ut restet aliquid.
Et, quæ audet talia ,
Dicitur *Justitia* :

Judicate Sidera !

Justitia. Siccine, quos ego aufero ,
Homines prostitutæ audaciæ
(Sive multi sint, sive pauci)
Num tu negabis deberi *Justitiæ*?
Mei sunt! & tu iniquissimis jurgiis,
Quod dudum meos non fecerim, *moras* injicis.

Miseric. Tui erunt, si non respiscant in tempore.
Nunc *mei sunt*, ego do tempus pœnitentiæ,
Et *Jure meo* utor, dum offero gratiam,

Justitia. Cum injuria contra *Justitiam*.
Nimis mollis es, Soror, una lacryma movet te!
Alit infandam temeritatem ista *facilitas veniæ* :
Non decet hoc ferre me !

D U E I T O.

Just. Est prima Regum regula!
Regnandum fortiter :

Mis. Et gemina est altera:
Regnandum suaviter !

Just. Ferantur Leges bonæ
Cum efficacia !

Mis. Sed cum *discretionem*
Ac patientia !

Just. Tu nimis *prudens es!*

Mis. Tu nimis *fortis es!*

Amba. Per te si starent res,

Z z z

Just.

Just. Jam in Gigantum fabula
Non legeretur fabula :
Periissent Cœlites!

Mis. Ut infelices Angeli,
Sic pridem quoque miseri
Periissent homines!

Christus. Define litium. Ultrique sua,
Sicut decreta est, manebit pars integra ,
Justitiæ quidem *potior*,
Misericordiæ vero *melior*,
Ista par *stellis*, quæ lucent in æthere ,
Illa æqualis *arenæ*,
Quæ jacet in maris littore. *Gen. 32.*

Justitia. Triumpho! plaude Justitia!
Pro te lata est sententia:
Jam tandem, opinor, molestiam
Cessabit facessere Misericordia.

Miseric. Immio *secura de sua parte* Justitia,
Misericordiæ, ne *de sua* aliquid perdat,
Laboranti cessabit obsistere.

Christus. Sic volo: nec enim tui, Justitia, imperii
Æterna periodus incipiet citius,
Quam, cum *tempus non erit amplius*, Apoc. 10.
Nunc, *dum tempus est*, Gal. 6.
Tempus sit Misericordiæ:
Sine, ut agat, quod potest agere.
Quod ego facio, te doceo.

A R I A.

I.
Video!.. dissimulo
Zizania in tritico,

Et

Et dico servis: finite,
Ut crescant utraque, Matt. 13.
Ad tempus tolero:
Post tempus separo.

2.

Post tempus dicam: Ite:
 Falcem expedite,
 Metite!
 Collectaque Zizania
 Comburite!
 In hoc Iudicio
 Utrique consulo:
 Quiescite!

Iustitia. Ad tempus tolero! heu! longa nimis patientia!
 Nam per hanc patientiam
 Quot mihi *de meis* eripiet *Pœnitentia!*...
 Quanquam quid istud queror?
Pœnitentiæ non est inimica *Iustitia*.
 Hoc quæro: cum sint, qui abutuntur *tempore*,
 Quibus crescit audacia scelerum
 Per *spem indulgentiæ*,
 Qui *mali* sunt, quia tu *bonus* es,
 Qui semper pergunt peccare,
 Quia semper audent sperare,
 Quibus denique nullum scelus est horridum,
 Quia dicunt: *jam confitebor iterum!*
 Quæro: an etiam *talibus*
 Pateat porta clementiæ?
 An etiam *talibus* daturus sis *tempus*,
 Locum, occasionem, & gratiam pœnitentiæ?

Z z z z

Christus.

Christus. Nulli spondeo: *aliquibus* offero: *pauci* accipient:
 Atque plerique talium confitebuntur *ad speciem*,
 Dolebunt *ad speciem*,
 Proponent *ad speciem*, absolventur *ad speciem*,
 Et salvabuntur *ad speciem*:
 Unde tuæ portio hæreditatis
 Crescet immensum *ex falsis pœnitentiis*:
 Et inter *sic peccantes temerarie*,
 Vix *ex centenis* denique
 Super uno *pœnitente* gaudium erit
 Coram Angelis, Luc. 15.
 Quando triticum,
 Jam purgatum A ZIZANIIS,
 Insuper separabo ab aridis,
 Levibus, putidis, inanibus PALEIS,
 Hoc est, veras a falsis pœnitentiis.

A R I A.

I.

Ah! falsis pœnitentiis
 Infernus plenus erit:
 Facilibus suspiriis
 Qui cito credit, perit.
 Non omne vitrum gemma est,
 Non quidquid splendet, aurum:
 Quem possidet, qui prudens est,
 Examinat thesaurum.

2.

De bonitate arboris
 Ex fructu judicabo:
 Jactantem se a foliis
 Ad ignem condemnabo.

Credendum putas lacrymis,
Putare est errare:
Quæ lacryma est sterilis,
Non potest te salvare.

- Miseric.* At sic demum acquiesces sententiæ!
Nam ego hoc etiam tibi cedo
Hæreditatis auctarium,
Quod deciduæ a tritico significant *palea*,
Numera, si potes, numera!...
Heu! quantus est numerus!.....
Sed cesset gemitus:
Qui abutuntur Misericordia ad scelerum licentiam,
Non merentur Misericordiæ gratiam.
- Iustitia.* Sic places, Soror: didicisti
Inter dignos, & indignos distinguere.
Jam cedo: libere in tuam gloriam
Utere tempore;
Modo *erga protervos* utaris *modice*.
Ego, donec sit *finis temporis*,
Nequaquam ultra turbabo
Ordinem tui regiminis.
- Christus.* Pax sit! sorores estis: ambæ regnate,
Et altera alteri, *quod suum est*, date.
Vidistis in imagine:
Pars una, nempe *triticum*, est Misericordiæ:
Due sunt Iustitiæ, *zizania* nimirum, & *palea*.
- Iustitia.* Domine, in tuo nomine
Pacis osculo Sororem oblige! *Psal.* 84.
- Miseric.* Sororem diligo!
- Christus.* Ite, regnate, in sua quævis hæreditate!
- Mis. Iust.* Eamus! regnemus!

DUETTO.

1.

Ambæ. Audi ferocule,

Quisquis es!

Necesse est, servire te!...

Et velis, nolis, servies

Miser. Aut Misericordiæ,*Justit.* Aut (quid vis?) Justitiæ*Ambæ.* Servies. Elige!

2.

Mis. Si mihi te vis tradere,Fac tradas te *in tempore*:Nam regnum meum *desinet*!*Just.* Et meum tunc incipiet:*Ambæ.* Si velis scire: *quando*?Dicemus: *aliquando*!

PUNCTUM II.

Pœnarum acerbitas.

SCENA I.

Lorinus. Sterops. Misander. Muraldus.

Lorinus. **I**ngens est globus hominum: nisi propere subducimus nos, actum est. *Sterops.* Neque, quantum procul intuentibus videri potest, lente festinant: nubem pulverum ante se agunt celeriter. *Muraldus.* Quid est consilii? *Misander.* Fuga, & latebræ. *Mur.* Prodet Elpidius. *Mis.* Trahemus nobiscum: moneo de periculo. *Mur.* Nos urgebimus, nec sinemus, ut cum homo peregrinus avellat a nobis. *Lor.* Putas

Putas hoc agi? *Murald.* Videbitis. *Sterops.* Interim dum contendimus, obruemur. *Mur.* Non erit longa contentio: invito facienda est vis. Habetis animum? *Lor.* Promptum.

S C E N A II.

Accedit Elpidius.

Elpidius. **F**Ratres, consulite vobis, si quid Ephesini adversum nos moliantur. Ego impetum sustinebo, & si opus est, solus meo sanguine eluam scelera, quæ vel vos patraistis jubente me, vel ego auctoribus vobis. *Mur.* Auditis bellum proloquium. *Elp.* Ego Joanne duce ad Christum redii: vitam Christiano tam indignam porro prosequi nec volo, nec possum. *Lorinus.* Jam non est integrum, Leander, quid velis agere. Juraisti fidem per Mercurii caduceum: irritas Deum. *Elp.* Qui male juravit, pejus exequitur. Deum furum ac latronum non timeo: DEum inter latrones colo. Valet! *Sterops.* At tu velis, nolis, nobiscum ibis. *Elp.* Quid? vim ego patior? *Mur.* Etiam arma, & necem. *Omnes.* Arma, & necem, nisi adhæreas. *Elp.* Barbari! olim blanditiis egistis contra infelicem Elpidium, nunc minis agitis? Blanditiis cessi insanus, non cedam minis. Occidite! nunc mori possum, Christianus, & poenitens. Coronate me! nullum hæcenus a vobis beneficium fuit, *occidi* erit. Sed hem! hic fructus est meæ stultitiæ: hæc conditio malæ focietatis! postquam rapuistis innocentiam, opes, famam, fidem, coelum, DEum, vultis jam etiam vitam rapere. Ah! quam sero intelligo, quibus adhæserim! ad marginem inferni constituistis me: utinam nunquam vidissem vos! *Mur.* Quis te coëgit hærrere nobis? *Elp.* Simplicula ovis eram, & vos lupi simili pelle contecti: quid mirum, quod blandis verbis illectum, & fraudibus, atque speciosis promissis deceptum traxeritis in ruinam? Scilicet ne subito adverterem scelerata consilia, & averfarer Doctores

stores in cathedra pestilentiae sedentes, duxistis rudem animam per ambages: & primum, ut degustarem dulcedinem libertatis; animastis: *Nihil esse servilius, quam diu sub cura Praepositi vivere, nutus observare, imperia tremere*, hoc mihi axioma principium exitii fuit, quo Muraldus me impulit. Inde in familiaritatem accitus Misander venit, qui gloriam ingenii in scurrilibus jocis ponens, saepe derisit, cum ad foedum sermonem vidit ingenuo pudore me tingi; rideri puduit, obstinavi frontem, verecundiam posui, & cum verecundia pudicitiam. Deinceps jam non lentis passibus itum in praecipitum fuit: egimus, quidquid juvenus, impunitas, temeritas suggererunt. Quantumvis impudenter sitis, tamen scio, si enumerarem turpissima facinora, quibus aetatem optimam contaminavimus, adhuc aliquid verecundiae vultus & oculi proderent: commessari, ludere, fornicari quotidiana exercitia fuerunt: pecuniae cum deficerent, Lorinus, & Sterops ducebant ad furta: postremo ne opprimeret carnifex, desperatio excivit ad latrocinia, retraxit me ad idola, invisum Deo, & Mundo fecit. Quid? haec parva vobis videntur mala, quae intulistis? O coelum, quis essem, nunquam vidissem istos! *Mis.* Sera lamenta sunt, & nos ista garrulitas perimit. Socii, unus est homo peregrinus, qui Leandrum retinet sibi: comitabitur nos, si ille perierit: pereat! *Omnes.* Pereat! *Elp.* Quid audebitis belluae? unum contra omnes me armat amor, nec nisi per me transfigetur Joannes: cadet, qui primus ausit huc se inferre: excubias ago.

S C E N A III.

Accedunt Lambinus, & Joannes.

Lambinus. Superi! ferrum micat! *Omnes.* Irruimus in proditores! *Elp.* Ego tegam. *Joan.* Quis est tuus? *Elp.* Tecum Pater vivam, aut pro te moriar. Audite hoc

hoc belluz, non diem, non horam ultra vobiscum vivam, nisi meliora mecum capiat consilia. *Mur.* Arma imminent: non est nunc consultandi tempus, sed fugiendi. *Mf.* Fugere nobiscum debetis, aut mori. *Joan.* Metuite nihil. Dixi: amo vos! avertam periculum, & metum eximam. Lambine, obviam curre civibus: mone, me saluum esse: Elpidium rediturum poenitentem: sperare me, secuturos exemplum reliquos. Si quid mea auctoritas, si merita valeant, si charitas Christi viget, arma ponant, nec intrent silvam, ne per noxium terrorem coepa turbent: hoc Joannem orare. Accelera cursum! *Lamb.* Deferam te! *Joan.* Obses maneo bonæ fidei. *Lamb.* Ah! si quid interea crudelitas moliatur! *Joan.* Beneficium facio: non furent in beneficium. *Lorin.* Curre! timendum est a nobis nihil, si liberis a timore. *Elp.* Non estis digni beneficio, tygrides! *Joan.* Homines facere Christus potest. Viri fratres, videtis me vobis bonum velle: audite me igitur, & vos quo animo esse deceat, considerate. Ducem teneo: comites cupio: quid agetis? miseram vitam vivitis: quousque amabitis miseriam? hodie, si vultis, felices reddam. Omnes ex Epheso estis; Ephesum redire licet: ego reducam salvos. Belluarum est habitare in specubus, & sanguine humano pasci: aliud ratio, aliud Universi Dominus, bonorum omnium ac malorum Remunerator postulat. Quid timetis, boni, quid timetis? Cives Ephesinos timetis, & vincula nimirum, & carceres, & cruentæ mortis sententiam, & listorem imminentem cervicibus, & equuleos, & rotas, & ignem! O terribicula puerilia, si cum illis comparentur, quæ vindex scelerum DEUS intentat. Ah! nolite timere eos, qui occidunt corpus, animam autem non possunt occidere: sed potius timete eum, qui potest & animam, & corpus perdere in gehennam, Matth. 10. Hunc, dico vobis, hunc timete! Vivit, o boni, vivit & regnat aliquis in coelo DEUS: aut si dubia hæc vobis veritas videtur, dicite, quis tonat? quis fulminat? si aliquando arbor ad latus vestrum

trifulto igne percussa crepuit, quis vobis tunc animus fuit? non palluistis? non trepido verberare planxistis pectus, docente natura, placandum esse vobis eum, qui naturæ dominatur? *Vivit DEus*, & qui creavit terrarum Orbem, etiam gubernat: *vivit*, & observat, an servantur leges, quas posuit, atque ut ignorari non possint, cordibus ipsis digito suo inscripsit, quia sapiens est: *Regnat*, & urget observantiam legum, quia Sanctus est: inobedientem punire potest, quia Omnipotens est: punire debet, quia Justus est. Poenæ modum, & genus ut sciatis (ex ore Filii DEi loquor, qui etiam verba mea, cum opus est, sequentibus signis, & magnis prodigiis, quorum tota *Asia* testis est, solet firmare) denuntio vobis supplicium sempiternum, in igne inextinguibili, horrendum, inexplicabile, si quis impoenitens moriatur. Infra sub pedibus vestris hiat vorago vasta, tota quanta est igne sulphureo ardens: *Locus tormentorum*, Luc. 16. (ita hæc aures testes sunt) ab ipso DEi Filio vocabatur, & quod vere locus tormentorum sit, postea, cum Insulam Pathmum incole rem exul pro Christi nomine, oculi cum immani horrore videntur. *Locus* loci est centrum terræ, ut intelligatis, quam densò ubique muro circumvalletur, ne quis spem somniet evadendi ex isto carcere: *Forma* quadrum in mille circiter milliaria latissime patens, & mille myriadam capax ad terribilem torturam: *Architectus* Justitia Divina æque, uti clementia, in operibus suis infinite laudabilis: *Finis* vindicta contumaciæ, qua rebelles Angeli primum, deinde diabolici homines supremi Domini præceptis sanctissimis obedire per summam insaniam detrectarunt. *Instrumentum* ad hunc finem electum est ignis, quem *status Domini sicut torrens sulphuris succendit*, Il. 30. Ignis, qui corpus dam-nati undequaque involvit, omnes nervos, venas, ossa, ossiumque medullas pervadit, atque in ipsam spirituales animam ferociter sævit: *Ignis*, qui vehementia semper æquali, furore nunquam mitescente, late circum omnia populatur, neque tamen quid-

quidquam consumit: *Ignis* mille leucas profundus, mille altus, mille latus, undique inclusus, atque per omne latus quadrati carceris cum multiplici æstus intensione perpetuo percussus. Hæc leviter adumbrata descriptio est ergastuli crudelis, quod paratum est vobis, nisi bene monenti obsecundetis. Et potestis vel ex hac imperfectissima imagine ratiocinando concludere, quam gravia ex tormento loci, atque quam diversa tormenta gignantur. Locus in centro est: ergo *opertus mortis caligine, ubi nullus ordo, sed sempiternus horror inhabitat!* Job. 10. Horror in oculis, quos spissæ tenebræ, densus fumus, & maligne intermicans flamma excruciant: horror in auribus a convitiis tortorum, & terrificis ejulatibus miserorum: horror in naribus a congestis in immensum cumulum foetidis cadaveribus: horror a Socii lamentabili ululatu, & blasphema rabie sibi mutuo infestis: horror a desperatione remedii, quando Judex, qui damnavit, immutabilis est, carnifices, qui torquent, sunt immortales, & Reus, qui torquetur, occidi non potest. Porro ab horrore, & cruciati nascatur necesse est *fletus, & stridor dentium*, Matth. 8. Defluent ex bulliente cerebro igneæ lacrymæ, exurentes genas inutiliter, quia sero, deflentium stultitiam suam, quod servire ad gloriam Justitiæ DEi elegerint potius, quam ad gloriam Misericordiæ! fletum autem excipiet stridor, ac fremitus adversum seipsos furentium, atque tabescentium a dolore, tristitia, poenitentia, rabie, cæterisque affectibus diserpentibus animum in vota inania, quibus cum vociferatione immani jam diem suæ nativitatis execrabortur, jam vitæ male actæ insaniam damnabunt, jam sub prementis calamitatis horrendo pondere miserabiliter ingemiscunt, denique in perpetui agonis tristissimo cruciati positi vocabunt mortem, quæ finem malis faciat: sed *mors fugiet ab eis!* Apoc. 9. tandem *pluet super eos DEus bellum suum*, Job. 20. & totum armamentarium Justitiæ evacuabit, *ut compleat indignationem suam in eis*, Eccl. 6. *Dabit ignem in carnes eorum, ut comburantur,*

Et sentiant in sempiternum, Judith. 16. neque erit unquam hora, qua miserebitur Dominus miserorum, sed tanquam in Justitiæ suæ victimis, quarum *in stagno ignis ardentium fumus ascendet in sæcula seculorum*, Apoc. 14. in odorem suavitatis, complacebit sibi, irridebit lamenta, *subsannabit* plangentes; & *plaudet manu ad manum*, Ezech. 21. applaudente coelo, & *Alleluja* acclamantibus Sanctis Nemesei triumphanti de rebellibus suis, Apoc. 17. qui *interea commanducabunt linguas suas præ dolore*, Apoc. 16. Narravi, quæ audiui a Filio DEi, quæ vidi in visione mirabili: vestrum est discernere, quid malitis, credere, an experiri. *Apposui vobis ignem, & aquam*, Eccl. 15. ad quod volueritis, extendite manus vestras: quam vere Apostolus Christi sum, non datur medium inter flammam, & lacrymas: aut poenitendum est, aut ardendum.

SCENA IV.

Joannes. Elpidius. Muraldus. Misander. Sterops. Lorinus.

Elpidius. **E**Go poenitentiam eligo! Ecce jacent ad pedes tibi, magne Apostole, ensis, sagittæ, pugio, instrumenta scelerum: sic, qualis sum, inermem me civibus Ephesinis offeram! vinciant, torqueant, crucient, prout humanæ justitiæ leges imperant: merui: modo tu mihi, offense DEus, modo tu æternum parcas. Eja fratres, beate me: & cui hæcenus obediatis imperanti flagitia, obedite modo per vestram salutem obsecranti, quod miserans DEus postulat. Horret animus cogitare, in quo discrimine æternæ miseræ tot annos versati simus: vix infelicibus, si tales tetra mors occupasset! extrema supplicia meritis mittit Apostolum suum clementissimum Numen: novi virum, audiivi dogmata, vidi prodigia: non est impostor! servus veri DEi est, dilectus Filio DEi discipulus, Asiæ Doctor, virtutum gloria, & facinorum supra vires naturæ editorum splendore undequaque illustis, plerorumque quæ prædicat, testis de visu:

NON

non mentitur, non decipit: obstinatos in scelere ignis æternus manet! ignem æternum timeo! timete mecum! hic timor salvabit nos. *Muraldus.* Socii, quid faciemus? *Joan.* Ite in urbem mecum: ibi dicetur vobis, quid vos oporteat facere. *Misander.* Difficile consilium suades: pudor & timor terrent. *Joan.* Peccati vos pudeat, optimus pudor est: poenitentia non est, cur pudeat: virtus est, victoria est, triumphus est, quem de vobis ipsis refertis. *Elp.* Timor etiam timore pellatur! graviora mala DEus minatur, quam Ephesini inferre possint. *Joan.* Dixi: ego faciam, ut nullum inferre velint. *Lorinus.* Consultemus, fratres! *Sterops.* Immo quid consultare est opus? misera est vita nostra, & scelestas: nunquid quales vivimus, mori velimus? *Joan.* Immo consultate: firmius decernitur, quod consulto decernitur, nos secedimus.

SCENA V.

Muraldus. Sterops. Misander. Lorinus.

Muraldus. HEus vos! mihi motibus insolitis pectus palpitat, & sanguis in venis friget. Superi parcite! æternum miser, & tam atrociter miser esse nolo. *Misander.* Putas, vera esse, quæ detonuit senex? *Lor.* Mihi certitudo de suppliciis, quæ memoravit, non videtur exigenda: potest opinio probabilis sufficere, ne quis audeat se exponere tanti mali periculo. *Sterops.* Prudenter advertis: certe in periculis temporalibus certitudinem non expectamus: opinio imminentis infortunii concutit terroribus animum, & excitat ad cautelam, ut invigilet sibi. Dicimus: præstat securum esse. *Mur.* Me vero movet auctoritas viri, ut de nulla re dubitem. Sanctus est, qui hoc uno fine latronum se furori objecit, ut clientem DEo suo reduceret. *Mis.* Et Sanctus non mentitur. *Lor.* Adde: neque decipitur, cum narrat, quæ audivit, & vidit propterea, ut narret aliis; tunc enim

DEus per hominem loquitur. *Mis.* Et per istum se loqui testatum esse admirandis portentis, Leander dixit. *Mur.* Leander non ita subito in Elpidium mutabilis, nisi virum Divinum nosset. Fratres, ego silvam desero; ignis æternus urget. *Mis.* Oportebit abdicare Mercurium, cujus cultui innutritus sum! *Lor.* Mutare Deum non erit difficile: facile reperiam meliorem Mercurio: sed ut mores mutem, hic labor erit. *Sterops.* Necessarius labor, nisi velimus suppliciis addici æternis. Eja! rumpamus moram: Elpidium sequor! perite arma impia! finis flagitiis esto! *Mur.* Conjiciamus in cumulum, & concrememus! videant Ephesini, nos serio agere. *Omnes.* Concrememus. *Lor.* Conferte sarmenta in rogam: ego ignem fuscito.

SCENA VI.

Accedunt Elpidius, & Joannes.

Elpidius. **Q**UIS est tumultus? quid video, fratres! *Omnes.* Te ducem sequimur. *Elp.* Spectaculum est Joanne dignum! *Joan.* Adsum! rem bonam video! maesti animis, filii, salvi eritis, sanctum consilium coronet constantia. *Mur.* Ignem admove Pater! Sacrificium DEo tuo instrumenta malitiæ fiant! comburamus, ne comburamur! *Joan.* Immo sanctificentur arma! Sacrificium DEo meo fiat hic Deus vester! & sicut exhibuistis hætenus membra vestra arma iniquitatis peccato, sic jam exhibete vos DEo tanquam ex mortuis viventes, & membra vestra arma justitiæ DEo, Rom. 6. *Elp.* Sequimini me! unanimi ferocia in sacrilegum Deum imus. *Omnes.* Sequimur: quid velis, jube. *Elp.* Christe Jesu! o ut sit hoc spectaculum jucundum tibi! ecce in pulvere coram te tristis Elpidius jacet mærore ingenti obrutus, quod vero DEo mendacem prætulert. O coelum! o rupes! o silvæ! o bellux! plangite mecum horrenda scelera, quæ commisi! tendens adversus DEum manum meam, & contra
Omni-

Omnipotentem roboratus! cucurri adversus eum erecto collo, & pin-
gui cervice armatus sum, Job. 15. Obstupefcite super hoc, & desola-
mini! Quanquam o Socii! quid sterilis planctus juvat! Miseri-
cordiæ Domini, Misericordiæ Domini debemus, quod consum-
pti non simus, imò quòd non ardeamus infernititiones nunquam
consumendi. Misericordias Domini in æternum cantemus! Mi-
sericordiæ Domini immolemus hunc truncum, ut satisfaciamus
Justitiæ. Heu! ne peccare timeremus, finximus nobis Deum
similem nobis, Deum mendacem, Deum furem! eat in frustra
hoc frustum ligni, & ardeat víctima DEO vero! *Omnes, Eat in
frusta! ardeat! Joan. Godine salve! ad lætum spectaculum ades!

S C E N A VII.

Personæ omnes.

Godinus. O Mutatio! *Lambinus.* O prodigium! Elpidi frater,
ut mihi tuus hic animus placet? *God.* Beatus sum,
qui cum cives eduxisse me putavi ad vindictam, ad triumphum
eduxi. *Elp.* Christus regnat, Christus triumphat! Godone,
quam ego hanc gratulationem male a te sum meritus! *Godin.*
Cessa ista: Christiani est oblivisci injuriarum. *Lamb.* Pater,
quod jusseras, cives fecerunt omnes. Ad silvæ aditum te ex-
pectant cum Elpidio reducem: quibus lætitiis exceperint nun-
tium, non sum dicendo. *Joan.* Multiplicabunt gaudium socii
sequentes ducem. Christe captivam duco captivitatem tibi! ah!
ne pereat ex eis quisquam! *Elp.* Inter latrones mortuus, & pro
latronibus memento nostri in regno tuo! *Joan.* Ergo incendi-
te, quem adorastis! *Omnes.* Ardeat, ne nos ardeamus!
Joan. Ignem inferni igneus fervor extinguit.

ME

* Mercurium conscindunt, & cremant.

MEDITATIO V.

Quintum Timoris Argumentum.

ÆTERNITAS.

ARGUMENTUM.

Quatuor Novissimis, quæ hætenus ad excitandum in nobis timorem Domini meditati sumus, pondus immane addit, quæ *Mortem*, & *Judicium* sequitur, *Jacturam Cæli* vero, ac *Pænas inferni* comitatur ÆTERNITAS, *Æternitas!* horrenda vox, ad cujus vel solum sonum ambæ aures Sapientibus tinniant! Attamen videmus multos, quos parum aut nihil percellit hoc tonitru, sive quod nimio sopore oppressi vix obiter percipiant, sive quod credant, strepitum in syllabis esse, & propositionem de subiecto non supponente. Dantur enim etiam nunc, nec longe a nobis, immo forsitan inter nos dantur, qui vel omnem æternitatem vocant in dubium, vel saltem palam disputare non verentur, an non immerito damnata sit Origenis sententia, olim docentis: impiorum supplicia, ipsorumque doemonum post multa quidem secula, sed aliquando tamen habitura esse finem, & Creatorem cum creaturis suis propter Redemptoris merita esse rediturum in gratiam. Verum inane solatium esse, in hac Meditatione, quam iterum in Dialogi formam redegitur, sic demonstrabimus, ut æque, quibus nulla, & quibus frigida de æternitate est fides, de veritate convicti, serio trepidaturi sint, &, si favet conatui DEUS, anxie circumspecturi in tempore, quid facien-

faciendum sit sibi, ne æternum sint miseri. Erit igitur hujus Meditationis, quæ præcedentium synopsis est, & repetitio,

Materia : Dialogus de Vita futura.

Puncta duo : 1. Vitæ futuræ Principium,

2. Sine fine.

Fructus : Timor DEi, Domini, Judicis, Remuneratoris, & Vindicis IN ÆTERNUM.

Propositum : Fuga vitæ peccaminosæ, otiosæ, periculosæ, deliciosæ, & nimium negotiosæ, quinque Meditationum quintuplex effectus.

Chorus. Ostendit, nihil esse in æternitate acerbius, quam memoriam temporis olim aut male perdit, aut in negotia mere temporalia nimis profusi, & tunc irrevocabilis.

P E R S O N Æ.

Synesius.

Eusebius.

Angelus Apocalypticus.

Publicanus.

Phariseus.

Epulo.

Lazarus.

Dismas.

Gestas.

Judas.

B b b b

PRO-

P R O L O G U S.

Reflexio in Meditationem præteritam, & Præparatio ad præsentem.

Fides. Ratio.

Ratio. S Uperi! quæ fascinatio! *
 Clausam adhuc portam cordis video:
 Adhuc lego vocem execrabilem: NOLO.
 Ergo post *Mortis* sententiam,
 Post ultimi denuntiationem *Judicii*,
 Post ablatum *Jus ad Cœlestia gaudia*,
 Post intentata *Inferni* supplicia,
 Adhuc nulla deditionis fit mentio:
 Quam insana est ista obstinatio!

Fides. Est cordis, a quo exulant *Fides*, & *Ratio*,
 In quo imperant *Phantasia*, & *Passio*.

Ratio. Ah! cor infelicissimum,
 Nam, quo tardas diutius deditionis negotium agere,
 Et intro admittere *DEI* timorem,
 Tanto contra te certius provocas
 Horrendum furorem:
 Quis enim *DEO* restitit, & pacem habuit? *Job. 9.*
 Audi (clamat *Ratio*)
 Audi cor, quod moneo.

A R I A.

Cedendum est Omnipotenti
 Cede, cede, humilia te! ...
 Cum validi movent se venti,
 In pelagus ultro se dare,
 Cum fluctibus velle pugnare,
 Est stolide perdere se.

2. Is

* Exhibetur cor humanum munimentis cinctum, & adhuc contra sui deditionem obstinatum.

2.

Is Navita laudem meretur,
 Qui extra discrimen ut sit,
 Se imparem pugnae fatetur,
Cedensque, cum undæ tumescunt,
 Et parvos in montes jam crescunt,
In tempore fugere scit.

- Fides.* Surdum est cor: non habet aures,
 Quibus audiat *Rationis* clamores.
 Experiari, an etiam *oculis* careat,
 Quibus, quod fides accendit,
 Horribile lumen videat. *
- Eja stellæ reliquæ,
 Quæ luce aurea distinguitis tempora,
 Cadite de coelo, cadite,
 Et vestro casu finem temporis plangite! ...
 Unus sanguineo syrmate Cometa fulgeat,
 Qui longæ poenarum æternitatis
 Minax nuntium afferat! ...
 Ultima est admonitio: ...
- Ratio.* Væ cordi, cuius per hanc non frangitur obstinatio.
 Proh! lumen *lugubre rubens!* ...
 Quis *sine pallore* aspiciat,
 Si pondus vocis intelligat,
 Quæ se exhibet *igneis scriptam litteris?*
- Fides.* ÆTERNITAS! ... *quot litteræ; tot sunt fulgura,*
 Oculos intuentium non obiter perstringentia.
 Immo si figas, etiam *cæcos natos* sanantia:
 Nam, quid est ÆTERNITAS?

B b b b 2

Arioso.

* Exhibitio.

Ariose.

Æquor sine littore,
 Tempus sine tempore,
 Epilogus non desinens,
 Rota in se rediens,
 Nox, quam nulla finit dies,
 Iugum, sub quo non est quies,
 Tonitru non detonans,
 Agon nunquam enecans,
 Saxum grande miseras
Semper premens animas,
 Et nunquam opprimens,
 Hoc est ÆTERNITAS.

Ratio. Vicisti Fides! ecce! vexillum figitur
 Petendæ pacis symbolum!
 Pons submittitur: patet introitus,
 Vocamur ad colloquium.
Fides. Sic sapis, Cor! .. ingredimur,
 Et, quam *Timor* imposuit, legatione perfungimur.
 Præcede Ratio: Fides sequitur.

*D U E T T O.**

Ambe. Superbum cor
 Conterere!
 Quod male occupasti
 Imperium restitue,
Fides. Fidei submitte te,
Ratio. Rationi subijce,
 Conterere!

Ambe.

* In ingressu super pontem, cui cor appictum est.

Ambæ. Contritum cor benevole
DEUS respiciet,
Non despiciet. *Psal. 50.*

2.

Ambæ. Conterere!
Sic veniam merebere,
Ratio. Sic qui cruento syrmatè
Funestus nunc exterret te,
Cometa disparebit:
Fides. Succedet *sol*, & aureis,
Nec occasuris radiis
Perpetuum fulgebit.

MEDITATIONIS V.

De Æternitate, PUNCTUM I.

Vitæ futuræ Principium.

§. I.

Preparatio animorum.

Eusebius. **S**YNEſi, penetravit medullas timor facer: meditatus
Novissima hominis totis artubus trepido, intelligens,
qualem DEUM offenderim servus incurius, inutilis,
inobediens, rebellis, contumax! doleo! *Syneſius.* Offendiſti
DEUM DOMINUM VITÆ AC MORTIS ARBITRUM: væ
miſero, quem *in ſtatu peccati* deprehendit Juſtitiz apparitor in-
exorabilis MORS! *Euf.* Hæc mea temeritas fuit: deteſtor!
procul a me ſit poſthac VITA PECCAMINOSA, qualem vi-
vunt,

B b b 3

vunt, qui non solum facile peccant, sed etiam diu in peccato persistunt. *Syn.* Primæ Meditationis hic fructus esto. Offendisti DEUM JUDICEM, qui non solum servos malos, sed etiam *pigros* condemnat. Væ nimium *securis*, qui nisi commisionum sint rei, *de omissionibus* nihil anguntur! *Euf.* Hæc mea *stoliditas* fuit: execror! odi jam, odi VITAM OTIOSAM, qualis eorum est, qui *titulis* contenti, *officium* negligunt. *Syn.* Sic altera Meditatio profuit. Offendisti DEUM REMUNERATOREM, qui non personas hominum, sed merita respicit. Væ negligenti, quem JACTURA COELI non reddit sollicitum! *Euf.* Hæc mea *imprudencia* fuit: deploro! horret animus modo AD VITÆ PERICULOSÆ mentionem: sit procul a me status, aut officium, quod mihi *propinqua occasio* ruinæ foret, per quam cœlo exciderem! *Syn.* Tertiæ Meditationis scopus hæc resolutio fuit. Offendisti DEUM VINDICEM, qui & corpus & animam perdere potest in gehennam! væ *pervicaci*, quem minæ tam atroces non terrent! *Euf.* Hæc mea *audacia* fuit: abominor! refugit mens A VITÆ DELICIOSÆ complexu, quem tanta tormenta excipiunt! *Syn.* Sic proficisci ex quarta. Sed jam quinta Meditatio ut hæc omnia proposita firmet velim, & insuper FUGAM VITÆ NIMIS NEGOTIOSÆ inculcet. *Euf.* Quid vis? vitam etiam negotiosam condemnas? *Syn.* Excessum condemno. Stygii Pharaonis hoc artificium est, ita diu, noctuque occupare aliquos non quidem in operibus impiis, sed tamen in luto & paleis, hoc est, in negotiis temporalibus, ut vix horam reperiant, qua possint serio cogitare de rebus æternis. ÆTERNITAS hodiernæ Meditationis materia est: Cura æternorum sit fructus: MODERATIO occupationum, & ORDO in negotiis temporalibus erit medium. *Constitutio loci* ad materiam opportuni est, quam vides. * *Euf.* Ubi sumus? *Syn.* In Palæstina te vides, in

* Exhibentur Palæstinæ montana, & varia sepulchra.

in terra sancta, in terra, quam *Filius DEI* suo sudore rigavit, labore excoluit, sanguine consecravit. *Euf.* Aspectus est plenus horrore sacro, & tenera devotione. Intueor montem Oliveti, clivum Calvariae, torrentem Cedron, rudera Hierosolymae, monumenta infinitae charitatis, qua dilexit me, qui tradidit semetipsum pro me: impetus est, exosculari sacra vestigia, quae hinc in coelum ascendens Servator impressit loco. *Syn.* Tene te! nam ecce *IESUS*, qui hinc visus est ire in coelum, sic venit. * Jamque audis? *Tuba mirum spargens sonum per sepulchra regionum, cogit omnes ante thronum!* Resurrectio vite aeternae Principium, & Meditationis nostrae Punctum primum est. *Euf.* Superi! quis erit ossium ad ossa accedentium strepitus? quis in toto Orbe tumultus? *Syn.* Ne procul abeas: ecce hic movet se aliquis!

§. II.

Exercitium Memoriae.

Publicanus. **A**Udivi novissimam tubam: leva caput tuum caro mea, quoniam appropinquat redemptio tua! ex carcere vocaris ad solium, surge velociter! *Syn.* Sic Beati surgunt, celeriter, laeti, exultantes in *DEO* salutari suo. *Publ.* O felix poenitentia, quae dealbavit me in sanguine Agni! Dixi in tempore opportuno, in spiritu contribulato tribulatione amara, in corde contrito dolore maximo, pudore serio: *DEUS*, propitius esto mihi peccatori! & propitius fuit, & misertus fuit optimus Dominus: salvus sum! *Euf.* Publicani est ista vox. O coelum, quae est species, quae alacritas hominis! non tundit pectus, non plangit, non dejicit oculos, non tremit Judicem! absterse sunt lacrymae, & omnis poenitentiae squalor versus est in splendorem. *Publ.* Vale terra, in coelum eo! ubi sum? *Syn.* Alius hic proreperit. *Euf.* Immo in alterum se vertit latus refugiens lucem. *Syn.*

* Tuba insonat: resurgunt cum vario affectu varii.

Syn. Frustra: oblectari enim voci omnipotenti non licet. *Phariseus.* Me miserum! horrenda vox! invisa lux! *Laz.* Lazare veni foras! vox Domini confringens petras vocavit! finis malorum est! caro mea! finis est! *Epulo.* Conde radios crudelis sol! crucior! *Euf.* Vah sensus diversi! *Syn.* Studiose audiendi sunt: nam ego hoc cupio, ut RESURGENTES primum, postea RESURRECTIONEM contempleris attente. *Publ.* Quis hic occurrit? *Laz.* Famossus Lazarus sum, qui ad fores hujus Epulonis mendicus jacui. *Publ.* O salve frater! per viam innocentiae tu ivisti in sinum Abraham, ego per poenitentiam. *Laz.* Uterque per gratiam Redemptoris, cujus Sanguini tua poenitentia, & mea innocentia omne pretium debet. Vides hunc montem? nisi hic Homo-DEUS mortem crucis sustinuisset, neuter resurrexisset ad vitam beatam: adoremus! *Publ.* O dignatio! o bonitas! o misericordia! *Epulo.* Surgere cogor! surgere infelix, ut cum anima etiam corpus cruciatur æternum! o crudelitas! o injustitia! o tyrannis! *Laz.* Blasphemiam audio! Scelesti! non meministi, quod receperis bona in vita tua! nonne vestiebaris bysso, & purpura, & epulabaris quotidie splendide? utinam bonis fuisses usus bene, & misello Lazaro saltem micas indulgisses cadentes de mensa, quam felix jam mecum foret! *Epulo.* Tu Lazarus? tu ille mendicus pannosus, exuccus, lepra oblitus, a foedis ulceribus foetens! *Laz.* Olim! sed nunc ego consolor, tu vero cruciaris! *Luc. 16.* *Epulo.* Crucior! Montes! montes cadite super me! aspectum tam tristem non fero! *Publ.* O quanto utilius mecum ejulasses in tempore! sentire modo, quam multo fuisset melius ire in domum luctus, quam in domum convivii, quamque lacrymarum poenitentium dulciores sint, quam gaudia theatrorum! *Laz.* Abiit miser, & periit! Nunc agnoscō, quantum DEI optimi beneficium mea paupertas fuerit! heu! si fuisset in vita dives, quis essem in resurrectione! *Phariseus.* Ergo surgendum est! o maledicta æris nefasti tuba! *Laz.* Tu quis

quis es, cui sepulchrum, & pulvis, & putredo præ vitæ gratia in amoribus sunt? *Phar.* Pereat vita! Mors, o bona Mors, ubi es? tu insanis nimirum, qui vitam pro gratia habes. *Ego non sum sicut ceteri hominum*, insipiens adeo, ut resurgere velim ad poenas novas! Claudite vos iterum oculi mei, in mortem æternam claudite! *Publ.* Pharisei est ista vox, quem execranda hypocrisis, & superbia perdidit. Phariseæ! *Phar.* Vah! quis rursus turbat? *Publ.* Surge! non eras sicut ceteri hominum: non iniustus, non raptor, non adulter, non Publicanus! jejunasti bis in sabbato, dedisti eleemosynas, solvisti decimas: surge, in vitam æternam surgis! *Phar.* Ah! quisquis es, misere! Accusatus sum! iudicatus sum, condemnatus sum de hypocrisis! o si quid potestis, boni (nam video vos esse hilares) supplicate DEO pro me, non ut eripiat me de flammis, in quibus infelix uror, sed ne cogat reviviscere, & una cum carne uri. *Publ.* Vide, quid agas, miser! Publicano supplicas: Phariseum hoc decet? *Phar.* Publicanus tu! tu talis! involvite me densa nocte fumantes flammæ sulphurei carceris, ne tantum opprobrium videam! *Laz.* Digna superbæ poena æternus pudor! Properamus frater, quo tuba vocat: rursus insonuit. *Publ.* Properamus in vallem, ubi congregabuntur omnes Gentes: quis erit occursum? & quorum? & inter quos affectus! *Syn.* Profunda cogitatio est, & digna mora. *Euf.* Digna: nam quanta mutatio erit! in paucis vidi omnes. *Syn.* Vide plures. *Dismas.* Non fallor: vere evigilavi de somno longo: in monte supplicii, quo interemptus sum, invenio me! Salve o bona Crux, per quam salvus sum ego! mortui sint alii morte placida, morte naturali, morte in oculis hominum pia, & felice: nulli invideo: me mors *violenta*, & *turpis* cœlo intulit: beata Mors! *Gestas.* Vah! quo vocor? *Dismas* es tu? talem te video, qui in eadem mecum damnatione fuisti? Similis vita fuit, similis mors: cur dissimilis resurrectio est? *Euf.* Latro-

nes loquuntur Christi in Cruce socii! *Syn.* Ipsi sunt: vere quasi ex eodem lecto assumptus unus, relictus alter. *Dismas.* Similis vita fuit: poenitet! sed, DEo sint laudes! similis mors non fuit. Quid quereris miser! tragoediæ, quam ego vidi; etiam spectator fuisti tu! fluebat idem pro te sanguis: lingua eadem pro utroque orabat Patrem: ego submisi caput gratiæ: tu obstinatus & Domini exemplis, & meis monitis, & insolentibus prodigiis obfirmato animo restitisti: unde perditio tua, nisi ex te? *Gemas.* Heu! perditio! de cruce ad ignem abeo, de tormentis temporalibus ad æterna, dupliciter miser! heu! *Dismas.* Sera lamenta sunt: ego per patientiam egi poenitentiam! ex necessitate feci virtutem! o beata necessitas, quæ ad meliora me compulit! Vale mons sancte! mons meæ beatitudinis patria! in vallem propero, unde ascensus in cœlum erit! quis occurrit? *Judas.* Inferi! quem me video! suspensus crepui medius, & effusa sunt viscera: quis redintegrata restituit? vivo miser, & in æternum opprobrium vivo! *Dismas.* Judas est hic, Apostolus Domini, & ego latro: Superi! obstupescite differentiam! *Euf. Synesi!* hic duorum occurfus mirabiles affectus ciebit. *Syn.* Fructum ex singulis cape. *Judas.* Audivi tubæ clangorem horrendum: *Surgite mortui!* Sistere te Judici debes, Juda, Judici, quem pro triginta argenteis vendidisti! O stulte Mercator! ah! si posses, quem pretio tam vili vendidisti, quanto nunc emeris sanguinem? *Dismas.* Juda, Apostole Domini mei! *Judas.* Heu! quis me compellat hoc nomine! Tonitru in auribus est titulus; qui me damnavit. Quis es tu? & unde me nosti? *Dismas.* Character te tuus prodit. Miser, cur desperasti? ego & tu uterque digni patibulo fuimus: sed ego mihi ex cruce scalam ad cœlum feci, tu ad inferos: quæ hæc, malum! stultitia fuit? *Judas.* Resorbe terra hoc infantiæ monstrum! pudet prostare Soli! *Dismas.* Prostare Orbi debes: eundem est. *Judas.* Tu comes eris? *Dismas.* Non diu: nam in valle Josaphat separabimur,

bimur, & tu ad sinistram ibis, ego a dextris stabo, ut Justitia Dei triumphet in Apostolo, Misericordia in latrone. *Judas.* Eheu! quid video? quid audio? quid dicam? *Dismas.* Merito gemit infelix! stabit enim inter judicandos, qui poterat Judex sedere; Bonum erat ei, si non fuisset natus! O DEUS! o Resurrectio! o Judex! o Judicium!

§. III.

Exercitium Intellectus.

Synesius. Quis animi sensus, Eusebi, quæ cogitatio, quis affectus se movet ad hanc visionem? **PRINCIPIUM VITÆ ÆTERNÆ** exhibui: Intellige, quanta futura sit Reformatio in judiciis hominum! quanta mutatio in affectionibus! *Eusebius.* Sincerus ero, & mentis motus omnes, quibus sub hac scena agitabatur, per ordinem enarrabo. Primum Resurrectio videbatur mihi esse quasi nova nativitas. Occurrebat, quod scripsit Job: *Pueredini dixi: Pater meus es! mater mea vermibus*, Job. 17. Resurgens tanquam ex utero Matris a sepulchro prodibo in lucem novam! *Syn.* Sic est: notasti discrimen autem, quod inter primam nativitatem est, & inter secundam erit? *Euf.* Audiam. *Syn.* Multiplex reperitur. Nascimur *infantes*, renascimur viri: quilibet suam sive felicitatem, sive miseriam perfectissime intelliget. *Euf.* Digna est attentione reflexio. *Syn.* Nascimur *moriuri*, renascimur *æternum viduri*. *Euf.* Infinita differentia! *Syn.* Sed nondum summa: tertiam expende. *Quales nascamur*, non est res arbitrii: *quales vero renasci velimus*, eligendi potestas datur. *Euf.* Synesi, hæc sententia mirabile lumen spargit. Superi! si cui liberum esset, *nasci, qualis vellet*, quis non eligeret nasci dives, nasci nobilis, nasci sanus, & formosus potius, quam deformis, & æger, & pauper, & de fæce plebis? nunc *renasci possum*, qualis volo, opulentus a meritis, illustris

virtute, in corpore glorioso! & ultro eligam prodire de tumulto mendicus, despiciabilis, damnatus ad rogam, in carne foetida, ulceribus obsita, stygiis flammis instar fumantis titionis adusta! O coelum! absit a me procul tantæ insanix execrabilis rabies! *Syn.* Utinam sit omnium hæc exclamatio! sed tu perge explicare te amplius. *Euf.* Nimirum animo volvi *Resurgentium ad novam vitam* momentum primum, alterum, tertium, Occurrit: primus tubæ sonus quam aliter verberaturus sit aures impiorum, aliter electorum: quamque isti alacriter, illi lente se moturi sint, ut obsequantur voci, & surgant. *Syn.* Ex more suo facient, semper pigri ad verbum Domini. *Euf.* Deinde intuebar mutuo sibi occurrentium repentinos affectus. Ut plausit Publicanus, & Phariseus erubuit! ut ejulavit Epulo, & Lazarus jubilavit! ut Dismas laudavit Misericordiam, & Gessmas blasphemavit Justitiam: Judas vero seipsum exhorruit! Quæ mutatio fuit! quam alia, ac olim aluerant, vidi desideria; alia vota, alium luctum, alios amores, alia odia, alium timorem, alios *de bonis, ac malis presentibus* sensus, atque judicia. *Syn.* Nempe conformia veritati, quæ nunc non nisi per tenues radios oculis fide armatis se exhibet. *Euf.* Præterea iter contemplabar, & viam, per quam quisque iturus esset in vallem Josaphat. Cogitabam, quid cogitaturi essent, quibus a loco sepulchri eundum erit per longe, lateque patentem Provincias, donec per Asiæ Regiones in Palæstinam ferantur. Videbimus in hac peregrinatione omnia Regna Mundi, & gloriam eorum in cinere, in cinere, in cinere! Et ego quidem si moriar Monachii, sedebo ad exsiccata a flammis Israhel, & flens recordabor: hic stetit olim magnifica civitas digna Sedes Bojarix Principum! in hac urbe adorabar ego inter Primates! hæc arca fuit, in qua resplenduit palatium meum! hic hortus, in quo deliciabar! hic domus, in qua lasciviebam, hic curia, in qua toties favi sceleri, hic templum, quod profanavi! Talia dum recordabor, cheu! surgent circa me undique

undique *Majores* mei, & objurgabunt degenerem a veteribus *Barbaris*! surgent *coævi* mihi, & insultabunt, rapientes cœlum sibi præ me! surgent *poster*i, & exprobrabunt exempla, quibus perverſi sunt, a generatione in generationem veneno se propagante! Inde ex Bavaria in Austriam properans, & per Hungariam, ac Turciam viſurus sum urbes celebres sine vestigio, grandia Regna sine nomine, ditissimas ditiones sine incola. Clamabo: hæccine est illa Mundi profani species, quæ per fallax stibium, & ceruſſam tot amatores seduxit! Obvii erunt ex omni gente, ac populo homines alii læti, alii tristes, ac desperabundi, omnes inter se confuſi sine ordine, sine titulo, sine famulatio, sine insignibus, sine veste, quia scilicet finita erit hujus vitæ comœdia, & actores positis jam personis æquales omnes properabunt eo, *ubi laus erit unicuique a Deo*, judicaturus, non qualem quisque personam egerit, sed quam bene suam. *Syn.* Salubres cogitationes volviſti, & feraces sanctorum effectuum de cura æternitatis. *Euf.* Verum postea a *Resurgentibus* ad Resurrectionem mente converſa cœpi intentius affigere me quæſtioni: *Verene resurrectio mortuorum olim futura sit?* Equidem non tanquam dubius hæſi de veritate, quam fides docet, sed tanquam avidus ſciendi, quibus argumentis firmetur fides, & ſuſcitari frigus languoris poſſit. *Syn.* Rem bonam poſtulas, præcipue quia non deſunt male feriata ingénia, quibus *dies Ginerum* jucundior eſt, quam *dies Paſchatis*, eo quod resurrectionem magis, quam mortem horreant. Juvat horum cavillationibus poſſe occurrere, ne, quod ſciolorum eſt, de imperitia contra veritatem triumphent. Tu igitur utramque aurem applica diſputanti: intelliges, *quam prudenter* resurrectionem carnis credamus, & dici non poteſt, quam jucunda ſit fides *reflexe prudens*. *Euf.* Experior: neque enim poteſt non ſuaviter afficere nos alacritas fidei, quam prudentia parit: Avidum auditorem habes. *Syn.* Non tenebo te diu: Rem omnem unum Dilemma conficiet. Si dubium prudens de Resurrectione

haberet locum, vel ambigua esset potentia DEi, vel voluntas? *Euf.* Utique, nam si constet & posse DEum, & velle Resurrectionem efficere, dubium quodvis sublatum erit. *Syn.* Constare de utraque sic, ut *dubium prudens* hærere in animo bene affecto veritati non possit, intellige, quomodo demonstretur. De potentia primum agam. Pulvis est homo, & revertetur in pulverem, sic est: sed age, qui ex pulvere fecit hominem, antequam fuit, cur non poterit ex eodem pulvere resuscitare collapsum? rescicerene difficilius est, quam facere? Quanquam quis sapiens dicat aliquid esse difficile Omnipotenti! Videmus quotidie fieri in semine, quod de homine non capimus: projicitur semen, moritur, sepelitur, putrescit, & in fructum centuplum reviviscit: ecce imago Resurrectionis omni exceptione superior. Verum addamus signo rem significatam: nunquid ab actu ad potentiam bona est argumentatio? nunquid in veteris Testamenti tabulis resuscitatum legimus mortuum ab Elia filium viduæ, & ab Elifæo jam mortuo hominem alium, qui efferebatur? 3. Reg. 17. & 4. Reg. 23. Nunquid de tribus mortuis a Christo revocatis ad vitam Evangelium testatur? nunquid similia de Petro, & Paulo in Actis Apostolorum narrantur? Sileo Historiæ Ecclesiasticæ monumenta, quibus sicut fidem Divinam non tribuo, ita quod fidem humanam mereantur, negare impudentis ingenii est, atque procacis. Ego ex his conficio, prudenter ambigi non posse de potentia, sive quin DEus possit in omnibus, quod in aliquibus fecit. *Euf.* Omitte de potentia dicere: qui nos produxit ex nihilo, quod reproducere possit ex pulvere, helleboro indiget, qui negat. Quod velit, unde probas? *Syn.* Agitur de decreto, an exstet? Quæstio facti est: probari ex testimoniis debet. Sunt autem testes, qui DEo familiares fuerunt *Patriarchæ*, ex quibus Jacob ossa sua transferri in Palæstinam voluit, ne cum infidelibus Ægyptiis olim resurgeret: testes *Prophætæ*, inter quos apertissime Job: scio, inquit, quod Redemptor meus vivit, & in novissimo die

die de terra surrecturus sum; & in carne mea videbo DEum Salvatorem meum! testes *Evangelistæ*, quorum unus: *Omnes*, ait, qui in monumentis sunt, audient vocem Filii Dei! testes *Apostoli*, ex quorum numero *Doctor gentium*: *Omnes*, clamat, omnes quidem resurgetur, sed non omnes immutabimur! testis denique æterna Veritas, Verbum Patris, Christus, toties de resurrectione commemorans, quoties de *Judicio extremo* disputat: tantæ nubi testium quis nisi impudens se opponat? *Euf.* Submittere iudicium decet viris, contra quos prudenter excipere non potes, sive quod fallantur, sive quod fallant. *Syn.* Et multo magis utique DEi Filio, qui nec quidem potest aut falli, aut fallere. *Euf.* Submitto lubens, & credo, quod non capio: nam difficultatem fidei præter auctoritatem testium etiam Ratio mitigat. *Auctor naturæ* appetitum ad corpus inseparabilem animæ dedit, non daturus utique, nisi decrevisset postliminio restituere unionem cum carne, ne perpetua spiritui etiam beato violentia inferatur. *Syn.* Ex Philosophia petitur hoc argumentum; aliud Theologi addunt: Nisi corpus resurgeret, nunquam daretur *beatitudo consummata*, nunquam *beatitudo totius*, sed *partis*, nunquam *beatitudo hominis*, sed *animæ*: & denique Christus dici non posset plenam de morte retulisse victoriam, nisi cum Capite etiam membra resurgerent. *Euf.* Sed quod de resurrectione ad vitam dicis, an etiam de resurrectione ad mortem intelligis? Sunt enim, qui resurrectionem esse præmium putant, atque adeo solis Sanctis communem. *Syn.* Inepti sunt, postquam Dominus timere nos iussit eum, qui & corpus, & animam perdere potest in gehennam.

§. IV.

Exercitium Voluntatis.

Eusebius. ERgo stultum est eorum solatium, qui de vitæ futuræ poenis nihil metuunt sibi, & dicunt: fiat animæ, quidquid DEo placuerit, modo corpori non sit male! *Syn.* Vah! quod

quod animal loquitur! O crassum ingenium, & adipatum, quod de immortali spiritu adeo nihil se angit! pone, solam animam uri! non tu ureris? non certe pars nobilior tui? dicat aliquis: *cremetur corpus meum, excorietur, discerpatur, modo vestes sine salua!* non tu insanissime insanire hominem, & in Anticyras ablegandum clamabis? *Euf.* Sapientius utique, cum corpus afflictum patitur, solabor illud: *sustine paululum! nam tertia die resurges!* *Syn.* Ita, tertia die: nam prima est dies patientiæ, altera dies sepulturæ, tertia dies gloriæ, **PRINCIPIUM ÆTERNITATIS BEATÆ!** De hac die cogitans Job: *cunctis diebus*, ait, *quibus nunc milito, exspecto, donec veniat immutatio mea!* *Euf.* Audite hoc homines impatientes, qui nihil potestis expectare! non nisi a servis expectantibus Dominum suum sperari immutatio potest. *Syn.* Felicissima immutatio, quia corpus, quod *seminatur in corruptione, surget in incorruptione*, quod *seminatur in ignobilitate, surget in gloria*, quod *seminatur in infirmitate, surget in virtute*, quod *seminatur corpus animale, surget spirituale*, 1. Cor. 15. v. 42. *Euf.* Vere felicissima immutatio! ergo quid agitis miseri, quibus hujus vitæ ærumnæ intolerabiles videntur, dicite: *qui sunt sermones vestri, quos confertis ad invicem ambulantes, & estis tristes?* Ah sermones de æmulis, qui vos persequuntur! de dominis, qui vos opprimunt! de Judicibus corruptis per munera, de egestate, de fame, de infortuniis, de doloribus, de præmatura morte: sermones inutiles, inanes, vani, qui afflictis non ferunt solatium, sed aculeum mali prementis profundius figunt! Aliter Divine Præceptor, docuisti nos loqui tu! *Syn.* Aliter sane, cum scilicet in omni miseria per resurrectionis memoriam se consolans, scitote, dicebat suis, Luc. 13. *Filius hominis tradetur Gentibus, sed tertia die resurget! illudetur, sed resurget! conspuetur, sed resurget! flagellabitur, sed resurget! occident eum, sed resurget: nullum in hac vita malum æternum est.* *Euf.* Ita, ita, hæc fides in capite, hæc spes in sinu leves omnes ærumnas faciet: *exspecto, donec veniat immutatio mea*

mea ex milite in regem, ex misero in felicem, de statu laboris in statum quietis, de statu mortis in statum vitæ. *Syn.* Optima propositio! verum vidisti, audisti: *Omnes quidem resurgemus, sed non omnes immutabimur*, ah! non omnes, quid? si tua resurrectio sine immutatione foret? *Euf.* Heu! miser æternum forem! Anima mea! infelix anima in corpore subiecto curis, obnoxio morbis, exposito totius naturæ injuriis inclusa æternum fores! *Syn.* Dixisti parum: dic, alligata corpori, tanquam stygio carceri undique flammis furentibus involuta æternum fores! Ut immutationem sperare corporis possis, necesse est, ut nunc animum ac vitam mutes: vita Epulonis, mores Pharisei, animus Judæ, mors Gesmæ in flammæ æternas desinunt: Hoc recordare. Monstravi resurrectionem, ostendi Resurgentes: ut resurgas cum Publicano, cum Lazaro, cum Disma, jam non dico tibi: *memento homo, quia pulvis es!* sed quoniam memoria resurrectionis plus valet in animos, quam memoria mortis, moneo te: *Memento pulvis, quia homo es, & in hominem reverteris!* *Euf.* Memento pulvis, quia homo es! nempe non pulvis inanimis, sed pulvis animatus, homo subiectus DEO, qui inspiravit in te spiraculum vitæ, ut fieres in animam viventem, non tibi, sed Creatori, sed Redemptori, sed Domino tuo. In hominem reverteris, ut præmium, aut poenam æternam recipias pro vitæ modo. *Memento pulvis*, homo es, pulvis eris, & ex pulvere rursum homo, homo æternum felix, aut æternum infelix eris! *memento pulvis!* *Syn.* Sed audis? tertius clangor resonat! DE ÆTERNITATE judicium fit. Ascendamus in montem Olivarum: inde in vallem Josaphat prospectus patet. *Euf.* Sequor ducem,

CHORUS.

Ostenditur, nihil esse in æternitate acerbius, quam memoriam temporis, olim vel *per nimium otium*, male perdit, vel *in nimis multa negotia* inutiliter expensi, & tunc irrevocabilis.

Æternitas. Tempus. Chorus Horarum. Dives Evangelicus. Servus talenti reus. Phariseus, Epulo.

Tempus. FUGIMUS filii, fugimus! servivimus satis*
 Hominibus ignavis, stolidis, sceleratis: ...
 Vah! .. Tempus DEi Crucifixi beneficio
 Concessum ad agendam *pœnitentiam*,
 Ad obtinendam gratiam,
 Ad promerendam gloriam,
 Plerique prodigunt pessime, aut *male* agendo;
 Aut nihil agendo,
 Aut aliud,
 Quam quod unum est necessarium, *Luc. 10.*
 Ah! aliud agendo! ...
 Hem! tantum est Orbi pretium temporis,
 Empti pretio Divini Sanguinis!..
 Fugimus filii, querimur Superis,
 Ut faciant finem injuriis.

C H O R U S.

Servitum satis est!
 Rumpere! ah! rumpere
 Rupes Calvariæ!

Et,

* Exhibetur mons Calvariæ dehiscens postea in abyssum.

Et, de quo exivimus,
Gremio nos recipere!
Servitum satis est.

2.

Præstat, præstat citius
In nihilum redire,
Quam impiis diutius,
Ad scelera fervire:
Sancta rupes rumpere,
Volentes recipere!

Div. Ev. Fallor, an questus audivi serios? *

Pharise. Verene tempus a mortalibus fugit?

Serv. pig. O fugiat, & veniat ad mortuos!

Epulo. Ita, ita, bonæ horæ, venite ad nos!
Nos intelligimus pretium temporis!

Omnes. Nos scimus æstimare vos,
Venite ad nos!...

Tempus. Superi! tempus æstimant inferi!
Ite maledicti, non fallitis nos:
Ite! male perditum contemptum temporis
Merito luitis.

Pharise. Culpam fatemur: non æstimavimus vos.
At nunc miseræ docuerunt nos sapere:
Nunc intelligimus,
Quanti vel horam facere debuerimus,
Qui annos negleximus.

Omnes 4. Nunc intelligimus.

Pharise. Nunc (calidæ testes sint lacrymæ)
Nunc æstimabimus.

Omnes 4. Nunc æstimabimus!

D d d d 2

Ariose.

* Utrique carcer stygius se aperit, unde prodeunt bini & bini trahentes catenam, qua colligati sunt.

*Ariose.**Omnes 4.*

Erravimus!

Annos, menses, dies, horas

Pessime perdidimus!

Dives Ev. Ego nimis anxias,

Inter curas horrei:

Servus. Ego nimis frivolas,

Inter nugas otii:

Epulo. Ego corpus saginando

Sine cura animi:

Phariseus. Ego naves observando

Alieni oculi.

Omnes 4. Erravimus,

Errorem confitemur.

Serv. & Ep. Sed, diu satis luimus,*Div. & Pha.* Corrigere statuimus:*Omnes 4.* Non veniam meremur?

Ah! unicam

Da horulam

Ad poenitentiam!

Tempus. Siccine nunc denique æstimatis me!

Atqui olim hæc erat vobis cura præcipua,

Quomodo possertis lepide tempus fallere!

Sæpe, ad agendum salutis negotium obtuli me:

Dixistis jam: non vacat modo!

Jam: non libet bodie!

Ad alia mihi nunc tua opus est opera!

Tandem ego sefellis vos:

Nec me fallitis iterum

Splendido verborum apparatu:

Novi vos: desinetis fervere,

Cum desinetis ardere.

Ariet-

A R I E T T A.

Non fido his propositis :
 Naturam habent fulguris,
 In ortu occidunt:
 Quos habent ignes, subitum
 Effusi sunt per impetum:
 Micant ! non perimunt.

Phariseæ. Fatemur : olim talia
 Fuerunt nostra pia desideria:
 Sed, quæ nunc concepimus,
 Non genuit impetus,
 Genuit ignis tartareus:
 Durabunt : age, experire,
 Da horam, cujus ope possint in opus prodire.

Tempus. Ergo, si, quod petitis, obtinetis,
 Dicite, quid agetis?

Omnes 4. Omnes rigidissimam agemus poenitentiam!

Div. Ev. Ego destruaam horrea, nec faciam alia,
 Sed, quæ possedi, dabo pauperibus omnia,
 Nihil de me sollicitus,
 Soloque pane & aqua contentissimus.

Servus. Ego talentum male defossam eruam,
 Et perdius ac pernox intentus labori,
 Non sine multo foenore Domino restituam.

Epulo. Ego libenter miseri eligam sortem Lazari:
 Ipse epuletur quotidie splendide:
 Ego ad fores jacebo,
 Et vel micis,

Quæ cadent de mensa, patienter carebo.

Phariseæ. Ego sub Publicani pedibus me palam locabo,
 Et ultro, quæ occultavi crimina, publicabo.

Omnes 4. Omnes rigidissimam

Agemus poenitentiam ... *

Pharise. Heu! ut quid horridum repente tonitruum

Male fausto omine

Obmurmurat vocibus supplicantium?

Epulo. Perjimus! naturæ machina commovetur! ...

Servus. Rupes dissiliit! ...

Dives. Immanis abyssus se aperuit! ...

Omnes 4. Ah! cito! cito da horam:

Æternitas imminet: non ferimus moram.

Tempus. Plaudite filii, finis venit, erimus liberi.

Omnes 4. Da horam & omnes rigidissimam

Agemus poenitentiam!

Æternit. Sic est, o miseri, rigidissimam

Agetis poenitentiam,

Quam constituent amarissima *contritio*,

Tristissima *confessio*, acerbissima *satisfactio*!

Sed nulla unquam sequetur *absolutio*.

Ite MALEDICTI! ..

Vox est tonitruum in rota, Psalm. 76.

Quam nulli jam sistent gemitus, nulla vota.

A R I A.**

Cedite tempora!.. vertere rota!..

Repete tonitru... repetete rota!...

Imperat Æternitas.

Repete iterum repetete toties,

Quot in se folia numerant arbores,

Quot

* Mons Calvariae in Abyssum subsidit, unde prodit Æternitas: tempus autem cum horis in eodem absorbentur.

** Exhibetur Rota æternitatis semper cum novo tonitru in se rediens.

Quot se pulvisculi movent in aere,
Quot sunt in littore leves arenulæ:
Nec, cum æquaveris, cessa repetere,
Iterum incipe, iterum repete,
Donec intelligas *DEum deficere*,
Tunc, & non antea, licet quiescere:

Imperat *ÆTERNITAS*.

Tempus. Vindicamur Filii!

Io! ab infami servitute jam liberi,

Descendimus hilares

In abyssum primi nihili.

4. *Damnati*. Et nos in tartara redibimus æternum miseri!

C H O R U S.

Hora. Valet bona sidera!

4. *Damn*. Perite mala tempora,

Hora. Et juvat interire:

4. *Damn*. Perite, & o, liceat

Vobiscum nos perire!

Æternit. Non licet, postquam vindici

Æternum in vos Nemese

Decretum est sævire.

4. *Damn*. Decretum sævum, barbarum,

Hora. Decretum culpæ consonum:

Temporis injurias

Vindicat *ÆTERNITAS*:

4. *Damn*. Vindica, fulmina!

Fulmina! eneca!

Æternit. Fulmino, non tamen eneco:

Vivetis, ut moriamini perpetuo: vivite!..

ARIA.

A R I A.

Hic finis est: sic plectitur

Abusus temporis:

Æternis demum petitur

Hora suspiriis!...

Clamatur: *horam* utinam

Haberem unicam!

Sed nemo audit nāniam:

O triste UTINAM!

P U N C T U M II.

Vitæ futuræ nullus finis.

§. I.

Exercitium Memoriae.

Synefius. **P**alles, Eusebi, & tremis ex horrore spectaculi,
quod vidisti in valle Josaphat! Collige animum:
gravius superest argumentum horroris. VITÆ FUTU-
RÆ PRINCIPIUM ostendi: FINEM si possem osten-
dere, forte respirandi facultas foret. Sed PRINCIPIUM
fine FINE materia est Meditationis, quæ exigit, ut ad no-
vas curas te pares. *Eusebius.* Nunc intelligo, quod dixit
Propheta: *Congregabo omnes gentes, & deducam eas in vallem
Josaphat, & disceptabo cum eis ibi*, Joel. 3. Vidi gloriosos Or-
dines Sanctorum in nubibus obviam Christo. 1. Thess. 3. Vidi
fluctuantem vallem a confusa multitudine reproborum. Vi-
di venientem Judicem cum potestate magna, & Majestate.
Vidi apertos libros, ex quibus redivivi mortui examinaban-
tur. Disceptatum est vehementer: audiavi tristissimam vo-
ciferationem cum horrifico ululatu a circumjectis monti-
bus percussio ingeminantium: *Domine! Domine!* quibus
respondit

respondit *vox tonitruum in rota*: NESCIO VOS! DISCEDITE, & continuo coelum Judicis sententiæ fulminando applausit: terra dehiscens immugiit: infernus infelices absorbit. *Syn.* Ita, infernus absorbit, nunquam, æternum nunquam redituros. Auribus locum descripsi nuper, hodie oculis exhibeo: ecce ad ostium stamus. *Euf.* Labant genua: tremit cor: juvate Cœlites! tamen inspicio. * *Syn.* Angelum vides *habentem clavem abyssi*, Apoc. 20. Aperuit, ut intueremur: reverere! *Angelus.* Omitte! conservus vester sum, qui huc adducere *viventes* soleo, ne *mortui* rapiantur in locum, ubi hoc summum tormentum est, quod nulla sit mors. *Euf.* Heu! Angele DEi, quam est hoc paucis multa dicere? *Locus tormentorum, ubi nulla est mors!* ergo quanquam totus est carcer ignis, merus ignis, tamen nulla combustio est? *Syn.* Hoc volunt objectæ oculis vocolæ immanis ponderis: SEMPER, & NUNQUAM. *Ang.* Causa mali etiam perpetuo aspectum cruciat, ne quis unquam oblivisci possit, quod *merito* crucietur æternum. ** Appensa est in statera culpa, & poena, inventaque est poena examinata *ad pondus Sanctuarii* minus habens, quam culpa, neque condigna merito. *Euf.* Quid loqueris, Ductor Angele, ignis, æternus ignis, non est condigna peccato poena, quod nos *per risum* patramus? *Syn.* Difficile dogma statuis. Obsecro, ut me audias! Equidem credo æternitatem poenarum: sed *tu adjuva incredulitatem meam*, Marci 9. ut credam firmiter, alacrius, efficacius: quod proderit, ut hic Eusebius quoque promptius sequatur, quo duco. *Ang.* Loquere: difficilis fides non erit, si causæ dubitandi tollentur.

§. II.

Exercitium Intellectus.

Synefius. UT brevis sim, difficultates hujus articuli omnes ad duo argumenta reduco, quorum unum ex natura

E e e e

Crea-

* Exhibetur inferus. ** Exhibitio statoræ.

Creatura petitur, alterum ex natura *Creatoris*. In creatura video, quod *ignis agens*, ut æternum agat, alimento infinito indigeat: infinitum autem alimentum unde suppeditari queat, non video. Multo minus intelligo, quomodo *corpus patiens* æternum duret: *pati* enim est detrimentum accipere, quomodo igitur post quotidiana detrimenta corpus non denique consumetur? De Creatore vero hæc innata animo idea est, quod infinite & justus, & bonus sit. Porro si *justus* est, quo titulo culpam momentaneam poena æterna plectat? & si *bonus* est, quis credat, fieri posse, ut pro injuria per inobedientiam suæ Majestati illata poenam æternam expetat, quin unquam animæ in atrocissimis cruciatibus ingemiscantis aliqua miseratione tangatur, præcipue cum cruciatus æternus sit pura poena, quæ neque servit *ad terrorem aliorum*, quia nemo tunc vivet amplius: neque *ad correctionem damnati*, quippe qui nunquam emendabitur. *Euf.* Ad damus tertium argumentum *a gratia Redemptoris*, cujus gloria postulat, ut denique *propter ipsum* reconcilietur DEus omnibus, quibus iratus est, & nemo sit, qui non *infinite satisfactionis* particeps fiat. *Ang. Erratis*, nescientes *Scripturas*, neque *virtutem DEi*, Matth. 22. Virtus DEi *Omnipotentia* est, quæ ignem infernal aler e sine alimento potest: *Flatus Domini sicut torrens sulphuris succendit illum*, Is. 30. Quod aliud nutrimentum exigitis? Virtus DEi *Sapientia* est, quæ sicut in fornace Babylonica fecit, ut luceret ignis, quin ureret: ita in inferno facit, ut urat, quin consumat: aut an difficile esse putabitis DEo, restituere damnatis corpora *passibilia* quidem, immortalia tamen? non legistis, quod de homine damnato scripsit Job. c. 20. *Luet, quæ fecit omnia, nec tamen consumetur?* Virtus DEi *Justitia* est, quæ in culpa non temporis durationem, sed *malitiæ gravitatem* attendit: unde inter vos etiam latrocinium, quod momento committitur, perpetuo carcere, aut perpetua vitæ privatione punitur. Malitiæ vero gravitatem *æstimare* cujus est? Rei, an Judicis?

Pœnam culpæ æqualem *taxare* ad quem pertinet? Auditurne Reus aliquando, cum per horam punitus fuit, dicere Judici: *Nunc satis est?* SATISFACTIO pro injuria per peccatum illata DEO nulla sufficebat, nisi quæ *infiniti pretii* esset: sic judicavit DEUS, adeoque ut satisfaceret sibi *per Deum - Hominem*, statuit: non certa conclusio est, quod nulla quoque SATISPASSIO, *quæ finem habet*, culpæ gravitatem adæquet? Non acclamare punienti Nemesei æternum decet: *Iustus es Domine, & rectum judicium tuum!* Ps. 110. Denique Virtus DEI Bonitas est: sed nunquid æquum est, ut, qui bonus est, malum oderit, ac persequatur, quamdiu malus est? æquum, ut quia damnati perpetuo mali erunt, perpetuo puniantur? *Minatur* DEUS æterna supplicia, ut *corrigan*tur alii, alii *terreantur*: minarum executio non valebit sive ad correctionem, sive ad terrorem: quid tum? at nisi exequeretur, *verax* non esset: quid? quia bonus est DEUS, an ideo *mendax* erit? aut, ne bonus esse cesset, *verax* esse cessabit? *Syn.* Non cessabit: nam quanquam *æternas* pœnas intendet, tamen, modo *longe* sint, dici vere *æternæ* poterunt, quoniam in aliis argumentis sæpissime hæc vox, *Æternitas*, pro diuturno tempore a Scriptura usurpatur, non pro duratione, cujus nullus sit finis. *Euf.* Et firmant hanc interpretationem textus alii, nam in Apocalypsi c. 5. dicitur Agnus *infra terram* laudari, utique cum erit finis pœnarum: Paulus quoque mortem esse morituram affirmat, 1. Cor. 15. & Isaias c. 24. *Post multos dies* visitaturum esse DEUM damnatos asserit: age, non ista oracula solatium infelicibus ferant, maxime, quando iterum Joannes Apocalyp. 22. affirmat aperte, tempus adfore, cum *nullum maledictum erit amplius?* *Ang.* Inania solatia hæc, & male intellecta oracula sunt. Joannes omne maledictum a *civitate DEI* excludit, de qua ibi loquitur, & non de fine inferni. Idem ubi de laude Agni *infra terram* disserit, agit *de tempore*, non de æternitate. Isaias per visitationem non solatium intelli-

git, sed poenarum innovationem, in gladio duro, & grandi, & forti, If. 27. Paulus tandem de morte mortis primæ narrat, cum resurrectionem tuetur; sed mors secunda manet, quod in Apocalypsi legetis, c. 21. A vocabulo quod argumentum ducatis, levitæ tribuam, an malitiæ? Si vocis Æternitas aliquando usus est pro longo tempore, nunquid propterea nunquam intelligi debet de tempore sine fine? Immo ne ambigi prudenter possit de vocis unius significatione, voluit DEus aliis, aliisque phrasibus æternitatem poenarum docere. Aut si aliquando, quanquam post multa sæcula, finis tormentorum futurus est, & DEus damnatos homines, dæmonesque per longa supplicia placatus admittet in cœlum, nonne mentitur Apostolus, cum monet: *Nolite errare: neque fornicarii, neque idolis servientes, neque adulteri Regnum DEi possidebunt*, 1. Cor. 6. Mentitur, cum asserit: *Omnes quidem resurgemus, sed non omnes immutabimur*, 1. Cor. 15. Fallitur Isaias, cum c. 66. dicit de damnatis: *Vermis eorum non moritur, & ignis non extinguitur*? Decepit vos Christus, qui hæc ipsa verba Marc. 9. tertium inculcat? Decepit Joannes Baptista, Matth. 3. affirmans de Justitia Divina: *Paleas comburet igni inextinguibili*? Decepit Daniel. c. 12. prædicens fore, ut multi in terræ pulvere evigilent, alii in vitam æternam, & alii in opprobrium, ut videant semper? Dicere debebant: non videbunt semper, ignis extinguetur, vermis morietur, omnes immutabimur, tandem etiam fornicarii, & adulteri Regnum DEi possidebunt. Falsum dixit Veritas, cum dixit de Juda proditore: *Bonum erat ei, si natus non fuisset*! Ah! bonum utique Judæ est: nam, quanquam post longa tormenta, denique tamen beatus Judas, & felix æternum erit: meretur æterna felicitas hoc pretio emi: bonum est Judæ, quod natus fuerit! Eja! non horrent aures hanc contradictionis audaciam? At nempe gloria Redemptoris, & infinita satisfactio hos defendit Interpretes? O speciosa argumentatio, solida, convincens, si Superis placet, & si forte isti plus, quam Christus, de Christi gloria solli-

solliciti sunt. Omnes equidem, qui in Adam mortui sunt, per Christum vivunt, *si volunt* meritorum Christi se participes reddere *per usum mediorum*, quæ Christus præscripsit. Merita Christi gratiæ sunt, & gratiæ non obtruduntur invitis: *Qui nolunt* igitur, non participabunt, æternum non participabunt. Audivimus clamantem Dominum: *Nisi quis renatus fuerit, non introibit: nisi pœnitentiam egeritis, peribitis: nisi abundaverit justitia vestra plus, quam Phariseorum, non intrabitis in regnum cœlorum.* Quid? num est, qui reclamare audeat: *Intrabitis tamen! non peribitis!* non hæc blasphema temeritas est? non ipsa potius neglectio gratiæ per Christum oblata crimen infinities aggravat? non sapientior hæc illatio est: in peccato imbibitur *contemptus infinitæ Majestatis*, cui vilis homulus obedire detrectat: *contemptus infinitæ mercedis*, quam obedienti DEus promittit: *contemptus infiniti pretii*, cujus neglectio nova est, Apostolo teste, profusio Divini Sanguinis, nova crucifixio, novum Deicidium: ergo peccatum meretur poenam, quæ finem non habet. Frustra *miserationem* speratis, postquam qui infinite misericors est, tamen postremam Judicii ultimi sententiam his verbis expressit: *Discedite a me maledicti in ignem æternum*, statimque addidit: *Ibunt hi in supplicium ÆTERNUM, justi autem in vitam ÆTERNAM*, Math. 25. Stultitia est, qua mentitur iniquitas sibi, vocem Judicis eandem intelligere de vita *sine fine*, & de supplicio tandem *finiendo*. Judex & vitam, & poenam æternam vocat; ergo dicere: *pœna* habet finem, *vita* non habet finem, est illudere Verbo Dei, & sibi *pulvillos consuere sub cubito manus, & facere cervicalia sub capite universæ ætatis ad capiendas animas*, Ez. 13. Itaque quid opus est pluribus? *DEus dixit*, poenam ignis nunquam finitum iri: ergo possibilis est, ergo datur, ergo justa est, ergo non repugnat Bonitati Divinæ, ergo non excedit peccati malitiam, ergo non opponitur gloriæ & meritis Christi, denique: ergo quantumvis captu difficilis sit, credi debet *æternitas vitæ future*,

ture, una felix, altera infelix sine fine, sine fine, sine fine. Habetis, quod opponatis?

§. III.

Exercitium Voluntatis.

Eusebius. **T**erribilem omnium terribilissima hæc veritas est! Synesi, attonitus circumspicio me, & molem negotiorum, quibus interdum obruor pæne, diu noctuque gemens sub pondere. *Syn.* Negotia vocas: nugas appella, nisi in quibus æternitati laboras. *Ang.* Scio: & VITÆ NEGOTIOSÆ testimonium præbent tui tituli, quando decem officiis vir unus fungeris: cubile tuum, quod accumulata in acervum volumina papyri complent: ordo diei tuus, qui vix necessarias horas refectioni corporis, & somno concedit: famuli tui, quibus etiam in die festo non est facultas, ut vacent sibi. Dic, non est hoc stulto labore consumi? immo noxio? nam cui bono sicevisceras te infelix aranea? nempe ut muscam capias, lucellum aliquod, honoris titulum, favorem hominis: tantine tantilla æstimes? Equidem si vita præsens æterna foret, veniam forte mererentur hæc curæ: sed sic fatigari, sic exhauriri, sic consumi quid hoc *ad vitam æternam*, quæ vitam præsentem excipit, quid, inquam, ad vitam æternam prodest? Immo tu metue, ne obsit etiam: sicut enim vita otiosa, sic etiam *vita nimis negotiosa* raro est innocens. Sæpe qui omnia agit, nihil bene agit: ignorantia, oblivio, incuria, fastidium, præcipitantia vitia sunt *nimis occupatorum*, vitia, quæ caudam trahunt omissionum, & procrastinationum *contra justitiam*, caudam obdurationis, & sævitæ *contra misericordiam*, caudam acediæ, & teporis *contra religionem*, caudam amoris proprii, ac suæ familiæ *contra juratam Principi fidem*, ac boni communis curam, denique caudam obcecationis, & nimis securitatis *in causa anime*, cui non datur tempus, ut
inspi-

inspiciat se, suaque consilia, & labores ad regulam legis æternæ examinet. *Euf.* Descripsisti me! quid vis, ut faciam? *Ang.* Curas tuas cum pluribus DIVIDE, & quas tibi retines, ORDINA ad curam unam, quæ est *cura æternitatis*. *Syn.* Sæpe monui, & non audisti me! *Euf.* Ah! frigida fides de poenis æternis fuit: nunc convictus, sapientius vitæ negotia ordinabo, ne obsint æternitati. O æternitas! credi potes: capi non potes. *Ang.* Credere teneris, capere non teneris. Sed quia dæmones quoque credunt, & contremiscunt, ne similis sit fides vestra; id est, *sine operibus*, agite, admove te vos huic igneo mari: evocabo in litus infelices animas: docebunt, quid æternitas doceat. Adeste maledicti, quos habet hic *locus tormentorum*: sunt, qui colloqui vobis velint. *Euf.* Loquar propositiones meas, & interrogabo miseros, quid *faciant* modo, quid *fecisse* vellent olim, quid *facturi* essent, si sponderem poenarum finem. * *Gemas.* Quis vocavit? o si quis nuntium mortis ferret! Crux mea, o bona crux, ubi es? adeste apparitores! affigite trabalibus clavis! mori unum est votum, mori! *Euf.* Mori vis, *Gemas*, nimirum, ut, cui prima mors infelix fuit, mors secunda beata esset? *Gemas.* Heu! non ista spes damnatum læstat. Vale cœlum, æternum vale! Redire in nihilum liceat: impletum est omne desiderium, si detur mori! mori! *Phariseus.* Ah mori! surda est mors. Dolores mortis undique me circumdant: mors semper fugit! Ure flamma ferox, ure, combure viscera: mori liceat! *Epulo.* Eheu! *uva mea uva fellis*, & *botri amarissimi*, *fel draconum vinum meum*, & *venenum aspidum insanabile*, Deut. 32. Crucior! furit per intestina mordens pestis! mortem bibi! nec tamen occidit mors, crudelis mors! *Judas.* Funem quæro, quo gulam stringam! trabem quæro, de qua suspendar! lictorem quæro, qui me suffocet! quo fugis mors! quam omnes fugiunt, Judas desiderat! *Syn.* Horrenda occupatio, æternum cupere, quod nunquam erit. *Ang.* Occupatio infernalis!

Euf.

* Ex fluctibus igneis prospiciens.

Euf. Causa quæ est exitii? *Epulo.* Ah! recordor! & peccatum meum contra me est semper! Vidi Lazarum cum extremis luctantem miseriis, nec sum misertus! Vixi vitam in deliciis sine cura bonorum operum! Poteram cælum pecuniis emere! o si fecissem! non feci! crucior! *Judas.* Recordor! *peccavi tradens Sanguinem justum!* peccatum grande! Monebat me Dominus, lavabat pedes, invitabat ad poenitentiam, gratiam offerebat: o si acceptassem! non acceptavi: perii! *Phariseus.* Recordor! justitiam *coram hominibus* colui, contentus externa specie probitatis, & inani nomine filii Abrahæ! clamabat Messias: *væ vobis Pharisei hypocritæ!* o si audivissem! non audivi: reprobus fui! *Gemas.* Recordor! pendebam in cruce ad latus JESU: confitebatur Filium DEI socius, invitabatur ad paradysum: ego blasphemavi! poteram cum ipso intrare, si saltem moriens *in tempore* egissem poenitentiam! o ut egissem! non egi: poenitet! maledicta obstinatio! *Judas.* Maledicta avaritia! *Epulo.* Maledictæ deliciæ! *Phar.* Maledicta hypocrisis! *Omnes.* Mali æterni causa! *Ang.* Seri gemitus! *Euf.* Lamenta misera! *Syn.* Inutilia! *Euf.* O infelices! sed quid? si misereatur DEUS, si finem poenarum spondeat: quid promittetis? Exiget ardua facinora, & resolutiones difficiles. Postulabit a Juda, ut, quem vendidit, prædicet toto terrarum Orbe in itineribus multis, in plagis supra modum, in omni tribulatione & angustia sic, ut denique pro Christi nomine per atrocia tormenta vitam profundat! *Judas.* Ecce ego! mitte me! nihil est difficile infernum experto. *Euf.* Si ab Epulone postularet, centum annorum jejunium in pane & aqua, perpetuam solitudinem inter tesquarum, patientiam in æstu & frigore, in egestate, & morbis, denique sortem Lazari? *Epulo.* O gratia! o misericordia! o bonitas! *Euf.* Si Gasmam juberet centum annis pendere de cruce, infamem, nudum, inter horridos dolores! *Gemas.* Penderet cantans canticum laudis, & gratiarum actionis: gloria DEO,

DEO, & Agno, qui fecit mecum misericordiam magnam nimis!
Euf. Si tibi, Pharisæe, imperaret publice confiteri occulta scelera, quibus habitus tui, & status sanctitatem contaminasti?
Phar. Palam undique circuirem, & dicerem: hic est ille vir, qui turpiter vestram laudem appetivit, nec meruit, occultus raptor, occultus adulter, occultus nequam plus, quam cæteri hominum! *Syn.* Hem! ut inferni experientia nullum non poenitentia genus & tolerabile, & delectabile reddit. *Ang.* Sed quid tantillas difficultates proponitis? Ego inter ipsos inferni cruciatus immanes, multiplices, continuos mutabo locum tormentorum in locum jubili, & exultationis. Dicam illis: Bono animo este! miseruit DEum vestri: veniet dies, non quidem qua redibitis in gratiam, sed qua concidetis in nihilum, & finis poenarum erit. *Gemas.* Io focii! quæ vox insonuit? *Ang.* Finis poenarum erit, cum aliquis vestrum suis lacrymis totum terrarum Orbem tanquam novo cataclysmo usque ad firmamentum impleverit. *Euf.* Superi! quantum exigis annorum numerum! *Gemas.* Eja! placet conditio! fluite lacrymæ! quanquam guttatim fluatis, tamen veniet aliquando dies, qua ex his lacrymis lacus fiet. *Phar.* Ita, ita, & veniet dies, etsi post multos miliones annorum, cum lacus ille excrescet in mare. *Epulo.* Sic est, & veniet dies, qua mare istud exundabit super terram, & transcendet cacumina montium. *Judas.* Et paullo post, nempe post alios mille miliones annorum ascendet mare lacrymarum ad lunam, ad solem, ad orbem Saturni: & denique aderit dies, cum dicemus: lacrymare adhuc per annum, & aqua firmamentum continget! *Epulo.* Et deinde adhuc per mensem! *Phar.* Postea adhuc per hebdomadam! *Gemas.* Demum per diem, & horam! *Omnes.* O dies beata! o hora felix, qua in nihilum relabemur! *Ang.* Ridiculi estis, nam inanis hypothesis est. At ecce! Coelum se aperit! Supplicate Sanctis, ut orent pro vobis, & hanc hypothesin DEus purificet.

FFFF

§.IV.

§. IV.

Colloquium.*

Eusebius. **E**Go supplicabo, nam video, ab hoc aspectu cruciatum miserorum augeri. S. Disma, socium supplicii ardere sic videas, & non misereberis? S. Lazare non charitas Christi urget, ut ores pro eo, qui persecutus est te? S. Publicane! tui misertus est Dominus: non decet, ut tu quoque miserearis conservi? *Omnes Beati.* Non est tempus miserendi amplius! *Dismas.* Alleluja DEo, & Agno, quia vindicavit se de obstinatione cordis lapidei! *Lazarus.* Alleluja DEo, & Agno, quia vindicavit se de licentia cordis carnei! *Publicanus.* Alleluja DEo & Agno, quia vindicavit se de malitia cordis perversi! Triumpha Justitia! sicut cœlum a stellis, sic infernus a damnatis refulget tibi! *Dismas.* Odor victimarum tuarum odor suavitatis! *Laz.* Ascendat, ascendat ad nos in sæcula sæculorum! *Omnes damnati.* Sulphur, ignis, fumus involve atra nube aspectum gravem: sævius cœlum, quam orcus cruciat! *Omnes Beati.* Digna factis recipitis! Cruciatu æternus erit!

§. V.

Reflexio.

Eusebius. **C**Ruciatu æternus erit! o Infernus! o Æternitas! Atrocita vocabula, ad quorum sonum ipsæ columnæ cœli contremiscant! Sed Angele mi! ardeant sane, æternum ardeant Judas, Gesmas, Epulo, Phariseus! inter Christianos num est aliquis, cui timendus Infernus sit? *Syn.* Justa est quæstio: nam si quæras ex Christianis, quis veniat in infernum? respondent


* Cœlum se aperit.

dent innocentes, *non merui!* respondent poenitentes: *Jam sum confessus!* respondent peccatores: *jam confitebor!* Quis igitur veniet in Infernum? *Ang.* Christianis *deceptis* plenus Infernus erit. O miseri! decipitis vos, qui dimidium tantum DEum colentes BONUM laudatis, JUSTUM non timetis. Decepti, decepti damnantur, decepti *innocentes*, sola innocentiae specie contenti: decepti *pœnitentes*, quibus dolor in ore, non in corde est natus: decepti *peccatores*, qui per stultam spem crastinum sibi promiserunt: & *Justus es Domine!* decipiantur, qui decipere te voluerunt! Vos ne inter deceptos sitis, carbonem ex inferni rogo auferte hinc. Non extinguetur: igne æterno ardet! *Syn.*

Serviet ad memoriam! *Euf.* Et ad terrorem! *Ang.* Salubris terror est: neque enim infernum effugit, nisi qui timet.

Euf. Timeo! o Infernus! o Æternitas!

O. A. M. D. G.



MISERICORDIA DEI

ARGUMENTUM
QUATUOR MEDITATIONUM

ANNI M. DCC. XLVI.

MEDITATIO I. MISERICORDIA CONNIVENS,

S I V E

FILIUS PRODIGUS

in Regione longinqua.

ARGUMENTUM.



N contemplando *quarto* seriae conversionis *gradu*, qui consistit IN SANCTA SPE, hoc anno figimus pedem. Nempe, postquam peccator CUM AUGUSTINO, quem veræ poenitentiae Prototypon jam olim fecimus, coepit pro gratia suæ conversionis *orare*: postquam deinde ex perpensa gravitate peccati didicit seipsum *horrere*: atque insuper ad
expli-

explicata malæ vitæ pericula commotus est, ut *metueret* sibi: proxime sequitur, ut animeretur AD FIDUCIAM, ne forte per desperationem aut *venia*, aut *constantia* a suscepto jamjam suæ conversionis consilio retrahatur. Argumentum affectui tam dulci excitando accommodatissimum suppeditat MISERICORDIA DEI, teste Scriptura *volentis* mortem peccatoris, *sed ut convertatur impius a via sua, & vivat*, Ezech. 33. Atque ideo *hujus voluntatis* actus quaterni quatuor Meditationum currentis anni materia sunt, sic, ut prima exhibeat Misericordiam *conniventem*, altera *phnientem*, tertia *animantem*, quarta *recipientem* in gratiam omnes, qui *in tempore* superbam cervicem *invitanti* submittent. Thema idem omnium erit FILIUS PRODIGUS, decantatum omnibus sæculis Misericordiæ Divinæ emblema, quod si alicui exhibere videbimur nimis accommode *ad mores nostri sæculi*, meminerit ille, *parabolam* omnium temporum, & gentium *historiam* esse. His notatis, primæ Meditationis Idea, quam subscribo, legatur attente.

Materia est: Filius Prodigus in regione longinqua.

Puncta duo: 1. Luxuriose viventis scelerata *presumptio*.

2. Post bona male dissipata sceleratio *desperatio*.

Fructus. Adoratio gravissimi Mysterii in Divina *Conniventia* contenti.

Propositum. Detestatio barbaræ conclusionis: Bonus est DEUS, ergo licebit impune esse malum.

Chorus. Exhibet terribile dubium, utrum patientia DEI peccatorem ad tempus tolerantis, effectus Misericordiæ sæpius, an Justitiæ sit?

NOTANDA

Lectori, & Spectatori.

I. **O**Mittimus exhibere Filium Prodigum *ante abitum* ex domo paterna, quia (quod attentius rem expendenti patebit) id argumenti genus materiam Comœdiæ aptiorem, quam Meditationi suppeditabat.

II. Filius Prodigus in Evangelio ADOLESCENTIOR appellatur, adeoque non solum Fratre junior, sed ne quidem *adoleſcentiam egreſſus* ponitur, ſive ſedecim circiter, aut ſeptendecim annorum maſculus in ea ætate, quam ſibi ſuæ perverſionis fuiſſe principium Auguſtinus deplorat, quando l. 2. Conf. c. 1. & 2. *Decimum ſextum annum vitæ ſuæ* fuiſſe lamentatur, quo *computruerit* coram oculis DEi, totumque ſe in hoc ſtudio effuderit, ut amaret, & amaretur. Addit l. 3. c. 6. *TUNC exceſſerunt caput meum vepres libidinum, & nulla erat eradicans manus, immo plaudebat Pater ex inquieta adoleſcentia, quaſi jam in nepotes geſtiret.* Confirmat noſtram opinionem ſpecies ſervitutis, & eſt veroliſſimum; herum barbarum non ad paſcendos porcos (qui puerilis eſt labor) ſed ad piſtrinum potius, aut ad ſtivam damnaturum fuiſſe hominem, niſi eum per ætatis teneritudinem ejusmodi mancipiorum oneribus eſſe imparem judicaſſet.

III. Credimus, Chriſtum in ætate tenera potius, quam in adulta Divinæ Miſericordiæ exemplum ſtatuſſe, ut diſceremus, facilem eſſe DEum ad veniam iis, qui *per imprudentiam* magis, quam *per malitiam* peccant: neque diu in ſtatu peccati hærent, ſed ad primam correptionem reverſi in ſe, continuo etiam revertuntur *ad Patrem*. His notatis, quiſque in perſona Prodigii conſideret ſe (non alium) & *delicta ſua juventutis* deplorans ſtatuat ſibi locum in coelo, ſi jam *inter innocentes* ſperare nullum poteſt,

potest, saltem *inter pœnitentes* per usum gratiæ, quam miserans DEus offert, vendicare.

Nomina, Clavis, & Character Personarum.

NE puræ Parabolæ exhibitio vacua fructu sit (quod futurum esset, si præter affectum *naturalem*, qualem paternus amor cum peripetia spectatus facile excitat, pareret nihil) juvat sensui litterali *spiritualem* adjungere, & allegoriam apertis verbis miscere. Hoc fine, quid in unaquaque persona sit attendendum, notamus.

1. **FILIUS PRODIGUS** (quem Anthropolus vocamus) exhibet *animam peccatricem*, quæ ad morem imprudentis Juvenculi, accepta a DEo Patre *supra humanam prudentiam* nos amante (nam nullus sapiens Pater faceret, quod Parabola factum esse narrat) talenta per vitæ licentiam pessumdat *in Regione longinqua*, hoc est, longe dissita a *terra sancta*, sive a moribus, & exemplis Sanctorum.

2. **FRATER PRODIGI** (Adelphus) imago est viri probi, & zelo ardentis, sed *non secundum scientiam*, neque cum illa *prudencia*, ac *patientia*, quam tantum opus exigeret, quantum est reducere ad DEum animam pertinaciter aberrantem.

3. **MERCENARIUS** repræsentat *Creaturas ratione carentes*, quæ ex DEI lege servire hominibus etiam impiis debent, atque ad hunc finem, & non alium, *beneficium conservationis suæ* tanquam famulatus *mercedem* accipiunt. Interea dum corpori serviunt, animæ tacitis vōcibus (quod SS. PP. notarunt) tria verba acclamant: ACCIPE! REDDE! FUGE! *Accipe beneficium*, quod tibi DEus facit per nostrum mancipatum! *Redde officium* grati animi, nec abutere Creaturis adversum Creatorem: *Fuge supplicium*, quod abufuro decretum est.

4. **PATERFAMILIAS**, sive hospes primum, deinde HERUS Prodigii est malus Dæmon, qui hominem in peccata pertractum
trau-

fraudibus, paulatim per vim consuetudinis mancipat sibi, gravibusque impedimentis poenitentiae implicitum, nisi DEUS singulariter caveat, in desperationem emendationis precipitat.

5. FILII PATRISFAMILIAS sunt Mundus, & Caro, sive consilia, & desideria hominibus ex Mundi usu viventibus, & carnis commoda sectantibus familiaria, dæmonique ad scopum, in quem per artes suas tendit, optime opportuna.

6. VILLICUS exhibet instrumentum diaboli, sive *creaturas*, quibus dæmon DEO permittente utitur ad nostram afflictionem, ut in desperationem precipitet.

Hæc pauca, qui notavit, fregit corticem: comedat nucleum. Dulcis est, miris, sed veris modis animam reficit.

P R O L O G U S.

Ratio propter difficultates in executione poenitentiae occurrentes pusillanimis, a Fide excitatur ad spem figendam in auxiliis Divinae Misericordiae!

Fides. Ratio.

Ratio. Ita, ita:

PECCATUM EST SUMMUM MALUM!

Hoc in Jeroboamo, & Nabuchodonosore, *

Hoc in Saule, & Ochozia,

Hoc in DEicidio,

(O horrendum spectaculum!)

Hoc in DEicidio video, horreo!.....

Ita, ita:

A PECCATO EST OMNE MALUM!

A pec-

* Exhibitio de Argumentis Meditationum huc usque exhibitarum.

A peccato est mala Mors, & terribile Judicium,
A peccato est jactura Coeli,
Et æternum supplicium:
Intelligo, timeo!...
Timeo, & tandem serio peccasse poeniter:
Amarissime doleo!

A R I A.

1.

Dolete mecum sidera:
Peccavi!.... o amentia!...
Et potui peccare!...
Protervo pede potui
Supremi Jura Domini
Insaniens calcare!

2.

In iras ite Coelites!
Ad arma mali dæmones!
Cur parcitis rebelli?
Sol sta! ignita aureos
In tela verte radios.
Ad usum sacri belli!

Fides. Sint Superis gratiæ!
Intelligis denique, quid merueris,
Quod contra Omnipotentem
Insano fastu tumueris.

Ratio. Detestor infandum furorem!
Fungus heri natus per coeli favorem,
Ausus est Coeli Domino in faciem dicere;
NOLO SERVIRE!... O voces diræ
Horrenda audacia!
Et adhuc vivo!

G g g g

Non-

Nondum in cineres provocata toties
Redegerunt me fulmina?

Fides. Adora Numinis patientiam:
Expectavit poenitentiam.

Ratio. Poenitet me!

Fides. *Pœnitet*, verbum est: opera exhibe,
Et fructus dignos poenitentiae.

Conversio est *cordis versio*:

Incendere necesse est, quod adorasti,

Adorare, quod incendiisti,

Amare, quod odisti,

Et *odisse*, quod amasti:

Ita *Cor vertitur*: & hoc est proprium

Seriae poenitentiae exercitium.

A R I A.

* En, Cordis imago profani!...

Quid juvat lamento inani

Horrorem testari,

Si pergis cunctari,

Nec operi manum adjicere vis?

Quod saepe *pruina* est flori,

Non raro est *bora* dolori:

Vis, credam, te vere,

Ac serio flere,

Necesse est, ipse ut **SERIUS** sis.

Ratio. Heu me! imperas hanc silvam excindere?

Fides. Imperium est poenitentiae.

Conversio est *Cordis versio*:

Ergo necesse est, non solum ut *evellas*,

* Exhibitio cordis silvescentis.

Et

- Et destruas, & disperdas, & diffipes,*
Sed insuper, ut ædifices, & plantes, Jer. 1.
- Ratio.* Ah! res est infiniti laboris!
Et ego neque fodere valeo,
Neque si cæpero ædificare, potero consummare.
- Fides.* Modicæ fidei!
Nunquid abbreviata est manus Domini?
IN SPE ERIT FORTITUDO TUA, *Is. 30.*
In spe Divinæ Misericordiæ,
Quæ sicut dedit velle; ita dabit perficere
Per auxilia suæ gratiæ.
Erige animum, meditare,
Quam serio *DEUS te velit salvare.*
Misericordiæ consideratio
Erit pusillanimitatis curatio.
- Ratio.* Argumentum dulcissimum!
Surge anime, vires collige!
- Fides.* A Cœlo mecum expete.

D U E T T O.

Misericordia!
Hæc inter nubila
Serena luce emica:
Exoriatur spes!
O spes, o bona spes,
Tu balsamum peccantium;
Tu robur poenitentium,
Tu vera Pharus es!
Misericordia
Hac luce emica!

G g g g 2

MED.

MEDITATIONIS I.

De Filio prodigo

in Regione longinqua

PUNCTUM I.

Luxuriose viventis scelerata Præsumptio.

SCENA I.

*Sathanas solus.**Horologium
inspiciens.*

ENimvero decimam index loquitur: tandem evigilaverit, opinor, Endymion meus, & edormierit hesternam crapulam. Interest, ut primas cogitationes ego occupem: periiit dies mihi, si quis prævenerit Solem ad Manna legendum sibi. *Hospes* hætenus meus hic adolescens fuit: hodie faxo, ut *Servus* fiat. Malum! quod cogere *invitum* nequeam. Efficere ut fiat *volens*, labor erit, non arduus labor tamen: diuturnum hospitium desinere in famulatum solet*, & sequitur ex talibus præmissis talis conclusio fere semper. Nec fallit me artificium toties felix: *Per ipsam Spem* traho animas in desperationem, & *per desperationem* in mancipatum. Quodsi non sufficio solus, ad nutum adiutant filii, Sathanæque consilia Mundus ac Caro promovent. Favete Furæ, laboro vobis! *Pulsat*.. Auditus sum. **

S C E-

- * Ex peccandi licentia sit consuetudo, & quasi servilis necessitas.
 ** Aperitur. Prodigus cubicularius crines accommodat ex usu nostri sæculi: interea colloquantur.

S C E N A II.

Prodigus. Cubicularius. Sathanas.

Cubicularius. **M**atutinus hodie es nobis Sathana! *Sathanas.* Immo meridianus: jam enim Sol in meridiem properat. *Prodigus.* Hora respondet horæ, bone vir: sero concessi cubitum, surrexi sero. *Cubic.* Utinam casu sic. Sed jam in morem casus abiit, Here, & vertisti naturæ ordinem: de nocte vigilas, de die dormis. Non sic in patria. *Prodig.* Si fueris Romæ, Romano vivito more! hic ita vivitur, inter Nobiles certe, quibus utique tu non eundem cum plebe ordinem diurnum scribes, distingui debet. Denique liber sum. *Sath.* Sic est: & ego hanc libertatem, nobilissime hospes, gratulatum venio, quippe cujus a te vindicatæ annua hodie recurrit memoria. *Prod.* Annua hodie? Superi! quam celeri cursu tempus rapitur! nempe quia hilares dies viximus. *Cub.* Sane, viximus! immo non viximus, sed fuimus: neque enim vita inutilis nomen vitæ inter Sapientes meretur. Interea iterum anno integro vicinior vitæ mors, feralem intentat falcem. *Prod.* Tu sententias spue: at ego rideo; nam donec mors adquietet mihi, adhuc quadragies saltem suam per orbitam se Phœbus volvet. Sed quid vult charta, hospes, quam manu præfers? *Sat.* Quod annuo more solent hujates Patresfamilias, scripsi computum sumptuum in menses singulos: offero, ne mea olim laboret fides. Desige, Domine, oculum in rubricas, intelliges, nihil avare taxatum esse, in tanta, quæ incolas premit, fame. *Prod.* Amice, res nimis serias scriptura habet: differamus in crastinum. Hodie litandum est genio, & sacra Libertati libere agenda dies. Nihil tui filii nugarum habent, quibus comburamus tardigradas horas? pollent ingenio juvenes, & facti sunt ad meam indolem: præ fratribus amo.

G g g g 3

Sat.

Sat. Fortuna me amavit, & meos, quod placeant tibi. Quotidie moneo, ut studeant ex tua conversatione proficere, & ecce, ajo, sic hospes noster, sic oculos, sic manus, sic ora tenet, ut corda rapiat! quam facilis est accessu! quam promptus obsequio! quam comis! quam facundus! quam liberalis! vis ingenii ex oculis splendet! suada in labris confedit! faciem amabilitas pinxit: totum hominem expolivit humanitas: intueri, venerari, imitari vos decet. Ita ego meos exhortor sæpissime. *Prod.* Lepidus es. *Sat.* Nihil supra verum exaggero: neque solus revereor. Suspicit urbs universa magnitudinem animi tui, atque magnificentiam in vestitu, in conviviis, in ludis, in donis: omnium animos sibi devinxit ipse habitus membrorum tam ad omne exercitium factus, natusque, ut sive ambules, sive equites, sive saltés, spectantium oculi in stuporem rapiantur. *Prod.* Amice, sile, nam in ruborem me agis. *Sath.* Si ego sileam, omnia compita loquentur: undique audiuntur voces gratulantium patriæ, quæ talem genuit, gratulantium parentibus in filio tantæ spei, gratulantium puellæ, quam tibi uxorem seliges, gratulantium mihi, meisque filiis, quibus licuit familiarius frui te. *Prod.* Cessa Sathana! obruis aures, & animum laude nimia! *Sat.* Quam hæc ipsa felicissime coronat modestia. *Prod.* Si me amas, fac, ut adsint ambo filii, & diem liceat in deliciis agere. *Sat.* Prompti ad obsequia venient.

S C E N A III.

Prodigus. Cubicularius.

Prodigus. EVax homo! isti sunt homines! hercle, me pæne pudet natum esse in Terra sancta: Adeo nostri cives, si cum istis compares, sunt inculti, bardi, inepti: nihil loqui

loqui sciunt, nisi est, est, non, non! utuntur hoc Mundo, quasi non utantur! sunt simplices, sicut columba! quid multa? Sic nostri ab istis differunt, ut dubites, num omnes simus ex simili gleba formati. *Cub.* Here, tua Philosophia Juvenismum sapit: neque enim Sapiens contra effata Sapientiae disputat. *Prod.* Hem! tua cruditas probat, quod dixi. Verum omissa disputatione tandem perage, quod agis, & absolve me. *Cub.* Jam ultimam manum admoveo: MEMENTO HOMO, QUIA PULVIS ES, ET IN PULVEREM REVERTERIS! *Prod.* Iterum insulse baubaris! ad senes hæc nœnia pertinet. *Cub.* Immo tibi cantari hoc carmen optimus parens jussit, quoties inspergerem capiti pulverem Cyprium. *Prod.* Hic aliæ cantilenæ personant, alii mores vigent: Domi mancipium fui. *Cub.* Atqui frater tuus, Here, ex iisdem tecum vivebat regulis, nec tamen vita acerba erat. *Prod.* Quid mihi est commune cum fratre? Certe de gustibus non esse disputandum, inquirunt. Affunde aquam manibus! *Cub.* QUIS ASCENDET IN MONTEM DOMINI? INNOCENS MANIBUS, ET MUNDO CORDE! *Prod.* Totus quantus hodie stultescit homo! Togam porrige. *Cub.* INDUE ME, DOMINE, VIRTUTE EX ALTO, UT COMPAREAM CORAM TE IN VESTITUDINE AURATO A CHARITATE! *Prod.* Fidelis memoria est tibi ad minutias adeo. Exhibe speculum! *Cub.* Quis prospicit, & CUIUS EST IMAGO HÆC? Dei, an Diaboli? *Prod.* Ridere stolonem juvat. Non tu Narcissum vides? *Cub.* Certe te ipsum amas, & opto, ut ames bene. *Prod.* Viden, quam belle impressus fronti me ornet pileus? & gladius, cum hæret lateri, nunquid loquitur herois filium?... Siles demum, & fateris nempe, in patria nihil vestium confici posse istis simile, non pileum, non gladium, non togam, non calceum saltem. *Cubic.* Ah! STOLA PRIMA ornaret magis. *Prod.* Tace: non habet patria artifices pares hujatibus. Verum mittamus nugas modo, quas

quas tu sic vocas: Trahemus seria. *Cub.* O SS. Coelites! vocem
 similem per trecentos sexaginta tres dies non audiui: Totus jam
 auris sum. *Prod.* Synopsin habe: cogito redire ad Patrem.
Cub. Io! Sancta cogitatio! *Prod.* Expecta: cogito redire, ad
 Patrem, sed non modo. *Cub.* Hem! & si aliquando, quare
 non modo? *Prod.* Aliquando senior ero, nunc juvenis ferre
 jugum non possum. *Cub.* Est jugum paternum, suave. *Prod.*
 Jugum tamen. Tu audi porro: nam tua est opus opera in rem
 meam. *Cub.* Utinam non ad injuriam Patris. *Prod.* Ecce!
 PORTIO SUBSTANTIÆ, quam dedit Pater, parum aberit,
 quin sit dissipata: & forte propterea Paterfamilias inspectionem
 Rationum obtrusit de expensis totius anni. *Cub.* Utinam in-
 spexisses pridem! Sæpe monui. *Prod.* Itaque provide ago,
 si mitto te, ut novas mihi pecunias a Patre postules. *Cub.* Heu!
 vulneratæ sunt aures mihi ab hac audacia! *Prod.* Fiduciam
 voca: nam Parens tenerrime amat me. *Cub.* Utinam aman-
 tem sic redames tu! *Prod.* Per spem honoro. *Cubic.* Crudi-
 tas, temeritas, præsumptio, scelus est id, quod tu spem nomi-
 nas. *Prod.* Non ibis? *Cub.* Utinam ires tu! nam si ego exa-
 men de male perditis talentis subibo, quid vis, ut narrem?
 Nempe quantum argenti in lauta convivia, in vestes splendidas,
 in ludos noxios, in socios infames, in impudentes parasitos, in
 luxum vanum, in servos inutiles, in procaces Helenas, in su-
 perbas Pelagias, in perfidas Thaides, denique in meras stultitias
 profuderis? *Prod.* Quid? talia narrabis tu? quasi nihil sci-
 res, quod laudes! *Cub.* Utinam aliquid saltem! *Prod.* Uti-
 nam! utinam non esses stolo! scilicet nescis, quanto pro pretio
 servierint mihi Magistri linguarum, Doctores Musicæ, & a qui-
 bus saltatoriam, equestrem, gladiatoriam didici ad Patris gloriam.
 Hæc sunt *Exercitia Nobilium*: per hæc efferrimur supra plebem.
Cub. Hæc sunt *Exercitia corporis* (quanquam *utinam* vel in his

evasisse mediocris!) ego mallet, ut *per exercitia animi* a fæce hominum vos distingueretis! *Prod.* Non jam quæritur, quid tu malles, sed quid sit moris. *Cub.* In patria moris est id, quod ego mallet: de progressu in virtute, & scientia rationem exposcet Parens. *Prod.* Tunc tu si nihil narrare potes, saltem aliquid mentiri poteris: & tandem, quid altercari juvat? necessitas tale suggessit consilium: nisi me juvet Pater, jam tristis egestas mihi *quasi vir armatus* imminet.

S C E N A IV.

Prodigus. Cubicularius. Sathanas. Prodigi frater personatus.

Sathanas. **D**omine, tabellarium adduco tibi de tua domo: opto, ut læta sint nova, quæ affert. *Frater.* Immo deceptus sum: non est hic, ad quem mittor; neque enim sic vestimur IN TERRA SANCTA. *Prodigus.* Nihil te vestis turbet, bone vir: postquam hic advena esse desii, oportuit incolas imitari. Porrige litteras: inscriptio docebit, utrum sis missus mihi. Non errasti: Patris est ista manus. O chare Pater! *Frater seorsim.* Jo! hic mihi affectus placet! *Prod.* Quid tu exclamas? *Frater.* Domine, observare me jussit Pater, quid ad primum Epistolæ aspectum ageres, & nempe num adhuc aliqua fui reverentia, aliquis amor viveret. *Prod.* Dubitat Parens? *Frater.* Cogitur: tanta de te narrantur crimina, ut quibus tui cognitio fuit, perpetuis plorent lacrymis corruptionem indolis tantæ spei. *Prod.* Et Pater credit mendaci famæ? Amate me Superi! perditus sum, si cessavit amare Pater. *Frater.* Immo amat vel sic descriptum: testes amoris litteras tenes: lege. *Prod.* Testes innocentiae cives hujates habeo: audies. Hilarem vitam vivo; sed sunt, qui hilaritatem cum improbitate confundunt Catones rigidi, & inimici ætatis teneræ; hi nimirum me talem pinxerint. Hic vir honestus, & urbis Consul aliam

H h h h

forma-

formabit de me ideam tibi : tuto credes, pro filio amat. *Sath.* Mendax fama cundo crescit : ego domi meæ non alo scelera. *Frater.* Felix sum. Sed tu lege litteras, here : merum amorem spirant, & merum Patrem. Invitat domum : ut redeas, cupit : difficilis non erit purgatio per testimonia consciorum : ample-
xum offert : denique anxium rumor habet, quod hanc regionem premat extrema fames, & quid ? inquit, si famem, ut solet, sequatur pestis ! Infelix Pater sum, a cujus complexu procul morietur infelix filius ! *Prod.* Ipsa adeo verba tenes : legisti epistolam, amice, an perfide rupisti vinculum ? *Frater.* Prælegit Pater, ut possem urgere fortius, ne iter differas. Age, responsum audiam, quod me oblectet ! *Prod.* En ! adsunt focii : cras dicam, quid sim facturus. Salvete urbis fidera, gemelli fratres ! accinctum videtis : ducite, ubi hospitales Gratia delicias pararunt nobis in diem hanc.

S C E N A V.

Prodigus. Frater Prodigii. Cubicularius. Sathanas.

Cosmus. Creon.

Creon. PARARUNT in omnem diem illis, qui colunt Deas constante cultu. *Cosmus.* Nosti morem : imus per circuitum : (*) hodie AD CORVUM conventus erit. Imperatum est prandium : invitatae affidebunt omnes novem Musæ, suum in te reverituræ Apollinem. *Prod.* Imus : colludemus suaviter in hoc Parnasso. *Creon.* Si modo nullus Marfyas turbet chorum. *Prod.* Excoriabitur. Quid metuitis tamen ? *Cosm.* Hunc advenam. Nunquid te in patriam revocat ? ah ! quam triste erit a te avelli ! *Creon.* Siles vero ? age, liceat arbitrari epistolam. Prô ! actum est, frater ! legi clausulam : IMPERAT PATER ! REDI ! *Cosm.* Rigidum imperium est : noli

* Impii in circuitu ambulant, PL 11.

noli obedire! *Frater*. Coelum parce! scandalum ponunt isti in via bona! Obsecro, Domine, quid agas, vide: alieni an præ Patre audiendi sint, potesne etiam deliberare? *Cosm*. Tu quis es, homuncio, qui te nobis opponis? *Prod*. Omittite rixas, amici: nihil huc usque decretum est: cras consultabimus. *Creon*. Immo liberius indulgebimus genio, si hodie conclusio fiat. Dic tabellarie, adhuc in urbe vestra vigent severæ leges, quarum rigor istum in fugam egit? *Frater*. Non rigor legum egit, sed noxiæ libertatis puerilis amor. *Prod*. Nempe sic diffamatus sum. Et tu calefcere incipis paulatim, nec quis, nec quibus loquaris, memor. *Cosm*. Sine, dedolemus crudum hominem, ut discat mores. Dic, morio, quot Deos colitis? *Frater*. Unus est DEUS, & una fides, DEUS sanctus, fides sancta: si quis vel nutu contradixerit, anathema dicitur: captivari intellectus in obsequium testimonii divini debet. *Creon*. Hem! tyrannis! scilicet ut effodi oculos patiamini, imperatur. Apud nos credere, quod libet, licet: ex quavis fide speratur salus. *Frater*. Sed non a quavis habetur. Quæ DEO placeat, necesse est, non ut sit facilis fides, sed ut sit prudens. *Cosm*. Et quid speratis pro obsequio? *Frater*. Jubemur animum ad æterna erigere, contemptis bonis, quæ afficiunt sensum. *Creon*. Nova tyrannis! quod vides bonum, abjice! desidera, quod non vides! stultitia est! *Frater*. Ita, si sumus pecora, quibus oculorum tantum, & nullus rationis est usus. *Sath*. At unam maxime negare non potes esse intolerabilem legem. Audio, quod vir bonus sit herus tuus, potens, sapiens, liberalis, magnificus, amore dignus: verum postulat, ut ametur solus, & ametur ex toto corde, ex totis viribus: non intelligitis, quam sit hoc præceptum molestum indoli in amores propensæ? *Creon*. Zelotypiam lex ista loquitur. *Cosm*. Zelosissimam. Nam vel oculum in forma mulieris figere, scelus putatur: verbum blandientis si audias cum leviculo risu, suspectus de perfidia eris: ipse si lo-

H h h h 2

quaris

quaris sermonem verecundum minus, lata sententia est: appenso ad collum molari lapide mergeris in profundum maris. *Creon*. Igitur cæci, surdi, muti esse iubentur, qui serviunt hero tuo? *Frater*. Dominus est: obedire est necesse! *Sath*. Immo naturam exuere debent. Parum dixi: odisse se ipsos debent, abnegare se sibi, crucifigere demum carnem suam cum concupiscentiis omnibus, quæcunque declinant animum a regula, quam ipse in tabulis lapideis scripsit. *Creon*. Utique pro hominibus lapideis. Nos aliam legem habemus sapientius accommodatam carni, & sanguini, ex quibus compacti sumus. *Frater*. Obedire est necesse! *Cosm*. Plura alia narrata sunt, quæ qui vel obiter audiat, tinniant ambæ aures præ horrore: puta, de contemptu divitiarum, & honorum, de condonatione injuriarum, de dilectione inimicorum, de confessione peccatorum, de obligatione restituendi ablata, solvendi debita, elargiendi superflua, & sexcentis ejusmodi. *Frater*. Obedire est necesse! & *vidi turbam magnam, quam dinumerare nemo poterat, obedientium his legibus, gratiaque succollante naturæ obedientium alacriter, perfecte, constanter: quod tot ac tot potuerunt, cur vos non poteritis? Obedire est necesse! & si obedientia vite pretio constet, vite ac mortis Domino necesse est obedire: Illi vivimus, illi morimur, nemo sibi.* *Cosm*. Habe tibi oracula tua: nos non habemus Regem, nisi nostrum arbitrium. Certum est, Domine, tua a Patre fuga nemini potest improbabilis videri. Eja! perge hærare Patri nostro: foedus æternum fiat! *Prod*. Hoc vero a me absit: nimium Cosme, petis. Tenebo viam mediam, & neque statim, neque nunquam, sed redibo ad Patrem aliquando, decretum est firmiter: nunquid sic & vobis satisfacio, & tibi? *Creon*. Ulro ad tyrannum redibis? amice sapis? *Prod*. Redibo aliquando: nam iste vere dixit: Obedire est necesse! timor adigit. *Fili*, sæpe dicebat Pater: *Fili, si totus caro esses, permitterem obsequi appetitui animali, & carnis motibus: sed quia pars nobilior*

nobilior tui est intelligens spiritus, necesse est, ut animal animæ pareat, neque se unquam efferat contra rationis imperium : sic Pater imperat, futurus Judex, si secus feceris. Iste est metus mihi. *Creon.* Inanes minæ! metus vanus! in regione longinqua a Patre degis. *Prod.* Emissarium, o boni, habet Pater, qui, qua hora non putabo, ut fur in nocte opprimens me, Judici sistet reum : nisi rediero, dum tempus est, socordiam in igne æterno luam. *Cosm.* Redeuntem autem recipiet in gratiam Pater? *Prod.* Recipiet : promisit enim. *Creon.* Et tu quod adeo horrebas jugum, constanter deinceps feres? *Prod.* Non feram diu : nam si paucis ante mortem horis reversus fuero, satis est. *Cosm.* Si ita est, assentimur consilio : redibis olim. Abeat in ultimam Thulen metus, revocandus denique, cum eris senex! *Creon.* Ætatem viridem securus nobiscum ages. Eja! flos temporis nullus pereat! *Prod.* Eja! *Frater.* Abis? & ego tale a te responsum Patri frater feram!

S C E N A VI.

Frater Prodigii. Cubicularius. Sathanas.

Sathanas. Quid audio? mei hospitis te fratrem vocas? *Frater.* Sum cheu! *Sat.* Cessa gemitus, & sine modo : cras reperies hominem melius dispositum ad tua consilia, *Frater.* Et quousque silebis tu? * Erubescis forsitan vultum heri servus complex scelerum, aut auctor etiam? *Cubicularius.* Parce! turpissimam servitutem invitus servio! Spes redemptionis a te exoritur. Ut vidi, exilii gaudio, dissimulans tamen, quia, quod velis latere, intellexi ex habitu. Obsecro, ne cedas, heere, donec ex hac Babylone abstraxeris fratrem : non credis, quam libere hic scelus imperet. Sodomam dixissem melius, nisi dubium esset, num confusio magis, an licentia dominetur. *Sath.* Modestius loqui potes, audiente me? *Cub.* Sic est, here, nam hoc omisi : ne forte impudentiam impudentiæ puderet, lata est

H h h h 3

lex

* Ad Cubicularium.

lex silentii, & nemini licet hircere, aut obloqui saltem contra perversos mores. *Frater*. Ah! nihil opus est! infamiam urbis esse minorem vero, satis locutus est frater, satis digni hoc Patre filii, in sanctissimas leges tam blasphemæ facundi. *Satb*. Tu opprobriis abstine in aliena domo: vestris vos, nos nostris moribus vivimus. Speculator, an Reformator venisti nobis? neuter titulus placet. Si vero reducendi ad Patrem fratris una intentio fuit, quo fine personam tegis? fraudem suspicor. Quid? non occulte rapiendi juvenis animus erat? nihil est his artibus opus: quis enim tenet? num vinximus? an non est liber? Persuade, ut abeat tecum: non me oppono, modo prius exolverit debita, quæ contraxit. *Frater*. Audio novum malum! ergo tantillo tempore dissipavit substantiam suam decoctor prodigus? *Satb*. Ridiculus est! quinque talenta attulit, (*) sexcenta sexaginta sex pessumdedit: computum inspicere. *Frater*. Horrenda profusio! *Cub*. Incredibiles expensæ! *Satb*. Examinemus ACCEPTUM, talenta quinque: talentum argenti in vestra regione ter mille siclorum pondus habet: siclus vero apud nos floreno Brabantico habetur par: itaque quinque talenta, quæ accepi, in moneta nostra quindecim millia florenorum conficiunt. *Frater*. Fideliter numerasti. *Satb*. Nunc lege EXPENSUM. *Frater*. Pro habitatione floreni bis mille: grandis summa. *Satb*. Voluit splendide habitare, & laxè: sic contraximus: testis adstat. *Cub*. Ut est amator inanis pompæ. *Frater*. Pro victu ordinario floreni septingenti. *Satb*. Valida nos vexat fames, nec licuit vivere parabili pretio. *Cub*. At modestius liquisset. *Frater*. In convivia extra ordinem ter mille trecenti: Vah! *Cub*. Et hospitibus immerentibus, inutilibus, nullis! *Frater*. In famulitium copiosum floreni duodecies centeni: cui bono? *Cub*. Ut orium aleret. *Frater*. Pro equis, & quotidiano usu rhedæ octingenti floreni. *Satb*. En manus rhedarii. *Cub*. Tanti erat

* Allegorice hæc intelligenda sunt de abusu talentorum.

erat circulus vitiosus. *Frat.* Pro vestibus mercatori quinquies mille floreni, futuri centum quinquaginta floreni! hic obstupesco! *Sath.* Inspice. Hæc Mercatoris, hæc Sartoris, hæc Sutoris est scheda: numera in hac calceos, & sandalia pretiosa donata puellis nobilibus! *Cub.* Accersebat Judithas infelix Holofernes in suum exitium. *Frat.* Heu! video plura hujus generis. Pelagiæ pro inauribus quinquies mille floreni, Thaidi pro monili quater mille, Helenæ pro annulo mille quingenti, iterum Thaidi pro horologio ex auro solido ter mille, rursus Pelagiæ pro pyxide ad usum tabacchi mille ducenti, & Helenæ pro integra veste pretiosa mille floreni. Fatigatus sum: jam enim summa expensi excedit acceptum multis millibus florenorum. *Sath.* Adde summam, quam lusu perdidit per singulos menses, mense Januario, quando adhuc ludebat modeste, quadringentos florenos, mense Febuario bis mille, mense Martio trecentos, mense Aprili quatuor millia. *Frat.* Cessa, obsecro: aures crucias! *Sath.* Accedunt expensæ meretriciæ: intueri! *Frat.* Prô! amove ab oculis horrendas sordes! TALIS VITA, O DEUS, NUNQUID VITA! Sed oro te, Domine Consul, quæ est vestra in hac urbe politia? Ergo per vos licet ex quæstu meretricio vivere? Licet contrahere debita, quibus solvendis contrahens nunquam erit? Licet ludere ludos non animi, sed lucris causa, sic ut grandes summæ exponantur discrimini, immo fortunæ familiarum periclitentur? *Sath.* Quid in hac urbe liceat, jam non est quæstio: hoc agimus, utrum ego a Patre vestro sperare solutionem debitorum queam, an non? habeo debitorem alium annosum magis, & multo gravius oneratum: debet omnino *decem millia talenta*, Matth. 18. Conjeci hominem in carcerem, unde non exibat, donec reddat universum debitum. Simile malum, aut carcer nempe, aut servitus fratri imminet. Habes, quod Patri referas: si amat filium, redimat. Dixi, quod scire vestra interest: Nunc in villam mea me negotia vocant.

SCE-

S C E N A VII.

Frater Prodigii. Cubicularius.

Cubicul... **H**ere, nihil loqueris? *Frat.* Attonuit animum horrendus computus, & grandia debita. Re-
 Æne lego? talenta sexcenta sexaginta sex anno uno dissipavit
 frater, & dissipavit in nugis, dissipavit ludens, dissipavit cum
 meretricibus! Heu! *Tantillus puer, & tantus peccator!* *Cub.*
 Tantum fecit insana spes. Scivit, se amari a Patre. *Frat.* Igi-
 tur poterat sperare veniam peccati primi. *Cub.* Sperat. *Frat.*
 Igitur ad Patrem redeat. *Cub.* Sæpe suasi. Ille, quid respon-
 derit, audi me, here, & contremisce. Si amat me Pater, di-
 xit (& scio, quod amet me) meas mihi delicias non invidabit.
 Vix anno absum, jam domum revocat, scilicet ad fastidia, ad
 vincula, ad pistrinum. Non eo. Age, tu proficiscere mei cau-
 sa, & nuntia Patri, bene hic esse mihi, per amorem, quo amat,
 obsecrare hoc unum, ut usum libertatis indulgeat diutius, &
 post consumptam pæne portionem substantiæ meæ, novis egen-
 tem pecuniis adjuvet. Addidit, hac conditione rediturum se
olim: hoc spondere serio, de hoc jurare. *Frat.* Audivi atro-
 cem sibilum furentis viperæ! Actum de fratre est; poena talio-
 nis impendet capiti, & amor libertatis supplicio mancipatus ple-
 ãtetur. Inspeci crudelem animum hospitis: non ætas tenera,
 non sanguis nobilis, non peccantis imprudentia abstrahet a sen-
 tentia. Per sævitiem heri discet infelix, quam bonum offenderit
 Patrem, & forsitan vexatio intellectum dabit. *Cub.* Putas, si
 habebitur male, nulla miseratione tangendum Patrem, ut redi-
 mere velit? *Frat.* Nolentem redimat? Unum superest consi-
 lium fugæ. Ingredere cubiculum, & scribe, quod suadeo.
 Reversus a symposio reperiat salubre monitum, terreatur a pe-
 riculo, provideat sibi, fugiat post nos! nam ego excusso pedum
 pulvere, jam nunc deferò urbem impiam, ne dum fratri prædicò,
 ipse

ipse reprobus efficiar. Tu quoque accelera negotium, sede, scribe, & sequere me; Liberum a fratre reducam ad Patrem mecum, ut testem recte acti laboris habeam. *Cub.* Here, felicem facis. Celeriter adero; ubi diversorium habes? *Frat.* Ad grandem aquilam. Festina! nescio, quis timor agit; nam quid: Si pro debitis fratris ego quoque tenerer obses? *Cub.* Fugiamus! in fuga salus. *Frat.* Vale infelix frater! Experieris, quid sit abuti amore Patris, experieris! utinam ad salutem!

C H O R U S.

Exhibet terribile dubium, utrum Patientia Dei ad tempus conniventis affectus Justitiæ sæpius, an Misericordiæ sit.

Providentia. Genius Juventutis. Tutor.

Provid. * **B**ENE! bene omnia!...
Quidquid de Providentia
Humana garriat imperitia:
Ego mihi placeo
In hoc artificio.....
Displicet *Probis* mea CLEMENTIA,
Improbis non probatur JUSTITIA:
Sed ego studio
Umbras coloribus misceo,
Ut, cum opus absolvero,
Contraria juxta se posita
Suavius afficiant *Electorum* oculos,
Et recreent animos.

* Intenta operi Phrygio.

liii

ARIA.

A R I A.

Ut Musica plena
 Ex arte si sit,
 Diversis amœna
 A modulis fit:
 Si debet laudare
 Non una me vox;
 Jubentur cantare
 Et dies, & nox.

2.

Quæ stellæ fulgentes
 In æthere stant:
 Quæ cœlo cadentes
 Jam lucem non dant:
 Sic istæ, ut illæ,
 Si applicas te,
 Pro linguis sunt mille,
 Quæ celebrant me.

Tutor. Diva! per te liceat, tutelam abdicare:
 Pueri immorigeri contumacem impudentiam
 Non possum diutius tolerare.
Provid. Quas iterum querelas audio?
Gen. Furv. Cramben centies repetitam a plagoso Orbilio.
 Nempe *inobediens sum*,
 Verbo habes accusationis compendium.
 Sed tu, Diva, considera,
 Quis obedire velit homini tetrico,
 Cui nulla est discretio?
 Qui postulat virtutem a juvene,
 Qualem in senibus vix invenio?

A R I A.

Prudentior ero ,
Cum senior ero :
Nunc Juvenis sum !
Cum aderit hyems ætatis ,
Parabo me tristibus fatis
Nunc Juvenis sum !
Nunc ver est : nunc juvat vagari ,
Per florea prata ,
Lætitiæ fata ,
Cum Damulis juvat jocari :
Nunc Juvenis sum !

Tutor. Audis, Domina ,
Petulantis proterviæ axiomata ?
Audis , neque exurgis in iram temerariæ
Ultricem audaciæ ?

Provid. Dissimulo.
Immo , ut finem faciam vestro litigio ,
Tutorem a molestia libero :
Te , Fili mi , quoniam ita vis ,
Tuo permitto arbitrio.

Gen. Juv. Jo : felix sum : vive Mater optima !

Tutor. Attonuit me ista sententia !

Provid. Liber es : sed & propterea
(Quod timeo , quia te diligo)
In proximo salutis periculo.
Ut caveas , si quid a te merui , ultima
Percipe monita.
Errabis , sicut ovis , quæ perit facillime ,
Nisi didicerit , ab ovibus lupos discernere.
Itaque audi me !

A R I E T T A.

Vivendum provide:
 Non raro rapax belle
 Ovina lupus pelle
 Se solet tegere.
 Ne facile fallaris,
 Tres dabo regulas,
 Ex quibus, si notaris,
 A fraude caveas.

2.
 Hoc primum reputa:
 Vox ovis est *balare*,
 Vox lupi *ululare*:
Ex voce judica.
 Quid amet, quid sectetur,
Vox prodit animum:
 A pace qui tenetur,
 Non canit classicum.

4.
 Postremum moneo:
Ad herbas ovis currit,
In carnes lupus prurit
 Cruentus helluo.
 Vix conspicit agnellum,
 Jam vorant oculi:
 Jam dentes parant bellum
 Ad necem miseri.
Gen. Juv. Est brevis, & solida hæc vitæ regula:

Ex hac decretum est mores componere,
 Neque adeo in ipso usu libertatis
 Libere vivere.
 Vale Misanthrope! nunc emendabo me!...

3.
 Deinde cogita:
 Luporum est *latere*:
 Agnorum est tenere
Aperta pascua.
 Ab his qui te abducit
 In densa nemorum,
 Est lupus, & seducit
 In præcipitium.

5.
 Hæc, fili, recole:
 Et liber a tutore
 Ne tamen usquam fore
 Te crede, sine me!
 Pro te est cor in cura,
 Est vigil oculus:
 Non auferent te rura,
 Non teget angulus.

Tutor.

- Tutor.* Ratio, aures, oculi num decipitis me?
Credam, quod hæc conniventia
Sit actio Providentiæ?...
Provid. *Putasne, bene irasceris tu?*
Tutor. *Bene, Bene irascor ego usque ad mortem, Jon. 4.*
Nam quantum per pia monita ædificat Sapientia,
Tantum destruit indulgentia.
Provid. Nimirum velles, ut Nemesis præsentē continuo
Scelus quodlibet vindicaret supplicio?
Nescis, cujus Spiritus sis!
Circumspice, & admirabiles TOLERATI
Confidera fructus peccati.*

A R I A.

1.
Hoc mali sunt Ecclesiæ,
Quod fimus est telluri:
Ex fimo flosculi,
Quot nati sunt (circumspice!)
Et quot sunt nascituri,
Putredinis foetorem
In balsami odorem
Vertente Genesi.

2.
Ineptus hortulanus fit,
Qui sordes detestatur,
Et horto ejicit:
A fimo solum pingue fit,
A fimo succus datur:
A fimo flos nutritur,
A fimo sic vestitur,
Si coelum favorit.

Iiii 3

* Exhibetur hortus.

Tutor.

Tutor.

Enimvèro in ænigmate intelligo errasse me!

Mysterium patientiæ

Est opus Divinæ Providentiæ,

Et verum dixit, qui dixit:

*Omnis impius aut ideo vivit, ut convertatur,**Aut ideo vivit, ut per eum justus exerceatur! S. Aug.*

Sanctus es Domine,

Etiam in exercitio patientiæ! . . .

At enim in hac ipsa misericordia

Quam se exhibet serij timoris ferax materia!

DEUS ME TOLERAT! causa est GEMINA:

Quid! si PROPTER ALIOS,

Et non PROPTER ME, tolerat me?

A K I A.

1.

Toleror: est gratia:

Favor patet,

CAUSA latet:

O HORRENDA GRATIA!

2.

Toleror! . . . an ideo

Ut exemplum placidæ

Sim Misericordiæ!

Nescio!

An ut server rigidæ

Victima Justitiæ,

Nescio!

O tristis dubitatio!

ME-

MEDITATIONIS I.

De Filio Prodigio

In Regione longinqua

PUNCTUM II.

Post bona male dissipata sceleratio
desperatio.

SCENA I.

Sathanas. Villicus.

Sathanas. **N**ihil te angat, inquam, iste casus de morte pueri; quantumvis laudes eum, Villice, & jacturam deplores, meliorem hodie porcorum custodem dabo. *Villicus.* Vix reperies, here, adeo vigilem, adeo fidelem, adeo sedulum, adeo patientem: doleo, quod male nimis habuerim hominem: forte mortem acceleravit hæc durities. *Sath.* Factum bene: quo plures occideris, hoc eris heræ gratior. *Vill.* Sic amas servos? *Sath.* Cur amem homines, quorum Dominum odi! Tu me intellige: quotquot ad fines territorii mei accedunt, illi a filiis meis invitantur in urbem hanc: excipio humaniter, laute habeo: gaudent servire mihi, quia credunt servire se libertati. Sed nempe servire *ad tempus* vellent, & *ante mortem* saltem redire ad Dominum, cui sub ipsum vitæ diluculum jurarunt fidem; nam judicium post mortem metuunt. Rem deprehendi: propterea, ut spem noxiam mihi, fallam securius, non facile permitto, ut in meo famulatu aliquis *conferescat*. Non tamen per vim occido (tyrannus audirem, nec esset ultra, qui se mihi addiceret) sed aliis

aliis venenum misceo, ut ab ipsis deliciis ante tempus intereant: alios a voluptatum usu jam enervatos repente in ærumnas præcipito, ex quarum impatientia vel seiplos perimunt, vel celeriter moriuntur. Atque hac arte fit, ut, qui in vita mei sunt, mei quoque post mortem mancant. *Vill.* Neque miseriæ a te aversos in fugam agunt? *Sath.* Raro sane, si quidem vos, quos illis cruciandis destino, officium agatis bene. Molliculi Sybaritæ nunquam didicerunt pati: itaque ab ærumnis conturbantur primum, deinde immerguntur abyssu tristitiæ, quæ ossa exedit: postea præcipientur in impatientiam, & ab impatientia in blasphemias, in execrationes, in odia, in artes malas, quas desperatio docet, denique in præmaturæ mortis apertas fauces, antequam de reditu in terram sanctam se cogitatio moveat. *Vill.* Laudas ergo, quod graviter adeo afflixi puerum pascendis porcis a te addictum, ut fame, ac laboribus subito succubuerit? *Sath.* Laudo, & ut mensura pari metiariis filiquas cum verberibus ei, quem successorrem dabo, volo, jubeo. Obsequium utilius mihi præstabis nunquam: Probatum est. Hem! adest! file!.. Domine, qualem video!

SCENA II.

Prodigus. Sathanas. Villicus.

*Prod.** **V**Indictam, o chare hospes, vindictam postulo! Pater, & Consul es: utrumque imploro nomen! *Sath.* Fiat justitia! quis fecit injuriam? *Prod.* Latrones in ipsa urbe grassantur: quis hoc putasset? In urbe autem? In ipsa domo Consul habitant, a te aluntur: Heu! deceptus fum! *Sath.* Latrones! in mea domo! quos designat tam dira vox? *Prod.* Filii, si nescis, filii tui sunt, amici nimirum mei! fulminate Sinones improbos Superi, si qui tenetis cælum! *Sath.* Imprecatio atrox! quo facinore meruerunt? *Prod.* Non vides? Spoliatum, & pæne nudum

* Vestibus spoliatur.

nudum ejecerunt *de domo convivii*. Offensus sum gravi injuria; affectus mille opprobriis, expositus ludibriis amicarum, prostitutus petulantiae vulgi: nullus amicitiae, nullus hospitalitatis, nullus sanguinis mei, nullus Parentis respectus fuit: vindica! *Satb.* Impera patientiam tibi, ut narres facinus: Pater & Consul sum: utroque titulo Judex ero. *Prod.* Nihil narratione est opus: tota civitas factum vidit. Prandium pacatum fuit: edimus, bibimus, jocati sumus! a mensa provocarunt ad ludum tui. Addico: infelix eram. Non fluxit horae quadrans, cum quadraginta florenos perdidisti. Cessarunt, quod defecisset crumena mihi. Ego reparandae jacturae avidus urgeo, ad tuam fidem provocans; qui totam meae substantiae portionem in deposito servares mihi. Illi negant, superesse teruntium. Obstusco: sed mox, si nihil superest argenti, ajo, at superest annulus, gladius, pileus, vestis: denique super sum ego! Iterum confidemus: gladium, annulum, pileum, vestem, me ipsum fortunae expono: quid multa? Gladium annulum, pileum, vestem, me ipsum perdo. *Satb.* Fecisti jacturam gravem! *Prod.* Illi, cum meminisse humanitatis debuissent, & miserari infortunium, continuo velut elato in me vexillo insurgunt, plaudunt, raptant, ipsas adversum me foeminas, quae colluserant, animant: spoliis per atrocem vim, & frustra tuam furentibus iram intentans, ejicior domo, jubeorque ad te deferre. Spreta est Patris reverentia, & autoritas Consulis: injuriam crudelem passi uterque sumus: utrumque vindica! *Satb.* Difficilis sententia erit: Species facti meretur considerationem maturam. Audiatur tamen & altera pars, quod aequitas postulat. Tu interea reconde te in cubiculo hospes, ac contumeliae subtrahe: ad filios propero. * Et tu hic expecta.

K k k k

S C E

• Ad Villicum.

SCENA. III.

Prodigus. Villicus.

Prodigus. Quis es tu, bone vir? *Villicus.* Num bonus sim, alii judicent: cæterum Consulis villam curo. *Prod.* Audisti, quam egi, causam: quam putas Consul sententiam feret? *Vill.* Consul quid sit facturus, nescio: ego tamen si Consul forem, ad mancipatum damnarem te. *Prod.* Cum homine crudo ago. Do veniam villico, nam si Consul fores, sapientius loquereris cum Nobili. *Vill.* Domine, factum examinare Judex, non personam debet. *Prod.* Nisi persona speciem facti mutet. Miser sum! *Vill.* Tua culpa hoc malum accidit. *Prod.* Immo* hæc causa est. Ite in mille frustra maledicta folia, toties infensa mihi! Heu! quo me abripuit insanus ludendi furor, & toties lamentis vanis deplorata amentia! Nempe hæc prodigalitas voluptas vocabatur: vocabulum me decepit! Inferi, æterno carcere hanc insaniam plectite! *Vill.* Imminet. *Prod.* ** Sed quid hoc schediasma vult? .. Manus est. Cubicularii: Cœlum! quod malum lego! *Here*, paucis moneo: *sub habitu tabellarii frater latuit tuus!* fulminor! nam si latuit frater, speculator fuit: totam vitæ seriem Parens sciet. *Ego cum ipso ad Patrem redeo: Jam fugimus, ne pro debitis a te contractis obsides nos tecum teneat hospes tuus. Tu vide, cui fidas, & tibi consule!* Novum malum! immane malum! malum sine remedio! *jam fugimus!* Sic? Fugisti dilecte frater, nec ego amplexus sum! quæ cœcitas fascinauit oculos, ut præsentem non viderim? Per te ad se invitavit misericors Pater, & non audiui! quæ furditas aures tenuit? .. *Fugimus!* Ergo desertus sum! Villice, miseresce tu saltem miserrimi juvenis, quem Pater, frater, servus, amici, amicæ, omnes deseruerunt! opes, famam, vestes, libertatem, gratiam Dei, & hominum, omnia perdidisti! anima superest! anima quoque peri-

* Designat folia lusoria. ** Videt epistolam relictam a Cubiculario fugitivo.

periclitatur periculossissime; nam hoc, opinor, hæc verba volunt: *Vide, cui fidas, & tibi consule!* Ah! jam exprior, quibus confiderim me! juvenilis imprudentia, amor libertatis, stultissimus amor in has angustias agunt. *Tibi consule!* Quid faciam? Amice, non te miseret mei? .. Silces? .. Heu! redire cum fratre ad Patrem potui: INVITAVIT! cum potui, nolui: vereor, ne dum volo, non possim! Age, saltem consilio juva me! *Vill.* Quid dicam? ego non novi te! tu videris! *Prod.* De Patre tamen audieris aliquid: Est TERRÆ SANCTÆ DOMINUS, dives, potens, liberalis: monstra viam, qua revertar ad Patrem: spondeo, ingens merces laboris erit. *Vill.* Nunquam ego ambulavi hanc viam. Et quale hoc est consilium tuum? talem tanto resistes Patri? & propria culpa talem? non pro misericordia pudorem movebis, ac iram Patris? *Prod.* Recte mones: Ah! non ibo ad Patrem! non possum ire! *Vill.* Insuper, quod intellexi, in ære es Domino domus, & vis, ut fugam adjuvem? *Prod.* Nimirum metus est, ne servum me esse cogat. *Vill.* Propterea suadeo, ut ultro te offeras. Novi virum: coactos servire crudeliter habet: sponte dudentibus clemens est. *Prodigus.* Quid? servire hæc manus possint, servire? *Vill.* Docebit necessitas. Et en! redit herus. *Prod.* Quos video? Hem! jam ipso habitu profitentur latrones palam, & prædam jactant,

S C E N A IV.

Prodigus. Sathanas. Creon. Cosmus.

Sathanas. PERacta est causa, o bone juvenis, in favorem tuum. Tu (*ad Villicum*) vestes affer paratas in cubili meo! examinavi omnia, & lata sententia est. *Prod.* Io! pro Patre colo te, si ex inferno me extrahens ab istis dæmonibus liberas! *Creon.* Triumphum miser ante victoriam canis. *Cosm.* Decreta damnatio est. *Sat.* Tolerabilis tamen, & nequaquam

Kkk k 2

con-

condigna delictis, quæ patraſti. *Prod.* Pater ſic loquitur: ap-
 pello ad Conſulem! injuriam paſſus ſum Juvenis nobilis, hoſpes,
 & ab amicis. *Cosm.* Amici fuimus: hoſpes peccaſti: ignobi-
 lem fecerunt mores. Ceſſa tueri te: faventem ſi cupis Judi-
 cem, ad preces vertere. *Creon.* De quo accuſas: gladium, &
 veſtes tulimus: noſtræ per contractum erant: lucrati ſumus.
Cosm. Te ſervum diximus: non ultro addixiſti? *Prod.* Nihil
 nego: ſed neceſſitas huc adegit, & amicorum erat huc adaſto
 non inſultare. *Cosm.* Amicorum erat: igitur adverſum juſtiti-
 am peccatum eſt nihil: *de modo* arguis. At modum mos de-
 fendit introductus in urbe hac: quoties redigimus ad incitas ad-
 venam, toties deridemus. Mores civitatis noſtræ cæteros
 probaſti omnes, & dum hic es, vixiſti ex more noſtro: cur
 modo improbas? *Prod.* Heu! deceptus ſum! *Sat.* Gemitus non
 defendit. Egerunt filii, quod ſolent agere volenteme. Tu ju-
 vari poteras, ſi fratrem habuiſſes magis amantem tui: nunc, ut
 audio, dum ego in villa fui, ille per fugam eripuit ſe nobis &
 tibi, una cum ſervo tuo. Dedi homini computum expenſa-
 rum: ſexcenta ſexaginta ſex talenta hic diſſipaſti: quis ſolv-
 et, quod debes? Frater exhibebit rationes [Patri: qui a cubiculis
 fuit, narrabit vitæ methodum: ambo exaggerabunt contuma-
 ciam, qua reſtituiſti invitanti ad reditum Patri: quid eſt ſperan-
 dum? redimet? & tanto pretio redimet? *Creon.* Obmuteſcit in-
 felix, & deſperantis animi ſuſpiria verbis ſubſtituit. *Cosm.* Ex-
 equere ſententiam Pater, & nos dimitte in novam prædam.
Prod. Heu! deceptus ſum! o Cosme! o Creon, o Sathana!
 cur credidi vobis, & tibi, Pater mi, tibi non credidi! *Sat.*
 Vulgaris nœnia non movet nos. Dic: ſperas a Patre debita
 expunctum iri? *Prod.* Ah! Ah! quo merito ſperem? *Sat.* Ego
 tamen ſperare jubeo, ſi mihi ſervire potes: miſerebitur ſervi-
 tutis tandem, & mittet pretium. *Prod.* Quid poſtules, vide:
 a Patre ad te fugi, ut ſervitutem effugerem: jam tu vis, ut ſer-
 viam

viam tibi? præ servitute est chara mors! *Sat.* Morieris igitur, & fame morieris: nam ego inutilem homuncionem non alam. Beneficium volebam facere, & tu recusas? abi ex meis ædibus, pigra bestia, abi! in silvis inter apros & urfos, quoniam ita vis, computresce! *Creon.* Laborem horres, infamis onager, & per otium pinguesces, nempe devota ventri victima! *Cosm.* Abis autem, & quorsum abis? *Prod.* Ad lupos, ad apros, ad urfos, ad leones, & tigrides, felicior inter feroces belluas, quam inter vos victurus. *Cosm.* Adhuc ferocit pupus, & contra lunam coaxat rana. *Sat.* Quid tenes? ire, qua lubet, sine: coget redire fames, modestiæ magistra fames, quæ etiam tauros cicurat. *Prod.* At honesti saltem servitii imperabis genus? *Sat.* Mortuus est heri puer, qui custodivit porcos in villa: succedere in officio potes: vis? *Prod.* Ah! tu redis?

S C E N A V.

Accedit Villicus.

Villicus. CUM vester edeo, quam puero mortuo paraverat herus novam plane, & elegantem in diligentia præmii: paruisti consilio meo? indues? *Prod.* Ecqua hodie de cœlo micuit lux inimica mihi! Here... resorbe vocabulum incauta lingua! Hospes, volebam dicere! *Sat.* Here, dices, si vis audiri. *Creon.* Superbe puer, quousque tumidi spiritus animum inflant? *Cosm.* Here, dic: aut, nisi subesse vis, i, crepa! non jam audisti? *Prod.* Silete vos auctores ruinæ meæ, instrumenta diaboli, magistri scelerum! non hodie primum ablegor ad porcos: a quo tempore vobiscum vivo, jam inter porcos vixi! Silete, nullam a vobis miserationem expecto: at tu debebas, hospes! *Sat.* Non dices: Here? *Prod.* Sine, ut indulgeam aliquid dolori meo! tu debebas limites ponere impudenti audacia

ciæ liberorum! heu! deceptus sum simplex puer! hæc demum est
 vestra gloria, hic triumphus improbitatis! *Cosmus*. Fure, fure!
 furor tuus jucundum spectaculum facit! *Creon*. Viden, ut fremit
 homo! ut spumat! ut stridet! *Prod*. Summa miseriæ est, quod ne
 a coelo quidem vocare vindictam audeam! *Cosm*. Frustra per has
 stultitias movere Patrem desideras. vaser, in miserationis affectu-
 tum: quid trahis moram? Officium subulci offertur: gratia est!
Creon. Et si satisfacis expectationi, spes promotionis ostenditur:
 poteris bubulcus fieri: adhuc deliberas? *Prod*. Ridete vos! erit,
 qui risum vindicet: nec enim miser æternum ero. Here!... Ite-
 rum erravit lingua! *Sat*. Eloquere tamen! *Prod*. Indulge noctem
 domi tuæ: nox consilium dabit. *Sat*. Tanti misericordiam
 æstimas, ut longo consilio opus sit, acceptare num velis?
Cosm. Insignia officii vides: si nolis, habebit alius, & tu peribis
 fame. *Prod*. Dura necessitas! hæc toga vestiet filium supremi
 Domini! aureos reconde radios sol, ne probum Mundus videat!
Vill. Imò videat Mundus, & ab exemplo sapiat. *Satb*. Vos perse-
 quimini fugitivos, antequam exeant territorio, ut miser socios
 fortunæ habeat. *Cosm*. *Creon*. Facimus. *Vill*. Appendo peram, &
 addo pileum! *Cosm*. Jam sic vestitum nemo, qui sis, agnoscet:
 cesset pudor! *Creon*. Ut tamen tu te agnoscas, speculum habe:
 nunquam verius prospexisti. *Prod*. O saxea corda, quæ me vi-
 dent ex tali talem, & non miserescent! *Sat*. Dic: O stul-
 ti, & tardi corde, qui in tali tales se esse vident, & non
 exhorrent!

— 342) • (343 —

MEDI-

MEDITATIO II.

MISERICORDIA PUNIENS,

SIVE

FILIUS PRODIGUS

in Servitute.

ARGUMENTUM.

Quem nuper exhibuimus FILIUM PRODIGUM, connivente Misericordia Divina in omne scelus effusum, hodie spectabimus redactum ad incitas, & cum extremis miseriis luctantem. Nempe peccatores, quos DEUS non ad perniciem suam, sed ad salutem tolerat, denique per adversa compellit ad se redire. Erit igitur Meditationis

Materia: Filius Prodigus in servitute.

Puncta duo: 1. Servitutis dura conditio.
2. Salubris effectus.

Fructus. Augustini suspirium: *O felix necessitas, quæ ad meliora compellit!*

Propositum. Osculandi manum Domini ferientis, nec contra stimulum calcitrandi.

Chorus Exhibet Bona Malorum Malos prementium.

PER-

PERSONÆ.

Philanthropus, seu Filius DEI sub habitu boni Pastoris.

Filius Prodigus.

Paterfamilias, seu Sathanas.

Villicus.

PROLOGUS.

Reflexio in Meditationem præteritam, & Præparatio ad præsentem.

Fides. Ratio. Viator.

Ratio. **O** Regio horridis plena mysteriis! *
Sed salubrium ferax affectuum,

Si attentius inspicis.

Fides. Ecce! hæc via Innocentiæ,

Ista est Poenitentia:

VIA PECCATI est *media*,

Quia plerique a via Innocentiæ

In viam peccati abeunt,

EX SPE pertingendi denique

In viam poenitentia.

Verum o quanti falluntur!

Est enim *via impiorum tenebrosa*:

Nesciunt, ubi corruunt! Prov. 4.

Et offenso pede *ad montes caliginosos*, Jerem. 13.

In late hiantem, quam vides, voraginem

Præcipite lapsu incidunt.

Et en! qualem descripsi, infert se obviam! **

Ratio.

* Theatrum exhibet Regionem montosam, & in medio hiatum ignivomum. ** Prodit Viator per montana, abyssio imminens.

- Ratio.* Prô! homo temerarie, qui ambulas in tenebris,
Nescius, quam plenam periculis
Ingressus sis semitam!
- Fides.* Siste gradum: vel passum si promoves,
In ultimum exitium te præjicies.
- Viat.* Quis me terret timore pannico?
Ivi, & redivi hanc viam sæpius:
Et quid unquam mihi accidit tristius? Eccl. 5.
- Fides.* Coeco, & furdo loquimur: Clamabo altius!..
Cælum fulminea luce emica,
Et voce saxa frangente intona! *
- Viat.* Audior! ... Audis infelix murmur ferale?
Vides incensi sulphuris lumen fatale?
- Viat.* Audio, video, rideo!

T R I O.

- Viator.* Assuetæ sunt aures his minis:
- Fides.* Sed tandem minarum est finis.
- Ratio.* Armata est Nemesis manus:
- Viator.* Nil terret me strepitus vanus,
Sæpe jam tonuit:
- Ratio. Fides.* Ultimum monuit
Iratæ audaciæ DEUS:
- Viator.* Est bonus, est optimus DEUS!
- Ratio. Fides.* Feriet te!
- Viator.* Non feriet me! **
- Fides.* Immo jam ferit!
- Viator.* Heu me! *Ratio.* Perii!
- Fides.* Non periit: fuit amabile fulmen,
Quod hominem attonuit, non enecuit.

L I I I

Hoc

* Tonat, & fulgurat. ** Attonatur.

Hoc est ingenium Divinæ Misericordiæ:
 PUNIENS parcit, *prosternens* erigit:
 Hoc meditaberis hodie.

A R I A.

I.

Connivere Peccatori
 Actus est Clementiæ,
 Sed actus noxius,
 Ni serius, aut citius
 Comes conniventæ
 RIGOR metam figere
 Cœperit furori.

2.

Res periculi est plena:
 Neque Patri proprium,
 Cum peccat filius,
 Dissimulare longius:
 Fornax bonum figulum,
 Ignis pium Medicum,
 Patrem probat poena.

Ratio. Paradoxa veritas docet me:
 Quod PECCATUM IMPUNE
 Timendum sit maxime.

Fides. Recte colligis. At, en! redit ad se Viator,
 Intellige, quam felix sit, qui punitur, peccator.

Viat. Heu me! heu me!
 Quam ab ultimo exitio abfui proxime!
 Video horrendam abyssum, in quam incidissem,
 Nisi Dominus prostravisset me!
 Bonum, bonum mihi, quia afflictus sum!

Surgam, & ibo ad Dominum,
Ibo a via peccati in viam poenitentiae:
Domine, venientem, suscipe!

Fides. Viden, ut a se alius repente formatur,
Quem coelum percellit!

Ratio. O felix infelicitas, quæ ad meliora compellit!
Igitur laudent alii *Misericordiam conniventem*,
Ego amo *Misericordiam punientem*.

Fides. Ama! lauda!

A R I A.

Ratio. MISERICORDIA!
Quanquam sis irata,
Et abjecta olea,
Truci ferox galea
Sistas te armata:
Tamen ego amo te!
Feri, ure, seca me:
Tamen te amabo!
Dulcia sunt verbera
A Misericordia:
Dorsum inclinabo:
Feri! ... a JUSTITIA
Feriendo vindica,
MISERICORDIA!

MEDITATIONIS II.

De Filio prodigo in Servitute

PUNCTUM I.

Servitutis dura conditio.

SCENA I.

Prodigus. Villicus.

Villicus. **S**upereſt pugillus de ſiliquis: tres, quatuor, quinque, ſex, & rurſum ſex, omnino duodecim: laute haberis hodie, collige, & helluare! *Prodigus.* Dure! jam in veſperum vergit dies, & tandem prandium adnumeras? Vix tulit moram fames, quin deficerem præ inedia. *Vill.* Prandeſis hodie, & coenabis ſimul: propterea duplum attuli. *Prod.* Crudelis homo es! & quouſque inſultabis extremæ miſeriæ! *Nefcis, quanti mercenarii in domo Patris mei abundant panibus, & ego hic fame pereor?* *Vill.* Tua culpa hæc accidunt: quare abiſti a Patre? abundantia petulantiam peperit: inopia docebit modèſtiam. *Prod.* Heu! deceptus ſum! *Vill.* Lamenta ſera! comede, & morere! *Prod.* Æquali ſaltem cum porcis in pretio habe me: duodecim ſiliquæ nequidem nefrendi in diem ſufficiunt. *Vill.* Decem Herus conſtituit tibi: quod ſuper adjecerim duas glandes, gratias debes meæ liberalitati. *Prod.* Ut fame peream, Herus cupit? *Vill.* Hoc egit hætenus: ſed quoniam ſine noxa concoquis ſiliquas alias fatales ſtomacho delicato, iratus, quod diutius, quam vellet, vivas, hodie violentas forſitan manus inferet. *Prod.* Sic? quo facinore enim hoc malum merui? non ſedulus officio fungor? non diu,

no-

nocturne invigilo suis? non Hero, non tibi, Villice, per omnia obedio? Vill. Laudavi etiam: & certum est, nunquam futurum fuisse, ut hic tabesceres, si ita ad nutum obedire Patri voluisses, ut mihi obtemperas; sed nimirum quod amor Patris efficere non potuit, timor flagrorum præstat. Cæterum Herum in furorem egit porcelli mors, quam heri nuntiavi ei. Tuxæ socordix infortunium tribuit, immo malitiam suspicatur, ne forte appetitus carnis audacem fecerit, aut male suada fames adegerit auferre glandes fuculo, ut tu vorares. Rapiere in quæstionem, & nisi te reum ultro fateberis, per tormenta confessio extorquebitur, in quibus si occubueris, plaudet. Prod. Porcelli causa moriendum erit? Attigit apicem sceleris tyrannis vestra. Vill. Hero tu ista querere: ego, quod jubet, exequor.

S C E N A II.

Prodigus solus.

Tibi hoc quæro cælum, surdum, æneum cælum! cælum lentum ad fulmina contra me! Quoties provocavi iterum provoco! Eja! coge atra nubila! excute ignem vindicem! feri! nihil instantibus oculis inspiciam accensum sulphur pallentis flammæ: stantem feries! feri! .. non audis? .. aut forte pronior ad vota orcus facilius exeret misericordem sævitiam? irruite Furix! lacerate me Mænades! ad stygem rapite! .. Etiam cessatis! vah! .. Quanquam quo me abripis furor! Quiesce anime! orco, & cælo melior Herus meus hodie finem faciet prementibus malis! Odies felix! Io! prandere hilariter juvat apud inferos cænaturum! .. Apud inferos autem? quid? felicior ibi expectat me vitæ conditio? finis malorum mors mea, an initium majorum erit? Tristis cogitatio! nam si vivere inter grunniētes porcos miseria videtur diutius intolerabilis mihi: quid erit vi-

LIII 3

vere

verè inter frementes diabolos, & fame æterna confici! ... Sed cui bono nunc de futuris angor? medebor præfenti malo! Eja! fruerè deliciis, dum licet, tuis delicate Pufio! comede! epulare! .. Ah! dentem pæne fregit durus cortex! .. o nucleus dulcis! .. Pater! Pater mi! utinam videres filium sic helluantem! fieres! fciò, fieres! .. Immo vanus sum! pridem Pater oblitus est degeneris filii! Frater, cum exhibuit computum debitorum, quæ contraxi, amoris, siqua superfuit, scintillam ultimam extinxit penitus: cessa sperare miser, cessa!

SCENA III.

Prodigus. Philanthropus.

Philantr. **O** Pastor infelix! *Prod.* Quem audio? *Phil.* O misera ovis! *Prod.* Resume animum, miser: etiam alius gemit. *Phil.* Ovicula mea, chara ovicula, ubi es! per montes & valles, per silvas & campos, per avia & devia, in fame & siti, in laboribus plurimis quæsi te! pæne ad mortem sum lassus: *O ut tantus labor non sit cassus!* *Prod.* Amice, video te tristem esse: socium malorum habes. Narremus alter alteri infortunia sua. Est aliquod solatii genus, habere, qui possit compati. *Phil.* O quisquis es, humanus es certe, qui te mihi tam benevole offers. Age, si te miseret mei, *da mihi bibere!* Joan. 4. quia oppido fessus sum. *Prod.* Paulo ante frigidam ex puteo hausi: ebibe! *Phil.* Turbidam aquam offers! *Prod.* Nempe semper *potum meum cum fletu misceo*, Psal. 101. *Phil.* Sic bene: nam lacrymas cum gustu bibo. *Prod.* Ego ad fatietatem etiam de siliquis dabo partem, si non fastidis. *Phil.* Pro porco me habes? nec enim humanus est iste cibus. *Prod.* Ignosce! fames extrema regionem premit: panis non datur mihi. *Phil.* Ego dabo, ut mutuum obsequium præstem. *Gusta!*
Prod.

Prod. Superi! quis candor est! .. & quæ dulcedo! *Phil.* Communis est refectio in domo Heri, etiam pro mercenariis. *Prod.* Olim, ah! recordor! olim & ego comedi talem domi meæ. Cæterum ovem perditam, si bene intellexi lamenta, requiris anxius? nunquid? *Phil.* Rem dicis. O si forte vidisti errantem, doce, qua persequi misellam debeam. Herus meus centum oves habet. Una subtraxit se caulæ petulans. Continuo jussus sum relictis nonaginta novem in deserto, requirere fugitivam: neque donec invenero, reverti licet. *Prod.* Hem! paris poenæ rigoris Domini utrumque premunt. Meus centum porcos heri habuit: unum occidit casus: reus damni agor, & licet nonaginta novem supersint integri, ac valentes, de uno tamen damnabor mortis: tanta est crudelitas Heri. Sed mihi mors in votis est, & laudo tyrannidem, quæ me occidit. Satur vitæ sum, quam in tantis miseriis vivo; quantas si narrare vellem, obstupesceres, o bone, neque crederes, hanc ætatem affligi tot calamitatibus, ac tantis potuisse. *Phil.* Me plus, quam ærumnæ quælibet, male habet jactura oviculæ, quam requiro. Age, non fortasse se tuis porcis immiscuit petulcum pecus? aut non induit porcum potius, ut securus delitescat? *Prod.* Atrociter habita sit a vobis, est necesse, hæc ovicula, si inter suos maluit, quam inter agnos vivere. *Phil.* Errasti: ex centenis charissima ipsa fuit non aliter, ac si fuisset unica. Emerat eam Herus, & nutrierat laute: creverat cum filio ejus simul, *de pane illius comedens, & de calice ejus bibens, & in sinu illius dormiens: eratque illi sicut filia*, 2. Reg. 12. Verum noxiæ libertatis stultissimus amor fecit, ut ovium societatem aversata, amicitiam cum porcis expeteret: hæc fuit fugæ causa. *Prod.* Indignum est stolidum animal, ut a te requiratur. Sinite inter immundas bestias experiri, quale discrimen sit inter mensam Domini, & glandes porcorum. *Phil.* Ex ore tuo damnatus es. TU ES HÆC OVICULA! Te
sic

sic amavit Herus meus, ut adoptaverit in filium suum, & jus hæreditatis æquale cum filio, quem habet, unico constituerit. Tu vero amore contempto deseruisti amantem: abiisti in regionem longinquam, ut procul a Patris oculis luxuriæ vacares liberius: adhæsisisti *uni civium*, & invitatus etiam ad reditum, ne legibus paternis iterum subjicereris, elegisti servitutem tyranni. Anthrope! *Prod.* Heu! audio nomen meum! quis es tu? & quis me prodidit tibi? Pudor in fugam agit.

S C E N A IV.

Philanthropus. Sathanas. Villicus.

Philanthrop. **S**alubris pudor est, impudentiæ poena, poenitentiae radix. O peccatores insensati, quis vos fascina-
vit? Sic *DEUS* dilexit vos, ut filium suum Unigenitum miserit, qui vos reduceret in viam bonam, ad *eternam bonam*: & vos, ne *asiliquis* avellamini, *eterna bona* contemnitis, nec me auditis! *sic vos diligitis* Deum? *Sath.* Mori cogam, antequam fugiat. Quem video? *Phil.* Fallor, an Dominus villæ est, qui occurrit? *Sath.* Non errasti: habes, quod postules me? *Phil.* Ah! oviculam perdi: labor in requirendo exhaust vires: & quoniam advesperascit, circumspicio, ubi liceat pernoctare. *Vill.* Apud nos *non est locus in dives forio*, Luc. 2. nisi in stabulo prope puerum, qui porcos custodit. *Sath.* Tu crudus homo es. *Phil.* Accepto conditionem; nam ingenuus adolescens est, qui servit tibi. *Sath.* Tu vidisti? *Phil.* Sedebam ad puteum lassus: ut vidit, accurrit ultro, neque *calicem solum aquæ frigide*, sed & de siliquis, quas edebat, partem abstulit, ut me reficerem. *Sath.* Liberaliter egit: sed multo tu dignior laude es, qui tantillum obsequium tanti habes, ut commendes etiam. Erro? an alium, quam præ te fers, loquuntur hi mores elegantuli,

tuli, hic suavis sermo, hæc tenera facies? Eja pastorcule, in urbem te mecum ducam: mereris, ut usque ad delicias recreem, ne in via deficias. *Phil.* Parce: nec enim delicias amo, quippe quæ enervant magis, quam adjuvant robur artuum: *in laboribus a juventute mea*, Pl. 87. assuevi duris. Concede in stabulo angulum: sic antelucanus potero iter statutum persequi, priusquam ex urbe porta pateret mihi. *Sat.* Perdita ovis angit. Ne sis sollicitus: mittam ex meis, qui requirant felicius, quippe præ te viarum gnari, & anfractuum, per quos a recto tramite aberrat pecus. *Phil.* Mihi negotium commisit Herus meus: obedire est necesse: ego quæram. *Sat.* Utinam puer meus hausisset aliquid ex ista indole! ubi est? *Phil.* Siliquas cum exhiberet, panem ego porrexì, miserans duram sortem. Gustavit, & cum gemitu gravi: *Heu! olim comedi similem!* dixit, flevit, intro abiit. Mihi commota sunt viscera ab hoc suspirio: solari cuperem. *Sat.* Indignus est tua miseratione nequissimus flagritio. Ignoras mores rabulæ: idem cum suis porcis ingenium habet: *vorare, & grunnire* unus est labor curæ: alios negligit. Rursum heri periit porcellus mihi. Nequitia, an negligentia pueri tribuam, ambiguus hæreo. Utrumvis fiat, culpam plagis trecentis luet. Si deficiat sub ictibus, gaudeo, facile erit substituere servum utiliorum. *Phil.* Rigidus Herus es: & reperis, qui velint servire? *Sat.* Non tot, quin plures. Sed nempe ampla est merces, quam promitto fidelibus, & sedulis mihi: nullam conditionem in contractu excipio, vel si *omnia regna mundi* pacisci vellent. Verum hic puer, postquam placandi Patris, a quo aufugit, spes omnis concidit, sexcentis sexaginta sex talentis obærat mihi, consilium, ut se haræ addiceret, a desperatione accepit. Invitus ac reluctans servit: unde meretur haberi bene? O! tu si meus esses, pro filio amareris. *Phil.* Habeo, & amo Dominum, cui addixi fidem: mutandi nulla est causa mihi. *Sat.* Liberalem tamen quod Dominum habeas, nec vestis, nec vultus loquitur,

tur, hic a fame pallidus, illa de vili lana. *Phil.* Contentus sum, quia diligo Dominum, & Dominus me: præter amorem Domini, sordities est, aliam mercedem exigere: ipse est merces mea, merces magna nimis! *Sat.* Vere bonus es servus tu! Perge, quæret tibi locum intus, ubi pernoctes cum meo. Suada mirabili polles. Si te miseret adolescentis, sponde, usum meliorem Domino, si melior servus erit. *Phil.* Et si fortasse inter porcos mea se mihi abscondisset ovicula, reducere ad Dominum per te licet? *Sat.* Nihil tibi negare possum: præter morem sentio inclinari me in tua vota prope per violentiam. *Phil.* Æquus es: gaudens co.

S C E N A V.

Sathanas. Villicus.

Villicus. **M**Omordit hamum pisciculus novus, tuisque inefcatus blanditiis trahetur scilicet in istud littus. *Sat.* Puer iste placet. Si persuasus mecum intrasset urbem, meus foret. Et o ut foret! Talibus insidior præ aliis magis, quos præ aliis natura, & gratia suis ditaverunt donis. Nunc dubium eventum conatus habet: didicit pugnare Masculus. Suo placere Domino contentus, aliud nihil appetit: quo illicio traham? Omnem tentaturi solertiam **CONTEMPTUS** vincet, contemptus, pugnae genus, præ cæteris invisum mihi! Nam quid efficiam, si ne audior quidem? Sed est alia cogitatio insuper, quæ non tollit solum conceptam spem, Villice, de puero asserendo mihi; verum insuper timorem incutit, ne Prodigum sibi auferat novus hospes. Mysterium, vereor, ne ista persona tegat. *Vill.* Quem igitur sub Pastoris habitu latere suspicio est tibi? *Sat.* Rem ab ovo docebo te. Uranius, qui terræ sanctæ imperium tenet! filium hæredem regni unicum a seculis is genuit: postea in tempore geminos in spem eandem adoptra-

adoptavit, alterum *ex Judea* natum, alterum vocatum *ex gentibus*, desiderante id filio, qui *fratres cupiebat*, atque ideo Philanthropus vocabatur. Ex adoptatis junior est Anthropus noſter, qui procul ab Uranio auferens ſe, diſſipavit ſubſtantiam ſuam cum meretricibus, quod vidisti, indeque redactus ad incitas adhæſit mihi. Pater, ſicut odio extremo odit me, ita filium ſervire inimico ſibi probroſum ducens, quantumvis degenerem, reducere ad ſe voluit, miſſo fratre ſeniore in tabellarii perſona cum litteris, quibus invitabat ad reditum. Adelpus (hoc nomen eſt ſenioris) legatione ſua ſive per fratris pervicaciam, ſive per ſuam inertiam parum proſpere functus eſt. Nunc ſuſpikor, adornatam eſſe alteram, & in veſte paſtoritia ipſum adeſſe Philanthropum. *Vill.* Hoc ſuſpicaris? non eſt veriſimilis tanta demiſſio in filio naturali tanti Monarchæ! Homo nauci unde mereri poſſit tanti amoris prodigium? *Sat.* Tu neſcis quidquam. Nihil meretur Anthropus, ſed Philanthropus AMAT: hoc ſatis eſt. Magno amori nullum prodigium magnum eſt. Rem clarifiſimi Vates pridem decantaverunt: & hodie an non vidisti, quam tenero in Prodigum ſenſu Paſtorculus raptus fuerit? *Vill.* Recte obſervas. Nam quantis præconiis leviffimum obſequium, hauſtum frigida extulit? *ut tactus eſt dolore cordis intrinſecus*, cum vidit ſiliquas manducantem? ut deinde tanquam per ambitum expetiit ſibi ſtabulum hominis, in quo pernoctaret? *Sat.* Et ovicula, quam perdidiffe ſe gemit, nunquid a Prodigio diverſa erit? Audiſti epiphonema colloquii: *Si forteſſe inter porcos tuos meaſe mihi abſconſiſſet ovicula, reducere ad Dominum per te licet?* *Vill.* Firmata gravibus argumentis ſuſpicio eſt. Licebit autem? *Sat.* Minime gentium licebit. Jura mea, dum vivo, infringi mihi non feram, non patiar. Prætendat, quod vult, MISERICORDIA: me JUSTITIA tuetur, a qua DECRETUM habeo, quod ipſe Uranius conſtituit, ſemel a ſe fugitivos ipſo jure ſervos mihi æternum fore. Decreto huic, & obligationi Prodi-

gus *sua manu*, & nempe ipso facto subscripsit. **CHIROGRAPHUM** teneo : liquida causa est : non cedo! *Phil.* Contra filium Uranii quid valebis? *Sat.* Valebit **JUSTITIA**, cujus sententiæ ne quidem pro amore filii se opponet Uranius. *De jure* Anthropus meus est, donec debiti sui novissimum quadrantem solverit : & quiaolvere nunquam poterit, meus æternum erit, nisi filius Uranii pro ipso solvat. *Vill.* Igitur securus es de possessione : nam tanto pretio, quod rebelle mancipium Philanthropus redempturus sit Patri, non est credibile. *Sat.* Iterum oblitus es, quod jam monui. Philanthropus amat, & *majorem charitatem nemo habet.* Joan. 15. Charitas autem operit multitudinem peccatorum, 1. Pet. 4. Et nihil est incredibile de amante. Itaque si vera suspicio est, quod Philanthropum Pastor tegat, in hoc uno puncto mea se versat spes, & noster posthac sudabit labor, ut ipse Prodigus *nolit redimi.* *Vill.* Spes exigua ! labor arduus ! Quis enim non optet sibi miseriæ finem ? *Sat.* Stupidus homo es. *Miseria finem* ego promittam. *Amor libertatis*, quam nunquam concedet Pater, adhuc viget in juvene : non intelligis, quid sequatur ? *Vill.* Nempe hac spe illectus renuet reverti ad Patrem : capio tandem. *Sat.* Et *pro renuente* non erit fidejussor Philanthropus : quid etiam hoc capis ? *Vill.* Optime. *Sat.* Igitur quid agendum sit tibi, attende modo. Cænam utrique ut pares, velim, non opiparam quidem, ne suspicio fraudis sit, honestam tamen in hospitis gratiam nempe. *Vill.* Notavi. *Sat.* Porro potui miscebis philtrum, quo excitatur amor in me : atque inter legumina herbam soporiferam pones. Ita uterque suavia inter somnia multam in diem dormiet securus sui. Ego vero *per banc moram* tenebo Prodigum mihi, & forte hospitem simul : nam, nisi *qui principiis obstant*, alii vix vincunt tentationis illicium. Quod si fraus tua suboluerit pastorculo, certus sum, quod Philanthropus lateat, atque ex hac notitia ordinabo consilium. Habes, quid velim : cætera ego cum filiis exequar, quos requisitum eo.

SCE-

SCENA VI.

Villicus. Philanthropus. Prodigus.

Villicus. CUM cura faciam, quod iussisti. Anthrope! bona nova! Anthrope, progredere de stabulo tuo! Herum propitium habes! *Prod.* Quid tu nuntias mihi, bone vir? *Vill.* Progredere! nec enim cum porcis cænabis hodie: lautior imperata est mensa in hospitis gratiam. *Prod.* Hem! quantum debeo tibi, amice, si propter te pacatior mihi Herus erit! *Phil.* Iterum blanditiis credes improvide? ego vero, Villice, ut beneficium acceptam a Sathana, non admittam. *I habeo alium cibum, quem vos nescitis*, Jo. 4. Cænam tuam aliis para, qui non gustarunt, quam suavis sit Dominus, cui servio: *Cibus meus est facere voluntatem ejus*, cibus dulcis, fortis, regius. *Prod.* Frater, quid agis! hæc tua erga me miseratio est? inedia confectus stomachus jam spe devoraverat pinguem offam, & eripis mihi? *Phil.* Non possumus esse *participes mensæ Domini, & mensæ Dæmoniorum*, 1. Cor. 10. Veneno turget, quemcunque aliquod Dæmonium pascit. Inflatur, non nutritur. Dulcedo in ore est, in stomacho mordens coluber, a cujus toxico infectus venter intumescit, ac crepat. *Prod.* Quas tragædias loqueris? *Phil.* Quas exhibent fugitivi ab Uranio, quibus in fastidio manna, & in deliciis sunt ollæ carniū, & cepæ, & allia Ægyptiorum. Circumspice orbem: cæmeterium vides plenum *sepulchris concupiscentiæ*. Adhuc cum erant escæ in ore, ecce *furor Domini*, Num. 11. Neque tu sapias ab his exemplis? *Prod.* Vis, ut fame peream? *Phil.* Ne fame pereas, bufores comedes? *Vill.* Mysteria garritis vos, quæ ego non intelligo: si cænare non vultis, esurite! ego abeo.

S C E N A VII.

Philanthropus. Prodigus.

Prodigus. **H**Oc habeo. Judicate Superi, quis inimicus sit mihi, si hic est amicus, qualem se jactat. Abi, dure, ab ias tuas, & nuntia Patri, inter quas delicias inveneris filium. Nuntia, quam acerbe me cruciet horrenda oblivio dissimulantis meas calamitates, quasi alienus pateretur, & non filius olim obsequens illi, & dilectus! Intellego, quid sibi repetiti nuntii velint, per quos ad se revocat. Gaudet, si ab oculatis testibus audiat narrari longam seriem ærumnarum, quibuscum confictor: & vos applauditis subfannanti! hæc commiseratio est? Abi, nuntia! Postremam gratiam miserabili filio hanc saltem faciat, & superseadeat revocare ad se. Quoties mittit, durior sit mea conditio. Nuper adfuit frater, quid profuit? Præpropera fuga hominis Herum in furorem egit, me mancipatui addixit. Hodie tu malis avibus advenisti es? placidus esse Sathanas coepit, cœnam imperavit: quo animo rejicientis superbiam feret? novis suppliciis tua erit mihi luenda durities. Abi, libera a cruciatu oculos saltem, si nemo ultra se objiciat de Patris domo. Oblitus est Pater mei, oblitus sum Patris! Abi! aut cur subsistis? Audisti, porci causa subeundum examen esse, & moriendum fortasse: hoc spectaculum nimirum tenet. Bene habet: expecta! moriar, & ad inferos ibo: vix erit ibi deterior mea conditio.

Phil. Anthrope, quiste impatiens furor agit? *Durum est tibi contra stimulum calcitrare*, Act. 9. neque hæc animi impotentia misericordiam provocat. *Prod.* Nullam spero. Misereri si vellet Pater: tantis affigi malis, tanto tempore antulisset? *Phil.* Invitavit, ut redeas: rursus invitavit: an non audisti? *Prod.* Venter non habet aures: & siliquæ melius, quam verba saturant. Comedam reliquias porcini prandii, quoniam iste mihi meliorem cœnam invidit. *Phil.* Ah! fuit amica vis; nescis fraudes Sathanæ,

Sathanæ, & dulce venenum amas? Potius reliquum panem dabo, paternum panem! cape! *Prod.* Habe tu tibi, quod habes: ego dapfilitate vivo! eja! suffocate animam bonæ glandes, ne rurlum esuriam! *Phil.* In domo Patris nemo esurit. *Prod.* Cessā nomen tam male rebus conveniens meis! *Phil.* Affligi permittit Pater, ut redire compellat! *Prod.* Heu! quanta sum passus! & quam diu? *Phil.* De poena quereris, de culpa files? dic: quanta sum meritus pati, & quam diu? Adde insuper tertiam quæstionem: quomodo es passus? debebas osculari manum ferientem, & intelligere, quid vellent verbera te amantis: percussit filium suum virga Pater, ut animam ejus ab inferno liberaret, Prov. 21. & blasphemasti: calcaribus fodit latera furentis equi, & recalcitraisti: culpam geminabat poena, quæ urgere poenitentiam debuisset. Continuanti peccata continuasse flagra beneficium fuit: vix tibi, si citius suspenderit flagellum male miserans Pater. Vulnus quod cessat urere prudens Medicus, non habet remedium. Recordare, qui fueris, & adorabis clementiam punientis. *Prod.* Recordor: peccavi utique, peccavi in celum! & coram te Pater! *Phil.* Io! tandem sonuit optata vox! felix confessio! dolorem adde! *Prod.* Peccavi, non nego: sed minor est iniquitas mea, quam ut tanta supplicia merear, minor est! *Phil.* Vah! quid audio? faxo, ut experiaris, quid merueris, cæce, infelix, scelestè homule! Eja, subside terra! * absorbe monstrum! *Prod.* Prô Superi boni, quo abripior miser! *Phil.* In infernum descendis vivens, ne mortuus rapiaris. *Prod.* Heu! quæ facies rerum, horrenda! misera!

Phil. Hic tuorum gravitatem scelerum meditare: intelliges, quid merueris.

CHO-

Subsidente terra sorbesur a tartaro.

CHORUS

Exhibet bona Malorum Malos prementium.

Christus Venator. Anima. Adamides.

*Adam-
ides.*

Satis est : sudore diffuo! *
Sol attigit meridiem : eo,
Et lassata membra pane doloris reficio.
O Adame, imprudens Adame, quid fecisti!
Tua me gula de paradiso expulit :
In hac valle lacrymarum
Tua me culpa posuit.
Heu! quot mala circumstant me undique!
Supra modum gravatus sum,
Ita, ut tadeat etiam vivere! 2. Cor. 1.

A R I A.

O Mors!
O bona Mors!
Accelera!
Post perdita
Paradisi gaudia
Malorum me prementium
Tu unicum solatium,
Tu una spes,
Tu medicina es!
^{2.}
O fors!
O dira fors,
Quid perdidisti?...
Quo decidi?...

Vepres

* Theatrum exhibet filvam ex crucibus, & optice agros refertos
spinis ac tribulis.

Vepres rigant oculi! ...
 Rigati vepres tristium
 In truncos crescunt crucium :
 O regio,
 Infelix regio !

*Intra Theatrum clamores venatorii paulatim crescentes
 audiuntur. He he, he he, he he !*

Adam. Quid audio?

Anima. Hac fugio! Vir bone,
Misit Dominus multos venatores,
Et venabuntur me, Jer. 16.
 Obsecro, quæ tegent latebræ?
 Heu! imminet!...

Christus. Adamida! nunquid hac fugit dilecta mea?

Adam. Domine, dilectam appellas,
 Quam persequeris sub hac imagine?

Christus. Fugerit, non effugiet.
 Omnes vias *sepius spinis*, Os. 2.
 Cogetur redire ad me.
 Hæc placet statio, huc traham, quam diligo:
 Et tu eris testis meæ peritiæ.

A R I A venatoria.
 Erravit sagitta amoris,
 Jam paro sagittam timoris:
 I ferrum, & age
 (Sunt utiles plagæ)
 Age, age in viscera te!
 Bibe, noxium bibe cruorem,
 Lethalem inflige dolorem!
 Non servis furori,
 Sed sancto amori:
 Age, age, exsatura me!

N n n n

Anima.

- Anima.* Me miseram ! sic erro per avia,
Nec reperiō , nisi horridam a sentibus semitam !
Vere ambulavi vias difficiles,
Et in via iniquitatis lassata sum ! Sap. 5.
- Christus.* Huc conde te , Adamida :
Utile tibi videbis spectaculum.
- Anima.* Quid faciam ? angustiae sunt mihi undique :
Obseptæ sunt viæ tribulis : fugere non valeo ,
Redire ad Dominum non audeo.
Usquequo , ah ! usquequo persequeris me , Domine !

A R I A.

1.

Satis est , satis :
Parce peccatis !
In leve folium ,
Quod ventus abripit ,
In ficcā stipulam , Job. 13.
Quam passer proterit ,
Non satis dignam te ,
Exerces iram , Domine :
Satis est !

2.

Quid te juvabit ?
Laudem quis dabit ,
Si me occideris ?
Me canem mortuum , 1. Reg. 24.
Si Leo dederis
In escam volucrum ?
Vivens laudabo te , Is. 38.
Iraſci , quæſo , desine ,
Satis est !

Christus.

- Christus.* Vidisti Adamida, humiliatum
A tribulationibus animum.
Vicimus! abite tela sanguinea:
Inermia in amplexum tendo brachia!
Anima, chara anima!
Ecce Dilectus tuus, & ad te conversio ejus! Cant. 7.
Fornicata es cum amatoribus multis:
Tamen revertere ad me! dicit Dominus,
Et ego suscipiam te! Jerem. 3.
Anima. Superi! Vox dilecti in auribus meis! Cant. 2.
Fallor? an gratiam inveni? *Christus.* Veni!
Anima. Ludor misera!
Vocem audiui Nymphæ,
Quod clamabam, reclamantis!
Christus. Amantis!
Anima. O vox suavissima!
Sed, si tu es, Domine, quare abscondis te?
Christus. Abscondis te.
Anima. Ah! pudor prohibet occurrere:
Peccavi, nec adhuc impetravi
Pro peccato veniam!
Christus. Do veniam!....

D U E T T O.

- Age, rue in amplexus!
Stringat nos amoris nexus
Sempiterno foedere!
Anima. Adsum: ruo in amplexus!
Sine per doloris nexus
Sacros pedes stringere!

Nnnn 2

Christus.

Christus. Cesset dolor! vepres ite! *
Versa crux in lignum vitæ
Nova fronde floreat!

Anima. Terra stupe! Coelum gaude,
Pleno choro mihi plaude:
Nova scena postulat!

Christus. Felix est miseria,
Felix poenitentia,
Per quam ibis,

Anima. Per quam ibo
Ambo. Ad æterna gaudia!

Adam. Vigilo, an somnio?
Nam solatio dulcissimo
Replet animum ista visio.
Intelligo, quam bona sint mala malos prementia:
Colligo, quantum homini Dominus
Præstiterit beneficium,
Quod post peccatum de paradiso voluptatis
Expulerit in exilium.

A R I A.

I.

Muliebria suspiria,
Quousque dira nomina:
Glades, infortunium,
Dolor, crux, supplicium
Stulte acervatis?
Ipsa vos decipitis:
Mala hujus temporis
Mala dum vocatis,
Erratis!

Vx

* Exhibitio : silva crucium vertitur in Paradisum.

2.

Væ peccatori homini,
Si per parentis Domini
Sævam indulgentiam
Paradisi gratiam
Nunquam perdidisset!
Ebrius deliciis
Nunquam se a vitiis
Vere avertisset:
Periisset.

MEDITATIONIS II.

De Filio Prodigio

In Servitute,

PUNCTUM II.

Salubris Effectus Miseriæ.

SCENA I.

Philanthropus solus.

Miseranda cæcitas ! Poenam omnes, paucissimi culpam metuunt, cum tamen culpa sit causa poenæ, & poena æquo animo tolerata tollat reatum culpæ, æternum torture animam, quæ in tempore poenam fugit. Quid agitis Mortales miseri, quos miseriæ non corrigunt, sed indurant? Quid faciat vobis Deus? Impertitur bona: prodigitis! immo quasi parum sit male prodigere, abutimini contra datorem. Profunditis opes ad luxum; auctoritatem impenditis sceleri: sanitatem, Nunc 3 vires,

vires, & vitam longam consecratis otio, ventri, licentiæ. Immittit adversa, quid sit? Quotusquisque a plagis emendatur? Quanquam quid hoc quæro? Quæro, quotusquisque non a plagis fit pejor? In quam tetra consilia paupertas præcipitat? Quas tempestates, quas rixas, quæ jurgia, quas cædes contemptus efficit? Infortunia quælibet in quas blasphemias, & murmura adversus cælum, in quas contumelias & imprecationes contra proximum desinunt? Dicite, quos nec beneficia cicurant, nec poenæ corrigunt: non merentur intra incorrigibiles numerari? Si nunquam peccastis, ægre poenam ferre, dissimulem fortasse (quanquam plus omnibus peccatoribus afflicti sint mecum Sancti, quoniam hæc ad cælum via securissima, & brevissima est) sed quod impatienter jactent ærumnas suas, qui pridem reos se fecerunt æterni supplicii, non est ferendum. Nescitis, quid sit infernus, quotquot infernum meriti de poenis temporis conquerimini. Patientior ab inferis resurget Prodigus meus, opinor, cum *quid sit passus in tempore*, & *quid sit meritis* in æternitate, consideravit. Revocabo. * Discede terra! ... *Adolescens, tibi dico: Surge!*

S C E N A II.

Philanthropus. Prodigus.

Prodigus. *Surgam, Domine, surgam, & ibo ad Patrem!*
Heu! peccavi, & ut eram dignus, non recepi!
Job. 33. Surgam, ibo. Phil. Surge, en porrigo manum, in
qua descripsi te, ne obliviscerer tui! Prod. Quid video! o ma-
nus perfossa pro me! Heu! Domine, quousque tenebantur
oculi mei, ne te agnoscerem! Tu es Christus Filius Dei vivi, Do-
minus meus, & Deus meus! quousque celasti te mihi, Deus redemptor meus ab inferno inferiore! *Phil. Surge! narra, quo ani-*
mi sensu es, & quid vidisti? Prod. Locum tormentorum vidi,
paratum

* Terra se aperit.

paratum illis, quos poena temporalis non emendat. Vidi, quam pro merito meorum scelerum hucusque delicate sim habitus! Quid egi imprudens? Odi Patrem, quia puniebat filium contumacem! o punitio felix! o stultum odium! Amasti me, Pater, cum punivisti! Laudo amorem denique, & in flagella deinceps offero. Si essem incorrigibilis, vae mihi! sub flagris rabidorum dæmonum æternum gemerem. *Phil.* Intelligis modo Providentiæ Divinæ consilia? *Prod.* Tota series ordinis ante oculos est: intelligo, quam singulariter sim amatus. Vidi involutos igne tartareo adolescentes post primum peccatum grave præcipitatos in abyssum miseriæ: & ego tot millium reus adhuc vivo! Vidi juvenes post primam contumaciam relictos sibi, & casu perpetuo deorsum lapsos, donec eos orcus exceperit: mihi ne profundius ruerem, obex est positus! Vidi viros ac senes insignes officiis, ac meritis graves, denique per constantiæ defectum infelices, oblitterata omnium, quæ fecerunt, bonorum memoria perpetuis cruciatibus horrendo Dei judicio adjudicatos: & ego, qui multa mala feci, boni nihil, in hanc diem ad gloriam misericordiæ servor! Ah! sit confessionis meæ cælum, & terra testis, peccavi! *& ut eram dignus, non recepi!* Injustæ querelæ erant, quibus Patris duritiem infamavi impius: stulta suspiria; quibus fortis mutationem deploravi futurorum improvidus: æternum fuisset miser, si fuisset diutius felix. *Phil.* Bene habet: fuit operæ pretium ad inferna descendere. Fregit contumaciam inspectio tetri carceris, & impatientiam correctionis poenarum considerata acerbitas domuit. Nunc tandem subibit animum vitæ male actæ nausea, horror, poenitentia. *Prod.* Subiit nausea gravis, horror ingens, poenitentia amara! *Phil.* Poenitenti licet redire ad Patrem: vis? *Prod.* Heu me! an velim, interrogor! Gratia est non nisi per desperanda, ut liceat. *Phil.* Audes? *Prod.* Te Duce, audeo, quanquam timor, & pudor pugnent. *Phil.* Quid dices autem? *Prod.* Dicam ei: PATER! *Phil.*

Phil. Cui tu nullam præstitisti obedientiam! *Prod.* PECCAVI! *Phil.* Et tota pæne vita unum peccatum fuit! *Prod.* PECCAVI IN COELUM! *Phil.* Quod tibi promiserat Pater, si non peccares: & contempsisti. *Prod.* PECCAVI CORAM TE! *Phil.* Neque sanctissimos oculos erubuisti impudens! *Prod.* JAM NON SUM DIGNUS VOCARI FILIUS TUUS! *Phil.* Nimirum postquam ultro elegisti esse servus diaboli! doles? *Prod.* Doleo! *Phil.* Quantum doles? *Prod.* Lingua explicare non potest: rumpe costas pectus! loquatur cor. *Phil.* Immo loquatur res. Abrenuntias diabolo, & omnibus pompis ejus? Ecce intrat! nunc, quod sentis, age.

S C E N A III.

Philanthropus. Prodigus. Sathanas. Villicus.

Sathanas. NEmpe est, quod dixi, Villice, fortior armatus venit, Luc. 11. Sed ego a vi ad jus provoco: nondum est debellatum. Adsunt. Hospes, quousque animam nostram tolles? si tu es Christus, dic nobis palam, Joan. 10. Venisti perdere nos. *Phil.* Ego sum Pastor bonus. Inveni inter porcos ovem, quam quæsi: vitam habeat, & abundantius habeat! Villice, functus officio es, quod tibi imposuit is, qui armat omnem creaturam contra insensatos. Affixisti Anthropolon meum afflictione justa; satis est: jam in alios huic similes robor, ac vires verte. *Vill.* Coelo & orco servio ad nutum tuum, nec ultra, quam tu permittis. *Sat.* Sic tu abibis? At ego signum mihi de coelo expeto, Eja! Si Filius Dei es, dic, ut istæ siliquæ panis fiant! *Phil.* Non in solo pane vivit homo, sed in omni verbo, quod procedit ex ore Dei, Matth. 4. Vade retro Sathana! Marc. 8. Neque posthac scandalum huic animæ pone! *Sat.* Utut Philanthropus sis, non est tuum justitiæ contradicere. Mea est hæc anima: ultro addixit fidem! *Prod.* Abrenuntio.

Sat.

Sat. Tradidit se voluptatibus carnis! *Prod.* Abrenuntio! *Sat.* Vixit ad Mundi sensum! *Prod.* Abrenuntio! *Sat.* Chirographum servitutis manu sua subscripsit, firmavit operibus! *Phil.* Chirographum decreti ego delevi pridem, affigens illud cruci. Col. 2. Sublata est tetri mancipatus obligatio, si Anthropus sublatam velit. *Prod.* Volo, abrenuntio! *Sat.* Cur vis autem? Redibis ad Patrem, credo, annosus transfuga? I, non jam teneo: sed video, quid sit futurum. Novi hominem, Philanthrope! Tædium servitutis meæ concepit modo, quia sic meritum paullo asperius habui: cum senserit jugum Uranii, aufugiet iterum, & redibit ad me, ut primum famēs regionis cessaverit. *Phil.* Sic? quid dicis de te ipso? Hæc a te levitas, hæc inconstantia timenda sit mihi, ut te celeriter tuæ poenitentiae poeniteat? *Sat.* Ego tamen hoc vitium non exprobro tibi: perge! Servire Uranio per me licet: sed & ab Uranio, quoties lubebit, redire ad me licebit. Promptum habebis Sathanam semper, ut in gratiam fugitivum recipiat. Opes, voluptates, delicias, libertatem, honores, omnia tibi dabo, ut nuper dedi, sic, quasi nunquam violasses fidem, & a me discessisses. Scio connivere, & indulgere humano genio prono ad inconstantiam. *Phil.* Age, frater, hæc ut promissa placent? *Prod.* Detestor simulatoris scelestam spem! Adhuc superbus tumet insano fastu, quo jam olim supra Dominum se extulit rebelle mancipium, rudentibus inferni propterea alligatum devorantibus flammis. Istus piscator sapit: & per infelicem experientiam tandem novi te, Sathana, & scio, quis sis. *Pro gratia* offers iteratum amplexum, si velim a Patre rursus ad te reverti: quis fastus est? Gratiam pauperimus diabolus jactet? gratiam crudelis tyrannus? *Phil.* Sic places, Anthrope! Urge, urge iram nobilem, & in faciem exprobra sævo Domino injurias, quibus affecit te! Narra dolos, quibus implicuit incautum! Mendacia numera, quibus simplicem decepit! Odio, sancto odio, æterno odio sævitiam ut vindices,

dices, velim. Non est, quod metuas. Torqueat os efferum! oculos, & fauces armet! spiret rabiem pectus, pruriant in cædem dentes: canis est, qui latrare potest, mordere non potest, nisi accedentem: ego ligavi. *Prod.* Et ego accessi demens, ut possem teneri! Sed nempe simplicem oviculam joculari specie, & caudæ blandimentis decepit perfidus adulator, postquam cum filiis simul juraverat in exitium meum. Aut age, quid mentior? Dic: quo vultu fugitivum a Patre excepisti? Non amicum te mihi fingebas, & aureos montes promiseras? Dedisti? Immo quod meum erat, per varias artes abstulisti mihi: & quid superest? tristis egestas docet, quam non *utile* peccatum fuerit. Insuper quanta gratulatione amplexus es Hospitem? Quam magna laude res, ac spes meas putidus blatero prædicasti? Quam amplos honores, quam splendidam gloriam spondidisti? Dedisti? Immo cum in honore essem, & gratia pollerem apud DEum, & homines: utraque gratia per te excidi miser! Quid superest? Grunnitus porcorum clamat, quam *infamem* peccatum fecerit. Delicias vero tuas quantis encomiis extulisti! Non pro famulatu addixisti paradisum? Dedisti vel pomum saltem? ita, dedisti, sed putrida, Sodomitica poma! Quid superest? cinis, vermis, nihil. Experimentum ex his glandibus habeo, quam *tristes fructus* peccatum ferat. *Sat.* Garri, clama, vociferare: ego rideo. Nihil hac ira citius refrigescit. Post octiduum rursus istam prensabis manum, impatiens jugi repeto. *Prod.* Immo, ut desperes de me, maledicte Sathana, hostis jurate DEI, & hominum! Ecce ego me tibi hodie inimicum perpetuum solenni declaratione profiteor: & hoc Philanthropo teste, firmiter statuo, ac propono, me tibi semper adversaturum: neque juxta tuum beneplacitum aliquid unquam deinceps dicturum, aut facturum, aut permissurum, ut a meis subditis quidquam agatur. Sic me DEus adjuvet, & hæc, quam osculor, divina manus! *Phil.* Satis est: probasti seriam
volun-

voluntatem! opere consummetur! *Vade retro Satana! vade retro! Sat. Recedo usque ad tempus!* Luc. 4. Revertar autem, ne ambige, revertar cum omnibus meis: *Et erunt novissima tua peiora prioribus.* Luc. 11. *Prod.* Falso, ut, qui hactenus fuisti mendax mihi, deinceps teipsum fallas.

S C E N A Ultima.

Philanthropus. Prodigus.

Philanthrop. Time tamen, frater mi, time! *Prod.* Quem tu dignaris fratris nomine, in filium propter te recipiet Pater: quid timeam? Sathanam contemnere, & odisse jussisti tu: Patrem vis, ut tenero amore amem: quid timeam? *Phil.* Te time, Anthrope, tuam ignaviam, tuam levitatem, tua vitia time, & affectiones effrænes, quarum petulantiam consuetudo peccandi firmavit; ita dico tibi: TE TIME! Per viam poenitentiae redeundum est ad Patrem: *arcta est via,* amen dico tibi, & *pauci, pauci sunt, qui inveniunt eam,* Matth. 7. Plenus est infernus a poenitentiis falsis, & ex centum denique *super uno poenitente* habent Angeli, unde gaudeant, Luc. 15. *Prod.* Heu! in quos fluctus me retrahis jam prope exilientem in littus! Siccine fieri potest, ut me in damnatas stultitias rursum præcipitem? *Phil.* Fieri potest, nisi te timeas. A dextris, & a sinistris insidiæ sunt: a prosperis, & ab adversis periculum imminet. *Audacia*, qua te occasione admoves: & *ignavia*, qua trepidas, cum tentaris, fatalis est: medium tene, si errare non vis. *Terminus a quo* peccatum est: deferere peccatum primus est poenitentiae gradus. Ultra non progredi erit regredi. *Terminus ad quem* amplexus paternus est. Huc si aspiras, neque tenere euntem debent camporum, aut silvarum deliciae: neque terere, quæ se objicient cautes, & scopuli. Insuper si ve rideat coelum, si ve tonet, eundem erit. *Prod.* Ah ibo, ibo ad Patrem,

trem, quocunque labore constet. PECCAVI IN COELUM!
 & CORAM TE PECCAVI, Pater mi! INFERNUM MERUI!
 Hæc cogitatio sufficiet, ut gravissimæ difficultates sint leves. Pe-
 rite cum porcis stabula, infelix diversorium hominis ab homine
 degenerantis! Peri longinqua regio, scelestæ Sodoma! Pluat Do-
 minus sulphur & ignem super te! Tota subside in cineres, ne quem
 posthac fucata amœnitas capiat! *Phil.* * Audivit Dominus vo-
 cem imprecantis! Sed tu *salva animam tuam: noli respicere post ter-*
gum, nec stes in omni circa regione. Genes. 19. *Prod.* Præi Philan-
 thrope, præi, præi, & monstra viam! *Phil.* *Ego sum via!* Joan. 14.
 SEQUERE ME.

MEDITATIO III.

MISERICORDIA ANIMANS,

SIVE

FILIUS PRODIGUS

in Reditu.

ARGUMENTUM.

R *Esolutio Conversionis* facile a puniente Misericordia per
 immixtas adversitates extorquetur: sed RESOLUTIO-
 NIS EXECUTIO ab occurrentibus *in praxi* difficultatibus
 sæpe in discrimen adducitur. Propterea Filium Prodi-
 gum hodie exhibemus *in ipso ad Patrem reditu* per objecta
 obstacula pusillanimum, & de prosequendo itinere hæsitantem:
 deni-

* Ignis de cælo consumit omnia

denique tamen ope gratiæ vincentem se, atque consilio sancte suscepto fortiter insistentem. Et vero nemo peccatorum Poenitiæ molestias, nimirum dolendi, confitendi, satisfaciendi obligationem aut susciperet, aut prosequeretur diutius, nisi Divina gratia, de qua pius Asceta optime dixit: *Suaviter equitat, quem gratia Dei portat*, deficientem in via animaret, confortaretque. Væ nolenti cooperari! Erit igitur hodiernæ Meditationis

Materia: Filius Prodigus in reditu.

1. Tentationes in via.

Puncta duo: 2. Tentationum victoria.

Generosa obfirmatio animi in hoc decreto: *Salvari volo, quocunque labore constet!*

Propositum. Nunquam cedendi pusillanimitati, quæ novæ vitæ molestias nimium quantum exaggerat: sed semper obijciendi sibi illud Augustini: *Potuerunt isti, & iste, cur ego non possum?* EGO, addit Apostolus, *& gratia Dei mecum.* 1. Cor. 15.

Chorus Expendit Mysterium formidabile DE GRATIA CRITICA.

P E R S O N Æ.

Philanthropus.

Filius Prodigus.

Sathanas.

Cosmus.

Creon.

P R O L O G U S.

Reflexio in Meditationem præteritam , & Præparatio ad præsentem.

Fides. Ratio..

*Ratio.**

RE vera, Fides, terra, quam promisisti,
Fluit lacte, & melle :

Sed via difficilis est.

Maria se obijciunt mihi, & vasta flumina,

Desertum horridum, solatio vacuum,

Plena periculis, longaque itinera :

Insuper urbes grandes, atque muratas video,

Et monstra quædam filiorum Enac,

De genere giganteo, Num. 13.

Quibus si ego me comparo,

Locusta nihilo major appareo.

Heu me! cur de *Ægypto* me eduxisti :

Immo per tribulationes, & misérias expulisti?

Nunquid, ut in hac solitudine interficeres me?

A R I A.

Spes vana,

Spes lussit me stultam insana !

Da veniam DEus!

Fefellit me animus meus :

Sunt vires impares

Conatui.

Instabo,

Et infans giganti pugnabo!

Ah!

* Ex montis vertice terram promissam contemplans, & omnia in
textu expressa.

Ah! *Leo est foris!* Prov. 22.
 Prostrernere robur furoris
 Pusilli non est res
 Lepusculi.

Fides. Fallor? sic loquitur Ratio? an imaginatio?

Ratio, Ratio! Ratio! nam *plus ultra*
 Quo licet progredi,
 Quando tot, ac tantæ difficultates
 Se opponunt itineri?

Fides. O *stulta, & tarda corde!* Sic credis Fidei? Luc. 24.
 Nunquid abbreviata est manus Domini? Isa. 59.
 Aut, num, qui dedit velle, non dabit perficere? Phil. 2.
 Et frustra clamat Apostolus:

Omnia possum in eo, qui me confortat? Phil. 4.

Ego, & gratia DEi mecum, 1. Cor. 15.

Ego, & Gratia possumus omnia!

Solane iter peragis, an comite Gratia?

Circumspice, & vires gratiæ

* *Ex Arca fæderis*

Tanquam ex Symbolo intellige.

Ecce Gratia sistit, & siccata flumina! Jos. 3.

Gratia evertit

Superba impiæ Jerichuntis moenia! Jos. 6.

Gratia castrorum hostilium

Ordinatam ad cædes aciem disjicit, Jos. 10.

Et puerum gigantis victorem constituit. 1. Reg. 17.

Resume animum! omnia,

Quibus non cedis, obstacula removebit Gratia.

A R I A.

Exhibitio.

A R I A.

1.

Habet hoc hostis infernus in more,
 Animos pannico implet terrore :
 Umbras horribiles armat pro se!
 Umbras si metuis, actum est : peris,
 Risui larvis ridiculis eris :
 Ride tu illas, & metuent te!

2.

Ride, & perge, qua gratiæ lubet,
 Viam per invia ire si jubet,
 Perge secure : fidelis est Dux!
 Solis ut vultum non ferunt bubones,
 Ita phantasticos fugat latrones,
 Prima quæ Gratiæ fulserit lux.

Ratio.

Obsecro, quis animum fascinauit error?
 Quæ oppressit stupiditas?
 Potuine, Domine,
 Aut viam salutis ingredi, sine te,
 Aut postquam ingressa sum,
 Diffidere tuæ Gratiæ?
 Sed rediit mens bona, Soror, & sensus sanior.
 MISERICORDIA,
 Quæ toleravit in peccato hærentem :
 Quæ deinde clementer sæviens
 In viam compulit prope nolentem ;
 Jam non destituet currentem.
 Pudet trepidasse ! Ite larvæ ! ite spectra !
 Ite inania difficultatum phantasmata !
 Jam didici vestras deridere minacias.

Ego

Ego, & Gratia DEi mecum!
 Ego, & Gratia possumus omnia!
Fides. Hic placet animus: plaudite sidera!

A R I A.

1.

Amba. Firma Deus, firma mentem,
 Et potentem

Clavum cordi adhibe!

Ratio. Vis, quæ meum tuo figit,
 Non affligit.

Amba. Est vis dulcis Gratia.

2.

Ratio. Qua ut levis volvor rota,
 (Audi vota!)

Tolle inconstantiam!

Fides. Ire viam circulatorum,*
 Reproborum

Est tenere semitam.

MEDITATIONIS III.

De Filio prodigo in Reditu,

PUNCTUM I.

Tentationes in via.

SCENA I.

Philanthropus. Prodigus.

Prodigus. **P**hilanthrope, ah! Philanthrope! *Phil.* Quid iterum ingemis? *Prod.* Iterum offendi pedem ad lapidem graviter. *Phil.* Tua culpa est; quare non

Ppp

pre-

* Impii in circuitu ambulant, Psal. xx.

premis mea vestigia ? Exemplum dedi tibi, ut sicut ego facio, ita facias tu : & eas, qua ego co- Viam commodiorem hac quæris, quam ego ambulo : ideo cespitas. Inter commoda plura se inferunt offendicula, quam inter molestias ; propterea has præ illis elegi mihi, ut a me disceres sapere. *Prod.* Mitius prospera saltem. *Exultas ut gigas ad currendam viam.* Psal. 18 Quis assequatur ? *Phil.* Ignavia loquitur. Eja ! VINCE TEIPSUM ! sequare, sequare me ! *Prod.* Da veniam fesso : sequare alacriter, si modicam quietem induleris. *Phil.* Adhuc intra limites *terræ longinquæ* consistis : non licet quiescere, donec hunc montem superaveris, in cujus vertice sita est NOVA JERUSALEM, Regia Civitas Patris. *Prod.* Hunc montem vis, ut conscendam ? Obsecro, compara vires prostratas a difficili via, cum arduo labore in ascensu. Nisi post quietem, non possum pergere. *Phil.* Non possum, inquis : *non volo*, diceres verius : confundis vocabula, & quod *difficile* est, *impossibile* vocas. VINCE TEIPSUM ! experire, quid excitata, & adjuta per Gratiam possit VOLUNTAS IMPERIOSA. *Prod.* *Voluntas imperiosa* ! quid hac phrasi intelligis ? *Phil.* Intelligo generosum imperium, quo voluntas subjectis sibi potentiis dominatur, dicitque *pedi*, vade ! & vadit : *manui*, fac hoc ! & facit : Neque facile admittit excusationem, cum executionem postulat periculum animæ. Nihil est in homine turpius, quam LIBERUM ARBITRIUM SERVUS viti-
 orum, pravorumque affectuum : hoc enim est porcos pascere, & foedum mancipatum amare. Atque hic est casus, in quo versaris. *Caro* quietem postulat, *spiritus* prosecutionem itineris : cui obedis ? Age, IMPERA TIBI ! Surge, & ambula ! *Prod.* Equidem promptus est spiritus, sed *caro infirma* : ecce hunc cespitem quasi de industria hic mihinatura paravit. Parce ! dandum est aliquid infirmitati : dormiam modicum, aliquantulum ! *Phil.* Siquidem ita vis, dormi ! & cui imperare debe-

deberes, obsequere appetitui. Temerariam molliem gravibus
pœnis lues. *Prod. Modicum aliquantulum!**

S C E N A II.

Philanthropus solus.

HEm! Acedia hominis, cui meum exemplum non sufficit, ut
excutiat tædium, ac torporem, quem vitæ difficultas con-
civit! O stultitia credentium, soli mihi laborandum pro cœlo
fuisse: se dormientes illuc translatum iri! Erratis! *A diebus*
Joannis Baptista, qui baptismum pœnitentiæ prædicavit, ut
animos præpararet ad meæ gratiæ, ac meritorum participatio-
nem: *a diebus Joannis Baptista usque nunc Regnum cœlorum vim*
patitur, & *violenti rapiunt illud*, Matth. 11. Sine vi nihil
fit, & amen dico vobis: *Nisi pœnitentiam egeritis, omnes peribi-*
tis, Luc. 13. Quæ est autem pœnitentia sine pœna? Igitur qui
pœnam fugit, pœnitentiam fugit. Ex hoc principio verum pœ-
nitentem distinguetis ab Hypocrita. Pœnitentia est BAPTIS-
MUS LABORIOSUS: igitur qui odit laborem, pœnitentiam
non facit, sed fingit. Aqua, quæ lavat animam post baptismum
iterum inquinatam, non hauritur ex obvio fonte: sed *de pro-*
fundis contriti cordis meditando collecta, per oculos fluit.
DEUS, qui studiose amaritiem medicinis aspersit, ut intentio-
rem in hominibus excitaret curam sanitatis, idem pœniten-
tiæ exercitium voluit acerbum esse: voluit, ut esset amarus do-
lor, molesta confessio, difficilis satisfactio, ut horror remedii
acueret horrorem peccati. Igitur homo vere pœnitens est
HOMO SERIO SIBI IRASCENS: & POENITENS DELI-
CATUS est vir non vir, ens non ens, chimæra! Anthrope;
antequam peccabas, de pœnitentiæ molestiis cogitandum fuit:
postquam peccasti, strenue ferenda sunt onera peccato anne-
xa, adeo, ut si opus fuerit, ipse tibi *eruere oculum* debeas,

Pppp 2

ma-

* Componit se ad somnum.

*manumque, aut pedem abscindere, qui scandalizat, Matth. 5. & tu dormis? Sed dormi, dormi! Fugam laboris gravior labor plectet, & experieris, quam noxia poenitenti acedia sit. Dormi!**

SCENA III.

Sathanas. Cosmus. Creon. Prodigus.

Sathanas. **D**ormi! dormi! At ego dudum invigilavi huic occasione. Non est aliud vitium opportunius ad mea consilia, quam ACEDIA. Mens occupata tædio molestiarum, quæ comitantur poenitentiam, prona est in phantasmata dormientium, a quibus intellectus decipitur, & rapitur animus; ut repente poenitentiae poeniteat hominem, resiliatque a via, quam ingredi coepit. Saltem sic occupatum in dubia præcipito de novo in peccatum consensu. Quod si obtineo, vix decimus quisque lancinantis conscientiae morsum sustinet diu. Ad impatientiam cruciantis scrupuli jugum excutunt, & *respicientes retro* ineptos regno Dei se faciunt. Rem ago... *Sibilat... Prod.* Audivi serpentis sibilum: quid? si sub herba lateat?... nihil se movet: somnium fuit. Compono me iterum: adhuc gravedo caput premit, & membra ligat languor. *Sat.* Sic fieri solet: qui concedit horam pigritiae, duas dabit... *Perge bone! pulvinar diaboli premis: læta somnia somniabis... Iterum sibilat.* Cosme! Creon! agite personam vestram! Aucupio tempus, & locus favent. *Cosm. Creon.* Uterque paravimus omnia ex nutu tuo. *Sat.* Ergo ad opus. Cantate aves illices! *Fit cantus avium... *** Io! patet arca in capturam! escam injicio!... *capiendis cordibus sufficit pugillum hordei, modici boni spes...* Ezech. 13. Amitem tene Cosme!... preme!... habes. O stultæ volucres, quibus libertas, & vita sua tantillæ cupiditatis est pretium!.. Stultiiores homines, qui dum inhiant perituris, animam exponunt periculo æternum victuram!.. Cessatis! cantate illices, cantate!

* Subducit se. ** Exhibentur singula.

te! nihil efficacius trahit in exitium, quam *exempla* impiorum exultantium in rebus pessimis! .. cantate! habent & *verba viscum*! ... Perge blandiri Creon! præda imminet! ... vicisti! hæret! ... Sic! sic implicantur animi tenaci luto! ... Hem! turba insidet! concludite retia! ... feliciter! ... Sic! sic mihi Creon, & Cosmus serviunt. Hic escam, ille viscum suppeditat. Uterque retia, decipulas, & industriam. *Caro*, & *Mundus* absint, *Sathanas* nihil capit. St.! evigilat homo: cessemus ludere! agendum est serio.

S C E N A IV.

Prodigus solus.

HEm! repente silentium est: nullam jam video volucrem, nullam audio. Nempe somniavi. Fuit tamen jucundum somnium, lætissimus concentus. Lepidus est artifex Phantasmus, qui sic oblectat nos suis mendaciis, ut si rerum imagines essent res... MENDACIA appello autem? interdum etiam mysteria loquitur. Aucupium videre mihi sum visus, quo corda capiebantur: quis est auceps cordis mei? ... In via ad Patrem sum: nunquid in area? inescavit Philanthropus dulcispe. Quid? Si, ut capiat? & capto utique peribit libertas? Ita, Anthrope, ita est: cavæ includet te Pater, ne rursus excerres libere, silvestribus immixtus volucris, & inter carnivoras adeo foetentibus etiam cadaveribus inhians... Ah! foetuerunt! sapuerunt tamen! & deinceps abstinendum æternum erit?... Molesta cogitatio!... Quo abrior autem? Procul in ultimam Thulen ite nugæ nugarum, flagitiosæ delicæ! ego ad Patrem ibo... & in caveam nempe? ... ita, in caveam, nam etiam captivæ aviculæ Domino, a quo aluntur, hilariter cantant... At liberæ aves jucundius vivunt? .. Vivant jucundius! etiam inter graviora discrimina vivunt expositæ insidiis vulturum, & fraudibus au-

cupum!... Et quæ sunt demum libertatis deliciae? utique nugæ sunt, inanissimæ nugæ!... Nugæ quidem, sed jucundæ nugæ!... Vah! turbæ animi ab inerti quiete!.. Quamquam num sapio, qui sic mecum pugno? Timeo libertati meæ, si Parenti subjicior: quid? majorne libertas est in servitute porcorum, & porcinarum affectuum, an intra septa Decalogi? stulta interrogatio! ibo. Philanthrope!.. chare Philanthrope, ubi es!.. Non respondes clamanti?... Væ mihi, si me Dux meus deseruit! Sine Philanthropo reverti ad Patrem non licet, non possum. Philanthrope, charissime frater! quo abiisti? Ah! *sonet vox tua in auribus meis!*... Silet! ibo, *queram, quem diligit anima mea!* Cant. 3. Maledicta inertia, quæ me ad novum laborem condemnat!.. Ubi quæram vero? Dilecte mi, *indica mihi, ubi pascas! ubicubes in meridie amoris tui*, Cant. 1. Scilicet offensus somnolentiæ jam superasti montana hæc: stitisti te Patri: accusasti frigus poenitentia meæ?... Heu! si ita est, exul æternum ero... Quanquam quid ago? nunquid rursus me decipit stolidus AMOR MEI, amor fraudum artifex, & pater hypocrisis! sub specie detestantis ignaviam, novæ ignaviæ hic reus confides, & sterili affectu crimen plangis, Anthrope, quod plectere per laboris geminationem deberes! Eja! in viam! in viam! Nullum dubium est, quin Dilectus huc ascenderit, *saliatque in montibus similis capreae, hinnuloque cervorum*, Cant. 2. Eluctari in verticem debes, velis, nolis!... Debeo: potero etiam?... Equidem difficulter potero: potero tamen. VINCE TEIPSUM anime! experire, quid possit VOLUNTAS IMPERIOSA.

SCENA V.

*Prodigus. Cosmus.**

Cosmus. **H**ic video hominem. Heus puer! hinnulus cervorum captus a me rupit retia, fugit: non vidisti hac auser-

ren-

* Mundus sub specie venatoris.

rentem se mihi? *Prod.* Quid agis? Dilectum meum persequeris? *Cosm.* Hinnulum ego persequor : Hinnulum tu diligis? *Prod.* Dilectus meus similis hinnulo, heu! fugit a me: Dic, obsecro, num quem diligit anima mea, vidisti? *Cosm.* Lepidus es. Quis enim est Dilectus tuus, ut agnoscam ex millibus? *Prod.* Dilectus meus est VIA, est VERITAS, est VITA: sine ipso ruo perdevia: sine ipso cæcutio in meridie: sine ipso æternum morior. *Cosm.* Video te præ amore desipere. Quem si amas, num te redamat etiam? *Prod.* Ah! prior ipse in charitate perpetua dilexit me, Jer. 31. Adhuc cum inimicus essem, Rom. 5. attraxit me miserans, Jerem. 31. & pro fratre amavit. Crede mihi, bone vir, cresco in magnas spes, & opum immensarum Dominum hæ lacinix tegunt; nam Dilectus meus est FILIUS MAGNI REGIS, qui voluit, ut æquali cum ipso jure essem *heres universorum*, quæ ipse possidet. *Cosm.* Obstupesco. Sed qui sic amat, quare deseruit te? *Prod.* Heu! tangis punctum doloris mei! quia prior ego deserui, per ignaviam sequi præeuntem detrectans. O si VINCERE MEIPSUM potuisssem, quam essem ab hoc infortunio procul! *Cosm.* Miserationem mihi tui gemitus movent. Mitius tamen jacturam ferres, si scires, quid ego suspicer. *Prod.* Tene me multis verbis, nec juvas tamen? hæc miseraio est? interea tempus perdo, & longius a me Dilectus abit. *Cosm.* Absolvam paucis: Dilectus tuus, o bone juvenis, videtur impostor esse. *Prod.* O coelum! lapidescit animus ex horrore blasphemix! *Cosm.* Parcius excandesce. Ajebas, Dilectum tuum esse Filium magni Regis, & te amari pro fratre: si ita se habet res, cur instar vilissimi mediastini pannosus incedis? *Prod.* Sile, obsecro! ignoras indolem me amantis. Ultro ut me requireret, descendit de Patris solio, & vestem Pastoris induit: decere credis, ut aliter ego vestiar, donec reduxerit Patri? *Cosm.* Repeto: impostor est. Neque enim, si universum Mundum percurras, reperiens Regis Filium, qui sic vestiri velit.

Prod.

Prod. Iterum falleris, qui disputas ab hoc exemplo. Regnum Dilecti mei non est de hoc Mundo: miraris, quod nec mores sint? *Cosm.* Ridicula simplicitas pueri! Non palpas denique, quam imposuerit nequam amator nimis credulo tibi? Cum egens ipse bona presentia non posset dare: bona futura promisit vaser, ut per speciosam spem pellectum in sui amorem, traheret in hoc desertum horridum, & inaquosum, atque ita fame, sitique contabescentem occideret. Propterea postquam huc adduxit, repente deseruit. *Prod.* Juvate Superi! lethalibus angustiiis pectus opprimit hæc calumnia! Veni Dilecte mi! veni, vindica execrandam injuriam illatam sancto nomini! *Cosm.* Irritus clamor est: nam quis se movet? Sapientius capies a me consilium. Me tui miseret: peribis in hac eremo, aut enectus fame, aut devorandus a bestiis. Utrique periculo subducam te, si vis fervire. Canibus venaticis meis custodem dabo, liberaliter habiturus, si sedulum habeam. *Prod.* Philanthrope, o Philanthrope! jam a porcis ablegor ad canes; hoc tu audis, & non miserescis!

SCENA VI.

*Prodigus. Creon. * Cosmus.*

Creon. Quis inclamat Philanthropum? Dulce nomen est! novi Filium magni Uranii. Dicite, o boni! forte ingressus est saltum, & me requirit? *Prod.* Te, filius Uranii? O si veniret! *Cosm.* Quid tu vis fratercule! etiam desipis? Ego novi Philanthropum: Filium Dei se temere facit, non est (*ad Prodigum*) Tu mihi adhære. *Creon.* Immo mihi crede, adolescens, aut potius operibus, & prodigiis Philanthropi, quibus Filium DEI se probat. Iste venator est, qui in silvis silvescens mentem feris, non veritati affixit. Equidem fratres sumus, sed contrariæ indolis; nam ille presentibus tantum bonis inhiat, ego futu-

* Caro sub forma Eremitæ.

futuris præterea. Cosm. Fruor bonis, dum sunt: post mortem nihil timeo, nihil spero. *Creon.* Ego vero credo, quia Redemptor meus vivit, & in novissimo die de terra surrecturus sum, & rursus circumdabor pelle mea, & IN CARNE MEA videbo Deum! Job. 19. ita locutus est mihi, qui Veritas est. *Cosm.* Vos alite vos vestris spebus, ego res amo. *Prod.* Tu mihi Eremicolaplaces, qui amas Philanthropum. O si dicere posses, quo declinaverit Dilectus meus, Cant. 5. a me, quanto beneficio obstringeres tibi! *Creon.* Tecum fuit? *Prod.* Fuit, cheu! sed cum dormirem, abscondit se. Qua via modo ad Uranium pergam? *Creon.* Ad Uranium tu? scis, o bone, cujus hoc nomen sit? *Prod.* Est nomen Patris mei, qui per Philanthropum in filium adoptavit me sibi: a quo ego demens abii in regionem longinquam: ad quem post dissipatam scelerate substantiam poenitens revertor, Philanthropo duce! Perii, si ille me deserit. *Creon.* Nunc intelligo mysterium fugæ. Tu es famosus ille Prodigus nempe, qui sexcenta sexaginta sex talenta in tantula ætate devoravit! *Prod.* Doleo! *Creon.* Merito doles. Sed heus! quid cogitas? quid audes? qui recens a porcis, & adhuc male olens oculis Uranii exhibere te non erubescis: immo amplexum forte paternum speras? *Prod.* Non hoc ago, sed *stans a longe, submissis oculis, percutiens pectus* clamabo: DEUS PROPITIUS ESTO MIHI PECCATORI! Rogabo, ut me faciat unum de mercenariis suis! *Creon.* Et in hac ipsa audacia ingens præsumptio latet. O si vis cum fructu dicere: DEUS, propitius esto mihi! noli propitius esse tibi! Post multorum annorum severam poenitentiam denique sperare veniam, & gratiam licet. Irruere in conspectum offensæ Majestatis, adhuc calentem, & pænè fumantem a scelere, novum scelus est. Credemihi, ex hac causa, postquam in hanc eremum adduxit, deseruit te Philanthropus, ut rigidæ poenitentiae consilium ex ipsa necessitate conciperes. Neque adeo ut in me incideres, casus fuit: ipse sic dispo-

fuisse credendus est, ut doceretur poenitentiae modum. Ingredere cellam mecum; nam & ego homo peccator sum! Hic quot annis *per quadraginta dies* recondo me, ut in jejunio poenitentiam agam. Sic disponor paulatim ad veniam, de qua solari quoque moerentem Philanthropus solet, *sub tempus Paschale* invisens ad me. *Prod.* Attentum habuisti me, hospes, sermoni tuo. Unus scrupulus angit. Conscendere hunc montem Philanthropus jussit: si tecum mansero, dic, non offendetur per moram? *Creon.* Scrupulum abjice! poenitentiam amat Philanthropus, & jejunio delectatur, quod suo exemplo docuit. Mane mecum usque ad Pascha: redibit Dilectus noster, & invenies, quem quaeris. *Prod.* Ah! inveniam sub Pascha demum! At ille jussit HODIE huc ascendere: cundum est. Vincete, Anthrope, VINCE TE! *Creon.* Pertinax puer! interpretari voluntatem Philanthropi annoso Asceta melius didicisti. *Prod.* Timeo, ne servanda sit ad litteram, & sine Glossa, sine Glossa! *Creon.* Pueriliter times. Credis, Uranium tyrannum esse, qui tantum laborem tantillae aetati imperet?

SCENA VII.

Sathanas. Prodigus. Creon.

Sathanas, intrans. **I**Ta, ita, tyrannus est Uranius! & quis es tu, *fuge forma.* quem de hoc audio dubitantem? Ejectus a facie viri per atrocem vim, quacunque per Orbem vago, hoc obvio cuivis narro, hoc palam praedico! Tyrannus est Uranius! Hoc mihi placet vindictae genus, quoniam non suppetit aliud adversus Omnipotentem. Tu quid hic agis Eremicola vecors? Poenitentem hic habitus loquitur, & iste cellulae apparatus: cui bono? Et fallor! nunquid hunc juvenem in simile consilium trahis, aetatis florem ad jejunium, & melancholiam condemnans! O stolidi homines, quibus ita misere illudit placandi
Uranii

Uranii inanis spes ! Si peccastis vel semel solum, actum est ! Pereundum erit, æternum pereundum ! Qui sapit, ne bis sit miser, nunc saltem *agiti in bonis dies suos*, ut hilarius tandem ad inferna descendat. Vale terra sancta : ego in Jerioho, in Sodomam, in Ægyptum, in Babylonem proficiscor ! Habeat sibi cœlum suum Uranius : terram dedit filiis hominum ad tempus tandem ; dum tempus est, fruamur terra ! *Creon*. Totus expaveo ad voces ignoti hominis ! *Prod.* Et mihi gelidus sudor fluit ad has blasphemias. Ubi sum ? *Creon*. Et quis es tu, quis sic intonas contra Tonantem ? *Sat.* Quis fuerim, quærite. De stirpe illustrissima natus sum : officio primus Minister eram, *signaculum similitudinis Dei*, *plenus sapientia*, & *perfectus decore* : in deliciis paradisi Dei fui : *omnis lapis pretiosus operimentum meum* : in medio lapidum ignitorum ambulabam, *perfectus in viis meis a die conditionis mee*, Ezech. 28. Semel tantum ingressa est animum iniqua cogitatio : dedi locum vix per momentum : rescivit (ut scit omnia) Uranius, continuo privor dignitate, ejicior aula, exilio sempiterno addicor. *Creon*. Nulla admissa est excusatio ? *Sat.* Nulla ! *Creon*. Neque deprecatio saltem ? *Sat.* Nihil. *Creon*. Quid ? si spatium poenitentiae postulasses ? *Sat.* Negatum fuit. *Creon*. Credidissem habiturum rationem Nobilitatis ! *Sat.* Uranio omnis Nobilitas vilis est : sufficit solus sibi. *Creon*. Neque merita attendit, quæ collegeras, neque officia, quæ, si pepercisset, præstiturus fuisses ? *Sat.* Nihil. *Prod.* At filius saltem deprecator accessit ? *Sat.* Philanthropus nempe ? tace invisum nomen ! Accessit utique, sed non pro me deprecator : accessit pro homine, quem ex luto Damasceno formaverat Parens, pro nescio quo Prodigio, reo scelorum plurimorum, & talentis pluries centenis obarato. *Prod.* Prodigio illi veniam impetravit ? *Sat.* Impetravit, sub conditionibus tamen, quæ si fuissent oblatæ mihi, ego acceptassem, sed Prodigus nunquam exequi poterit : adeo duræ sunt. *Creon*. Igitur hæc simulatio

latio Misericordiæ, non Misericordia est. Prodiges, quid expectas?... immo, quid ego hic expecto? Tanto Ministro qui non pepercit, nec mihi parcat. Frustra poenitentiam ago: tristis ereme vale! Prodiges, nobiscum perge! *Sat.* Tu es ille? o te puerum vesanæ spei! Scio enim, quam asperi montes sint, quos superare debes, ut ad Patrem pervenias: & poenitentia, quam supplici imperabit rigor Uranii, non erit mitior istis cautibus. *Creon.* Ego gratiam Uranii tanti non emo. Ereme vale! perstabis tu? *Sat.* Sequetur: imus! pereat, si sequi nolit! *Prod.* Superi juvate me! obruitur decumanis fluctibus jactatus animus! Philanthrope, ubi es?

CHORUS

Expendit Mysterium formidabile de Gratia Critica, in illud: *curavimus Babylonem, & non est sanata: derelinquamus eam!* Jer. 51.

*Babylon, sive Anima peccatrix. Misericordia intenta parando pharmaco a Providentia destinato. Gratia illuminans, & Gratia excitans sub specie Epheborum Misericordiæ ministrantium.**

Misericordia.

Pretiosa est medicina,
Quam præscripsit Providentia:
Sapientissime ordinatum *Recipe:*
Mixtura nobilis, efficacissima *ingredientia*
Etiam singula!

Gratia illum.

Est Gratia, sed GRATIA CRITICA:
Nam monuit Diva,

Ægram

- * Theatrum exhibet in medio cubile animæ lethargo oppressæ: ex uno latere pharmacopolium, ex altero hortum pharmaceuticum cum laboratorio.

Misericordia
legit Recipe.

Agram esse morituram certissime,
Nisi ab hoc medicamine
Coeperit in sudorem copiosum diffuere,
Lacryma Christi unciae duæ,
Cremor tartari, caput mortuum,
Uncia una,
Aloe optima, & Myrrhæ uncia semis...
Ita est: hæc erit crisis a pharmaco,
Aut per sudorem
Expellet peccantem humorem:
Aut actum est, o chara anima!
Peribis, æternum peribis misera!
Ah! peccatores, nolite errare,
Nolite, sine modo, sine fine sperare!
Infinita est MISERICORDIA,
Sed MISERATIONES
Definit Providentia:
Datur Gratia ultima, Gratia Critica.

A R I A,

Ad salutem peccatorum
Omnis servit Creatura:
Sed est pondus, est mensura:
Est decretus numerus, Sap. II,
Prudens dosin pharmacorum
Trutinavit Medicus,

2.

Ad libellam expenduntur
As, semissis, unciaque,
Granum, drachma, filiquaque:

Q999 3.

Et

Et est causa studii :
 Sæpe ægri moriuntur
 Ex contemptu scrupul.

Misericordia. Sed agite !
 Exequamur voluntatem Providentiæ.
 Ego medicinam parabo :
 Vos lethargum excutite,
 Et animam ad potionem salutiferam
 Fortiter hauriendam disponite.

Gratia excit. Aggredimur negotium totis viribus,
Gratia illum. Arguendo, obsecrando, increpando,
 Modis omnibus.

D U E T T O.

Gratia. Eja surge sine mora !
 Vocat DEUS, monet hora : *
 Hora (audis?) est secunda
 Gratiis pro te fecunda :
 Surge! surge, ambula,
 Non sequetur alia!

Anima. Somnum dormis pessimum :
 Sine, sine, paullulum!

Gratia. Somnum dormis, qualis fuit,
 Quem infami poena tulit
 Samson decus Palæstinæ:
 Tantæ memor tu ruinæ
 Surge, vince, vince te,
 Pare voci Gratiæ!

Anima. Somnum dormis pessimum !
 Sine adhuc modicum.

* Sonat hora.

Gratia.

- Gratia excit.* Heu modicum! heu paullulum!
 Repete horologium, repete,
 Et propiore sonitu
 Percute aures inertiae*...
 Addo impetum: præcipito malleum**...
Anima. Adhuc modicum! paullulum!
Gratia illum. Vah!... quousque surdo canemus fabulam?
 Aures habet in carne:
 Carni admoveo faculam:
 Ignis pellat lethargum feralem,
 Et vincat insanam pigritiam...
Anima. Oh! uror! uror!
Gratia excit. Urere! experire,
 Quid sit flammæ inferni sentire.
*Anima.**** Ubi sum?
 Sic deprehendo te! oh! dolor!
Gratia illum. Io! veternum excussimus! vicimus!
Anima. Quis in me vos agitat furor?
Gratia excit. Amor, amor coegit
 Adhibere extrema remedia,
 Ut velles a somno surgere.
Anima. Ah! importunissime!
 Nam dormiebam suavissime,
 Et tenebat animum
 Somnium multo lætissimum,
 Quod non debebatis abruptere.

A R I A.

I.

Vidi hortum splendidum;
 Dicerem Hesperidum:
 Nisi pro draconibus

Mille

* Rursum sonat. ** Etiam suscitabulum. *** Evigilat usque per facem.

Ariose.

Anima.

Somne veni!
Tinge leni
Tempora papavere!

Gratia.

Somne fuge!
Tuæ nugæ
Sunt lethales animæ!

Anima.

Reduc læta somnia!

Gratia.

Desinant deliria!

Misericordia.

Siccine: & quousque, vecors anima
Resistes Gratia?
Non est jam tempus dormiendi,
Et indulgendi inertia.
Dum tempus est,
Uttere tempore.
Evigilasti:
Lethargus est morbus fatalis:
Uttere pharmaco, & ne reincidas,
Occurre in tempore imminentibus malis.
Ecce Medicinam efficacem, divinam
Præscripsit Providentia,
Propinat Misericordia:
Ebibe! sanabere.

Anima.

Apage! sine dormire me!
Somnum interciperes novis cruciatibus:
Apage! Apage!

Miseric.

Sanari non vis?

Anima.

Sana sum: non indigeo te.

Miseric.

Bene est: ergo quod facis, fac citius, Jo. 13.

MEDITATIONIS III.

De Filio Prodigio

In Reditu

PUNCTUM II.

Tentationum Victoria.

SCENA I.

Prodigus. Cosmus.

Prodigus. **O** Lucta gravis!... Et quousque hærebo ad montis pedem? aut *sursum* eundum est, Anthrope, aut redeundum *deorsum*: subsistere diutius in horrida solitudine nec libet, nec si vivere velim, licet. Quid eligis anime?... *Cosm.* * Vah infelicer!... errasti sclope infortunate! evasit præda. Quis hic? hem! adhuc te video affixum loco, in quo deserui? *Prod.* Ah!... *Cosm.* Quid vis? nam gravi tristitia oppressum cerno: condoleam tibi, an derideam miserum? Certe commiseratione indignus est, qui pertinaciter miseriam amat. Desertum te vides a dilecto Philanthropo, & necdum sapis? Auxilii inopem ego juvabo, si vis servire. *Prod.* Ad majora sum natus, quam ut canibus famuler. Desine insultare misero, ipse miser: nihil spero a te. *Cosm.* Ridiculus es. Unde enim ego tibi infelix videor? *Prod.* Tu dixisti: audiavi gementem de voto frustrato, & spe delusa. *Cosm.* Ha! fuit gemitus levis. Ecce armo fistulam in prædam novam: facilis est erroris correctio. *Prod.* Nunquam alias aberravit a

Rrrr 2

scopo

* Cosmus venator exhibet inanes labores, Mundi bona sectantium per sclopi ejaculationem infelicem.

pura revocarem! Occurrit memoria, quod monuerat: **HOMO POENITENS EST HOMO SIBI IRASCENS!** Ira, ira adversum me præ omnibus suspiriis placet. Suspiria emolliunt animum, & effeminant: ira incendit in heroicos ausus, & omne obstaculum vincit. Et vero cui irascar potius, quam mihi? quis mihi nocuit magis? ... Confudit segnitiam meam venatoris alacritas. Homuncio ignave! Sursum, deorsum venator cucurrit, ut nihil caperet: fatigatus est; num confedit? num somnum admisit oculis? immo quietem suadenti irasceretur, opinor, neque mentionem ferret, priusquam sperata præda positus fuisset: & ego, frustra exprobrante pigritiam Philanthropo, in profundum soporem me dedi! .. In soporem me dedi, cui respicere post tergum, & vel stare in omni circa regione diserte prohibitum fuerat! Merui, merui indignationem tuam, Dilecte mi, & iusta est poena damni, qua subtraxisti te mihi! .. Quid? recordor enim: quasi dormire parva culpa fuisset, etiam evigilans periculosa somnia diu animo volvi, prope deliberabundus, num expediat, iter ad Patrem prosequi! .. Inde quibus hominibus aures imprudens dedi? Non, qui essent, lingua manifestos reddidit satis? Quas stultitias venator effudit? Quam horrendas blasphemias expuit transfuga? & cremicolam fuisse impostorem nonne prodidit levissima fuga? .. Quantillum abfuit, ut me socium adderem? ut nova perfidia Patrem offenderem? Quid? mentiorne, si dico, sub aliena specie condidisse insidias Sathauam, cum Creonte, & Cosmo? ... O maledicta inertia! o execranda molities! o abominabilis conversatio, in quam atrox periculum me coniecistis! .. Et adhuc torpor ligat vitales spiritus! fatigata membra obsequium negant? .. Negent! Ira, sancta ira vires suffice! Ascendam in montem Domini, **IBO AD PATREM**, vel si in via deficiam, ibo! .. Intende in adiutorium meum, charè Philanthrope!

Rrrr3

SCE-

SCENA III.

Philanthropus. Prodigus.

*Philanthr.** **E**Ja! incoepit se vincere Prodigus meus: occurro, ut juvem! *Prod.* Philanthrope, ad adjuvandum me festina! *Phil.* Anthrope, ascende ad me! *Prod.* Superi! Vox dilecti in auribus meis! vox dulcis! O anima animæ meæ, ubi es? *Phil.* Huc, huc te urge! *Prod.* O cœlum! jam in apice te video! Ah! quis mihi dabit pennas, & volabò ad te! *Phil.* Falleris! volare innocenti licet: pœnitenti eundem est pedibus, & nec recta quidem via, sed per ambages. Circumspice! Quam positæ columnæ signant, illa est via, qua ego prævi! *Prod.* Heu! via signata sanguine, & tristi memoria cruciatuum, quos tulisti pro me! *Phil.* Hinc erit robur tibi. Placuit heroica resolutio tandem. Perge! initium pœnitentiæ solet esse difficile, sed prosecutio plena solatio. *Prod.* Ecce facio, quod possum! tu fac, quod ego non possum. *Phil.* Ad singula monumenta subsiste: quævis statio firmabit vires. Postquam deserta est regio longinqua, quietem non veto: immo impero, ut per moram haurias aquas salutis de fontibus Salvatoris, Is. 12. *Prod.* Sto, ubi te video jacentem, & sudori sanguineo innatantem! O triste spectaculum! Tristis erat anima tua usque ad mortem, propter peccata mea: & ego cum obiter percussi pectus, putem dolere me fatis? **INTENDE TE DOLOR!** Dolendi causa DEUS est, graviter offensus DEUS, quem ut placaret tibi Filius DEI, voluit cum sanguineis lacrymis deprecari pro te. Sed o Philanthrope, donum utilium lacrymarum est donum tuum. Ego frustra percutio hanc petram cordis. Anima mea est sicut terra sine aqua tibi, arida, exucca, hians! Rumpe cataraclas! da oculis meis fontem lacrymarum, & fac me vere tecum flere! *Phil.* Audio votum sanctum

* Ex monte inclamat,

sanctum. O gusta guttulam sanguinis exsulantis, & eris mei doloris particeps. *Prod.* Prô amarissima amaritudo! Heu! qui bibi sicut aquam iniquitatem, quam stupido sensu fui! delectare me potuit *uva fellis*, Deut. 31. *Uva acerba nimis!* Ez. 18. Æquum est, ut, quantum in stolidis deliciis fui, tantum sim in dolore. Coepi dolere: INTENDE TE DOLOR, & cum doloribus dolentis Dilecti cresce! *Phil.* Crescet in ascensu dolor: ascende! ecce descendo, ut juvem.

S C E N A IV.

Philanthropus. Prodigus. Sathanas. Creon. Cosmus.

*Sathanas.** **A**Udivi suspiria, quæ mihi non placent! .. Vah! abiit: .. Inferi! deorsum, an sursum ivit? .. Prô! video in ascensu. Filii, actum est: VICIT SEIPSUM Prodigus: victi sumus! *Creon.* Nondum Pater: adhuc tentare assultum placet. *Cosm.* Sæpe jam ingressis limen poenitentiae, persuasimus, ut retraherent pedem, & clausimus januam. *Creon.* Immo aliquos ex ipso Patris gremio rapuimus tibi. *Sat.* Ergo quid possitis, tentate. *Prod.* O cruentum spectaculum! *Sat.* Arbitremur, quid gemat. *Prod.* Video JESUM a flagris lacerum: INTENDE TE DOLOR! meas petulantias sic luit Dilectus meus! ... O caro, belluina caro, in quam pudenda scelera pertraxisti! .. Obstupefcite Cœlites horrendum discrimen inter servum, & Dominum! Dominus pro servo in atrocia flagella, servus contra Dominum in quævis flagitia semper paratus fuit! .. *Creon.* Anthrope, unde abis, & quo pergis? *Prod.* Fallor: an Creontis est ista vox? *Phil.* Noli respicere: dignus non est responso improbus Creon: tace, & FUGE: in fuga CARNIS victoria. Fuge! nec metue, ne molesta sit nimis vita stultitiis vacua. NON TOLLO delicias, sed MUTO, & veras falsis, spirituales carnalibus substituo.

* Ad pedem montis,

substituto. *Creon.* Vah!... *Prod.* Te sequor, Dilecte mi, trahere me, & curram etiam... Prô! nova tragoedia! Rex meus spinis redimitus! **INTENDE TE DOLOR! DEUM** video in medio rubi! Hoc honore affeci Dominum, cui obedire nolui, libertatem in clamans rebellem mancipium! & tolerasti!... *Nolumus hunc regnare super nos!* dixistis effrænes affectus, quibus ego imperare modestiam debuisssem, & filui! O facinus, nec ignibus inferni piandum satis!... *Cosm.* Anthrope, ridiculus homo es! *Quid dicent homines* de te, cum audient, quod ultro redieris sub jugum Patris, pueriliter osculaturus ferulam, qua te cædet? *Phil.* Audis impiam Cosmi vocem! Sed nunquid melius est virga, quam scorpionibus cædi! **RIDE NTEM RIDE,** & risum petulantem risu prudente vindica! *Prod.* Si Regi meo placeo, cur metuam risum lixarum? *Cosm.* Vah!... *Phil.* Vides, quam ægre **MUNDUS** sui contemptum ferat? contemptu ego vici, contemptu vinces tu. *Prod.* Quid mihi cum Mundo est, qui colo Regem non de hoc Mundo!... *Phil.* Nova statio novos affectus cieat. *Prod.* Sub crucis onere fatiscens cadis, Servator mi! Imago tristis! nempe ferre crucem tecum ego nolui, impatiens molestiæ: onus omne in te rejeci! **INTENDE TE DOLOR,** & impatientiam plora tam indecoram homini, qui **DEUM** patientem adorat! Ubi sensus? ubi ratio? ubi fides fuit, quando punitus a te insurrexi contra punientem, & a plagis peior fui!... *Sat.* Anthrope, in via deficies! Poenitentia asperitas quanta sit, non expendisti: neque intelligis, quanta in peccantes tyrannide Uranius furat. Det veniam culpæ: non ideo dimittit poenam: moriendum in cruce erit! *Phil.* Mortem in cruce times? *Prod.* Retro Sathana, retro! mortem in cruce amo! crux scala ad coelum erit. *Sat.* Vah!... *Phil.* Recte pugnas. Adiram impellit **SATHANAS**: per iram vincis! Irascere Sathanæ, sed tibi magis: **IRASCERE TIBI,** inquam!

inquam! ira appetitus vindictæ est: igitur qui sibi irascitur, pati gaudet, & in cruciatibus plaudit. *Prod.* Adsum! amplector crucem! suprema statio lacrymas iræ miscet. Quid video? In cruce expiras, Philanthrope! quis affixit? *Phil.* Amor, & furor fixit. *Prod.* Ita, *Amor tuus*, & *meus furor*. INTENDE TE DOLOR! Dolorem summum amor, & furor exigit, amor immensus, furor prope amori par. *Creon.* Siccine! serio dimittis nos? *Cosm.* Et ultra non erimus tecum in æternum! in æternum! *Sat.* Nihil metuite: ITENUGÆ! lingua clamat: cor tamen vos adhuc amat! *Phil.* Latrantes *infra te* canes negligē! *Prod.* Ego affigo me cruci! Confundantur, & erubescant, qui dicunt mihi, Euge! *Cosm.* *Creon.* *Sat.* Vah!

SCENA V.

Philanthropus. Prodigus. Mercenarius.

Mercenarius. **I**O! tandem sum felix! Quāquam num hic est ille? *Prod.* Ah! amice, per Philanthropi gratiam jam non sum ille! *Phil.* A Patre ades? *Merc.* Ut occurrerem, iussit. *Prod.* Nempe ne paternæ ditionis fines intrare sineres? Merito, ah! merito prohibet offensus Pater! O Philanthrope, in quam temerariæ spei audaciam adduxisti infelicem Prodigum! Obstupesco de stupore, quo credere potui, fore, ut liceat subire vultum Patris. Non tamen redibo in regionem longinquam, unde abii: sed ad hanc crucem moriar: ita, ad hanc crucem! Compone te anime in amplexum! Salve o bona crux! Persequatur me Pater, & hic deprehendat! hic occidat! hic victima Justitiæ cadam! *Phil.* Modicæ fidei! Tanti est tibi meus labor, ut tantillam non videar mereri mercedem? Sic notus Patris amor in me, & te? *Merc.*

Ssss

Mihi

Mihi tamen hic animus placet. Sed errasti, o bone! nam, ut explorarem, præmisit me Pater, & properare juberem, redire si velles. Dies & horas numerat, dum videat reduces: tantum desiderium est amplectendi poenitentem. *Phil.* Intelligis miser, quem Patrem habeas? *Prod.* Velut ex gravi somno evigilans nescio, ubi sim. Pater, inquis, desiderat me? *Merc.* Ajo: festinate, obsecro, neque diutius amoris impetum longa expectatione suspendite. Præcedo: cum nuntiavero adventum Prodigii, ipse accinget se in occursum. *Prod.* Ipse in occursum! Anime, in quas dulcedines me abripis mihi! *Phil.* Perge celer, & convoca amicos, ac vicinos, ut congratulentur mihi, quia inveni ovem, quæ perierat. *Merc.* Obedio, Domine: festivum gaudium totam tenebit domum. *Phil.* Tu vero meministin', quid dicere Patri velis, in amplexum ruenti? *Prod.* O Pater! o amplexus! Paravi verba, dicam: Pater! peccavi in cælum! & coram te! Dicam autem? ah! lacrymæ non sinent loqui! tu Verbum es! tu pro me loquere! *Phil.* Lacrymæ loquentur satis. Veni post me! propera! *Prod.* Venio, dicam: Pater! peccavi in cælum, & coram te!



MEDI-

MEDITATIO IV. MISERICORDIA RECIPIENS,

SIVE FILIUS PRODIGUS

in Amplexu paterno.

ARGUMENTUM.

TAndem victoria difficultatis, quæ poenitentiae consilium ad tempus sufflaminat, gaudium parit, nasciturum ab experientia Misericordiae, qua DEUS recipit peccatorem redeuntem ad se. Rem exhibet, qui est praesentis Meditationis

Materia : Filius Prodigus in amplexu paterno.

1. Gaudium Patris.

Puncta duo : 2. Felicitas Filii.

Fruitus : Læta spes veniæ de peccatis.

Propositum. Exercitium doloris de vita male acta continuandum usque ad mortem.

Chorus. Exhibet solatia Poenitentium.

P E R S O N Æ.

Uranius.

Philanthropus.

Prodigus.

Frater Prodig.

Mercenarius.

PROLOGUS.

Reflexio in Meditationem præteritam, & Præparatio ad præsentem.

Fides. Ratio.

Ratio. JO! * quam alia subito se aperit Regio!
Prava in directâ, aspera in vias planas, Luc. 3.
 Mutata invenio.
Fides. Tantum potuit heroica resolutio.
 Nunquid prædixi tibi :
 Fac, quod potes :
 Et faciet DEUS, quod tu non potes !
 Initium poenitentiae solet esse difficile :
 Sed prosecutio plena solatio.
 Pergamus :
 Pergentibus, obvium se feret Dominus,
Ratio. Quid? obvius erit Dominus ?
 Heu me ! & nullos video montes,
 Qui cadant super me !
 Nulli sunt colles, qui operiant me !

A R I A.

I.

Subtrahe radios, auree Phœbe
 Irrue supra me, squallida nox !
 Terra te aperi, latebras præbe.
 Aures ne feriat Domini vox !
 Oculos DEI offensi subire
 Ego ut velim (ah ! obsecro te)

Im.

* Exhibetur jucunda planities.

Improperantem ut cogar audire ,
(Mori nam malim) ne adige me!

2.

DEus est DEus (o Nomen tremendum!)

DEus supremus Regentium Rex,
Vilis cui Homulus (scelus horrendum!)

Dixit : *Rex nullus, & nulla est lex!*

Timor , & Horror, & Dolor, & Pudor

Impete uno obruite me!

Opprime animum gelide Sudor,

DEum ne videam, opprime me!

Fides.

Quid tristitia adeo sibi volunt lamenta?

DEum cum nomino,

Nunquid Tyrannum nomino?

Ratio.

Quem juvant ejulatus, & oblectant tormenta?

Magnus est Dominus, & *offensus a me!*

Judex est rigidus, & *iratus in me!*

Non *horream?* non *doleam?*

Non *erubescam*, Domine? non *timeam* te?

Fides.

Talis est DEus, qualis es tu,

Cum peccatore *rigidus*, cum innocente *innocens*,

Cum poenitente *pœnitens*.

A R I A.

1.

Color Ictericus

Decipit oculum :

Ludit te Phantasmus,

Corrige animum :

Vera de DEo *idea* non fit,

Nisi tranquilla , & pura mens sit.

Ssss 3

2. Quæ

Quæ a te picta est
Species Numinis,
Rigidi vera est
Species *Judicis* :
Faciem *Patris* induere scit,
Homo ex Reo si poenitens fit.

Ratio.

Fides.

Ah! credam spei suavissimæ?
Modicæ fidei!
Quousque non cessabis ambigere?
Qui tandiù te expectavit patienter *connivens*;
Qui tot modis resitantem urisit
Misericorditer *puniens* :
Qui tot gratiis *animavit*,
Cum primis poenitentia molestiis pignantem:
Nunquid jam dubitabit clementer *recipere*
Seipsum triumphantem?
Desine vanitioris, & me sequere.*

Ratio.

Heu! argumentum exhibes novi mæroris.

Peccatum meum est contra me!

Peccatum grande nimis, *DEi Filius occisus a me!*

Fides.

Nunquid occidisse, poenitet te?

Ratio.

Poenitet amarissime!

Fides.

Satis est: *Vade in pace!*

Ecce talis poenitenti occurrit Dominus,
O quam ab illo, quem tibi finxeras, alius.
Nunquid stringit gladium, aut vibrat fulmina?
Immo ne possint ferire, affixa cruci sunt brachia.
In amplexum extendit: irrue,
Et, quod offert inclinato capite,
Pacis osculum accipe,

Ratio.

* Exhibitio Crucifixi.

Ratio. Deficio ex amoris dulcedine!
Fides. Optabile deliquium ad pedes Misericordiarum.

A R I A.

1.

Ohomines, non homines,
Præbelluis feroces,
Non cicurat vos tanta spes?..
Non animos atroces
Frangit clementia,
Quæ post millena crimina,
Quæ ausi sunt patrare,
Reges *de venia*
Æterna per supplicia
Vetat *desperare!*

2.

Stupenda res! Clementia
Dum vetat desperare,
Hac nonne indulgentia
Vos cogit se amare?...
Sed, heu! fallo me!
Dilata nocet ultio:
Et quos, si fulminare
Vult DĒus prope,
Damnabit *Desperatio*:
Jam solet *spes* damnare.

MEDI-

MEDITATIONIS IV.

De Filio Prodigio
in Amplexu paterno.
PUNCTUM I.

Patris Gaudium.

SCENA I.

*Uranus. Adelpbus.**

U*Ranius in horto deambulans ad auram post meridiem, Gen. 3. Sic curas lenio, quibus premitur patrum cor, Fili mi, ex fratris tui junioris absentia. Usque modo operor, Joan. 5. Et quos ad sensum in horto ago, idem in animo Anthropi per gratiam præsto. Fodio, puto, rigo! & o quanti pretii succus est, quem affundo!... Sed tandem nec impensarum poenitet, nec laboris: vides in hac arbore, quid sperem? ** Ecce flores apparuerunt, Cant. 2. Flores fructus parturiunt, Cant. 7. Fructus dignos poenitentiae, Luc. 3. Redibit Prodigus meus, redibit ad Patrem, Philanthropo Duce. Expectans expecto, & desiderio desidero revertentem amplecti. Adelpbus, Spem tuam, optime Pater, nimius amor alit. Ego vero nihil de fratre spero: neque si rediret etiam poenitens, recipiendum esse in gratiam iudico. Vel enim bene est illi cum Sathana, cui servit, vel male? Si bene, quæ spes est deserturum infame servitium, quod delectat? Si male, scilicet non ab amore illectus, sed a tristi necessitate coactus respiciet Patrem. Quid? dignus est, ut respiciatur? Uran. Dignus es, modo redeat*

serio

* In persona Apostoli. ** Arbor flores habens in medio horti prostat.

ferio poenitens. Tu argutaris. Sed qui amat, non disputat. Nescis, quid sit esse Patrem, & Patrem Filii tanto pretio adoptati, quanti est sanguis mei Philanthropi. *Adelph.* Adoro *amorem*, sed timeo *honori*. Memento, quod Pater sis, sed nec obliviscere, quod sis Dominus, Rex, & Judex. Nimia clementia exponit contemptui: neque consulit Majestati, quem subditi impune offendunt. Tu jubes ire nos per universum Mundum, & prædicare Evangelium omni Creaturæ: imus: & in fame ac siti, in laboribus multis, in ærumnis supra modum, in mortibus frequenter annuntiamus populo tuo scelera eorum. Quid sit? (da veniam, Pater, loquenti ferventius! nam *tabescere me fecit Zelus meus!* Psal. 118.) Ridemur! *apori-*
amur! tanquam *peripsēma* hujus Mundi facti sumus! 1. Cor. 4. Arma, quibus tueamur sive nos, sive te, alia non didisti, **NI-SI HUNC CRUCIFIXUM**: atque sperabas nempe, *in hoc signo* universum Orbem debellatum iri! Verum DEum inermem, DEum in cruce quis reveretur? Equidem amor tam admirabilis debebat emollire etiam lapidea pectora, ut liquecerent in lacrymas poenitentiae: contrarium experimur, & expansa in amplexum brachia, caput inclinatum ad pacis osculum, cor apertum in amoris affectum audaciam non frangunt, sed animant. Plerique propterea temerarie mali sunt, quia ex cruce cognoscunt, quam bonus sis. *Uran.* Quos bonitas non movet, illis prædicare severitatem. Filium, quem Salvatorem esse volui, eundem constitui Judicem universorum. Dicite peccatoribus; Ecce HIC JESUS, quem *instar Agni* videtis immolatum pro vobis in cruce, hic idem *venturus est judicare vivos & mortuos!* Describite horrendam illam diem, in qua mutatus in leonem Agnus irrugiet rugitu horribili, eversuro Orbem terrarum! Narrate terrificum apparatus, rigidissimum processum, inevitabilem executionem sententiae morte æterna perempturæ, quotquot offensam justitiam in tempore non

placaverint sibi. Eja! non habetis arma alia, præter nudam crucem? Non hic gladius utraque parte acutus animos lethali vulnere per aures transverberat? *Adelpb.* Ah! de futuris peccator non angitur. Si vis, Pater, ut cum fructu prædicemus, da potestatem vindices scelerum flammæ evocandi de Cœlo, igne devorante consumpturas obstinatos ad reliquorum terrorem. Immo (neque enim citius finem habebit peccatum) si tuo honori efficaciter consultum cupis, jam nunc finem temporis ponis. Sonet, obsecro, novissima tuba! surgant mortui de monumentis! descendat de cruce JESUS; & fulminantibus nubibus insidens in valle Josaphat tribunal impiis ferale constituat! Diutius connivere si placet, desine mirari, Pater, quod pauci tui verbi Præcones hilariter labore fungantur. Prædicant minas: minarum nulla se veritas exhibet: irasci poteris, si cum Jona missi ad Ninivitas fugiant in Tharsis, ne te, & se exponant risui Civitatum? Parcius, ajunt, clama, o bone! nondum obscuravit se Sol! nondum argentea Luna sanguineo colore se pinxit! cum stellæ de cœlo cadent, tunc audiemus, quid dicas. Ipse ille Prodigus tuus, cujus reditum adeo cupide ambis, cum sub tabellarii persona reducere vellem hominem, quid respondit? recitavi verba: *si paucis ante mortem horis reversus fuero, satis est!* dicebat: recale animo Pater tam crudum responsum: colliges, quid sperandum sit tibi. Repeto: etiam Philanthropus mecum oleum, ac operam perdidit. Prodigus aut non redibit: aut non nisi coactus redibit a necessitate, quæ forsitan interea decoctorem oppressit. A poenitentia coacta autem quæ in tuum amorem redundare gloria possit, ego non intelligo. *Uran.* Itaque reducem quoque ut excludam a mea domo, neque pro filio recipiam ultra, hoc tu judicas mihi honori fore? *Adelpb.* Amplius desidero. Venientem ut tradas tortoribus velim, formatoque judicio ex computo expensarum, quem attuli tibi, condem-

nes ad supplicium, donec qui satisfacere non potest pro peccatis suis, saltem satis patiatur. *Uran.* Rigidam sententiam in fratrem dicis. *Adelph.* Amo fratrem: sed magis te amo, Pater mi, & tuam gloriam. Luat delicta sua frater, poena atroce lnat, ut qui sequuntur exemplum luxuriæ, exitum perhorrescant. *Uran.* Quid? ex duobus extremis si *medium* eligens, inter mercenarios tandem adsciscam hominem: non filii dignitate exutum per tantam degradationem videor tibi punivisse satis? *Adelph.* Hec satis! Beneficium pro poena decernes? & quid audio? igitur non recipere in gratiam solum, sed recipere in filium cogitabas Anthropum, pristinoque honore dignari? *Uran.* Poenitentem! *Adelph.* Itaque eundem ego rursum, ut olim, jubeor pro fratre colere, pro fratre amare, hominem charissimo Patri tam atrociter injurium? *Uran.* Poenitentem! Exemplum in Philanthropo habes. *Adelph.* At differes saltem tantæ gratiæ profusionem, donec constantiam amoris homo infidelis probaverit? *Uran.* Poenitentem recipiam statim. O ut adsit! jam enim brachia pruriunt in amplexum! *Adelph.* In stuporem me abripit hæc exclamatio, & mens cum lingua deficit. Sine Pater, ut admirationi tanti amoris solitarius me indulgeam! Sic enim me Zelus urit, ut verear, ne verbo labar, si diutius contendam tibi. *Uran.* Contentione quid opus est? Quæro, si arbor, quam tu plantasti, diu arida, repente in frondes ac flores germinet, non ponis iram? non sententiam, quam tulisti: *Exscindatur, & in ignem mittatur!* continuo revocas? non a fructuum spe latus priore in pretio lignum habes, & quam, priusquam exaruerat, curam impenderas, rursus impendis? .. Siles? *Adelph.* Pater, a prodigio argumentum capis, quod nunquam fiet. *Uran.* A prodigio, quod opus gratiæ quotidianum est. Ecce! rigavi exuccam arborem, & jam *floret*: rigo iterum! .. * *Adelph.* Superi! quanti & quales *fructus*! *Uran.* Ita dico vobis, o ani-

* Arbor repente fructus habet. Tttt 2

me innocentes! si vestra innocentia præter flosculos nihil ferat,
POENITENTES FERVENTER Publicani, & meretrices præce-
*dent vos in regno Dei! Matth. 21. **

S C E N A II.

Adelpbus. Mercenarius.

Adelpbus **A**Udivi grave tonitru, & video horrendum Symbo-
 lum!... Itane hoc malum expectandum sit mihi,
 ut frater non solum pristina reddatur gratia, sed insuper præ
 me ametur? ... Intueor virtutem gratia!... si poenitens frater
 non accipiet in vanum gratiam, tam erit dives meritis, quam
 fructibus ista arbor... & ego qui huc usque in floribus, quos
 plantavi, mihi placui, jam Patri placebo minus!... Tamen hoc
 etiam scio, quod nulla gratia vim inferat libertati: igitur non
 cooperabitur frater quantiscunque stimulis: non redibit! ...
 Scelestas spes! Quo ruis anime? etiam optabis, credo, ut cassus
 sit Philanthropi labor, & frustretur cupido Uranii! ... Absit a
 me tam tetrum crimen! Damno damnable votum! Redeat Pro-
 digus, modo redeat citra damnum meum! ... Amari ab Ura-
 nio summa est mea felicitatis: ut alius ametur etiam, fero,
 opto, gaudeo: sed ut aliquis plus me ametur, non possum fer-
 re! ... & nisi fallor, est hæc justa invidia! est sancta ambitio!
 est appetitus excellentia veræ, non vanæ! est appetitus ex lege
 rectæ rationis optime ordinatus: *ut aliquis ab Uranio præ me*
ametur, non possum ferre! ... *Mercenarius.* Salve Here! festina
 in occursum Philanthropo! congratulare! invenit ovem, quæ
 perierat! *Adelpb.* Prodigus redit? *Merc.* Propere uterque
 aderit. Præcurro, ut Patri nuntiem: nam & ipse se feret ob-
 viam in amplexum filii redivivi. *Adelpb.* Uranius obviam ibit!
 Nimia est demissio tantæ Majestatis. *Merc.* Immo quasi hoc pa-
 rum esset, festivam diem imperare toti vicina Philanthropus
 jussit.

• Abit.

jussit. Gratiam inibis non modicam, Here, si ex gratulatoris primus occurreris. *Adelph.* Tantine est recipere homulum fugitivum? *Merc.* Tanti est Heris, amantibus nempe. Sed tibi, Adelphe, video pro gaudio tulisse fastidium. *Adelph.* Nihil ad te. Credis vero, serio tot facinorum poenitentem Anthropum, reverti ad Patrem? *Merc.* Non serium tantum, sed FERVIDE SERIUM loquuntur calentes lacrymæ, quæ rigant genas. *Adelph.* Forte sunt crocodili. *Merc.* Meliora spero: vexatio enim intellectum dederit, & reverti *ad se* primum, deinde *ad Patrem* docuerit. Vera fuit fama de misero. Post nostrum discessum coactus est a Sathana porcos pascere, & ex filiquis vivere. *Adelph.* Erat poena conveniens culpæ. Et ex hara audet protervus puer recta se in Patris Regiam ferre? *Merc.* Philanthropus ducit, talem stiturus Patri, qualem reperit, tectum centone rustico, exhaustum fame, confectum macie, vix ossibus hærentem, & ad mortem pallidum, nisi quod oculi rubeant. Miserationem movebit tibi, cum videris. Non ibis Philanthropo obviam? *Adelph.* Aliæ curæ vocant. Tu fac, quod imperatum est tibi: Uranius in horto deambulat. *Merc.* Abit homo: quid cogitem?

S C E N A III.

Philanthropus. Prodigus. Mercenarius.

Philanthropus. **E**Ja! adhuc in limine domus hæres? *Merc.* Eo, Domine, properantem longiore sermone Adelphus detinuit. *Prod.* Adelphus! O dulce fratris nomen! *Phil.* Expecta modo, & dic, cur Adelphus non sistit se mihi? Nuntiaſti, quid velim? *Merc.* Monui. Negavit, iturum se obviam, & videbatur mihi aut tristis, aut subiratus. *Phil.* Homo est præproperizeli: & tu, mi Anthrope, infelix esſes, nisi

T t t t 3

Pater

Pater & ego amaremus te magis, quam frater tuus. *Prod.* Propter vos irascitur frater mihi : iusta est iræ causa! *Merc.* Sed ego metuo, ne, dum abest Philanthropus, ira fratris etiam iram Patris concitaverit. Certe nihil pacifice loquebatur, neque miserationis notam adverti. Narrantem de tuis miseriis sine motu audivit. *Prod.* *Iram Domini portabo, quoniam peccavi ei!* Mich. 7. *Phil.* Et putas, Patrem severius aliquid statuisse? *Merc.* Si Adelphum audivit, metuo. Turbatus enim, & calens ex horto prodiit, in quo aiebat, Patrem deambulare. *Prod.* Miserece coelum! nam hic est hortus, in quo arbor mala malos fructus feci, in terra *Sanctorum* iniqua gerens! *Phil.* Quid video?... *Merc.* Tecum stupeo ex hoc aspectu. Cum ad te mitterer, Here, adhuc stetit arbor arida, nec nisi fructibus acerbis gravis : hic nunc quæ mutatio est! *Phil.* Volebat excindere lignum noxium severus Pater : ego impetravi inducias. *Merc.* Alia a priore est arbor. Quid? si Adelphus precibus preces opposuit? *Phil.* Induciis certe offensus fuit, nec tolerare potuit tam diuturnam tolerantiam Patris. *Merc.* Igitur sine dubio ignis pabulum facta es miseranda arbor, & melior substituta est tibi! *Prod.* O triste omen pro me! *Phil.* Nihil animo cade, Anthrope! Advocatum apud Patrem Philanthropum habes. Ingrediar prior, & loquar pro te! tu hic expecta, donec vocatus fueris. *Prod.* JESU! tu mihi sis JESUS! tu Salvator! *Phil.* Confide, ero. Interea ruminare sermonem, quem Patri loqueris. Hic sta, a longe in angulo! vultum deice! humilia DEO caput! cor ad gemitus, oculos ad fletum compara!... hoc situ, hac mente expecta, donec te introducam. Tu mecum. *Merc.* Anthrope, spera bene! quem amat Filius, odisse non potest Pater.

SCENA IV.

Prodigus.

S Perotrepide. In ipso limine Paternæ domus timor & tremor venerunt super me, ita ut pectus palpitet, & genua collidantur. Heu! male conscia mens sibi quam grave tormentum est!... Sed quæcunque me manet fors, trado me arbitrio Patris: vinciat! flagellet! urat! secet! omnia merui! modo non projiciat me a facie sua! modo in æternum parcat!... VINCE TE, Prodiges, persta! præparandus est animus ad primum alioquium: ruminari Philanthropus jussit, quæ sum dicturus, nempe ut cor verbis respondeat. Et, quid dicam? Universæ vitæ series ante oculos semihî ponit! o tetra imago!... & hanc imaginem ego Patri exhibebo?.. ita, exhibebo! VINCE TE-IPSUM anime, & noxium pudorem vince! Placet humilis confessio. *Male agere* turpe fuit: male acta *confiteri* laudabile erit. Igitur *confitebor*, & admissus in conspectum Patris recogitabo ei omnes annos meos in *amaritudine animæ meæ*! Dicam ei: PATER!... Erro! donec receptus in gratiam fuero, non licet sic appellare! Rectius dicam: *Domine*! aut: *Rex meus*! vel: *DEus meus*!.. Immo habent ista nomina plus terroris, quam spei: nomen *Patris* tenerum affectum movet. Dicam ei: PATER, PECCAVI! & mox a primis pueritiæ annis vitæ meæ historiam retexens, narrabo delicta mea. Horrenda narratio erit! & ego sanctissimas aures meis turpitudinibus contaminabo!... Ah! quæ confusio cooperiet faciem meam?.. Cooperiat! VINCAM MEIPSUM, & loquar adversum me contradictiones: dicam audacter, sed flens dicam: PATER, PECCAVI!... *Uranius a longe auscultans cum Philanthropo*. Audi Davidis vocem: satis est! irruo in amplexum! *Phil.* Tene affectum Pater, nec tibi tuas delicias invide!... *Prod.* PECCAVI, puer, heu! inobediens

diens nimis, & contumax ad Patris imperia. *Tantillus* cum essem, o quoties paternum cor coegi in graves gemitus, secururæ ætatis flagitia præfagientes!.. MEA CULPA! *Uran.* Nova suspiria cies! nam qualem te video? *Phil.* Qualem peccatum fecit! *Prod.* PECCAVI *adolescens*; cum per audaciam nunquam auditam petii portionem substantiæ, pertæsus obedientiam legibus sanctissimis debitam, quas scripseras domui tuæ tuo digito, instar petulci onagri me liberum natum clamitans! O tristis libertas! o fallax verbum! o vera servitus, quam *sub nomine libertatis* appetii! MEA CULPA! *Uran.* Excuso a cæcitate! luiti imprudentiam satis! *Phil.* Miseriæ, quam inter porcos est passus miser, magnitudinem in vultu exuccolegis. *Uran.* Vulnerat paternum cor aspectus lugubris! *Prod.* PECCAVI *juvenis*! & optimam ætatem pessimis studiis consecravi, totum me in has curas effundens, ut *amarem*, & *amarer*! Ah! nullus est amor dignus amore, nisi amare te, Pater mi, & amari a te. *Uran.* Et tu contempsisti amorem meum! *Phil.* Dolet! *Prod.* PECCAVI *in prosperis*! Turpe otium, effusa in impudentiam licentia morum, libertas illoti oris, compotandi, & coludendi effrænisi libido, denique deceptores amici, ac amicæ optimam indolem corruperunt: computrui coram oculis DEi cum intolerabili foetore! MEA MAXIMA CULPA! *Uran.* Bona confessio! *Prod.* Tolerasti me tamen, DEus mi, immo etiam *inter adversa* diu incorrigibilem, tandem correxisti! Misisti Filium, ut reduceres rebellem servum: o bonitas! o dignatio! Vere PECCAVI IN COELUM! iram omnium Coelitum adversum me irritavi!... sed nihil hoc angit: PECCAVI CORAM TE! Pater! CORAM TE! hæc est circumstantia aggravans immane quantum peccantis malitiam! O ut saltem peccaturus inquisivissem angulum, ubi me non videres! Sed (pleste insanam petulantiam Coelum!) CORAM TE, in oculis tuis peccavi Pater! Ite in fletus oculi mei! dignam æternis lacrymis cul-

culpam fletis. *Uran.* Fili, liquefcit animus in miferationis affectum. *Phil.* In gaudium miferatio definet. *Prod.* Et poft tot crimina ego in limine Paternæ domus fubfifto? qua fpe? jam enim, (quis dubitet?) utique JAM NON SUM DIGNUS VOCARI FILIUS TUUS! Sed quid? fi faceres *unum de Mercenariis?* Pater! ... heu! etiam hac gratia non fum dignus! *Uran.* Quo magis indignus, hoc magis es indigus! *Prod.* Sed & ut Patris oculos fubeam, non fum dignus! *quo ibo a facie tua?* ... *Uran.* Hem! fugit! Anthrope, ubi es? *Prod.* Heu Judex vocat! *Uran.* Patrem fugis?

S C E N A V.

Uranius. Philanthropus. Prodigus. Mercenarius.

PRODIGUS rediens a longe. *PATER! Uran. Fili! Prod. Fui Filius! Uran. Recipio! Prod. PECCAVI IN COELUM! ET CORAM TE! Uran. Ignosco! Prod. JAM NON SUM DIGNUS VOCARI FILIUS TUUS! Uranius. Pœnitentia dignum facit! Prod. FAC ME UNUM DE MERCENARIIS TUIS! Uran. Filium volo. Prodigus. Monstrum voca! Uran. Inter Paterna brachia esse cessas. Prod. Peccavi. Uran. Transtuli peccatum tuum! Surge! Prod. Ad hos pedes occide me dolor! Uran. Surge! & mihi vive! Prod. Quoniam ita jubes, vivam ego, sed jam non ego! Uran. Vivat in te Filius meus! Phil. Ego sum vita. Prod. O Philanthrope! tibi me debeo! Phil. Fratres sumus: amemus Patrem! Prod. Amo: da, ut amplius amem! Uran. Dabo. Auferam tibi cor lapideum, & dabo cor carneum, cor molle, cor cereum ad meos nutus. Eja! gaudium sit in univerſa domo super hoc pœnitente! I Mercenarie, promulga vicinix meam lætitiā. Nuntia, quia filius hic meus mortuus fuerat, & revixit, perierat, & inventus est: Uuuu veniant,*

veniant, congratulentur! *Merc.* Ecce avolo! *Prod.* O Amor!
Uran. O gaudium! ah! qualem te video! non ego sic vestivi te!
Prod. O pudor meus! *Uran.* Cessa gemitus! restituiam stolam
primam. *Prod.* Quam turpiter abjeci! *Uran.* Dabo annulum
in manu tua! *Prod.* Catenas merui! *Uran.* Reddam calcea-
menta pedibus tuis! *Prod.* Curram deinceps viam mandatorum
tuorum! *Uran.* Occidam vitulum saginatum: dies festiva erit!
Prod. Dolor, & gaudium, pudor, & amor, audacia, & timor sua-
vitate mirabili cor torquent, & recreant, quid dicam? quid co-
gitem? quid faciam in tam læto tumultu! *Uran.* Initium læti-
tiae est: veni, intra in gaudium Patris tui! *Phil.* Veni, ego
te ducam! *Prod.* O frater! o Pater! o dies jucunda! o hora
felix!

CHORUS

Exhibet gaudia Pœnitentium.

Melancholia. Pœnitentia. Latitia. Pax. Spes.

Melanch. **U**Bique exosa sum, infelix Melancholia! .. *
 Propterea perpetuo vaga per Orbem
 In omnes domos penetro,
 Nullibi habito.
 Vix videor, jam audio convitium:
 Vah! clamant: Furia adest iterum!
 Et tristiore nomine, invento ab Hippocrate,
Ad invidiam compellantes me,
 Abi, inquiunt, abi saga,

Quæ

* Exhibetur domus luctus descripta Eccl. 7. cum titulo: *Beati qui lu-
 gent*, Matth. 5.

Quæ execrabili magia
 Homines in bubones convertis,
 Abi Hypochondria!...
 Si restito, mox inito consilio,
 Alius effuso in me bacchatur massico,
 Alius, tanquam si caput Medusæ viderit,
 Aversa repente facie, ad lufum profilit:
 Alius, ne quidem salute data,
 Inquisiturus socios, se foras proripit,
 Aut, si desit alius, Melampo comite,
 Venatum prodit.
 Denique nemo est, qui me non odit.
 Nec miror: nam omnia turbo gaudia...
 Sed, quid possum aliud? non sum rea:
 Talem voluit *Natura Dominus*,
 Et hæc est indoles mea.

A R I A.

I.

Sic DEus voluit:
 Creavit *æthera*, & voluit,
 Ut sit locus gaudiorum:
 Creavit *tartara*, & voluit,
 Ut sint locus tormentorum:
 In terris gaudia
 Cum fletu miscuit:
 Sic prudens voluit.

2.

Sint *pura* gaudia,
 Et nullum misceat se mellis fel,
 Quis ad cœlum anhelabit?
 Et rursus si non sit in felle mel,

Uuuu 2

Quis

Quis non luctu desperabit?

Divino igitur

Ego consilio

Res Orbis vario,

At fallor? nam quid sibi vult,

Quem lego, titulus?

DOMUS LUCTUS!... Nunquid hic locus
Melancholiæ est proprius?...

Idem loquuntur tristia,

Quæ oculis se objiciunt, * emblemata.

Non me decipio :

Tandem hæc erit mihi stabilis habitatio.

Juvat pulsare, & de incolis interrogare ...

Jo! Nihil erravi : salve Soror charissima!

Pœnit. Vide, ne aliam salutes pro alia.

Nam unde venis? quæ es tu? & quid vis ?

Melanch. Siccine? eccur dissimulas nosse me?

Ego sum Melancholia, & tu es Pœnitentia :

Non bene saluto te sororio nomine?

Pœnit. Pessime : te enim *natura*, me genuit *gratia*,

Et nihil Melancholiæ

Commune est *cum* Pœnitentia.

Melanch. Similis tamen est oris species, similis habitus :

Sed non similis animus,

Pœnit. Et dissimillimæ lacrymæ. Apage! apage!

A R I A.

I.

Meæ lacrymæ

Tanquam gemmantibus

Blanda ex vitibus

* Quatuor Novissima.

In

In vina germinant,
Quæ cor exhilarant :
 Tuæ lacrymæ,
 Ut fluunt gelidæ
 Ex ramis stiriacæ,
In spinas decidunt,
Et spinas pariunt :
 O quam sunt aliæ
 A meis lacrymæ?

2.

Veris lacrymis
Ingens est pretium.
Sanguis sunt cordium :
Offenso Domino
Grata libatio.

Vanis lacrymis
Nullum est pretium :
Putris torrentium
Fons a stagnantibus
Fluit affectibus :
Felix, qui didicit,
Docte quid flere sit!

Melanch. Nihil de his lubet disputare,
Modo liceat tecum saltem pernoctare.

Pœnit. Hem! pertinacia! Sed bene est : *
Liceat! ingredi,
Experire, an placeant Domus incolæ,
An lux, & tenebræ possit cohabitare!
Ecce PAX, SPES, & LÆTITIA
Sunt individuae Comites POENITENTIAE,
Hæ sunt Sorores germanissimæ.

Lætitia. Quam tristem, Soror, adducis hospitem?
Uuuu 3

Pœnit.

* Aperitur domus luctus.

- Pœnit.* Ipsam Tristitiam.
Pax. Næ tu atrociter desipis,
 Nisi ocyus hinc abigis Furiam ?
Pœnit. Ejecta ex impiorum domibus
 Petiit diversorium meis in ædibus.
Pax. Intra si pedem posuerit profuga,
 PAX exibit,
Spes. Et cum pace LÆTITIA,
 Ac SPES abibit.
Latitia. Unde fugit stolidi, redeat.
 In domo convivii, in hortis, in prostibulis,
 In lectis eburneis, in arcibus, in teloniis
 Reperiet, ubi habitet, & unde se nutriat.
Pœnit. Audisti sententiam ?

T R I O.

Pax, Spes, Latitia.
 Abi! abi! quid juvat morari?
 In loco jam scopis mundato,
 Ornato, Luc. 11.
 Et DEO sacrato,
 Vanæ tristitiæ locus non est,
 Abi! abi! cum DEO versari,
 Est Cælum in terris habere:
 Moerere,
 Pueriliter flere
 Notus Cælitibus actus non est.

- Pœnit.* Abi!... Nos abrupta festivæ diei gaudia,
 Et coepta prosequamur sacræ lætitiæ cantica.
Latitia. Immo sociæ (nam incipio ambigere)
 Quid? si delusæ a specie,
 Falsæ pro vera adhæremus Poenitentiae ?

Pœnit.

- Pœnit.* Heu me !...
Spes. Non est inanis suspicio.
Certe vera Pœnitentia
Nunquam est familiaris tristitiæ.
Pœnit. Vah !... & nondum abis Tisiphone !
Jam enim tua lue
Coepisti hanc domum inficere !
Pax. Consulendum est oraculum :
Fiat Sacrificium !
Pœnit. Factum est :
Sacrificium Deo Spiritus contribulatus :
Cor contritum ,
Et humiliatum DEUS non despicias ! Pl. 50.
Lætitia. Cor video, contritionem non video :
Testimonium petimus
Ex Propitiatorio. Num. 7.
Pœnit. Ergo

A R I E T T A.

In cineres, in cineres
Rebelle cor redigere !
Holocaustum exhibe
Offenso Numini !
Miserere Domine ,
Ignem Cœlo deplue !
Dixisti : *Beati, qui lugent*, Matt. 5.
Ex Manna dulcedinem sugent ,
Responde supplici :
Veniam an merui?... :

- Lætitia.* Jo ! * Cœlum vota approbat !
Pax. Cor cœlicus ignis devorat !

Spes.

* Ignis de Cœlo cor accendit, & inaurat.

- Spes.* Immo purgata scoria,
Et in aureum vertit ex carneo!
- Om. tres.* *Soror nostra es:*
Cordis versio est vera conversio!
Vive Pœnitentia!
Cresce in mille millia! Gen. 24.
- Pœnit.* Te Deum laudamus!

Ariose.

- Pœnitentia. Lætitia. Spes. Pax.*
Jubilemus! geminemus
Psalmos, laudes, cantica!
Digna est, quam prædicemus,
Numinis Clementia!
- Let. Spes. Pax.* Vive Soror, DEO chara,
Procul sit Tristitia!
Dulcis est, dum est amara,
Vera Pœnitentia.
- Omnes quat.* Jubilemus! geminemus
Psalmos, laudes, cantica!
Mutuum in foedus stemus:
Jubet amicitia.
- Pœnitentia.* Nunquam posthac huc intrabit
(Spondeo) Tristitia!
- Let. Spes. Pax.* Semper tecum habitabit
Spes, Pax, & Lætitia.
- Melanch.* Quid vidi? quid audiui? Errant,
Gravissime errant, qui judicant,
Quod Pœnitentia sit virtus Melancholica.
Ah! omnem tristitiam
Cœlestia pellunt solatia.

Unde

Unde veni ad impios redeo.
Ibi, si non conceditur habitatio,
Saltem hospitium semper invenio.

A R I A.

1.

Felices animæ
Quæ Solis æmulæ
Serenis semper oculis
Infra vos despicitis
Procellosis grvida
Officinis nubila!
Minacias
Nunquam tacturas vos
Securæ spernitis.

2.

Intus qui malus est,
Is vere miser est.
Quid splendidum palatium
Juvare potest Dominum,
Quem lecto febris arida,
Aut dira fixit podagra?
De gremio,
Si vis, ne vexem te,
Serpentem excute!

MEDITATIONIS IV.

De Filio Prodigio
in Amplexu paterno
PUNCTUM I.*Filii Felicitas.*

SCENA I.

Adelphus. Mercenarius.

Adelphus. **E**T ne exprobravit quidem crimina sua perditio adolescenti Pater ad salubrem pudorem? *Merc.* Nullo verbo : sed sic exceptit reducem , velut si habuisset fidelem semper , & obedientem ad nutum , immo si mavis , tanquam de se optime meritum. Restitui jussit stollam primam : vestem ipse mutavit : idem ut nos faceremus , voluit : atque ut esset festiva dies , toti vicinæ imperavit.

Adelph. Testes sunt aures meæ. Convivii apparatus , tumultus discursantium , symphonia , chorus , jubili , sic longe lateque personant , ut si filius Uranii unicus iterum resurrexisset a mortuis. *Merc.* Vera est comparatio : & Philanthropus eodem cum Patre gaudio gaudens in Prodigio revixisse se prædicat , etiam non nihil offensus , quod tu non occurreris gratulatum , sicut monueram *Adelph.* Macti animo peccatores ! Felices non scelera faciunt ! *Merc.* Non scelera quidem , sed poenitentia facit. O si fuisses spectator singultuum , quibus plangebat pectus frater , commotus & ipse ad miserationem fuisses. Ibi stabat in angulo tremens , atque *in spiritu contribulato* tribulatione amara percutiens male conscium cor ,
cum

cum gemitu miserabili, pueritiæ, adolescentiæ, & juventutis suæ delicta revocata ad calculum cœlo lamentabatur. Auditores mecum Uranius, ac Philanthropus a longe fuerunt. Explicare non possum, quanta cum lætitia hanc confessionem uterque audierit. Denique non se tenuit Pater, quin prosiliret de latebris, irruensque in collum attoniti Anthropi arctissimo amplexu stringeret felicem peccatorem, cui dulcedo paterni osculi prope vocem oppressit, sic, ut, nisi truncata verba, & abruptos affectus loqui non posset. *Adelph.* Tu vero loqueris multa nimis. Mihi ista gaudia lacrymas cient! Sic? Misericordiæ omnia, Justitiæ detur nihil! *Merc.* Sic? & tu credis, *Adelphe*, quod iste gemitus Uranio placeat?

S C E N A II.

Adelphus. Uranius. Mercenarius.

Uranius. Quid agis, Fili? Tota familia exultat mihi, & gratulatur: tu solus a festo aberis? *Adelph.* Quid agis Pater? (ignoscas enim, si loquar audacius, quod amor jubet) Zelus, quo ardet pectus ingloriosam tibi ultionem læsæ ab Anthrope tuæ Majestatis, ægre patiebatur decretum recipiendi hominem tot scelerum reum in gratiam tuam: nunc insuper festum imperas, quasi ex reditu Prodigii beneficium acciperes, & felicitati tuæ immensum incrementum accederet. Obsecro: non hoc est invitare homines ad audacter peccandum? certe innocentes frigidius amare videris, quam peccatores. Ego tot annis servio tibi, & nunquam mandatum tutum præterivi: & nunquam dedisti mihi hædum, ut cum amicis meis epularer. Sed postquam filius tuus hic, qui devoravit substantiam suam cum meretricibus, venit, occidisti ei vitulum saginatum, Luc. 15. Et (nam repetere dolor cogit, quod jam dixi) & tanquam si novum regnum accessisset imperio tuo, sic triumphas, & plaudis. *Uran.* Fili, tu semper mecum es, & omnia mea tua sunt: epulari autem, & gaudere oportet.

X x x x 2

oportebat, quia frater tuus hic mortuus erat, & revixit: perierat, & inventus est! ibid. Curre tu, & evoca juvenem, ut post Patrem reconciliet se fratri, ac scandala deprecetur. *Merc.* Libenter faciet, ut gaudium plenum sit. *Adelph.* Non est materia digna gaudio vilis homulus ex hara redux ad aulam Patris, quam petulanter contempserat. Pater! amoris excessus quo te abripiat, vide. Cum in Bethlehem nasceretur Philanthropus, Filius, in quo infinite complaces tibi, evangelizari gaudium quibus imperasti? pauculis pastoribus denique, rusticis, egenis, de plebe: hodie vero *super uno Pœnitente* festum toti cœlo promulgatur! Quid ageres, si tota Asia, aut universa America reduceretur ad te! Quis est igitur iste homo, quia reputas eum, & apponis erga eum cor tuum? Psal. 143. Quis per totum Orbem vel cogitat de hoc prodigio, nisi forte cum execratione, & nausea? plerique nesciunt quidem, quod vivat, & partem aliquam in rerum natura habeat. Tunc, cum submerso Pharaone prostravisti Ægyptum, tunc ex gloriæ tuæ longe lateque ad terrorem sancti Nominis tui propagatæ incremento, merito *montes exultaverunt ut arietes, & colles sicut agni ovium*, Psal. 113. At hodie quæ est digna tanto applausu victoria? Pater, non loquitur invidia, sed zelus pro tuo honore, quem tanta bonitas plane pessumdat. *Uran.* Hoc vero absit: nam ego sum *DEus zelotes*, Exod. 34. & gloriam meam alteri non dabo. Gaudere oportet, quia Sathanæ ereptus est homo. qui tanti sit mihi, ex pretio, quo redemptus est, intelligis satis: Pater sum. Verum tu erras, si credis, quod quem recipio cum gaudio, recipiam *sine pœna*. Absit! crede mihi, nemo peccavit, aut peccabit impune. Immo (vide, quo in pretio mihi sis!) ne Patrius amor, quantum misericordiæ tribuit, tantum laudi justitiæ detrahat; ideo exivi ad te, & Judicem Anthropi te constituo. Cognosce causam: pronuntia sententiam: exhibe virum dignum tanta dignitate, quanta est Vice-Dei persona. Nihil metue, ne quemquam per prudentem

dentem rigorem offendens, gaudium aulae turbes. Ipse Prodigus, SI VERUS EST POENITENS, subiciet felibens tibi, tuæque sententiæ acquiescet gaudens, & festi lætitiâ per fervorem poenitentiae cumulabit. Accipe computum sumptuum, quos profudit imprudens. Quam attulisti a Sathana, reddo schedam, ut ex illa processum formes. Addo potestatis insignia: * *quæcunque solveris, soluta erunt, & quæcunque ligaveris, ligata sunt!* Matth. 16. Neque ut lacrymæ ad mollitiem te moveant, velim. Videre flentem Anthropum lætitiâ est, & *lacrymæ poenitentium sunt vinum Angelorum.* *Adelph.* Sic agis ex gloriæ tuæ rationibus, Pater mi, & misericordiæ temperanter indulges. Officio fungar, ut decet hominem Divino honori sacrum. *Uran.* Memento tamen, hominem de homine judicare. Ita forma judicii non modica pars festi erit.

S C E N A III.

Adelphus. Prodigus Mercenarius.

Adelphus. **R**ecordabor. Nunc respiro: nec enim me *Judice*, Prodigus unquam major erit in regno cælorum, aut sedem supra innocentes habebit. Adest. *Prod.* Io frater charissime! gratulare mihi!... *Adelph.* Procul amplexu abstinere! Nec enim fratrem vides, sed Judicem tuum. Potestatem delegatam ab Uranio reverere. *Prod.* Heu! tonitru grave! Nunquid amice, in gratiam recepit me Pater? reddidit stolam primam? filium nominavit? Quo crimine merui novam iram? *Adelph.* Culpam condonavit misericordia: poenam adhuc justitia exigit: ego dictare jubeor: vides insignia? *Prod.* Ex osculo submisso genu! *Merc.* O cælum! quæ scena erit? *Adelph.* Cui adesse non decet te. Cede loco! Secretum tribunal tenco. *Merc.* Infelix Prodiges! Metuo rigorem hominis: & ne repente felicitas tua in novam miseriam desinat! *Prod.* Ego vero si

Xxxx 3

culpa

* Dat claves.

culpa remissa est, miser esse non possum : pœnam non deprecor, sed te laudo Pater ! novum argumentum amoris est JUDEX FRATER ! Væ mihi, si alienum, si inimicum dedisses ! *Adelph.* Equidem inimicus non sum : verum tamen ad vindicandas magni DEi injurias non decet esse lenem, aut muliebriter misereri. *Prod.* Places, Adelphe, places. Rigidum ego Judicem sicut merui, ita opto. Eja ! exsuscita iram sanctam adversum peccata mea, & quanta polles, tanta utere potestate in pœnas criminum ! Absit omnis miseratio ! Ad vigiliis, ad jejunia, ad flagra, ad labores, ad lacrymas condemna me : omnis pœnitentia levis est, omne supplicium meritis minus. Etiam inter gaudia torquet animum amarus dolor de offenso DEo, *dolor vindictæ cupidus*, qua pœnitentiæ seria voluntas probetur Numini : vindica ! *Adelph.* Ipse videris irasci tibi. Fervorem laudo : cura, ut sibi constet. Inspice schedam hanc. *Prod.* O aspectus horrendus !... *O vita, nunquid vita*, DEus mi, nunquid vita, & non potius perpetua mors, putredo, foetor ! *Adelph.* Confitere ! nihil supra verum legis exarasse hic Sathanam ? *Prod.* Immo circumstantias aggravantes o quam multas omisit ! *Adelph.* Et tot modis peccasti ? *Prod.* Nullum est genus, nulla species flagitii, cujus reus non sim. *Adelph.* Et toties ? *Prod.* Ah ! quis numeret numerum ? metiri non per numeros, sed per modios est necesse. *Adelph.* Neque habes, unde excuses te ? forte Mundus exemplis rapuit ? *Prod.* Homo, non truncus, vivens homo, non cadaver eram : debui contra torrentem niti. *Adelph.* Forte infirmitas carnis prostravit ? *Prod.* Petulantiam, proterviam, impudentiam, libidinem voca ! Poterant alii SEIPSOS VINCERE, & coercere intra septa Decalogi naturæ corruptæ impetus : cur ego non poteram ? *Adelph.* Forte Sathanas vi, aut fraude præcipitavit in vitium ? *Prod.* Eheu ! ultro in præcipitia cucurri : & volvi deorsum voluptas fuit. *Adelph.* At pœnitet tandem ? *Prod. & filius.* Ah ! tandem ! Maledicta sit illa hora, qua discessi a Patre amens !
Adelph.

Adelpb. Sincera confessio fuit : serius dolor est ? *Prod.* Dolor æternus erit. O si factum infectum fieri posset, quid facere, quid pati vellem ? Age, pronuntia sententiam acerbam : damna me ad transtra, ad catastas, ad crucem ! INFERNUM MERUI ! nihil supra meritum pati possum. *Adelpb.* Moves animum, frater ! doloris tui vehementia prope cogit compati tibi. *Prod.* Cave, ne facias, frater ! Recordare, quod Judex sis, & officio fungere. Satisfacere justitiæ cupio cum rigore. *Adelpb.* Æquitas postulat, cujus causa fratris nomen attendere esset Juri Divino derogare. Itaque compara animum ad poenam delictis dignam ferendam fortiter. Discussa causa est : habeo fatentem reum : excusatio nulla suppetit. Quod igitur ad supremæ Majestatis gravissime offensæ satisfactionem ex lege justitiæ feliciter cedat, atque ad salutarem mortuum horrorem, ne per temerariam spem audacius peccent, efficaciter serviat : potestate a cæli Domino mihi ad hoc judicium demandata Ego TE CONDEMNO, ut FILII JURE, quo olim gaudebas, & quod, cum perdidisses, Misericordia hodie nimis liberaliter reddidit, æternum exutus, SORTEQUE MERCENARIi contentus vivas. *Prod.* Heu ! ferele tonitru ad mortem ferit ! *

S C E N A IV.

Philanthrophus. Prodigus. Adelpbus.

Philanthropus. PRÔ coelum, quid video ! Vive mi Anthrope ! ecce in brachiis amantis jaces ! *Prod.* O amor mi ! *Phil.* Respira, & noli timere ! remissa sunt tibi peccata tua ! Matth. 9. Frater meus es ! *Prod.* Immo satisfiat justitiæ : Sim unus de Mercenariis tuis ! satis pro peccatore sum felix. *Phil.* At pro meo amore non satis. *Adelpb.* Domine, vide, ne ames nimium. *Phil.* Quid ? non Pater Prodigum recepit in Filium, & tu obstrepsis ? *Adelpb.* Pater recipit, Judex non recipit. Condonata est reo pœna æterni ignis : acquiescat Mi-

scri-

* In deliquium concidit.

fericordia: cætera Justitiæ dentur. *Phil.* Adelphæ, talem sententiam contra te velles ab alio ferri? *Adelph.* Honor Patris, quem utique supra Anthropum amas, sic postulabat. Aut quid? non æquum est, ut innocentium præ pœnitentibus prærogativa sit major? *Prod.* Æquum est, Domine! & quamquam gravissime doleo de jactura tanti Boni, quantum est *in jure filii*, tamen, obsecro, ne obliſtas sententiæ; vel inter Mercenarios si toleras, infinita miseratio est. Sine, ut exuam istam vestem tam male aptatam reo! *Tunica pellicea*, quæ me tegat, sufficiet: serviens tibi comedam *in sudore vultus mei* panem meum, donec in pulverem corpus, & anima in nihilum rediens holocaustum justitiæ fiat. *Phil.* Laudo heroice pœnitentis affectum: sed uterque erratis. Jus Filii neque innocentia tua, neque tua pœnitentia meretur: ego ambobus merui. Age Adelphæ, huc conjice oculos!* *In forma servi* sic pro ambobus laboravi: hæc pro utroque sum passus; ut ex meis meritis sicut innocentia, sic pœnitentia pretium facerem apud Patrem: *Amice*, num feci injuriam tibi? habe, quod *innocentibus* merui, jus hæreditatis. Volui autem idem jus mereri pœnitentibus etiam: quid contradicis? *Non licet mihi, quod volo facere? an oculus tuus nequam est; quia ego bonus sum?* Matth. 20. Metue tibi, neque nimium in innocentia complace! Veniet dies, cum erunt *novissimi primi*, & *primi novissimi*, tepidaque innocentia fervida pœnitentia postponetur. *Adelph.* O Superi! video, quo me abripuerit imprudens Zelus. Da veniam, Domine, æmulationi *non secundum scientiam* æmulanti! *Phil.* Immo judicet Pater inter me, & te!. ** Pater, ex Adelphi judicio nondum satisfactum justitiæ pro Anthrope fuit. Condemnor ad novos labores, ad nova flagra, ad novam crucem: & subscribo sententiæ. Auferte paludamentum gloriæ: rursus induam formam servi, & inter Mercenarios famulabor pro Anthrope tibi! Vale. mi Anthrope, & fruire Patris gratia! cave, ne rursus excidas!

SCE-

* Exhibentur insignia Passionis Dominicæ. ** Prodit Uranius.

S C E N A Ultima.

Persona omnes.

Uranus. Quam tristis Scena hujus diei lætitiā temerat !
Adelph. Vivat frater!... Pater, ego peccavi seve-
 rus Judex adversus fratrem! Ah! quo me vertam? Anthrope,
 te damnavi! Philanthrope, tuum amorem non æstimavi! Pa-
 ter tuam misericordiam accusavi! omnibus reus sum! vertite
 in me iram, & aula pellite! *Prod.* Justa in me sententia fuit.
 Philanthrope, absit, ut rursus abeas in mortem tu! Heu! se-
 mel occidi! iterum occidam? Tormenta omnia, quæ passus es tu
 pro me, expedite in me ministri justitiæ! & tu me suscipe S. Crux!
 huc affigar trabalibus clavis, ne avellar iterum a DEo JESU meo
 in hac ara hostia fiam pro peccato! *Adelph.* Tu probasti poenit-
 entiam ferventem Frater; nunc ego TE ABSOLVO, & me con-
 demno! æquius judicium probate Domini. *Phil.* Qui seipsum
 judicat, non judicatur: sic places. *Uran.* Æmulo te decepit,
 Adelphe! Satisfactum abunde fuisse justitiæ, hic vides, o bone!
 Igitur *potestate ligandi*, qua polles, in illos utere, qui se partici-
 pes reddere thesauri negligunt; quem Filius offert: veris poeni-
 tentibus *potestas solvendi* faveat. Posthac æmulamini charis-
 mata meliora! & poenitentem innocens, innocentem poenitens
 amoris studio erga nos contendat superare. *Phil.* Ita, hæc pugna
 placet. *Prod.* Hanc pugnabimus strenue! *Adelph.* In hac felix
 victor, & victus erit. *Uran.* Vires ad pugnam ab epulis capite,
 quas meus Filius paravit vobis. *Merc.* Ecce aula se aperit: stra-
 ta est mensa: vocata vicinia: tota domus in jubilis. *Uran.* Fe-
 stum agamus diem! * *Adelph.* *Prod.* Manhu! quid est hoc?
Phil. Panem Angelorum manducabit homo: *Comedite amici, &*
bibite, & inebriamini charissimi! Cant. 5. *Uran.* Et tu, Fili mi;
 præprimis gaude! Ecce omnium iniquitatum, quas operatus es, non

Yyyy

recor-

* Descendit ex nubibus mensa strata pro Cœna magna: & aperitur
 aula jubilans.

recordabor! Ez. 18. *Eat in cineres apocha, debitorum testis, quæ contraxisti!* *Prod.* O Pater! o amor! & quid retribuam? *Uran.* Calicem Salutaris accipe. Ecce sacrum Convivium, in quo Christus sumitur poenitentium non Judex, sed Salvator. *Prod.* Anima Christi sanctifica me! Esto anima animæ meæ, ut placeam tibi! Corpus Christi salva me, ne sine fructu sis occisum pro me! Sanguis Christi inebria me, ut plenus Deo posthac nihil humile volvam animo! Aqua Lateris Christi lava me, ut nihil hæreat cordi, quod displiceat tibi. *Phil.* Ecce Convivium, in quo recolitur memoria Passionis meæ! cave, ne renoves! *Prod.* Passio Christi conforta me hominem imbellem, & cui vis tentationi succumbentem. O bone Jēsu, exaudi me tibi supplicem, & a te uno sperantem auxilium in negotiis, in periculis, in miseriis. *Phil.* Confide: ecce Convivium, in quo non corpus epulis, sed mens impletur gratia. *Prod.* Gratiis opus est. Intra vulnera tua absconde me contra insidias Mundi! ne permittas me separari a te per blanditias carnis! ab hoste maligno defende me, ne vincar in adversis, & in hora mortis meæ voca me, ne deficiam in angustiis. *Uran.* Nihil metue: nam quoniam accedis vestitus veste nuptiali, non manducas judicium tibi, sed ecce Convivium, in quo futuræ gloriæ pignus datur. Spera bene! Qui se nascens dedit socium, & moriens in pretium: dum se convalescens dat in edulium, promittit, quod se regnans sit daturus in præmium. *Prod.* O promissio! o gratia! o adsit cito beata hora, qua jubebis me venire ad te, ut cum Sanctis tuis laudem te! *Uran.* Aderit hora! venies! cum Sanctis meis laudabis me! *Prod.* Cum Sanctis peccator! *Uran.* Peccator poenitens. *Prod.* O felix poenitentia! & pro tot gratiis quid a me exigitur? *Uran.* *Phil.* Amantes ama! *Prod.* O dulce imperium! & hoc est fatis? *Uran.* Satis. Eja vos omnes mei, in jubilos, & plausus ite!

O. A. M. D. G.

PRÆ-

PRÆCEPTUM AMORIS,

ARGUMENTUM
QUINQUE MEDITATIONUM
ANNI M. DCC. XLVII.

MEDITATIO I.

Diliges Dominum DEum tuum. *Marc. 12.*
S. FRANCISCUS SERAPHICUS.

ARGUMENTUM.

Per quinque gradus Augustinus (cujus Conversionem *pro Idea* perfectæ conversionis jam olim statuimus) factus est ex magno peccatore SANCTUS, & MAGNUS, & CITO. Primum nempe pro gratia veræ poenitentiae ferventer *oravit*: deinde ex aspectu vitæ male actæ graviter seipsum *exhorruit*: mox ab imminentibus salutis periculis abreptus est *in timorem*: postea *duce sancta spe* cum Filio prodigo rediit ad Patrem, in cujus amplexu denique facta est CORDIS VERSIO admiranda *per amorem* tam efficacem, ut deinceps Augustinum in Augustino nemo amplius reperisset. Eandem viam huc usque nos ivimus, & postquam per quatuor Annorum Meditationes quatuor priores passus confecimus, hoc Anno accingimur

mur ad quintum, totam Quadragesimam uni PRÆCEPTO AMORIS, quod primum & maximum est, considerando sacraturi. *Verba* Præcepti ex Marci c. 12. sunt: DILIGE DOMINUM DEUM TUUM EX TOTO CORDE TUO, ET EX TOTA ANIMA TUA, ET EX TOTA MENTE TUA, ET EX TOTA VIRTUTE TUA! *Verborum sensus* erit Meditationum *materia*, ita, ut in prima expensuri simus Amoris *causas*, in altera *naturam*, in reliquis *effectus*, ac *gradus*: sive (quod idem est) priores duas *de affectivo*, tres posteriores *de effectivo* Amore instituemus; uterque enim præceptus est, uterque, ut satisfaciatur, coniungendus, eo quod affectivus sine effectivo sit *fallax*, & effectivus sine affectivo *languescat*. Itaque in hac Quadragesima, DD. Sodales, tempus nostrum TEMPUS AMORUM erit: labor omnis *artem amandi* discere, in qua ut proficiamus facilius, in cujuslibet Meditationis Præludio comparebit ARTIS MAGISTER Christus ex *Calhedra Crucis* docens, & non tam verbo, quam exemplo clamans *voce magna*: SIC DEUS DILEXIT: *exemplum dedi vobis*: SIC HOMO DILIGAT! Argumento suavissimo, utilissimo, unice necessario. Eja! parate avidos oculos, promptas aures, corda ardentia desideriiis piis! Etiam in arte amandi primus gradus solidi profectus est, *velle proficere*. Incipiamus.

Hodierna Meditatio prima Præcepti verba versabit: DILIGES DOMINUM DEUM TUUM! verba, quorum contemplatio S. Franciscum Assisiatem in Seraphinum mutavit, cum paullo ante Festum S. Michaëlis in montibus Alvernæ incensissimo spiritu identidem exclamaret: *DEUS meus, & omnia! DEUS meus, & omnia!* eritque adeo hujus Meditationis

Materia: Exclamatio S. Francisci Seraphici:

1. DEUS meus!

Puncta duo:

2. Et omnia!

Fructus:

Altissimus de DEO conceptus, & appretiatio.

Propo-

Propositum : Cum aut cupido placendi, aut metus displicendi homini nos ad peccatum incitabit, utemur tessera S. Michaëlis ad robur animi sustentandum aptissima : **QUIS UT DEUS ?**

P E R S O N Æ.

S. Franciscus Seraphicus.

Frater Agidius Socius ei charissimus simplex.

Moronus latro in iisdem montibus a Francisco conversus, uti ejus vita apud P. Croiset S. J. testatur.

Comes Orlandus de Catana, qui Sancto inter montes Alvernæ Monasterium edificavit.

Landinus Orlandi Cubicularius contemplationis uti imperitus, ita contemptor, ideoque Francisci derisor.

P R O L O G U S.

Rationi Præceptum Amoris intelligere cupienti Fides Doctorem optimum in Cathedra Crucis exhibet.

Fides. Ratio.

Ratio.

Sillete Semini-verbii:...*

Circa questiones, & pugna verborum

Obtunditis aures, atque animum!

Porro unum est necessarium : Luc. 10.

DILIGES DOMINUM DEUM TUUM!

(Sic lego in lege) **

DILIGES EX TOTO CORDE TUO!...quirit.

DILIGES EX TOTA ANIMA TUA!...

DILIGES EX TOTA MENTE TUA!...

Yyyy 3

ET

* Abjicit libros complures cum impatientia. ** Legit ex Bibliis.

Theatrum Bibliothecam refert, in qua Ratio interpretes Præcepti Amoris, qui satisfaciunt frustra requirit.

ET DILIGES EX TOTA VIRTUTE TUA!
 Hoc est præceptum PRIMUM!
 Præceptum MAXIMUM :
 Hoc, o boni , * docete me observare,
 Cætera impune omnia licebit ignorare.

A R I A.

Hem! quanta librorum farrago!
 In tantis quid quæro? quid ago?...
 Doctrinarum omnium
Verbum est compendium
 Docear AMARE!
 Ars artium ars est Amoris :
 Docete (est munus Doctoris)
 Quæ sint artis *regule*,
 Unde profecturam me
 Liceat sperare?
 Docear AMARE!

Fides. Jo! placent pia desideria!... **
 Salve Soror charissima!
Ratio. Video occupatam, & *turbatam erga plurima.*
 Cum Pater optimus *Prodigam* recepit in gratiam,
 Iussit me, diligere se.
 Igitur jam
 Tempus meum, o Soror,
 Est *tempus Amorum*, Ezech. 12.
 Adeoque *tempus turbarum*, & *tempus curarum*,
 Donec inveniam, qui *ad regulam*
 Suavissimos motus amantis animæ
 Docuerit componere.

Fides.

* Ad Auctores librorum. ** Seorsim.

Fides. *Amanti longa nimis via est per præcepta,*
Brevior per exempla. Omitte cætera,
*Huc oculos conjice: hic liber docebit omnia.**
Ratio. *Heu! Amor meus Crucifixus est! ..*
Fides. *Ecce : qui jussit amari se,*
Ipse prior amavit te,
Et amavit EX TOTO CORDE SUO!...:
Amavit EX TOTA ANIMA SUA! ..
Amavit EX TOTA MENTE SUA! ..
Amavit EX TOTA VIRTUTE SUA!..
Exemplum dedit : sequere!
SIC HOMINEM DEUS DILEXIT :
SIC HOMO DEUM DILIGE !

A R I A.

1.

Coelum , terra, obstupefce!
Inferi tremiscite !
DEus, (homo exhorresce!)
Potuit diligere,
Et dilexit (Crux est testis)
TOTO SE dilexit te! ... :
Redamantes! ... ubi estis?...:
Eja! SIC diligite.

2.

SIC amare docet DEus :
Vide, clamat, vide me!
Unus est affectus meus :
TOTO CORDE amo te!
Nihil SUPRA est, quod amo,
Nihil amo PRÆTER TE!
Et te SINE MODO amo!
En amoris Regula.

* Exhibitio.

Ratio,

Ratio.

Enimvero intelligo ,
 Et bona est interpretatio :
 Amor meus, amabo te,
 SICUT tu amasti me!...
 DEum *toto corde* diligere,
 Est, nihil diligere *supra DEum*,
 Nihil diligere *præter DEum*,
 DEum autem *sine modo* diligere....
 Sufficit: quod volebam, didici,
 Et continuo ad pedes Domini
 Cum Magdalena incipiam exequi.

Fides.

Laudo consilium :
 Non est *Schola Amoris* aptior,
 Non Magister peritior.*
 Eja! huc festinate,
 Quotquot amare prudenter, & sapide
 Cupitis perdiscere.

A R I A.

1.

Invito ad Scholam Amoris:
 Discite amare!
 Res plena est iusti doloris
 Artem ignorare,
 Cujus defectus
 Pravos affectus
 In cordibus facit regnare:
 Discite amare.

2.

Plerique amantes amentes!
 Nobilem in vano

• Clauditur.

Affectum

Affectum objecto figentes
 Impetu non sano
 Agunt, aguntur,
 Furunt, rumpuntur!
 Vis scire, cur vivant amare!
 Nesciunt amare.

MEDITATIONIS I.

De S. Francisco Seraphico,
 PUNCTUM I.

DEUS MEUS.

SCENA I.

Franciscus. Ægidius.

Franc. ÆGidi Frater! æstuat pectus hodie ardentius solito,
 sic, ut vita in fastidio, mors in desiderio sit: beata
 mors, quæ me Dilecto conjungat meo! O DEUS, quis ut tu,
in te? .. O DEUS, quis ut tu *erga me?* ... *Ægid.* Tangis gemitum
 punctum, Pater, momenti summi. Quid sit DEUS *in se*, &
 quis *erga me*: Ah! si intelligam bene, fieri poterit, ut Amor frigeat?
Franc. DEUS MEUS, jussisti, ut amem te: da, quod jubes!
 da ut toto corde, tota anima, tota mente, totis viribus amem!
 ... O vere præceptum *maximum*, quia solius DEI. Ægidii,
 Reges nostri præcipere, *ut obediamus*, possunt: *ut amemus*,
 cupere, & mereri possunt; jubere non possunt: Solius DEI est
 amari velle non solum *titulo meriti*, sed etiam *titulo præcepti*. So-
 lus

Zzzz

lus DEUS est cordium Dominus. *Ægid.* Sequitur, quod sicut ex pluribus titulis crescit amandi obligatio, ita crescere debeat satisfaciendi sollicitudo. *Franc.* Et quidem sollicitudo satisfaciendi cum perfectione! Amor DEI non modo præceptus est, sed & *Finis* omnium præceptorum, ita ut cætera præcepta omnia sint *mera media*, quorum adminiculo præceptum Amoris certius, facilius, perfectius impleatur. *Ægid.* Paucissimi, credo, hanc doctrinam intelligunt: plerosque ut servant Decalogum, *timor*, non amor impellit. *Franc.* Idem timor, ut servant *ex Amore*, impellit! nam nisi *ex amore* servant, utique præceptum primum, & maximum non servant: unde erit salutis spes? Frater mi, & si tradidero corpus meum, ita ut ardeam, charitatem autem non habuerō, nihil sum! 1. Cor. 13. Itaque hic ordo est in via gratiæ: *Timor* trahit in rectam semitam: *Obedientia* comitatur: *Charitas* excipit, & *veste nuptiali* induit animam, sine qua nemo in cœna magna comparet impune. *Ægid.* Quasi diceret: *initium* Sapientiæ timor est, obedientia *medium*, charitas *finis*, ita, ut neque timor, neque obedientia DEO placeat, nisi quæ exercetur, vel QUIA Charitas imperat, vel UT Charitas reviviscat, nutriatur, aut crescat. *Franc.* Recte percepisti, quod volo. Vides, quanta sit Amoris *necessitas*, utique maxima, quia præcepti maximi. *Æquitas*, honestas, utilitas, jucunditas ut pensentur, non est opus ingenio. Amorem sui certe omne bonum velut suo jure sibi exigit; igitur ut bonum majus ametur plus, & bonum summum ametur summe, quid est *æquius*? Deinde amare, est ei, quem amas, cor donare, quod Amoris est sedes. Porro DEI est cor nostrum *Jure effectiōis*, quia pro se creavit: *Jure emptionis*, quia pretio magno redemit: *Jure donationis*, quia libera voluntate, quam infantes in baptismo juravimus, confirmavimus adulti servitutis obligationem: quid est *honestius*, quam quot nominibus DEI est, DEO reddere? Facimus, quod Justitia postulat, & vera Sapientia summis laudibus commendat. *Accedit utili-*

utilitas, quippe omnia bona veniunt animæ pariter cum *Amore*. Diligentes se diligit DEUS, & nunquam est sterilis illius dilectio, qui etiam *super odientes se* Solem oriri facit. Et *Jucunditas* quanta est Charitatis! Dulcescunt ipsæ molestiæ: nescit Amor, quid jugum, quid labor, quid dolor sit. *Ægid.* Nihil ergo Amoris exercitium nisi *difficultas* sufflaminat. *Franc.* Difficultas? mi Frater! quanto igitur tempore, quantis sumptibus, quanto labore, ut ames, est opus? *Ægid.* Nullo utique: sed nimirum qui sensibus ducimur, non facile *objecto invisibili* Amorem affigimus abstrahendum *per vim* ab objectis, quæ oculos feriunt. *Franc.* Assentire *Ægidio*, si *merum animale* essem. Nunc, DEO sint laudes! pars mei præcipua *Spiritus* est, Spiritus non cæcus sane, sed qui oculos habet ab oculis animalis diversos: his oculis coelos pervideo, & Divinitatem intueor, quasi per speculum quidem, & in ænigmate, sic tamen, ut ipsa caligo admirabili luce resplendeat. In hac caligine *RATIO*, & *FIDES* DEum meum mihi exhibent; video invisibilem, video, & admiror, & amo, & laudo, & amplector, & teneo illum, & in illo deficio! *Ægid.* Tibi, Pater, hæc facilia sunt, quippe qui Aquila magnarum alarum es, quibus usque ad inspectionem Divini Solis te evehis. Sed simplex Fraterculus, qui instar cochleæ humi repit, trahens cor in terra, quomodo se attollet? *Franc.* Mendax ignavia mentitur te talem tibi. Qui præceptum Amoris promiscue omnibus promulgavit, omnibus necessarias alas ad volatum, & oculos ad sui aspectum dedit: *in usu* differentia est: *ad usum* te excita. Eja! volumus simul! *Ægid.* Trahe me! *Franc.* Hic sta!.. brachia in Crucem forma!.. oculos cœlo fige!.. jam dimitte corpus, & spiritum colloca pone ad Thronum DEi!.. descende iterum, & in abyſso tui nihili submergete!.. inde fide viva clamore interno de profundis clama: DEUS MEUS!.. habes verbum breve, sed sensum gravem, qui tuæ contemplationis materia sit. DEUS vox est, cui respondens Idea *Amorem estimationis*

mationis: MEUS vox est, cujus ruminatio *Amorem tenerrima affectionis* exsuscitat. DEUS in SE quis est? quis non est? intue-
re aspectu fixo, & admirare! lauda! plaude! DEUS ERGA TE,
quis fuit? quis est? quis erit? adora! stringe! ama! .. Habes
unde occupes te. Jamque libera es: stans; sedens, flexens, am-
bulans, situ, quo voles, utens ruminare, quæ dixi: ego ate di-
visus argumentum idem solitarius masticabo. DEUS! DEUS
MEUS! da, ut gustent, ut videant te servi tui!

S C E N A II.

Ægidius. Orlandus. Landinus.

Ægidius. DEUS IN SE quis est? quis non est?... juva me coe-
lum! ingredior lucem caliginosam, qua septus
meipsum perdo! .. Video DEum, & non video, nam DEUS IN
SE nihil est eorum, quæ video! .. Velut ex alta rupe pendens
intueor immensum mare, cui totus globus terraqueus quasi gra-
num piperis innatat: intueor, & oculi præ stupore deficiunt!..
Orland. Ægidium video. Ecce! in contemplatione absorptus
est. *Ægid.* Inspicio per infinita spatia diffusum ignem, qui to-
tum Orbem communi ardore complectitur, & placidissimis flam-
mis involvit. Liquefcit animus in hoc aspectu! ubi sum?..
Land. Phantasmata loquitur cerebri delirantis. Here, opportune nos
huc attulimus: tandem oculis tuis credes, quod homines fana-
ticos foveas, qui imaginationem cum contemplatione confun-
dunt. *Orland.* Sile modo: patebit, num verum dicas. *Ægid.*
Ascendo a terra sursum! prô! ut sensim vanescit Orbis! .. jam in
punctum se contrahit!..
Land. Enimvero idem somnium me
nuper tenuit. *Orland.* Silentium impero: non tu parebis? *Ægid.*
Video Dominum in media luce! in Sole posuit tabernaculum
suum: terra scabellum pedum ejus: in femore scriptum lego:
Rex

Rex Regum, & Dominus Dominantium! mille millia, & decies centena millia Angelorum circumstant ad obsequium! *O Majestas! o splendor! o ignis sacer! o mare Divinum!* cum te non possim capere, cape me! .. *Orland.* Audis, Landine, quam sublimem de DEo sensum simplex fraterculus foveat? *Land.* Quod audivit, garrit, quin intelligat voces. *Ægid.* O gaudium! o suavitas! o dulcedo aspectus! o DEus, o si te homines nossent, ut es in te! Ah! vix per umbram te video, & jam ferendis deliciis non sufficit pectus! satis est, Domine, pro Ægidio satis! heu! verba non suppetunt simplici homulo, ut exprimam, quam te amem! quam de te gaudeam! quam desiderem tibi placere! *Orland.* Eja! non tibi hic fervor placet? ego jam simili igne ardeo. *Land.* Ego plus quam ante frigesco. *Ægid.* O si cor meum cor unum cum corde Francisci foret! Domine, ille suppleat, quod deest mihi! Francisci suspiria sint mea suspiria, affectus Francisci affectus mei, verba Francisci verba mea! *Orland.* Ægidi, totus candescis hodie: quis ardor habet? *Ægid.* Ah! Domine, quas delicias turbas? De cœlo in cœnum detrahis felicem spiritum! ubi fui? *Land.* In concavo Lunæ utique inter Angelorum choreas. *Orland.* Redire tibi licet ad tua gaudia, modo ad Franciscum duxeris. Lubet pernoctare vobiscum, & virum sanctum de rebus animæ noctu cum Nicodemo consulere: diem, ut fit, aliæ nobis nugæ rapiunt. *Ægid.* Subire cellulam lubeat: requiram virum: lætus excipiet gratissimos hospites. *Land.* Et cenam, cubile, lectum dabitis Comite Orlando dignum? *Ægid.* Nolite solliciti esse; noctem jucundam agemus, helluaturi strenue, usque ad plenissimam ebrietatem, quam placidissimus somnus excipiet inter plausus, & cantica. *Land.* Insignis devotio! & bonum propinabitis vinum? *Ægid.* Suavissimum, generosissimum, omni Cretico, Massico, Falerno melius. Si placet, introducam vos in nostram cellam vinariam, ut ibi gustetis, quod narro. *Land.* Huc usque stupidos homines credidi: jam insuper hypocritas video. *Or-*

land. Tu stultescis, Landine, qui male interpretaris idioma, cujus ne quidem primas litteras didicisti. *Ægid.* Iste, credo, credit mentiri me vobis! At age, bone vir, sequere me! Inebriabo te *vino compunctionis*, & dilatabitur cor tuum. Cantabis Domino canticum novum, quod nunquam cecinisti, discesque experimento, quam suavis sit Dominus contemplantibus se. *Land.* Nugator es: ego non intelligo istas voces. *Ægid.* Propterea in parabolis loquimur, ut, qui *vitæ Amoris* non assueverunt, ex deliciis corporis delicias animæ utcunque metiri possint. Jam sine parabola dico tibi: coena, quam dabimus hero, spirituale convivium erit, quod sequetur spiritualis ebrietas, & mysticus somnus. *Land.* Sile frater: jam satur sum. *Ægid.* Satur? a aliquis nempe: scilicet quia cibus nobilior homini animali non sapit. *Land.* Homini animali! num tu non es animal? *Ægid.* Etiam, sed non merum animal. Curo, ut anima animali imperet, non animal animæ. *Land.* Jactantia vetus! At quidquid in verbis ludas, illudis tibi: anima immersa carni non potest non (ut ita loquar) animalizare: sensus rapiunt invitam pæne. *Ægid.* Sic est, nisi per vitæ contemplativæ exercitamenta didicerit ex lacuna emergere, & assumptis alis assueverit habitare in *foraminibus petreæ*, in *caverna maceræ*, Cant. 2. Ibi spiritus cum coepit epulari: desipit omnis caro, & quidquid titillat sensum, abjicitur cum nausea. *Land.* His verborum coloribus dementastis herum meum; scio, & doleo: me non capietis, quia neque ego capio, quid sit contemplari: neque quod in contemplando possit voluptas esse. *Orland.* Ægidi, cum homine ignorante, & superbo agis: doce ad captum, quæ Franciscus te docuit. *Ægid.* Tu non capis, quid sit contemplari? Non habes intellectum? Intellectus est oculus animæ: hoc oculo intueri DEUM, est contemplari: & adeo: *contemplatio* denique est *simplex intuitus veritatis revelatæ cum admiratione*, & amore: quid difficilis captu hæc descriptio sit? *Land.* Hebraice loqueris. *Ægid.* Igitur vernacula utar. Eu-

ge vir bone, nunquid uxorem habes? *Land.* Habeo. *Ægid.* Et formosam! *Land.* Pro me satis: quid ad te, Monache? *Ægid.* Nunquam illam intueris aspectu fixo? *Land.* Curiosus est homo. *Ægid.* Et cum sic intueris, nunquid admiratio venustatis se movet, & ex admiratione amor accenditur, iterumque ex amore cupido repetendi intuitum, & ex repetito intuitu novus amor? quid? non est hoc loqui vernacule, & sic loquentem intelligis demum? aut an nescis quidem? *Land.* Immo satis: sed quorsum tu talia? *Ægid.* Nimirum sic ego contemplor DEUM: & contemplatio amorem gignit, amor autem novam sitim inflamat iterum, iterumque intuendi Dominum *decorum nimis*, infinities *amabilem super amorem mulierum*, 2. Reg. 1. DEUS MEUS *objectum* intuitus mei est: *modus* admiratio, & amor: *effectus* liquidissimum animi gaudium: *fructus* contemptus omnium, quæ DEUS non sunt. O DEUS, quis ut tu *inte!*... O DEUS MEUS, quis ut tu *erga me!* Sed quo abripior!... Requirendus mihi Franciscus est.

S C E N A III.

Orlandus. Landinus.

Orlandus. **P**erge! sapis frater mi, & si talis discipulus est, concipio, quantus Magister sit. *Landine*, quis est animus tibi? *Land.* Here, totum turbavit Ægidius, & tu magis, qui hominem audacissimum laudas. Ego sentio cum multis sapientibus, & credo, quod isti contemplantes in phaleris verborum plus placeant sibi, quam ratio vitæ meretur. *Orland.* Non recte iudicas: propterea huc adduxi te, ut experientia doctus errorem dedisceres. Vita contemplativa VITA AMORIS est, quam qui elegit, haud dubie optimam partem elegit: vitam elegit illi similem, quam olim æternum vivemus in coelis. O vita felix! o sanctum otium! o beata conditio, cujus una occupatio,

&c

& omne negotium est AMARE. *Land.* Bene! bene! relinquamus igitur Cœlitibus hoc negotium, & aliis, quos procul a curis sæculi ad eremum vocavit DEUS. Tibi, qui tot ditionum es Dominus, incumbunt labores alii, quibus ut satisfacias, vix reparias interdum horam, qua obiter de DEO cogites. *Orland.* Malevolus es mihi tu, qui vis, ut perpetuo me transtris alligem, quin respirem aliquando liberius a misera sorte remigum, ad illos me transferens, qui sine labore provehuntur, in marium, portuum, siderum prospectu quiete, ac libere se oblectantes. Equidem scio, quod non sim eremo natus; verum, *Landine* (ita me frequentior conversatio cum Sanctis docuit, & usus convicit) hoc Animæ est contemplatio, quod somnus corpori. Postquam has delicias indulsi spiritui, redeo alacrior ad mea tædia, laborique, quem Ratio Status imperat, sic impendor feliciter, ut uno die plus præstem, quam si nulla quiete sacra refocillatus integra hebdomada laborassem. Tanti est observare Sapientiæ dogma: *Omnia tempus habent.* Eccl. 3. Age, abjice præjudicia, quibus contra contemplationis æstimationem animus obstinatur! Ad delicias adduxi te: magnas, singulares, coelestium æmulas pro hac nocte Franciscus spondet: læti erimus! certum est ex Ægidio præsagium mihi.

SCENA IV.

Orlandus. Landinus. Ægidius.

Ægidius. **H**Eu! Domine, grave malum denuntio. *Orland.* Nempe, quod? *Land.* Hem! læti erimus. *Ægid.* Dum Franciscum requiro, repente ex colle despicienti in vallem, se mihi Moronus exhibet, magnis passibus huc adproperans. Festinate in latebras: tempus monet, & latronis ferocia. *Orland.* Solus accedit, an cum comitibus? *Ægid.* Solitarium vidi, & vul-
tu

tu torvo nescio quod facinus meditantem : nam armis omnis generis accinctus ambulat. Fugite! *Orland.* Apage fugæ dedecus! Landine, strictis gladiis in hostem imus. *Land.* Sequor duccem : sed tu hinc disce, Here, quid tibi familiaritatis cum his Fraterculis profit. *Ægid.* Non sino ire; nec DEUS finit. Orlande; ut iste locus alterna foedetur cæde, Franciscus nolit. Latere juvat; sequimini me! in avia abducam, unde securi spectabitis Moroni consilium : ego examinabo. *Land.* Neque metuis tibi? *Ægid.* Viator nudus prædonem non timet. *Orland.* Bene mones : præcipite impetu agendum est nihil : sequemur te. *Ægid.* Possētis intempestiva audacia evertere magnam spem, quam de conversione hominis scelerati Franciscus concepit. Sæpius ille ad virum invisit, nec audit invitatus salutis monita. Forte hæc est hora, qua misereri animæ misericors DEUS constituit. *Land.* Rem magnam præstas, ex lupo si agnum facias. *Ægid.* DEUS faciet. *Orland.* Utinam venire liceat in lætitiæ partem, & congratulari Francisco de peccatore poenitentiam agente! *Ægid.* Utinam! en! hoc est latibulum.

S C E N A V.

Moronus. Ægidius.

Moronus. **A**Udivi humanas voces: tene pedem Morone! forte ministri Justitiæ sunt, missi, ut te rapiant ad tribunal. *Ægid.* Audisti humanas voces, & terreris infelix: quousque te undique Divinæ voces circumsonant, & aures obturas? *Mor.* Tu es Ægidi? nihil metue: hodie bonus sum. Franciscum velim, ubi est? *Ægid.* Franciscum vis: nempe ut cum jactura temporis inanibus spebus fallas? Nemo sapiens libenter littus arat, aut lavat Æthiopem. Franciscus DEO vacat, non tibi. *Mor.* Scio, quod DEO vacet, nam hisce oculis vidi cursantem per montes, & valles: his auribus audivi silvas im-

Aaaaa

plen-

plentem gemitibus, & clamantem clamoribus miserandis: O DEUS, quis ut tu *in te!* O DEUS MEUS, quis ut tu, *erga me!* .. O si te homines nossent! Sed eheu! Amor non amatur! .. *Ægid.* crede mihi, sic viscera commovit ista vociferatio, ut tandem statuerim me ipsi dedere. Itaque secutus currentem fui, certus hæc instrumenta iniquitatis adsternere sacris pedibus. Verum dum arma colligo, ille evanuit mihi. Viam ergo ingressus ad cellulam fui: non est intus? *Ægid.* Hypocrisin iste habitus loquitur. Quod facis, fac, & quoniam perire lubet, peri, sic me jubet Apostolus loqui: *qui non amat Dominum Jesum Christum, sit anathema!* 1. Cor. 6. *Mor.* Ferox es mihi tu: mitior, spero, Franciscus erit, & mitissimus DEUS, quem ille truncis, ac petris adeo amabilem prædicat. *Ægid.* Etiam ego mitis sum serio poenitenti: sed de te suspicor, ne odor prædæ huc adduxerit. Unde probabis te?

SCENA VI.

Franciscus. Moronus. Ægidius.

Franciscus. O Cautes! *Ægid.* Quanquam ecce Franciscum audio! *Franciscus.* O rupes! *Ægid.* Ipsi te proba! *Franc.* O saxa, tandem liquecite in Amorem! *Mor.* Ipse est, probabo me! *Franc.* O DEUS! vox grandis! *Ægid.* Uterque condimur: audiamus, quo Spiritus virum efferat. *Mor.* Audiam, & observabo, ut amplius efferveat cor in poenitentis affectum. *Franc.* O DEUS! quis ut tu IN TE? .. *DEUS es, unus DEUS, trinus DEUS,* quanta habeo incitamenta amandi te, *propter te!* .. DEUS es! quid dico, cum dico: DEUSES! Dominum nomino, cui omnia suam originem debent, quæ sunt, & qui suam originem nulli debent. Dominum nomino non unius provinciz, non unius regni, non solius mundi, sed cœli, & terræ, sine restrictione, sine conditione, sine vinculo. Ita mihi natura loquitur,

tur, ita sensus populorum, ita ratio. Cum tonat coelum, cum scindit scopulos fulmen, cum tellus dehiscit, enimvero ne Pharo quidem clamat: *Nescio Dominum!* Sed: *rogate Dominum pro me!* etiam impiissimus ingeminat. Hæc vox nature est, & adeo vox communis, ut in adversis nemo sit, qui non oculos in coelum jactet, sive ut opem petat, sive ut blasphemet saltem! Detestor impios! sed hoc admiror, quod neque in impiis deficiat Ratio. Eja! quam lucem inhabitat, qui ne quidem ignorari ab ignorantibus potest! o plausus cordis mei! o jubilus! o lætitia! Mor. O cæcitas cordis mei! o perversio! o miseria!... Franc. Et qui tantus est, UNUS est! exulta anima! unus est necessarius tibi, & unus sufficit! o Cœlites, quæ lux de coelo circumfulget me subito! unus est necessarius, qui si non amat me, æternum miser sum: unus sufficit, qui si desertum ab omnibus tuetur solus, beatus sum! Veritas læta! ab uno pendeo! in uno quiesco! Miseret me tui, quisquis pluribus indiges! Mor. Utinam sensus idem fuisset mihi! Franc. Verum qui unus est, ut sit SUMMUS, insuper trinus est, ut sit FELIX. Nulla est sine-societate felicitas, ut nec sine cognitione, nec sine Amore. Nunc utinam ex angustiis corporis dimissa mens evolare in tertium coelum posset, quantis deliciis innatarem, de facie ad faciem videns, quam beatus sit DEUS, quem amo! Amo autem? certe amari meretur, quia UNUS DEUS est: nemo Amore dignior. Amari solus meretur, quia UNUS DEUS est. Et amari sine modo meretur, quia TRINUS est. Trinitas omnem gratulationis materiam habet. Trinitas demonstrat, quod DEUS, ut felix sit, re nulla indigeat extra se: Trinitas docet, quod DEUS sit bonum, in quo sunt omnia bona! talis est DEUS IN SE, & quis est similis ipsi? quis dignior Amore estimativo super omnia!... Mor. O Francisce! utinam ego habeam oculos tuos! Franc. Sed jam file Ratio, file Fides! tu loquere Charitas! O DEUS, o si te homines nossent, quis sis in te!... Quare autem ignorant te?... Quare ego hanc ignorantiam

tolero! O ut tantum sit robur vocis, ut ab Oriente usque in Occidentem audiar! Ibo! ibo (nam cur uni me valli includo?) ibo per provincias, & regna, & dicam obviis: quousque dissipatis amores vestros? DEum amate *super omnia*, quia DEus est! *præter DEum* amate nihil, quia *unus* est! DEum *sine modo* amate, quia *trinus* est, & licet vestro amore non indigeat, tamen a vobis amari cupit! *Ægidi! Ægid.* Vocor: tu sequere paullo post. *Franc. Ægidi! Ægid.* Ecce ego! quid imperas Pater? *Franc.* Ubi eras? *Ægid.* Amores tuos ex angulo arbitrabar. *Franc.* Frigidus Amor est, qui non accendit: imus per orbem terrarum, accendimus omnia, & inflammamus. *Ægid.* Sequor alacer. Unum obsecro, ne ex hac silva abeas, quin tecum Moronum trahas. Aut quid? qui vastum orbem complecteris animo, num æquum est, ut animam excludas cellæ vicinam tuæ? *Franc.* Recte exprobras. Jam decem dies hic DEO vaco: & adhuc inimicum DEI patior ad latus mihi, latronem fero! ignavia morte digna! utinam sanguine profuso eluam! Occurram leoni rabido, discerpam, immolabo Amori, armatus amore. *Mor.* Me, ni fallor, hæ minæ feriunt. *Franc.* Te omnino, te Morone armatum inermis provoco ad certamen! Arma expedi: pugna est decretoria: alteruter dum ceciderit, non erit duello finis. *Mor.* Vicisti Pater: jam ante pugnam cado ad pedes tibi, & expecto, quid velis. *Franc.* Non ultra vanis me verbis ludes. Tandem & sanctus Amor fit sanctus furor. Poenitet fuisse lenem, & in tantis injuriis DEI mei diutius, quam erat par, patientem. Surge infelix! jam nulla est spes pacis super, nisi in mea, aut tua morte: alterutra placari victima Numen offensum debet. *Mor.* Quoniam sic mecum agitur, exarde furor! Tot reus cædium iterum in cædem stringatur mucro! *Franc.* Eja! hic fulgor placet! *Mor.* Qua parte corporis vis figi ferrum? gulam scindam? pectus fodiam? aut rimer viscera? *Franc.* Cor seca, impie, cor seca, ut videas, quam te pro DEO amem. *Ægid.* Prô Superi! quæ hæc est

est scena! *Mor.* Errasti, Pater! meum, non tuum sanguinem hæc sicca sitit: expecto sententiam. *Franc.* Erras, Frater! non est Sacerdos idem, & hostia, quæ offertur: a me occidi debes, aut me occidere. *Mor.* Igitur cape cultrum, & capulo tenus immerge pectori: sic erit finis scelerum, quæ patravi. *Franc.* Rursum erras: mori *per moram* debes; hæc stat sententia. Si renuis, age, irruere, & de severo Iudice vindictam sume. *Mor.* Quidquid decreveris, mite supplicium erit. Abite arma impia! in potestate sum. *Franc.* Igitur rem serio agimus. *Ægid.* solve funem, & ligatum hominem ad crucem trahe! *Ægid.* Patieris imperium? *Mor.* Ecce manus, & pedes habes. *Franc.* Decrevi mortis genus illo, quo reos Justitia humana plectit, horrore quidem mitius, sed diuturnitate molestius. Vives Morone, ita tamen, ut quotidie moriaris. Procumbe humi, & donec redeam, recogita omnes annos tuos in amarissima amaritudine animæ tuæ! Materia tui affectus sit DEUS TUUS erga te! Cogita, qualis fuerit, qui ab æterno cogitavit de te: qualis sit, qui patienter adeo te expectat in tempore: qualis futurus sit, qui te judicabit pro æternitate: in singulis incitamenta teneri affectus, & acerbi doloris habes. *Mor.* Habeo, meditabor: tum mihi salubres motus a coelo impetra.

SCENA VII.

Franciscus. Ægidius. Orlandus. Landinus.

Franciscus O! Qui latronem exaudisti ad latus pendentem tibi, huic quoque spem dedisti prostrato ad pedem crucis. *Ægid.* Jo victoria! in partem gaudii Orlandus etiam, & Landinus veniant. *Franc.* O quis te bonus Orlande genius hodie adduxit mihi, ut spectaculum videres dignum plausu totius coeli! *Orland.* Audivimus, & vidimus omnia, Pater: quo cordis jubilo, lingua explicare non potest. Dedisti scenam, quæ quem

Aaaaa 3

quem non recreat, non amat DEum. Laudetur *super omnia* amabilis, immo *solus* amabilis, & *sine modo* amabilis DEus! Amoris incitamenta percepi, fructum spectavi: o faciat in me Amor similem metamorphosin! Amo te DEUS, quia DEus es, quia unus, quia trinus *in te*! Ah! amem amplius, neque *appretiative* tantum, sed etiam *intense* amem! *Franc.* Intendet se tantum amor, quantum contemplatio. Placet intrare mecum, & hanc noctem Amori dare? *Orland.* Propterea huc me attuli. Landine, quæ mens est tibi? nam si consilium displicet, redire per me in castrum, priusquam noctescat, licet. *Ægid.* Attonitus mihi videtur homo. *Land.* Et vere sum. Sic me sibi spectaculum, quod vidi, rapuit, ut facile jam contemplantibus credam, quod detur extasis. *Orland.* Novus est fructus: speremus adhuc maiorem. *Franc.* Incipientibus, proficientibus, perfectis, nemini non, exercitium Amoris prodest: Moronus probat: exerceamur! *Omnes.* Exerceamur! & omne tempus vitæ posthac nobis *tempus Amorum* sit!

CHORUS

De Reformatione Megacosmi consultatio.

*Megacosmus. Zoroastres. Zaleucus. Solon. Lycurgus.
Numa. Moyses. Amor de cælo.*

Megacosf. **R**Es est momenti maximi!
Propter quam consulo vos,
Viri consultissimi!
Reviviscite! audite me!
Confusa est tota Megacosmi familia,
Jus fasque calcatur, & regnat licentia:
Debita legibus exulare coacta est reverentia,
Totum

Theatrum exhibet
Antiquarium, &
Statuas Legislatorum.

Totum terrarum Orbem occupat Babylonia.
Malum, quod premit, cernite
In Imagine.*

* Exhibitio agri vastati.

A R I A.

I.

Olim, ah ! olim hic ager florebat,
Densissima seges in eoridebat :
Illata est horreis meis
Pinguissimi tritici maxima vis :
Modo, quis credat, quod olim magnorum
Immenso excultus labore virorum,
Et falsis a tot, & a tantis,
Rigatus sudoribus ager tu sis ?

2.

Ager, non ager, sed grande dumetum !
Quale de te erit Coeli decretum ?
Cur recreet gelido rore ?
Cur fertilem imbrem effundat in te ?
Munera ipsa in damnum vertentur,
Zizania, spinæ, urticæ alentur :
Silvesces, & loci horrore
Allecti dracones cubabunt in te.

Agite, viri, audiam oracula :
Consultate de remedio :
Necessaria est reformatio,
Per quæ quid nascitur,
Per eadem servatur, & reparatur.
Abiectos resume ligones, ac farculos :
Sic ager purgatur.
Suademus, quod fecimus,

Zoroastres.

Zaleucus.

Solon.

Cum

Cum Legislatores

Suæ quisque provinciæ fuimus.

Zoroastres. Populi Reges pro Diis habento!

Ex hac lege Zoroastres Persas excolui.

Zaleucus. In legum cura Reges subditis præluento!

Sic ego Zaleucus Locrensis præfui.

Solon. Judices legum vindices inexorabiles sunt!

Sic ego Solon Arcopagiras institui.

Lycurgus. Horrorem scelerum liberi cum lacte bibunto!

Ita Lycurgus Spartanos,

Numa. Religionem omnes summa Religione colunto!

Ita Numa formavit Romanos.

Ariose.

Numa. Religio, Religio

Est frænum populorum :

Lycurgus. Puerorum institutio

Est disciplina morum :

Solon. Utrique bene consulit

Acerbitas poenarum :

Zaleucus. Acerbitas nil proficit,

Si reus es culparum,

In aliis quas plectis :

Si Rex es inculpabilis,

Zoroastres. Si Rex es venerabilis,

Solon. Si Rex es formidabilis,

Omnes tres. Coronam tibi nectis!

Lycurgus. Si pueros emendaveris,

Numa. Si Deos exaltaveris,

Uterque. Ad nutus plebem flectis.

Zoroastres. Regentum veneratio,

Solon. Nocentium punitio,

Zaleucus.

Zaleucus. Exemplum Principum,

Numa. Respectus Numinum,

Lycurgus. Puerorum educatio

Quines. Est Orbis reformatio.

Moses. Bona, viri boni,
Sed lenta præscribitis remedia,
Nec habitura effectum,
Quam commendet constantia.
Omnia, quæ suassitis,
Ex his Decalogi tabulis excerpssitis:
Omnia populo meo adhibui,
Et quid profui?

A R I A.

I.

Ut taurus, si vells domare,
Mox incipit cornu jactare,
Nec diu sub onere gemit:
Assurgit, recalcitrat, fremit,
Et excutit jugum a se:
Sic Gens mea furens surrexit in me.

2.

A primo hoc malum Parente,
Heu! nimis serpenti credente
In posteros coepit grassari,
Ut nemo se ferat ligari:
Ex legibus vivere stat,
Quas spes, & cupido, & impetus dat.

Megascos. Siccine? ergo tu jubes desperare me?

Moses. Despera de te: consilium a coelo expete.

Bbbbb

*Ecce!

* Ecce! exhibet seimago primæ Ecclesiæ: * Exhibitio.

Inde exemplar accipe.

Longus est labor lignonibus, & sarculis agere:

Ignem Amor, ignem venit in terram mittere,

Per ignem agrum purgavit celerrime.

Amoris inflammatio

Fuit legum omnium instauratio,

Fuit Orbis reformatio.

Megacos. Quo rapior? quid video?

Amor. Ita: Amoris inflammatio

Est Orbis reformatio:

Et frustra Legislatores, ac leges multiplicatis,

Nisi legem Amoris renovatis.

A R I A.

I.

Lex amoris observetur:

Amor legis mox sequetur,

Et Amorem cultus:

Multæ leges, nullæ leges!

Nisi diligentur Reges,

Non est cultor multus.

2.

Leges ligant, & ligati

Pretiosæ libertati

Graves sunt catenæ:

Sed tu ama te ligantem:

Torquem habes te ornantem,

Suaves erunt poenæ.

Megacos. Bene est: Politica abite consilia!

In uno habeo omnia:

Ut

Ut Mundo bene sit, *lex Amoris* servetur,
LEGISLATOR AMETUR!

A R I A.

1.

Ametur!
Amari meretur :
Est DEUS,
EST DOMINUS MEUS,
Dominus OPTIMUS.
Dominus MAXIMUS:
Ametur! meretur!
Ex hac Amoris regula
Tota familia
Megacosmi reformetur!

2.

Amor formavit me:
Amor reformet me!
Fecit, ut magnus sim,
Ut pulcher sim,
Ut dives sim :
Faciatur, ut bonus sim!
Formavit me :
Reformet me!

PUNCTUM II.

ET OMNIA!

SCENA I.

Franciscus. Orlandus.

Franciscus. SUSpice Domine, bene facis, suspice, quam nos Do-
minus amet ! Poteratne optari serenior nox, &
Bbbbb 2 nostræ

nostræ contemplationi idonea magis? * *Orland.* Rapit oculos pavementum auro tam fulgido dives. Mens, quæ sit interior palatii opulentia, ex ista specie arbitratur. Vah! ut sordet terra, dum coelum aspicio! *Franc.* Nunquam hucusque aspexeras? *Orland.* Non raro utique, sed nunquam sic. Ultra delectationem, quam visui splendor umbris temperatus facit, percepi nihil; scilicet quia non alius, quam pecoris, aspectus erat. Hodie sensus voluptatis in animum penetrat, & varios affectus ciet pios, devotos, dulces, *Franc.* Nempe Astronomia, vel Astrologia hodie armavit oculos tibi, & stellarum magnitudinem, distantiam, figuram, virtutes, motum acutius prospicis? *Orland.* Nihil me ista vanitas afficit. Quid mihi cum Urfa, vel Lyra negotii? quid cum Cassiopea? quid cum capite, vel cauda Draconis? quid in Leonis, aut capri domo? Exucca vocabula congerunt blaterones, quæ gustum titillant nihil. Tu si *voces mysticas* inculcas mihi, quanquam sit cortex durior, tamen cum fregi nucem, nunquam est vanus labor: nucleus se offert mihi vel manna suavior. Recordor, quæ audiui: iterumque audio clamorem validum a tot linguis, quot stellæ micant. Clamant omnes: **QUIS UT DEUS IN SE!** quis ei potentia, quis sapientia, quis magnificentia par? Clamant: **QUIS UT DEUS ERGA TE!** tibi enim (non sibi) tibi hanc struxit Regiam, si amas: ama! *Franc.* Proficis, Orlande, proficis, & nactus es ingenium *scholæ Amoris* aptum. Amemus amplius! stimulosque addamus stimulis, donec socordia expugnetur, & totum cor se *uni Amori* dedat. *Orland.* Adsum! quod agis, age, Magister bone! Ars summa artium est **ARS AMORIS**: unam si didicero bene, satis est. *Franc.* Igitur adverte animum mihi, & ad quæ sita responde clare. Quæro: quid est amare? *Orland.* Amare (si *de amore rationali* loquimur, non *de sensuali*) est alteri *bene velle*, atque ita *mutua benevolentia* amicitia dicit: hoc intelligo. *Franc.* Et quid est alteri

bene

* Exhibetur cælum stellatum:

bene velle? Orland. Nimirum velle serio, ut *absit malum*, quod ille odit, & *adsit bonum*, quod ille cupit: sic interpretor. *Franc.* Recte. Sed quis est major, aut minor amor? *Orland.* Sine dubio magnitudo amoris pretium majus aut minus habet tum a *quantitate*, & *qualitate boni*, quod alteri cupio: tum a *mensura fervoris*, quo curo: non bene judico? *Franc.* Omnino bene. Jam scimus, quid sit amare. Quæro, num sit in te facultas amandi? *Orland.* Exporior sane: nam multis *bene volo*, & *ferventer volo*. *Franc.* Et *rationabiliter vis*? *Orland.* Existimo sane. *Franc.* Ex quibus rationibus? *Orland.* Duæ movent: Alios amo, *quia sunt*, quales opto: alios, *quia cupio*, ut *fiat*, quales velim. *Franc.* Ita se habent res in amore humano, qui *pure rationalis* est, nihilque sensuali commixtus: nunc ad *Divinum* assurge. Dic: non est DEus, qualem optare prudenter potes? *Orland.* Est: utique est! Quid enim in DEo deest, quod sana ratio æstimabile judicet? Et quid requirat servus in Domino, quod non in DEo reporiam? Brevis, sed evidens discursus est vel voces intelligenti: Quidquid amabile est, a DEO est, ergo DEus *super omnia* amabilis est. *Franc.* Ergo tu ama DEum, *quia est IN SE*, qualem optas: ita amas *Amore benevolentia*! Ama DEum, *quia cupis*, ut sit *ERGA TE*, qualem vis: ita amas *Amore concupiscentia*! Uterque Amor præceptus est, & alterum alter fovet, veluti si vivos carbonem congeris. *Orland.* Intelligo: carbonem *incentiva amoris* appellas, quorum infinitam congeriem *duæ particule* comprehendunt QUIA, & UT: ama; *quia talis est*: ama, *ut talis sit*, qualem sapienter cupis. Optima synopsis est de doctrina Amoris. *Franc.* Granum sinapis voca: sed conteri debet, ut exerat vim, qua in animam admirabili pollet. Audi: quidquid amas in quoquam, & quidquid amare potes, aut *principium*, aut *medium*, aut *finis* tuorum *votorum* est. Si amas Regem, quia promovit te, *principium* amas: si amas patronum, quia adjuvit te, *medium* amas: si amas uxorem, quia delectat te, *finem* amas. Sed qui divisi in

Bbbbb ;

homi-

hominibus sunt *amoris tituli*, in DEo se omnes uniunt. DEus Creator tuæ felicitatis principium est, DEus Redemptor medium, DEus regnans finis, objectum, quies, consummatio, omnia! O DEUS MEUS, ET OMNIA! in quot nihila divagamur, cum extra te *aliquid* quærimus; nisi a te, & propter te! Orland. DEus principium, DEus medium, DEus finis votorum est, DEUS OMNIA! Pater mi! novum se lumen infert animo, lumen ingens, lumen nondum equidem Soli par, & omnes tenebras pellens, attamen jucundum lumen, ac veluti ex mille stellis compositum! Franc. Utemur ad profectum: verum in partem fructus Moronus etiam, atque Landinus veniant. Ecce prodit.

S C E N A. II.

Franciscus. Orlandus. Landinus.

Land. VICISTI Pater! en! ignorantia, & contumacia stratae tibi ad pedes jacent. Here, meam tibi salutem de-beo, qui in hanc scholam duxisti me! Sit mihi coelum testis: plus una hora in hac eremo de DEo didici, quam triginta, quos vixi, annis. Vixi autem? fui, non vixi! nam quæ temeritas est, *vitam inutilem* vocare vitam? aut si cui utilis fuit Landini vita, Landino certe non fuit. Ah! nunquam didici amare DEum: igitur nec DEo, nec mihi vixi! Quid prodest vixisse aliis? optima pars vitæ in nugis periit: jacturam immanem feci! Orland. Landine, quis te urget spiritus in hæclamenta? Franc. Spiritus Amoris urget. Macte animo, fili, reparare jacturam didicit, qui amare didicit. Land. O si reciperes in disciplinam, Pater! docilem spondeo discipulum tibi, & saltem latronis æmulum. O Coelites, quale prodigium vidi! jacet Moronus adstrictus cruci, & amat vincula, qui tot alios vinxerat: jacet immersus lacrymis, quibus commissa scelera eluat. Orland. Antiquæ ferocitæ nihil notas? Land. Vix coeperat homini explicare Ægidius præ-sente

sente me puncta contemplationis a te proposita: vidi virum exardescere vultu, inflammari oculis, palpitare corde, rumpi singultibus, in suspiria cum uberrimo fletu solvi. Heu! ingemiscebat: qualis fuit DEus erga me, qualis est, qualis erit? Ille nullius indigus, ab æterno felix, vastissimum nihil benevole circumspexit, & in profundissima abyssu sepultum intuens amavit me: in hanc lucem protraxit: dedit vitam, ut haberet, a quo amaretur: & ego amoris furorem reddidi, contemptum, scelera. Ille, quem pro primo flagitio flammis poterat æternis adjudicare, huc usque per admirabilem patientiam tolerat, & expectat, dum tandem amare velim: & ego patientia abutor in contumaciam! Ille, si vel nunc incipiam amoris aptare cor, promittit, me sibi charum æternum fore: & ego durus delibero, num adeo amans DEus redamandus sit mihi! *Franc.* Et tibi isti affectus placent? *Orland.* In latrone sunt admirandi. *Land.* Mihi vis stuporis discerpit pectus, & pudor in fugam egit. *Franc.* Cessa, obsecro, nam aures crucias! Tam blandi actus non loquuntur poenitentem heroicum, Quid sit, Ægidii?

S C E N A III.

*Persona omnes.**

Ægid. **L**Eo, Pater, in agnum mutavit se! *Franc.* Malum audio: nec enim ut ponat ferociam Moronus, volo, sed ut vertat in se: poenitentiam iracundam sibi solidus Amor postulat. Solve vincula homini, & in antiquam dimitte silvam! Qui in affectibus amor sistitur, non amat diu! solve! abeat! *Moronus.* Immo arctius stringar. Francisce per illum, quem amastu, quique me amat, DEum, obsecro, adnumera me tuis bonus, & vestem Amoris dona! *Franc.* Audistis superbiam loqui? Inter Seraphinos jam sibi locum, & nomen arrogat, qui ante horam princeps latronum fuit. Effrons! tantine tibi affectus sterilis, & aliquot

* Moronus vinctus ad crucem jacet.

aliquot lacrymularum videri possunt, ut satisfecisse te pro tot criminibus tantillo dolore credas? *In ordinem poenitentium* si postulas recipi, forsitan admissem: inde gradus est ad sublimius vitæ genus, cum alacres creverint. *Mor.* Daveniam, Pater, homini in rebus Divinis rudi! in potestate sum; ex arbitrio impera! *Franc.* Displicet mihi, ita placidum videre te. In iram te poenitens Amor urgeat, si solidus Amor est: secus suspicor, quod te magis, quam DEum ames: nam cur alias parceres tibi? *Mor.* Heu me! novum hoc crimen est, dedisse locum suspicioni tam horrendæ! Abite exuvie belluinae! *Franc.* Iterum erras miser! Serva tibi ferinam vestem, ne obliviscaris cito nimia, quæ fueris fera. *Mor.* Ecce obsequor! quid adhuc imperas? *Franc.* Pro fera te posthac tracta, & male habe. *Mor.* Optima sententia est: sic explicas, quid sit *lenta mors*, cujus me reum pronuntiasti. Eja, irascere, Morone tibi, & in te vindica offensas DEI, quem, quod ames, jactas. *Franc.* Si seria ira est, in tres regulas jura: prima est: FUGE, quidquid jucundum carni est! *Mor.* Fruantur, per me licet, innocentes innocentibus deliciis: ego peccator sum! *Franc.* Altera: FAC, quidquid DEO acceptum credis, utcunque tibi molestum sit! *Mor.* Qui odit molestias, poenitentiam odit: ego peccator sum! *Franc.* Postrema: FER alacriter, quidquid malorum aut DEus immiserit, aut Mundus, orcusve inferet. *Mor.* Patientia poenitentiae soror est: peccator sum! Ergo noxia libertas vale! Quidquid blandiri sensibus potest, vale! Ad molestias, ad ærumnas, ad crucem me Amor damnat: peccator sum! Fugere, facere, ferre, quidquid Amor imperat, ligna sunt, ex quibus hæc crux componitur. Salve dilecta crux! *Franc.* Isti affectus, Morone, placent: jam *hodie mecum eris in paradiso!* Poenitentia nomen austerum habet: res jucunda est, modo ab Amore formetur. Eja! mecum omnes in Paradisum! Hora monet: prælucent stellæ: dulcissimum contemplantibus thema, fortissimum Amoris incitamentum est, DEUS MEUS, ET OMNIA!

NIA! DEum videbimus. ! Separemur! Suam cuique stationem designabit Ægidius: suum cuique lumen suppetitet DEus. DEUS IN SE, intueri Ægidi! DEUS ERGA TE, considera Morone! DEus principium tuum, attende Landine! DEus medium tuum, pondera Orlande! DEUS FINIS MEUS, ET OMNIA, hæc Francisci contemplatio erit. Subduco me vobis, ut alius redeam. Ægid. Et nos dividimur, ut per Amorem arctius conjungamur. Franc. Immo priusquam ab eo, clamore concordi Amorem de coelo vocemus. Dicamus omnes: Domine, tu scis, quia amo te: da, ut amplius amem! Omnes. Amo! da, ut amplius amem! Franc. Jam quisque recolat animo thema suum cum viva fide! Ægid. DEUS! Mor. DEus meus! Land. Meum principium! Orland. Meum medium! Franc. Meus finis, & omnia! Silentium! ... Sequitur occupatio in admiratione, & amore. Ægid. DEUS, in quatuor litteris quantus describitur! Mor. DEUS MEUS! meum dum voco, Dominum agnosco! Land. MEUM PRINCIPIUM! recordor, a quo sim, quod sum! Orland. MEUM MEDIUM! intelligo, per quem vigeat spes salutis meæ! Franc. MEUS FINIS! nomino centrum; in quo est quies cordis mei! Silentium!..... Nunc locus, & libertas affectui sit. Ægid. O DEus, ens entium! Mor. O Domine! Land. O Factor meus! Orland. O Redemptor! Franc. O DEus! O Domine! o Factor! o Redemptor! o Centrum meum! q. mihi OMNIA DEus meus! Utinam tot cordibus amare te possim, quot stellæ te mihi prædicant! O linguæ coeli, clamate altius, ut audiant magnalia DEI surdaſtri homines, audiant, & intelligant, quod non sit ei similis DEus! Ægid. Intelligant, & mirentur! Mor. Mirentur, & adorent! Land. Adorent, & obediant! Orland. Obediant, & laudent! Franc. Laudent, & ament! ament ex toto corde! quia solus amabilis est! Ægid. Ament ex tota mente, quia solus DEus est! Mor. Solus Dominus! Land. Solus Altissimus! Orland. Solus Sanctus! Franc. Solus potens, solus

Ccccc

lus sapiens, solus bonus, solus dives; solus pulcher, solus justus, solus misericors, solus fidelis, solus liberalis, solus magnificus, solus immutabilis, solus immensus, solus immortalis, solus omnia! omnia! omnia! O desere, quod aggravat, corpus anima mea! altius evola!... Equidem pennæ desunt: sed vos o montes, alter alteri superimponite vos, ascendam, neque desinam currere, donec vel ad cœlum pertigero, vel cœlum ad me descenderit, ut ei, quem amo, jungar! *Ægid.* Et me quo rapis Amor? absorptus in se spiritus melleo mari mergitur! *Mor.* Sic bene! liquefcit Amor in dolorem! o dulcis dolor! O lacrymæ suaves! o vita acta pessime in servitio non Divino! *Land.* Redcundum ad principium est: Principium meum DEUS! rapemè tibi! *Orland.* O quæ video exempla Amoris tui erga me, DEUS mi! medium meum, via mea DEUS, teneme, ne exerrem a te! *Franc.* Jo! teneo dilectum meum! teneo, nec dimittam, donec benedixerit mihi! *Ægid.* O Superi, quale spectaculum! *Franc.* O DEUS! *Orland.* O cœlum! *Mor.* O visio! *Franc.* O DEUS meus! *Land.* O felix Anima! *Franc.* O DEUS, & omnia! *Ægid.* O Pater mi! Pater mi! A morte in Seraphinum mutavit. *Orland.* Miranda vis! *Land.* Vis amabilis! *Mor.* Optanda vis!....

* Sacra stigmata imprimuntur.

— 333) o (333 —

MEDI-

MEDITATIO II.

Diliges ex toto corde tuo. *Marc. 12.*

S. FRANCISCUS DE PAULA.

ARGUMENTUM.

Post expensas Amoris *causas*; sive incitamenta, comprehensa in illis verbis: *Diliges Dominum DEUM tuum*, oportet nos ejus *Naturam* inspicere, & considerare, quid jubeat *DEUS*, cum dicit: **DILIGES EX TOTO CORDE!** Certum est, *actum Amoris* imperari, & quidem non *virtutalem* solum, aut *implicitum* (verba Scholarum pono) sed *formalem* omnino, & *explicitum*, quod ex propositione prima ab Alexandro VII. damnata patet. Quam *sape* autem, & quam *intense* ejusmodi actus elici debeat, non declaratur, scilicet quia qui dixit, velle se; ut ames *ex toto corde*, utique clare satis petiit, ut affectu quam potes, *intensissimo*, & *frequentissimo* ames. Sic sane Sancti intellexerunt, inter quos S. Franciscus Paulanus, cum a Spiritu Amoris in prima juventute in solitudinem (ubi sui Ordinis fundamenta posuit) abreptus fuit, ita non raro ab affectu effervuit, ut velut aqua frigida ab immisso digito æstuans ebullierit, quod ejus vita testatur. Erit ergo Meditationis hujus

Materia: AMOR AFFECTIVUS in S. Francisco de Paula exardens.

Puncta duo: 1. Affectuum frequentia.
2. Affectuum intensio.

Fructus : Studium *Actus Charitatis* erga *DEum* multiplicandi.

Propositum: In tentatione acedix, & tempore tædii in precibus, in laboribus, aut inter aduersa nos infestantis, curabimus *per Affectum Amoris*, cui nihil molestum est, excitare nos ad lætitiā spiritualem, semper cantando *Canticum novum*, unde animus excitetur ad pugnam, & vincat.

P E R S O N Æ.

S. Franciscus de Paula in eremo primam *juventutem Amori Divino* consecrans, *sique Ordinis fundamenta* constituens.

Balthasar de Spino J. U. Doctor, *Sacerdos ex primis Sociis Sancti*.

Cosentius Vir nobilis, *Francisci Benefactor*.

P R O L O G U S.

Reflexio in Meditationum præteritam, & Præparatio ad præsentem.

Fides. Ratio.

Ratio.

Fides, o Fides! qualis contemplatio!...

Quocunque aspicio,
Undique insonat unanimis clamor,
Quo imperat Amor:

DILIGES DEUM! clamant sidera:

DILIGES DOMINUM! ingeminant tartara:

DILIGES DOMINUM DEUM TUUM!

DEUM propter se, DOMINUM propter sua,
TUUM propter te!

Vociferantur terræ, & maria....

Exhibetur u-
niversitas re-
rum.

Quan-

Quonquam quid est opus vagari?
In sola Cruce Amoris incitamenta
 Invenio omnia.

A R I A.

Meum tu *Principium*:

Meum tu es *Medium*:

Tu *Finis* es meus

Mi DEUS!

Tu *omnia* es!

A te omnes meæ res,

Per te omnes meæ spes

Sunt, quod sunt,

Et *in te* erit

Tandem mea requies:

Tu *omnia* es!

Fides. Bene habet: ligna collegit, & disposuit intellectus,
 Unde exardeat, atque alatur *Amoris affectus*,
 Intelligis, quam sit DEUS *amabilis*:
 Amare incipe,
 Et Dominum DEum tuum
 TOTO CORDE dilige.

Ratio. Ecce ego! sed tu doce me,
 Quid sit DEum *toto corde* diligere?

Fides. Est *totum cor* occupare
 In intensis, ac frequentibus *Amoris actibus*.
 Exemplum inspice. * SIC DEUS DILEXIT TE,
 SIC TU DEUM DILIGE! * Cor cruci affixum exhibetur
 flagrans, & ebulliens.

A R I A.

Apertum cor est: inspice!

Tu *totum* occupas:

Ccc cc 3

Flagrat,

Bona, quibus caret *extra se*,
 Desidera procurare :
 Hoc est *affectivè* toto corde amare.
Ratio. Gaudia, & desideria amantis sunt negotia!
 Doctrina optima!..
 Eja gaudia! eja desideria occupate me omnia!..
 Rumpe costas pectus,
 Ut spatium amorì pateat quam laxissimum !
Fides. Jo! ardet pia anima!
 Ut ardeat amplius, relinquo affectibus :
 In sancto otio vivat solitaria.....
 O negotiosi homines!
 Quam jucunda vobis accideret Amoris occupatio ,
 Si sciretis, quid sit contemplatio ?

A R I A.

I.

Ite mecum! iter meum
 In cacumen Thaboreum
 Hodie attollet se:
 Ite mecum! sursum, sursum,
 Duce fide, juvat cursum
 Procul hinc intendere.

2.

Procul hinc a vanis curis!...
 Talpis date opes ruris,
 Et jejuna prandia:
 In montanis (mecum ite!)
 Erunt melioris vitæ
 Meliora pascua.

MEDI-

tuentis Dominum *sedentem super Cherubim*, Pl. 98. *Et caligo sub pedibus ejus* ! Pl. 17. Quis stupor? quæ voluptas? quæ gratulatio considerantis potentiam, sapientiam, divitias veri Salomonis, & ordinem ministrantium, & aulae magnificentiam! Ah! quoties *non erat ultra in me spiritus* præ magnitudine gaudii de gaudiis illius, quem amo! O homines! homines! quoties importuno strepitu abruptisti lætitiâ!.... Et hem! iterum ostendit se homo: regite me bonæ latebræ!

S C E N A II.

Cosentius. Balthasar.

Cosentius. **H**Eus tu! quisquis es!... nam cur fugis imprudens? Audi!... abiit homo. Pace mea, pernoctet sub dio. Mihi sufficit, quod casam inveniam: saltem quiescere a diuturnis erroribus licet. Lux matutina infelici Theseo Ariadne erit in hoc labyrintho. *Balth.* Tandem felix sum: eremicolam certe hæc cella loquitur. *Cos.* Quis huc se movet? *Balth.* Juve me Superi! *Cosentium* video. Domine! *Cos.* Amice! nam nisi fallor, Balthasar de Spino es tu. *Balth.* Ad obsequia. Sed Paulanum quærebam. *Cos.* Nisi ex fama, non novi hominem. Illius hæc habitatio est? *Balth.* Existimo: nec enim alius hoc nemus incolit, quem ego sciam. *Cos.* Vidi juvenem viatoris habitu, qui ut conspexit me, exterritus in silvæ interiora se abdidit. *Balth.* Viatoris habitu? Coelum nolit, ut effugiat mihi! *Cos.* Ipsum credis? *Balth.* Quem alterum putem? *Cos.* Gravissimum sit negotium oportet, quod conficere hoc noctis tempore velis. *Balth.* Errantem a via tenebræ oppresserunt. Cæterum ut in *Cosentium* inciderem, quis casus tulit? *Cos.* Similis error fuit, qui persequentem hinnulum in avia huc adduxit a meis longe. *Balth.* Sapientius vocabimus DEI consilium; certe rem bonam præfagit animus mihi.

D d d d d

SCENA

S C E N A III.

Franciscus. Cosentius. Balthasar.

Franciscus. Ita, ita: DEI consilium fuit, Domini, ut hic conveniretis : & tu quidem, qui Sacerdos es, ac Juris Doctor Balthasar de Spino, auctoritate, atque prudentia ; tu vero, Cosenti, qui opibus polles, ut pia liberalitate juvetis negotium, quod DEUS volet. *Balth.* Quis es tu ? *Cos.* Et unde tibi notitia est nostri nominis, conditionis, facultatum ? *Franc.* Equidem non decebat, Balthasar, Sacerdotem ita laice vestitum incedere : vanitatum amorem hic habitus loquitur, & Mundum olet. Sed quoniam Episcopus jussit personam tegere, ut facilius explorares mores Paulani, excuso factum. *Balth.* Superi! vos prodidistis me? *Franc.* Tui vero vere me miseret, Domine, qui postquam summo mane ingressus es silvam cum strepitu famulantium canum, ac hominum, denique sub noctem desertus a tuis, vacuus præda, fatigatus, & famelicus subsidium a misello cremicola postulas. O DEUS! hæc vita sæculi est laboriosa venatio, quæ demum in bombum, & fumum desinit. *Cos.* Non male spes nostras describis. Sed nunc tecum agimus : nunquid Paulanus es ? *Franc.* Certe Paulæ sum natus. *Balth.* Et Franciscus vocaris ? *Franc.* Vocor Franciscus, sed non sum Franciscus! Franciscus inter Seraphinos altissimam sedem habet. O sedes omnibus desideriiis desideranda, quia sedes Amoris est! *Cos.* Verum age, cur fugiebas inclamantem me tibi ? *Franciscus.* Homines odi, homines fugio, propterea videtis accinctum itineri, ut longius ab hominibus abeam. *Balth.* Homines odisti, homines fugis! an non ipse es homo ? *Franciscus.* Etiam me ipsum odi : utinam possem fugere! *Cosentius.* Cur igitur ultro rediisti ad nos ? *Franciscus.* Fugavit odium, charitas revocat, & DEUS. *Cosentius.* Pugnantia videris loqui : nam quomodo odisse, & amare eosdem

dem potes? *Franc.* Odi, cum auferunt mihi DEum: amo, cum referunt. *Balth.* Ecquod igitur est vitæ genus, quod profiteris? *Franc.* Solitudo delicias facit: beata solitudo, immo vera beatitudo! *Cof.* Homo animal sociabile est: naturæ opponitur solitudinis amor. *Balth.* Minime solus sum; cum maxime solus sum, tunc enim cum DEO sum. DEUS, & EGO, nos duo sufficimus, ille mihi, quia amo, ego illi, quia amor. Ah! DEUS, & EGO, quam jucunda societas sumus! *Cof.* Enimvero jucunda societas foret, si sicut te DEUS videt, ita tu DEum videres. *Franc.* Atqui sicut ille me non utique oculis corporis videt, sed intellectu: ita ego ipsum video oculis mentis armatis per fidem. Quanquam neque hi oculi nihil vident. Equidem stat Dilectus meus post parietem, non raro tamen respicit per fenestras, & prospicit per cancellos, Cant. 2. *Balth.* Non tibi negabo, quod dicis; sed unde honeste, atque sine tædio totos dies te occupes, non percipio. *Franc.* Nisi me homines turbent, ecce! hic ordo diei est: dormio, lego, canto, edo, bibo, ambulo, garrio, & iterum dormio. *Cof.* Profecto compendium vitæ jucundum exhibes. *Balth.* Compendium vitæ otiosæ, & sibi, Mundoque inutilis! Non persuades, ut credam. Sed quia jam divinaſti, cur adſim, in virtute obedientiæ, quam Episcopo debes, cujus personam ago, præcipio tibi, ut vitæ methodum ex ordine mihi referas: testis verborum ut sit Cosentius, rogo. *Cof.* Attente audio! nam mihi sincera simplicitas placet. *Franc.* Et mihi obedientia præ mille victimis. Quid vis, ut narrem? *Balth.* Quot horas dormis? *Franc.* Tres concedo somno corporis, somno animæ quaternas, senas, quandoque denas etiam, ut varie sopor Divinus tenet. *Balth.* Somno animæ? Quid est somnus animæ? aut quis dormire spiritum unquam dixit? *Franc.* Tu es Doctor Jurium, & ignoras, quid sit juris DEo in jura spiritus? Somnus corporis actiones sensuum, & functiones animales: somnus animæ intellectus, & voluntatis operationes suspendit, etiamſi

D d d d d 2

corpus

corpus vigilet. *Cof.* Rem novam audio. *Franc.* Audite plura : nam vel audire ingens voluptas erit. Cum somno somnia immittit DEus admiranda, plena mysteriis, & suavitatibus, quas, nisi qui est expertus, capit nemo, refertissima. *Balth.* Et scilicet exposita illusionibus, milleque fallaciis. *Franc.* Ex fructibus dignoscuntur. Si Divina sunt somnia, intimam sibi DEI præsentiam intellectus non jam credit tantum, sed experitur (o verbum dulce!) intellectus experitur, & voluntas matrimonium spirituale contrahit, quo conjungitur *Dilectus meus mihi, & ego illi*, Cant. 2. Ita, amici, ille mihi, & ego illi! ego illi! Inde alacris evigilo; & sicut somnum vires carnis plus quam cibus, potusque reficit, ita a contemplatione surgo fortior, vegetior, promptior ad agendum, & patiendum, quæ DEI sunt, magis quam a precibus ordinariis: & tunc cessat metus illusionis: triumpho, plaudo, psallo, atque adeo alteram dici partem cantui tribuo. *Cof.* Ego nunquam memini me sic dormisse. *Franc.* Homines, Cosenti, homines hunc somnum auferunt, solitudo affert. *Balth.* Rem narraſti, serio dignam examine. Et quæ deinde cantum occupatio excipit? *Franc.* Lego ambulans, & legens garrio, & feracissima lætorum affectuum garrulitas est. *Balth.* Legis, qui nusquam librum habes, immo quem audio, ne quidem litteras didicisse? *Cof.* Garris, ubi nemo est, qui responderet? Paradoxus nos implicas. *Franc.* Liber, o viri boni, liber unus totus Mundus est mihi. In hoc libro non tam oculis, quam auribus lego: & de his, quæ lego, cum mutis garrio. *Cof.* Liber est Mundus: auribus lego: cum mutis garrio: Francisce, sic loqui est ludere! *Balth.* Utrumque vides pendere ab ore tuo: quousque ambiguis verbis trahis? *Franc.* Plana sunt omnia. Eja! arrigite aures!... Non auditis, quid *stellæ* dicant! ah! quam admirabili concentu enarrant gloriam Domini!... Quæ fixæ sunt, pleno choro, Planetæ autem singuli voce sola concertantes conclamant: *Quam magna est domus DEI, & ingens locus possessionis ejus!* Baruch. 3.

Ingens

Ingens locus, locus elegans, aureus locus! .. Et *infernus* num mutus est? immo applicate animum! Audietis vocem tonitruum in rota per circulum repetentem, quod sit Dominus *terribilis in consiliis super filios hominum*. Pl. 65. Quanquam quid opus est sive ascendere, sive descendere: quacunq; ambulo, multiplex clamor insonat: ACCIPE, REDDE, CAVE! Clamat *Ignis* ex voluntate Creatoris: ego te foveo, cum friges: ego tibi coquo, cum fames: ego lucem fero, & diem de nocte facio, cum indiges: ACCIPE BENEFICIUM! sed & REDDE OBSEQUIUM! Tene præcinctos lumbos, & *lucernas ardentes* in manibus tuis! Secus si feceris, CAVE SUPPLICIUM! Ignis qui fovit, qui coxit, qui luxit tibi, æternum uret! .. Quod si ad fontem me fero, clamat *Aqua*: ego servio tibi ad munditiam, ad refrigerium, ad navigationem: ACCIPE BENEFICIUM! Tuum est omnis cisternis dissipatis solum fontem aquæ vivæ requirere: REDDE OBSEQUIUM! Si rivulos secteris, effunderis *ut aqua*, non cresces, in lutum desines: CAVE SUPPLICIUM! ... Similia monet *Aer*: ego te refrigero: per me respiras, loqueris, moveris, vivis: ACCIPE BENEFICIUM! Sed & utere ad finem, propter quem vivis, aspira ad DEum tuum: REDDE OBSEQUIUM! Væ spiriis, quæ tendunt ad infima: spem coeli suffocant: CAVE SUPPLICIUM! ... *Terra* autem quocunq; verto me, garrulitate multiplici jam reconditas divitias montium, jam ubertatem agrorum, jam hortorum delicias, jam nemorum amenitatem prædicans ecce, inquit, omnia mea tua sunt: ACCIPE BENEFICIUM! Sed lauda Potentiam, quæ fecit me: æstima Sapientiam, quæ sic ordinavit: ama Bonitatem, quæ sic ornavit: REDDE OBSEQUIUM! Abutenti bonis meis in Factoris injuriam parata est *terra tenebrosa, & operta mortis caligine, ubi nullus ordo, sed semper æternus horror inhabitat*: CAVE SUPPLICIUM! ... *Cos*: Paulatim capio, quod possis cum mutis loqui. *Balth.* Et sine libro legere: estque sine dubio utilissima lectio. *Franc.* Sed ne-

que opus est extra me vagari : omnia, quæ intra me sunt, laudant nomen Domini, & omnia ossa mea, atque hæc admirabilis structura corporis : multoque magis obstupescenda colligatio spiritus immortalis cum carne corruptibili dicunt mihi : *Domine, quis similis tibi?* Ps. 34. Heu! quam surdi sunt homines, qui hos clamores non audiunt! & quam cæci insuper, qui te, mi DEus, in tuis creaturis non vident! Mihi, o Amor, in singulis obvias! mihi ex singulis clamas: VOLO, UT INVICEM AMEMUS! Domini, liquefcit in gaudiis anima mea, quoties sic audio loquentem mihi! sic pascor in hoc deserto! sic deliciar! & quam corpus ex folis herbis, & aqua vivat : animus tamen quotidie splendide epulatur. Verum hem! quo me suavitas rapuit! prope ut oblitus sim charitatis! Subite tuguriolum hospites: parabo cœnulam fessis! Coctæ radices, modicum salis, & si forte pisciculi quidam ex præterlabente rivulo se mihi captivos dabunt, opipare vos reficient. Si tamen alteruter querelis stomachi ex macra mensa non satisfecerit, ipse sibi adjicere obsonium potest in apophtegmate, quod familiare fuit Divo Patrono meo: *Si non habes satis, memento paupertatis!* Balth. Vade! facis, quod sancta Charitas suadet: plura sciendi occasio non ideo eripitur mihi.

S C E N A IV.

Balthasar. Cosentius.

Cosentius. ME vero, Amice, ita refecit discursus hic, ut jam nec fames urgeat, nec fatigatio, aut somnus vexet: dum vivo, simile expertus sum nihil. Tu vero siles? Fatere potius, Balthasar, fatere: nunquid cor nostrum ardebat in nobis, cum talia viris juvenis loquebatur? *Balth.* Enimvero major est sapientia hominis, quam rumor, quem audiui: DEus cum ipso est. *Cos.* Sanctus est: neque (quales nos nobis fingimus, qui virtu-

virtutem confundimus cum melancholia) absurdus Sanctus. Didicit comitatem probitati adjungere. Odit homines, & amat simul; hoc temperamentum paucis commune est. *Balth.* Illis solis, qui in homine DEum amant, quod est christiane amare, non ethnice tantum. Sed me primus Paulani occurfus attoluit. *Cos.* Recte advertis. Neutrum de facie noverat: tamen vix vifos suo quemque nomine compellavit: unde, & cur adesset, explicuit; nec obscure coelitus se esse monitum significavit, ut ex fuga hominum rediret ad homines, quorum opera sibi esset futura utilis *ad certum finem*. Profecto mihi sic comparatus est animus, ut promptus sim ad quodvis obsequium. Honorat me DEus meus, si utitur ex beneplacito Servi tui. *Balth.* Mirificum sermonis exordium fuit. Sed me simplex obedientia, qua Episcopi personam in me coluit, multo affecit tenerius. Vix umbram imperii conspexit: quam alacriter arcana sua, ne quidem testem veritus, exposuit mihi? quam sincere rationem vitæ omnem enarravit? *Cos.* Et, o cœli! qualis vitæ! Si Angelus indueret carnem, num aliter viveret? *Balth.* Ego exemplo captus sum, & cupio imitari. Vah! nondum homo vigesimum annum ætatis attigit: nunquam vel primos litterarum apices didicit: nullos Doctores Sanctitatis audivit: & suspicio in summo vertice altissimæ contemplationis plaudentem sibi! Quam grandis mihi facienda est via, dum illuc evehar!.. Nimirum, qui ubi vult, spirat, mature Franciscum per compendia viarum duxit: dum ego lente ambulo per ambages. Via brevissima ad perfectionem est VIA AMORIS: o si hanc ivissem, quantos pridem reliquifsem post me! Nunc ferre debeo, quod præcucurrerit pæne puer, ac ne quidem Abecedarius. *Cos.* Utilis comparatio. Est tamen quod doceri velim, Amice! Ecce tota fere occupatio Francisci in frequentandis affectibus Amoris se versat: credine potest, tanti esse hos actus DEO, ut pretium præ actibus quibusvis alterius virtutis habeant? Profecto administratio justitiæ, qua publica scelera

scelera, & suam cuivis jus vindicamus; fortitudo, qua pro patriæ bono, aut fide jurata Principi vitam & sanguinem fundimus; prudentia, qua regendæ Reipublicæ strenue invigilamus; temperantia, qua intra decori limites coercemus tumultuantes affectus; misericordia, liberalitas, magnificentia, affabilitas, solertia, virtutes videntur, quæ multo & splendidius, & utilius formant virum, quam istæ teneritudines faciant: age erroneum hoc iudicium putas? *Balth.* Certe si a charitate hæc virtutum exercitia separe, erroneum est, quia iudicio DEI, qui solus errare non potest, contrarium: nam quæ tu enumerasti gloriosa facinora, *nonne & Ethnici faciunt*, quin tamen spes præmii ullius in coelo sit? Nempe homo *in externa specie* figit oculos, *DEUS cor intuetur*: inde iudiciorum contrarietas venit. Virtutes, quas *morales* vocamus, *naturam* perficiunt. Tribuunt, ut sis bonus homo, bonus civis, bonus Princeps: verum ut sis *bonus Christianus*, Theologicæ virtutes exiguntur, *Fides, Spes, Charitas, tria hæc: maior autem horum est Charitas.* 1. Cor. 13. eo quod Fides serviat, *ut possim*: Spes, *ut velim* amare: Charitas autem non ordinetur ulterius, sed animam suo principio, & fini conjungat. Sequitur, quod Charitas *Regina virtutum* sit: & ut facile concludes, actus virtutis nobilioris merito apud DEum in pretio majore esse, quam sint actus aliarum minus nobilium, saltem nisi & ipsos Charitas imperet. Imperat autem, imperat illustrissimos actus, neque in suis quiescit: sed quando se offert occasio, aut DEUS impellit: alacriter virtutes famulas ad opus excitat; atque ita denique hominis perfectio *in perfectione Amoris* consistit. Certa doctrina est ex Apostolo: *Si Charitatem non habuero, nihil sum.* 1. Cor. 13. Utinam sicut *speculative* pridem perspexi, etiam *prædixi* tenuissem! *Cof.* Suboritur aliquid luminis. Ut serviam DEO, ideo me fecit DEUS, ideo homo sum, ideo vivo. Actus vitæ meæ alii sunt liberi, alii naturales, & necessarii. *Per necessarios* non aliter DEO servio, quam elementa, bruta, & plan-

plantæ serviunt. *Quod vult DEus, & ipsæ faciunt, sed non faciunt, quia vult.* Mihi data est facultas liberii arbitrii, ex cujus usu possum non modo obedenter acquiescere ordinationibus, quas AUCTOR NATURÆ constituit : sed etiam accommodare me legibus, & beneplacitis, quæ DOMINUS SERVIS promulgat. *Balth.* Recte discurras. Jam vero dic mihi, per quos *Actus liberos* DEO servimus? *Cos.* Utique non per alios, nisi quos agimus PROPTER DEUM? Quis enim me dicet servivisse Regi Tartarorum, cujus causa nunquam vel pedem, vel manum movi? *Balth.* Itaque neque habes, quod speres, mercedis quidpiam *ab illo Rege*, quantoscunque labores per vitæ tempus susceperis, quæcunque pericula subieris, quascunque virtutes exercueris. Dicet enim Tartarus : Præmiet te, cui laborasti! Propter me egisti nihil : itaque nihil debeo. Vides in hoc exemplo, quam merito DEus nullam virtutem æstimet, nisi quam *propter ipsum* exerces? Agere autem *propter DEum* quid est, nisi agere ex Charitate? itaque anima virtutum est Charitas : & sine hac illæ cadaver sunt. *Cos.* Jam plena luce se veritas mihi exhibet, & ad mærorem. Unum adhuc se dubium movet. Actus Amoris, in quibus vidimus exerceri Paulanum, fere *meri affectus* sunt : tantine sint? *Balth.* Nimirum DEUS, Cosenti, alios vult occupari *circa se*, alios *propter se*, plerosque mutatis vicibus, modo *circa se*, modo *propter se*. Quodlibet vitæ genus suam laudem meretur : summam illa, in qua summus est amor. Mensura amoris mensura est meriti. Verum qui se diu, uti Paulanus, occupat *circa DEum*, & scilicet in *actibus Amoris elicitis* : hunc suæ industriæ fructum habet, quod deinde, cum res postulat, facillime exerceat *imperatos*, & se occupet *propter DEum*. Didicit ex creaturis scalam conficere, per quam ascendit, & descendit, cum lubet, quin unquam a DEO abeat. *Cos.* Tandem videor mihi intelligere aliquid de iis, quæ vidi. Vis dicere : Franciscus non cessavit servire DEO, etiam cum servit nobis.

Ecce

bis.

bis. *Balth.* Rem dicis. Et fallor? an lautam homini cœnam imperavit amor, tam longas ut trahat moras? Per te si liceat, explorabo, quid agat.

S C E N A V.

Cosentius solus.

Quod lubet, age. Me rerum omnium, & omnis vitæ fastidium tenet acerbum, grave. Cosenti, vixisti annos quinquies omnino denos: semper vegetus, & viribus valens: & vitæ genus, cui occasiones rem gratam præstandi DEO nunquam deerant. Euge! quot annis serviisti DEO? immo quot menses numeras, aut dies saltem? Horam subinde aliquam, Domine (memini) consecravi Religioni: verum & ipsam ah! quam frigide, quam nihil amans! *Multa tuli, fecique*: sed quæ fuit omnis sive patientiæ, sive laboris mei origo, quis finis? *Origo* vitium, aut natura fuit: *Finis* aut scelus, aut vanitas. Cupido placendi mortali Principi, commodandi meæ familiæ desiderium, libido satisfaciendi meis cupiditatibus, ambitio honoris, ac titulorum, spes lucri, amor licentiæ, denique nugæ nugarum fuerunt anima tot motuum, quibus me, & alios conturbavi. Hac hora si sisterer supremo Judici, quid responderem interroganti? Age, quid tota, quanta fuit, vita *laborasti*, aut quid *passus es* PROPTER ME? Nempe obmutescerem miser, & coopertus confusione, si non mali, certe servi pigri sententiam trepide expectarem. Ita, quæ debebant esse *scala cœli* creaturæ, *scala inferni* forent. Huc me malorum *mali amores* traxerunt, amores rerum pereuntium, vanarum, futilium. Stultitia gravis! Quid enim amas in creaturis, cum amas Cosenti? Formam an? DEus est pulchrior. Opes amas? DEus est ditior. Munificentiam amas? DEus est liberalior. Virtutem etiam si amas, qui sanctus

sanctus Amor est: DEus infinite est sanctior, DEus super omnia!
 vah! amores, amores mei quo exerrastis!

SCENA VI.

Cosentius. Balthasar.

Balthasar. **A**D coenam te voco, Domine, ad coenam, qua nullam
 unquam sapuisse tibi dulcius, certum est mihi :
 nam Amor Divinus condivit. *Cos.* Quid sibi hæc præfatio velit?
Balth. Brevis sum. Audi attente: mera prodigia loquar. *Cos.* Lo-
 quere. *Balth.* Cum discessi a te, Franciscum reperi in mentis ex-
 cessu. Cubitum totum elevatus in aëra hærebat sine motu, arden-
 te vultu, corde interdum extrudente altum suspirium. *Cos.* O fe-
 lix conditio animæ amantis DEum! *Balth.* Diu attonitus hæsi in
 aspectu, & vix non cum ipso in extasi. Tandem ad se rediens lente
 subsidit in terram. Vix viderat (hem novum prodigium) prò! ex-
 clamavit, prope parandæ coenæ oblivio subiit. Cucurrit: curro
 simul: stetimus ad rivulum in vicinia: vocat ille pisciculos: acce-
 lerant turmatim: nudis manibus senos ipse comprehendit, &
 sinu conclusos ad focum defert. Iterum prodigium! *Cos.* Narra
 cito! *Balth.* Non ignis, non pruna, non cinis, non lignum aderat.
 Arripit ollam Franciscus pisculos injicit, affundit aquam: quam ut
 vix extremo digito tetigit, incipit illa continuo calefieri, stridere, e-
 bullire. Momento pisciculi cocti sunt. Ad hanc coenam in-
 vitamur. *Cos.* Omnibus Regum mensis pretiosior est:
 cito imus. *Balth.* Imus.

— 333) o (333 —

CHORUS

Chrysopœia Divini Amoris.

Microcosmus, sive Homo. *Mercurius* mendax Alchymista, sive amor lucri. *Chrysopæus* verax, sive Amor DEI.

*Microcosf.**

JO! dives sum, & locupletatus,
Et nullius egeo! Apoc. 3.....
Vive Mercuri! tuo artificio
Hanc omnem opulentiam debeo,

* In numerando
auro suo occu-
patus.

A R I A.

Quantus sum, tantus sum

A Chrysopœia:

Eja!

Phœbe mirificum

Lauda Mercurium!

Ars princeps artium

Est Chrysopœia!

Ars vere aurea

Lucri } ambo : ditissima

Chrysopæus ex
angulo.

Est Chrysopœia.

Chrysop.

Vah! dicis: dives sum, & locupletatus,
Et nullius egeo!

Et nescis, quia tu es miser, & miserabilis,

Et pauper, & cæcus, & nudus!...

Hoc dicit Dominus :

Ecce sto ad ostium, & pulso :

Scio opera tua,

Quia

Quia neque frigidus es, neque calidus.
 Utinam frigidus esses, aut calidus!
 Sed, quia TEPIDUS es,
 Et nec frigidus, nec calidus,
 Incipiam te emovere ex ore meo! Apoc. 3.

Microcosf. Tu quis es,
 Qui tantum mihi nuntias malum
 A Domino?

Chrysop. Missus sum, ut liberem te
 A mendace Mercurio.

A R I A.

1.

Insanis,
 Quem labor fatigat inanis!
 Spe modici lucelli
 Non potest vir prudens impelli,
 Ut vano rabulæ
 Sacrificet sua, & se.

2.

Quid aurum?
 Quid coacervasse thesaurum
 Juvabit moriturum :
 Et illas in terras iturum,
 In quibus *Numinis*
Vilissimi nulla est vis?

Microcosf. Quid dicas, non intelligis:
 Meus, quem laboro, non est labor sterilis.

Chrysop. Quæro, cui sit utilis? ...
 Ajo, quod fructus tui laboris
 Sit aurum spurium,
 Cui nullum in cœlo est pretium.

Eeeee 3

Mi-

- Microsc.* AURUM SPURIUM:
Adsit ipse Mercurius, & refutet convitium.
- Mercur.* Vah! video inimicum Amorem!
- Chrysop.* Persequor,
Ubique affectas Divinum honorem.
Fraudes detego, vilem facio.
- Microsc.* Heu me! si *pro auro spurio*
Fodiendo, coquendo, cudendo
Misere consumpsi me!
- Mercur.* Futilem metum una cum inepto homine
A te abige.

A R I A.

I.

Cur audis blateronem?
Sub specie Amoris
Ad odium laboris
Extimulans, hypocrita
Ingeminat suspiria,
Fingit *Religionem*:
Cur audis blateronem?

2.

Vetabit *laborare*:
Orando occupabit,
Orantem delectabit:
Hac arte te decipiet,
Ad incitas te rediget,
Et coget mendicare.

Chrysop. Ex more suo mentitur Mercurius.
Non odit AMOREM LABORIS
Amor Coelicus.
Immo *imperat serio*,

Ne

Ne tempus malo male perdas in otio.
Sed hoc ago, hoc urgeo,
Ne labores *sine opere pretio* :
Volo, ut *ab igne*, quem nutris, perpetuo,
Prodeat *aurum solidum*,
Non spurium.

Mercur. Iterum repetis infame convitium ?

Chrysop. Provoco ad experientiam.

Eja! bone vir,
Redde flammis hanc massam auream :
Ego folles animabo.
Nisi tota in fumum abeat,
Reus sim de mendacio,

Microcos. Optima propositio!

Mercur. Et tu, stolide,

Tanti non metuis thesauri periculum ?

Chrysop. Si *verus* est, non timet incendium.

Microcos. Bene habet: fiat probatio!

Mercur. Atego, ingrater, ecce! te defero.

Microcos. Superi, quid video? *

* Exhibitio.

Chrysop. Aurum vides in auras evanescere,
Una cum ipso impostore Mercurio.

A R I A.

I.

Ecce hoc habes, qui te, *non pro me*.

Demens in gravibus

Vexas laboribus

Videris lucrari,

Videris ditari:

Subito cares re omni, & spe!

2. Sci-

2.

Scilicet fallit te *noxia* nox :

Manus fictitiis

Implet divitiis :

Inanes videbis,

De fraude dolebis ,

Somnum cum galli excusserit vox.

Microcof. Heu ! repente ex ditissimo

Pauperrimum me video !

Homo insipiens, cur credidisti Mercurio ?

Chrysop. Suadeo tibi *emere a me aurum ignitum*,*Ut locuples fias.* Apoc. 3.*Microcof.* Quomodo possum *emere* , qui nihil habeo !*Chrysop.* *Eme Amoris pretto.**Ama DEUM, & fac, quod vis.*

Sic, quidquid facies, cum lucro facies,

AURUM facies.....

Amor, Amor veri est *semen auri* :Amor est *lapis Philosophicus* ,

Veræ Chrysopœiæ peritis probatissimus.

Microcof. Quid igitur jubes me agere ? clarius edoce !*Chrysop.* Age, quod egisti : NON ALIUD,
SED ALITER.

Et nempe, quod hactenus egisti EX MORE,

Age deinceps EX AMORE.

Hæc est doctrina *aurea*,

Hæc certissima CHRYSOPOEIA.

Microcof. Ah ! cur sero adeo

De arte tam nobili audio ?

Amice, quot dies, menses, annos peridi

In labore *inutili* !*Chrysop.* Non est nullum malo remedium :

Tepo-

*Teporem excute ,
Et Amoris fervore amissum tempus redime.*

A R I A.

I.

Microcos. Anni, menses, dies, horæ
Vani actæ in labore.

Ah! redite,
Estis vitæ

Pars peractæ maxima!

Chrysop. Ama! Amor aurum dabit:
Quod quem diem inaurabit,
Unus valet sæcula:
Sic jacturam repara!

2.

Microcos. Tota vita laboravi:
Et pro coelo quid paravi?

Chrysop. Talis vita,
Nunquid vita?..

Microcos. Quæstio gravissima!..
Chrysop. Sed jam ama, & amando
Hanc jacturam repara!

P U N C T U M II.
AFFECTUUM INTENSIO.
S C E N A I.

Franciscus. Balthasar. Cosentius.

Cosentius. ENimvero quasi micas de mensa coelesti cadentes ap-
posuisses; ita mihi hæc coena sapuit. *Franc. Aga-
mus*

Fffff

mus DEO gratias ! *Omnes.* DEO gratias ! *Franc.* Bonus est , mihi credite , bonus est Dominus , & liberalis , & suavis diligentibus se , modo *toto corde* diligamus . *Balth.* Vis dicere , modo cor totum occupemus in *Amoris affectibus* , sine dissipatione in alios . *Franc.* Hoc volo : & *vita affectiva* , dico , quod sit *mater lætitiæ spiritualis* , illius lætitiæ , quæ exuperat omnem sensum : quæ spiritum quidem dulcissime afficit ; sic tamen , ut non raro se diffundat in corpus : quam experiri possumus , explicare non possumus . *Cof.* Fallor ! an hodie aliquid ex hac lætitia delibavi ? Certe cui hætenus ne de nomine quidem nota fuerunt spiritus gaudia : modo solatia percipio , quibus vel æqualia , vel similia tota vita non sensi . Credere incipio , quod decipiamur turpiter , quicumque credimus , vitam proborum esse obnoxiam melancholiæ : virtutique se dedere nihil esse aliud , quam ad obligationem perpetuæ tristitiæ se ultro damnare . *Balth.* Potuit hæc opinio ingenerari animis per hypocritas , aut per ineptos Ascetas quosdam , qui ut sanctitatis studium præferant , spectrorum malunt , quam Angelorum faciem inducere . Atqui Apostolo teste : *hilarem datorem diligit DEus* , 2. Cor. 9. unde colligo , quod agat cum servis suis , sicut paterfamilias cum operariis , quibus non solum sub vespere datur denarius , sed etiam sub meridiem prandium apparatur . *Franc.* Hic sensus bonus est , & ego plus dicam : dico , quod DEus *punctum honoris sui* in hoc collocet , quod habeat servos *alacriter* obedientes sibi , vultuque ac gestibus palam præferentes lætitiæ animi gratulantis , quod optimam partem elegerint , cum servire DEO potius , quam Mundo decreverunt . Qui sic ingreditur , ut credas mancipium videre te pistrino inter Saracenos additum ; herumque barbarum , & scorpiones intentantem perpetuo expavescens : cujus pallore funereo squallet facies , horrent crines , caperatur frons , rigent oculi , stupet lingua , pectus palpitat , quique totus imaginem attoniti refert ; quid putatis , an iste honori est DEO ? hoc ani-

mo, tali vultu vos famulum ferretis in servitio vestro? *Cosent.* Immo infamari domum, & Dominum credimus a servorum tristitia. Attamen hoc scimus, quod Sancti ultro a sensuum deliciis sese abstrahant, & vitam agant in angustis, in egestate, in solitudinibus, in vigiliis, in jejuniis multis, in plagis supra modum: hæc vitæ methodus quomodo non excludat lætitiā, hoc miramur. *Franc.* Excludit utique lætitiā vitiosā, stultā, vanā, puerilem, animale: sed lætitiā sanā, solidā, sanctā, verā non potest cum amoribus aliis, nisi cum Amore DEI componi. Itaque, bone vir, non equidem tripudiamus, non ludimus, non cachinnamur, non epulamur, non venamur, non gaudemus in sonitu cytharæ, non habemus *delicias vestras*: sed nec desideramus; sed spernimus insuper: sed habemus *delicias alias*, ALIAS habemus: & tripudia nostra sunt exultare in Domino: cachinni nostri ridere vos: epulæ nostræ contemplari Divina: venatio nostra in creaturis venari DEUM: nostra musica DEUM laudare, DEO plaudere, gratulari, jubilare. *Cos.* Sublimior est hæc Philosophia, quam ut a quovis capiatur. *Balb.* Ego videor mihi intelligere lætitiæ modum, quam sic extollis. Nimirum uti alia sunt gaudia parvulorum, alia juvenum, alia virorum: ita tu doces alia esse hominum sensualium, alia spiritualium. *Franc.* Utique alia, & alia nempe, ut sicut vos, qui estis viri, ridetis gaudia puerorum; neque quisquam vestrum vellet jam, quod olim fecit, ludere par impar, aut equitare in arundine longa; ita qui spiritus gaudia gustavit, ei desipiat omnis caro. Experitur nempe, quam sint ista illis nobiliora. *Gaudia sensuum* enim nunquam satiant, cito desinunt, & si durant longius, fastidiuntur, sic, ut ne Salomon quidem aliud in illis invenerit, præter vanitatem, & afflictionem: illique, qui postquam diem combusserunt in stultitiis, hodie dicunt: *heri leti fuimus!* nihil aliud dicant, quam quod dicere subinde æger solet: *hac nocte somnia jucunda habui!* aut quod dicere-

ret vitulus, si loqui posset, postquam in pinguibus pascuis horis aliquot lasciviit. Sed gaudia spiritus sic satiant, ut tamen semper magis sitiantur, idemque qui dicit : *satis est !* simul clamet : *amplius, Domine, amplius !* Sic veniunt, ut non abeant, nisi velis, atque cum voles, redeant. Sic afficiunt, ut nunquam fastidium ferant. *Balib.* Hic vero vide, ne hallucineris, Francisce ; nam ego scio, nihil in hac vita æternum esse, nihil non obnoxium mutationi. Multi hoc Sancti questi sunt, & ipsum Sanctum Sanctorum audivimus ingemiscentem : *tristis est anima mea !* *Franc.* Domine, pro me respondet Apostolus, qui Sanctos describit nobis *quasi tristes, semper autem gaudentes.* 2. Cor. 6. Semper, (audis?) semper gaudentes; nimirum quia deficere quidem potest exundantia gaudii, sed non ipsum gaudium : cessare potest gaudium hominis inferioris, non item superioris; tolli potest gaudium *sensibile*, non vero gaudium *rationale*, nisi quando ultro cessas amare DEum, atque adeo abruptis unionem cum eo, cui adhærere bonum est. Ita in ipso Christo tristitia cum lætitia eandem animam occupavit: sed nempe utilux, & tenebræ eundem involvunt globum terraqueum, attamen in hemisphærio non eodem. *Cosentius.* Verum, non est remedium, quod ejusmodi fastidium pellat? *Franciscus.* Non est præsentius, quam oratio : ideo ipse Dominus tristitiæ tempore *prolixius oravit*, & omnino consolationem exoravit sibi ministratam ab Angelo. Nempe ne vos quidem cibi suavitatem sentitis, nisi cum applicatis palato. Applicatio mea oratio, & contemplatio est. Per hanc Amoris objectum, quod dulcissimum est, unitur animæ : & in unione dulcedo sentitur vel minor, vel major, prout illa vel strictior erit, vel laxior. Itaque quidquid applicationem impedit, quidquid distrahit contemplationem : suavitatem Amoris confundit. Habetis causam, cur homines fugiam : & jam tempus est, valete! Priusquam die scat, hinc abeundum est mihi. *Cosentius.* Abeundum? & quorsum? *Franciscus.* Ubi me nullus

nullus homo inveniat. *Balthasar.* Franciscæ, salva obedientia, quam Episcopo debes, non ibis hinc. Jussus sum explorare, quæ sit vitæ methodus tibi. Expectare, cum retulero, quid de te Præsul statuatur, juberis tu. *Franciscus.* Boni Superi! quod malum audio? nunc si quid hospitoli titulo mereor, utrumque obsecro, ut sis Patroni mihi. Homines me hic repperunt: homines quotidie turbant: liceat mihi homines fugere. *Balthasar.* Tibi soli non vivis: & si reperisti thesaurum in hac ratione vitæ, ut cum aliis quoque communices, CHARITAS imperat. Sunt, qui petierunt a Præsule facultatem adhærendi tibi, & in hoc loco profitendi contemplationis exercitamenta, Magistro te: recedere licebit paullulum, & deliberare, quod velis responsum a te, ut Episcopo feram. *Cosentius.* Et quidni ex stapede sententiam, Paulane, dicas? Ego enim, quanquam parum frequentaverim Amoris scholam, tamen nihil credo errare me, si dico: *parum te amat, DEUS, qui, cum potest, non curat, ut plures ament.* *Franciscus.* Prô! quale auguror malum mihi? Cum fugerem a vobis antea, jussit reverti Dominus, & hospitibus ministrare, qui in negotio momenti magni futuri mihi auxilio essent. Jam sic juvatis? juva me! DEUS mi, ne a te abstrahar!

S C E N A II.

Balthasar. Cosentius.

Balthasar. **A** Bjit: sinamus solum cum DEO agere. Tibi, Domine, pro amicitia communico consilium cordis mei: primus ego discipulus Paulani ero. *Cosentius.* Doctor discipulus? *Balthasar.* In scientia Sanctorum ego puer sum, ille Magister est. Prospicio gaudia, quæ mihi in hac eremo sub hoc magisterio paravit DEUS. Docebor amare, & TOTO CORDE amare! O doctrina omnibus doctrinis potior! *Cosentius.* Resolutio heroica est, quam ego non laudare modo, sed etiam imitari

Eja ! fac, ut institutum, Amice, Episcopus probet. Ecce area, in qua stamus, mea est, vestra sit: accomodate usibus vestris, & meis. *Balthasar*. Liberalis es. *Franciscus* quid de hoc consilio judicet, audiemus.

S C E N A III.

Franciscus. Cosentius. Balthasar.

Franc. **A** Mici! * *Cosentius*. Superi! quis subito splendor micat! *Balthasar*. Hem! CHARITAS! *Franciscus*. Vicistis! immo CHARITAS vicit! Jam patior, quos fugi, homines! Ade-ste omnes! utinam eodem, quo ego igne ardeo, accendere omnes possem. *Cosentius. Balthasar*. Primos accende nos! *Cosentius*. Ego mea! *Balthasar*. Ego meipsum addico tibi! *Franciscus*. Ut-rumque CHARITAS habeat, BEATA CHARITAS!

MEDITATIO III.

Diliges ex tota mente tua. *Marc. 12.*

S. FRANCISCUS SALESIUS.

A R G U M E N T U M.

A MOR AFFECTIVUS, qui cor occupat, si sincerus est, sterilis esse non potest. Unde si quis dicat: TOTO CORDE se DEum diligere: an verum dicat, cognosces ex fructibus, & scilicet ab examine, an etiam diligat ex tota mente, ex tota anima, ex tota virtute, puta per omnes poten-

• In aere vox CHARITAS splendet Francisco characteristica.

fortiter toleratæ abunde probaverunt. Erit igitur hujus Meditationis

Materia: S. Franciscus Salesius de sua reprobatione anxius.

Puncta duo: 1. Tentationis atrocitas.

2. Tentationis victoria,

Fructus: Primus Amoris gradus: *nihil amemus SUPRA DEUM!*

Propositum: Statuamus DEum etiam austerum amare. Ita fiet Amoris probatio, & inter nulla adversa deficiemus, neque cum vita ipsa periclitabitur.

P E R S O N Æ.

S. Franciscus Salesius Philosophiæ Parisiis studens.

Franciscus de Sales Sancti Pater.

Deagius, ejus Moderator.

Meranus Famulus.

P R O L O G U S.

Reflexio in Meditationem præteritam, & Præparatio ad præsentem.

Fides. Ratio.

*Ratio.** Superi! ubi fui? .. & ubi sum? .. * Ratio ab ex-
Hen! a quanto repente excidi gaudio! tasi redit ad
Disparuerunt Thaborca spectacula, se.
Amoris miracula!...
Ah! quam jucunda occupatio
Est contemplatio!..
Nemo, nemo, nisi expertus, potest capere,
Quam suave sit, DEum diligere.

Ggggg

ARIA.

A R I A.

1.

O DEus!

O mihi omnia DEus!...

O si te homines nossent!

O si cor tuum inspicere possent!

O si viderent, audirent, gustarent,

O si olfacerent te,

Si tangerent te!

Quam te ferventer, quam pure amarent!...

Nunc vix intelligent me,

Si loquar de te!

2.

Caliginis tuæ si lucem declaro,

Si mysticum coeli silentium narro:

Occulto de manna si plaudo,

Odores ignotos si laudo:

Extases, oscula,

Raptus, sponsalia

Si jacto de me:

Qui audiet me,

Vah! dicet: insānis,

Qui talia canis!

Fides. Siccine? tu, postquam gustasti, & vidisti,*Quam suavis sit Dominus*, Pl. 33.

Se amantibus:

Hic sedens in otio indulges affectibus?

Ratio. Est dulce otium: sine, Soror,

Sine me in sinu Amantis requiescere.

Fides. Satis est, satis datum contemplationis illecebris,

Satis Amoris deliciis!

Omnia

Omnia tempus habent.
Est tempus amplexandi ,
Et tempus longe fieri ab amplexibus! Eccl. 3.
Habet Amor sua otia,
Sed & habet sua negotia,
Habet labores, habet pugnas, & praelia.
Quid? solum cor tu vis Amori sacrare?...
Atqui per omnes potentias juberis amare :
Toto corde, tota mente, tota anima, totis viribus.
SIC prorsus, **SIC** DEUS **DILEXIT** TE :
SIC TU DEUM **DILIGE**.

Circumspice! ... *

*Exhibitio.

Nunquid, qui animi *gaudium* extremis angoribus ,
 Qui *libertatem* truculentis liſtoribus ,
 Qui *famam* infestis tribunalibus ,
 Qui *sanguinem* flagrorum cruciatibus ,
 Qui *vitam* propter te tradidit crucis doloribus:
 Nunquid *tota mente* amavit te ,
 Nihil appretians **SUPRA** TE?.....
 Et qui *reliquit omnia* , ut sibi assereret te :
 Nunquid *tota anima* amavit te ,
 Et nihil **PRÆTER** TE?
 Et qui pro te *pedes* fatigavit per itinera ,
Manus extendit ad prodigia ,
Oculos ad lacrymandum adhibuit ,
Lingua prædicando exercuit ,
 Nec, ubi fessum *caput* reponeret , habuit:
 Nunquid *tota virtute* ,
 Nunquid **SINE** **MODO** amavit te?
 Ecce! hoc est Amoris *affectum* per *effectus* probare ,
 Hoc vere, hoc solide, hoc sincere amare.

A R I A.

1.

Quam facile est, dicere :
 O DEus, ego amo te!...
 Quod dicitis, probate!
 Splendore quod non spurio
 Illudat aurum oculo,
 Per ignem demonstrate.

2.

Affectus vestri pectoris
 Est, sicut radix arboris:
 Et hæc, & ille latet:
 Quod utriusque meritum,
 Quis usus sit, quod pretium,
 Ex solo fructu patet.

Ratio. Omnino, bonum est consilium.
 Probabo me, Amor meus, utrum sic amem te,
 SICUT tu amasti me!

Fides. Per gradus ingredi! non enim licet volare.
 Sufficit, si hodie examines te:
 An Amor tuus *super omnia* DEum appretiet?
 Sive, an ejusmodi sit,
 Ut nihil audeas SUPRA DEUM diligere?
 Hoc est enim EX TOTA MENTE diligere.
 Quodsi aut, ut obtineas bonum, quod cupis,
 Aut, ut effugias malum, quod metuis,
 Non horres DEum offendere;
 Jam utique intelligis,
 Quod hoc sit TEIPSAM *supra DEum* diligere :
 Inspice, severe te inspice!

Ratio. Hem! quæ lux terrificæ subito
 Infundit se animo?

Repen-

Repente evanuit omnis consolatio,
Et trepide incipio dubitare de me,
An unquam dixerim serio :
O DEUS EGO AMOTE!.,...

Age, loquere cor meum :
Nihil amas SUPRA DEUM? ...
Ah! Amor, quid amem præ te?...
Tacel lingua! tu cor meum
Tu, quæso, testare de re!...
Quid mussitas? ...
Heu! hæsitas?..
O triste examen pro me!

2.

Nam unde me probabo?
Quos *Fructus* Amoris monstrabo?..
Hem! quem credebam apici
Jam summo imminere :
Vix pedem montis attigi,
Et cogor hic hæcere
Ambigua in se :
O triste examen pro me!

—††) o (††—

Ggggg 3

MEDI-

MEDITATIONIS III.

De S. Francisco Salesio

PUNCTUM I.

TENTATIONIS ATROCITAS.

SCENA I.

Deagius, Meranus.

Deagius. **M**ERANE! *Meran.* Vah! occurfus infelix! *Deag.* Nam cur me fugifti tu? *Mer.* Video me deprehensum effe, Sed nihil interest, fi prodo myfterium, quod diutius occultum effe non potest. *Deag.* De quo myfterio tu loqueris mihi? *Mer.* Nempe de veste hac, quam sartor heri confecit denique, & hodie Salesius induet. *Deag.* Moderatore ignaro nova vestis parari non debuit, & cui fini? *Mer.* Talem se obvium Illustrissimo Domino Parenti feret, cujus in hanc diem adventus, te teste, decretus fuit. *Deag.* Expecto in horas: evolve sarcinam... Juvate me Superi! novum luctum hic color nuntiat. Clericalis est habitus: Clericum se Patri Franciscus sistet? *Mer.* Ita constituit. *Deag.* In mortem affiget. *Mer.* Gnarum consilii? *Deag.* Unde? *Mer.* Ex filii ipsius epistola, per quam licentiam petiit acceptandi Beneficium a summo Pontifice, ne quidem de tanta gratia cogitanti oblatum. *Deag.* Obscura sunt omnia. *Mer.* Igitur narrabo per ordinem. Consiliis Joyosæ Capuccini quantum tribuat Salesius, non ignoras. *Deag.* Et probo, quia virum delegit sibi heroice sanctum, nec vulgaris prudentiæ. *Mer.* Hominis famosissimi exemplum Salesium traxit

trahit in imitationis cupidinem. *Deag.* Vir erat Joyoſa pacis, bellique artibus longe clariffimus, ex aulaꝝ proceribus fere primus, Regi ad invidiam charus; tamen cum ad ſummam fortunam deeſſet nihil, repente calcatis illecebris, ille ſermonum, judiciorumque humanorum contemptor, fugitivus a caſtris Mundi, ſacco veſtivit ſe, & elegit in domo DEI abjeſtus eſſe potius, quam habitare in tabernaculis peccatorum. Ipſe ſuſpexi aſtum dignum ſane nunquam interituris annalibus. *Mer.* Cum Joyoſa igitur tractavit herus deliberationis de vitæ ſtatu ſapienter eligendo negotium? *Deag.* Suſpicabar, nec erat, cur improbarem. *Mer.* Amore patriæ erroribus inquinatæ decrevit Sacerdotio addicere ſe, atque ut hunc in finem firmaret animum, nuper in Sacello DEiparæ extra urbem, præſente me, voto perpetuæ caſtitaſis ſe DEO adſtrinxit. *Deag.* Probante Joyoſa? *Mer.* Id nescio: hoc ſcio, quod conſilium ſuum continuo Patruo ſuo Gebennenſi Canonico perſcripſerit. *Deag.* Et quid ille? *Mer.* Gavifus de ſanctitate nepotis promiſit, licentiam exequendi propositum ſe impetraturum a Patre. *Deag.* Aſtum ager: Primogenitum familiæ non patietur Parens dicari aris. *Mer.* Non erit tamen inexpugnabilis: Canonicus negotium non ſine artificio egit. *Deag.* Audio. *Mer.* Commode tunc Eccleſiæ Gebennenſis Præpoſitura vacabat, dignitas ab Epifcopo prima, & cui providere Pontifex debet. Scribit Romam Patruus, & commendat cognatum; annuit Papa, Beneficium addicit Saleſio. *Deag.* Mira narratio: nihil dubito, quin lateat in hoc eventu aliquid Divini conſilii. Et gavifus eſt Juvenis de tanta gratia? *Mer.* Immo noluit acceptare: dicebat enim labores Sacerdotii ambire ſe, non honores. *Deag.* Mens digna Saleſio! *Mer.* Sed reſcripſit Canonicus: acquieſcendum eſſe Divinæ Providentiæ honores offerenti nunquam deſideratos: fore, ut ſic ornatum Pater facilius manu mitteret: laboris materiam in Dioceſi ab hæreſi, & vitiis paſſim corrupta etiam Præpoſito deeſſe non poſſe,

se, si voluntas adesset: abrumperet moram, & quanti sibi esset Pontificis gratia, palam ipso habitu profiteretur, ne expectato quidem consensu parentum: cætera se curaturum. Hem causa, cur ignaro te ista vestis confecta sit, nimirum ne tu forte Patru placitis opponeres te. *Deag.* Rem novam audivi, de qua gaudeam ne, an angar, medius hæreo. Sed dum unum explicas, alteri dubio implicuisti me magis. Dic: a quo tempore adeo supra votum voti compos Franciscus fuit? *Mer.* A prima notitia pæne jam mensis fluxit. *Deag.* Mirum! & nunquam alias tristem, nisi hoc mense Salesium vidi: quæ causa est? Forte Pater jam negavit consensum? *Mer.* Responsum certe: hinc antequam adsit Parens, statuit se vestire. *Deag.* Minime suaferim; intremus.

S C E N A. II.

Franciscus. Deagius. Meranus.

Meranus. **E**Cce orat!...* *Deag.* Nam quid hoc sit? iterum deprehendo immersum lacrymis, & frustra tergis oculos, Francisce, a fletu turgidos. Jam maeste animo! huc usque tuum tibi silentium nocuit. Quod ignorat medicina, non curat. Nunc postquam detexi tristitiæ fontem, facile solatium erit. Habe tibi, quam adeo deperis, vestem Clerici. Non sum contrarius sancto proposito, ut tu putabas; potius, quod hodie scies, apud Patrem patronus ero, ut, quem adeo ardentem expetis, consensum impetres. Consilium tantum non probo tuum: & tu, si qua tibi adhuc Deagii reverentia est, nequaquam subibis Parentis oculos vestitus aliter, ac ipse velit. *Franc.* Ah! Domine Moderator, non est homo miserius me! Relinquit me mihi, obsecro, & lamentis meis: nisi a fletu, & precibus, auxilium

* Animadverso Deagio Franciscus lacrymas conatur reprimere.

xilium non erit mihi. *Deag.* Cor Patris in manu Domini est; fleſcet ad vota tibi, ſi ſerventer oraveris. Ora igitur, non impediam, ora! ſed ut trititix modereris, ora cum ſpe: ſpes non confundit: neque natus Parentem eſ durum tibi, aut inexorabilem. Merane, depone ſarcinam: imus! tritibus ſolitudo ſolatum fert. *Mer.* Here, egregia veſtis eſt, & digna Præpoſito. *Franc.* Aufer ex oculis, quaſo: aſpectus cruciat. *Deag.* Relinque: niſi falſus ſim vates, hodie indues, nihil invito Patre: hodie diuturnus luſtus vertetur in gaudium, quod deinceps nemo tollet a te. Ora, donec adventus Patris ad pugnam evocet. *Franc.* Non habeo Patrem: infelix ſum. *Deag.* Sic dolor loquitur. At Matrem habes: Maria Mater eſt! Verte animum illuc: Mater reſtituet Patrem: ora.

S C E N A III.

Franciſcus ſolus.

ITa eſt: Pater me meus odit, dum me profani Principis ſervitio deſtinat: & Pater coeleſtis abiecit, dum renuit a me arri. Ergo geminum Patrem amiſi miſer: neque tu miſereris MATER Filii dupliciter orphani?... Fallor! an Deipara quoque illos ſuos miſericordes oculos avertit a me?... Inepta dubitatio eſt; nam cui DEus Pater eſſe ceſſavit, utique Maria Mater eſſe non poteſt! ...Horrenda res! quod licet omnibus, non licet Saleſio dicere: *Pater noſter, qui eſ in cœlis!* ...Audite hoc muti parietes, ſed nemini meam miſeriam prodite! Franciſcus Saleſius (audite, & miſereſcite!) Franciſcus Saleſius eſt *infelix illa creatura, que DEum ſuum æternum amare non poterit, & quam DEus ſuus æternum amare non volet!* O calamitas! o horror! o ſupplicium immane, atrox, intolerabile! ...Saleſi, locus tormentorum eſt paratus tibi! Tibi ardet ignis tartareus, ignis, qui te involvet undique flammis devorantibus carnem, populantibus oſſa, cruciantibus

H h h h h

tibus

tibus viscera, exsiccantibus medullam ossium, in ipsum immortalem spiritum rabie æterna furentibus. Tremat animus vel ad memoriam tantæ calamitatis... Et tam gravibus oppressus miseris quid faciam?... Qui erunt damnati mecum, flebunt, scio, stridebunt dentibus, *ponent in cælum os suum*, os impium, rebelle, sacrilegum: blasphemabunt DEum meum: ego!... Quid obmurmuras infelix anime?... Quid? Franciscus Salesius blasphemabit?... Salesius damnatus cum damnatis DEum suum blasphemabit?... Salesius blasphemabit! o vox, tristior tristissima æternitate!... Sed hoc absit a me! hoc non fiet! sit mihi coelum, & terra testis, non blasphemabo! Furat ignis, rodat vermis, frendeant socii, fremant diaboli, non blasphemabo; scio enim, DEus mi, quod etiam *cum austerus*, amabilis sis, quia semper iustus es, semper sanctus: ... Verum blasphemantes tamen necesse erit audire. Dolorum impatientia, & rabidi dæmones huc adigent miseros. Audiam! neque licebit corrigere! Tormentum hoc est *amanti* omnibus tormentis acerbius!.. Amanti, ita: sed tu errasti, Salesi: nam tunc *neque tu DEum* amabis, *neque DEus te*! Ecce redit amarissima cogitatio de tristissima conditione creaturæ, *quæ Creatorem suum æternum amare non poterit, & quam Creator æternum amare non volet*! Huc, infelix, huc redigeris... Et quando? post mortem utique. Interea quid ages Francisce? prô! ut se mutavit animus ab uno mense! Recordor principii. Qua hora decrevi Sacerdos fieri, eadem incepi miser esse. Quocunque incedo, aures animi vellicat tristissima vox: *si eris ex numero Clericorum, eris ex numero damnatorum*! Igitur hac veste indui, idem erit, ac inferno consecrari. Et si non induar, utique salvus ero? Minime gentium! nam primæ voci successit altera, quæ dixit mihi: *Salesi, agere, quod libet, licet. Nam ut esses inter reprobos, DEus voluit: lata sententia est, neque mutari potest*! Ergo si me ultro ad labores, & curas damno, quas ista vestis exigit, & si Sabaudiam universam lucrabor DEo, quid me juvabit? heu! undique fluctus premunt!

SCENA

Franciscus. Deagius.

Deagius. **R**ursum adsum : nam urget cura, ne maior filii male Parentem habeat. Ut successit oratio? *Franc.* Non aliter ac pumex arui. Sed tu consilio solari, Deagi, potes. Quæro: si abjecta veste Clericali acquiesco voluntati paternæ, num spes sit salutis super? *Deag.* Audio, deliberationis negotium cum Joyosa peractum esse. Itaque si vocare DEum, dubitandi prudenter non est ratio, resilire a proposito, & retrahere ab aratro manum, res est periculi plena, postquam verbis adeo apertis dixit Dominus: *qui amat patrem plus, quam me, non est me dignus*, Matth. 10. *Franc.* Tinniunt ambæ aures ad hanc sententiam! Verum si vocationi paruero, num certa est salus? *Deag.* Nondum sane: aliud enim est ingredi viam designatam a coelo, aliud nunquam aberrare, donec teneas terminum. Vigilare, & orare omnes jubemur, ne *solum prædestinationis* nostra culpa rumpatur. *Franc.* Prædestinatio, horrendum mysterium! Quid? si ego prædestinatus non sim? *Deag.* Nimirum facere debes, Francisce, ut prædestineris. *Franc.* Illudis ignorantix meæ. Atqui hoc intelligo tamen, quod prædestinatio, aut reprobatio mea facta sit ab æterno; igitur quid ego in tempore faciam? *Deag.* Noli errare ex Calvinii insania. Loquamur recte: *prædestinationis initium*, puta, *præscientia*, & *selectio* gratiarum, per quas operaberis salutem tuam, æterna fuit, ita est: sed *prædestinationis perfectio*, sive complementum, quod in illarum gratiarum usu *successivo* consistit, utique a te libere in tempore ponitur: dubitas? *Franc.* Declarari responsum vellem. *Deag.* In exemplis veritas velut in meridie splendet. Aliquibus DEus ab æterno opes, honores, longam vitam destinavit: nunquid? *Franc.* Certe, nihil enim fit casu, aut sine consilio DEI: ita me fides docet. *Deag.* Iisdem ad hos fines providit de idoneis mediis, de loco, de tempore, de

de occasionibus lucri, unde ditescerent : de libris, de Doctōribus, de Patronis, a quibus promoverentur : de victu, de commodis, de Medicis, & medicinis, per quas valetudinem vel servarent, vel repararent : atque hoc decretum *de mediis* nunquid rursum DEI fuit, & æternum fuit? *Franc.* Negari non potest. *Deag.* Applicatio autem, sive *usus mediorum* cujus est, aut quando est? *Franc.* Jam lucem aliquam nocti infer. Nimirum hominis est initium beneficii sibi ab æterno præparati per usum mediorum complere in tempore. *Deag.* Rem tenes, & stultescere dicemus eum, qui sola DEI præscientia fretus vellet *sine labore* locupletari, *sine cura* proficere, *sine medicina* sanari. Idem ergo in materia salutis sentiamus; scilicet, quod nemo *nisi volens* damnetur, nemo *sine sua cooperatione* salvetur. Sed quorsum divagaris, Salefi? Veniet tempus, cum annis, & scientia auctior doctrinam Catholicam expendes profundius, & propugnabis. Nunc hæc est quæstio : an, postquam Roma ornavit te dignitate Præpositi, de vocatione ad Clericatum primum incipias dubitare, an potius in executione vocationis contra genitoris voluntatem aliquid hominis persentiscas? Certe hoc videbaris innuere, cum interrogares, an sine animæ detrimento posses parere Patri. *Franc.* Non, *Deagi*, non dubito, quin Clericum me DEus velit; sic enim amo animas, ut amare illas nemo videatur mihi, *nisi JESUS, & ego*. Aufer a Sacerdotio omnes reditus : tolle honores, & titulos : nulla relinque commoda : tamen ambiam, modo spem lucri animarum non auferas. Non tibi hic ambitus dignus est, ut originem a cœlo habere putetur? *Deag.* Habet, quia & sanctus, & prudens est, quippe conjunctus cum spe prudente, quod desiderio respondere fructus conveniens possit. *Franc.* Sed neque renitentia Patris valde angit : cedit, si ego non cedam; novi indolem viri, & amorem virtutis. *Unum onus officii* terret etiam Angelicis humeris formidandum. Quid, si opprimar? quid? si, *cum aliis prædicavero, ipse*
repro-

reprobus efficiar? Quousque autem dissimulô vulnus, quod animum torquet? Quid dico: si efficiar reprobus? Audi me, Deagi, immo vide, obsecro! *Deag.* Quid vis, ut videam? *Franc.* Facere: non tu notas damnationis æternæ legis in ista fronte? *Deag.* Prô Superi boni, quid iste garrit? *Franc.* Hem! vultum avertis? nempe diriguere oculi in funesto aspectu hominis reprobati a DEO! Miseret me tui, vir bone! infelix Moderator es, quippe qui Juvenem educaveris, qui DEum in æternum amare non poterit, & quem DEus in æternum amare non volet. O curas male collocatas in me! Domine, plus tibi, quam Parentibus debeo; illis debeo, quod homo sim, tibi quod huc usque bonus homo! Functus es *Moderatoris* officio cum perfectione. Justus eras *moderari* mores, studia, recreationes meas, & habes grati animi causa fatentem palam: mores a te didici, quorum cultura DEO, & hominibus me amabilem reddidit: *Studiis* te duce sic me addixi, ut semper labor in amore, otium in odio fuerit: *recreationum* usus te vigilante nunquam in noxios abusus degeneravit: vinum, Venerem, & iram te adhortante assuevi fugere, horrere, triumphare; denique ad regulas *sana rationis*, & *sanc-tæ fidei* formare omnes actiones meas, præcipue vero *Amores meos* ei, qui solus amabilis est, uni consecrare ab infantia tu docuisti: gratias habeo, optoque, ut possim æternas reddere. Sed actum est, cheu! separabimur Amice, separabimur in valle Josaphat, & tu quidem curæ pro me tuæ præmium expectans inter oves a dextris stabis: Salesius autem a sinistris inter hædos stans videbit te in corona Sanctorum, fremens ac tabescens, quod ejectus sit a societate eorum, qui DEum suum æternum amabunt, & a DEO suo æternum amabuntur! Ecce! huc denique fructus industriæ desinet, quam sterili arbori impendisti colonus infelix: *excidetur*, & in ignem mittetur! *Deag.* Francisce! quæ te intemperæ agunt? Egone unquam sic sentire, sic loqui te docui? *Franc.* Noli de me affligi, charissime Moderator! justus est Dominus,

Hhhhh 3

&

& rectum iudicium ejus, etiam cum projiciet me a facie sua! tu lauda hanc justitiam, æternum lauda, etiam pro me, cujus vox a vocibus blasphemantium obruetur. *Deag.* Turbasti me. Nam egone seria esse ista lamenta credam? *Franc.* Crede mihi, vere unus ex reprobis sum! Eheu! ex illis unus, qui DEum æternum amare non poterunt, & quos DEus æternum amare non vult! *Deag.* Deliras miser, & helleboro potius, quam consilio indiges. Tace! impero! neque posthac verbum de ista stultitia loquere. *Franc.* Obedio, & sileo: at flere saltem per te licebit? *Deag.* Quid dicam? jam mihi cor in curis est quoque, & oculi in lacrymis natant. *Franc.* Fallor! an miseriæ gravitas tandem miserationem convicit? *Deag.* Iterum garris? jamæ oblitus es, quod dixi antea: *nemo damnatur nisi volens*: num vis damnari? *Franc.* Ah! nolo utique, damnabor tamen! reprobavit me DEus! ita mihi hic animus loquitur. *Deag.* Maligni serpentis sibilum audis: aures obtura. Ego DEum laudo, quod tandem adegerit te, ut loquereris. Tu disce, quantum noceat Juveni imprudens silentium, & cura latendi. Jam pæne menssem integrum video te ambulare in tenebris tristem, turbidum, inquietum: nunquam veram mæroris causam narraisti requirenti sollicite satis: ita invaluit malum, & lentius forte medicina vim exeret. Nunc age, quod tempus postulat, & intemperiem saltem dissimula Patri; ad hilaritatem compone vultum, & comitate, qua decet, excipe venientem. *Franc.* De Patre non sum anxius: erit hilarius, cum audiet, quod consilium Clericatus abjecerim. *Deag.* Quod audio novum malum? consilium abjecisti, de quo dixeras, quod non sis dubius, quin sit Divinum? *Franc.* Homini reprobo, ut suscipiat Sacerdotium, nec tu suadebis. Nunquam Sacerdos damnatur solus: semper comitantur, quos vel per scandalum, vel per acediam secum a DEO abstrahit. Ego, quia pereundum est, malo perire solus, quam cum multis. *Deag.* Ecce per caudam se prodit draco. Ut vocanti DEO tergum ver-

verteres, persuadere tranquillo non potuit: turbavit, vicit, succumbis. Miserrime Adolefcens! adeone una tentatio totum evertet ædificium summæ spei, quam cœlum, & terra de te concepit? Enimvero incipio credere, quod ad marginem inferni stes: adhuc impulsu est opus, & in abyſſo jaces. Fides, spes, charitas, omnia periclitantur: ultro te adjunges numero animarum infelici-um, quæ DEum suum æternum amare non poterunt, & quas DEus suus æternum amare non vult? *Franc.* Ah! erras, Deagi, erras, nam idem amor, quo amo DEum, & SUPRA DEUM nihil amo, idem adegit me, ut, quantum heri desideraveram Sacerdos esse, tantum hodie horream, eo quod horridius nihil videatur, quam Sacerdos damnatus: judica, num male horream? *Deag.* Male utique, quia non est sapientis mutare sententiam, cum perturbatus est animus. Serena sit mens oportet, ut bene judices. Jactas amorem DEI: non datur amor, qui spem excludit. Datur enim præceptum spei, quam si tu abjicis, utique simul amorem abjicis, qui voluntatem observandi præcepta in se includit? Vide, quo te adigat reprobationis opinio: reprobus eris, nisi opinari desinas, quod reprobus sis. *Franc.* Heu! in quas angustias coarctas animum! *Deag.* Nihil suspiria juvant: pugnandum est, & vincendus contemptu dæmon, constantia Pater. Delibera, obedire num velis. *Franc.* Utinam possim! Et tu abis? *Deag.* Ira, & miseratio abigunt, miseratio erga miserabilem, ira adversus pertinacem.

SCENA V.

Franciscus solus.

JAm vero vide, quo te vertas, Francisce! Desertus a DEO, & hominibus es! inter homines Pater, & Deagius huc usque fuisse charissimi: jam Pater persequitur, Deagius fugit; quo abis? Ominosæ voces sunt: ira, & miseratio abigunt, miseratio erga miserabi-

ferabilem, ira adversus pertinacem! Pertinacia in Juvenae reprobationis est signum, & incorrigibilitatis initium, sæpe audiui. Novum argumentum mæroris habeo, & imminentis exitii, in cujus margine me stare ne ille negavit quidem, qui me solari volebat: ideo miserabilem prædicavit. Quid? si Joyosæ me sisterem? scilicet etiam illum ira, & miseratio a me avertent, quia ego Medico animæ tamdiu texi morbum, qui me affligit, donec incurabilis fieret. Superest, ut ad Coelites fugiam! Sed cui bono? si reprobus sum, nunquid Coelitem aliquis pro me intercedet? Mater! .. Domina! .. Patrona! .. Advocata! opitulare Salesio cum infelice æternitate luctanti! .. non opitulaberis? ... heu! torpent omnia: nulla vel tenuis solatii scintilla micat. Ergo scinde pectus dolor, & invisam cœlo animam expelle cito! .. Immo ignosce cœlum! erravit lingua! aliter loqui decet Domino, cum sis pulvis, & cinis! ... *nonne subiecta erit DEO anima mea?* Erit, bene habet: & si reprobationis sententia lata est adversum me, lata sit: hoc vel damnato Salesio solatium erit: scire, quod non a tyranno, sed a DEO justo, & sancto damnatus fuerit. Verum o triste solatium! ... heu! mæror elidit animam! .. Quid ago autem? sic mærentem, nisi caveo, Parens opprimit. Fugere ex his ædibus juvat: inveniam angulum, ubi secrete lacrymer. O cœli! ænei cœli! videre Salesium sic afflictum potestis, quin liquefacitis? .. Lamentum ridendum tamen! nam quid cœlum ad me, & ego ad cœlum? ... terra, terra, terra, tu loquere, an feras hominem, qui sit inferior me!

S C E N A VI.

Pater. Deagius. Meranus.

Meranus. **H**ere! .. here! .. Quorsum abscessit homo? .. Etiam cubile vacat ab incola... *Pater.* Mature debebat
Pater

Pater per Moderatorem moneri. *Deag.* Clam me rem omnem filius cum Joyosa peregit. *Mer.* Domine, nuspiam Franciscus comparet : exiisse domo pallium & pileus, qui absunt, testantur. *Pater.* Oculos subire paternos num timet? *Deag.* Certe conturbatus animo videtur, atque Patri an DEo obediat, misere hæsitans. *Mer.* Veluti de consensu paterno certus jussit occulte has vestes confici : postea ex tuo ad epistolam silentio, decretoque huc itinere territus in mærorem se dedit. *Pater.* Consolabor. Nam etsi tenerrime afficiar filio tantæ spei, non tamen is sum, ut contradicere DEo velim, si creptum familiæ asserere sibi velit : Dominus est. Verum tamen discutiendum maturo examine consilium est, utrum illud juvenilis impetus, an Divinus instinctus pepererit. Inquire fugitivum Merane, bonoque animo esse jussum hic siste mihi. *Deag.* Non potest abiisse longius. *Mer.* In aliquo templo reperiam certe. *Pater.* Pro mea in te fiducia, Deagi (nam quod talis sit Franciscus meus, tibi post DEum debeo, tuæque curæ : & amavit me coelum sane, quod filio de tali Moderatore providit,) explico tibi animi mei motus, quos litteræ pro licentia Beneficium Pontificium acceptandi supplices excitaverunt. *Deag.* Gratiam facis, Illustrissime vir : nam me Salesius de hoc argumento in hanc diem celatum voluit ; credo, quod crederet, me Patri potius adhæsurum, quam sibi. Hodie exhibuit se demum, neque integrum tamen, neque, ut apparebat, in proposito firmum satis. *Pater.* Scripsit ita, ut juvenis non nihil epistolare referat, sic tamen, ut Spiritus DEI rexisse manum videatur. Sic orditur : *Illustrissime Domine Parens! Philosophicis studiis proxime finem impositurus, venio ad te supplex, ut licentiam impetrem ad Theologica transeundi. Equidem tu, Pater, ut Juris prudentiæ me dederem, imperasti, quod cupias, ut tuis insistens vestigiis ad tuenda jura patriæ, ac Principis nostri idoneus redderem. Sed ego, cum semper ita animum scientiis addixerim, ut illarum adminiculo jura DEI mei pernoscere tota virtute contenderem, in dies magis,*

magisque perspicio, quod quam multi, quam seduli, quam strenui Sabaudi sunt in propugnandis jurbus Ducis, tam ubique jura DEI violentur impune, præcipue in Provinciis, quas schisma deformavit. Deag. Astute per ambages aggreditur. Pater. Paulatim ad rem accedit. DEus ex Dialecticæ placitis describi potest, quod sit terminus, & extremam omnis cupiditatis humanæ: inde est jus berile, vi cujus mancipium, quidquid lucratur, bero debet; quantis igitur injuriis DEus impetitur, quando omnes, quæ sua sunt, querunt, non quæ JESU Christi? Quod DEus sit auctor naturæ, in Physica didici: sequitur, quod jus proprietatis rerum omnium ad DEum pertineat, neque homines aliud nisi emphyteuta, & vasalli sint DEI: ergo, o Cœlites, quam late crimen felonie grassatur, quando homines passim bonis DEI contra DEum abutuntur! Deag. Acute advertit, & pie. Pater. Pergit: Metaphysica deinde me docuit, quod DEus sit ens a se, ex quo prædicato prærogativa independentiæ nascitur: quantæ igitur contumeliæ inferuntur ab iis, qui ordinationibus Divinis obmurmurant, ipsamque providentiam velut ad reddendam decretorum rationem ad suum tribunal citant? Jurisprudentia vero DEum esse Regem regum, & Dominum dominantium nunquid fatetur? læsæ ergo Majestatis enorme crimen committunt, quotquot quemcunque hominem plus timentes, quam DEum displicere Domino non horrent, modo placeant servo. Denique a Theologia DEum audio nomine summi Boni describi: concludo, quod ei summo jure summus Amor debeat: & quis reddit, quod debet? quis appretiat super omnia? quanti propter pugillum bordei, & fragmen panis amorem suum a DEo aversum creaturæ affigunt? Deag. Perfecto gravissimi sensus etiam in stylo juvenili se movent. Pater. Jam propius accedit ad rem. Domine parens, ego DEum non considero tanquam extraneum Principem, cujus jura me æque nihil afficere debeant, ac jura Regum Chinæ, aut Persiæ: absit! meus est Dominus, & illius injuriæ omnes sunt meæ: singulas acerbissime sentio, & quantum in me est, abolere, vel si sanguine & vita conatus constat, ardentissime cupio. Deag. Superi! quis det, ut in hunc finem litte-

litterati omnes ſtudiorum laborem conſecrent! *Pater.* Sequitur ſupplicatio : *Deſideriis tam piis cum non alius magis , quam Sacerdotii ſtatus feliciter ſubſerviat , per Amorem , quo uterque DEO adſtringimur , ſupplico tibi , Pater , ut pace tua huc aſpirare tuo Francisco liceat. Memento (nunc adverte animum , quam me fortiter ſtringat) memento Pater , quod Pater ſis quidem , ſed non Dominus filiorum tuorum ; depositum ſumus : DEO debemur. Tu , ſi apud te Sabaudie Princeps tres gemmas depoſuerit , nunquam audebis dicere : adamantem familie dono , ſmaragdum Eccleſie conſecro , carbunculum ad gladii mei ſplendorem deſtino ! nimirum excipere Princeps poſſet : feſtina lente , vir bone , mee ſunt gemmae , non tuae : quid ego velim , audire a me debebas , non pro tua voluntate ſtatuerem. Deag.* Ad rem ſimilitudo mirifice facit. *Pater.* Epilogum audi : *Jam vero , quod impuſſus , quo ad Sacerdotium feror , a DEO ſit , probat ſinis , quem intendo : confirmavit Joyoſa , quem ipſe eſtimas : Chriſti Vicarius gratia non expectata declarare eſt viſus , id quod ex Patruo non ſine admiratione audieris. Vale , & propter Amorem DEI votis meis cito reſponde ! Deag.* Domine , digitus DEI has litteras ſcripſit. Ut tamen negligas nihil , quod in hoc negotio humana prudentia poteſt , ſuadeo , ut cum Joyoſa potius , quam cum filio conſilium ineas. *Pater.* Rem bonam ſuades : duc ſtatim ! Novi virum : ſanctitas , & prudentia conſilium bonum dabunt. *Deagi* , velut ſi Iſaacum ab Abrahamo victimam ſibi coelum peteret , ita cor meum in me tumultuatur. Si tamen petat , habeat : non mihi , ſed coelo genui. *Deag.* Sic coelum utrumque amet !

— 343) o (344 —

CHORUS.

Stultitia animæ seipsam supra DEUM amantis.

Homo Viator. Philautia, sive Amor sui. Amor DEI.

Viator. Dux optima! ex aliis in alias me trahis delicias.
Sed hic juvat paullo diutius conquiescere,
Et frui amœnissima scenæ pulchritudine.

Phil. Fruere, & judica, quam nequiter te decipiant
Homines misanthropi,
Qui vitam præsentem
Valli lacrymarum comparant,
Heracliti perpetui.

Viator. At me sic afficit ista regio,
Ut (nam cur dissimulem?)
Si DEus daret æternum hic vivere,
Cœlo possim carere facile.

A R I A.

Terra mihi sufficit:
Terræ bona video,
Tango, & olfacio,
Cœli bona nescio:
Bonum, quod non capio,
Animum non afficit:
Terra mihi sufficit.

Amor DEI. Superi! quid audio?
Nunquid ad præsepe, si loqui posset,
Idem audiremus ab asino?
Homo stolide!

Nulla

Nūlla tibi eſt iudicandi facultas,
 Niſi ſenſus, & imaginatio?
 Nihil de coelo loquuntur Fides, & Ratio?

A R I A.

Sancta ſuperbia
 Hominem occupa!
 Diſcat, in quantas creatus ſit ſpes :
 Diſcat a corpore
 Mentem diſtinguere;
 Animal, anima duæ ſunt res.
Animal obuiſ
 Lætum in paſcuſ
 Cubat, volutat, exſaturat ſe;
 Alia pabula
 Eſurit *Anima*:
 Anima! ſidera gemmant pro te!

Phil. Sidera, ſidera nimis a nobis remota ſunt:
 Tu fruiſe bonis, quæ prope ſunt.

Viator. Utinam eſſent perpetua!
 Sed quidquid reluſter, omnia turbat gaudia
 Identidem animo ſe obtrudens cogitatio:
 Quamdiu ſic? &, quid poſtea?

A R I A.

i.
 O mea cythara?
 Hodie melos ſuaviſſimum ſonas:
 O læta ſilvula!
 Hodie caput hoc myrto coronas:
 Hodie amat me

Iiii 3

Omni

Omni amore amabilis fors :
 Cras, heu me ! heu me !
 Omnia vertet implacida mors.

2.

Pro carmine dabitur lessus,
 Pro myrto me cinget cupressus
 Succedet putredo, & cinis:
 Hic erit lætitiæ finis,
 Hæc sortis meæ fors,
 Implacida mors!

Amor Dei. Superi ! tales iste suas esse delicias intelligit,
 Et tamen præ perpetuis eligit !
 Homo miserrimæ !
 (Nam quousque peregrinantur aures tuæ a me ?)
 Tandem audi me, & sequere !
 Dux ero tibi per Amoris semitas
 Ad delicias infinitas meliores,
 Et insuper perpetuas. *

*Exhibitio.

Phil.

Quid audio ? quid video ?
 Ad has tu nos invitas semitas ?
 Heu ! quam arcta est via,
 Et quam aspera !
 Rupibus undique, & spinis obsita !
 Insuper infamis
 Ab horrendis casibus plurimorum,
 Qui relicta hac velle in cautes enixi
 Repente fallente vestigio
 Præcipites deciderunt,
 Et sic utraque felicitate
 Æterna simul, & temporanea caruerunt.

ARIA.

A R I A.

I.

Est vere felix terminus,
Sed via incommoda nimis:
In passibus primis
Languens deficies,
Retro respicies,
Et dices: cur hac ivimus?

2.

Sit ingens laus victoriæ:
Si tamen pugnandum obstanti
Pro palma giganti,
Tanto discrimine
Tantulam gloriæ
Spem ego nollem emere.

Amor Dei. Viator, noli credere Syrenis fallaciis:
Vix difficultates non essent nullas, fateor,
Sed illa impiis exaggeravit mendaciis,
Et, quotquot jactavit de rupibus decidisse,
Tu, scito, a PHILAUTIA
Præcipitatos ruisse:
Ipsa omnium est rea cædium.
Itaque si potes hanc meretriculam
A te dimittere,
Viam securus ingredere,
Me solo comite.

Philaut. Vah! patior contumeliam?

ARIA A DUETTO.

Tu audes te ducem offerre
Tanti itineris,
Qui tantulus masculus es!

Amor.

Amor Dei. Tu audes te vecors miscere
Tantis consiliis,
Quæ stolidi fœmina es?

Philaut. Immo nec masculus,
Musculus es!

Amor Dei. Agis clamoribus:
Fœmina es!

Ego quot passibus altior eo,
Totidem gradibus fortior ero:

Philaut. Vana jactantia!
Musculus es!

Amor Dei. Jacta convitia:
Fœmina es!

Viator. Cessate litium! res mea agitur:
Viam mediam eligo.
Jure Cæli, quod per Christum habeo,
Me ultro volens abdicō,
Quia possessionem adire non possum
Sine incommodo.
Hoc tamen vicissim exigo
A Cœli Domino,
Ut pro Amore, quo ipsum amabo,
Et pro obsequiis, quæ præstabo,
Bona terræ concedat mihi *jure perpetuo.*
Amor Dei. Trepidate aures! Auditis blasphemiam!
O septem Sapientibus
Dignam sententiam! ...
Sed lata est altera ab ipsa Sapientia:
Qui amat animam suam plus, quam me,
Non est me dignus! Matth. 10.

ARIA.

A R I A.

1.

O curvæ, & coelestium
 Inanes animæ!
 Amores inter subdolum,
 Et verum noscite.
 Hæ erunt regulæ:
 Qui *bene odit*, amat se,
 Qui *male amat*, odit se:
 Has intelligite.

2.

Non veto vos amare:
 Sed veto sic amare,
 Ut Amorem Numinis
 Velitis abdicare:
 Si forte vestris commodis
 Ostendat se obstare.

PUNCTUM II.
 TENTATIONIS VICTORIA.
 SCENA I.

Pater. Deagius.

Pater. JAM vero non miror, Deagi, quod filius fugerit conspectum Patris. Atrocitas mali, quod premit animum, sic turbat, opinor, ut omne consilium, & ipsa mens reliquerit Juvenem. Miseret me! sed cur tu mihi silebas, quod Joyosæ narraſti? *Deag.* Quare cor Patris affligerem sine fructu? Præſente Joyosæ vero necesse fuit detegere veram radicem mali, ut
 Kkkkk
 pru-

prudens Medicus, quam cupiebam, medicinam præscriberet. *Pater.* Et nempe novum contra me argumentum haberet. Usus est strenue, filii que ad Clericatum vocationem a DEO esse, sic evicit, ut captivaverit intellectum, quanquam voluntas adhuc repugnet. *Deag.* Inclinationis ad Sacerdotium origo, finis, effectus, omnia pro Salesio pugnant. Non impetus juvenilis in hoc consilium rapuit. Oravit DEum, deliberavit secum, quid humeri ferrent; consuluit Joyosam virum a sanguine, a religione, a sapientia inclytum, atque in discernendis spiritibus expertissimum. Quid insuper, Domine, ad prudentem resolutionem requiris? & accedit prudentiæ *sanctitas*, quam finis probat. Præpositi dignitatem Patruus inscio impetravit; cæterum ille non præbendam, non pinguedinem, non lanam, sed oves, & labores pro DEO, & Ecclesia unice appetiit sibi: potestne sanctior intentio exigi? Fructus autem, *effectusque* (quod Joyosa solerter advertit) in hac ipsa tentatione, quæ Juvenem miserandum jactat, se exhibet nobis. Ex præclaris naturæ ac gratiæ dotibus, quibus ornatus est Adolescens, præfagit inimicus humani generis imminentia damna a Salesii Sacerdotio suis conatibus metuenda. Unde videas, Domine, (nam cur, quod Joyosa dixerat, repetere non liceat?) videas, cujus voluntati conformes te, quamdiu durum te filii desideriis præbes. *Pater.* Omnia intelligo: sed difficile sacrificium postulas a me, DEUS mi, & prope Abrahamico æmulum! Isaac meus, meus risus, Matris cor, familiæ spes præcipua, solatium senectutis eripitur!.. Ipsi loquar. Tu solus redis?

S C E N A II.

Pater. Deagius. Meranus.

Meranus. **H**ERUS jussit: spondidit tamen, propediem se adfore, cum, quod vellet, a DEI para impetrasset. *Pater.*

ter. Ubi hæret? *Mer.* Post longam per templa discursationem tandem in suburbio reperi supplicem ad Statuam Virginis in Sacello, quod sancti Stephani Græcorum appellant. *Pater.* Nimirum ut fleat me in vota sua orat Divam? *Mer.* Rem oppido horrendam narro, si licet loqui. *Deagius.* Consolatricem afflictorum credo audieris interpellantem pro se. *Pater.* Tu narra omnia, dissimula nihil. *Mer.* Solus erat, gemitibusque sine arbitrii metu liberrime indulgebat, cum ego irrepsi. Vidi in amarissimas lacrymas sic diffluentem, ut etiam istum silecem commiserant iniquaret. Iterabat sæpissime lamentabile suspirium: *Opitulare Domina! Domina, non opitulaberis Salesio cum infelice æternitate luctanti?* *Pater.* Idem misellum luctus adhuc excruciat! *Mer.* Addidit, (& horruerunt aures meæ ad tetram vocem) addidit, inquam: *fierine potest, ut te sciente, o Mater mea! inter reprobos numeretur Salesius?* *Pater.* Ah! ut ego infelix Pater sum, si filium genui æternum damnandum! *Deag.* Non, non erit inter damnatos Salesius, non erit. *Mer.* Similia tamen querebatur. Heu! ingeminabat: *Fierine potest, ut ego sim infelix illa creatura, quæ DEum suum æternum amare non poterit, & quam DEus suus æternum amare non volet! Ah! non borreo tormenta diaboli, modo amore non priver. Amo te DEus, vel si austerus es, amo: da, ut æternum amem.* *Deag.* Tanta virtus reprobari non potest. *Mer.* Etiam cogitabam, dicebamque mihi ore tremulo: Merañe, si Salesius non salvabitur, quæ spes est tibi? *Pater.* Deagi, si flagitiis rogo æterno dignis inquinavit se puer, animam pro anima a Iudice DEO postulabo: tuæ curæ commisi, tu reus eris. *Deag.* Nihil metuo: tu porro narra. *Mer.* Ut abrumperem gemitus, tandem in conspectum me dedi: erubuit; sed solatium non admisit. Monui, advenisse Patrem. Dixit: nuntia charissimo Patri, hominem Salesio miseriorem non dari: jurasse me, non discessurum a pedibus Matris ante, quam aliquid solatii emen-

dicaverim: ignosceret moræ Pater, & miseresceret! *Pater.* Similem desperanti describis: quid faciam? *Mer.* En! ipse intrat.

SCENA III.

Personæ omnes.

Franc. JO! solata est Mater, jam Patri accido. *Pater.* Ecce! ar-
 tissime stringo te! Abjice pueriles metus! nullus ex
 his brachiis diabolus rapiet. *Franc.* Non jam hoc ag-
 ter mi! Diabolum non timeo: ut per teliceat amare DEUM me-
 um, hoc supplex rogo. *Pater.* Fili, itane tibi scelestus videor,
 ut prohibere illius Amorem velim, supra quem nihil amabile est?
Franc. Jam felix sum! Et licebit *super omnia* amare DEUM? *Pa-
 ter.* Ama, quantum potest: omni Amore ama! *Franc.* Concedis
 adeo, ut plus DEUM amem, quam te, mi Pater? *Pater.* DEUS
 est magis Pater, quam ego sim: magis ama! *Franc.* Et magis
 etiam quam Matrem, quam sorores, & fratres, quam omnem
 familiam Salesiorum? *Pater.* Omnia nostra DEI sunt: magis
 ama! *Franc.* Et magis insuper, quam mea quæcunque commo-
 da, quam sanitatem, vitam, ipsamque salutem meam? *Pater.*
 Nihil amandum est SUPRA DEUM, DEUS super omnia! Absit;
 ut hoc prohibeat Pater! mille infernis non expiandum commit-
 tit facinus genitor, qui non invigilat filius, ut nihil ament supra
 DEUM. *Franc.* Satis est: ergo jam per te licet hac veste inui?
 Affer, Merape, mihi! beatus sum! *Pater.* Sic! huc ibas per has
 ambages? *Franc.* Huc ibam, & (plaudite Cælites!) jam teneo
 terminum. *Pater.* Revocabo in viam. Ama DEUM, sed sicut
 vult Pater, ama. *Franc.* Hem! & non sicut DEUS amari vult,
 sic amabo? non amabo, quantum possum? non super Patrem
 amabo? aut forte amandi licentia data est mihi *pro affectu* tan-
 tum, non *ad effectum*? Heu! infelix Pater! si forte hæc durities
 te una cum filio inter reprobos ponet! *Pater.* Redis ad stultos
 timo-

timores tuos? ut ſias Clericus, non eſt præceptum; itaque ſi prohibeo, nihil pecco. *Franc.* Ut ſim Sacerdos, non jubet DEus; ſed invitat, cupit, urget: vetat Pater, nec peccat tamen! Deagi, quid Theologi docent? Loquere pro me tandem; promiſeras enim! *Deag.* Ipſe ſatis eloquens es: urge cauſam, nam places mihi. *Pater.* Ceſſate obloqui. Amo te, fili mi, & quod amor dictabit, agam. *Franc.* Amas me! Probaſti, quod DEum magis, quam Patrem amem: cupio, ut tu ſimiliter DEum magis, quam filium ames. Filium vult DEus ad aras ſibi. Ah Pater! quandoquidem ego ſum illa infelix Creatura, quæ DEum æternum amare non poterit, & quam DEus æternum amare non vult: ſaltem dum vita ſuper eſt, ſine, ut amem DEum! ſine, ut ſuper omnia amem! ſine, ut hoc Amore incenſus, relictis rebus, ac ſpebus vanis, uni curæ animarum me conſecrem. Quid? Pater es tu, & hoc æternæ miſeriæ ſolacium negabis filio, ut poſſit lucrari animas, quæ amare DEum æternum poterunt, quod ipſe non poterit?.. Siles, mi Pater? *Pater.* Surge, diſcede! cogitabo, quid ſit agendum. *Franc.* Eja! commovit viſcera Patris infelicitas filii! triumpho! tota quanta es Sabaudia, DEI eris: ego adducam! DEus, dum vivo, amabo te, & SUPRA TE nihil amabo, & quanquam auſterus ſis mihi, amabo tamen! Quod ſi poſt mortem amare non poſſum miſer, erunt centies mille alii, qui meo labore, ſudore, ſanguine amare docti pro me amabunt te, æternum amabunt! In hac ſpe acquieſco ſententiæ, quam tulisti contra me.

S C E N A IV.

Pater. Deagius.

Pater. **A**uდიſti atrox gaudium, quo gaudet puer? *Deag.* Domine, heroica virtus ex puero loquitur, vel in primis Sanctorum obſtupescenda! Nihil metue de vita altera:

ra: tanta virtus non potest perire. Tibi time, si, quem DEus tam singulari vinculo rapit sibi, ut retinere tibi adhuc laboras. Hoc dicit Dominus: *Abraham! tolle filium tuum primogenitum, quem diligis, Isaac, & offer in holocaustum! Pater.* Facilius adhortaris me, quam ipse faceres, si esses Pater. *Deag.* Jam non quaeritur, quid sit facile, sed quid te deceat. Patieris, ut filius plus amet DEum, quam ames tu? *Pater.* Deagi, credebam haecenus, non esse in me nullum Amorem DEI: hodie experior, quod major sit amor mei. Quo digniorem se amore meo probavit filius modo, tanto pertinacius agglutinatur pater-num cor, nec sihe acerbissima violentia a me avelles. *Deag.* *Fortis est ut mors dilectio!* Quem mors invito auferret filium, sine, ut dilectio volenti tollat: tollet autem, si fortis est. Si vero est imbecillis, eja! pudor, timor, spes adjiciant ligna foco, donec ita exardeat charitas, ut nulla flumina obruant, aut extinguant. Si Dux Sabaudiae peteret Franciscum ad aulam sibi, gaudens a te dimitteres: & non pudet tricari cum DEO? Neque times, Domine, ne, dum Divinae Providentiae consiliis temerete opponis, te, & filium, & quotquot filii laboribus sacris donare DEus constituit, animas in miseriam aeternam urgeas? Si vero naturam vincis, spes est forte, ut DEus utriusque merces sit magna nimis, & Abrahamicas benedictiones coelum in universam Familiam depluat. *Pater.* DEus, homines, diabolus urgent me: omnia video. DEus cor filii solus possidet: egone dividam? Homines tot rationibus consilium Divinum probant, ut dubitandi facultas sublata sit: quousque luctor, & qua prudentia? Diabolus terroribus horrendis institit, ut everteret resolutionem heroicam: & ego conatus Sathanicos adjuvem?... *Deagi,* tumultibus pectus horrendis quatitur. Intelligo, nisi DEO cedo, aeternum ab hoc animo pax exul erit. Cedam! fac, adsit juvenis! *Deag.* Plaudite victori sidera! ecce avolo. *Pater.* Cessavi Pater esse: erit deinceps DEus! O qui dedisti Filium, Domine, tot titulis

tulis amabilem mihi, da veniam tam diu luſtanti tecum, ne cogeres reddere! Poteras cogere, malebas repetere, ut probares amorem meum; Eja habe! Amavi te ſemper: hodie didici *amare fortiter*! habe filium tibi, & cum filio meas delicias, meas ſpes omnes habe! Prò vulnus cordis! jam talem video! *

SCENA V.

Perſonæ omnes.

Franciſcus. Vides Pater, qualem me DEus vult? *Deag.* Accinſtum ad prædam animarum, ad ſtragem errorum, ad ruinam impietatis. *Franc.* Ipſam lætitiã cum iſta veſte indui, Pater! Evanuerunt timores tetri. Amor, dulciſſimus Amor pacifice cor totum poſſidet. Unum quieti verbum deeſt, quo dicas: *approbo*! *Pater.* Præmium amoris tui eſt hæc lætitiã: recordaris, quid dixeris? *Franc.* Idem adhuc eſt animus, & erit ſemper. Acquieſco Divinis de me decretis. Si ramen ſcirem etiam, me inter reprobos eſſe, tanto magis contenderem, dum vita ſupereſt, *amare quamvis aſterum DEum*, quanto eſſem certior, quod poſt mortem amplius amare non poſſem. *Mer.* Onobilis Amor! *Deag.* Hic Amor diabolum vicit! *Pater.* Et vincit Patrem. Accede fili! amplexum paternum cape! *Franc.* Benediſtio paterna aſſenſum firmet. *Pater.* Benediſtio DEI Patris deſcendat ſuper te, & ſuper conſilia tua, & ſuper labores tuos! *Deag.* Et ſuper Amorem, ut ardeat ſemper! *Pater.* Ardeat! & totam Sabaudiam eodem igne accendat! *Franc.* Fiat! o fiat! *Omnes.* Fiat!

MEDI-

* Inveſte Clerici prodiit.

MEDITATIO IV.

Diliges ex tota anima tua. *Marc. 12.*

S. FRANCISCUS BORGIA.

ARGUMENTUM.

Nihil amare SUPRA DEUM, ne quidem vitam, & animam suam, *primus gradus est Amoris effectivi*, ita necessarius, ut, nisi huc ascenderit, salutis spem habere non possit, eo quod præceptum charitatis Amorem saltem *appretiative* summum imperet, & ipsa Ratio doceat, quod sicut bono *majori* amor *major*, ita *summo* bono amor *summus* debeat. Hodie *in gradum secundum* enitimur, qui est, nihil diligere PRÆTER DEUM, atque adeo DEUM non solum *ex tota mente*, quod fit per *appretiationem intellectus*, sed etiam *ex tota anima* diligere, quod facit, qui insuper *appetitum* sic DEO consecrat, ut bonis creatis omnibus privari ægre non ferat, non solum, si quando præceptum exigeret, sed etiam cum *majus DEI beneplacitum* suadet. Exemplum hujus Amoris heroicum S. Franciscus Borgia præbuit, qui licet jam esset sanctus in sæculo, cum inter primos ex aula Caroli V. serviret *homini propter DEUM*: defuncta uxore tamen, abdicatis omnibus rebus & spebus, ex Duce Gandiæ factus est Religiosus, occulte primum, deinde, postquam Ognati aliquamdiu delituit, donec licentiam Ducatus in filium transferendi a Cæsare obtinuit, publice Institutum Societatis JESU professus, ut *DEO Soli* famularetur. Erit igitur hodiernæ Meditationis

Mate-

Materia : Actus abdicationis S. Francisci Borgiae.

Puncta duo: 1. Abdicationis propositum.

2. Propositi executio.

Alter Amoris gradus : *nihil amemus PRÆTER DEUM.*

Propositum: Credamus fide seria, quod fides docet : *nemo potest duobus dominis servire ! & non potestis DEO servire, & Mammonæ*, Matth. 6. adeoque cui bona terrena abjicere non est integrum *in effectu*, teneri saltem moderari *affectum*, qui sic quandoque rebus percuntibus cor agglutinat, ut facile in illis comparandis, conservandis, augendis absorptum a cura DEI, & Divinorum abstrahatur.

PERSONÆ.

S. Franciscus Borgia, in secessu Ognatenfi.

Carolus filius Borgiae Primogenitus.

Joannes Secundo-Genitus.

Araozius S. J. Sacerdos sub veste Clericali.

Rogonus Comes Lerma, Borgiae Gener.

Villalonus Borgiae a Secretis.

PROLOGUS.

Reflexio in Meditationem præteritam, & Præparatio ad præsentem.

Fides. Ratio.

Ratio.

TAndem per gratiæ auxilium
Huc eluctata sum,

LIII

Unde

Unde omnia despicio!...
 Nihil, Amor mi, nihil amo SUPRA TE!...
 Et quis a charitate hac separabit me?
 Eja! provoco: quis separabit me?

A R I A.

Munde, Caro, conjurate,
 Orcum quoque invoke,
 Explicate agmina,
 Intentate prælia!
 Si hoc vultis, ut peccando
 Cesset vecors ab amando,
 Jubeo, vos desperare:
 Malo mori, quam peccare!

2.

Mori malo, quam peccare!
 Hoc decretum salutare
 Sic inhæret pectori,
 Ut non possit eximi,
 Nisi cum cor evelletur:
 Et tunc ipsum audietur
 Alta voce Cor clamare:
 Mori malo, quam peccare!

Fides.

Audio, neque displicet resolutio;
 Sed unde tibi plaudas, Soror, ego non video.
Malle mori, quam peccare,
 Est denique in infimo gradu DEum amare,
 In quo si subsistere decrevisti,
Quod facere debuisti, fecisti,
 Et nihil amplius,
 Unde laudet te Dominus:
 Periisses, si minus fecisses.

Nihil

Nihil SUPRA DEUM diligere
 Est, *in præcepti necessitate* quiescere.
 Tu assurge altius, quo trahit te,
 Qui in cruce exaltatus est propter te,
 Nihil SUPRA TE dilexit :
 Sed neque PRÆTER TE
 Quidquam diligere voluit;
 Ideo OMNIA, quæ habuit, vendidit,
 Ut te emeret,
 Et scilicet EX TOTA ANIMA,
 Non ex divisa diligeret.
Ratio. Ah! vel *in primo gradu* firmare se,
 Erat opus difficile;
 Promptus tamen est animus sequi te,
 Si viam excellentiorem
 Ostenderis ad Amorem.
Fides. Ascende *gradum alterum* !
 Hæc est hodierna lectio,
 Hæc Amoris perfectio.
 Ecce! SIC DEUS DILEXIT TE!
 SIC TU DEUM DILIGE.

A R I A.

Sic DEUS dilexit!
 (O aurea regula morum,
 O Amor, *exemplar amorum*!)
 Uni ut homini
 Totum se daret,
 Et quem amaverat,
 Totus amaret,
 Quidquid est *extra se*,
 Totum NEGLEXIT:

LIII 2

Sic

Sic DEus dilexit !
 O aurea regula morum!
 O Amor, *exemplar amorum*!

2.

Nempe ut fluvii, unde fluxerunt,
 Omnes IN IDEM se pelagus ferunt;
 Quin silvæ virentes,
 Aut horti florentes,
 Vel arces munitæ,
 Et urbes turritæ
 Moram injiciant,
 Alveum teneant:
 Ita is denique vere amabit,
 UNI qui omnes Amores sacrabit.

Ratio. Optima lectio, & digna novo studio.
 O Amor! SICUT tu amasti me,
 SIC, da, ut amem te!
 Et PRÆTER TE nihil amem, nisi *propter te*!...
 Eja anima mea! Amores divisos collige,
 UNUM dilige!

A R I A.

Una es: unus est DEus:
 Una uni debes te!
 Culpæ, & poenæ fit reus,
 Qui vel partem victimæ,
 Quæ DEO mactatur,
 Sibi furatur:
 Totam tu immola te,
 Unum dilige!

2. DEus

2.

DEus est DEus zelotes :
 Iram gravem contra te
 Stulta incendere potes,
 Nisi totam tradas te :
 Amore fatali
 Faves *Rivali* :
 Perdet, ut vindicet se,
 Et illum, & te.

MEDITATIONIS IV.

De S. Francisco Borgia,

PUNCTUM I.

ABDICATIONIS PROPOSITUM.

SCENA I.

Dux Borgia. Rogonus Lermæ Comes.

Borgia. TU obstupescis, Gener, quod invisentem ad me in
 cubiculum introducam funereo apparatu triste.
 Sed nimirum hæc dies est, qua lætissimæ conjugii anniversaria
 solemnitate soleo parentare. Justus dolor publicam memoriam
 exigit. Rog. Laudo pietatem, Socer, & gravis jactura longum
 luctum meretur. Fuit Eleonora... *Borg.* Omitte panegyrim!
 Scio, quantum bonum amiserim. Commune cum paucis per-
 tinebat ad me, cum illa viveret, elogium illud : *Mulieris bonæ*

LIII 3

bea-

beatus vir! Eccl. 26. Octo liberos ex illa suscepi, sanos omnes, formosos, ingenii tractabilis, bonæ sp̄ei, delictum Patris. Annos decem supra octo conviximus pacifice. Nunquam conjugalī amor friguit, quia, ut ducerem, non oris species, fragile bonum, sed virtus fæminæ, religio, prudentia, solertia, modestia, & fuga otii, atque ineptiarum, a quibus pleræque infatuantur, permoverunt. In observantia mariti, in cura liberorum, in familiæ regimine vere *Mulier fortis* illa fuit, quam nullæ suæ conditionis molestiæ vicerunt, quo minus officio strenue fungeretur: *procul, & de ultimis finibus pretium ejus*, Prov. 31. Opto, ut filia mea Matris insistens vestigiis te similiter beatum faciat. *Rog.* Egregie æmulatur, & quam vere laudaveris Eleonoram, in Isabella experior. *Borg.* Gaudeo: verum tu audi porro, Rogone, quod non immerito admireris. Talis cum esset uxor, calientissimis precibus pro ægrotantis salute Domino supplicabam: & ecce! quasi vox de cœlo illapsa cordi dicebat intus: *Si vis, sanabitur: sed tibi non prodest!* *Rog.* Omnino rem miram audio. *Borg.* Itaque ego orare, & illa cessavit vivere. Jam quem tu fructum credis, quod ista mors attulerit? *Rog.* Difficilis conjectura est. Quid boni ex malo judicem? *Borg.* Quod vitibus luxuriantibus culter præstat: putatæ uberius germinant. Jam olim, cum ad Isabellæ tumbam fatentem vanitatem inspexi, constitui SERVIRE DOMINO, QUI MORI NON POTEST: omniaque peritura fastidians votum concepi expedienti me a vinculis sæculi, si, quæ vinciebat, uxor soluta ante me a vinculis mortalitatis fuisset. *Rog.* Infolens factum! Præproperus fervor suggestit inconsultum consilium: facile erit reperire, qui ab obligatione te solvat. *Borg.* Atqui ego arctius ligari cupio, non solvi. Conditionem voti implevit DEus, uxorem abstulit, ad vitæ perfectioris genus per mortem vocavit. Vult a me SOLUS amari, quin *præter ipsum* aliud amem; hic fructus cessasset, si uxor mihi supervixisset. Intelligis jam, Rogone, sensum

sensum Divini oraculi : *Si vis, sanabitur; sed tibi non prodest.* Debuit mori Eleonora, ut Borgia sanctius viveret. *Rog.* Amorem igitur, quo uxorem amabas, *displicuisse* Numini est opinio tibi? *Borg.* Nihil hoc metuo quidem : nunquam enim amabam Mulierem aut *contra*, aut *supra DEum* : semper & *modus Amoris*, & *motiva* honesta fuerunt, sanæque rationi conformia. Sed qui NON *DISPLICUI* amando *aliquid præter DEum*, jam præter DEum jubeor amare nihil, ut *MAGIS* placeam. Verum est, quod dixit Apostolus 1. Cor. 7. *Qui cum uxore est, sollicitus est, quæ sunt Mundi, quomodo placeat uxori, & DIVISUS EST:* non amat DEum *EX TOTA ANIMA* : affectionis *partem* uxor postulat sibi. Amor *divisus* autem quod sit minus perfectus, quam *integer*, neque tu negabis, credo : atque admittes adeo, quod si, cum illa vixit, implevi præceptum Amoris *quoad essentiam*, ad *perfectiorem* tamen aspirare vix, ac ne vix quidem potuerim. *Rog.* Dux optime, tu acutius pervides, quæ ad Spiritum pertinent. Sine tamen, ut aliquid opponam discursui. Est fluvius, qui alveo *nunquam diviso* recta in mare influit; & est alius, qui *per complures rivulos dispersiens se*, tandem omnes effundit in idem pelagus: nunquid uterque *totum* se mari denique, unde venerat, reddit? *Borg.* Vis dicere: similiter posse Amores nostros, præter DEum, varias creaturas complecti, modo illæ postremo *propter DEum* amentur: & verum dicis. Sed quod sit fluvio per alveos diversos vago, nempe ut jam rivulus ab arenis sorbeatur, jam alius tumultetur in cæno, & tertius sordido lacui commisceatur, sic ut aut nulla, aut modica aqua, eaque inquinata, præcipue si via sit longior, & multis ambagibus varia, deferatur ad mare: idem nobis in statu conjugali contingit. In uxoris, in liberorum, in familiæ curam, commoda, gloriam divisi amores sensim a DEO deflectunt: aliosque *affectio naturalis* sibi retinet: alios etiam *vitiosa* corrumpit, adeo, ut non raro periculum grave se moveat, ne etiam *præcepti substantia* labem patia-

patiat. Certe primum hominem amor uxoris initio *honestus* utique, sed postea NIMIUS sic *ab amore DEI* abstraxit, ut non solum *præter*, sed etiam *supra DEum* Mulierem diligeret. Sed ut disputationis sit finis, hoc certum est, Rogone, quod amor creaturæ etiam, qui *honestissimus* est, si DIVINUS non est, dividat animam, partemque DEO auferat. *Sed non omnes capiunt verbum hoc*, verbum, puto; quod dixit Dominus, cum dixit Matth. 19. *Si vis perfectus esse*, relinquenda sunt omnia: Dominus, Fratres, Sorores, Pater, Mater, Filii, Uxor, agri, ut rivi Amoris omnes cogantur in unum alveum, qui toto impetu se in oceanum Divinitatis evolvat. *Ad hanc perfectionem* me DEUS invitat; sustulit impedimentum: uxorem eripuit: jucundus est dolor! Requiesce in pace, Eleonora! nunquam amavi te purius, quam cum *in DEO* amo, & unice *propter DEum*! Eja! tu redis, Villalone! bonus es nuntius?

SCENA II.

Borgia. Rogonus. Villalonus.

Villalonus. EX voto. Clementissime annuit Cæsar, & gratulatur: testem epistolam fero. *Borg.* Jo, dirupisti, Domine, vincula mea! tibi sacrificabo hostiam laudis! Psalm. 115. Jam nihil obstat, quo minus hodie in crucis amplexum evolem: *Rog.* Venire in partem gaudii Rogono licet? *Borg.* Quid dubitas? cæcus es, Amice, si nondum vides, quantum me DEUS amet. Ecce! facilis ad preces Cæsar facultatem concedit abdicandi me Principatu, & quam velim, Religionem profitendi palam: hoc argumentum est jubili, quo exulto. *Rog.* Igitur res serio agitur? & tu non vides, Princeps, quam communi risui per hoc consilium te Aulæ, Hispaniæ, Orbi prostituas? *Borg.* Ecce, hoc est, quod monet Cæsar: *Plures, Dux Borgia, tui consilii derisores, quam imitatores habebis!* & tu non vides, Gener, quod risum

risum risu facillime vincat Borgia? *Reg.* Grandis Hispaniæ, Dux Gandiæ, Dominus Lamboiæ, duorum Pontificum consanguineus, Roderici, & Henrici Cardinalium frater germanus, Ferdinandi Catholici Regis Arragoniæ nepos, Equestris Ordinis S. Jacobi Commendator, Vice-Rex Catalauniæ, Augustissimi Cæsaris Caroli V. supremus stabuli Præfectus, summo Monarchæ gratiosus, honoribus, opibus, liberis dives, inter primos potens, charus subditis, per omnia felix, Mundi Salapustius. *Borg.* Adde: FUIT! & scripsisti Epitaphium. *Reg.* Addo: *erit Religiosus!* quæ combinatio? *Borg.* DEus, & Crux! quæ combinatio? Rogone, qui homines sunt, qui Borgiam *pro DEO* abdicasse Principatu mirantur: & DEum *pro homine* descendisse de cœlo non mirantur. *Reg.* Providere liberis, de familiæ splendore curare, Cæsaris gratia *pro suis* uti, si *pro se* nolit, hoc Borgiam decet. *Borg.* Quod erat Patris, abunde præstiti: cætera vos agite. Carnem & sanguinem jam non audio. Apud DEum si utilem vobis operam præstare possum, præsto ero; apud terrenum Principem egisatis. Diu nimirum vix meis, nunc mihi vivam. *Reg.* Et filii nullas propositis opponent preces? Ego, Princeps, armatos in te immittam.

S C E N A III.

Borgia. Villalonus.

Borgia. **Æ**S triplex obarmat pectus contra amores teneros. Tu age, narra! quo vultu, quo animo Cæsar Borgiæ vota legit? *Vill.* Miratus consilii novitatem laudavit Divinam Providentiam, illis temporibus tanti viri accessione statum Religiosum ornantis in Hispania, quibus in Germania a vilissimis hominibus passim defereretur. *Borg.* Amor licentiæ, non Amor DEI ad sæculum retrahit. O si amarent miseri DEum, præter quem nihil amabile est, quam facile onus ferrent, quam suave jugum. *Vill.* Addidit deinde: omnino probari sibi, quod servire malis DOMINO, QUI MORI NON POTEST, quam

M m m m m

lapsum possit. *Borg.* Non perspicit gratiæ nostram industriam juvantis vim, qui hoc negat. Quod subinde ad momentum excitatura aliquem tumultum sit aliqua cupido, spes, tristitia, formido, ira, & quæ sunt aliæ affectiones de facie plebis, non diffitebor. Sed tu si audias forte latratum canum in foro infestis dentibus in se mutuo sævientium, aut videas rixantes lixas: num ideo civitatis pacem dicēs turbatam esse? *Vill.* Utique injuriam facerem. Sed si passim, si diu, si impune viderem cives obstrepere legibus, *nulloque ordine*, qui sanæ Politicæ est anima, exerceri commercia, agi lites, constitui tribunalia, distribui munera, intendi poenas, administrari justitiam: tum dicam, exulare pacem, & me in Babylonia vivere. *Borg.* Idem igitur de pace animi judica; & ecce! jam punctum tangimus: *pax animi* unde, nisi *per affectus* turbatur? & affectuum princeps nunquid est Amor? *Vill.* Experior. *Borg.* Igitur si Amor Rationi paret, & Ratio DEO, jam in statu primæ innocentie vivo, jam ordo est, tranquillitas est, quanta esse viatoris potest, felicitas est. Concludo, quod si abjecto amore mei, & amore meorum, posthac nihil sit, quod amem, *prater DEum solum*, nihil etiam futurum sit deinceps, quod turbet: beatus ero. *Vill.* Princeps, sic me tuus fervor incendit, ut parum absit, quin insistere vestigiis, si spes sit, velim. *Borg.* DEO supplica, ut te vocet. Ecce Araozius intrat, cui potestas est ab Ignatio faciendi, ut fratres simus.

SCENA IV.

Borgia. Araozius. Villalonus.

Araozius. **P**Rinceps! *Borg.* Araozi, en! manumissus sum. *Ar.* Scio omnia: sed turbavit aulam Rogonus; pugnandum cum tuis erit. *Borg.* Non erit pugnandum diu; tu paravistem Borgiæ, quam donavit Ignatius. Gestit animus abjicere hæc parerga: hodie Christum induam. Tu Villalone festina! jube aulam se parare itineri. Hodie filii redibunt in Gandiam: ego felicitata-

Mmmmm a

licitatis initium ab amore solitudinis faciam. *Vill.* O sisocium Villalonum admittas, Princeps! *Borg.* Dixi: ad Araozium hæc cura pertinet. Quod volui, facite. Ego, donec accincti sint itineri omnes, neminem ad me admittam, ne filium quidem. Araozi, sentio, quod nondum mortuus PATER fuerit. In ultimum amplexum pruriunt brachia, sed cor abhorret: orandum est! *Reliquias Amoris*, quem sola natura peperit, oratio enecet. Includo me, & ne quis turbet, obduco pessulum: cum erit tempus, tu me monebis. *Ar.* Juvet te cœlum, Princeps! *Vill.* Et tu, Pater, juva me, ut, quo præcedit herus, famulus sequi possit. *Ar.* Hoc oras tu? *Vill.* Ut comitem Dux habeat, velis, obsecro. *Ar.* Erit dies, cum probabimus & istum Spiritum, num sit a DEO; nunc exequere, Villalone, quæ Princeps jussit, ne quid moretur ardorem Spiritus. *Vill.* Ecce eo! *Ar.* Ego quoque res meas agam. O dies gloriosa tibi, Divine Amor! nam dubito, an detur Sanctus, quem Mundus magis honoravit, & qui Mundum magis contempsit. Borgiæ Mundus dedit, quidquid bonorum habet, opes, delicias, honores, titulos, favores, gloriam, & quid non? Adde, quod sic blanditus sit, ut nunquam affligerit, ne propter virtutem quidem. Plus dicam: quam in aliis Sanctis semper vel risu, vel contemptu, vel disertiis, vel injuriis persequi solet probitatem, in Borgia sic veneratus est, ut eum MIRACULUM PRINCIPUM vulgato encomio appellayerit: immo virum Laicum velut insultans Religiosis pro speculo proposuerit, in quo orationis summæ, & mortificationis perpetuæ exempla intuerentur, discerentque, etiam vitam aulicam posse cum Sanctitate componi. Hic talis Mundum contemnit, & contemnit, non quia a Mundo contemnitur, sed quia honoratur; non quia Mundus se opponit exercitiis sanctitatis, sed quia non satis adjuvat; non quia in Mundo Sanctus esse non potest, sed ut in Religione sanctior fiat. Contemnit, nec dici potest, contemnere per impetum juvenilem,

coactus per infortunia conscientiae cauteratae stimulis incitatus. Est septem supra triginta annorum vir: est felix per omnia, nec habet, unde metuat casum: est innocens, & a saeculi vitiis toto animo alienus. Denique ita contemnit Mundum vir primae nobilitatis, ut volens, & prudens inter tot Religiones aetate, sapientia, virtute illustribus viris celeberrimas, nullam sibi velit, & eligat novissimam, heri natam, vix adhuc notam de nomine, & quibus nota est, plerisque vilem, invisam, nullam. O dies gloriosa Divino Amori! ita Amor sancte, ita cor Borgiae totum vindicasti tibi, ut nulla particula Mundo supersit, quantavis illecebris lenocinanti!

S C E N A V.

Araozius. Carolus. Joannes. Rogonus.

Carolus. A Raozi, quod malum audio: tu Patrem eripies nobis? *Ar.* DEus, o Principes, DEus ad suam MAJOREM GLORIAM Borgiam sibi postulat. *Rog.* Consuetopallio tegit nequitiam homo; cavete, ne filios cum Patre rapiat; artem piscandi callet. *Ar.* Ut essem piscator hominum, Dominus jussit: fungi officio Rogonus prohibet? *Jo.* Ego certe non mordebo hamum tibi. Sed quid tricamur? Irrumpamus ad Patrem Frater. Precibus & lacrymis revocandus est a proposito; priusquam firmetur pectus in contumaciam. *Ar.* Orat! *Car.* Scimus, propterea, ne peccemus contra reverentiam, non auesim turbare Frater: expectemus patienter, dum ipse prodeat. *Jo.* Impatiens sum; tamen, quoniam ita judicas, Carole, acquiesco. Interea Araozium oppugnemus: ipse si noster erit, etiam erit Pater. *Car.* Recte putas. Eccur autem tu non sis noster? Quod DEus vocet Borgiam, tu praedicas. Atqui Pater est: & ego ex jure naturae didici, teneri Patrem liberis providere; erit igitur tuum suadere moram saltem, donec officio satisfecerit. *Ar.* Princeps, jam quatuor fluxerunt anni a luctuosa morte illustrissimae Matris: jam tunc in crucis osculum pruriebant Patri la-

M m m m m 3

bia:

bia: fixisset se, nisi de paterna obligatione monuisset Ignatius. Interea geminis filiabus de opulento matrimonio prospexit Patrens: tertia Divæ Claræ habitum sibi delegit: tibi quoque primogenito tuo jam ætatem a legibus requisitam adepto Sponsam te dignam designavit: Ducatum, & jura sua omnia tradet hodie, & curam Fratrum reliquorum sub Generorum tutela sollicitè commendabit: quid adhuc habet, quod curet? Non licebit Patri in humeros filii jam maturi, atque per sapientiam potentium Generorum sustentandi transferre curarum partem? Non filius tenetur, cum Pater ante tempus rebus se suis privat, post acceptum patrimonium una cum commodis admittere onera, & portare? *Car.* Nec hoc, nec illud persuades, ut velim: nondum sic crevit Hercules, ut succollare Atlanti possit. Præterea adhuc liber sum, Araozi, & tu non nescis, quod amem vos, quos amat Pater. Quis scit, si detur mora, an non virtute supera commotus animus olim me illuc trahat, quo Pater trahitur. *Rog.* Quid audio? *Jo.* Ridiculum te facis, Frater! & quis impetus agit? *Ar.* Felix est impetus, quem Cœlum imprimit! *Car.* Felix, quem DEus vocat ex mari in portum, ex ambagibus in viam regiam, ex mancipatu Mundi in libertatem filiorum! Borgiæ hoc judicium est: ridicula tibi, Frater, sapientia Patris videtur, sapientia ætate firmata, per rerum usum probata, in summis aulæ officiis conspicua, a sapientissimo Cæsare tot laudibus celebrata? *Rog.* Dic: Sapientia in hoc certe argumento heteroclitica, solitaria, contraria sensui communi omnium fere hominum. *Car.* Ecce hoc argumentum est, quod ab eo tempore, quo Imperatricis funus inspexit Borgia, explodendum esse centies facile mihi inculcavit. Carole, dicebat mihi: veniet dies, cum eris hæres omnium, quæ Borgia possidet. *Communi sensu* videor hominibus felix; sed crede mihi, SENSUS COMMUNIS fallit. In rebus fluxis beatitudo vera non potest queri. Sentire, & vivere cum paucis assuesce, quia pauci electi sunt. Disce

sce contemnere peritura! CONTEMPTUS facit, ut, si te vocet DEUS ad relinquenda omnia propter se, prompte obedias invitanti: si non vocet, saltem *non appones cor miseris bonis*, quæ præter boni nomen nihil habent, nisi *per bonum usum* te bonum faciant. Rog. Mentior, nisi iste virus, quod Parens potavit, jam etiam propinaverit filio; sic enim Principes non solent loqui. Ar. Sic tamen loquitur Borgia MIRACULUM PRINCIPUM! Car. Neque ego virus, Cognate, a Patre hausit, sed doctrinam veram, solidam, utilem, quæ si animo penitius insidet, etiam in sæculo Sanctum facit. Ar. Et fecit Borgiam; nam ex contemptu rerum præsentium nata est mirabilis sapientia, qua vir in aula educatus conjunxit honores cum modestia, divitiæ cum temperantia, libertatem cum innocentia.

S C E N A VI.

Borgia. Carolus. Joannes. Araozius. Rogonus.

Borgia. Q Uos video? Car. Dux! Jo. Pater! Borg. Sic meis filii mandatis obediunt? Abi caro, & sanguis! negotium Divinum ago: cum Araozio res est mihi. Araozius. Præsto sum. Borgia. Et tibi, Genex, quod loquar, habeo. Vos cum parati ad iter critis, admittam ad manus osculum, & postremo amplexu stringam: nisi vocati, non comparebitis. Jo. Durum imperium! Quid facimus? Car. Parendum est.

C H O R U S

Stultitia animæ aliquid præter DEUM amantis.

Cosmiander. Tres Mundi Ephebi. Amor Divinus.

Cosm. * S Apis, Machiavelle, sapis, & tecum sentio! * Legens.

Lego sententiam tuo dignam ingenio:

Soli DEO servire, est Monachorum:

Soli Mundo, est impiorum:

Nec DEO, nec Mundo, est insanorum,

DEO

DEO simul, & Mundo, est Politicorum.
Prudentissime.

Confirmor in proposito:
DEO, & MUNDO servio!

A R I A.

I.

Ut, *dum vivo*, bene sit,
MUNDO indigeo:
Ne *post mortem* male sit,
DEO indigeo:
Utrique vite consulo,
Si servio
Utrique Domino:
Sapio!

2.

Munde juva! te honoro!
Tu es *DEus temporis!*
DEus juva! te adoro,
Ut *post tempus* clemens sis!
BONOS o! experiar!
Ita vivam bene:
Ita bene moriar,
Et BIS erit bene!

Apbeb. 1. Cosmiander! villam quam emisti,
Creditores sibi impetrarunt a Principe:
Juberis acquiescere sententiæ;
Nisi feceris, gratia excidis.

Apbeb. 2. Cosmiander! quinque juga boum,
Quæ nuper tibi vendidit,
Iterum sibi vicinus repetiit.
Dixit: *indigeo*: debuimus commodare,

Et

Et tu juberis injuriam dissimulare,
Nisi velis potentiozem adversum te irritare.

Epheb. 3. Cosmiander! *Uxor*, quam duxisti,
Vestem artis novissimæ vidit in socia;
Jubet, ut similem sibi compares,
Etsi necesse sit contrahere debita.

Nisi assenseris:
Juravit, quod nunquam amplius
Ridentem visurus sis.

Amor DEI. Cosmiander! *ad Cœnam magnam*
Invitat te COELI DOMINUS.

Parata jam sunt omnia:
Juberis properare,
Et in veste nuptiali festum ornare.

Cosmiand. Vah! aures obtunditis,
Et animum obruitis tot imperiis!

Amor DEI. Hoc dicit Dominus : *Ego sum Dominus* :
Et non est alius, præter me :
Cui præ cæteris obedire debeas ;
Potes ambigere?

Epheb. 1. Cœnam nunc accedere,
Non est de tempore :
Res postulat, ut Principi satisfacias,
Et cum creditoribus transigas.

Epheb. 2. Ut periclitanti Oeconomix consulas,
Et celeriter boves tuos recipias.

Epheb. 3. Et ante omnia, ut soleris uxorem,
Neque *per moram* conjicias in mœrorem.

A R I A.

I.

Morantem increpabit :
SIC AMAS! .. exclamabit:

Nnnnn

Hcu!

Heu! decepta sum!
 Credebam virum strenuum
 Duxisse me: decepta sum!
 Heu! duxi rusticum!

2.

SIC AMAS!...geminabit,
 Et planget, & plorabit,
 Et fremens misera,
Quis, dicet, viri stolidi
Quis improbet, si capiti
Affigam cornua?

Cosmiand. Ad Coenam magnam, o bone,
 Ad quam venisti me invitatum,
 (Vides, quot curis impediar!)
Non possum venire:
 Rogo te, *habe me excusatum!*

A R I E T A.

Tres Ephebi. I, curre, propera!
 In mora est periculum,
 Cum MUNDUS imperat:
De Cæna te sollicitum
Ut vesper habeat,
Sit cura proxima:
 I, curre, propera!

* Abeunt.

Amor Dei. Axioma impium!
 Sic curæ hujus sæculi
 Suffocant curam animi:
 Atqui hoc est verbum Domini:
Querite Regnum DEI primum, & ante omnia.
Et: Nolite esse solliciti:
Adjicientur cætera.

Quid

Quid cor dividitis? quid curis angitis?
Nemo servire potest duobus Dominis
 Inter se contrariis.

A R I A.

^{1.}
 Ridiculæ, fuitiles curæ!...
 Duplica, triplica tuos labores,
 Sanguineos funde sudores :
 Age! an cubitum
 Potes *vel unicum*
 Adjicere tuæ staturæ?...
 Ah! speras in mendacio!
 Invito MUNDI DOMINO
 MUNDUS beatum non faciet te.

2.

Non displicet mihi conatus :
Labora, ut vivas, ut crescas,
 Ut una cum tuis ditescas :
 Fructum si *unice*
 Speras a Numine,
 Et bonus est labor, & gratus.
 Sed *terram* licet excolas :
 Ut tamen fruges colligas,
 COELO, non terræ, da supplicem te.
 Rediens.

Cosmiand. Prô! infelicem me!*
 Rejectus sum a Principe.
 A vicino derisus,
 Uxori invisus :
 Quo verto me?

Nnnnn 2

Amor.

*Amor Dei.*Ecce! hi sunt Dii tui! huc verte te: *
Surgent, & opitulabuntur utique! ...*Cosmiander.*Ah! oculos habent, & non vident,
Aures, & non audiunt me!* Fanum Deorum Mundi,
qui sunt Gratia, Fortuna,
Mammon.

A R I A.

Vana, inania
Ruite Numina! *
Machiavellica
Peri prudentia! *
Una in uno

* Evertit statuas.

* Calcat librum.

Est Numine spes!

DEus da veniam:
Damno stultitiam!
Præter te *alium*

Colui Dominum:

Atrox! horrenda!

Sacrilega res!

Amor Dei. Intelligo: intellectum dedit vexatio.

Perge (sic sapis) perge

Ab idolis cor tuum purgare,

Et uni DEO parare.....

Ah! erratis, qui duas in partes claudicatis:

Erratis, qui putatis,

Quod duo sint Domini,

Unus temporis, alter aternitatis.

A R I A.

Unus est Dominus:

Unum amate!

Bona vitæ gemine

Ab uno exspectate!

Qui

Qui duobus serviunt,
 Neutri satisfaciunt,
 Et denique
 A Mundo deferuntur,
 A DEO puniuntur!

PUNCTUM II.

PROPOSITI EXECUTIO.

SCENA I.

Borgia. Rogonus. Araozius.

Borgia. Absolvi: & tandem, quod spero, intellexisti, Rogone, quam magnam gratiam mihi faciat Dominus, cum in suam me Familiam vocat. Synopsis omnium, quæ dixi, repeto paucis, ut habeas, unde defendas Borgia contra Zoilos, qui quæcunque ignorant, blasphemant. Rog. Multis argumentis causam tueris, Princeps; ego tamen nondum comprehendendo, quid sibi velit toties repetitum apophtegma: VOLO SERVIRE DOMINO, QUI MORI NON POTEST! Per Deum! non igitur serviebas DEO, cum serviebas homini PROPTER DEUM? *Borg.* Etiam huic difficultati jam satisfeceram, si percepisses: attende modo. FINIS, propter quem vivo, est servire DEO in hac vita, ut frui DEO in altera liceat: non hoc intelligis tandem? Rog. Bardus sum, si nesciam, cur homo sim. *Borg.* Itaque homo sum, ut servus sim DEI mei. Porro servorum duo sunt genera, boni, & mali servi. Rog. Quis hoc ignorat? *Borg.* Malos dicimus, qui aut non obediunt, aut negligenter obediunt: bonos, qui ab utroque vitio immunes sunt. Rog. Palpari manibus hæc veritas potest. *Borg.* Et inter bonos, quousquis

quis est melior servus. hoc erit gratior Domino, nunquid? *Rog.* Quis sapiens neget? *Borg.* Et quo quis est gratior Domino, eo erit in conditione servi felicior, præcipue si Domino serviat, quo melior optari non potest; fortasse hoc negas? *Rog.* Meras evidencias loqueris. Sed status quæstionis in hoc versatur, uter sit DEI servus melior, qui *DEO soli* servit, an qui homini *propter DEUM*? hoc ut definias, velim. *Borg.* Jam ipse Dominus definivit: *si vis ad vitam ingredi*, inquit, *serva mandata*: ita eris **BONUS SERVUS**; sed *si vis PERFECTUS esse*, *vade, vende omnia, sequere me*! Quanquam quid opus est oraculis, cum Ratio loquitur. Dic, si tres servi sint tibi, quorum unus sollicitè cavet, ne ita offendant te, ut mereatur domo ejici, aliud nihil curat: alter præterea attendit, ne ad iram te concitet vel per parvos errores: tertius vero non contentus est observare præcepta, etiam consilia audit: non metuit displicere solum, etiam placere contendit: non modo quid jubes, exequitur sedulo, atque alacriter, etiam nutibus invigilat: age, quis trium est melior servus, quis gratior tibi? *Rog.* Sentio stringi me. *Borg.* Arctius stringam. Est, qui *propter te*, **QUIA** tu jufferas, & **UT** tibi placeret, aliquot annis Oeconomo tuo diligenter servivit in mediastini officio. Tu hominis solertia captus invitas, ut dimisso famulatu Oeconomi esse velit a cubiculis tibi, cessetque agere **SERVUM SERVI**, & servus **SOLIUS DOMINI** fiat: non ei honorem facis? non gratiam offers? non, si ille acceptare renueret, eo quod amet Oeconomum, concluderes, falso jastasse, quod Oeconomo serviat *propter te*. *Rog.* Facilis applicatio est. Vis dicere: Principes nostri Oeconomi DEI sunt: *Servus servi* est, qui illis servit, etiam si serviat propter DEUM. *Borg.* Ita est: DEUS autem ab hac servitute liberum vult me **SI SOLI** servire; non me honorat? & si invitatem audire nolum, non se manifeste proderet prava intentio, quod Cæsari hætenus non *propter DEUM*, sed propter me, propter meos, propter

pter nugas servierim? Absit! vocas me, DEus mi, ecce venio! melius est esse servum solius Domini, quam servum servi propter Dominum. Eligo, quod est melius, quia eligendi potestatem Dominus fecit, cum invitavit. Rogone, hæc ratio propositi est: probetur Mundo, an non probetur, nulla me cura angit. Rog. Omnino vicisti, Socer! video, me talpam fuisse, quæ coelestem Sapientiam non pervidit. Araoz. Nimirum in fundo, non in superficie se veritas exhibet. Propterea ipsa monuit: nolite judicare secundum faciem, sed justum judicium judicate, Jo. 7. Borg. Ita, justum judicium conforme judicio tuo, DEus, qui solus in judicando errare non potes, justum inter æterna, & pereuntria judicium judicemus! Et tu quid affers?

S C E N A II.

Personæ omnes,

Villalonus. Dux magne, parati ad iter filii, sicut præceperas, expectant nutum. Borg. Quo animo sunt? Vill. Curarum pleno. Vix visos ante, velut si alieni essent, a terepuleras, hoc affligit. Borg. Solabor: adesse jube. Ultimus actus superest: pugnando amor patrio paterno erit. Irrue Divine Amor! expelle, quidquid teneritudinis adhuc in fibris latitat: totum occide Patrem! Araoz. Dignum spectatore DEO theatrum habes: actores intrant. Rog. Tragœdiam dabunt. Borg. Salve Dux Gandiæ, Lamboiæ Marchio! nam filium abdicavi. Joannes, verere Duce fratrem, qui tibi deinceps pro Patre erit. Car. Pater! Borg. Cessavi esse! Joan. Amande Pater! Borg. Franciscum voca! Car. Quam tristi exordio sermonis terres! Borg. Nihil erit longo sermone opus: decreta sunt omnia. Ecce facultas Cæsaris. Ecce ultima voluntas Patris! cætera exponet Gener meus. Valetelitneris sit comes DEus, & amet vos semper! Car. Itane! immo Pater,

ter, non ita fiet. Frater, jura mea tu tibi habe: ego cum Patre maneo. *Jo.* Post mortem Patris si cedas mihi, accipiam volens: nunc redde Patri; sine Patre non vivam ego. *Car.* Pater, decide causam! Non audeo sperare, quod precibus everti sanctum propositum queat, quo te armasti adversum nos: hoc queror, quod bonum consilium celaveris Carolum, ut prospicere sibi non potuerit. Quanquam cur hæsito? sapiens Pater est: qui status ipsi placet, idem & filio placet. Pater! quid mihi cum Gandia, quid cum Lamboia est? habeat sibi has quisquillas Frater: ego Patri hæreo. *Borg.* Placet hic animus, Carole, & loqueris ex meo sensu: tu vero quid sentis, Joannes? *Jo.* Ego Patrem plus, quam Fratrem amo: oro, ne me deseras orphanum! *Car.* Frustra hoc oras, Frater! Accepta potius, quæ dono, jura: ecce hodie Dux Gandiæ, Marchio Lamboiæ eris. *Jo.* Probas Pater? *Borg.* Animula vilis! Quantum adhuc Adami habes! Tu vero, Carole, adeone facile contemnis hæreditatem, Majorum laboribus, & sanguine partam nobis? *Car.* Quanti humana omnia esse debeant, tu docuisti; unde mihi æstimatio sit? Pretium habeant, quæ Pater calcat? Quod nihil æstimet DEUS, præter virtutem: quod, quæ pereunt, viri sapientis affectu indigna sint: quod hujus vitæ felicitas vix hodierna sit: quod post hanc vitam nulla prærogativa locum habeat, & nobilium cadavera æque fateant, ac rusticorum, a te didici: & miraris, quod spernam, quæ tu spernis? *Borg.* Maeste animo! quo minus appetis, tanto magis es dignus Imperio. Rogone, Araozi, video, adhuc semel resumendam esse Patris personam mihi. *Rog.* Expecto, quid velis. *Ar.* Carole, Princeps, acquiescendum est voluntati paternæ, & in subitis motibus nihil discernendum, quod facile mutari non possit. *Borg.* Erit tempus, cum examinabimus per moram, DEI, an Patris amor sic te incenderit. *Ar.* Sed nec Ignatius, o Princeps, continuo probaret præceptum consilium. Provide agit, nec nisi per patientiam probatos in Familiam adlegit.

git. *Borg.* Nimirum vir ille prudens, quos suos esse vult, in illis non ceras numerat, non fortunas attendit: an *apti & serii* sint AD MAJOREM DEI GLORIAM, hoc inquit; & hæc inquisitio tempus postulat. Itaque *interea* ut imperes, impero tibi, Carole: parebis? *Car.* Nunquam difficilior obediui. DEUS scrutator cordium! tu scis, quod invitus capeſſam regimen: da, ut sit breve, dignumque fac, ut cui cum Patre non licet, post Patrem possim in vestigia ire, quæ impressisti viæ, per quam calcatis opibus, honoribus, & commodis hujus vitæ in coelum ibas. *Rog.* Totus patrizas, Carole, & ad ruborem mihi. *Ar.* Optima est animi comparatio ad felix regimen: & nemo securius cum Mundo vivit, quam qui contemnit Mundum. Contemptus affectum opprimit, qui cor seducit a DEO procul. *Borg.* Utinam, Joannes mi, similiter ut Carolus, profecisses in ista Schola! Sed age, quod non didicisti a Patre, Mater doceat. Ne vacuus a me abeas, hanc effigiem dono. Nosti, cujus imago sit? *Jo.* Heu! gemino dolore obruo! Te, Pater, mihi eripis, & ut mortuæ Matris imago tristis perpetuo ante oculos versetur mihi, hoc jubes insuper? *Borg.* Ad fructum jubeo. Qui amant aliquid *præter DEUM*, amorem vanum, aut malum non facilius corrigent, quam *per mortis memoriam*. Eleonora! formosa eras, dives eras, illustrissimo genere, amoenissima indole, summa dignitate, summa gratia: nunc! vide mi Joannes, quid videas! *Jo.* Isabellæ Imperatricis, non Matris Eleonoræ hæc est imago: jam olim cum nausea vidi. *Borg.* Mors Matrem tuam Isabellæ gemellam sororem fecit: ecce ambæ sepultæ sunt, & ambarum prope cum campanarum sonitu memoria periit. Hæc rerum humanarum conditio est, quas tanti facimus. *Jo.* Fastidium turbat viscera! Talis est Mater mea? heu! quacum toties deliciabar, in quale monſtrum defivit!... *Borg.* Perge! perge! ita te bene occupas. Tu vero Carole, donec aliud DEUS postulet, cape

O o o o o

Spiri-

Spiritum regimini parem. * Auferat a te DEUS SPIRITUM PRINCIPUM, qui est spiritus superbiæ, spiritus vanitatis, auctor luxus, amator otii, altor crudelitatis, fax bellorum! Det tibi SPIRITUM PRINCIPALEM, qui Regium Prophetam virum secundum cor DEI fecit. Intellige, quod per æternæ Providentiæ ordinem in Principatu sis natus, non ut tibi viveres, tuisque cupiditatibus, sed ut tuos regeres: regere autem non esse idem, ac dominari, despoticoque imperio subditos premere, sed idem esse, ac *communi bono servire*, ex illo sanæ Politicæ principio: *Princeps est propter populum, non populus propter Principem*. Prima tibi cura sit cura Religionis: a DEO firmanitur solia. Altera erit cura tui, ne a semita mandatorum DEI vel unguem devies: obedientiam a subditis tu tibi exigis, a te DEUS. Tertio loco curabis Fratres, Paterque illis, non Princeps eris, memor, quod non per aliam prærogativam illis præsis, nisi quod cunas prior tuis lacrymis madefeceris. Postremum subditos tibi commendo, quos ut regas bene, una regula sufficit: SIC REGE, UT REGI VELLIS! Ita fortiter administrabis justitiam, prudenter coles clementiam, solerter invigilabis Officialibus, sollicitè fugies adulantes, studiose diliges veritatem, denique jura Majestatis, & magnificentiam nunquam tueberis per tuorum injurias. Talem subditi amabunt ut Patrem, timebunt ut Judicem, colent ut vice-Deum. *Car.* Divina præcepta sunt! Cœlusi faveat, ut satisfaciam Parentis spei! *Ar.* Exempla trahant! *Reg.* Sic eris tu quoque Miraculum Principum. *Borg.* Sed jam sit finis. Adeste ad manus osculum dilecti mei! ultimum Pater vocat. *Jo.* Ergo avelli necesse est? cor mihi eripitur, Frater! *Car.* Reluctari nec DEO, nec Patri licet. O benefica manus, quot bona tibi debeo! Nunc dum subtrahis, Pater, sæpe pro me in Cœlum tolle, ut inde veniat benedictio mihi! *Jo.* Mihi pro lingua loquatur cor! *Borg.* Vale Joannes mi, & quomodo vivendum sit, ex mortua

Matre

* Ex Epistola Sancti ad Principem Lusitanie.

Matre disce! vale Dux Carole! & tu Rogone Gener, vale! colite pacem, obsecro, & concordibus studiis amate DEum, *præter quem nihil amabile est!* Villalonum manu mitto, tibi que commendo, Carole! fidelem famulum habes: cole, donec, cum Coelo placuerit, ad famulatum *solius DEI* & ipse feliciter avolet. *Vill.* Dux magne! *Rog.* Illustrissime Socer! *Car. Jo.* Optime Pater! *Borg.* Cessate titulos, quos abjeci! injuriam facitis, si me creditis sic honorari. Franciscus vocor! hic superest unus titulus: FRANCISCUS PECCATOR! valete! *Vill.* O utinam plenus his peccatoribus Mundus foret!

S C E N A III.

Borgia. Araozius.

Borgia. **A** Bierunt. Respiro, Araozi, tanquam si molare saxum pectus a se amovisset: adeo me *multiplex* Amor torfit. Nunc cum est *unus*, o quam dulcis, o quam jucundus est!.. jam Fratres sumus! primum, Pater amplexum cape! Salve in Christo Frater! *Ar.* Laudate victorem Coeli, qui talem hodie dedisti Fratrem! Sed Fratres similis vestis decet: en paravi! *Borg.* Promptus sum ad obedientiam tibi! *Serii Amoris* partus hæc virtus est. Abi Ducalis cydaris! Quem amo, spinis cinctum ostentat caput! Exue superbiam Borgia! nudus Amor nudum a phaleris Amorem postulat! Porridge tunicam Mundo vilem: sic Christum induam! O qui propter me Domine tribus clavis es crucifixus, da ut Borgia nunquam sine tuis comitibus sit, nunquam sine pauperie, nunquam sine dolore, nunquam sine contemptu! Hæc tria si *præter DEum* amo, tunc *solum DEum* amo. *Ar.* O sensus bonus! I Munde, jam ride Borgiam! At non ridebis, scio, cum videbis olim sedentem *inter judicantes duodecim tribus Israel*; tunc non ridebis!

O O O O O 2

MEDI-

MEDITATIO V.

Diliges ex tota virtute tua. *Marc. 12.*

S. FRANCISCUS XAVERIUS.

ARGUMENTUM.

A Scendimus tertium gradum Amoris *effectivi*, qui est, DEUM *ex tota virtute*; hoc est, SINE MODO diligere. Nimirum claudi limitibus verus Amor non potest. Quantum potest, tantum audet, nec raro etiam plus, quam potest, ita ut succumbere demum conatui debeat, atque post vires pro Dilecti gloria exhaustas vitam in ejusdem amplexu expiret. Tam felix mors S. Francisco Xaverio obtigit in Insula Sanciano Sinensibus confini, quos fidei sacrae luce illustrare, vel sanguinis impendio, TOTIS VIRIBUS desiderabat, vir nunquam satur ærumnarum, quas pro DEO ferebat, quia DEUM *sine modo* amabat. Erit igitur hujus Meditationis, quæ de quinto Francisco instituetur,

Materia: S. Francisci Xaverii sancta mors.

1. Mortis causæ.

Puncta duo: 2. Mortis modus.

Fructus. Tertius amoris gradus SINE MODO diligere.

Propositum: In materia, quæ ad DEI beneplacitum pertinet, nunquam dicamus: *satis est*! semper: *amplius*! *amplius*! Neque qualemcunque, sed majorem semper, ac majorem ejus gloriam in *omni consilio* spectemus, nullo vel labore, vel dolore deterriti.

PER-

PERSONÆ.

S. Franciscus Xaverius sensim febris succumbens.

Almeida navis Lusitania Præfectus, Xaverii ad Sinas profectiōni contrarius.

Georgius Alvarus Lusitanus Mercator, qui suum mapale ægotanti permisit.

Jacobus Juvenis Indus, cui a bona institutōne deficiente Xaverius moriens prædixit interitum.

Antonius a S. Fide Juvenis Sinensis, a Xaverio conversus, & ex India in Sancianum adductus, ut eidem apud Sinas pro interprete serviret.

PROLOGUS.

Reflexio in Meditationem præteritam, & Præparatio ad præsentem.

Fides. Ratio.

Ratio.

JO! rupta sunt vincula: *
Ad DEum, ad tuum centrum
Alacriter cor meum evola!

Exhibitio.

A R I A.

Valete amores profani!
Fulgetis fulgore inani,
Qui levi stultarum
De grege muscarum
Levissimas trahit ad se!
Non sic capietis & me!

Oooooo 3

2. Vix

2.

Vix illæ, cum lucem viderunt,
 Audacter se propius ferunt,
 Jam alæ uruntur,
 Miscellæ sternuntur!...
 Ex avibus reptiles se
 Dum plangunt, erudiunt me,

Fides.
 Ratio.

Hem! qualem te video, soror?
 Qualem fecit Amor.

Ecce *reliqui omnia* :
 Ut amores divisos colligerem,
 Et DEUM *unum*, nihilque
 PRÆTER DEUM diligerem.

Fides.

Quid adhuc mihi deest?

Omnia relinquere
 Vel *per affectum*,
 Vel, si voluerit Dominus,
 Etiam *in eff. &u*,
 Non est nihil facere.

Sed tu audi me :

Si vis perfectus esse (sunt verba Domini)

Veni, sequere me, & SIC DILIGE,

SICUT EGO DILEXI TE!

Supereſt igitur gradus Amoris altiffimus,
 Qui eſt, DEUM SINE MODO diligere.

Certe, qui voluit crucifigi pro te,

SINE MODO dilexit te,

Neque tantum EX TOTA ANIMA SUA,

Sed etiam EX TOTA VIRTUTE SUA.

Audis clamantem: CONSUMMATUM EST!

Et non intelligis SINE MODO amantem?

A R I A.

* Anima ſpoliata crepundiis bonorum præſentium.

A R I A.

Philosophiam optimam
 Hic habet TITULUS;
 In cruce ponens animam
 Vocatur FLORIDUS.*
 Amoris nempe flores
 Sunt spinæ, sunt dolores,
 Si Amor verus est;
 Qui ludit, qui jocatur,
 Per nugas qui procatur,
 Furor, non amor est.

* Nazarenus,

Ratio.
 Fides.

Doctrinam tradis austeram!
 Sed veram.
 Ecce Dominus
 A juventute sua *in laboribus*,
 Vitam denique finivit *in doloribus*!
 LABOR, & DOLOR fuerunt AMORIS
 Individui comites,
 Testes, & fomites.
 LABOR, & DOLOR probabunt te,
 An possis, an velis DEum *sine modo* diligere,
 Sicut ipse dilexit te.
 Labor, & dolor! o pondus verborum!
 Probatio difficillima!
 Amanti jucundissima.

Ratio.
 Fides.

A R I A.

I.

Fides. Assurge! assurge!
 In gradum supremum te urge!
 Ratio. Promptissimus spiritus est;
 Sed caro insensa labori.

Fides.

Fides. Non AMORI,
Ratio. Infensa dolori,
Fides. Non AMORI,
Ratio. Rebellis spiritui est!
Fides. SI AMAT, rebellis non est!
 Tu sequere me!
Ratio. Tu adjuva me!
 2.
Fides. Non labor laboris,
 Non dolor sentitur doloris,
 Si Amor fervebit in te.
 Dulcedo dulcissimi mellis
 Absorbet vim fellis :
 Mors ipsa (ne cruciate!)
 Amabilem exhibet se.
 Tu sequere me!
Ratio. Tu adjuva me!

MEDITATIONIS V.

De S. Francisco Xaverio ,

PUNCTUM I.

MORTIS CAUSÆ.

SCENA I.

Xaverius. Antonius. Joannes.

Xaverius **A**mplius, Domine, amplius! ... O bona
dormiens. crux!... *Ant.* Quæ exclamatio est? *Xav.*
 O suaves labores!... *Jac.* Sominans loquitur. *Xav.* O dolores
 juncun-

jucundi! amplius, Domine, amplius! ... *Ant.* O Pater sancte! tu pretiosius dormis, quam alii vigilant. *Jacobe!* quis animi sensus esse nobis debet de tanto Magistro? *Jac.* Æstimo virum, Antoni, & amo etiam, quia video, quod amet me, & bonum velit: amarem tamen tenerius, si esset minus severus mihi. *Ant.* Ego vero hanc ipsam severitatem tenerrime amo, quia intelligo *paternam* esse, præceptamque in Evangelio quod uterque docente ipso, & infinitis prodigiis illustrante professi sumus. Christianos ipse fecit, hoc est, **HOMINES FUTURI SÆCULI**, atque adeo *præsentium contemptores*. Aspirare ad cælum jussit, ne æternis miseriis involveremur. Ad cælum viam esse arduam, viam abnegationis, viam crucis sive per innocentiam, sive per poenitentiam intrare velimus, ex ipso sacro Codice demonstravit. Igitur cum instat, cum urget nostram segnitiam, cum contumacem indolem sub suave jugum flectit, cum arguit; obsecrat, increpat opportune, ac importune: beneficium nobis facit. Et vix mihi! æternum vix, nisi optimus DEUS providisset mihi de viro, qui Sinicæ educationis mollitiem ad Divinæ legis austeritatem durasset. *Jac.* Me India genuit: Indus non ita facile, ut Sina, naturæ ferventis impetus ad Didascalii imperium frangit. Venus, ira, & horror laboris nobiscum nascuntur: putas, ante nos mori posse? *Ant.* Mori debent, *Jacobe*, si quidem tu velis æternum vivere. *Jac.* Mori debent! quis occidet? *Ant.* Tu, tu debes violentam manum inferre inimicis domesticis, qui pugnant adversum te! *Jac.* Difficillimus labor est. *Ant.* Sed necessarius. Age, quid facis, si forte in fragili lembo navigantem turbo repente impedit, si fremit mare, si sursum, deorsum jactat, si jamjam in syrtes trahere, aut scopulos videtur: non tu TOTA VIRTUTE remis incumbis? non summo labore fluctus verberas? non contentione nunquam intermissa adversus ventos, & mare pugnās ferociter, donec victor periculorum in litus exilias? *Jac.* Scilicet summum vitæ discrimen in isto casu op-

P p p p p

prime.

primeret ignaviam indolis, & sopitos spiritus in frigentes artus vocaret. *Ant.* Discrimen vitæ, ais? cujus vitæ? utique miseræ, mille calamitatibus obnoxia, denique quantumvis pro illa laboraveris, tamen serius aut citius finiendæ: & discrimen vitæ æternæ beatæ nihil contra nostri spiritus acediam valeat? Venti ex inferno irruunt, fluctus in utroque appetitu insurgunt, anima periclitatur, & tu irasceris Xaverio, quod *ad laborem* extimulet? *Jac.* Nimirum ista pericula non cadunt sub sensus; hinc segnius movent. *Ant.* Hinc segnities necesse est, ut habeat, a quo conculciatur, ne desinat in lethargum. Frater, boni, boni consule optimi Patris sollicitam curam. Molesta sit sensui, & indoli gravis: *amari* etiam molestia potest, quæ *utilis* est. Quam nauseat *gustus* medicinam: *RATIO*, mi Jacobe, *RATIO* probat, amat, magno pretio emit. Laudemus *DEum*, qui dedit Xaverium nobis: oremus, ne auferat. *Jac.* Quid ingemiscit? Prò! si audivit gemitus meos, quæ iterum lamenta audiam? *Ant.* Iterum somnians mussitat aliquid. *Xav.* Heu! pondere opprimor! *Jac.* Audin', ut suspiret! *Ant.* Laborat, sudat, angitur! ... *Evigilat.* *Xav.* O *DEus* ego amo te! ... Quid vidi? ... *Ant.* Ut vales, Pater mi! *Xav.* Respiro: & fallor! an abiit febris? *Jac.* Utinam concedat inducias saltem! *Xav.* *Ab! miser! ah! miser!* *Jac.* Nam quid hi gemitus volunt? malum filio prophetat Pater! *Xav.* *Ab miser!* ... Antoni, valeo! curre ad mare! Quære cymbulam mihi! ad Sinas navigemus, ad Sinas! *Ant.* Parce obsecro! vitam toti *Asiæ* debes: vitæ parce! aut moram saltem zelo impera, ne te perimat ante tempus! *Xav.* Tu obloqui? sic obedis! Sed bene! Metuis, opinor, vitæ tuæ, non meæ, si Sinenfibus *Evangelium* interpretemur. Igitur solus ibo, & vel si pedibus calcandi fluctus sint, non timebo. *Ant.* Immo obedio, quoniam jubes. Urgebo *Almeidam*, ut denique secundet votum: tu tantum, donec redeam, moderare ardorem, ne nimius fervor irriter malum.

S C E N A II.

Xaverius. Jacobus.

Xaverius. Sic places. Sed tu, *ab miser! ab miser!* *Jac.* Terroribus horrendis me tremefacis, Pater! Quid jubes metuere? forte Propheticum somnium de me turbavit? *Xav.* Tua te mollities perdet, o miser, & quia tua vitia non occidis, illa occident te: hic dolor tristissimum somnum fecit. *Jac.* Audivi gemitus dormientis: sed & jubilum vidi. *Xav.* Nempe geminum spectaculum se menti objecit, lætum unum, triste alterum. Lætus eram, cum videbam innumeras cruces delabi Cœlo, quæ (ita me Spiritus Domini confirmavit) tantum absfuit, ut terre-
rent, ut etiam traherent in amplexum! *Jac.* Audivimus attoniti exclamantem: *Amplius Domine, amplius!* *Xav.* Attoniti! quare attoniti? Quod DEUS pro homine cruci configi voluerit, hoc attonare hominem debet intelligentem, quid sibi velint hæ voces: DEUS PRO HOMINE! Si autem homo aliquid pati PRO DEO velit, unde admiratio sit? *Tu, tu, mi JESU, totum me amplexus es in cruce! cur igitur non amem te, & Amorem simili crucis amplexu probem?* *Jac.* Sed tu, quod ego a vigilante fieri posse vix adducar, ut credam, petebas, post decem annorum immensos labores, post iterum infinitas molestias, post vires quotidianis prædicationibus exhaustas, post tot naufragia, vir perpetuæ orationis, exigui somni, refocillationis nullius, obrutus innumeris curis, curis pro Sociis, & pro extraneis, in tanta rerum omnium, & commodorum penuria, post tantas elementorum, hominumque in Gentibus tam variis injurias, & novissime a Præfecto Malacensi nullo habito ad Nuntii Pontificii dignitatem respectu publice contemptus, a Lusitanis, quibus nuperri-
me, ne siti perirent, aquam maris salam in dulcem insigni prodigio commutasti, pæne desertus, insuper calente febri ad mor-

Ppppp 2

tem

tem oppressus, petebas *amplius* laborum, *amplius* ærumnarum, *amplius crucium*! Profecto humana natura ab his abhorret. *Xav.* Sed ratio, & fides, o bone, non abhorret. *Tu, tu, mi Jesu, tulisti clavos, lanceam, multamque ignominiam, INNUMEROS dolores, sudores, & angores, ac mortem, & hæc PROPTER ME!* quantillum est, quod ego feci, & tuli *propter te!* ... *AH MISER!* tu neque scis, quid sit *amari* a DEO, neque quid sit DEum *amare*: propterea si quidem vult DEus, ut moriar, prope de te solo sic affligor, sicut de tota Sina, quod curæ meæ nondum fructum, quem vellem, tulerint. Et vero vercor, ne alterum somnium hoc malum portenderit. Videbar mihi portare in humeris Indum Æthiopem, & sub onere defecisse! *Jac.* Sudabas certe, & difficillimo anhelitu angorem animi demonstrabas: egone sim ita gravis? ... Alia interpretatio occurrit mihi. Æthiops pondere giganteo incumbens tibi universam Indiam referebat, cui impensī labores huc adegerunt te, Pater, ut valetudine jam prostrata Sinis suffecturus sis minime: propterea acquiescendum tamen erit amicorum consiliis. Converte Indias ad Christum: satis est. *Xav.* *Satis est!* o frigus, nam ignis nunquam dicit: *sufficit!* *Amplius!* *amplius* propagat incendium, donec supersit nihil, quod devoret. Indiæ providi de operariis, qui quod plantavi, rigent, donec incrementum det DEus: me Coelum in Sinas vocat: in Sinas ibo. Video eheu! late patientes campos urticis, ac tribulis plenos, quia nemo est, qui excolat! Amplissimum Imperium sub jugo Sathanico gemit: & nemo est, qui liberet! Quot myriades animarum hoc Regnum alit; & nulla ex illis amat DEum meum: ego hoc sinam! hoc feram! hoc patiar? *Jac.* Modum, quæso, fervori pone! *Xav.* *Ah miser!* tu libidini tuæ, tuæ iræ, tuæ acedix pone modum, & limites tandem: me sine DEum meum *sine modo* amabilem *sine modo* amare! *Jac.* Fastidium est, Pater, toties audire antiquam cramben: patientiam habe. Modum affectionibus meis
ætas

ætas ponet. *Xav.* Quid audio? modum *ætas*, non *Amor* ponet? Ergo qui ab æterno amavit te, non tu illum *omni ætate* amabis DEum? O glacies feralis! o cor infelix! hem! Domine, tu in laboribus, & doloribus fuisti a juventute tua propter hunc homuncionem, & iste vult amare te, cum erit vir: dum est juvenis, non vult amare! *Ab miser!* Quem non vis amare, cum potes *omni tempore*, vereor, ut possis amare, cum voles, *in æternitate!* Non DEus tuo, sed tu DEI Amore indiges, ut sis felix. *Jac.* Fatigor a tot lamentis. Ecce Antonius tuus.

S C E N A . III.

Xaverius. Antonius. Jacobus. Almeida. Alvarus.

Antonius. JAm vero, Pater mi, hinc proficiscendi ultima necessitas est, & videndi patriam Christo supplicem spes omnis evanuit mihi. *Alm.* Pro mea erga te reverentia Pater, ipse adsum ingratus nuntius, ut videas, quod invidus obediam. Epistolam inspice! *Xav.* Nomen Ateidæ lego: nihil commune mihi cum viro est propter contumaciam a Sanctorum communi-
one excluso. *Alv.* Irritasti ferox ingenium tua severitate, sic, ut iræ rabiem usque in Sancianum extendat. *Xav.* Parcat illi Dominus! coegit me homo invitum, atque gementem extrema expedire remedia, dirisque devovere virum rebellem Christo, Christique Vicario, ut qui scelus non horruit, saltem per sceleris supplicium, & publicam ignominiam corrigeretur. *Alm.* Aliter accidit. Exacerbator, deserto te, jubet nos redire Malacam. Obediendum Præfecto est: cras faciemus vela. *Xav.* Ecce! huc hominem furor egit! Me miseret miseri: nam pœnas impeditæ legationis horrendas dabit, uno, eodemque tempore famæ, fortunarum, regis gratiæ, ipsius vitæ, utinam non & animæ jactarum passurus. *Almeida*, obsecro, ut ad Sinas

P p p p p 3

Can-

Cantonem occulte avehar: ita te DEus amet! *Alm.* Atqui hoc ipsum prohibeor: legis? *Xav.* Profecto provida impietas est. Sed intelligo tua consilia, o mens æterna! Lusitanæ naves, quibus solerter servii, nuper ne salutatum quidem omnes reliquerunt: quæ mansit una, jam etiam deserit: solus sum, ut soli me tibi fidam. *Alm.* Quidquid tamen jusserit Gubernator: hoc non committam, ut in deserta Insula extremæ calamitativirum optime de nobis meritum, DEO charum, ex morbo languentem exponam. Quodcunque littus postules, inveham, modo Mala-camp, aut Sinam non expetas. *Alv.* Et vero adire Sinas quousque avebis, Pater? Si tibi tui cura non est, at saltem sit mercatorum, quos tuus in Sinas adventus ab omnibus excludet commerciiis. *Alm.* Et afflicta prope ad mortem valetudine quid præstabis? Vix ingressum aut vires destituent ad prædicandum: aut si redirent etiam, immani labori celeriter succumbent: aut proditus æterno carcere, vel capitis poena audaciam lues. *Xav.* Igitur aut labor, aut dolor manet: uterque comes Amoris est. Amor ad Sinas vocat. Agite res vestras, Amici; de me Dominus providebit. Sinite, ut soli loquar.

S C E N A IV.

Almeida. Alvarus. Jacobus. Antonius.

Almeida. Quid facimus? *Alv.* Mihi navis cum mercibus Cantone rediit: & jam nihil tenet, quo minus cras abeam. *Alm.* Ego vero per aliquot dies vel Ateidæ ingratiis libenter hærerem ad littus, donec extra discrimen posita valetudo Xaverii idoneas jactationi vires suppeteret, si tamen spes esset flectendi virum, ut a consilio Missionis Sinensis desisteret. *Alv.* Nempe times, Almeida (nec imprudens est timor) ne si tanti nominis hominem in Sanciano deseras, male in tota India,

dia, & Lusitania audias, arguendus barbaræ inhumanitatis, quæ nota est viro honeste educato turpissima. *Jac.* Sed inutilis humanitas est: obstinatus in proposito animus officium non admittit. Xaverius, vel si totus Mundus dissuadeat, ad Sinas ibit. Est sui capitis: & ajunt, vitium pertinaciæ esse commune Sanctorum. *Ant.* Paulo reverentius, Frater, de hominibus DEO charis loquare. Quod tu vitium pertinaciæ appellas, est *virtus Constantiæ*. Sancti, quod decernunt, non decernunt *per impetum*: consilium a DEO orantes postulant: res non obiter, neque ad malignum lumen intellectus ab affectibus obnubilati expendant: sed trutinant ad rationes æternas: denique non semper per leges *prudentiæ humanæ* se regunt: a Divina inspiratione agunt: mirum sit, si minus facile, quam alii, sententiam mutant? *Jac.* Te semper *spiritus contradictionis* facundum reddit adversum me, postquam in sinum Xaverii te conjecisti, me dejecto. *Ant.* Amici, injuriam iste loquitur. Ego illi gratiam Sancti æque ut mihi, gratulor: & vere utrumque a Francisco amari æqualiter, *præter invidiam*, nemo non videt, licet Amoris signa erga me, & ipsum diversa edat. *Alm.* Semper tu quereris, *Æthiops*, de severitate Xaverii: minus amaret te, si minus severus esset. Facilior Antonio est, quid tum? nempe facilius forma, quam cupio, in tela, quam in saxo formatur: difficilis indoles scalpris, & lima indiget. *Jac.* Miseri Indi! sic viluimus vobis, postquam hic Sina sua vafricie vos dementavit? Atqui tu, Alvare, melius nosti, qui sint, quos nunc præ Indis Lusitani depereunt: in Cantonensibus commerciis experientiam ceperis. *Alv.* Nemo, Amice, sine vitiis nascitur. *Alm.* Optimus est, qui agnoscit, & correctionis est patiens. Omisissis jurgiis uterque parate Xaverio, uterque amabitur. *Jac.* Non jurgor: hoc tantum moleste fero, quod iste per spes inanes sic se insinuaverit Patris animo, ut etiam ad deferendam Indiam obstinaverit. *Alv.* Tanrum si potes, quare non id agis modo, ut mutet consilium, post-

postquam vides, per Indicos labores prostratum, jam Sinicis non posse sufficere? *Ant.* Amici, sæpe hanc causam coram ægro etiam cum lacrymis egi. Quanquam enim tantum bonum, quantum est sanctæ fidei, contribulibus meis summis votis exoptem: tamen valetudini, & vitæ ut parceret, quoties rogavi! Flebam ego: flebat ipse etiam, atque cum gemitu: fili, dicebat, hæc tu lamenta Europæis mercatoribus fac: illi per tot terrarum, mariumque discrimina, patriæ, uxoris, liberorum, sanitatis, vitæque immemores ad Indos contendunt, ut lucrum ex quiescentibus faciant: & tu homini *animas* quærenti otium a laboribus suades? tu vis, ut corpori quietem indulgeam? vis igitur, ut *vitam inutilem* vivam, ne *citius* moriar? Atqui nihil interest, *quam diu*, sed *quam bene*, quam utiliter vivam. Multi moriuntur senes pleni annorum, vacui meritorum: vis, ut inter hos Xaverius numeretur? Absit! *laborare* necesse est, *vivere* non est necesse, nisi possim *utiliter* vivere. Ecce! (& osculabatur crucem) ecce in flore ætatis contempsit vitam suam Dominus, & dedit pro me: Servus autem tanti se æstimet, ut mori nolit in obsequio Domini? Quanti terra, marique, in pacis, & belli laboribus pro Principe suo vires, ac vitam prodigunt, & laudantur: pro DEO autem, si paullo citius consumatur Xaverius, imprudens dicetur? *Vade retro Saibana!* scandalum es mihi, quisquis quietem suades! DEUS amandus est EX TOTIS VIRIBUS! Qui vitam vivere *ignave quietam* cupit, non meretur, ut post mortem *requiescat in pace*. Hi sensus Xaverii sunt: ite nunc, & suadete, ut Sinicas ærumnas fugiat. Sinæ, inquit, vel me audient, vel non? si audient, erit vita mihi pro DEO *laboriosa*: si non audient, vitam auferet *cruenta mors*: utraque est in votis. Non possum *jucundius* vivere, nisi *in laboribus* pro DEO: non possum *gloriosius* mori, nisi *in cruciatibus* pro DEO. *Alv.* Almeida, vel nuda descriptio animi sic comparati in desperationem me conjicit, fieri posse, ut a sententia dimoveatur: convalescimus. *Alm.* Te-
cum

cum sentio, nam cui bono hic hærebimus? Abitum Ateides imperat, tempus urget, venti vocant: valedicamus Sancto, ut benedicat. *Ant.* Ah duri! hæc resolutio est digna ingentibus beneficiis, quæ Xaverius præstitit. *Alm.* Grata memoria est: doleo, quod sit inutilis. *Ant.* Ad mortem ægrum relinquitis in manibus duorum juvenum inexpertorum, opis ac consilii egenorum? Frater, quid nos agemus? *Jac.* Ego mihi consulam: cum Almeida abibo hinc! *Ant.* Quid? & in me solum incumbet onus curandi ægri! Almeida! hoc tu insuper committes facinus, & Jacobum inscio, atque invito Xaverio tecum auferes? *Jac.* Quid? ut in desertæ Insulæ miseriis propter ipsum contabescam, Xaverius exigit? *Alv.* Nihil hoc metue: quæ ad victum sufficiant, donec credibimus, ego ex navi suppeditabo. *Jac.* Nihil istis opus est mihi; vel ringente Xaverio redibo in Indiam: sentiat, quem amiserit, & habeat fructum suæ severitatis. *Ant.* O Superi! quid loquitur iste? Almeida, tu judica, in quam miseriam me Jacobus præcipitet? solus quomodo ægro, quomodo mihi consulam? *Jac.* Si eris miser, tua culpa eris: abire tu etiam nobiscum potes, & ego invito te. *Ant.* Crude! hoc te adeo impium consilium decet? *Jac.* Stupide! desertum ab omnibus Xaverium non vides coactum iri, ut in Indiam nobiscum redeat? non sic mihi, & vobis consulo? *Ant.* I miser, consule tibi: consilium a te Xaverius sibi non requiret. O sancta pietas, quam bonum semen in isto corde nullas radices egit! *Alm.* Lamentis abstine! nunquam ego hominem in navem recipiam, nisi annuerit Xaverius. Intremus.

S C E N A V.

Antonius. Jacobus.

Jacobus. TU vero, Sina, hoc telum vides? acumen tenta! *Ant.* Cur istud postulas? *Jac.* Visceribus tuis usque huc im-

Q q q q q

mer-

mersum hoc frigus ferri calefcet in tuo sanguine, & animam expellet invifam mihi, nifi efficias, ut per Xaverium reverti in Patriam finar. *Ant.* Jacobe Frater! ecce per illum supplex te DEUM oro, cui consecrati uterque per sacrum lavacrum fumus: abjice confilium atrox, tam inimicum charitati, quam proximo *propter DEUM* juravimus! *Jac.* Necem juravi tibi, nifi pareas. *Ant.* Ah! quo te impotens furor agit? nimis AMAS TEIPSUM Frater, ideo majores vero misérias times, & timor accendit rabiem. DEUM AMA! Amor cicurabit ferociam: Amor ad ærumnas durabit pectus. Servimus Sancto, quem DEUS amat: in hoc servitio etiam, si mori necesse fit, beati fumus! *Jac.* Vis, ut ego vobiscum crepem? surdus sum! non perfuadebis.

S C E N A VI.

Antonius. Almeida. Alvarus. Xaverius.

Antonius. O DEUS! quem esse SINE MODO amandum me Xaverius docuit, in quas angustias Antonium redigis? Amici deserunt, Frater odit, Pater fortasse moritur: ego quo ibo? *Alm.* Antoni, ardor febrilis rediit: vereor, ne antequam nos e portu, Xaverius ex vita abeat. *Ant.* O me misellum! o infelicem Sinam! *Alv.* Totus in piis deliriis est: nihil ad nostras quæstiones conveniens loquitur. Audis? *Xav.* Qui coelo & terræ imperat, huc misit me, unus ac trinus DEUS! *Ant.* O Pater! quorsum inani contentione fatigas te! *Xav.* Per omnia superstitiones Indis, ac Japonibus vos video, Sinenses mei! *Ant.* Ah! nemo te audit. Audi me, Pater mi! & in laborem utilem vires serva! *Xav.* Unus est DEUS, sapientissime Imperator, unus est DEUS! *Ant.* Jam in aula prædicationis officio se fungi existimat. *Xav.* Unum ratio, unum natura esse clamat, cui nullus sit par! unum adorari, Princeps, unum amari in tuo Imperio impera! Nihil vos mortua simulacra juvant: unus est,

est, qui vivit, & regnat in sæcula! *Ant.* Et ab hoc uno, Amici, spes auxilii pro Xaverio est. O qui per Xaverium tot ægros sanasti Domine, ecce quem amas, infirmatur ad mortem! miserere Sinen- sium! dic verbo (nam verbo potes) & sanabitur Xaverius: sane- tur! Quod si peccata popularium meorum indignos gratia pro- digii faciunt, ecce! adsum victima pro peccato! Aufer hominem inutilem Mundo: Xaverium Sinis serva! *Alv.* Almeida, miserabi- lem scenam video. *Xav.* Antoni! *Ant.* Ecce adsum! redis ad te? impera! jube! *Xav.* Interpretare, quæ dixi, sed cum ardo- re! cum ardore, quem argumentum meretur. *Alm.* Vide, ut incensa sit facies! *Alv.* Ipse anhelitus pæne ignem expirat. *Xav.* Hic DEus, hic Dominus univerforum, cum per peccatum homo gratia exci- disset, ut *sine Justitiæ detrimento* restitui posset, unde exciderat, *sic dilexit Mundum*, ut Filium suum ungenitum pro illo in mortem de- derit, & quidem in crucis mortem! *Alm.* Contentio vocis, ac vi- rium elidet animam, nisi juvamus. *Alv.* Quid est consilii? *Xav.* Ecce hic est Filius DEI, mortuus pro Sinis, Imperator, ut vitam ha- beretis æternam! mortuus est; sed & resurrexit a mortuis, & jam sedet ad dextram Patris, inde venturus est judicare, & cum judi- cabit Orbem terrarum, illi, qui crediderunt in eum, eique obedi- verunt, ibunt in vitam æternam, qui vero non crediderunt, con- demnabuntur ad supplicium æternum, in stagnum ignis ardentis, ubi cruciabuntur in sæcula sæculorum! *Almeida.* Antoni, est Chi- rurgus in navi: consulemus hominem, an forte phlebotomia non pro- fit. *Ant.* Vereor, ne serum remedium sit. *Alv.* In re desperata æudepda sunt omnia. *Alm.* Si morbum non tollet sanguinis mis- sio, saltem erit tolerabilior mors. *Alv.* Miserum solatium est; ra- men agimus, quod agi potest.

SCENA VII.

Xaverius. Antonius.

Antonius. Jam mea calamitas prope apicem attingit. *Xav.* Dicitis ut fidem faciam, Princeps postulas? Eja! huc afferri jube, quotquot in Imperio sunt, aliquibus ærumnis oppressi: in Nomine D. N. J. C. Crucifixi cæci videbunt, surdi audient, claudi ambulabunt, mortui resurgent! Quodsi alia probatio placet, en corpus, en membra! quam prædico veritatem, effuso per extrema tormenta sanguine subsignabo. *Ant.* O DEus, sic Xaverius delirans te amat: quantum amabit sapiens! *Antoni,* sic *ex totis viribus* DEus amatur! tu vires optime ætatis quibus stultitiis consecrasti? O valetudo, dulce beneficium DEI, quam multi te abutuntur in benefactoris injuriam! Domine vitæ, & mortis! Qui male sani sunt, illi, fac, ut ægrotent: Xaverius vires suas pro te impendit, & tu prosternis! Ah! saluum fac servum tuum, Domine, propter te!... propter te!... Fallor! an quiescis, Pater!... Prò! ut sudas! ut anhelas! ut suspiras atrociter! oppido fatigasti te! *Xav.* Ubi fui!... *Ant.* Nosti Antonium tuum, Pater mi! *Xav.* Filius meus es tu, quem in Christo JESU iterum genui: Antonius es. Sitio, mi Antoni, vehementer sitio. *Ant.* Ecce festino, ut aquam hauriam. *Xav.* O mare, amarum mare, quousque a Sina medivides!... Quid autem de Sina somnio! jam mors grassatur in visceribus: migrandum est. O nimium bone Domine! vix aliquot menses supra decennium laboravi in India, & Japonia: & tu jam vocas ad denarium! Ah! amplius vitæ! atque in vita amplius laborum! amplius dolorum! *Ant.* Ecce Pater, aqua limpidissima, unde refrigeres æstum pectoris! *Xav.* Libemus eam Domino, fili mi, Domino! Domino in cruce sitienti! *Ant.* Siccine! atqui ita morieris præ siti! *Xav.* Ita, præ siti moriar, præ siti animarum,
præ

præ siti laborum, præ siti dolorum. Amplius Domine, amplius propter te! *Ant.* At nunc quiesce saltem! misere enim paroxysmus vexavit corpusculum. *Xav.* Frustra quietem Amori imperas. *Ant.* At silentium tamen! *Xav.* Silco. *Ant.* Ego morior ad istos pedes.

CHORUS.

Stultitia Animæ DEUM non totis viribus amantis.

Anima. Caro. Amor DEI. Labor. Dolor.

Anima. Cor meum, & caro mea
Exultaverunt in DEUM vivum! Pf. 83.
 Cantemus Domino, Soror,
 Cantemus, quia usque ad delicias amat nos!
Caro. Redamemus! cantemus!

DUETTO.

O DEUS, ego amo te,
 Amo tencerrime!...
 Eja! rumpe costas pectus,
 Dulcis locum ut affectus
 Habeat amplissimum!
 Ardet desiderium
 Amandi amplius!
 Amplius!

Amor DEI. Satis est, satis verborum:
 Qualis quisque sit in Amore,
 Probat se,
 Non ex more, vel ore,
 Sed ex re,

Q q q q q 3

ARIA.

Exhibetur hortus, ubi anima, & caro spirituali lætitiæ vacant.

A R I A.

Semper amor verus
 Fuit rigorosi
 Examinis res :
 Color est sincerus,
 Quando lacertosi
 Est roboris spes.
 Ante pugnam fortis
 Ipsa inter arma
 Ignavia stat :
 Sed ad umbram mortis,
 Mox abjecta parma
 In fugam se dat.

Anima. Ecce totam, quanta sum, tibi committo me.

Caro. Ut libet, licet Amori cum Anima disponere,
Anima. MODO nihil supra vires velis exigere.

Anima. Apage istud modo!
 DEum necesse est non solum *ex tota anima*,
 Sed etiam *ex totis viribus*,
 Et SINE MODO diligere.
 Verum Amori obstat Amor,
 Quo sororem prosequitur ioror :
 Propterea *non veni pacem mittere, sed gladium*,
 Quo obstantem Amori discindam Amorem.
 Ecce intrant...Eja! si placet Amor!
 Placeant etiam amici Amoris,
 LABOR, & DOLOR.

Caro. Heu! ad me pertinent istæ minaciæ!
 Soror, defende me!

Amor. Vah! fæmineum suspirium!
 Atqui, si vultis vivere in amore,

Viven-

Caro. Vivendum est in labore, & dolore.
Vel ipso nomine occidis me!

A R I A.

Anima. Dulcis vita est amare :

Caro. Tristis vita laborare :

Qui hoc jubet, jubet mori,

Anima. Et succumbere dolori,

Caro. Antequam labor,

Anima. Antequam dolor

Amb. Opprefferint me.

Quem amamus suavis DEUS,

Caro. Pater est! *Anima.* Est Sponsus meus :

Caro. Pater me ad transtra liget ?

Anima. Sponsus me in cruce figet ?

Caro. Non me ligabit,

Anima. Non me damnabit,

Amb. Qui diligit me!

Amor. Scilicet, quem diligitis,
In montem Thabor sequi cupitis,
In monte Calvarie deseritis!...

Dolor. Delicatz!

Si vere amatis, generose amate!

Labor. Amor vester DEUS crucifixus est,

DEUS, quia juventute sua vixit

In labore, & dolore :

Dolor. DEUS, qui in ætatis flore

Animam in cruce pro vobis posuit ex Amore :

Amor. Amor, si Amor est, necesse est,

Ut amantes amato aut inveniat,

Aut faciat similes.

Labor.

Labor. LABOR, & DOLOR huc serviunt:

Dolor. Sunt amoris Artifices.

Ecce Prototypon!

Labor. Tale formamus Eclypon:*

Amor. Hæc nostra officina est.

ARIA ATRIO.

Labor. Ecce! hæc laboris,

Dolor. Ecce! hæc doloris,

Amor. Distante Amore

Tres. Sunt artificia!

Labor. & In his Dilectus videt se,

Dolor. Et placens sibi amat se:

Amor. Ex auri pallore

Taxabit singula.

*Exhibetur Crucifixus in aula plena aureis imaginibus, inter laboris, & doloris parerga.

Caro. Novi Heroes, & æstimo:

Sed nonne plerique per laborem, & dolorem
Sanitatem, viresque prostraverunt,
Et ante tempus illati sunt tumulto?

Anima. Videtis corpus gracile:

Ne subito deficiat, num immerito timeo?

Labor. Nempe vos eritis immortales!

Immo, quantumvis laborem, & dolorem oderitis,
Denique deficietis

Vel ab ipsis deliciis.

Dolor. Sed neque nos effugietis.

Labor, & Dolor, quos fugitis,

Cum comes est Amor:

Sine Amore vos persequentur:

Et tunc fugi, tunc odio haberi merentur.

Labor. Respicite!

* Exhibitio.

Tria

Dolor. Tria se vobis exhibent cæmeteria :
Moriemini ! sepeliemini !
Quod eligatis, dicite.

ARIA A DUETTO.

Dolor. Hic jacent, quos immanibus
Oppressos a doloribus
Aut vinum, aut Venus, aut ira necavit.
Labor. Hic jacent, quos insomnibus
Consumptos a laboribus
In luto, & latere Mundus humavit,
Labor, & Hic jacent, quos Amor Divinus
Dolor. Per nos morte placida
Transtulit ad sidera :
Quod (dicite!) malum est minus ?
Licet eligere :
Eligite !

Anima. Non videmini nihil dicere :
Caro. Sed liceat deliberare !
Labor. Vah ! & hoc sit sapere ?
Dolor. Hoc sit bonum a malo discernere ?
Amor. Hoc sit amare ?
Necesse est mori, non datur exemptio :
Sed ex quo labore, ex quo dolore
Vires, sanitatem, vitam velis absumi,
Datur electio :
Papæ ! num potest esse prudens deliberatio ?

A R I A.

Cereus si saperet,
Euge ! quid eligeret ?
Rrrrr

IN ABACO ludentibus
 An mallet præluere,
 An Numinis honoribus
 IN ARA resplendere ?
 Utrunque se consummeret ;
 Euge! quid eligeret ?

PUNCTUM II.

MORTIS MODUS.

SCENA I.

Alvarus. Jacobus.

Alvarus. **R**Espiro a terrore, quem convulsiones, & deliquia incusserunt. Nervi, credo, ab imperito chirurgo offensi dolore lethali confecissent ægrotum, si diutius torssisset symptoma. *Jac.* Nunc vero somnus, qui jactationi successit, spem vobis convalescentiæ præbet? *Alv.* Optimam: signum est enim, quod missio sanguinis vim æstus febrilis fregerit. *Jac.* Infelix sum! *Alv.* Tu ingemiscis? *Jac.* Quia si moreretur Xaverius, Almeida me in navim reciperet: redire liceret ad meos: liber a jugo forem. *Alv.* Nescis, quid petas, miser! Non potest tibi displicere Xaverius, nisi Christus displiceat. Reverti in mancipatum diaboli est animus tibi? ... hem! silet homo. Igitur nunc intelligo demum, cur te Xaverius in Sancianum adduxerit. Inspexit *animi mobilitatem nempe*, & ut caveret lapsui, abstrahere a periculo voluit: ingens beneficium fecit. Equus effrænis libertas est: sessorem juvenem in omne scelus præcipitem agit. *Jac.* Liber natus sum: servire nolo. *Alv.* DEo vero, velis nolis, servire debes, nisi perire æternum malis. Nemo ex Regibus etiam

etiam ab hac necessitate exemptus est; servi omnes nascimur, Jac. Iterum Almeidam adeo: vix homini, si iterum rejiciat preces! *Alv.* Minaris adeo? Quo te cæcus amor licentiæ abripit? Metue tibi, si forte violenta consilia agitas. Ecce! arma, quibus contra belluas cincti incedimus, in te convertes. Jac. Nihil metuo. *Alv.* Ferox homo est. Jac. Vides hanc rupem? ex hac Almeidam sedentem ad clavum sagittis conficiam, si sine me navigabitis! *Alv.* Quid murmuras?

S C E N A II.

Alvarus. Antonius.

Antonius. Adhuc suavissime Xaverius dormit: spero bene. Amas Sinenses, Domine, qui tantum Apostolum nobis servas! *Alv.* Gratulor! utinam tamen non triumphes ante tempus: malum a convulsionibus time, si redeant. Si ad vesperum tranquillitas duret, tunc exclama. Sed mihi jam major pæne cura est de Jacobo. Fūrit atrociter, & barbaras minas jactat. *Ant.* Scio: o auferte vobiscum hominem! indomabilis indoles molestiis non ferendis fatigat Xaverium. *Per Amorem DEI VINCE TEIPSUM*, Jacobe, centies de die inclamabat Xaverius: *sine pugna* non vinctes, & *sine victoria* non coronaberis! Surdo cecinit: homo post baptismum voluit eadem flagitia licere sibi, quibus idolorum cultor inquinabatur. Stolide nimis *SEIPSUM AMAT*, & *SINE MODO*: itaque nihil negat *vizioso appetitui*, scilicet quia vi opus foret: vim autem sibi facere delicatus pugio nullam vult. *Alv.* Omitte cætera: pernovi hominem, in via fatis, sæpeque admiratus sum Xaverii patientiam, modis omnibus adlaborantis, ut Juvenem DEO excoleret. *Ant.* Odium VITÆ MOL- LIS, si meministi, præcipue inculcabat: adeoque *fugam otii*, & *amorem laboris*, ac *erumnarum*. Negabat enim, quod, *qui mol- liter vivunt*, DEUM ex totis viribus, sicut oportet, ament. *Alv.*

Rrrrr 2

Etiā

Etiam Europæis auribus molesta hæc lectio est, ut adeo de Asiaticis minus mirer. Sed tu fac, ut Almeida Xaverium invitum ne habeat, si abducat Jacobum. *Ant.* Immo auferendus est inscio. Nam nimis amat Xaverius hominem, quanquam *ipsum* Amoris impatientem, quia *virilis* est, quia *mollis* non est. *Alv.* Tu vero solus sufficies nimirum, ut donec offeratur occasio penetrandi ad Sinas, ægroti necessitatibus servias? *Ant.* Date alium ex vestro numero, qui mihi adjutor sit, si quidem vere, uti videri vultis, Xaverius vobis in pretio est. *Alv.* Almeida loquar, ..

S C È N A III.

Antonius. Xaverius,

Antonius. **E**Vigilat. Ut te habes, mi Pater? *Xav.* Bene, fili mi, bene, optime me habeo. Vale Sina, tot votis, tot desideriiis petita mihi! Aliæ te manus colent: ego spectator messis de coelo ero. *Ant.* Animo aberras, Pater! Te, tuas manus, non alias expectat Patria. *Xav.* Tu erras, mi Antoni. Nam ego quidem jam debilitor, & tempus resolutionis meæ instat: bonum certamen certavi, cursum consummavi: in reliquo reposa est mihi corona justitiæ, quam reddet mihi Dominus! ita, in te, Domine, speravi: non confundar in æternum! *Ant.* Nihil de morte loquamur, Pater! Quinquaginta annos nondum habes, & jam vis mori? de vita loquamur, de vita in laboribus agenda usque in supremum senium: tunc maturior coelo eris! *Xav.* Domine! si populo tuo sum necessarius, non recuso laborem: sed quis est necessarius tibi? Centum pro uno operarios, si vis, habes, meliores me: ego Servus inutilis fui! *Jesu Fili David miserere mei!* *Ant.* Bone DEUS, si iste Servus inutilis fuit, quis, & qualis sum ego? *Xaveri,* mitte, obsecro, istas de morte curas: valetudiner cura! *Xav.* Frustra speras: migrare Dominus jubet: venit hora & nunc

nunc est, veni Domine JESU! ecce venio! *Ant.* Heu, quid agam? in tanta imbecillitate tanta contentio utique te occidet? *Xav.* Qui semper EX TOTIS VIRIBUS amare DEum studui, vis, ut in ultimo vitæ actu *viribus parcam*? *Ant.* Ah! mi Pater, aliis ægris præcipitur silentium: vix Sacerdoti sinuntur loqui: immo etiam, qui pios affectus præit, quos æger audiat, jubetur brevis esse, ne vitam, a-junt, decumbenti abbreviet, cujus solus DEus est Dominus: & tu? *Xav.* Tace carnalis sapientia! Nescis, quod DEI Filius clamans *vo-ce magna* exspiraverit?... Qui vitam sibi *per pravorum affectuum incontinentiam* abbreviant, de ira Domini metuant sibi. Qui in tuo obsequio, DEus mi! cui debetur vita, citius moriuntur, quia contentiosius laboraverunt, nunquid reprehenduntur? Intende *remissius* fides citharæ, diutius servabis integras: sed Musica miserrime languebit: ut placeat, adducantur, donec edant sonum, quem res exigit. Rumpentur *citius*; nihil refert, modo rumpantur in obsequio, quod debebant. Ergo INTENDE TEAMOR, & quantum potes, tantum aude, sciens, quia modicum tempus superest. *Ant.* Heu me! nihil proficio: Lusitanos in auxilium voco.

S C E N A IV.

Xaverius solus.

O DEUS EGO AMO TE! nec amo te, *ut salves me*, aut, *ne æternum damnes me*! .. immo erravi! Amo, *ut salves*! amo, *ne damnes*! Equidem non ignis infernalis me incendit, ut amem: sed amo tamen, ne deiciar in locum, ubi Amor æternum exulat! Non splendor Cœli, non divitiæ loci, non delicie incitant, *ut velim salvari*: amo, ut salver, salvari volo, ut amare æternum possim! amo te, *non præmii ullius spe*, quod A TE distinctum sit; amo tamen, quia amare æternum concupisco! Quid? hic
 Rrrrr 3. Amor

*Amor concupiscentiæ est, qui Amoris perfectioni, quem tu mere-
ris, repugnat? Immo lauda anima mea Dominum! Qui sic Amorem
sui cum Amore mei connexit, ut non possim amare ipsum, quin
eodem Amore amem me. VIVO, UT AMEM! Amor est finis
meus, in quo quiesco: Amor beatitudo mea, quæ omne deside-
rium implet, si erit æternus Amor! Finem meum, beatitudinem
meam ut appetam: per omnem actum, tu præcepisti: neque appe-
titus amoris est aliquid aliud, quam appetitus meæ beatitudinis: igi-
tur si amo te, QUA infinite amabilis es, & amo te, UT per Amo-
rem merear æternum amare, simul me, & te amo, & gemini amores
unus sunt Amor, quia cum amo, UT AMEM, me PROPTER TE
amo. Gaude igitur, gaude anima mea! ultimus in hac vita agen-
dus est actus Amoris, qui est ex, & in Amore amati mori: mors
initium Amoris æterni erit. Igitur o felix poenitentia, quam de
amore vanitatum Ignatio Duce mature concepi! O bene suscepti
labores, quos per Europam, Indiam, & Japoniam ex Amore DEI
exantlavi! O jucundæ miserix, quæ in ipso Amoris exercitio me
oppresserunt! Succumbis caro mea! sed plaude tibi! nulli amori
profano, soli Divino succumbis! plaude! Merces DEI amati in
tempore erit DEUS amandus tota æternitate! O merces magna ni-
mis! Coelum meum coelum Amoris erit: hoc solum appeto, nul-
lum aliud: nam sicut tu amasti me, sic amo, & amabo te! Tu amasti
me hoc fine, ut ameris a me: ego amo te hoc fine, ut amer a te. Di-
gnus es Amore æterno, quia REX MEUS es, quia DEUS es! REX,
optimus ERGA ME DEUS, summum bonum IN SE! ... Eja!
jam viscera mors ingreditur! Vale terra! CONSUMMATUM
EST! in Coelum eo! Domine JESU, in manus tuas commendo spiri-
tum meum! ... **

* Fiunt rixæ intra Scenam.



SCE-


SCENA V.

Personæ omnes.

Antonius. **H**eu me! egone funestas rixas moribundo Xaverio referam? *Jacob.* Quid? vos exarmare me! * *Ant.* Obsecro, quo ruis Frater! *Alm.* Lacesis etiam! *Alv.* Pereat ferox bellua! * *Alm.* Habet! *Jac.* Vah! perii! *Ant.* Miserere Coelum! *Xav.* Heu miser! *Ant.* Tantum facinus audetis barbari in oculis Patris! *Alm.* Prior arma strinxit adversum nos! *Alv.* Sua culpa interiit. *Ant.* Contempti Xaverii poenas frater acerbis luis: precare veniam a DEO vindice, adhuc est Pater! *Jac.* Ah dolor! *Ant.* At vos abite ex oculis! ... *Alm.* Ecce cedimus dolori tuo. *Ant.* Immo, juvate sancti Coelites! jam animam Sanctus agit. Pater! *Xav.* JESU! *Ant.* Heu! exspiras! o atrox malum mihi! .. jam egit animam! *Jac.* Egrederere infelix anima! *Ant.* O JESU, esto JESUS Fratri meo! Salvator esto. Pro boni Superi! jam iste quoque vitam finit. Inter geminas mortes ego vivo: unum AMOR DEI, alterum AMOR SUI occidit! ultra mors erit mihi?

O. A. M. D. G.

* Arcum tendens, ** Sclopum exonerans,





RESTITUZIONE del LIBRO ANTICO

REV. G. DI GIACOMO

P. N. 1014

1974

